



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Это цифровая копия книги, хранящейся для потомков на библиотечных полках, прежде чем ее отсканировали сотрудники компании Google в рамках проекта, цель которого - сделать книги со всего мира доступными через Интернет.

Прошло достаточно много времени для того, чтобы срок действия авторских прав на эту книгу истек, и она перешла в свободный доступ. Книга переходит в свободный доступ, если на нее не были поданы авторские права или срок действия авторских прав истек. Переход книги в свободный доступ в разных странах осуществляется по-разному. Книги, перешедшие в свободный доступ, это наш ключ к прошлому, к богатствам истории и культуры, а также к знаниям, которые часто трудно найти.

В этом файле сохранятся все пометки, примечания и другие записи, существующие в оригинальном издании, как напоминание о том долгом пути, который книга прошла от издателя до библиотеки и в конечном итоге до Вас.

### **Правила использования**

Компания Google гордится тем, что сотрудничает с библиотеками, чтобы перевести книги, перешедшие в свободный доступ, в цифровой формат и сделать их широкодоступными. Книги, перешедшие в свободный доступ, принадлежат обществу, а мы лишь хранители этого достояния. Тем не менее, эти книги достаточно дорого стоят, поэтому, чтобы и в дальнейшем предоставлять этот ресурс, мы предприняли некоторые действия, предотвращающие коммерческое использование книг, в том числе установив технические ограничения на автоматические запросы.

Мы также просим Вас о следующем.

- Не используйте файлы в коммерческих целях.  
Мы разработали программу Поиск книг Google для всех пользователей, поэтому используйте эти файлы только в личных, некоммерческих целях.
- Не отправляйте автоматические запросы.  
Не отправляйте в систему Google автоматические запросы любого вида. Если Вы занимаетесь изучением систем машинного перевода, оптического распознавания символов или других областей, где доступ к большому количеству текста может оказаться полезным, свяжитесь с нами. Для этих целей мы рекомендуем использовать материалы, перешедшие в свободный доступ.
- Не удаляйте атрибуты Google.  
В каждом файле есть "водяной знак" Google. Он позволяет пользователям узнать об этом проекте и помогает им найти дополнительные материалы при помощи программы Поиск книг Google. Не удаляйте его.
- Делайте это законно.  
Независимо от того, что Вы используете, не забудьте проверить законность своих действий, за которые Вы несете полную ответственность. Не думайте, что если книга перешла в свободный доступ в США, то ее на этом основании могут использовать читатели из других стран. Условия для перехода книги в свободный доступ в разных странах различны, поэтому нет единых правил, позволяющих определить, можно ли в определенном случае использовать определенную книгу. Не думайте, что если книга появилась в Поиске книг Google, то ее можно использовать как угодно и где угодно. Наказание за нарушение авторских прав может быть очень серьезным.

### **О программе Поиск книг Google**

Миссия Google состоит в том, чтобы организовать мировую информацию и сделать ее всесторонне доступной и полезной. Программа Поиск книг Google помогает пользователям найти книги со всего мира, а авторам и издателям - новых читателей. Полнотекстовый поиск по этой книге можно выполнить на странице <http://books.google.com/>



**ПОЛНОЕ СОБРАНИЕ**  
**РУССКИХЪ ЛѢТОПИСЕЙ,**

ИЗДАННОЕ

ПО ВЫСОЧАЙШЕМУ ПОВЕЛѢНІЮ

АРХЕОГРАФИЧЕСКОЮ КОММИССІЕЮ

ТОМЪ ПЯТНАДЦАТЫЙ.

~~XV~~ ЛѢТОПИСНЫЙ СБОРНИКЪ, ИМЕНУЕМЫЙ ТВЕРСКОЮ ЛѢТОПИСЬЮ.

XV ТВЕРСКАЯ ЛѢТОПИСЬ

Санктпетербургъ.

ВЪ ТИПОГРАФІИ ЛЕОНІДА ДЕМІСА.

1865.

BOD. P. A 147  
15

2441

c.

2


15

= PS. 7.  
U. 12.

BOD: M03A00043



BEQUEATHED TO  
THE BODLEIAN LIBRARY  
BY  
BENEDICT HUMPHREY SUMNER, M.A.  
WARDEN OF ALL SOULS COLLEGE



**ПОЛНОЕ СОБРАНИЕ**  
**РУССКИХЪ ЛѢТОПИСЕЙ,**

ИЗДАННОЕ

ПО ВЫСОЧАЙШЕМУ ПОВЕЛѢНІЮ

**АРХЕОГРАФИЧЕСКОЮ КОММИССІЕЮ.**

---

ТОМЪ ПЯТНАДЦАТЫЙ.

**ЛѢТОПИСНЫЙ СБОРНИКЪ, ИМЕНУЕМЫЙ ТВЕРСКОЮ ЛѢТОПИСЬЮ.**

---

Санктпетербургъ.

—  
ВЪ ТИПОГРАФІИ ЛЕОПИДА ДЕМИСА.

—  
1863.



**ИЗДАНИЕ АРХЕОГРАФИЧЕСКОЙ КОММИССИИ.**



## ОГЛАВЛЕНІЕ.

---

### XV. Лѣтописный Сборникъ, именуемый Тверскою Лѣтописью.

Предисловіе къ Лѣтописному Сборнику, именуемому Тверскою Лѣтописью	Стр. V
<i>Таблица снимковъ.</i>	


I	Хронографъ, глаголемый Лѣтописецъ Русскій. . . . .	Столб. I
II.	Книга, глаголемая Хронографъ, иже зовется по русски Лѣтописецъ, въ ней же повѣсти древнихъ лѣтъ о началѣ Русскія земли . . . .	16
III.	Временникъ Софійскій, иже глаголется Лѣтописецъ Русскихъ князей.	26
IV.	Лѣтописецъ Тверскаго княженія. . . . .	463

---





**ЛѢТОПИСНЫЙ СБОРНИКЪ,**  
**ИМЕНУЕМЫЙ**  
**ТВЕРСКОЮ ЛѢТОПИСЬЮ.**



И 62/10

Летописный Сборник, именуемый Тверскою Летописью, составленъ въ 1534-мъ году, Ростовскимъ селяниномъ, не получившимъ школьнаго образованія, какъ все это видно изъ слѣдующихъ мѣстъ Сборника: нынѣ же азъ начахъ переписывати сіе въ лѣто 7042 (\*) (столб. 108); . . . . . не бо бѣхъ Кіанинъ родомъ, ни Новаграда, ни Владимира, но отъ веси Ростовскихъ областей (столб. 142); . . . . . не имамъ бо многыя памяти, ни научихся дохторскому наказанію, еже съчиняти повѣсти и украшати премудрыми словесы, якоже обычай имутъ ритори (столб. 142).

Материалами при составленіи Сборника, въ которомъ описаніе событій оканчивается 7007 (1499) годомъ, служили:

- 1) Хронографъ, изъ котораго заимствованныя извѣстія помѣщены въ началѣ Сборника;
- 2) Софійскій Временникъ, съ вошедшею въ составъ его такъ называемою Несторовою Летописью, въ которой, впрочемъ, нѣтъ ни сказанія Василія объ ослѣпленіи Василька, ни приписки Сильвестра;
- 3) Новгородская Летопись. Нѣкоторыя изъ событій, прямо касающіяся Новгорода, изложены въ Сборникѣ почти слово въ слово какъ въ первой Новгородской Летописи;
- 4) Суздальская Летопись. На два послѣдніе источника нѣсколько разъ указываетъ самъ составитель Сборника словами: Нов., Влад., поставленными имъ предъ описаніемъ событій.
- 5) Летописецъ княженія Тверскаго. Объ этой Летописи мы узнаемъ изъ Сборника, что она составлена неизвѣстнымъ лицомъ, по повелѣнію Тверскаго великаго князя Бориса Александровича (+ 1461), приказавшаго ему описать время княженія Михаила Александровича, сына Александра Михайловича. При изложеніи событій, предшествовавшихъ вступленію на престолъ Михаила Александровича, составитель Летописи, какъ онъ самъ говоритъ, руководствовался Владимірскимъ политрономъ (столб. 465). Извѣстія, внесенныя въ Сборникъ изъ Тверской Летописи, представляютъ весьма много новыхъ и любопытныхъ данныхъ и становятся особенно важными, начиная съ княженія Ивана Михайловича, тѣмъ болѣе еще, что послѣ первой четверти XV вѣка прекращаются въ Никоновскомъ Сборникѣ подробныя извѣстія о Тверскихъ событіяхъ.

Издаваемый Летописный Сборникъ сверхъ сего иногда сообщаетъ, среди заимствованій изъ извѣстныхъ Летописей, нѣкоторые новые факты, или представляетъ старыя въ иномъ свѣтѣ, какъ напр.: о разводѣ великаго князя Владиміра Святославича съ Рогнедою по принятіи имъ крещенія и о постриженіи послѣдней въ монашество подъ именемъ Анастасіи (столб. 112); объ основаніи тѣмъ же великимъ княземъ Владиміромъ города Владиміра на Клязьмѣ (столб. 113); о смерти въ Новгородѣ перваго архіепископа Іоакима Корсунянина (столб. 146); о

(\*) Ср. также извѣстіе о числѣ лѣтъ, истекшихъ отъ убійства Татарами, въ Переяславѣ, епископа Симеона до года написанія Сборника, столб. 373—374.



томъ, что сочинителемъ похвалы великому князю Дмитрію Іоанновичу Донскому и брату его князю Владимиру Андреевичу былъ Софонія Рязанецъ, Брянскій бояринъ (столб. 440), и др.

Нельзя не обратить вниманія еще и на то обстоятельство, что составитель *Льтописнаго Сборника*, именуемаго *Тверскою Льтописью*, былъ не простымъ переписчикомъ матеріаловъ, имѣвшихъ у него подѣ рукою, но разумно понималъ свое дѣло, чему служатъ доказательства слѣдующія мѣста изъ *Сборника*: Понеже въ иныхъ лѣтописцѣхъ пишеть: и до сего дне, занеже писалъ Георгій лѣтописецъ, а тогда Корсунъ градъ стоялъ; азъ же нынѣ, переписываа его писанія, тако пишу: до взятія Корсунскаго, понеже много лѣтъ мину уже, како Корсунъ разоренъ бысть отъ Руси . . . . . якоже рѣхъ маломъ выше о Корсуні, яко нѣсть его, но и о (и)нихъ о Рускихъ градѣхъ о мнозѣхъ тогда бысть писано: и до сего дне, понеже бысть тако тогда; нынѣ же азъ начахъ переписывати сіе въ лѣто 7042, и тако незгодно написати: и до сего дне; но, не рушаа писанія Георгіева, тако пишемъ: яко и до сего дне, а нѣсть тако, но нѣчто отчасти есть и до сего дне (столб. 108); пишеть же въ *Новгородскомъ лѣтописци* лѣто весною починаеть, а осень и зиму глаголетъ: тоя же осени и зими; азъ же пишу по (и)ндикту начало, и сего ради не согажается лѣты съ нѣми лѣтописци, точію времена мѣсяцемъ въ лѣтѣ изсмастряй, и послѣ коего начала лѣту пишеть, того и лѣта (столб. 285).

Единственная, до сихъ поръ извѣстная рукопись, которая содержитъ въ себѣ такъ называемую *Тверскую Льтопись* и которая послужила оригиналомъ для настоящаго изданія, принадлежитъ *Императорской Публичной Библіотекѣ*, въ которой хранится подѣ № 970, въ отдѣлѣ рукописей, поступившихъ въ нея изъ *Древлехранилища М. П. Погодина*. Она писана въ л., на 197 листахъ, четкою *Бѣлорусскою скорописью* начала XVII-го вѣка, близко подходящую къ полууставному почерку (см. табл. снимковъ), и содержитъ въ себѣ, кромѣ издаваемой *Льтописнаго Сборника* и двухъ статей, которыми онъ заключается: краткою родословіею *Тверскихъ князей*, начиная отъ *Рюрика*, и исчисленія владѣтельныхъ особъ въ Европѣ, Сказаніе о *Доноскомъ бою*, похвала великому князю *Дмитрію Ивановичу* и брату его князю *Володимеру Андрѣевичу* (л. 180 — 197).

Внизу 1-го листа находится слѣдующая подпись: Ex libris G. Zachariae Bozenies . . . . . dapiferii Kiow . . . . . is; а на оборотѣ послѣдняго листа, сверхъ нѣсколькихъ незначительныхъ замѣтокъ разныхъ почерковъ и пробъ пера, стихи, изъ которыхъ мы приводимъ первыя четыре строки:

Отколѣ радости сея есть новина?  
Ввесь свѣтъ триумфуетъ вѣчная година,  
Древа, горы, холми каменные спали  
Zdobial округъ свѣта плакать занежали.

На полѣ рукописи нерѣдко встрѣчаются замѣтки на *Польскомъ языкѣ*, писанныя почеркомъ XVII вѣка и заключающія въ себѣ краткое содержаніе тѣхъ событій, передъ которыми онѣ помѣщены. Во многихъ мѣстахъ рукописи не только нѣтъ послѣдовательности въ происшествіяхъ, но даже и смысла, вслѣдствіе того, что лице, переписывавшее сборникъ, не обратилъ вниманія

на то, что въ оригиналь листы перепланы, переписало ихъ сплошь. П. М. Строевъ, которому принадлежала рукопись до поступленія ея въ Древлехранилище Погодина, трудился надъ приведеніемъ въ порядокъ ея содержанія и записки ою, написанныя на ея поляхъ, во многомъ облегчили трудъ изданія. Вообще слѣдуетъ замѣтить, что переписчикъ былъ довольно безграмотенъ; пропуски словъ, словъ и цѣлыхъ фразъ встрѣчаются часто. Всѣ дополненія, внесенныя въ текстъ, заключены въ скобки, а мѣста испорченныя, но исправленныя, означены въ подстрочныхъ выноскахъ. Въ изданіи сохранены всѣ особенности языка рукописи, какъ синтаксическія, такъ и орфографическія.

XV томъ Полнаго Собранія Русскихъ Лѣтописей приготовленъ къ изданію Главнымъ Редакторомъ Лѣтописей и Членомъ Археографической Комиссіи Бычковымъ, при содѣйствіи ея Корреспондента А. К. Рѣшеткина, принявшаго на свой счетъ всѣ издержки по напечатанію этого тома.











## XV.

# ЛѢТОПИСНЫЙ СБОРНИКЪ,

ИМЕНУЕМЫЙ

## ТВЕРСКОЮ ЛѢТОПИСЬЮ.

Хронографъ, глаголемый лѣтописецъ  
Рускій.

Отъ Адама до потопа лѣтъ 2242.

А исшествіе Ноево изъ ковчега мѣсяца априля 24.

А отъ потопа до размѣшенія языкъ 530 лѣтъ.

А отъ размѣшенія языкъ до начала Авраам-  
ля лѣтъ 552.

А отъ Авраама до пріятія Жиновского, про-  
шедше сквозъ Чръное море, лѣтъ 505.

А отъ исхода сыновъ Израилевъ до умер-  
твья Давыда царя лѣтъ 630.

А отъ начала царства Соломона до взятія  
Іерусалимскаго лѣтъ 100, 443.

А отъ плѣненія Іерусалимскаго до умертвья  
Александра царя Макидонскаго лѣтъ 261.

А отъ умертвья Александрова до царства Ав-  
густа Римскаго царя и до убіенія Клеопат-  
рина лѣтъ 290.

А отъ начала царства Августа царя до рож-  
дства Великаго Царя небеси и земли, Господа

Бога и Спаса нашего Ісуса Христа, иже цар-  
ствію Его нѣсть конца, лѣтъ 42.

Въкупѣ же отъ Адама до потопа родовъ 10.

А отъ потопа до Авраама родовъ 10.

А отъ Авраама до Давыда родовъ 14.

А отъ Давыда до преселенія Вавилонскаго  
родовъ 14.

А отъ преселенія Вавилонскаго до Христа  
родовъ 14.

Всѣхъ же родовъ отъ Адама до Христа 62,  
а лѣтъ полшесты тысячи.

О пророцѣхъ. Іовъ предвари рождество  
Христово за 1900 лѣтъ и 25; Моисей за 1070  
лѣтъ; Самонъ за 1035; Соломонъ за 1002  
лѣтъ; Ілія за 816 лѣтъ; Іеремія за 620 лѣтъ;  
Іезекія за 477 лѣтъ; Аггей же и Захарія за  
70 лѣтъ; Даниль же за 360 лѣтъ.

Въ лѣто 5504, мѣсяца марта 25, благовѣсти  
архаггелъ Гавріиль радость святѣй Богородици  
и спасенія всему миру въ недѣлю, въ 2 часа дни.  
Пришедши ей на кладязь почръпъсти воды, и  
яко почръпе водоносъ свой, и възглагола ей<sup>1</sup>

(1) Въ подлинникѣ: не.  
Т. XV.

аггелъ: радуйся, обрадованнаа, Господь съ тобою! Она же, озрѣвшия сѣмо и овамо, и никого же видѣ, токмо слыша, и въземъ водоносъ свой, идяше и двящися въ умѣ своемъ, глаголющи: что се будетъ гласъ сій, еже слышахъ, а никого же видѣхъ? И пришедъ въ Назаретъ, приде въ домъ, и сѣдши нача скати шелкъ червенатой, а по жиловскы кокинъ, и ту явися ей аггелъ, но яко челоуѣкъ, и тогда благовѣсти ей рождество Христово, яко хошетъ изъ неа Богъ Слово родитися. Отъ Назарета же до кладязя того яко мощно каменемъ врѣгнути.

Роди же ся Господь нашъ Исусъ Христосъ въ лѣто 5505, мѣсяца декаврія 25, въ пятокъ, въ 7 часъ дни, въ 42 лѣто Августа кесара, и крестися въ лѣто 5532, мѣсяца генуарія 6, въ 7 часъ нощи, въ 15 лѣто владычества Тиверія кесара, кругъ солнцу 16, а луны 3.

Отъ рождества же Христова до Спасныа страсти лѣтъ 33 и полъ; крестися тридесѣтолѣтень по рождествѣ отъ Іоанна въ Іорданнѣ. Іорданъ рѣка пала во море Содомское, еже зовется море Мертвое: нѣсть бо въ немъ ничтоже живое, ни рыбы, ни жука, ни чрва; а которую рыбу Іорданская вода вонесетъ, въ той часъ море изврѣже тую мертву. То же море отъ Христа збѣжало съ мѣста своего четири версты, и на томъ мѣстѣ трава не ростетъ и донынѣ.

По крещеніи же Христосъ ходилъ три лѣта и полтора мѣсяца, проповѣдаа царствіе Божіе и чюдеса веліа творя. И възкреси Лазора изъ мертвыхъ въ субботу, 24 марта, а въ недѣлю въніде въ Іерусалимъ пріяти страсть волную. Ятъ же бысть Господь нашъ въ четвертокъ, въ 22 марта, въ 5 часъ нощи, ядше фаску; поругашася ему, приведше отъ Пилата. Тогда бо бяше Евреомъ фаска въ 30 марта, въ пятокъ; глаголетъ бо писаніе: поставиша знаменіе по сердцю праздника своего, и не разумѣша знаменіе, еже есть крестъ.

И въ кій часъ Исусу бывшу у Пилата во въпрошеніяхъ, а они тогда яко пси мрътвечину рваху, тако они, фаску жруше, на убійство Христово спѣшаху. Егда испросивше его у Пилата на смерть, тогда немилостивно мучиша его воины, суще піани.

И распяша его въ лѣто 5535, мѣсяца марта 30, во 6 часъ дни. А възкресе Господь нашъ Исусъ Христосъ, Сынъ Божій, мѣсяца априліа въ 1 день, въ 7 часъ нощи; свитаючи дни недѣльному, явися женамъ. И възнесеса Господь на небеса къ Отцу, идеже бѣ и прежде, мѣсяца маа 20, въ четвертокъ, въ 2 часъ дни. Присла же Духъ Святый на святыа своа ученики и апостоли въ день 50, въ недѣлю, въ 3 часъ дни. А мѣсяца іюня 15 раздѣлишася апостоли въ страны вселенныа учити вѣры Христовы: иже вѣру иметъ, спасень будетъ, а иже не иметъ вѣру, осужденъ будетъ.

И по успеніи же святыа Богородица, апостоли Христови меташа жребіа, которому во которую страну пойти учити вѣрѣ Христови. Петру же паде жребій западнія страны освятити; Андрею, брату его, вѣсточныа; и училъ святый апостолъ Андрей около Понтыскаго моря, градъ Византию, Синопію, градъ великій Херсонъ, Трапезонть, и Кафу, и Азовъ, и оттолѣ пошолъ и нашелъ устіе Днѣпрское, и пошелъ по Днѣпру въ врѣхъ, и нашелъ горы высоки, и ночева тутъ; и наутріа рече ученикомъ своимъ: «видите ли горы сіа? яко на сихъ горахъ будетъ градъ великъ, и Христосъ славимъ хоче быти въ немъ, и цркви многы въ немъ будутъ и Божіа благодать будетъ на мѣстѣ семъ.» И благослови мѣсто то, и постави крестъ, идеже нынѣ градъ Кіевъ. И оттолѣ пошелъ по Днѣпру въ врѣхъ до Ловоты, и по Ловоти, и пакы въніде въ Ильмеръ озеро великое; и пришедъ благослови мѣсто, идеже нынѣ Новгородъ, а людіе сидаще подлѣ озера, и такоже къ ученикомъ рече: «яко будетъ здѣ градъ великъ и цркви божественныа многы.» И оттолѣ пошолъ въ море

Варѣаское, и въ Пелопоннѣ островъ распять бысть.

А отъ воскресенія же Христова до 1-го лѣта царства Костантина великого царя лѣтъ 272.

А отъ начала царства Костантинова до прѣваго сбора Никійскаго лѣтъ 12.

При семъ же велицѣмъ царіи Костантинѣ бысть прѣвый сборъ въ градѣ Никейстѣмъ, святыхъ отецъ 318, а патріархъ былъ Александръ Царяграда, на Аріа злочестиваго, сзѣданіе и тварь Сына Божіа глаголюще; мѣсяца мая въ 22. Умре же великій царь Костантинъ 65 лѣтъ. Се же о немъ явимъ въ кратцѣ, кто' бѣ съи Костантинъ. Бѣаху владѣюще западною страню, рекше Римскою, тріе мужи, и аще который умретъ, и они иного поставятъ въ того мѣсто, и того владѣли 460 и 18 лѣтъ. Бѣаше же у единого отъ тѣхъ трій мужій и жена непраздна, и въ немощь въпаде въ смертную; жена же умре, а младенецъ трепетааше въ утробѣ ея. Боляре же, взявше ножъ, пропороша чрево ея, и выняша младенца жива и нарекоша имя ему Іулій Кесарь; и той Іулій Кесарь възрастъ, да своихъ двою товарищевъ убилъ; бѣ бо правомъ гнѣвливъ; ростомъ малъ и чернъ, очи велицѣ. Бѣ у него воевода именовъ Антоній, и обручи за него сестру свою Октавію, и посла его на Птоломѣа, Египетскаго царя, и на его дщерь Клеопатру мудрую. Онъ же шедъ и въ мѣсто брани смиреніе възлюбилъ; посла бо ко нему Клеопатра, глаголющи: «како хочеша, съ кровію ли или безъ крове, градъ пріати?» Онъ же рече: «безъ крове;» и посагну за него<sup>1</sup> Клеопатра мудраа, дщи Птоломѣа Прокаженнаго. И то увѣда Августъ, разгнѣвася на Антоніа и на Клеопатру, и не точію за оступленіе, но и за обруганіе сестры своеа Октавіи, и вдасть Октавію за Антипатра Иродовича, избившаго младенца. Поиде Августъ съ зятемъ Антипат-

ромъ воевати въсточныа страны, и то слышавъ Антоній, събра воа многы, Персы, и Миды и Ливію, и бысть имъ бой на мори, и отъ множества крове не бѣ знати воды, и тако убіенъ бысть Антоній, Клеопатру же яша живу. Въсхотѣ же Августъ привести ея живу въ Римъ на показаніе сестри своей Октавіѣ, и повелѣ твердо стрещи ея; она же видѣвши себе плѣнену, и усмотривши, яко нѣсть ничто же славы честивѣйши, изволи тайную смерть сѣтворити себѣ, нежели плѣнницею зватися, и припусти къ себѣ двѣ скорпіи, ихъ же носаше въ сосудѣ въ пазусѣ своей, и утрави себе ими, и уядена бысть, и тако съмерть пріа. Августъ же много истощеніе дасть воинномъ, стрегущимъ ю, о несъхраненіи ея; повелѣ же тѣло ея помазати змирною, дабы могли цѣло показати въ Римѣ тѣло ея. А и оттолѣ нача Іулій воевати въсточныа страны, Антиохію Великую, и Селевкію (и) Іерусалимъ, да поима грады многы и покори подъ свою власть. И родися у него сынъ Августъ кесарь, и царствовалъ 52 лѣта; при томъ Августъ бысть рождество Христово.

Потомъ Тиверій же царствова въ Римѣ кесарь; при томъ распятся Господь нашъ Ісусъ Христосъ. По Тиверіи же царствова въ Римѣ Неронъ царь. По Неронѣ царствова Евспасіанъ, сынъ его. По Испасіанѣ царствова сынъ его Титъ; той Титъ взялъ градъ Іерусалимъ, три стѣны разбилъ и Жидовъ расточилъ по многымъ градомъ; оттолѣ нѣтъ у Жидовъ никакова града своего.

Потомъ же, по многыхъ лѣтѣхъ, царствова въ Римѣ злочестивій Діоклитіанъ и зять его Максиміанъ; и тѣ мучители мучивша многыхъ святыхъ мученикъ: Діоклитіанъ святаго Георгіа, а Максиміанъ святаго Димитріа въ Солунѣ, въ лѣто 6802; и во Никомидію пришедъ, двѣ тѣмъ мученикъ огнемъ сѣжели. И въ Севастіи 40 мученикъ при ихъ же власти

(1) Въ подлинникѣ: кто. (2) Тамъ же: за во.

мучены, и иныхъ многихъ мученикъ мучили. А Максиміану царю была сестра Феодора за Костею за Зеленымъ, за отцемъ Костантина царя благочестиваго; да Костантинъ царь великій родися у Консты не отъ тое Феодоры, но отъ Елены благочестивыя. Прилучися дѣло таково: царь Діоклитіанъ и Максиміанъ послали того Консту Зеленого на Прѣсидскую землю миръ взяти съ Прѣсидскимъ царемъ; и прилучися ему, идучи, ночевати въ градѣ Серпѣи, у гостинника у Феодора именемъ, и захотѣлося ему плотскаго<sup>1</sup> смѣшенія. Гостинникъ же дасть ему на ночь дщерь свою Елену, красну сущу, и тое нощи зачался у неа младенецъ. Конста же превысокій, поидя отъ гостинника, и оставилъ Еленѣ ризу царскую и прѣстень златъ, да пошелъ на восточную страну, рекше на Персидскую, и тамо пришедъ посолство исправилъ и миръ вѣчный взялъ, и възвратися въ Римъ инымъ путемъ, и бысть отъ царей въ чти величій. А у Елены доиде время, и родися у неа сынъ, и нарекоша имя ему Костантинъ, и живяше съ матерію; гостинникъ же Елены не далъ замужъ, но кормяше ю съ младенцемъ.

Потомъ же царь Діоклитіанъ и Максиміанъ поидоста царствовать въ Никомидію, а Римъ поручили Констѣ Зеленому; и потомъ (посла) Конста пословъ своихъ на Прѣсидскую землю, и прилучися имъ ночевати у того же гостинника. Дѣтескъ же Костантинъ, играа, въсѣде на пословъ конь; они же, видѣвше его тако дръзновенна, досадиша ему; онъ же, расплакався, пожаловася матери своей Еленѣ; она же, пославши къ посломъ ризу царскую и прѣстень златъ, рече: «егоже есть риза и прѣстень, то того есть сынъ сый.» Они же, видѣвши ризу и прѣстень, убояшася зѣло и едва укротиша младенца; и шедше на Прѣсидскую землю и взяша миръ, и придоша въ Римъ, и сказаша Констѣ царю про Елену и про сына ея. Конста же по-

сла по Елену и по сына ея, и приведе ю въ Римъ съ великою честію, и дасть ей полату особную, и любяше ю паче царицы Феодоры. И потомъ умираа остави царство Римское Константину сыну своему. И царствова великій царь Константинъ въ Римѣ, и нача искати благочестія, и приведе заточеныя христіаны отъ темницъ, иже заточили злочестивіе царіе Діоклитіанъ и Максиміанъ, и нача искати православныя христіанскія вѣры; и въ то время бысть ему болѣзнь люта, яко не мощи врачемъ исцѣлѣти ея; и съвѣщаша цару врачеве, да вся прѣвородныя младенца повелѣть заклати и кровь ихъ точити во едину лохань, и тою кровію измытися ему и отъ недуга премѣнитися; онъ же повелѣ тому быти. И възсхавшися отъ ложа и видѣ полкъ женъ стоящъ великъ зѣло, плачущъ велими, и въпроси: «что суть сѣ?» Они же сказаша ему, яко матери суть принесше своя младенца, иже хотятъ порѣзани быти твоего ради здравія. Онъ же рече: «хочу да сѣ живи будутъ;» и о ту нощъ явистася ему Христова апостола Петръ и Павелъ, рекоста: «Господь посла насъ исцѣленіе тебѣ съвѣтомъ дати<sup>2</sup> сицевымъ: понеже не проліа кровь невинную, и сего ради Господь помилова тя, якоже и ты толико матерей помилова и съчады, и не послушалъ еси злыхъ врачей твоихъ, хотѣвшихъ погубити душу твою въ рвѣ погыбели, и<sup>3</sup> нынѣ да призовеши епископа Римскаго Селивестра именемъ, крыющагося страха ради мучителей, и речеть ти слово истинны, и породитъ<sup>3</sup> тя водою и духомъ баинею пакы бытіа, и дасть ти печать въсыновленія Божія, и отъ недуга твоего премѣнитися;» и сѣя рекши невидима быста отъ него. Въ утрѣи же Костантинъ, призвавъ Селивестра папу Римскаго, и сказа ему (явл)еніе. Селивестръ сказа ему все по ряду православную вѣру христіанскую, и огласивъ его,

(1) Въ подлинникѣ: плодскаго. (2) Тамъ же: ии. (3) Тамъ же: породито.

и крести въ имя Отца и Сына и Святаго Духа. Царь же крестився, и оттолѣ болю начать искати православіа. И потомъ поиде въ Греческую землю ко граду Византии, и взялъ его, и създа въ Византии мѣсто градъ въ имя свое, и нарече его Костантиноградъ, и нача царствовать въ немъ и утвержати вѣру христіанскую.

И потомъ нѣкто прозвиреть, именовъ Арій, нача хулы дѣлати на Сына Божіа и называти тварію. Царь же Костантинъ събра вселенскій съборъ въ градѣ Никен, святыхъ отецъ 318, въ нихъ же бѣ старѣйша собору Сильвестръ, папа Римскій, Александръ, патріархъ Царяграда, Витъ и Викентіе и Макарій отъ Ерусалима, и Увеналій отъ Египта, и Николае отъ Миръ, и Спиридонъ Тримифійскій, и отвергли Аріа еретика, и прокляша и единомысленіи его, и утвердиша православную вѣру христіанскую, и оттолѣ нача простиратися вѣра христіанская. И на томъ съборѣ изложиша исповѣданіе православныя вѣры: Вѣрую въ единого Бога. Умре же Костантинъ царь великій, звѣздъ провозвѣстивши смерть его, отравленъ навѣтомъ братіи своеа, дѣтей Θεодориныхъ, сый лѣтъ 65; остави же 3 сыны своа: Консту, и Константіа и Константа; въ Римѣ остави Консту, а въ Новѣмъ Римѣ Константіа, въ Антиохіи же Константа.

По Костантинѣ же царствова сынъ его Костантинъ; тѣмъ избыненнымъ на ратехъ своимъ<sup>1</sup> неустроеніемъ.

По Костантинѣ же царствова Іуліанъ Законопреступникъ, иже на христіаны велико томленіе показа и многыа мученикы сътвори, въ нихъ же великоименный Артемій, дука Александрійскій, и иныи мнози. При томъ бысть Василій Великій и Григорій Богословъ.

По Іуліанѣ же царствова Іулій, таже Гратіанъ. По Гратіанѣ же Іуалентъ, потомъ Великій Θεодосій, православный; по немъ Аркадій,

сынъ его. При семъ бысть великій Златоустъ. По Аркадіи же царствова сынъ его Θεодосій Юный, глаголемый доброписецъ, иже крести его великій Златоустъ.

Отъ 1-го же събора до втораго лѣтъ 60. Бысть же сый съборъ въ Костантиноградѣ, при велицѣмъ цари Θεодосіи, святыхъ отецъ 150, на Македоніа духоворца; а патріархъ Нектарій, и Богословъ Григорій отъ Навзіанза и Григорій Нисскій.

А отъ втораго събора до третіаго лѣтъ 50. Сый святой третій съборъ бысть во Ефесѣ, при цари Θεодосіи Юнѣмъ, святыхъ отецъ 200, а патріархъ Кирилъ Александрскій, на Несторіа злочтиваго, патріарха бывша Царяграда, чловѣкослужбника.

Отъ третіаго же събора до четвертаго лѣтъ 10. Сый<sup>2</sup> святой четвертый съборъ бысть при Маркіанѣ цари, въ Халкидонѣ<sup>3</sup>, а патріархъ былъ Анатолій Константинограда, на Діоскора, и Еutihia и Севгира, а святыхъ отецъ 630.

Отъ четвертаго же събора до пятаго лѣтъ 100. Сый бысть святой пятый съборъ при велицѣмъ цари Іустиніанѣ, въ Цариградѣ второе, святыхъ отецъ 165, а патріархъ Константинограда Евтихіе, на суетмысленаго Оригена.

Отъ пятаго же събора до шестаго лѣтъ 130. Сый бысть святой шестой съборъ при цари Костантинѣ Брадатѣмъ, въ Цариградѣ третіе, святыхъ отецъ 170, а патріархъ былъ Константинограда Георгіе, на Сергіа, и Цвѣра и Макаріа.

Отъ шестаго же събора до седмаго лѣтъ 122. Сый святой седмый съборъ бысть при цари Костантинѣ, сынѣ Леоновѣ, и матери его Иринѣ, второе въ Никен, въ 11 октября, святыхъ отецъ 367, а патріархъ былъ Тарасій Царяграда; събравшеся на отмѣтающихся поклоненіа святыхъ иконъ. Въ то время бысть

(1) Въ подлинникѣ: своихъ имъ. (2) Тамъ же: быше же сый. (3) Тамъ же вынесено на поле: 16-го іюля.



притча сипева: азъ есмь Анаскаридъ, жрецъ бога Аполлона, вѣмъ, что не то Богъ истинный, но то Богъ, иже родится отъ пречистыя дѣвицы Маріама, да вѣрую въ оны; солнце видиши мя паки и узриши мя при цари Костантинѣ и Иринѣ. И събытся пророчество его за полторы тысячи лѣтъ. Въ Костантинѣградѣ начаша здати храмъ Святаа Святыхъ, и во подошвѣ обрѣли гробъ; въ гробѣ на прѣстни золотѣ написано пророчество его. При Костантинѣ цари и матери его Иринѣ благовѣрное чааніе начатъ бывати, и судъ пріати начало съ дръзновеніемъ, и слову Божію разширятися, и монастыремъ съ всею тишиною съзидатися. Въ долнихъ же стѣнахъ, рекше притвори Фракійскаа, человекъ нѣкій, копаа, обрѣте раку написану: Христосъ хошетъ родитися изъ Маріа Дѣвы, и вѣрую въ оны; при Костантинѣ же и Иринѣ, при правовѣрныхъ царѣ, о солнце, паки мя узриши.

А отъ седмаго събора до преложения священныхъ книгъ отъ Грекъ на Словенскій языкъ святымъ Кирилломъ философомъ лѣтъ 77.

Купно же отъ Адама до Христа 5505 лѣтъ.

А отъ Христа до Михаила благочестиваго царя лѣтъ 856.

А отъ Михаила до крещенія Болгарскіа земля лѣтъ 17.

А отъ крещенія Болгарьскаго до преложения книгъ на Словенскій языкъ лѣтъ 22.

А отъ преложения книгъ до крещенія Рускіа земли лѣтъ 78.

Купно же отъ Адама до крещенія Руского лѣтъ 6496.

А до Михаила отъ Адама лѣтъ 6360.

А отъ перваго лѣта Михаилова царства до Олга князя Рускаго, иже прѣвое нача княжити въ Кіевѣ, лѣтъ 22. А отъ Олга до Игоря лѣтъ 31. А отъ Игоря до Святослава, сына его, лѣтъ 33. А отъ Святослава, сына его,

до Ярополка, сына его, лѣтъ 28. А Ярополкъ княжилъ 8 лѣтъ. А Володимѣръ княжилъ 37 лѣтъ. А Ярославъ<sup>1</sup> княжилъ сынъ его 40<sup>2</sup> лѣтъ.

Купно же отъ прѣваго князя Олга, иже сѣде прѣвое въ Кіевѣ, до крещенія Руской земли 4 князи; а княженія ихъ 102 лѣтъ.

А Рюрикъ княжи въ Новѣгородѣ 17 лѣтъ до Олгова княженія. А всего княженія до крещенія 127 лѣтъ. А по крещеніи Володимѣръ княжи 27 лѣтъ, а до крещенія 8 лѣтъ.

По немъ Святополкъ княжи 3 лѣта.

Ярославъ княжи 40 лѣтъ.

Изяславъ княжи 23 лѣта.

Всеволодъ Ярославичъ княжи 15 лѣтъ.

А Михайло, нареченный Святополкъ, княжи 20 лѣтъ.

Володимѣръ Всеволодичъ Мамамахъ княжи 12 лѣтъ.

Вячеславъ княжи 4 мѣсяци.

Всеволодъ Ольговичъ княжи 8 лѣтъ.

Изяславъ Мстиславичъ княжи лѣто едино.

Братъ его Ростиславъ княжи 6 мѣсяць.

Юрій княжи Долгорукий 3 лѣта.

Андрѣй Боголюбывый княжи 17 лѣтъ.

Ярополкъ княжи Ростиславичъ лѣто едино.

Михалко княжи лѣто.

Всеволодъ Юріевичъ княжи<sup>3</sup> 37 лѣтъ.

Юрій Всеволодичъ княжи 5 лѣтъ.

Костантинъ Всеволодичъ Ростовскій княжи 2 лѣта. Паки по смерти его Юрій княжи 17 лѣтъ. Всего оба княжили 25 лѣтъ.

Ярославъ, братъ ихъ, Новгородскій, по Батыевѣ рати, 2 лѣта.

Святославъ Всеволодичъ, братъ ихъ, княжи 2 лѣта.

Андрѣй, братъ ихъ, княжи 3 лѣта.

Александръ Ярославичъ Невскій княжи 8 лѣтъ.

Василей Ярославичъ, братъ ихъ меншій, княжи 5 лѣтъ.

(1) Въ подлинникѣ: ярославъ. (2) Тамъ же на поля написано: 35. (3) Тамъ же: княжилъ.



Димитрій Александровичъ Невскаго княжи 5 лѣтъ. Вкупѣ съ братомъ Андрѣемъ перемогались 8 лѣтъ. Андрѣй по братѣ княжи 11 лѣтъ. Сынъ Александровичи княжили 28 лѣтъ.

Михайло Ярославичъ Тверскій княжи 12 лѣтъ.

Юрій Даниловичъ княжи 4 лѣта.

Дмитрій княжи 3 лѣта.

Александръ княжи Михайловичъ<sup>1</sup> 2 лѣта.

И паки сице отъ Андрѣевы смерти 11 лѣтъ.

А отъ Кавадыевы смерти до Федурьчуковы смерти лѣтъ 10. И по Федорчуковѣ смерти Иванъ Даниловичъ княжи 2 лѣта.

Семень Ивановичъ княжи 14 лѣтъ.

Иванъ Семеновичъ княжи 7 лѣтъ.

Дмитрій Суздальскій княжи Костантеиновичъ лѣтъ 3.

Димитрій Ивановичъ Донеской княжи 27 лѣтъ.

И Василей княжи сынъ его 12 лѣтъ.

Василей Василевичъ княжи 37 лѣтъ.

Иванъ Василевичъ княжи 39 лѣтъ.

Василій Ивановичъ княжи 31 лѣто.

Сице славятся Русьстии князи:

Пръвый князь на Руской землѣ Рурикъ, пришедъ изъ Нѣмецъ.

И Рурикъ же роди Игоря.

Игорь роди Святослава.

Святославъ<sup>2</sup> роди Владимира Великаго, иже крестися самъ и всю землю Рускую крести.

Владимиръ роди Ярослава.

Ярославъ роди Всеволода.

Всеволодъ роди Володимера Манамаха.

Володимеръ роди Юрія Долгорукаго.

Юрій роди Всеволода Великаго Гнѣзда.

Всеволодъ роди Юрья да Ярослава.

Ярославъ роди Александра Храбраго.

Александръ роди Данила, пръваго Московскаго.

Даниль роди Ивана Калиту, иже испра-

ви<sup>3</sup> Рускую землю отъ татей и отъ разбой-  
никъ.

Иванъ Калита роди Семіона.

Семеонъ роди Ивана.

Иванъ роди Димитрія, иже былся за До-  
номъ съ Мамаемъ.

Димитрій роди Василя.

Василей роди Василя, иже ослѣпленъ былъ.

Василій роди Ивана.

Иванъ роди Ивана.

Тотъ Иванъ роди Димитрія, внука Ива-  
нова, а княжилъ Василей Ивановичъ, и роди  
Василя, Ивана и Юрія.

Ино родословіе тѣхъ же князей.

Сынъ Руриковъ Игорь.

Игоревъ сынъ Святославъ.

Сынове Святославли: Ярополкъ, Олегъ, Вла-  
димеръ Великій.

Сынове Володимирови: Вышеславъ, Стани-  
славъ, Ярославъ, Судиславъ, Святославъ,  
Изяславъ, Мѣстиславъ, Всеволодъ, Святополкъ,  
Борисъ, Глѣбъ.

Сынове Ярославли: Володимеръ, Изяславъ,  
Святославъ, Вячеславъ, Всеволодъ.

Сынове Всеволожи: Володимеръ Манамахъ,  
Ростиславъ.

Сынове Володимировы Манамаховъ: Яро-  
славъ<sup>4</sup>, Ярополкъ, Вячеславъ, Всеволодъ<sup>5</sup>,  
Юрій, Андрей.

Сынове Юріевы Долгорукаго: Ярославъ,  
Ростиславъ, Андрѣй Боголюбскій, Михайло,  
Всеволодъ, Борисъ, Глѣбъ, Мстиславъ, Ва-  
силко.

Сынове Всеволожи Великаго Гнѣзда: Ко-  
нстантинъ Ростовскій, Юрій, Ярославъ Юріев-  
скій, Володимеръ, Гаврило, Василей.

Сынове Ярославли: Александръ Невскій,  
Ярославъ Тверскій, Андрѣй, Константинъ,  
Афанасій, Данило, Михайло, Василей.

Сынове Александрови Невскаго<sup>6</sup>: Димитрій

(1) Въ подлинникѣ, по ошибкѣ: даниловичъ. (2) Тамъ же: святославъ. (3) Тамъ же: исправся. (4) Тамъ же: ярославъ. (5) Тамъ же: всеводъ. (6) Тамъ же: невскаго.

Переяславскій, Андрей Городецкій, Василей Костромскій, Данило Псковской, иже и прѣвый Московскій.

Сынове Даниловы: Юрій великій, Иванъ, Борисъ, Семень, Александръ, Афанасій.

Сынове Ивановы Калитины: Семень, Данило, Андрей, Семень, иже родися въ Кавдыеву рать, и по двою лѣту Данило, и по десяти лѣтъ Іоанъ, и по 12 Андрей.

Сынове Семеновы: Василей, Константинъ отъ Настасіи, а отъ Маріи: Данило, Михайло, Іоанъ, Семень.

Сынове Ивановы: Дмитрій, Іоанъ. А Володимеръ Андрѣвичъ внукъ Калитинъ.

Сынове Дмитріевы: Василей, Юрій, Иванъ, Семень, Андрѣй, Петръ, Константинъ.

Сынове Василиевы: Юрій, Иванъ, Данило, Семень, Василей.

Сынове Василиевы Василиевича: Иванъ, Юрій, Андрей, Борисъ, Андрей.

Сынове Ивановы Василиевича: Иванъ, Василей, Юрій, Дмитрій, Семень, Андрей.

Сынъ Ивановъ Дмитрей.

Сынове Василиевы: Иванъ, Юрій.

О княженіи Кіевскомъ и о князехъ ихъ. Прѣвый Игорь, его же убиша Древляне; по немъ сынъ его Святославъ; по Святославѣ сынъ его Ярополкъ, потомъ Владимиръ, убивъ Ярополка.

По крещеніи же: по Владимирѣ Святополкъ, сынъ Владимировъ; по немъ Ярославъ, согнавъ его. По смерти же Ярослава Владимировича останася 3 сыны его: Изяславъ, Святославъ, Всеволодъ, и раздѣлиша землю; взя<sup>1</sup> болшій Изяславъ Кіевъ, и Новгородъ и нныя грады Кіевского предѣла, а Святославъ Черниговъ и всю страну восточную и до Муромъ, а Всеволодъ Переяславъ, Ростовъ, и Суждадь, и Вѣлоозеро, и Поволжіе; и убиша Изяслава на бою Половци. Святославъ умре и сѣде Всеволодъ въ Кіевѣ. По смерти его

сѣде Святополкъ Изяславичъ. По смерти того сѣде Володимеръ Манамахъ, сынъ Всеволожъ, и по немъ сынъ его Мъстиславъ, а по смерти Мъстислава<sup>2</sup> братъ его Ярополкъ; а по смерти Мъстислава Володимеровича Манамахова сѣде Всеволодъ, сынъ Олговъ, и потомъ Вячеславъ со Изяславомъ. По смерти же Изяслава Юрій Володимеричъ Манамаховъ Долгорукій, и прогнаша его, и сѣде Ростиславъ Мъстиславичъ.

О князехъ Новгородскихъ, кои княжили по Великомъ Володимерѣ<sup>3</sup>. По крещеніи прѣвый князь въ Новѣгородѣ Вышеславъ Володимеровичъ, по немъ Ярославъ Володимеровичъ же. Ярославъ же бився съ Святополкомъ, по смерти отца своего, и одолѣ ему, и сѣде въ Кіевѣ; посади въ Новгородѣ Константина Добрынича. И родися у Ярослава сынъ Ізѣа, и посади его въ Новгородѣ, и умре; и разгнѣвася Ярославъ на Константина и заточи его въ Ростовъ, а сына своего Вѣлодимера посади въ Новгородѣ, и написа грамоту Новгородцомъ, рекъ: «по сей грамотѣ ходите».

По смерти Владимировъ Ярославича, братъ его Изяславъ Ярославичъ изъ Кіева посади сына своего Мъстислава, и побѣдиша его.

Книга, глаголема хронографъ, иже зовется по рускы лѣтописецъ, въ ней же повѣсти древнихъ лѣтъ о началѣ Рускыя земли, откуда начася, и кто въ ней прѣвое нача княжити, и како прозвася Руская земля. Се же начнемъ повѣсть сію.

По потоупѣ тріе сынове Ноеви раздѣлиша себѣ землю: Симъ, Хамъ и Афетъ. И яся вѣстокъ Симови: Персида, Ватръ даже и до Индикія въ дълготу, и въ ширину и до Нирокурія, и якоже рещи отъ вѣстока даже и до полудніа, и Сирія, и Мидія, и Ефратъ рѣ-

(1) Въ подлинникѣ: вся. (2) Тамъ же: мѣстислава и (3). Тамъ же: воладимеръ.

ку, Вавилонъ, Кородуна, Асиряне, Месопотаміа, Аравіа Старѣйшаа, Еламалісъ, Индіа, Аравіа<sup>1</sup> Силнаа, Коліи, Комагини, Финикіа вся. Хамови же яся полуденьнаа часть: Египеть, Ефіопіа прележащія къ Индіомъ, и другаа же Ефіопіа изъ нея же исходитъ рѣка Ефіопьскаа Чермена, текущи на востокъ, Фива, Ливіа прележащія даже<sup>2</sup> и до Киринеа, Мармаріа, Сурити, Люван другаа, Нумидіа, Мисуріа, Мавританіа противу суши Гадврѣ; суши же къ востокомъ имуть Киплю, Памфилю, Писидію, Мосію, Ликаонію, Фригію, Камалію, Ликию, Карію, Лидію, Амасію другую, Троаду, Стыду<sup>3</sup>, Вифинію, Старую Фригію; и острова пакы имать: Сарданій, Кипръ, Критъ, и рѣку Гіонъ, зовемую Нилъ. Афету же яшася полунощныя страны и западныя: Мидіа, Алваніа, Арменіа Малая и Великая, Каппадокіа, Певлагони, Галатіа, Колехысъ, Въсперіи, и Меоти, Деверей, Сарматы, (Та)вріаны, Скифіа, Фрація, Македоніа, Далматіа, Малоси, Фесаліа<sup>4</sup>, Локріа, Пеленіа, яже и Пелопонисъ наречеся, Аркадіа, Ипироніа, Илирикъ, Словяне, Лухитіа, Андриакіа и Андрианитскаа пучина; имать же острова: Вретаніа, Сицилію, Евіюсъ, Родона, Хіона, Лѣзвона, Кофиропа, Закунофа, Кефалиніа, Афакину, Керкулу, и часть Асійскыя<sup>5</sup> страны, нарицаемую Іовію<sup>6</sup>, рѣку Тигръ, текущу межю Миды и Вавилономъ; до Понтійскаго моря, на полунощныя страны рѣка Дунай, Днѣстръ, и Въкакасійскыя горы, рекше Угорскыя, и оттуду до Днѣпра; и прочаа рѣкы: Десна, Припетъ, Двина, Вѣховъ, Волга, яже идетъ на востокъ въ жребій Симовъ. Въ Афетовѣ же части сѣдять: Русь, Чюдъ и вси языци, Меря, Мурома, Вѣсь, Мордва, Заволочьскаа Чюдо, Пермь, Печера, Емь, Угра,

Латва, Зимгола, Корсь, Сѣтогола, Либь; Ляхове же, и Прусіи, и Чюдъ присѣдять къ морю Варяжскому; по сему морю сѣдять Варязи сѣмо ко востоку до предѣла Симова, по тому же морю<sup>7</sup> сѣдять ко западу до земли Аглыански и до Воложскы<sup>8</sup>. Афетово бо колѣно и то: Варязи, Сѣви, Нурманы, Готи, Русь, Аглыане, Галичане, Ляхове, Волоси, Римляне, Нѣмци, Корлязи, Венедици, Фрязи и прочіи; ти же присидять отъ запада ко полунощію и сѣсѣдять съ племенемъ Хамовымъ<sup>9</sup>.

Симъ же, Хамъ и Афетъ, раздѣливше землю и жребіе метавше не преступати никому же въ жребій братень, и живяху каждо въ своей части. И бѣ языкъ единый, и умножившимся человекомъ на земли, и помыслиша столпъ сздати до<sup>10</sup> небеси, въ дни Нектана и Фалека; и събрашася на мѣстѣ Сенаръ на полѣ сздати столпъ до небеси и градъ около его Вавилонъ, и сздаша столпъ за 40 лѣтъ, и не съврѣшенъ бысть. И призрѣ Господь видѣти градъ и стлѣпъ, и рече Господь: се родъ единый и языкъ единый. И размѣси Богъ языки, и раздѣли на 70 и два языка, и разсѣа и въ всей земли. И по размѣшеніи языкъ, Богъ вѣтромъ великимъ раздруши стлѣпъ; и есть останокъ его и доннынъ промежи Асира и Вавилона, и есть въ высоту сажений 5000 и 400 и 33, толико же и въ шириню, въ лѣта многа бысть хранимъ останокъ той. По разрушеніи же стлѣпа и по раздѣленіи языкъ пріаша сынове Симови вѣсточныя страны, а Хамовы же сынове полуденьныя страны, Афетовы же сынове пріаша западныя и полунощныя страны. Отъ сихъ же седмицъ и двою языку бысть языкъ Словѣнескъ отъ племени Афетова, нарицаемый и Норицы, еже суть Словяне.

По мнозѣхъ же временехъ сѣли суть Слов-

(1) Въ подлинникѣ: аравіа. (2) Тамъ же: даже. (3) Т. е. еолиду. (4) Въ подлинникѣ: фесаліа. (5) Тамъ же: всячскыя. (6) Тамъ же: отъ нихъ. (7) Тамъ же: морь. (8) Тамъ же: до ложки. (9) Тамъ же мѣсто: въ афетовѣ же части сѣдять: русь. . . . съ племенемъ Хамовымъ, при перепискѣ спутано и изложено такъ: по тому же морю сѣдять ко западу . . . . съ племенемъ хамовымъ. въ афетовѣ же части сѣдять: русь . . . . до предѣла симова. (10) Тамъ же: на.

вяне по Дунаевѣ, гдѣ есть нынѣ Угорская земля и Болгарская. И отъ тѣхъ Словѣнь разыйдошася по землѣ и прозвашася имены своими, гдѣ сѣдше на которомъ мѣстѣ: яко прѣвѣи пришедше сѣдоша на рѣцѣ именемъ Морава и нарекошася Мораве, а друзи нарекошася Чеси, а все тѣже Словяне Хорвати Бѣли, и Сербѣ, и Хорутане, а инѣ Дунав. Волохомъ бо нашед . . . на Дунайскыя Словяны, и сѣдшимъ имъ во нѣхъ и на . . . уюшимъ имъ, . . . вѣне же пришедше сѣдоша овѣи же на Выслѣ рѣ . . . и прозвашася Ляхове, а отъ тѣхъ Ляховъ прозвашася По . . . , Ляхове же друзи Лутици, а инѣ Литва, инѣ Мозавшенѣ, инѣ Поморанѣ. Также и тѣи Словяне . . . ше и сѣдоша по Днѣпру, и нарекошася Поланѣ, . . . зѣи Древяне, зане сѣдоша въ лѣсѣхъ; а инѣи сѣ . . . межи и Двиною и Припетою, и нарекошася . . . чи; а инѣи Полочанѣ, рѣки ради Полоты, яже . . . во Двину . . . не пришедше з Дуная сѣдоша около озера Илмер . . . , и прозвашася своимъ именемъ, и зѣлаша градъ, и нарекоша Новгородъ, и посадиша и старѣйшину Гостомысла; а друзи сѣдоша по Деснѣ, и по Семѣ и по Сулѣ, и нарекошася Сѣвери. И тако разыйдеся Словянскыи языкъ; тѣмъ и грамота прозвася Словянская. Поляномъ же, живущимъ особѣ по Днѣпру<sup>1</sup> по горамъ<sup>2</sup>, и бѣ путь изъ Варягъ въ Греки; изъ Грекъ въверхъ по Днѣпру, и въверхъ Днѣпра волокъ до Ловоти, и по Ловоти внийти въ озеро великое Ильмеръ, изъ него же течетъ рѣка Вльховъ и втечетъ въ озеро великое въ Нево, и того озера устѣе течетъ во море Варяжское, по тому морю внийти до Рима, а отъ Рима по тому же морю<sup>3</sup> ити къ Царуграду, а отъ Царуграда прийти въ Понтъ море, во не же течетъ Днѣпръ рѣка. Днѣпръ бо рѣка течетъ изъ Волоковскаго лѣса, и потече на полудень; а Двина ис того же лѣса потечетъ, и идетъ на

полуношѣ, и вниде въ море Варяжское; изъ<sup>4</sup> того же лѣса потечетъ Волга на востокъ, и втечетъ седмидесято жерелы въ море Хвалисское. Тѣмъ же изъ Руси можетъ ити по Волзѣ въ Болгары и въ Хвалисы, и на востокъ дойти въ жребіи Симовъ; а по Двинѣ въ Варягы, изъ Варягъ до Рима, до племени Хамова. А Днѣпръ же течетъ въ Понтъское море тремя жерелы. Се же море словеть Русское, по нему же училъ святыи апостолъ Андрей, братъ Петровъ.

Проявленіи крещен. . . Якоже рѣша, . . . святому Андрею въ Синопѣ, и пришедшу ему . . . сунъ, и увидѣвъ ис Корсуны яко близъ есть устѣе . . . прѣское, и восхотѣ ити въ Римъ, и приде въ устѣе . . . прѣское, и поиде по Днѣпру горѣ, по приключая же Божію . . . и ста подъ горами при брезѣ. И заутра воставъ и рекъ сущимъ<sup>5</sup> . . . : «видите ли горы сіа? яко на сихъ горахъ восіаетъ благодать Божіа, и будетъ градъ великъ, и церкви многы (имать) Богъ воздвигнути.» И вѣшедъ на горы тѣи святыи Андрей, и благослови а, и постави крестъ, и помолися къ Богу, и сѣниде съ горы, идеже . . . градъ Кіевъ, и поиде по Днѣпру горѣ. И приде во Новгородъ, и видѣ . . . сущаа люди, како есть обычай имутъ, и како ся мыють и . . . шутся, и удивися имъ. И иде въ Варягы, и приде . . . и исповѣда ученіе, елико научи и елико видѣ. . . : «дивно видѣхъ землю Словенскую, идущу ми . . . видѣхъ бани дрянны, и пережгутъ ихъ румяно. . . въ ню, извлѣкутся и будутъ назѣи, и обліятъ . . . кислимъ, и възмутъ на ся прутіе младое и бѣются . . . , и того ся добіють, едѣ излѣзутъ еле живи, и о . . . водою студеною, и тако оживутъ; и то творятъ по вся дни не мучими никимъ же, но сами ся мучатъ, и то творятъ омовеніе себѣ, а не мученіе.» И то слышавше Римляне дивляхуся; Андрееви же бывшу въ Римѣ приде въ Синопѣ.

(1) Слова: по Днѣпру въ подлинникѣ написаны на полѣ. (2) Тамъ же: по горамъ. (3) Тамъ же: морю. (4) Тамъ же: и. (5) Тамъ же отъ слова: сущиѣ вынесено на поле: съ нимъ челоуѣкомъ.

Поляномъ же живущимъ осебѣ и вла-  
дѣющимъ роды свои, даже и до сеа брати  
бѣху Поляне, и живяху каждо на своихъ  
мѣстѣхъ съ родомъ своимъ. О Кіевѣ и о  
сѣзданіи его. И быша три братіа: еди-  
ному имя Кій, а другому Щеки, а третіему  
Хоривъ, а сестра ихъ бѣ Лыбедь. И живя-  
ше Кій на горѣ, гдѣ есть нынѣ увозъ Бо-  
ричевъ, . . . . . съ родомъ своимъ; а братъ  
его Щеки живаше на друзѣхъ . . . . . горы,  
гдѣ нынѣ зовется Щековица; а Хоривъ на  
третей . . . . ., отъ него же прозвася Хори-  
вица; и тако сѣтвориша с . . . градъ, въ имя  
брата своего старѣйшаго, якоже и бысть,  
и нарекоша имя ему градъ Кіевъ. И баше  
же около града лѣсъ и боръ великъ, и бяху  
ловяще звѣрь; бяху же мужи мудри и сми-  
слени, и нарицахуся Полянѣ, отъ нихъ же  
суть Полянѣ въ Кіевѣ и до сего дни. Бяху  
же тогда погани, . . . ще озеромъ, и кладя-  
земъ и рощеніемъ, якоже и прочіи по . . . . .  
'Ини же не свѣдуше глаголють, яко Кій  
есть перевозникъ . . . . .; у Кіева бо баше  
тогда перевозъ былъ съ оноа страны Днѣпра,  
тѣмъ глаголаху: на перевозъ на градъ Кіевъ.  
Аще бы Кій прѣвозникъ былъ, то не бы хо-  
дилъ ко . . . . .; но сей Кій княжаше въ ро-  
дѣ своемъ, и приходившу . . . ко царю, яко-  
же скажутъ, яко велику честь прі . . . отъ  
царя. Идущу же ему опять, и поиде ко Ду-  
наеву, . . вълюби мѣсто и срубы городокъ  
малъ, и хоташе . . . . . въ немъ съ родомъ  
своимъ, и не даша ему ту близъ живущ . . . ;  
се же и донинѣ нарицають Дунаица горо-  
дище Кіевецъ. Кіеву же пришедшу въ свой  
градъ Кіевъ, и ту животь свой сконча; и  
братіа его Щеки и Хоривъ и сестра ихъ  
Лыбедь скончася. И по сихъ родъ ихъ нача  
владѣти въ Полянѣхъ княженіемъ; а въ Де-  
ревлянѣхъ свое, а Дреговичи свое, а Словя-  
не свое въ Новѣгородѣ, а другое на Поло-

тѣ, еже Полочанѣ. Отъ нихъ же и Кривичи,  
еже живутъ на врѣхъ Волги, и на врѣхъ  
Двины и на врѣхъ Днѣпра, ихъже градъ  
есть Смоленскъ, и прочіи Полотскіе власти;  
тудѣ бо живутъ Кривичи, таже Сѣверъ отъ  
нихъ. А на Бѣлѣозерѣ сѣдять Веси, а на<sup>2</sup>  
Ростовскомъ озерѣ Меря, а на<sup>3</sup> Клепнѣмъ  
озерѣ Меря же; и по Оцѣ по рѣцѣ, близъ  
устіа, гдѣ потечеть (въ) Волгу, сѣдять Муро-  
ма, а иніи языкъ свой имѣху, Мещера свой,  
Мордва свой языкъ. Се бо въ Руси Словен-  
скій языкъ: Поляне, Древляне, Новгород-  
ци, Полочане, Дреговичи, Сѣверъ, Бужанѣ,  
зане сѣдоша по рѣцѣ по Бугу, послѣдъ же  
Велиняне прозвашася; а Волинци оже Словѣ-  
ня, иже призваша ю. Сими всѣми обладаху  
Русь, иже отъ Кіева града, и дань емляху  
на нихъ: на Чюди, на Новгородцехъ, на  
Мери, на Веси, на Муромѣ, на Черемисѣ,  
на Перми, на Печерѣ, на Еми, на Литвѣ,  
на Зимголѣ, на Корси, на Моравѣ, на Не-  
ломи, на Либиси, иже суть на полунощныхъ  
странахъ живутъ, отъ колѣна Афетова, иму-  
ще свой языкъ.

О языцѣхъ на Руси . . . . . иніи языци,  
иже дань даютъ Руси: Чюдь, Меря, Веси,  
Мур . . . , Черемиса, Мордва, Пермь, Пече-  
ра, Еми, Литва, Зимгола, Корсь, Морава,  
Либь; сии суть языкъ свой имуща, отъ ко-  
лѣна Афетова, иже суть на странахъ полу-  
нощныхъ. А Словянску языку, якоже рекохъ,  
живущю на Дунаи, и приидоша отъ Скифъ,  
рекше отъ Козаръ, рекоміи Болгари, и сѣ-  
доша по Дунаеву, и быша населници Слов-  
яномъ. Посемъ же приидоша Угри Бѣли  
и наслѣдиша землю Словенскую, согнаша  
Волохи; сии бо Угри почаша быти при Ирак-  
ли пари, иже находятъ на Хозроа царя Пер-  
скаго.

О Обрѣхъ. Въ сии же времена быша и  
Обри, иже находятъ на Иракліа, царя Гре-

(1) Противъ сего въ подлинникѣ на полѣ написано: о кіи. (2) Тамъ же: а во на. (3) Тамъ же: а по на.

ческаго, къ Царуграду, и мало его не яша; сѣи же Обрѣ<sup>1</sup> воеваху на Словяны и премучиша Дулѣбы, сушаа Словяны, насиліе творяху женамъ Дулѣбскимъ: аще будетъ повхати Обрину, и не дадѣше выпрячи коня, ни вола, но веляше бо въпрячи три, или четыре, или пять женъ въ телѣгу и повести Обрину; и тако мучаху Дулѣбы. Баху бо Обри тѣломъ велици, а умомъ горди, и Богъ потреби а, и помроша вси, и не остана ни единъ Обринъ; есть притча въ Руси и до сего дни: погыбоша акы Обри, ихъже нѣсть ни племени, ни наслѣдника. По сихъ же придоша Печенѣзи; и паки идоша Угри Черніи мимо Кіевъ, послѣже при Олѣ.

Поляномъ же живущимъ осебѣ, якоже рекохомъ, сущимъ отъ рода Словенска, и нарекошася Поляне, а Древляне отъ рода Словянъ же, и нарекошася Древляне; Радимичи же и Вятичи отъ Ляховъ. О Радимичехъ<sup>2</sup>. И бѣста бо два брата въ Лясѣхъ, Радимъ, а другій Вятко; и пришедше сѣдоша Радимъ на Рьшу, и прозвашася Радимичи; Вятко сѣде съ родомъ своимъ по Оцѣ и отъ него прозвашася Вятичи. Хорвати; Дулѣби же живяху и до сего дне, еже есть Рѣзанцѣ. И живяху въ мирѣ Поляне. Древляне, Сѣверь, Бужане, Радимичи, Вятичи, Хорвати. Дулѣбы же живяху по Бугу, гдѣ нынѣ Вельняне. О Лутичехъ<sup>3</sup>. А Лутичи и Тверичи присѣдаху къ Дунаеву; и бѣ множество ихъ сѣдаху по Днѣстру нолны до моря, и суть грады ихъ и до сего дне, да то ся зоветъ отъ Грекъ Великаа Скифіа.

Имяху бо обычаи свои, и законъ отецъ своихъ и преданіа, каждо ихъ свой нравъ имѣху.

Поляне бо своихъ отецъ обычаи имутъ крот . . . и стидливъ, къ родителемъ и къ племени велико ст . . . , и брачныи обычаи творять.

О Древлянехъ. А Древляне живяху звѣриннымъ образомъ, живуще скотски: убываху другъ друга и ядаху все нечисто, брака у нихъ не бываше, умыкаху бо уводы дѣвщи жены себѣ.

О Радимичехъ. А Радимичи, и Вятичи, и Сѣверяне одинъ обычай имутъ: живяху въ лѣсѣхъ, якоже и всякій звѣръ, ядуще все нечисто, срамословіе въ нихъ предъ родителями, и племены не стыдятся; браци не бываху въ нихъ, но игрища межи селы, и схождаахуся на игрища и на вся бѣсовскаа плясавіа, и ту умыкаху себѣ жены, съ неюже кто свѣчався; имяху же и по двѣ и по три жены. И аще кто умряше у нихъ, и творять тризну надъ нимъ, и посемъ творяху колоду велику, и възложить на колоду мертвеца, и сжгутъ его, и посемъ събравше кости и възложить въ суднину малу, и поставляху на путехъ на столпѣхъ; еже творять Вятичи и до сего дне. Сѣи же имутъ обычаи и Кривичи и прочіи поганіи, не вѣдуще закона Божіа, но творяще сами себѣ законъ.

Хронографъ. Глаголетъ бо Георгій въ лѣтописаніи: ибо коемуждо языку овѣмъ исписанъ законъ есть, другимъ же обычаа, за не безаконнымъ безаконіе отечество мнится. О Мисюри. И отъ нихъ же первіи<sup>4</sup> Сиріи, живущіи на конецъ земля, законъ имутъ отецъ своихъ и обычаи: не любидѣти, ни красти, ни оклеветати, ни убити, ни злодѣати весма. О Врахманехъ. Законъ же и у Ктиріанъ, глаголеміи Врахмане и Островниці, и отъ прадѣдъ наказаніе же имутъ и благочестіе, мясъ не ядуще, ни вина піюще, ни блуда творяще, страха ради многа, ни злобы творяще никоеа же, Самоудѣ. ибо друзи близъ тѣхъ суть нѣмъ закономъ, скверно творяще все, гнѣвливѣ паче естества, въ нутренѣише же странѣ иже баху и человѣки ядуще, и странствующіихъ убивааху, паче же ядаху

(1) Въ подлинникѣ: сѣи же одобръ. (2) Тамъ же: о радимихъ. (3) Тамъ же противъ сего, новымъ почеркомъ, на поля замѣчено: отъ сихъ долженъ назваться Лутцъ. (4) Тамъ же: персидіи и; исправлено по Георгію Амартолу.



яко пси. О Халдеохъ. Инъ же<sup>1</sup> законъ Халдѣемъ и Вавилономъ: матери поимаху, съ братними чады блудъ творити, и убивати, и всякое бѣстудное дѣланіе творять. О Пиліохъ<sup>2</sup>. Инъ же законъ Пиліомъ: жены у нихъ<sup>3</sup> орютъ, и храми зиждютъ, и вся мужескаа дѣла творять, и прелюбы творять ей елико же хотять, не въздръжими отъ мужъ своихъ выну; и суть жены тѣи храбры, ловять звѣрь гораздо, и мужи своими владѣютъ женоу тѣ. О Вретаніохъ. А во Вретаніи же мнози мужи съ единою женою спятъ, и жены съ единымъ мужемъ похотствуютъ, незаконный законъ отъчъ творять независтно, ни въздръжанно. О Мазавецкихъ женахъ. Амазоня же мужа не имутъ, но аки скоты бесловесны, но единою лѣтомъ къ вешнему дню оземствены будутъ, и съчѣтаются съ окрестными бо<sup>4</sup> мужи, яко нѣкоторое имъ трѣжество и велико празднество время то тѣмъ мнѣть; отъ нихъ заченшимъ въ чревѣ, и паки разбѣгнуты отъсюду<sup>5</sup> вси; въ время же хотящимъ родити, и аще родить мужескъ полъ, то погубить е; аще ли женескъ, то въздонтъ ю прилежно. Якоже и при насъ се нынѣ. О Половцѣхъ. А Половци законъ дръжатъ, отецъ своихъ: кровь проліати, хвалѣщися о сихъ, ядуще мертвечину и всю нечистоту, хомяки и сусолы, и поимаютъ мачехы и ятровы, и нынѣ обычаи творять отецъ своихъ. О христіанехъ. Мы же христіане, елико земль, иже вѣрують въ святую Троицу, въ едино крещеніе, въ едину вѣру, и законъ имамы единъ, елици въ Христа крестихомся, въ Христа облекохомся.

По сихъ же лѣтехъ, по смерти братіа сіа, Поляне быша обидими отъ Древлянъ и иными околними, и наидоша я Козари сѣдѣща на горахъ въ лѣсѣхъ, и рѣша имъ Козари: «дайте намъ дань.» Издумавше Поляне и вѣда-

ша имъ отъ дыма мечъ, и несоша Козари къ князю своему и ко старѣйшинамъ своимъ, рѣша имъ: «налѣзохомъ дань нову.» Они же рѣша имъ: «откуда?» Сіи же рѣша: «въ лѣсѣхъ на горахъ, надъ рѣкою Днѣпрскою.» Они же рѣша: «да что суть дали?» Сіи же показаша имъ мечъ. И рѣша старци Козарстїи: «не добра, княже, дань сѣ; мы сѣ доискахомъ оружіемъ единою страною острымъ, рекше саблею, а сѣ ихъ оружіе обоюду остры есть, рекше мечъ; сіи бо имутъ дань имати на насъ и на иныхъ странахъ.» Се же събысться все; не отъ своего бо воля сѣ рекоша, но отъ Божїа промысла събысть(сѣ) сѣ. И бысть якоже прежде при Фараонѣ, царі Египетскомъ, егда приведоша Моисеа предъ Фараона, и рѣша Фараону старци Египетстїи: «о, царю! сѣи хоцетъ смирити область Египетскую». Яко и бысть; и погыбоша Египтяне отъ Моисеа. Также и сіи Козаре владѣша Поляны, а послѣди сами почаша владѣны быти отъ нихъ; яко и бысть, владѣютъ бо Козарми Русь и до двѣшняго дне, по прореченію старецъ ихъ.

Временникъ Софѣйскій, иже глаголется лѣтописецъ Рускихъ князей, и како избра Богъ страну нашу на послѣднее время, и гради почаша быти по мѣстомъ, прежде Новгородская волость, потомъ Кіевская, и о статїи Кіева, и како именовася Кіевъ.

Якоже древле Ромъ постави полату и нарече градъ Ромъ, потомъ преименова его Римъ, убіеніа ради брата своего Рима; и паки Антиохъ, и бысть градъ Антиохіа, и паки Селевкъ, воеводы Александровы, и бысть градъ Селевскыа; и паки самъ Александръ, и бысть во имя его Александріа; и по многа мѣста тако прозвани быша гради ти въ имена

(1) Въ подлинникѣ: иже. (2) Слѣдуетъ читать: о пиліохъ. (3) Въ подлинникѣ: инъ же закономъ пиліомъ жены у нихъ. (4) Тамъ же: ибо. (5) Тамъ же: отъ себе; исправлено по Полн. Собр. Лѣт. т. I, стр. 7.

852 царей тѣхъ и князей тѣхъ; яко въ нашей земли прозванъ<sup>1</sup> бысть градъ великій Кіевъ въ имя Кіа, егоже древле нарицають перевозника суца, иныи же яко ловы дѣлаше около града своего. Великъ бо есть промысль Божій, еже явился въ послѣдняя времена! куда же древле поганіи жрыху бѣсомъ, туда же нынѣ святыя церкви стоятъ златоверхіа каменнозданныя, и монастыреве исполнени чръноризецъ, беспрестани славяше Бога въ молитвахъ, и въ бдѣніихъ, въ постѣхъ, въ слезахъ, ихже ради молитвъ міръ стоитъ. Аще бо къ святымъ сы прибѣгнетъ церквамъ, тѣмъ велику пользу приметъ души и тѣлу. Мы же на предлежащее или на послѣднее възвратимся о началѣ Рускіа землѣ и о князехъ, како и откуда<sup>2</sup> быша. Васъ же молю, стадо Христово, съ любовію, приклоните ушеса ваша разумно: како быша древніи князи и мужи ихъ, и како оборонаху Рускіа земля, и иныя страны приимаху подъ ся. Тѣи бо князи не събирааху много имѣнія, ни творимыхъ вирь, ни продажъ въскладаху на люди; но оже будяше праваа вира, а ту възымааше и дааше дружинѣ на оружіе. А дружина его кормяшеся, воюючи иныя страны, біюшеся: «братіе! постыгнемъ по своему князи и по Русской земли». Не жадааху: «мало ми есть, княже, 200 гривенъ»; не кладаху на свои жены златыхъ обручей, но хождааху жены ихъ въ серебрѣ, и расплодили были землю Русскую. И за наше<sup>3</sup> несытство навелъ Богъ на ны погань, и скоти наши, и села наша и имѣнія наша за тѣми суть; а мы злыхъ своихъ не останемъ. Писано бо есть: богатество, неправдою събираемо, скоро извѣтсѣ; и пакы: събираетъ, а не вѣсть кому събираетъ; и пакы: лучше малое праведнику, паче богатства грѣшникъ многа. Да отселѣ, братіе възлюбленная, останемся отъ несытства своего; но доволны будемъ уроки нашими. Яко

и Павелъ пишетъ: ему же данъ, то данъ, а ему же урокъ, то урокъ; никому же насліа творяще, милостивнею цвѣтуще, страннолюбіемъ въ страсть Божіи и правовѣрїи свое спасеніе съдѣвающе, да и здѣ добръ поживше, и тамо вѣчній жизни причастники будемъ съ всѣми свѣтло пострадавшими и вѣнчавшимися, ихже хощемъ подвиги и боренія въспоманути, творящихъ правду въ всяко время. Злыхъ же властолюбецъ и братоненавидецъ права да отбѣгнемъ, ихже огнь ожидаа въ вѣки не въздремлетъ. Сіа же и таковаа вся оставльше, къ преждепомянутѣй повѣсти възвратимся. Отъ начала Рускіа земля до княженія великаго князя Ивана Василича, Московскаго, и Владимирскаго, и Суждалскаго, и Новгородскаго, и Смоленскаго, и Тверскаго, и Рязанскаго, и Устьюжскаго, и Югорскаго, и Пермскаго, и Емскаго, и Асытскаго, и иныхъ многихъ земель государя, сѣдшу ему княжити послѣ отца своего, великаго князя Василича Ивановича, сущу ему трею лѣтъ отъ рода, мати же его Елена, девятыйжедесять отъ Рюрика, прѣваго князя Русскаго.

Сиде начинается хронографъ Русскихъ князей. Въ лѣто 6300 и 60, индикта 15 день, наченшу Михаилу, сыну Теофилу, царствовать въ Цариградѣ по отци своему Теофилѣ, съ матерію Θεодорою царицею, и начася прозывати Рускыа земля. Якоже вѣкое благое сѣмя, трѣніемъ подавляемо, отъ земли начатъ възникати, дондеже мудрый дѣлатель оставить тако възростати траву сѣменну до времени плодовъ, и егда приблизится жатва, тогда послетъ сръпъ свой пожати вкупѣ трѣніе и благоплоднаа сѣмена, и овымъ своа хранилища устрои, комуждо по дѣломъ, овому житици, другому же огнь неугасающій: тако и всеа твари хытрый творецъ Богъ не презре свое създание, но отъ Отцу своему на

(1) Въ подлинникѣ: прозвана. (2) Тамъ же: откуда. (3) Тамъ же: за нѣше.



рамо вземъ принесе класъ зръль и много-  
плодень израстъшій; и не токмо единъ класъ,  
глаголемый Владимиръ, но и многа чада его  
наполниша дворы небесныа. То много оставль-  
ше, ко предпомятому поидемъ, оттолѣ и  
число положимъ. Яко отъ Адама до потопа  
лѣтъ 2242; а отъ потопа до Авраама лѣтъ  
1082; а отъ Авраама до исхоженія Моисеова  
лѣтъ 502; а отъ исхода до Давыда лѣтъ 651;  
а отъ Давыда и отъ начала царства Соло-  
мона до плѣненія Іерусалима лѣтъ 400 и 48;  
а отъ плѣненія до Александра царя лѣтъ 300  
и 18; а отъ Александра царя до рождества  
Христова лѣтъ 333; а отъ рождества Хри-  
стова до Константина царя лѣтъ 300 и 18; а  
отъ Константина царя до сего Михаила царя  
лѣтъ 542. Мы же на преднее възвратимся и  
скажемъ, что ся удѣа въ лѣта сіа.

Индѣ же отздѣ начало.

Въ лѣто 6362. Начало земли Русстѣй.

Въ лѣто 6366. Михаилъ царь Грекомъ изыде  
съ вой своими брегомъ и моремъ на Болга-  
ры; Болгари же увидѣвши, и не могоша стати  
противу ему, и просиша креститися, и по-  
коришася Грекомъ. Царь же крести князя  
ихъ, и боляры вся, и землю ихъ, и миръ  
сътвори съ Болгары въ 7-е лѣто царства  
своего.

Въ лѣто 6367<sup>1</sup>. Имаху дань Варязи изъ за-  
моріа на Чюди, и на Словянехъ, и на Мери  
и на всѣхъ Кривичехъ, отъ мужа по бѣлѣ  
въвернцѣ. А въ тоже время Козари имаху  
дань на Полянехъ, и на Сѣверянехъ и на  
Вятичехъ, по бѣлѣ въкшици отъ дыма. Въ  
царство же Михаила царя начася прозвати  
Русская земля; при немъ ходиша Русь на  
Царьградъ.

А се отъ начала князей Рускихъ и  
начало княженія ихъ скажемъ.

Въ лѣто 6370. Въсташа Кривичи, и Сло-

вяни, и Чюдь, и Меря на Варягы, рекше 852  
на Нѣмци, и изгнаша я за море, и не даша 863  
имъ дани, и начаша сами себѣ владѣти и  
города ставити; и не бѣ въ нихъ правды, и  
въста родъ на родъ, и бысть межи ними рать  
велика и усобица, и воевати почаша сами  
на ся. И рѣша сами къ себѣ: «поищемъ себѣ  
князя, иже бы владѣлъ нами, и рядилъ ны  
и судилъ въ правду.» При сего Михаила цар-  
ствѣ послаша къ Варягомъ за море къ Руси;  
сиде бо зваху Варягы Русью, яко и се дру-  
зи зовутся Армане, Аглыне, инии Гте; тако  
и си. Рѣша Чюдь, Словяне, Кривичи Варя-  
гомъ: «вся земля наша добра есть и велика  
и изобилна всѣмъ, а нарядникъ въ ней нѣтъ;  
поидите къ намъ княжити и владѣти нами.»  
И избрашася отъ Нѣмецъ три брати съ роди  
своими, и пояша съ собою дружину многу;  
и пришедъ старѣйшій Рурикъ сѣде въ Ново-  
городѣ, а Синеусъ, братъ Руриковъ, на Бѣ-  
лѣозерѣ, а Труворъ въ Изборьскѣ; и нача-  
ша воевати всюду. А отъ тѣхъ Варягъ на-  
ходницѣхъ прозвашася Русь, и отъ тѣхъ сло-  
ветъ Русская земля; и суть Новгородстїи  
люди и до днешнего дне отъ рода Варяже-  
ска, прежде бо бѣша Словяне. По двою же  
лѣту Синеусъ и братъ его Труворъ умре, и  
пріа всю власть въ Руси Рурикъ и обою  
брату, и нача владѣти единъ, въ лѣто 6371,  
и сѣде Рурикъ въ Новгородѣ въ Великомъ,  
и раздаа грады мужемъ своимъ: овому далъ  
Полтескъ, иному далъ Ростовъ, иному же  
Бѣлоозеро, и прочимъ. По тѣмъ градомъ  
суть сѣли Варяги находници, а дотолѣ бы-  
ша первїи населници: въ Києви Варязи, въ  
Новгородѣ Словяни, въ Полотцѣ Кривичи,  
въ Ростовѣ Меря, на Бѣлѣозерѣ Весь, въ Му-  
ромѣ Муромъ. То тѣми всѣми обладааше Ру-  
рикъ. О Асколдѣ и Дирѣ. И бѣста у него  
два мужа, Асколдъ и Диръ, не племени его,  
ни болярина, и испросистася у него ити къ

(1) Въ подлинникѣ вынесено на поле противъ этого мѣста: въ то время. (2) Тамъ же: иже.

863 Царуграду съ родомъ своимъ. И поидоста  
882 по Днѣпру, и узрѣста на горѣ градокъ  
малъ, и въпросста: «чій есть градокъ сый?»  
И рѣша имъ ту сущи: «были суть три бра-  
ты, Кій, Щекъ, Хоривъ, и тѣи же здѣлаша  
сій градъ, и изгыбоша; мы же сѣдимъ пла-  
тяще дань<sup>1</sup> родомъ ихъ, Козаромъ.» Аскольдъ  
же и Диръ сѣдоста во градѣ томъ, и многы  
Варягы съвокуписта, и начаста владѣти По-  
лянскую землю; и бѣша ратни съ Древляны  
и съ Угличи. Рурику же княжашу въ Но-  
вѣгородѣ, и роди сынъ, и нарече имя ему  
Игорь. Възрастшу же Игоревн, и бысть хра-  
беръ и мудръ; и бысть у него воевода, име-  
немъ Олегъ, мужъ мудръ и храбръ.

Въ лѣто 6374. Прииде Аскольдъ и Диръ  
на Греки къ Царуграду, при Михаилѣ цари  
и матери его Θεодорѣ, юже проповѣдаша  
поклоненіе<sup>2</sup> честнымъ иконамъ, въ 1-ю не-  
дѣлю святаго поста. О семъ увидѣхомъ,  
яко при семъ цари приходиша Русь на Царь-  
градъ<sup>3</sup>, якоже пишется въ лѣтописаніи Гречь-  
стѣмъ, во 14 лѣто царства Михаилава. Царю  
же отшедшу на Агаряны воевати, Орифанта  
въ Костантинѣградѣ остави, и дошедшу ему  
Черныя рѣкы, вѣсть посла къ нему епархъ,  
яко Русь идетъ на Царьградъ; то же слы-  
шавъ и воротися<sup>4</sup> царь. Си же внутрь Суду  
вшедше, много убійство христіаномъ сѣво-  
риша, и оступиша Царьградъ въ двою сту  
кораблей. Царь же дошедъ, едва внійде въ  
градъ, и съ патриархомъ Фотіемъ прииде ко  
сущій церкви святѣй Богородици Влахерну,  
и всю ночь молитву сѣтворивъ; (имя же се  
пріять мѣсто то<sup>5</sup>), нѣкоему же князю Скифѣ-  
нину, Влахерну нарицаему, идущу, ту<sup>6</sup> ему  
избіену быша. Таже и святую ризу святыя Бо-

городица (съ) пѣсньми изнесоша, съ плачемъ,  
и омочи въ морѣ<sup>7</sup>. Бѣ бо море укротилося и  
тихо бысть; и абіе воста буря съ вѣтромъ, и  
вльнамъ велимъ засобъ воставшимъ, и разби ко-  
рабля, и смяте безбожныхъ Русь, и къ берегу  
приврѣже, и изби а; и мало ихъ избы отъ та-  
ковыя бѣды избѣгнута, и въ своаси побѣгну-  
ти, съ побѣженіемъ и срамомъ<sup>8</sup> възвратиса.  
Аскольдъ и Диръ вмалѣ приидоша къ Киеву.

Въ лѣто 6375. Тишина бысть.

Въ лѣто 6376. Убіенъ бысть Михаилъ царь,  
во своей ложниці, отъ Василиа кесара, гла-  
големаго Македона, иже прежде бысть конюхъ  
Михаила царя. И нача царствовати Василий  
Македонинъ, лѣтъ 18 и мѣсяць 11. При семъ  
трусъ бысть въ Цариградѣ 40 днѣй, почень  
на святаго Поліевкта.

Въ лѣто 6377. Крещена бысть земля Бол-  
гарьскаа.

<sup>9</sup>Въ лѣто 6384. Михаилова царства въ 24  
лѣто скончася великій кругъ міротворный<sup>10</sup>.  
А въ лѣто 6385 начася новый кругъ, рек-  
ше 13 отъ начала міра.

Въ лѣто 6387. Умре Рюрикъ въ Нового-  
родѣ, княживъ лѣтъ 17, и предасть княже-  
ніе все Ольгови, понеже ему отъ рода своего  
суща, вдасть ему и сынъ свой на руцѣ Иго-  
ря малого, бѣ бо дѣтескъ велии. Отъ прѣваго  
лѣта Михаилова до прѣваго лѣта Ольгова,  
Рускаго князя, лѣтъ 22.

Княженіе Ольгово<sup>11</sup> въ Киевѣ. Въ лѣто  
6390. Поиде Олегъ, поимъ со събою Игоря  
Рюриковича, изъ Новгорода въ судѣхъ къ  
Киеву, и поемъ со събою воа многы: Арягы,  
Чюдь, Словяне, Веси, Кривичи. И прииде ко  
Смоленску, и пріа градъ, и посади въ немъ  
мужъ свои; и оттуду поиде внизъ по Днѣп-

(1) Въ подлинникъ: дано. (2) Тамъ же: поклоненіемъ. (3) Тамъ же: на русь царьградъ. (4) Тамъ же это слово, другимъ почеркомъ, исправлено такъ: возвратися. (5) Слова: имя же се пріять мѣсто то взяты изъ Полм. Собр. Лѣт. т. I, стр. 242, ст. 2. (6) Въ подлинникъ: влахерну нарицаему идущу, то. (7) Тамъ же отъ сего слова сдѣлана на полѣ слѣдующая выписка: . . . е skutъ омочивше. (8) Тамъ же: срамовъ. (9) Тамъ же передъ симъ зачеркнуто: въ лѣто 6378. (10) XII индиктіонъ окончился въ 6384 году, въ царствованіе Василиа Македонянина. (11) Въ подлинникъ: ольговъ.

ру, прииде ко горамъ Кіевскимъ; и увидѣ Олгѣ, яко Аскольдъ и Диръ княжита въ Кіевѣ, Игорь же и Олгѣ, творящеся мимо идуща, потаистася въ лодіахъ, и другыа остави назади, и з малою дружиною изыидоста на брегъ. И посла Олгѣ къ Асколду и Дирови, глаголя сиче, «яко гость есмь Подъугорскій, идемъ въ Греки отъ Олга князя и отъ Игоря княжича, да приидѣте къ намъ къ родомъ своимъ». Аскольд же и Диръ приидоста къ нимъ; Олгѣ же въземъ Игоря на руцѣхъ си, и рече Асколдови и Дирови: «вы ни есте князя, ни рода княжа, но азъ есмь князь, и мнѣ достоинъ княжити; а се есть сынъ Рюриковъ Игорь княжичъ.» И высказавше изъ людей вои<sup>1</sup> Игоревы, и убиста Асколда<sup>2</sup> и Диру; и несше ихъ на гору, и погребоша ихъ, и есть могила ихъ словеть и до сего дне, иже ся зоветъ нынѣ Угорское, идеже есть дворъ Олгинъ, на той могилѣ постави Олга церковь святаго Николу; а Дирова могила за святою Ириною. И сѣде Олгѣ княжа въ Кіевѣ, и рече Олгѣ: «се буди мати всѣмъ градомъ Русскимъ». И обладалше всею Русскою землею; и бѣша у него мужи Варязи, Словяне, и оттолѣ прочіи прозвашася Русью. Сіи же Олгѣ нача города ставити, и дани устави въ всей Русстѣй земли, Словяномъ, и Кривичемъ и Мерямъ дань даати Варягомъ, и отъ Новгорода 300 гривенъ на лѣто, мира дѣля, еже даваше Варягомъ и до смерти Ярославля. Поча Олгѣ<sup>3</sup> воевати Древляны, и примучи вои, имаше на нихъ дань по чернѣ кунѣ<sup>4</sup> отъ дыма. И многы ныи страны притяжа къ Русстѣй земли, и дани выложи на ня.

<sup>5</sup>Въ лѣто 6391. Иде Олгѣ на Древляны и на Сѣверы, и побѣди ихъ, и възложи дань на нихъ по чернѣ кунѣ.

Въ лѣто 6392. Иде Олгѣ на Сѣверяны, и възложи дань на нихъ легку; не дасть имъ Козаромъ дань даати, рекъ: «азъ есмь имъ противенъ<sup>6</sup>, а вамъ есть онѣ къ чему?»

Въ лѣто 6393. Посла Олгѣ къ Радими-чемъ, река: «кому дань даете?» Они же рѣша: «Козаромъ.» И рече имъ: «дайте мнѣ.» И вдаша Олгови по щелягу<sup>7</sup>, якоже и Козаромъ дааху. И бѣ<sup>8</sup> обладалше Олгѣ Поляны, и Древляны, и Сѣверяны, и Радимичи, и Посуличи, и Тиверичи, нияше рать<sup>9</sup>.

Въ лѣто 6394. Леонъ царствова, сынъ Василіевъ, иже прозвася Левъ премудрый, лѣтъ 25 и мѣсяць 8; и по немъ и братъ его Александръ, иже царствова 1 лѣто и днѣи 29.

О Угрѣхъ. Въ лѣто 6406. Идоша Угри мимо Кіевъ горою, иже ся нынѣ зоветъ Угорское, и пришедше къ Нѣпру стаха вежами; бѣша бо ходяще якоже и Половци. И пришедше отъ востока, устремишася черезъ горы великыя, иже прозвашася горы Угорскыя, и почаша воевати на живушаа ту Волохи и Словяны. Сѣдяху бо ту прежде Словяне, и Волохове и пріаха землю Волинскую; посемъ же Угри прогнаша Волохы, и наслѣдиша землю ту и сѣдоша съ Словянами, покоривша а подъ ся; и оттолѣ прозвася земля Угорскаа. И начаша воевати Угри на Греки, и плѣниша землю Фрачскую и Макидонскую даже и до Селуня; и начаша воевати и на Мораву и на Чехы. Бѣ бо единъ языкъ Словянескъ: Словяне, иже<sup>10</sup> сидяху по Дунаю, ихже пріаха Угри, и Моравы, и Чеси, и Ляхове, и Поляне, яже нынѣ зовомаа Русь. Симъ бо прѣвое положены книги Моравѣ, яже прозвася грамота Словенскаа; таже грамота есть въ Руси и въ Болгарѣхъ Дунайскихъ<sup>11</sup>.

О прѣложеніи Греческихъ книгъ на

(1) Въ подлинникѣ: свои. (2) Тамъ же: аскода. (3) Тамъ же: аегъ. (4) Тамъ же: по чернѣ ку. (5) Тамъ же передъ симъ зачеркнуто: в лѣто 6390. (6) Тамъ же: проти. (7) Тамъ же: по лящгу. (8) Тамъ же послѣ словъ: и бѣ, помѣщено, по ошибкѣ, заглавіе, перенесенное къ 6406 году: о угрѣхъ. (9) Въ Полн. Собр. Лѣт. т. I, стр. 10 читается: а съ уличъ и тѣверци нияше рать. (10) Въ подлинникѣ: же. (11) Тамъ же: дунайскихъ.

898 Словенский языкъ. Словяномъ бо живущимъ крещенымъ, и князь ихъ Ростиславъ, Святополкъ и Хочель послаша къ царю Михаилу, глаголюще: «земля наша крещена, и нѣсть у насъ учителя, иже бы научили и сказали, и протолковали святыя книги; не разумѣемъ бо ни Греческому языку, ни Латинскому: они бо ны инако учать, а друзи инако, тѣмъ же не разумѣемъ книжнаго разума, ни силы ихъ; да послете ны учителя, иже могутъ намъ сказати книжнаа словеса и разумѣмъ ихъ». Се слышавъ царь Михаилъ, съзва философы вся, и сказа имъ рѣчи вся Словенскихъ князь. И рекоша философы: «есть мужъ въ Селуни, именемъ Левъ, и суть у него сынове разумни языку Словенскому, и хитра два сына у него философа». И се слышавъ царь, посла по ня въ Селунь ко Львови, глаголя: «пошли къ намъ воскорѣ сына своа, Мефедіа и Константина.» Се слышавъ Левъ, въскорѣ посла а, и приидоста въскорѣ ко цареви, и рече има царь: «се прислася къ мнѣ Словенскаяа земля, просяще учитель себѣ, иже бы могъ имъ истолковати святыя книги; се бо желаютъ.» И умолена быста царемъ, и послаша а во Словянскую землю къ Ростиславу, и Святополку и Хочелови. Сима же пришедшими, и начаша съставляти писмена азбуки, писанія столковаша азбуковнаа Словенскы, и преложиша апостолъ и евангеліе; и ради быша Словяны, яко слышаша величіа Божія своимъ языкомъ; посемъ же приложиша псалтирь, и охтонхъ, и прочаа книги. И вѣсташа нѣци на ня ропшуще, и нѣци же начаша хулиты Словенскыа книги, глаголюще: «яко не достонтъ нѣкоторому же языку имѣти азбуковъ своихъ, рекше книгъ своихъ, развѣи Еврей, и Грекъ и Латинь, по Целатову слову<sup>1</sup>, еже на крестѣ написа Господни. Се же услы-

шавъ папѣжъ Римскій, похули тѣхъ, иже ропшутъ на книги Словенскыа, рка: «да ся исполнить книжное слово, яко да възхвалять вся языци Бога истиннаго; другое же: вси възглаголють языки различными величіа Божія, якоже дастъ имъ Святыи Духъ провѣщевати; да аще кто хулитъ Словенскую грамоту, да будетъ отлученъ отъ церкви, дондеже исправится; тѣмъ бо суть волци, а не овцы, якоже достонтъ отъ плодъ незнати а и хранитися ихъ; вы же, чада Божія, послушайте ученія и не отрините наказанія церковнаго, якоже вы наказалъ Мефедій учитель вашъ.» Константинъ же возвратився възспать, и иде учити Болгарскаяа языка, а Мефедій оста въ Моравѣ. Посемъ же Хочель князь постави Мефедіа епископомъ въ Панін, на столѣ святого апостола Андроника, единого отъ 70, ученика<sup>2</sup> святого апостола Павла. Мефедій же посади борзо два попа скорописца, велми горазда, и преложи вся книги исполнь отъ Греческаго языка во Словенский языкъ 6-ю мѣсяцъ, начень отъ марта мѣсяца до двадесяти и шесть днѣи октября мѣсяца<sup>3</sup>; поскончавъ же, достонную хвалу и славу Богу воздавъ, дающему такову благодать епископу Мефедію, настоянику Андронику. Тѣмъже Словянску языку былъ учитель Андроникъ апостолъ; въ Моравы бо ходилъ апостолъ Павелъ и училъ, ту бо есть Илюрикъ, егоже (до)ходи апостолъ Павелъ, ту бляше Словяне первіе. Тѣмъже Словянску языку учитель есть Павелъ, отъ него же языка и мы есми Русь: тѣмъже и намъ Руси учитель есть Павелъ апостолъ, повеже училъ языкъ Словянескъ, и постави епископа и на мѣстника по себѣ Андроника Словянску языку. А Словянский языкъ и Рускій одинъ есть, отъ Варягъ бо приидоша и прозвашася Русію, а првѣи быша Словяне; аще и По-

(1) Против сего слова въ подлинникѣ, на полѣ, написано: писанію. (2) Тамъ же: ученикъ. (3) Тамъ же против сего, на полѣ, другимъ почеркомъ, написано: начень марта 1, кончалъ октября 26.

лянѣ нарицахуся, но Словенская рѣчь бѣ въ нихъ, Поляне же прозвашеся зане сѣдоша во полѣ, а языкъ Словенскій бѣ имъ единый.

Ливъ премудрый. Въ лѣто 6410. Леонъ царь наѣзъ Угры и иде на Болгары, Угры же нашедше всю землю Болгарскую плѣневаху; Семеонъ же, увидѣвъ нашествіе ихъ, съ Болгары и на Угры възвратися, и Угры противу сташа и побѣдиша Болгаровъ, едва Симеонъ царь убѣже въ градъ Дерестъ.

Въ лѣто 6411. Игоревъ възрастшу и възмужавшу, и хождаше по Олзѣ и слушаше его; и приведе ему Олегъ жену отъ Плескова, именемъ Олгу.

Хоженіе Олгово на Греки. Въ лѣто 6415. Иде Олегъ на Греки съ множествомъ вой, а Игоря остави въ Кіевѣ; понемъ же съ собою множество Варягъ, и Словяни, и Чюдъ, и Кривичи, и Мерю, Поляны, и Сѣверу, и Древляны, и Радимичи, и Вятичи, и Хорваты, и Дулѣбы, и Тиверіи, иже суть толкованы: еи вси звахуся отъ Грекъ Великаа Скифіа. Съ сими съ всѣми поиде Олегъ въ кораблехъ и на конехъ, и бѣ числомъ двѣ тысячи кораблей, и поплѣниша землю всю. И приидоша къ Царюграду, и Греци замкоша съсудъ, сирѣчь пропяша чѣпъ, протяженую отъ Галаты до Махернскихъ церкви, и градъ затвориша. И выиде Олегъ ис корабля, и повелѣ чинити кола, и постави корабли на кола; и повелѣ възнати парусы, и поиде во кораблехъ посуху, бѣ бо имъ покосенъ вѣтръ. И позова Олегъ около града, и много убійство сътвори Грекомъ, и разбы многы полаты, и многы церкви пожгоша; а яже имаху плѣнники, овѣхъ постѣаху, а иныхъ мучаху, иныхъ же растрѣлаху<sup>3</sup>, а другыя въ море метаху, и ина многа творяху Грекомъ Русь, елико же ратни творяху. Якоже видѣше ихъ Греци, влущихъ чрезъ поля ко граду посуху въ кораблехъ, множество бесчислено вой, и убояшася, и

выслаша къ Олгу изъ града, глаголюще: «не погубляй града, имемъ ти ся дань даати, якоже хочеша». И устави Олегъ вой свои, повелѣ имъ не воевати, и вынесоша ему Греци брашно и вино, и не црѣа его; бѣ бо устроено съ отравою смертною. И убояшася Греци и рѣша: «нѣсть се Олегъ, но Богомъ послана на ны казнь, грѣхъ ради нашихъ». А нинѣ глаголаху: «нѣсть се Олегъ, но святой Димитрій посланъ на ны отъ Бога». И заповѣда Олегъ дань даати на 2,000 кораблей, по 12 гривень на человѣка, а въ корабли бойцовъ по 40 человѣкъ; и яшася Греци по се, и почаша мира просити, дабы не воевалъ Греческіа земли гражданъ и по пристанище. Олегъ же нача помалу отступати отъ града, и сътвори миръ, и нача любовь творити съ царема Греческыма, съ Леономъ и Александромъ съ Василіевичи. 1-й миръ Олговъ съ . . . . . И посла къ нимъ въ градъ пословъ своихъ: Карля, Фарлофа, Велемудра, Рулава и Стемида, глаголя имъ: «имѣте ми ся по дань». И рѣша Греци: «чего хочеша дамы ти». И рече Олегъ: «дадите ми во емъ на 2,000 кораблей, по 12 гривень на ключъ», и потомъ заповѣда дааты выходъ на Русскіа грады, на Кіевъ, таже на Черниговъ, и на Переяславль, и на Полтескъ, и на Ростовъ, и на Смоленскъ, и на Любечъ и на прочаа грады: по тѣмъ бо градомъ сядяху князіа подъ Олгомъ суще; «да приходяще Русь дань емлють, елико хотяще, а иже приидеть гость, да емлетъ мѣсячину на 6 мѣсяць, хлѣбъ, и вино, и мясо, и рыбы, и оwoць; да творятъ имъ мовниці, елико хотятъ; поидучи же Руси домовъ, да емлють у царя вашего на путь брашно, якоря, ужа, и прѣ, и елико надобе». И яшася Греци, и рѣста царя и боярство все: «аще приидутъ Русь бескупши, да не емлють мѣсячины; да запрѣтитъ князь<sup>4</sup> людемъ своимъ, приходящимъ здѣ Руся, да не творятъ пакости во селехъ и во странѣхъ

(1) Въ подлинникѣ: бо. (2) Тамъ же: на. (3) Тамъ же: растрѣлаху. (4) Тамъ же отъ слова: князь сдѣлаша выноски на поле: посломъ.

907 нашей; приходящи же Руси здѣ да витають  
912 у святаго Мами, и послеть царство наше, да  
испишуть<sup>1</sup> имена ихъ, и тогда возмутъ мѣ-  
сячное свое, 1 отъ града Кіева, и паки съ  
Чернигова, и Переяславля, и прочіи гради<sup>2</sup>; да  
воходятъ въ градъ единѣми враты, съ царе-  
вымъ мужемъ, безъ оружіа, мужъ 50, и да  
творять куплю иже надобѣ имъ, и не пла-  
тятъ вины<sup>3</sup> ни въ чимъ же». Царь же Леонъ  
и Александръ сътвориша миръ съ Ольгомъ,  
имшеся по дань, и ротѣ заходяща межъ со-  
бою, цѣловавше сами крестъ, а Ольга и мужи  
его водиша на роту по Рускому закону, кля-  
шася оружіемъ своимъ, и Перуномъ богомъ  
своимъ, и Власіемъ скотинъ богомъ; и утвр-  
диша миръ. И рече Олегъ: «испійте парусы  
паволочаты Руси, а Словяномъ кропинныа»,  
и бысть тако; и повѣси щитъ свой въ вратѣхъ,  
показуа побѣду, и поиде отъ Царя-  
града. И въспяша парусы паволочаты, а Сло-  
вяны кропинныа, и раздра кропинныа вѣтръ;  
и рѣша Словяны: «имеся своимъ тлѣсти-  
намъ, не даны суть Словяномъ прѣ». И при-  
иде Олегъ къ Кіеву и ко Игору, несый имѣніе  
много, злато, и паволоки, овощъ, и вино, и  
всякое узорочіе; и прозваша Ольга вѣщій: бяху  
бо людіе погани и невѣгласи.

Въ лѣто 6419. Явися звѣзда велика на за-  
падѣ, копейнымъ образомъ.

2-й миръ Ольговъ съ Греки. Въ лѣто 6420.  
Посла Олегъ мужи своя (въ) Царьгородъ, къ  
царема Лву и Александру, построити мира 1-го  
и положить рядъ межъ Греки и Русью<sup>4</sup>; и  
посла глаголя:

«Равно другаго съвѣщаніа, бывшаго при  
тѣхъ же царехъ Лва и Александра, мы отъ  
рода Русскаго, Карль, Инегелдъ, Фар-  
лофъ, Вельмудръ, Рулавъ, Груды, Руалдъ,  
Каризъ, Флелавъ, Рюраръ, Актеву, Труанъ,

Лидуфость, Стенидъ, иже послани отъ Олга,  
великаго князя Русскаго, и отъ всѣхъ, иже  
суть подъ рукою его, свѣтлыхъ боляръ, къ  
вамъ, Лвови, и Александру и Костантину,  
великимъ о Бозѣ самодръжцемъ, царемъ Гре-  
ческимъ, на утверженіе и на извѣщеніе отъ  
многихъ лѣтъ межъ христіаны и Русью быв-  
шую любовь, похотѣніемъ нашихъ князей и  
по велѣнію, и отъ всѣхъ иже суть подъ ру-  
кою его сущихъ Руси. Наша свѣтлость болѣ  
иныхъ, хотящихъ о Бозѣ, удръжати и извѣ-  
стити таковую любовь, бывшу межъ христіаны  
и Русью, многожды право судихомъ, но то-  
чю простословесень<sup>5</sup>, писаніемъ и клятвою  
твердою, кляшася оружіемъ своимъ таковую  
любовь извѣстити и утвердити по вѣрѣ и по  
закону нашему. Суть, яко по неже мы<sup>6</sup> ся ишли  
о Божіи мирѣ и о любви, главы таковыа: По  
пръвому убо слову да умиримся съ вами, Греки,  
да любимъ другъ друга отъ всеа душа и из-  
воленіемъ, и не въдадимъ, елико наше изво-  
леніе, быти отъ сущихъ подъ рукою нашихъ  
князь свѣтлыхъ никакому же съблазну или  
винѣ; но потщимся, елико по силѣ, на съ-  
храненіе прочіихъ и воинну<sup>7</sup> лѣтъ съ вами,  
Греки, исповѣданную написаніемъ и клятвою  
извѣщаемую любовь непревратну и неподви-  
жиму. Также и вы, Грецы, съхраните таку же  
любовь къ княземъ же свѣтлымъ нашимъ Ру-  
скимъ и къ всѣмъ, иже суть подъ рукою  
свѣтлаго князя наша и князей нашихъ, несъ-  
блазну и непреложну выну и въ вся лѣта. И  
о главахъ, иже ся урядить проказа, урядимся  
сице: да елико явѣ будетъ показаніе яв-  
ленными, да имѣемъ вѣрное о тацѣхъ явленіи;  
а ему же начнутъ не яти вѣры, да кленется  
часть та<sup>8</sup>, иже ищетъ неаятью вѣру, да егда  
кленется по своей вѣрѣ, будетъ казнь, якоже  
явится съгрѣшеніе о семъ. Аще убіетъ кто

(1) *Въ подлинникѣ*: да испишуть. (2) *Тамъ же*: града. (3) *Тамъ же отъ слова*: вины сдѣлана выписка на поле: мыта. (4) *Тамъ же*: русью. (5) *Тамъ же отъ слова*: простословесень сдѣлана на поле выписка: православно. (6) *Тамъ же*: мы. (7) *Тамъ же*: прочіихъ вои и иныхъ. (8) *Тамъ же*: да не кленется чаемъ.



христіанина Русинъ, или христіанинъ ударятъ Русина и умретъ, да умретъ, идеже аще сѣтворитъ убійство. Аще ли убѣжитъ сѣтворивый убійство, аще есть домовитъ, да часть его, свѣтъ иже его будетъ, по закону да възметъ ближній убіенаго; а иже на убившаго да имѣетъ толицѣмъ же пребудетъ по закону; аще ли есть неимовитъ сѣтворивый убійство, и убѣжавъ, да дрѣжится тяжи, дондеже обрящется, яко да умретъ. Аще ударитъ мечемъ, или бьетъ каѣмъ любо съсудомъ, за то удареиѣ да дастъ литръ 5 сребра (по) закону Рускому; аще ли будетъ неимовитъ тако сѣтворивый, да въдастъ елико можетъ, да съиметъ съ себе и ты самыя порты, въ нихъ же ходитъ, а прочѣ да рогѣ ходитъ своею вѣрою, якоже никакоже помощи ему иному, да пребываетъ тяжа оттолѣ не възыскаема о семъ. Аще украдетъ Русинъ что любо у христіанина, или паки христіанинъ у Русина<sup>1</sup>, и ятъ будетъ въ томъ часѣ татъ, егда татбу сѣтворитъ, отъ погубившаго что любо, аще приготовится татбу творяй (и) убіенъ будетъ: да не възыщется смерть его ни отъ христіанъ, ни отъ Руси; но паче убо възметъ свое, еже будетъ погубилъ. Аще дастъ въ руцѣ украдый, да ятъ будетъ тѣмъ, у него же будетъ украдено, и связанъ будетъ, да отдастъ иже то сѣтворилъ. Аще или Русину христіанинъ, или христіанину Русинъ<sup>2</sup>, мученіа образомъ искусы творити, насиліе възме явѣ что любо дружне, да възвратитъ, рекше проданъ будетъ, трижды. О лодіѣ съ товаромъ. Аще въврѣжена будетъ лодіа вѣтромъ на землю чюжу, и обрящется тамо иже отъ насъ Руси, да аще стоитъ, снабдѣти лодію съ рухломъ своимъ и отслаты паки на землю христіанску, да провадимъ ю сквозѣ всяко мѣсто страшно; аще ли таковаа лодіа, или отъ буря, или бороненіа зем-

наго боронима, не възможе възборонитися въ своа мѣста, спотружаемся греблемъ тоа лодіи мы Русь, да проводимъ съ куплею ихъ поздорову, то аще ключится близъ Греческіа земли; (аще ли ключится<sup>3</sup>) такаже проказа лодіи (близъ земли) Русской, да проводимъ ю въ Русскую землю, и да продають рухло тоа лодіи, аще что можемъ отъ тоа лодіи, и лодіа вьволочимъ нѣмъ мы, Русь<sup>4</sup>; да егда ходимъ въ Греки, или посломъ къ цареву вашему, или съ куплею, да пустимъ е съ честію проданое рухло лодей ихъ; аще ли ключится кому отъ тоа лодіи убіену быти, или біену быти отъ насъ Руси, и взяту быти чему любо, да повинни будутъ то сѣтворивши отъ тоа Руси прежереченною опытемію и отъ тѣхъ. Аще плѣнникъ обою страну дрѣжимъ есть, отъ Руси или отъ Грекъ, преданъ во ину страну, ци обрящется Русинъ или Гречинъ, да искупятъ<sup>5</sup> или възвратятъ искупное лицемъ въ свою страну, и възмутъ цѣну его купящии, или мнится куплю на день челядинаа цѣна; такоже аще отъ рати аще ятъ будетъ, да отъ тѣхъ Грекъ такоже да възвратится въ свою землю, и да отдана будетъ цѣна его, якоже речено есть, якоже есть купля. О помочи. Егда же будетъ на войну ити, егда потребу творите, и си хотя почтити царя вашего, да аще въ кое время елико ихъ приидетъ и хотятъ остати(ся) у царя вашего<sup>6</sup>, своею волею, да будетъ. Отъ Руси плѣнени<sup>7</sup>, многажды отъ коеа любо<sup>8</sup> страны пришедшимъ въ Русь и продаемомъ въ христіаны, аще отъ христіанъ плѣвеныхъ многажды отъ коеа любо страны приходящимъ въ Русь: се продаемы бывають по 20 злата, приидутъ въ Греки. О головной татѣ. О томъ аще украденъ будетъ челядинъ Русскій, или уско-чить, или по нужи проданъ будетъ, и жаловатися почнутъ Русь, тако покажется таковое

(1) *Въ подлинникѣ:* у русина. (2) *Тамъ же:* христіанинъ русину. (3) *Слова:* аще ли ключится *взаты изъ* Полн. Собр. Лѣт. т. I, стр. 15. (4) *Въ подлинникѣ:* въ русь. (5) *Тамъ же:* не купятъ. (6) *Тамъ же:* нашего. (7) *Въ Полн. Собр. Лѣт. т. I, стр. 15:* о руси о полоненіи. (8) *Въ подлинникѣ:* убо.

912 отъ<sup>1</sup> челядина, да поимуть и Русь; и гость аще  
913 погубить челядина, и вжалуютъ, да ищутъ,  
обрѣтше поимуть и; аще ли кто искушеніа  
того не дастъ сѣтворити, местникъ да погу-  
битъ правду свою. Отъ работающихъ въ Гре-  
цѣхъ. Руси у христіаньскаго царя аще кто  
умретъ, не урядивъ своего имѣнія, къ малымъ  
ближникомъ въ Русь да възвратитъ имѣніе,  
аще своихъ не имать; аще ли сѣтворитъ обра-  
женіе, да таковой възметъ уряженое его, кому  
будетъ писанъ наследити имѣніе, да наследитъ  
е отъ возимающихъ куплю Руси, отъ различ-  
ныхъ странъ ходящихъ въ Греки и удо-  
лжающихъ. Аще злодѣй възвратится въ Русь,  
да жалуются Русь христіаньскому царю, и  
аще будетъ таковой, и възвращенъ не хотя  
въ Русь. Сы же вся да творять Русь Гре-  
комъ, идеже аще клочится таковое. На  
утврженіе и неподвиженіе быти межъ вами  
христіани и Русію, бывшей миръ сѣтворихомъ  
Ивановымъ писаніемъ на двою харатію,  
царя вашего (и) своею рукою, подлежащимъ  
честнымъ крестомъ и святою и пречестною и  
перездѣлимую и животворящую единаго сущаго  
Троицею, единаго истиннаго Бога нашего,  
извѣсти и даси нашимъ словомъ; мы же кля-  
хомся къ царю вашему иже отъ Бога сущее  
къ Божію зданію паче естества по закону и  
по покону языка нашего, не преступати ни  
намъ, ни оному отъ страны нашеа отъ устав-  
ленныхъ главъ мира и любви. Таковое напи-  
саніе дахомъ, написахомъ царства вашего не-  
удержанное<sup>2</sup> и на устроение, или<sup>3</sup> извѣщеніе,  
обою пребывати таковому сѣвѣщенію на  
утврженіе межъ нами, и Русью и Греки,  
бывшаго мира, мѣсяца сентебрия 2, недѣли  
15, въ лѣто отъ сздания міра 6420.»

Царь же Леонъ послы Рускыа почты дары,  
златомъ, и паволоками и фоеудіамъ; и при-  
стави къ нимъ мужи свои показати имъ пер-

ковную красоту, полаты златыя и въ нихъ  
сущее богатство, злато многое, и паволоки и  
каменіе дорогое, еще же и чюдеса Бога сво-  
его и страсти Господни, вѣнецъ, и гвоздіе и  
хланиду багряную, и мощи святыхъ, учащихъ<sup>4</sup>  
къ вѣрѣ своей и показучи имъ истинную вѣру;  
и тако отпусти а въ свою землю съ честію  
великою. Посланіи же Ольгомъ послы при-  
доша къ Ольгови, и повѣдаша вся рѣчи обою  
царю, како сѣтвориша миръ, и урядъ поло-  
жиша межъ Греческою землею и Русскою, и  
клятвы не преступити ни Грекомъ ни Руси.  
И живаше Олегъ, миръ имѣа къ всѣмъ стра-  
намъ, княжа въ Кіевѣ.

О смерти Ольговъ. Въ лѣто 6421. И при-  
спѣ осень, и помяну Олегъ конь свой, иже бѣ  
поставилъ кормити и не всѣдати на нь. Бѣ бо  
предъ въпрашалъ вѣховъ и кудесникъ: «отъ  
чего ми есть умрети?» И рече ему единъ ку-  
десникъ: «княже! есть у тебе конь, егоже  
ты любяши ѣздити<sup>5</sup> на немъ, то отъ того  
смерть тебѣ приати». Олегъ же приѣмъ въ умъ  
своемъ, и рече: «николиже да не всяду на нь,  
ни вижу его болѣ того»; и повелѣ кормити  
его и не водити его къ собѣ, и пребысть нѣ-  
колико лѣтъ не видаа его, дондеже и въ  
Греки<sup>6</sup> поиде. И пришедшу ему отъ Греки  
къ Кіеву, пребывшу ему 4 лѣта, и на пятое  
лѣто помяну конь свой, отъ негоже ему  
вѣхви бяху рекли умрети, и призвавъ къ  
себѣ старѣйшину конюховъ своихъ и рече:  
«гдѣ есть конь мой, егоже быхъ поставилъ  
кормити, и блюсти его, и не ѣздити<sup>7</sup> на немъ,  
и не приводити его предъ ся?» Онъ же рече:  
«умрълъ есть». Олегъ же посмѣявся и укори  
кудесника, рекъ: «то ти неправо глаголютъ  
вльсви, но все лжуть; се конь мой умрълъ  
есть, а азъ живъ». И повелѣ оскѣлати себѣ  
конь, «да вижу, рече, кости его.» И прииде на  
мѣсто, идеже лежаху кости того коня голы

<sup>1</sup>(1) Въ подлинникѣ: о. (2) Тамъ же: неуржанное. (3) Тамъ же: ил. (4) Тамъ же: учащихъ. (5) Тамъ же: ѣздити. (6) Тамъ же отъ словъ: и въ греки сдѣлана на поле выноски: и на царыградъ. (7) Тамъ же: не здати.



и лобъ голъ, и съсѣдъ съ коня, и посмѣлся рекъ: «отъ сего ли лоба смерть придетъ мнѣ?» и воступивъ ногою на лобъ; и выникнувъ змѣя изъ лба, и уклону его въ ногу, и съ того разболѣлся и умре. И плакашася по немъ людѣ вси плачемъ великимъ, и несоша его, и погребоша на горѣ, зовемой Щековица; и есть же могила та и до сего дне, словеть могила Олгова. И бысть всѣхъ лѣтъ княженія его 33.

Сказаніе о вѣлсвѣхъ притчи. Се же не лживо, яко отъ вѣлхванія събываются чародѣйствомъ, якоже бѣ въ царство Доментіаново. Нѣкій убо вѣлхвъ, именовъ Аполоніи, Тянинъ, знаеиъ бѣаше шествуа всюду и творяиъ градѣхъ и въ селѣхъ бѣсовская чудеса. Отъ Рима бо пришедъ въ Византію, умоленъ<sup>1</sup> бывъ отъ живущихъ ту сътворити сіа: отгнавъ множество змѣй и скорпій изъ града, яко не врѣжатиа челоукомъ отъ нихъ, ядрость коньскую обуздавъ, егда схожахуся боляре. Си творяше, такоже и въ Антиохію пришедъ, и умоленъ бывъ отъ нихъ, томими бо скорпіями и комары Антиохіане, сътвори скорпій мѣдны, и погребе его въ земли, и малъ стлпъ мраморянъ постави надъ нимъ, и повелѣ трости дръжати челоукомъ и ходити по городомъ, и звати, тростемъ трасомымъ: бесъ комара граду; и тако исчезнуша изъ града скорпіи и комаріа. Испросиша же и пакы отъ лежащихъ ми пакы на градѣ трусу<sup>2</sup>, шъздохнувъ, списа на дѣщину сіа вины: горе тебѣ, окаянный граде<sup>3</sup> како потрясешися много, огнемъ одрѣжнмъ будеши, оплѣчати же ты при брезѣ Иоринуття<sup>4</sup>! О немъ же великій Анастасій Божіа града рече: Аполонію же нынѣ на нѣкихъ мѣстѣхъ събываются настающаа, ово на отвращеніе животенъ четве-

роного, птица могущи вредити челоука, другая на въздржаніе<sup>5</sup> струитъ рѣчными, невзддержанно текущимъ, но ина нѣкая на тлѣніе и вредъ<sup>6</sup> челоукомъ суще на побѣжденіе стоятъ; не точію за живота его тако и таковая сътвориша бѣсове его ради, но и по смерти его пребывающе у гроба его знаменія творятъ въ имя его, на прелшеніе окаяннымъ челоукомъ, болшая же ведомымъ на таковаа отъ діавола. Кто убо что речеть о творящихъ вѣлшебъственаа дѣла, яко таковыиъ гораздъ есть вѣлшебнымъ прелшеніемъ яко выину зазрящи вѣдый Аполоній, яко неистоятся философскую мудрость имуще: подобаше бо ему, рещи, якоже и азъ словомъ точію творити, иже хоташе, а не съврѣшеніемъ творити повелѣваемаа творити отъ него. Та же вся ослабленіемъ Божіимъ и твореніемъ бѣсовскимъ бываетъ таковыми вещми искушатиа нашіа православніа вѣры, аще есть тврѣда окрестъ<sup>7</sup>, пребывающе Господеви, но не влекома врагомъ мечетныхъ ради чюдесъ и сотонинъ дѣлъ, творимомъ отъ рабъ и слугъ злобіе. 2 еще же имя Господне пророчествоваху нѣци, яко Валаамъ, и Саулъ, и Каіафа, и бѣсы пакы изгнаша, яко Іуда и сынове Скевовы. Убо и на недостойныхъ благодать (дѣй)ствуеиъ многажды, да етеръ свѣдѣлствуеиъ. Ибо и Валаамъ обоихъ бѣ чюдъ<sup>8</sup>, житіа, изыщенныа вѣры, но обаче съвладѣйствовавъ въ немъ благодать нѣхъ ради смотрѣній. И Фараонъ таковыиъ бѣ: но и тому предбудущаа показа. Навходоносоръ законопреступный: но и сему пакы по мнозѣхъ сущихъ послѣжде родъ открь. Тѣмъ же являа, яко мнози, прикосни имуще умъ, образомъ Христовымъ знаменають иною казнію на прелесть челоукомъ не разумѣвающимъ добраго; якоже бысть

(1) Въ подлинникъ: укленъ. (2) У Георгія Амартола, въ Полн. Собр. Лѣт. т. I, стр. 243, это мѣсто читается такъ: вопрошиа же и пакы о належащемъ на градѣ трусу. (3) Слово: граде находится въ подлинникъ на полѣ; въ текстъ же стоитъ: чародѣю. (4) Въ греческомъ подлинникъ Георгія Амартола: παρ' αἰγιατοῦ Ὀρόντης. (5) Въ подлинникъ: на въздржаніе. (6) Тамъ же: предъ. (7) Вмѣсто: окрестъ, слѣдуетъ читать: и крѣпка (καὶ παύλα). (8) Въ подлинникъ: ну. (9) Тамъ же: чю<sup>1</sup>.

913 Симонъ влѣхъ, и Менендръ, (и) ини; тако-  
914 выхъ ради, по истинѣ, рече: не чюдеса прел-  
щати.

Княженіе Игореве Рюриковича. Въ лѣто 6421. Поча княжити Игорь въ Кіевѣ по Олговѣ смерти. Въ то время нача царствовати въ Цариградѣ Константинъ, сынъ Леоновъ, зять Романовъ неударимаго. И Древляны затворишися отъ Игоря по Олговѣ смерти.

Въ лѣто 6422. Иде Игорь на Древляны, и побѣди а, и възложи на нихъ дань болши Ольговы. И бѣ у него воевода именемъ Свентелдъ, и не въдадешся единъ градъ, именемъ Пересѣчень на Днѣпрѣ, и сѣде около его 3 лѣта, и едва взя его. И бяху сидяще Углици по Днѣпру внизъ; и посемь придоша межи вои Днѣстръ, и сѣдоша тамо. Дастъ же Игорь дань Деревскую Свентелду, имаше же по чернѣ кунѣ отъ дыма. И рѣша дружина Игоревы: «се далъ еси единому мужеву много». Сіе посемь скажемъ въ приключшихся лѣтѣхъ. Въ то же время приде Симеонъ царь Болгарскій на Царьградъ, и сѣтвори миръ, иде въ своаси.

Въ лѣто 6423. Придоша Печенѣзи прѣвое на Русь; сѣтворивше миръ съ Игоремъ, придоша къ Дунаю. Въ си же времена приде Семіонъ Болгарскій, плѣневаше Фрасію, Греци же послаша по Печенѣгы; Печенѣгомъ же пришедшимъ, хотящимъ на Симеона, и разсваришася Греческія воеводы; видѣвши же Печенѣзи, яко сами на ся рать имуть, и отъидоша въ своаси, а Болгари съ Греки съступашася, и посѣчени быша Греци. Симеонъ же пріа градъ Андреанъ, иже древле Орестовъ градъ нарицаашеся, сына Агамемня, иже древле въ трехъ рѣкахъ купася, недуга избы ту, сего ради въ свое имя нарече; послѣдиже Андрѣанъ царь обнови его, въ свое имя нарече Андрѣанъ, мы же зовемъ Андреанемъ градомъ.

Въ лѣто 6428. Поставленъ бысть Романъ

старый неударимъ царемъ въ Греціхъ, Константиномъ царемъ и Николою патриархомъ. Игорь же вьеваше Печенѣгы.

Въ лѣто 6429. Игорь и Ольга пристроста корабля многы и вѣи бесчисленны.

Въ лѣто 6437. Приде Симеонъ Болгарскій на Царьградъ, и поплѣни Фракію и Макидонію, и приде къ Царюграду въ силѣ величѣ, грядяся, и сѣтвори миръ съ Романомъ царемъ, и възвратися въ своаси.

Въ лѣто 6442. Прѣвое придоша Угри на Царьградъ, и плѣняху всю Фракію; Романъ же сѣтвори миръ съ Угры.

Въ лѣто 6449. Иде Игорь на Греки; и послаша Болгаре вѣсть къ царю, яко идуть Русь на Царьгородъ, людей 10,000, глаголемыи отъ рода Варяжска сущимъ. Иже придоша и приступиша во страну Греческую іюня 10, и почаша воевати Финничскія страны, и плѣневааху по Понту до Иракліа и до Певлагонскыя земли, и всю страну Никомидійскую поплѣнише, много же и веліе (зло) сѣтвори Русь, прежде даже Греческимъ воеводамъ не присѣвшимъ; тогда и Суды вся пожгоша огнемъ. А ихже выше плѣнники, то всихъ ростинааху, иныхъ же къ земли пресѣкааху, другыя же яко стражи поставляху: стрѣлами растрѣляаху, елико ратни творяаху, и изламааху опако рупѣ связавше, и гвозды желѣзныя посредѣ главы вѣбивааху имъ; много же святыхъ церквей огневи предаша, манастиреве и села пожгоша, и имѣніе немало обою страну възяша Русь. Потомъ же пришедшимъ на нихъ воемъ отъ востока, Панфиръ деместикъ съ 40,000 вой, Фока же патрикѣй съ Макидоніи, и Феодоръ стратилатъ съ Фраки, съ нимъ же и сановници боярстѣи, и обыдоша Русь около. И сѣвѣшавше Русь, изыдоша изооружившеся на Греки, и брани межи ими бывши злѣ, одва одолѣша Греци; Русь же възвратишася къ дружинѣ своей къ

(1) Въ подлинникѣ: во. (2) Тамъ же: поемъ. (3) Тамъ же: града. (4) Т. е. военичьскія.

вечеру, на ночь же влѣзоша въ ладіа и отбѣгоша. Романъ же царь посла на дромоны, елико бяху въ Константиноградѣ, съ Феофаномъ патрикеемъ на Русь. Феофанъ же лодійныя воа прежде уготовавъ, потомъ же и слезами себе утвѣдивъ, Руси ожидаа въ лодіахъ, на ня хотя вти изъ окрестна<sup>1</sup> глаголемаго фора, стражница, во ней же огонь влагается на просвѣщеніе ноши; се на устьи Понта стражу дѣла, зане ту частое разбойничество, на страны нагнанія, ихже изби Ираклій. Ту дожда полковъ Рускихъ лодіа, разрушии, устроенъ огонь поже; устрѣте бо я въ оледехъ съ огнемъ, и пущати нача трубами огонь на лодіи Руския, и бысть видѣти страшно чюдо. Русь же видяще пламень, вѣстахуся въ воду морскую, хотяще убрести, и многы погыбоша, и тако прочіи възвратишася на побѣгъ въ своаси. Тѣмъ же пришедшимъ въ землю свою, повѣдаху каждо своимъ о бывшемъ и (о) оляднѣмъ огни: «якоже мльніа, рече, иже на небесѣхъ, Греци имутъ у себе и пушающе жгутъ насъ, и сего ради не одолѣхомъ имъ». Игорь же пришедъ нача воа съвокупляти многы, и посла по Варягы за море, ваба я на Греки, и паки хотя поити на Греки.

Въ лѣто 6450. Семіонъ иде на Хороваты, и побѣжденъ бысть отъ Хорватъ, и посемь умре, оставивъ князя Болгаромъ сына своего Петра.

Въ лѣто 6450, мѣсяца априля въ 12 день, на память священномученика Василя Парійскаго, принесенъ бысть поясъ пречистыа Богородица отъ епископа Зилы въ царствующій градъ, и положенъ въ Халкопратіи, мѣсяца августа 31. Въ то же лѣто родися у великаго князя сынъ Святославъ.

Въ лѣто 6451. Паки придоша Угри на Царьградъ, и миръ сътвориша съ Романомъ царемъ, и възвратишася въ своаси.

Въ лѣто 6452. Игорь съвѣкупи вои множество, Варягы, Русь, Поляне, Словяны, и

Кривичи, и Вятичи и Тиверици, и Печенѣгы 941  
наа и тали у нихъ поима, и поиде на Греки 945  
въ лодіахъ и на конехъ, хотя<sup>2</sup> мстити себе. Се слышавши Курсунци, послаша къ Роману, глаголюще: «се идутъ Русь безъ числа корабли съ бранію, и покрили суть море корабли». Также и Болгаре послаша вѣсть, глаголюще: «идутъ Русь, и наали суть себѣ Печенѣгы». Се слышавъ царь, посла ко Игору лучшии бояре, моляся и глаголя: «не ходи сѣмо, но възми дань, еже ималъ Олегъ, и придамъ еще къ той дани». Такжеже и къ Печенѣгомъ посла паволоки и злато много. Игорь же дошедъ Дунаа, съзва бояре свои, нача думать, и повѣда имъ рѣчь цареву. Рѣша же бояре Игоревы: «да аще сице глаголетъ царь, то что хошемъ болѣ того, не бившиися имати злато и серебро и паволоки? егда кто вѣсть, кто одолѣетъ, мы ли, или они? или съ моремъ кто съвѣтень? се бо не по земли ходимъ, но по морьстѣй глубинѣ, обща же смерть всѣмъ.» И послуша ихъ Игорь, и повелѣ Печенѣгомъ воевати Болгарскую землю; а самъ въземъ у Грекъ паволоки и злато, и на вся своа воа, и възвратися въспать, и приде къ Киеву.

Въ лѣто 6453. Присла Романъ царь, и Константинъ и Стефанъ послы ко Игоревы построи мира прьваго; Игорь же глагола съ нима о мирѣ. И посла Игорь бояре свои къ Роману, Романъ же съзва бояре свои и савновники, и повелѣша внити Русскимъ посломъ; они же въшедше, и повелѣ имъ глаголати и писати обоихъ рѣчи на хартію:

«Равно другаго съвѣщанія, бывшаго при цари Романѣ, и Константинѣ и Стефанѣ, христорубивыхъ владыкъ<sup>3</sup>, мы отъ рода Русскаго послы, великаго князя Игоря Русскаго именемъ Изіоръ, и гостіе и общіи послы: Буефастъ Святославъ, сына Игорева; Искусевъ Олги княгини<sup>4</sup>; Слудій, племенникъ Игоревъ; Улѣбъ Володиславъ; Кавицаръ Переславинъ;

(1) Въ подлинникѣ: искрестна. (2) Тамъ же: хотять. (3) Тамъ же: владыко. (4) Тамъ же: князи.  
Т. XV.

945 Шихбернъ Сфандръ, жены Улѣбля; Прастѣнъ Турдови; Либіаръ Фрастовъ<sup>1</sup>; Гримъ Сѣирковъ<sup>2</sup>; Прастѣнъ Акунъ, нетій Игоревъ; Каръ Студковъ; Каршевъ Турдовъ; Егріе Влановъ; (Вонстъ) Войковъ; Аетръ Аминдовъ; Прастѣнъ Берновъ; Ятвагъ Гунаревъ; Шибридъ Олданъ; Колъ Клоковъ; Стегги Етоновъ; Сѣирка; Алдадъ Судовъ; Фудри Тулдовъ; Мутуръ Утинъ; купецъ Атунъ, Адудльбъ, Иггивладъ, Олѣбъ, Фрутанъ, Гомоль, Куци, Емигъ, Турдильбъ, Фурстѣнъ, Бруды, Лоардъ, Гунастръ, Фрастѣнъ, Игелдъ, Турбернъ, Моны, Руалдъ, Свѣнъ, Стиръ, Олданъ, Телина, Пупсаръ, Вузалѣбъ, Исинко, Боричъ, посланіи отъ Игоря, великого князя Русскаго, и отъ всѣхъ князей и отъ всѣхъ людей земля Русская. Отъ тѣхъ заповѣдано обновити ветхій миръ, и ненавидящаго добра и враждолюбца діавола разорити отъ многихъ лѣтъ, и утвердити миръ межи Греки и Русью. И великій князь Игорь, и его бояре и людие вси Русіи послаша ны къ Роману, и Костантину и Стефану, къ великимъ царемъ Греческимъ, сътворити любовь съ самими цари и съ всѣми людьми Греческими на вся лѣта, дондеже сіаетъ солнце и весь міръ стоитъ. Иже помыслить отъ страны Русская раздрушити таковую любовь, и елико ихъ крещеніе пріали суть, да примутъ мечь отъ Бога Вседръжителя и осужденіе на погыбель въ сій вѣкъ и въ будущій; а елико ихъ некрещено суть, да не имутъ отъ бога помощи, ни отъ Перуна, да не ущятятся щиты своими, и да посѣчени будутъ мечи своими, и отъ стрѣлъ и отъ нага оружія своего, и да будутъ раби и въ сій вѣкъ и въ будущій. А великій князь Русскій и бояре его да посылають въ Греки къ великимъ царемъ Греческимъ послы и съ гостями, якоже имъ уставлено есть. Носяху послы

печати злати, а гостіе сребрены; нынѣ же увидѣлъ есть князь вашъ<sup>3</sup> посылаты грамоту къ царству нашему<sup>4</sup>. Иже посылаеми бывають отъ нихъ послы и гостіе, да приносятъ грамоту, пишучи е сиче: яко послахъ корабль селико; и отъ тѣхъ да увѣмы и мы, оже съ миромъ приходятъ. Аще ли безъ грамоты придутъ, и преданы будутъ намъ, да дрѣжимъ и хранимъ, дондеже възвѣстимъ князю вашему; аще ли руку не дадутъ и противятся, да убіени будутъ, да не възыщется смерть ихъ отъ князя вашего; аще ли убѣжавше придутъ въ Русь, и мы напишемъ къ князю вашему<sup>5</sup>, яко имъ любо, тако сътворять. Аще ли придутъ Русь<sup>6</sup> бес купли, да не възимлють мясячины. И да запретитъ князь словомъ своимъ и приходящи Руси здѣ, да не творять въ селехъ, ни въ странѣ нашей ничтоже зла. И приходящимъ имъ, да витають у святаго Мамы; да пошлетъ царство наше, да испишутъ имена ихъ, и тогда възмутъ мясячное свое, съли<sup>7</sup> слѣбное, а гостіе мѣсячное, прѣвое отъ града Кіева, и съ Чернигова, и Переяславля. Да въходятъ въ градъ единѣми враты съ царевымъ мужемъ безъ оружія 50 мужъ, и да творять куплю еже имъ надобѣ, и пакы да исходятъ; и мужъ царства нашего да хранить я; да аще кто отъ Руси или отъ Грекъ учинитъ криво, да оправятъ то. Въходяще же Русь въ градъ да не имѣють волости купити паволокъ лише по 50 златники; и отъ тѣхъ паволокъ аще кто купитъ, да покажетъ цареву мужу, и тѣмъ е запечатаетъ и дастъ имъ. И отходящей Руси отсюду възимлють отъ насъ еже надобѣ брашно на путь, и еже надобѣ лодіамъ, яко уставлено есть прѣвѣ, и възвращаются (съ) съспасеніемъ въ страну свою, и да не имѣють власти зимовати у святаго Мамы. Аще ускочитъ челядинъ отъ

(1) Миклошичъ въ Chronica Nestoris: Либі Арѣфастовъ. (2) Въ подлинникъ отъ этого слова сдѣлана выписка на поле: Стерковъ. (3) Тамъ же: нашъ. (4) Тамъ же: вашему. (5) Тамъ же: нашему. (6) Тамъ же: въ русь. (7) Тамъ же: или.

Руси, по нѣ<sup>1</sup> же придоша въ страну царства нашего<sup>2</sup>, и отъ святаго Мамы еще будетъ, да поимутъ и; и еще ли не обратится, да на роту идутъ наши христіаны Руси по вѣрѣ ихъ, а нехристіане по закону своему: ти тогда да възнимають отъ насъ цѣну свою, якоже уставлено есть прежде, двѣ паволоцѣ за челядина. Аще ли кто отъ людей царства нашего, или отъ града нашего, или отъ нѣхъ градъ ускочитъ челядинъ нашъ къ вамъ, и принесетъ что, да воспятятъ и опять; а еже что принесъ будетъ, а все цѣло, и да възметъ у него златника два. Аще ли кто покусится отъ Руси възяти что отъ людей царства нашего<sup>3</sup>, иже то сѣворитъ, покажнень будетъ велии; аще ли възялъ будетъ, да заплатитъ сугубо. Аще ли сѣворитъ тоже Гречинъ Русину, да принметъ ту же казнь, якоже и онъ пріаль есть. Аще ли ключится украсти Русину отъ Грека что, или Гречину отъ Руси, достойно есть възвратити е, не точію едино, но и цѣну его сугубъ; аще украденое обрящется продаемо, да въдасть цѣну его сугубо, и тѣмъ да покажнень будетъ по закону Греческому и по уставу Русскому. И елико христіанъ отъ власти нашеа плѣнныхъ<sup>4</sup> приведетъ Русь, ту аще будетъ юноша или дѣвица добра, да въдаять златникъ 10 и поимутъ ю; аще ли есть средовѣчъ, да въдасть златникъ 8 и поиметъ ю; аще ли будетъ старъ или дѣтище, да въдасть златникъ 5. Аще ли обрящется Русь работающіи у Грека, аще ли суть плѣнники, да искупають по 10 златникъ Русь; аще ли купилъ<sup>5</sup> будетъ Гречинъ, шодъ хрестомъ достонитъ ему, да възметъ цѣну свою, еликоже далъ будетъ на немъ. А о Корсуньстѣй странѣ, еликоже есть городовъ на той части, да не имутъ власти князи Русскіи воевати на тѣхъ странахъ, а та страна не покарятъ вамъ. Когда ли, аще проситъ

вой отъ насъ князь Русскій, да дамы ему, 945 елико ему будетъ требе. И о томъ, аще обрящется Русь кубару Греческую вывержену на коемъ любо мѣстѣ, да не пріобидятъ ея; аще ли възметъ кто что, или челоуѣка поработитъ, или убіетъ, да будетъ повиненъ закону Русскому и Греческому. Аще обрящется въ устьи Днѣпра Русь Корсуняне рыбы ловячи, да не творятъ имъ зла никакогого; да не имѣють власти Русь зимовати въ устьи Днѣпра, въ Бѣлобережи, ни у святаго Елферія; но егда приидетъ осень, да идутъ въ дома свои въ Русь. А о сихъ, иже то приходятъ Чръніи Болгаре, и воюють въ странѣ Корсуньстѣй, и велимъ князю Русскому, да ихъ не пускаетъ, да не пакостятъ въ странѣ той<sup>6</sup>. И аще ключится проказа нѣкаа отъ Грека, сущіихъ подъ властію царства нашего, да не имать власти казнити а, но повелѣніемъ царства нашего да принметъ, якоже будетъ сѣворилъ. Аще убіетъ христіанинъ Русина, или Русинъ христіанина, да дрѣжимъ будетъ сѣворивый убійство отъ ближникъ убіенаго, да убіють и. О утецѣ. Аще ли ускочитъ сѣворивый убой, и аще будетъ имовитъ, да възмутъ имѣніе его ближніи убіенаго; аще ли есть неимовитъ<sup>7</sup> и ускочитъ, да ищутъ его, лондеже обрящется, аще ли обрящется, да убіенъ будетъ. Ци аще ударитъ копіемъ, или мечемъ, или любо кацѣмъ оружіемъ Русинъ Гречина, да того ради грѣха заплатитъ сребра литръ 5, также и Гречинъ Русину, по закону Русскому; аще ли есть неимовитъ<sup>8</sup>, да въ колико можетъ, въ толико же и проданъ будетъ, да и порты, въ нихъ же ходитъ, и то съ него сняти; а опроче да на роту ходитъ по своей вѣрѣ, яко не имѣа ничтоже, и тако пущенъ будетъ. О помогѣ. Аще ли хотѣти начнетъ наше царство отъ васъ<sup>9</sup> вой на противящаася намъ, да пишу къ великому князю вашему, и послетъ намъ, елико хошетъ:

(1) *Въ подлинникѣ:* не. (2) *Тамъ же:* вашего. (3) *Тамъ же:* вашего. (4) *Тамъ же:* ту племенна. (5) *Тамъ же:* купилъ. (6) *Тамъ же:* въ странѣ его. (7) *Тамъ же:* неимовитъ. (8) *Тамъ же:* неимовитъ. (9) *Тамъ же:* отъ насъ.



945 и утолѣ увѣдять иныя страны, како любовь имѣють Греци съ Русію. Мы же съвѣщаніе все написахомъ на двою харитію, и единая харитіа есть у царства нашего, на ней же есть крестъ (и) имена наша написана, а на друзѣхъ послы ваши и гостіе. Отходяще съ посломъ царства нашего да допроводятъ ю къ великому князю Рускому Игореву, и ко всѣмъ людемъ земля Русская и ко всему боярству Игореву<sup>1</sup>, и ти приѣмше харитію на роту идутъ хранити истинну, якоже мы съвѣщахомъ и написахомъ (на) харитію сію, на ней же суть имена наша написана. Мы же, елико насъ крестилися есми, кляхомся церковію святаго Иліи<sup>2</sup> въ зборній церкви, и подлежащимъ честнымъ крестомъ, и харитією сією хранити все, еже есть написано на ней, и не преступити отъ него ничтоже. И ли приступитъ кто отъ страны нашеа се, или князь или инъ кто, или крещенъ или некрещенъ, да не имать помощи отъ Бога, да будетъ рабъ въ сій вѣкъ и въ будущій, и да заколенъ будетъ своимъ оружіемъ. А на ротѣхъ некрещеннаа Русь<sup>3</sup> да полагають щитовѣ, и мечи свои нагы, и обручи свои, и прочее оружіе, и кленутся о всемъ, яже суть написана на хартии си, хранити сіа вся отъ Игоря, и отъ бояръ его и отъ всѣхъ людей<sup>4</sup> отъ страны Руская и въ прочаа лѣта и выну, и бысть тако. Аще ли кто отъ князь или отъ людей Рускихъ, или христіанинъ или нехристіанинъ, да преступитъ клятву сію, написаную на сей харити, то таковый будетъ достоинъ своимъ оружіемъ биемъ будетъ воскорѣ<sup>5</sup>, и да будетъ проклятъ отъ Бога въ день судный, и отъ Перуна и отъ Волоса, скотіа бога, яко преступи каждо свою клятву. Да аще будетъ

добрѣ устроилъ миръ Игорь, великій князь Рускій, межъ Греки и Руси, да хранитъ любовь правую, и да не разрушитъ ея никтоже, дондеже сіаетъ солнце и весь міръ стоитъ, въ нынѣшныя вѣкы и въ будущія дни».

Посланія же послы Игореву приидоша къ Игорю съ послами Греческими, и повѣдаша вся рѣчи царя Романа. Игорь же призываетъ послы Греческия, и рече имъ: «глаголите ми вы, что есть царево слово? И рѣша послы цареви: «се посла ны царь, радуется миру, хоцетъ миръ имѣти съ тобою, съ великимъ княземъ Русскимъ, и любовь; и твои послове водили нашихъ царей къ кресту, и насъ послаша ротѣ водити тебе и мужъ твоихъ». И обѣщася Игорь сице сътворити. И наутріа призва Игорь послы, и приѣхалъ на холмъ, идеже<sup>6</sup> стоятъ Перунъ, и покладоша оружія своя и щиты и злато, и ходи Игорь ротѣ, и мужіе его, и елико поганихъ Руси; а христіанскую<sup>7</sup> Русь водиша къ кресту въ церкви святаго пророка Иліи, иже есть надъ ручаемъ, конецъ Пасынча босѣды и Ковары: се бо бѣ зборнаа церкви, много бо бѣ Варягъ христіанскихъ. Игорь же утвердивъ миръ съ Греки, отпусти послы къ цареви<sup>8</sup> одаривъ, съ скорою и челядію и воскомъ, и отпусти а; и послы же приидоша къ цареви<sup>9</sup>, (и) исповѣдаша царю и Грекомъ вся рѣчи Игоревы, миръ и любовь. Игорь же нача княжати въ Кіевѣ, миръ имѣа къ всѣмъ странамъ; и приспѣ осень, нача мислити на Древляны, хотя примыслити болшую дань.

Въ лѣто 6453. Рекоша боляре Игоревы: «отроки Свентельдьки пзодѣлися суть оружіемъ и порты, а мы назъ; поиди, княже, въ дань, а мы съ тобою, да и ты (до)будеши,

(1) *Въ подлинникѣ:* игореву и всѣхъ людей земля руская и всего боярства игорева о любви, яже ко грекомъ, бывшимъ миръ правый безсбланный къ людемъ его. (2) *Тамъ же:* иліи. (3) *Тамъ же слово:* Русь написано дважды. (4) *Тамъ же:* людей и. (5) *Въ Полн. Собр. Лѣт. т. I, стр. 22—23:* будетъ достоинъ своимъ оружіемъ умрети. (6) *Въ подлинникѣ:* идеже. (7) *Тамъ же:* христіанская. (8) *Тамъ же:* къ церкви. (9) *Тамъ же:* приидоша къ церкви греческій.

господине, и мы.» И послуша ихъ Игорь, и иде въ Древа въ дань, и примыслиаше ко пръвой дани, и насиліе творяше имъ и боляре его; и въземъ дань, и поиде въ градъ свой. Идушу же ему възспать, размысливъ, рече боляромъ своимъ: «идѣте з данію до новъ въ градъ, и азъ възвращуся възспать и похожю еще». И възвратися съ малою дружиною, а боляръ своихъ отпусти. И поиде Игорь змалѣ на Древланъ, желая взяти боляшаго имѣнія. И слышавше Древлане, яко възвратися, опять идетъ Игорь, и здумавше съ княземъ своимъ Маломъ, рекуще: «аще възадитъ влъкъ въ овци, то выносить все стадо, аще не убіють его; тако и сей: аще не убіемъ его, всѣхъ насъ погубитъ безъ утеча». И послаша къ нему, глаголюще: «почто идеши опять? а понмалъ еси дань свою». И не послуша ихъ Игорь. И вышедши изъ града ис Коростѣня Древлане, и убивша Игоря и кто съ нимъ: бѣ бо ихъ мало. И погребенъ бысть Игорь, и естъ могила его у Коростѣня града въ Деревехъ и до сего дне. Княжнѣ по Олгѣ лѣтъ 33; и оста по немъ сынъ его Святославъ малъ, 15 лѣтъ; а дѣка же бѣ у него Асмудъ, и воевода у него бѣ Свенталдъ, той же отецъ Мъстини.

Начало княженія Олгина, жены Игоревы. Олга же бѣше въ Кіевѣ съ сыномъ своимъ Святославомъ. Рѣша же Древлане: «се князя убихомъ Русскаго, понмемъ княгиню его Олгу за свой князь за Малъ, и сына ея Святослава, и сѣтворимъ ему якоже хошемъ». И послаша Древлане лучшихъ мужи, числомъ 20, въ лодіи къ Олгѣ, и присташа подъ Боричевымъ въ лодіи, бѣ бо тогда вода текущи возлѣ горы Кіевскіа, и зва Подолъ не сидяху людіе, но на горѣ; игралъ же бѣ Кіевъ, идеже естъ нынѣ дворъ Гордѣтинъ и Никифоровъ, а дворъ княжъ

бѣше въ городѣ, идеже нынѣ естъ дворъ 945  
Воротиславъ и Чюдинъ, а перевѣснице бѣ вънѣ града, и бѣ внѣ града другой дворъ, идеже естъ дворъ Деместиковъ за святою Богородицею, надъ горою дворъ теремный, бѣ бо ту теремъ камень. О гордихъ просатахъ. И повѣдаша Олгѣ, яко Древлане придоша, и възва а Олга къ себѣ, и рече: «добръ гостіе придоша»; Древлане же рекоша: «мы къ тебѣ придохомъ, къ тебѣ княгини.» И рече имъ Олга: «да глаголете, что ради придосте сѣмо?» Древлане же рѣша: «посла ны Деревская земля, ркучи снѣ: мужа твоего убихомъ, бѣше бо мужъ твой акы волкъ възхыщаа и грабя, а наши князи добри суть, иже роздѣляли землю Деревскую, да поиди за князь нашъ за Малъ»; бѣ бо ему имя Малъ, князю Деревскому. Рече же имъ Олга: «любѣ ми естъ рѣчь ваша, уже мнѣ мужа своего не воскресити; но хошу вы заутра почтити передъ людьми-своими, а нынѣ идѣте вы въ лодію свою, и ляжете въ лодіи своей величающеся, и азъ утрѣ по<sup>3</sup> вы пошлю, и вы же рѣчѣте снѣ: не идемъ ни на конехъ ни пѣши, но понесѣте насъ нынѣ въ лодіи; и снѣ вземше лодію, и вынесутъ вы въ лодіи ко мнѣ, и творя вы честь предъ своими.» И си рекши, и отпусти я<sup>3</sup> въ лодіи. Олга же повелѣ ископати яму велику и глубоку на дворѣ теремскомъ, вънѣ града. И заутра Олга сѣдѣше въ теремѣ, и посла по гости; и придоша послании, глаголюще имъ: «зоветь вы Олга на честь великую.» Они же рѣша: «пѣши не идемъ, ни на конехъ не издѣмъ, но понесѣте ны<sup>4</sup> въ лодіи.» Рекше Кіеве: «намъ естъ неволя; князь нашъ убіенъ, а княгиня наша хошетъ за князь вашъ»; и понесоша ихъ въ лодіи. Они же сѣдѣше гордящеся въ перегбѣхъ въ великихъ състугахъ; и принесоша ихъ на дворъ теремный къ Олгѣ, и несше вринуша ихъ въ яму и съ лодію.

(1) Въ подлинникѣ: ополѣ. (2) Тамъ же: азъ поутрѣ. (3) Тамъ же: я. (4) Тамъ же: ни.

945 Приишли Олга рече: «добра ли вы<sup>1</sup> честь?»  
 946 Они же рѣша: «пуще ны Игоревы смерти». И повелѣ засыпати ихъ живыхъ, и посыпаша я. О просатаехъ же о другихъ. И посла Олга къ Древляномъ, рече имъ: «да аще мя вы просите право, то пришлите сѣмо мужи нарочиты, да въ велицѣй чести и силою и славою многою поиду за князь вашъ, ни да не пустятъ мя мужіе Кіевстїи». Се слышавше Древляне, ради быша, изобраща нарочитыхъ мужъ 50, иже дръжааху Деревскую землю, и послаша по Олгу. Древляномъ же пришедшимъ повелѣ Олга мовъ сѣтворити, сирѣчь баню, ркучи сїце: «измывшеся приидѣте къ мнѣ». Они же рѣша: «буди тако, якоже велиши.» И повелѣ Олга людемъ своимъ да пережгутъ баню. Они же сѣтвориша мовъ, и влѣзоша Древляне, и начаша мытися, и запроша съ ними мовъ, и повелѣ зажещи ихъ отъ дверей, и ту згорѣша вси. И посла къ Древляномъ, сїце рекущи: «се уже иду къ вамъ, да пристроите меды многы у града, идеже убисте мужа моего, да плачуся надъ гробомъ его, и сѣтвору трызну князю своему». Они же слышавше то, свезоша меды многы зѣло, и възвариша. Олга же поемши мало боляръ, легко идущи прииде къ гробу своего князя, и плакася по немъ великимъ плачемъ; и повелѣ Олга людемъ своимъ надъ своимъ княземъ могылу ссыпати велику, и яко ссыпаша, повелѣ трызну творити. Посемъ сѣдоша пити Древляне, мужей лучшихъ множество, и повелѣ Олга отрокомъ своимъ служити предъ ними; и рѣша Древляне къ Олзѣ: «гдѣ суть дружины наша, иже послахомъ по тебе?» Она же рече: «идутъ по мнѣ съ боляры мужа моего.» И якоже упишася Древляне, повелѣ Олга отрокомъ своимъ пити<sup>2</sup> съ ними, а сама отънде кромѣ, и повелѣ слугамъ сѣчи

Древляны, и посѣкоша ихъ 5000. А Олга възвратися къ Кіеву, и пристрой вои многы на останокъ ихъ.

Начало княженіа Святославля Игоревича. Въ лѣто 6454. Олга (съ) сыномъ своимъ<sup>3</sup>, съ великимъ княземъ Святославомъ Игоревичемъ, събра воа многы и храбры, иде на Деревскую землю. И изыдоша Древляне противу, и снемшимася обѣма полкома, князь великы Святославъ наступль, и суну копїемъ на Древляны и копїе пролетѣ сквозѣ уши коневы, и ударилъ<sup>4</sup> въ ноги другаго<sup>5</sup> коневы: и не даша ему битися<sup>6</sup> боляре, бѣ бо дѣтескы. И рече Свентелдъ и Асмудъ: «князь уже почалъ; потягнемъ дружиною по князя.» И побѣдиша Древляны, и побѣгоша Древляне, и затворишася въ градѣхъ своихъ. Олга же съ сыномъ своимъ Святославомъ устремися на Коростѣнь градъ, яко тѣ бѣаху убилы князя еа; и сѣде около града съ сыномъ своимъ, а Коростѣнци затворишася въ градѣ, и бѣахуся крѣпко изъ града, видяху бо, яко сами убилы князя еа, и на что ся предатц. И стоа Олга лѣто все, и не може взяти града, и умышлї сїце: посла къ граду, глаголюще: «что хотите досидѣти? а вси гради ваши предашася мнѣ, и ялися<sup>7</sup> по дань, и дѣлають нивы земля своа; а вы хотите измрети голодомъ, не имущеся по дань.» Древляны же рекоша: «ради быхомъ ся яли<sup>8</sup> по дань, но хоцеши мщати князя своего.» Рече же имъ Олга: «яко азъ уже мстила князя своего, когда приидоша къ Кіеву, 2-е и третїе, и когда творихъ трызну князю своему; а уже не хошу мщати, но хошу<sup>9</sup> дань имати поналу, и смирившися съ вами, прочъ поиду.» Рекоша же Древляне: «что хоцеши? ради даемъ медомъ и скорою.» Она же рече: «ныиѣ у васъ нѣсть меду, ни скоры, но мало у васъ прошу: дайте ми отъ двора по три голуби и по

(1) Въ подлинникѣ: въ. (2) Тамъ же: перепивати пити. (3) Тамъ же: своихъ. (4) Тамъ же: одари. (5) Тамъ же: друга. (6) Тамъ же: битися. (7) Тамъ же: яслися. (8) Тамъ же: ясли. (9) Тамъ же: хошу нѣмъ.



три воробіи; азъ бо не хочу тяжки дани на вы възложити, якоже и князь мой; но сего у васъ прошу малая, вы бо есте изнемоглися во<sup>1</sup> осадѣ.» И Древляне же ради бывше, и събраша по всему граду отъ двора по три голуби и по три воробіи, и послаша къ Олзѣ скоро съ челобитіемъ и съ молбою. Олга же рече: «се уже есте (ся) покорили мнѣ и моему сыну, и алися есте по дань, идѣте же въ градъ, а я завтра отступлю отъ града, и поиду къ своему граду къ Кіеву.» И Древляне же ради быша, приидоша въ градъ, и повѣдаша людемъ, и обрадовашася вси людіе въ градѣ. Олга же раздаа по голуби комуждо воемъ своимъ, а инымъ по воробію, и повелѣ къ комуждо голубови и къ воробію заверчиваючи въ платки малы сѣру съ огнемъ и привязывати нитію; и яко уже смерчеса, повелѣ Олга пустити голуби и въробіи воемъ своимъ. Голуби же и въробіи полѣташа въ гнѣзда своа, ови въ гулубниці, въробіеве же подо стрѣхы, и тако възгарахуса голубниці, ово клѣти, и вежи, и одрины, и не бѣ двора, ни храмины, идеже не горяше, и не бѣ лзѣ угасити, все бо загорѣся. И побѣгоша людіе изъ града, и повелѣ Олга имати я; и пожже градъ, и старѣйшаа града изыма, и прочаа люди овыхъ изымаша, а овѣхъ изби, а иныа воемъ своимъ работѣ преда, а останокъ я на дань остави. И възложи на нихъ дань тяжку, и двѣ части дани идета къ Кіеву, а третіа къ Вышегороду къ Олзѣ, бѣ бо Вышегородъ градъ Олгинъ. И иде Олга по Деревской земли съ сыномъ своимъ и войскомъ своимъ, уставляючи уставы и уроки, и суть становнища еа и ловища. И прииде въ градъ свой Кіевъ съ своимъ сыномъ, великимъ княземъ Святославомъ, и пребывши лѣто едино,

Въ лѣто 6455, иде Олга къ Новугороду, и остави сына своего Святослава въ Кіевѣ, и

нача уставляти<sup>2</sup> по Мстѣ погосты и дани, и по Лузѣ дани и оброky; и ловища еа суть и до сего дни по всей земли, знаменіа же и мѣста и погосты, и сани еа стоятъ въ Пѣсковѣ, и по Днѣпру перевѣсища и села еа и по Деснѣ; близъ Кіева есть села Олгини и до сего дни. Изрядивши, възвратися<sup>3</sup> къ сыну своему въ Кіевъ, и пребываше съ нимъ въ любви за много.

Крещеніе Олгино въ Цариградѣ. Въ лѣто 6463. Иде Олга въ Греky, и прииде къ Цариграду. И бѣ тогда царь именемъ Іоанъ Цимисхиль, и прииде къ нему Олга, и видѣвъ ю добру сущу лицемъ и велии смыслу, и удивлься царь разуму еа, бесѣдова къ ней, рекъ ей: «подобна еси царствовати въ градѣ семъ з нами.» Она же разумѣвши, рече къ царю: «азъ погана есмь, да аще мя хоцещи крестити, то крести мя самъ; аще ли не крестиши мя ты, то не крещуся.» И крести ю царь съ патріархомъ. Просвѣщена же бывши, радовашеся душею и тѣломъ, и поучи ю патріархъ о вѣрѣ, рече ей: «благословена ты въ женахъ Русскихъ, яко възлюби свѣтъ, а тму остави; благословити тя имуть сынове Русстии въ послѣдній родъ внуку твоихъ.» И заповѣда ей<sup>4</sup> о церковномъ чину, и о молитвѣ, и о постѣ, и о въздржаніи тѣла чиста; она же стоаше поклонивши главу, яко губа напаеаема водою внимаючи ученіа; и поклонившися патріарху, глаголющи: «молитвами твоими, владыко, да съхранена буду отъ сѣти непріязнены.» Бѣ же наречено имя ей въ крещеніи Елена, якоже и древняя царица, мати великого царя Костантина. И благослови<sup>5</sup> ю патріархъ, и отпусти ю. И по крещеніи възва ю царь, и рече ей: «хощу ты пояти женѣ себѣ.» Она же рече: «како хоцещи пояти, крести(въ) мя самъ и нарекъ мя дщерию? а въ христіанехъ того нѣсть закона, а ты самъ вѣси.» И рече ей царь: «оболь-

(1) Въ подлинникъ: вы. (2) Тамъ же: уставати. (3) Тамъ же: блв<sup>с</sup>.

955 стила мя еси, Ольга.» И вѣда ей дары многы, злато, и сребро, и паволоки и съсуды многы<sup>1</sup> различныя, и отпусты ю, нарекъ дщерию себѣ. Она же отходя въ своаси, и прииде къ патріарху, благословенія просящи отъ него на домъ, и рече ему: «людіе мои погани и сыны мой, да бы мя Богъ съблюлъ отъ всякого зла.» И рече ей патріархъ: «чадо мое вѣрное! въ Христа крестилаася еси, въ Христа облечеса, Христось ты съхранити имать, якоже съхрани Еноха въ прѣвѣя роди, и потомъ Ноа въ ковчезѣ, Авраама отъ Авимелеха, Лота отъ Съдомлянъ, Моисеа отъ Фараона, Давыда отъ Саула, три отроки отъ пещи, Даниїла отъ звѣрій, и тако и тебе избавитъ отъ неприяны, и отъ звѣрій и отъ сѣти діаволя.» И благослови ю патріархъ, и иде съ миромъ въ свою землю, и прииде къ Кіеву. Се же бысть, яко при Соломонѣ прииде царица Ефіопская къ Соломону, слышати хотящи премудрость Соломону, и многу мудрость видѣ и знаменія: такоже<sup>2</sup> и си блаженна Ольга искааше<sup>3</sup> добръ мудрости Божіа; но она<sup>4</sup> челоуѣчскыя премудрости искааше, а Елена Божіа. Пишетъ бо премудрость: ищущи премудрости обрящутъ благодать, премудрость на исходящихъ поется, на путехъ же дръзновение водить, на краехъ же стѣны забранныхъ проповѣдуется, въ вратѣхъ же градныхъ дръзаящи глаголетъ; елико бо лѣтъ незлобивыи дръжатся по правду. Отъ възраста бо си<sup>5</sup> блаженнаа Ольга искааше премудрости и въсего въ свѣтѣ семъ, и налѣзе бисеръ многоцѣнный, еже есть Христось. Рече бо Соломонъ: желаніе благовѣрныхъ наслаждаются душу; и: приложивши сердце твое въ разумъ; азъ любящаа мя люблю, и ищущи мя обрящутъ мя. И Господь рече: приходящаа къ мнѣ не изждену вонъ. Сіа же Ольга прииде къ Кіеву, и присла царь къ ней Іоанъ

Чинискій, глаголя: «яко много дарихъ ты; ты бо глаголиши къ мнѣ, яко аще азъ възвращуся въ Русь, многы дары приплю тѣ<sup>6</sup>, челяде, и воскъ и скору, и воа на помощь.» Отвѣщавши Ольга, рече къ царевымъ посломъ: «аще ли ты такоже, царю, постоиши у мене въ Почайнѣ, якоже и азъ въ Суду<sup>7</sup>, тогда ти дамъ»; и отпусти послы, се рекше. Живяше же Ольга съ сыномъ своимъ Святославомъ, и учашеть и мати креститися, и не брегаше того, ни въ уши вѣнмааше; но аще кто хотяше волею креститися, не браняху ему, но ругахуся тому. Невѣрнымъ бо въра христіанская уродство есть; не смыслиша бо, ни разумѣша въ тѣхъ ходять, не видятъ<sup>8</sup> бо славы Господня, одобѣвши бо сердца ихъ, ушима тяжко слышати и очима видѣти. Рече бо Соломонъ: дѣлатель нечестивыхъ далече отъ разума; понеже звахъ вы, и не послушасте мене, и распротрохъ словеса, и не вѣнмааше, но отмѣтасте моя свѣты, моихъ же обличеній не вѣнмааше, възненавидѣша бо премудрость, отъ страха Господня не наволися, не хотяху моихъ вѣнмати свѣтъ, подражаху же<sup>9</sup> моя обличенія. Якоже бо Ольга часто глаголаше: «азъ, сыну мой, Бога познахъ, и радуюся; аще ты познаеши, радовати же ся имаша.» Онъ же не вѣнмааше то, глаголя: «како азъ хошу инъ законъ пріати единъ? а дружина моя смѣяться начнутъ.» Она же рече ему: «аще ты креститися, вси имутъ тоиже сътворити.» Онъ же не послуша матери, и творяше нравы поганскыя, не вѣдый истиннаго закона, иже рече: аще кто не послушаетъ матери, въ бѣды въпадаетъ, якоже рече Соломонъ: аще кто не послушаетъ отца или матери, смерть пріиметъ въскорѣ. Сей къ тому гнѣваашеся на мать. Соломонъ бо рече: кажай злыа пріемлетъ себѣ досаждение, обличай же нечестиваго поречетъ себѣ; об-

(1) Въ подлинникъ: много. (2) Тамъ же: якоже. (3) Тамъ же: и искааше. (4) Тамъ же: сима. (5) Тамъ же: еси. (6) Тамъ же: ты. (7) Тамъ же: всюду. (8) Тамъ же: не видятъ. (9) Тамъ же: подражахуся.

личеніе бо нечестивымъ моволь есть; не обличай злыхъ, да не възненавидятъ тебе. Но обаче любляше Ольга сына Святослава, ркущи: «воля Божіа (да) будетъ; аще убо будетъ Богъ помиловати възхошетъ роду моего, и мене, и всею земли Русской, да възложитъ имъ на сердце обратитися къ Нему и внити въ крещеніе, якоже нынѣ и имѣ Богъ дарова.» И се рекши, поляшеса за сына и за вся люди Русскіа по вся дни и въ нощи, кормяще сына своего до мужества его и до възраста его.

Въ лѣто 6472. Князю Святославу възрастъшу и възмужавшу нача воля съвъкупляти многы и храбри. Бѣ бо и самъ храборъ, и легкокъ ходя яко пардусъ, войны многы творяше, ходя<sup>1</sup> възъ по себѣ не вождаяше, ни котла, ни мяса варя, но потонку изрѣзавъ конину, или звѣрину, или говядину, на углехъ испекъ лдяше, ни нятра имѣяше, но подкладъ подсѣделный постилаше и сѣдло въ головахъ; такоже и прочіи вои его бѣху вси. И посылаше къ странамъ, глаголя: «хошу на вы ити.» Иде на Оку рѣку и на Волгу, и налѣзе Вятичи, и рече Вятичемъ: «кому данъ даете?» Они же рѣша: «Козаромъ по щягу отъ рала даемъ.»

Въ лѣто 6473. Иде Святославъ на Козари. Слышавше же Козари, изыдоша противу ему съ княземъ своимъ Каганомъ, и съступишася обои, и бывши брани, и одолѣ Святославъ Козаромъ, и градъ ихъ Бѣлую Вежу взя. И Яси побѣди и Касоги.

Въ лѣто 6474. Побѣди Святославъ Вятичи, и данъ на нихъ положи.

Въ лѣто 6475. Иде Святославъ на Дунай на Болгары. И бывшимся<sup>2</sup> обомъ одолѣ Святославъ<sup>3</sup> Болгаромъ, и възъ городовъ 80 по Дунаеву, и сѣде ту княжа въ Переяславци, емя давъ на Грецихъ.

Въ лѣто 6476. Придоша Печенѣзи<sup>4</sup> на Рус-

скую землю, а Святославъ бѣше въ Переяславци; и затворися Ольга въ градъ съ внуки своими, Ярополкомъ, и Ольгомъ и Владимиромъ, въ градъ Кіевѣ. И оступиша Печенѣзи градъ въ оигъ велици, бесчисленное множество около града, и не бѣ лѣзъ изъ града вылѣсти и вѣсти послаты; изнемагааху бо людие голодомъ и водою. И събравшеса людие оной страны Днѣпра въ лодіахъ, обѣ ону<sup>5</sup> страну стояху, и не бѣ лѣзъ внити въ Кіевъ ни одному ихъ, ни изъ града ко онѣмъ. И възстуживше людие въ градъ, рѣша: «нѣсть ли кого, иже бы могъ на ону страну прейти и рещи имъ: аще не приступите утро подъ градъ, предатися имамъ Печенѣгомъ?» И рече имъ единъ отрокъ: «азъ преиду»; и рѣша: «иди.» Онъ же изыде изъ града съ уздою, и ристаше<sup>6</sup> сквозъ Печенѣгы, глаголя: «не видѣлъ ли коня никтоже?» Бѣ бо умѣя Печенѣжескы, и мнѣхуть его своего. И яко приближнися къ рѣцѣ, и свергъ порты, и сунуся въ рѣку Днѣпръ, побриде; видѣвши же Печенѣзи, устремишася на нь, стрѣляюще его, и (не) сътвориша ему ничтоже. Они же видѣвши съ оноа страны, прихавъ въ лодіи противу ему, и взяша его въ лодію, и привезоша его къ дружинѣ; и рече имъ: «аще не приступите утро подъ градъ, предатися хотятъ людие Печенѣгомъ.» Рече же воевода ихъ, именемъ Притечъ: «подступимъ заутра въ лодіахъ; подшедѣше княгину и княжичи умчимъ на сю страну; аще ли сего<sup>7</sup> не сътворимъ, погубити ны<sup>8</sup> имать Святославъ.» И бысть заутра, сѣдоша въ лодіахъ противу свѣту, и въструбиша велии трубами, и людие въ градъ клинуша; Печенѣзи же мнѣвше князя Святослава пришедша, побѣгоша разио отъ града; изыде Ольга съ внуки своими и съ людьми къ лодіамъ. Видѣвши же князь Печенѣжескый, и возвратися единъ къ воеводѣ Притичу, рече:

(1) *Во подлинникѣ*: ходяше творя. (2) *Тамъ же*: бывшимся. (3) *Тамъ же*: тославъ. (4) *Тамъ же*: паченѣзи. (5) *Тамъ же*: обою. (6) *Тамъ же*: приставше. (7) *Тамъ же*: не сего. (8) *Тамъ же*: погубити ны.

968 «кто се прииде?» И рече ему: «людіе оная  
969 страны.» И рече князь Печенѣжескій: «а ты  
князь ли еси?» И рече ему: «азъ есмь мужъ  
его, и пришелъ есмь во сторожехъ, а по мнѣ  
идутъ вои многы съ княземъ, бес числа мно-  
жество»; се же рекъ, грозя имъ. Рече же  
князь Печенѣжескій къ Притечю: «буди ми  
другъ.» Онъ же рече: «такъ сѣворю.» И пода-  
ста руку между сѣбою, и дасть князь Печенѣ-  
жескій Притичю конь, саблю, стрѣлы; онъ же  
дасть ему брони, щитъ, мечъ. И отступиша Пе-  
ченѣзи отъ града, и не бѣ<sup>1</sup> лзѣ коня напоити  
на Либеди Печенѣгы. И послаша Кіане къ  
Святославу, глаголюще: «ты, княже, чужья  
земли ищещи и блудещи, а свою покинувъ,  
мало бо насъ не взяша<sup>2</sup> Печенѣзи, и матеръ  
твою и дѣтей твоихъ; аще не поидеши и не  
оборониши<sup>3</sup>, да пакы ны<sup>4</sup> възмутъ, аще ти<sup>5</sup> не  
жалъ вотчины своеа, ни матери, сущи стары,  
ни дѣтей своихъ.» И то слышавъ Святославъ,  
въборзѣ сѣде на кони съ бояры своими, и  
прииде къ Кіеву, и цѣлова мать свою и  
дѣти своа, и съжалиси о бывшемъ отъ Пече-  
нѣгъ; и събра воа, и прогна Печенѣгы въ  
поле, и бысть миръ.

Въ лѣто 6477. Пришедъ Святославъ про-  
гнавъ Печенѣгъ, рече матери своей и боя-  
ромъ своимъ: «не любо ми есть быти въ Кіевѣ,  
хощу жити въ Переяславцы (на) Дунаи, яко то  
есть среди земля моя, яко ту вся благая ми  
сходятся: отъ Грекъ паволоки, и злато, и  
вина и оwoць, ис Чаховъ же и Ляховъ,  
изъ Угръ сребро и кони, изъ Руси скоро, и  
воскъ, и медъ и челядь.» И рече ему Олга:  
«азъ есмь при смерти уже, видиши мя болну  
сущу; где хоцещи отъ мене ити?» бѣ бо  
разболѣлася уже; рече же ему: «погребъ мя  
иди, аможе хоцещи.» И по трехъ днехъ пре-  
ставися Олга, и плакася по ней сынъ ея

Святославъ Игоревичъ, и внуци ея, Ярополкъ,  
и Олегъ и Владиміръ Святославичи, и людіе  
 вси плакахуся по ней велми; и неше погре-  
боша ю на мѣстѣ, идеже бѣ заповѣда Олга,  
и не сыпаша могилы надъ нею, не велѣ бо  
творити тризны надъ собою; отиѣ же надъ  
гробомъ ерей надъ нею, бѣ бо имѣ прозви-  
теры втайнѣ, сей похрани блаженную Олгу,  
пѣвъ надъ нею надгробныя пѣсни. Сіа бо  
бысть предтекущія христіанстіа вѣры въ Рус-  
стей земли, яко деньница предъ солнцемъ теку-  
щія, яко заря предъ свѣтомъ, сіая сіа же яко  
луна въ нощи, тако и сіа въ невѣрныхъ че-  
ловѣцѣхъ свѣтлалася аки бисеръ въ калѣ,  
кални бо бѣша грѣхми, неомвени<sup>6</sup> святымъ  
крещеніемъ; сіа бо омыся святою купелію, и  
свѣлечеса грѣховныя одежда ветхаго чело-  
вѣка Адама, и въ новый Адамъ облечеса, еже  
есть Христось. Мы же мало нѣчто къ ней  
изорчемъ: радуйся, Русское познание, къ Богу  
начатокъ примиренію тобою быхомъ; сіи  
прѣваа отъ Руси вънінде въ царство небесное,  
сію бо хвалятъ Русстии сынове, яко начал-  
ницу и молебницу: ибо и по смерти за Русь  
Богу молящеса, просящи внучатомъ своимъ  
на противныя одолѣнія. Праведныхъ бо душа  
не умирають, якоже рече Соломонъ: похва-  
ляему<sup>7</sup> бо, рече, праведному възвеселятся  
людіе, бессмертіе бо есть память его, яко отъ  
Господа познавается и отъ чело-вѣкъ. Сію бо  
вси чело-вѣци прославляютъ, видаще лежащу  
въ грѣбѣ за многа лѣта; рече бо пророкъ:  
прославляющаго мя прославлю. О сивцевыхъ<sup>8</sup>  
Давыдъ глаголетъ: въ память вѣчную будетъ  
праведникъ, и отъ слуха зла не убоятся; го-  
тово сердце его уповати на Господа, утврѣ-  
дися сердце его и не подвижится. Соломонъ  
бо рече: праведници въ вѣки живутъ, и отъ  
Господа изда имъ<sup>9</sup> и строеніе отъ Вышняго,

(1) Въ подлинникѣ: не бо. (2) Тамъ же: не возыша. (3) Тамъ же: не оборониши. (4) Тамъ же: не. (5) Тамъ же: ты. (6) Тамъ же: не омовени. (7) Тамъ же: похваляемому. (8) Тамъ же: о сивцевыхъ. (9) Тамъ же: ихъ.

сего ради примутъ царствіе красотѣ и вѣнецъ доброты отъ руки Господня, яко десницею покрыетъ я, и мышцею защититъ я, защитилъ бо есть Господь сію блаженную Ольгу отъ противника и съпосата діавола, такоже и по смерти тѣло ея нетлѣнно съблюде. Престави же ся блаженнаа княгиня Ольга, нареченна во святомъ крещеніи Елена, въ лѣто 6477, мѣсяца іула 11 день, на паять святыя великомученица Евфиміа, бывши въ крещеніи лѣтъ 14.

Въ лѣто 6478. Князь великій Святославъ Игоревичъ, по смерти матери своей, посажа дѣти своа по княженіемъ: Ярополка посади въ Кіевѣ, а Ольга въ Древлянехъ. Въ се же время придоша людіе Новгородстѣи, просяще себѣ князя у Святослава, и дѣти его отпирася ихъ; и глаголаша Новгородци: «аще вы не поидете къ намъ, то мы наидемъ себѣ князя.» И рече имъ Святославъ: «абы кто шелъ къ вамъ.» И отпреся Ярополкъ и Олегъ; и рече Добрыня Новгородцемъ: «просите Володимера»; бѣ бо роди сего Володимера отъ Малуши, ключицы Ольгины, сестра же бѣ Добрынина, отецъ же бѣ има Малко Любчанинъ, и бѣ Добрыня дядя Володимеру. И рѣша Новгородци князю Святославу<sup>1</sup>: «вѣдай намъ Володимера.» Онъ же дастъ имъ Володимера. И поидша Новгородци Володимера къ собѣ, и иде Володимеръ съ Добрынею, уемъ своимъ<sup>2</sup>, къ Новороду, а Святославъ къ Переяславцу. А въ Цариградѣ царствова Василий и Константинъ Багрянороженій.

Въ лѣто 6479. Прииде Святославъ<sup>3</sup> къ Переяславцу, и затворишася Болгары въ градѣ. И изыдоша на сѣчу противу Святослава, и бысть сѣча велиа, и одолѣваху Болгаре<sup>4</sup>; и рече Святославъ во емъ своимъ: «уже намъ, братіе, пасти здѣ; потягнемъ мужескы!» И къ вечеру одолѣ Святославъ, и взятъ градъ копіемъ, и посла къ Грекомъ, глаголя: «хочу

на вы нти и взяти градъ вашъ яко и сій.» 969

И рѣша Греци, царь Василий и Костантинъ: 971

«мы не хотимъ противу вамъ стати, но возмиданъ на насъ и на свои вой, и повѣште ны, колко васъ, да вдамы по числу на главы.» Се же рѣша Греци, лстяще подъ Русію; суть бо Греци лстивы и до сего дне. И рече имъ Святославъ: «есть насъ 20000», и прирече 10000, бѣ бо Руси 10000 толко. И пристроиша Греци 100000 на Святослава, и не даша ему дани. Святославъ же поиде на Греки, и изыдоша противу Руси; видѣвше же Русь и убоишася за множество вой, и рече Святославъ во емъ своимъ: «уже намъ нѣкамо ся дѣти, волею и неволею стати противу: да не посраимъ землѣ Русскыя, но ляжемъ костьми туто, мертви бо срама не имать, аще ли побѣгнемъ, то срамъ имамъ; и не имамъ убѣжати, но станемъ крѣпко, азъ же предъ вами поиду: аще ли моя глава ляжетъ, то промыслите о себѣ сами.» И рѣша вой: «идеже твоа глава будетъ, туто и наши будутъ.» Исполчшася Русь и Греци противу, и сразишася обон, и оступиша Русь, и бысть сѣча велика, и одолѣ Святославъ, а Греци бѣжаша; и поиде Святославъ по нихъ къ граду, избиваа ихъ, и воюя и грады<sup>5</sup> ихъ разбиваа, яже стоятъ пусты и до сего дне. Царь же Василий Греческы съзва боляре свои въ палату, и рече имъ: «что сътворимъ, якоже не можаху вой наши противу ему стати?» И рѣша къ нему боляре: «пошли къ нему дары, искусимъ, любезенъ ли есть злату или паволокамъ?» И послаша къ нему дары многы, злато и паволоки, и мужа мудра, и рѣша ему: «глядай возора его, и лица его и смысла его»; онъ же въземъ дары, прииде къ Святославу. И повѣдаша Святославу, яко придоша Греки (съ) поклономъ; и рече: «въведе(те) а сѣмо.» И придоша, и поклонишася ему, и положиша предъ нимъ дары Греческыхъ ца-

(1) Въ подлинникѣ: славу. (2) Тамъ же: своею. (3) Тамъ же: славу. (4) Тамъ же: боляре. (5) Тамъ же: гра<sup>1</sup>.



971 рей, злато и паволоки. И рече Святославъ,  
980 кромѣ зря: «взмѣте, съхраните, отроки мои!»  
Посланіи же царемъ приидоша къ царю, и  
царь съзва боляре; рѣша же посланіи: «яко  
приидохомъ къ нему, и въздахомъ дары, и не  
възрѣ на нихъ, но повелѣ съхранити.» И  
рече единъ: «искуси и еще, послѣ<sup>1</sup> оружіе.»  
Они же послушаша его, и послаша къ нему  
доспѣхъ, и мечъ и ино оружіе, и принесоша  
къ нему; онъ же приѣмъ, нача<sup>2</sup> любити и хвали-  
ти, и цѣловати царя. Приидоша же посланіи  
опять къ своему царю, и повѣдаша ему вся  
бывшаа, и рѣша боляре: «лють сей мужъ  
хочетъ быти, яко о имѣніи не брежетъ, а  
оружіе любитъ и емлетъ; имися царю по  
дань.» И посла царь, глаголя сиче: «не ходи  
къ граду, взми дань на насъ, егоже хоще-  
ши»; за малымъ бо бѣ не дошелъ Царяграда.  
И вдаша ему дань; имашетъ же у нихъ и  
за убіенны<sup>3</sup>, глаголя: «яко родъ его взметъ.»  
Взя же дары многы, възвратися въ Перея-  
славецъ съ похвалою великою. Видѣвши же  
мало дружины своеа, убоявся къ Переслав-  
ца ити, рекъ къ себѣ: «еда како прелестив-  
ше ны избыють ны», бѣша бо мнози избіены  
на бою; и рече: «пойдемъ въ Русь, и при-  
веду болѣ дружины.» И посла къ царевнѣ  
въ Дерестъ градъ, бѣ бо царь въ Дерестрѣ<sup>4</sup>,  
рца сиче: «хочу и съ тобою имѣти миръ  
тврѣдъ и любовь.» Се слышавъ царь радъ  
бысть, и посла къ нему дары болѣ прѣвыхъ.  
О смерти Святослави. Святославъ же  
пріять дары, и поча думати съ боляры сво-  
ими, рка сиче: «аще не сѣтворимъ съ ца-  
ремъ миру, и увѣсть царь, яко мало насъ  
есть, и пришедше оступятъ ны въ градѣ,  
а Русская земля далече, а Печенѣзи съ нами  
ратни, а кто ны поможетъ? но сѣтворимъ  
миръ съ царемъ, се бо ны ся по дань ялъ,

и ту буди намъ довольно; аще ли почнетъ  
не управляти дани, изнова изъ Руси, съ-  
вокупившеся съ вои многими, поиду на  
Царѣгородъ.» И любя бысть рѣчь воємъ, и  
послаша лучшии мужи къ царевнѣ; и приидо-  
ша въ Дерестъ, и повѣдаша царевнѣ. Царь же  
наутріа призвавъ ихъ, и рече царь: «да гла-  
голють послѣ Русстѣи.» Они же рѣша: «такъ  
глаголетъ князь нашъ Святославъ Игоревичъ:  
хочу любовь имѣти съ царемъ Греческимъ  
сѣврѣшену прочее въ вся лѣта.» Царь же радъ  
бысть, и повелѣ писцу писати вся Святослав-  
ли рѣчи на хартію; и нача посоль глаголати  
вся рѣчи, а писецъ нача писати, глаголя  
сиче:

Миръ Святослава съ Греки. «Равно  
другаго сѣвѣщанія, бывшаго при Святосла-  
вѣ, великомъ князи Русстѣи, и при Свен-  
тельдѣ, писано при Теофилѣ синкелѣ<sup>5</sup> и къ  
Іоанну, нарицаемому Чесескому<sup>6</sup>, царю Греческому,  
въ Дерестрѣ, мѣсяца іуля, индик-  
та<sup>7</sup> 14. Азь Святославъ, князь Русскій, якоже  
кляхся, и утвержаю на сѣвѣщаніи семъ<sup>8</sup> роту  
свою. Хочу имѣти миръ и сѣврѣшенную лю-  
бовь съ всякимъ царемъ Греческимъ, и съ  
Василіемъ и Константиномъ, съ богодухно-  
венными цари, и съ всѣми людьми вашими, и  
иже суть подо мною Русь<sup>9</sup> . . . . .  
зберутъ, за мѣсяць. И ждаша за мѣсяць, и  
не дасть имъ; и рѣша Варязи: «сольстѣлъ еси  
нами, покажи ны путь въ Греки». Онъ же  
рече имъ: «идѣте.» Избра отъ нихъ мужи  
добры, и мыслени и храбры, и раздаа имъ  
грады; прочіи же идоша къ Царюграду въ  
Греки. И посла передъ ними Володимеръ по-  
слы<sup>10</sup>, глаголя сиче царю: «се идутъ къ тебѣ  
Варязи мнози, не мози ихъ дрѣжати въ градѣ,  
или то сѣтворятъ ти зло, якоже здѣ, но рас-

(1) Въ подлинникѣ: послы. (2) Тамъ же: начало. (3) Тамъ же: за убіенія. (4) Тамъ же: въ дерестрѣ.  
(5) Тамъ же: синкелѣ. (6) Тамъ же: ческому. (7) Тамъ же: индикта. (8) Тамъ же: на сѣвѣщаніи. (9) За  
смы тамъ же вырѣзаны два листа. (10) Тамъ же: послы.

точн я разнѡ, а сѣмо не пускай ни единого.»  
Еже и бысть надъ ними.

О идолѣхъ по всѣмъ градомъ. Въ лѣто 6488. И нача княжити Володимѣрь въ Кіевѣ, и постави кумири на холму внѣ двора теремнаго: сѣтвори Перуна древяна<sup>1</sup>, а главу его сребрену, а усь у него золотъ, и Харса, и Дажба, и Стриба, и Сѣнаргла, и Мокошь. И жряху имъ вси людіе, нарицающе а богы, привеждаху сыны своя и дщери, и жряху бѣсомъ, и осквернаху землю свою потребамы многими, и осквернися кровни земля Русская и холмъ той. Но благый Богъ не хотя смерти грѣшникомъ; на томъ холмѣ нынѣ церковь стоитъ великаго Василия, якоже послѣди скажемъ. Нынѣ же на подлежащее възвратимся. Володимѣрь же посади Добрыню Малковича, дядю своего, въ Новгородъ; и пришедъ Добрыня къ Новугороду, постави кумиръ Перунъ надъ рѣкою Выхвомъ, и жряху ему людіе Новгородскіи яко Богу. И бѣ Володимѣрь побѣждень похотию женскою, быша у него водимыя, рекше болшіа: Рогнѣдъ, юже посади на Либелы въ селцѣ, идеже есть нынѣ словесъ селце Предславино. Та же Рогнѣдъ убити его хотѣ, ножемъ зарѣзати. Отъ нея же роди 4 сыны: Изяслава, Ярославъ, Мстислава, Всеволода, и двѣ дщери; а отъ Грекины Святополка; а отъ Чехени Вышеслава; а отъ другіа<sup>2</sup> Чехини Святослава и Станислава; Судиславъ, Болеславъ; а отъ царевны отъ Анны Борисъ и Глѣбъ; а наложницъ бѣ у него 300 въ Вышегородѣ, и 300 въ Бѣлѣгородѣ, а 200 на Берестовѣмъ въ селцѣ, еже зовутъ нынѣ Берестовое. И бѣ насытъ<sup>3</sup> блудомъ, приводя къ себѣ мужескыя жены и дѣвици растливаа; бѣ бо женолюбецъ якоже и Соломонъ: бѣ бо у Соломона женъ 700, а наложницъ 300, мудръ бѣ, а наконецъ по-

гибе; сей же бѣ невѣстгласъ, а наконецъ обрѣте себѣ спасеніе. Велий бо Господь нашъ, и велиа крѣпость его, и разуму его нѣсть числа! <sup>4</sup>О злыхъ женахъ. Зло бо есть женская прелесть, отъ неяже будемъ въздрѣжащеся, якоже рече Соломонъ, покаяся, о женахъ: не внимай злѣ женѣ; медъ бо каплетъ отъ устъ ея, жены любодѣица, въ время наслаждаетъ твой гортань, послѣди же горчае золчи обрѣщещи; прилѣпляющися женѣ любодѣици идутъ смертію въ адъ; на пути бо животныя не находятъ, блудна же теченіа ея и неблаго-разумна. Се же рече Соломонъ о прелюбодѣицѣхъ. О добрыхъ женахъ. А о добрыхъ женахъ рече: дрѣжайши есть каменіа многоцѣннаго; радуется о ней мужъ ея, творить бо мужеві своему все благо житіе; и обрѣтши волну и лень, сѣтворитъ благопотребная рука своя; и бысть яко корабль куплю дѣюща издавеча, събираетъ себѣ богатство; и востаетъ отъ нощи, и даетъ брашно дому и дѣло рабынямъ; видѣвше тяженіе<sup>5</sup>; препоясавше крѣпко чресла своя, и утвѣди мышца своя на дѣло, и въкуси яко добро есть дѣлати, и не угасаетъ свѣтильникъ ея всю ношь; руцѣ свои простираетъ на полезнаа, локти же свои устрѣбляетъ на вретено; руцѣ свои простираетъ убогому, плодъ же простре нищему; не печется мужъ ея о дому своемъ, егда гдѣ будетъ, вси свои ея одѣни будутъ; сугуба одѣваніа сѣтворитъ мужеві своему, отъ червлена и багряна себѣ<sup>6</sup> одѣваніа сѣтворитъ; взорень бываетъ въ вратѣхъ мужъ ея, внигда аще сядетъ на сѣмнищи съ старци и съ жителіи земля; и опоны сѣтворитъ и отдастъ въ куплю; уста же своя отвѣще смыслено и законно, и въ чинъ молвитъ языкомъ своимъ; въ крѣпость и въ лѣпоту облечеся; милостыня же ея въздвигоша чада ея и обогатѣша,

(1) Въ подлинникъ: древяны. (2) Тамъ же: отъ другіа. (3) Тамъ же: не сы. (4) Тамъ же, сверху, на полъ, замѣчено: премудрый соломонъ имѣлъ женъ любимыхъ 700, а подлужницъ триста. (5) Здѣсь пропущены слѣдующія слова: куповаше, отъ дѣлъ руку свою насади тяженіе. (6) Въ подлинникъ: сугуба.



980 и мужъ ея похвали ю; жена бо разумлива  
983 благословена есть, страхъ бо Господень та по-  
хвалить; дадите ей отъ плода устну ея, да  
похвалимъ будетъ въ вратѣхъ мужъ ея.

Въ лѣто 6489. Иде Володимѣрь къ Ля-  
хомъ, и зая<sup>1</sup> грады ихъ, Перемышль, и Чер-  
вень и нынѣ грады, иже суть и до сего дни  
подъ Русію. Того же лѣта и Вятичи побѣ-  
ди, и възложи на нихъ дань отъ плуга, яко-  
же и отецъ его имаше.

Въ лѣто 6490. Заратишася Вятичи, и иде  
на ня Володимѣрь, и побѣди а второе.

Въ лѣто 6491. Иде Володимѣрь на Ятваги,  
и побѣди а, и взя землю ихъ. И прииде къ  
Кіеву, и творяше о<sup>2</sup> побѣдѣхъ требы кумиромъ  
съ бояры и съ людьми своими; и рѣша стар-  
ли и бояре: «мечемъ жребіа на сыны и на  
дщеря наша, отрока или дѣвицу; на негоже  
падетъ жребій, того зарѣжемъ на потребу бо-  
гомъ нашимъ.»

О Іоаннѣ христіанинѣ и о отци его,  
увитыхъ Христа ради за вѣру. И бѣше  
нѣкто челоувѣкъ Божій единъ Варягъ, христіа-  
нинъ, живій въ Кіевѣ, и бѣ дворъ его, иде-  
же есть нынѣ церкви святаа Богородица,  
юже дѣла Володимѣрь; бѣ Варягъ той при-  
шолъ изъ Грекъ, изъ Царягорода, съ сыномъ  
своимъ Іоанномъ, сѣдящи въ Кіевѣ, и держа-  
ше вѣтайнѣ вѣру христіанскую. И бѣ у  
него сынъ Іоаннъ, красенъ душею и тѣломъ,  
и на сего паде жребій по зависти діаволоу.  
Не трѣпашеть бо діаволъ, власть нѣтъ надо  
всѣми, и се бяшетъ ему яко трѣнь въ сердци,  
и тѣшася погнѣтити окаянный, не могый  
ему что сѣтворити, и наустити на нь люди. И  
рѣша пришедше поганіи къ нему: «яко паде  
жребій на сынъ твой, изволиша бо и възлю-  
биша его бози наши себѣ: да сѣтворимъ тре-  
бу богомъ.» И рече Варягъ: «не суть то бози,  
но древо здѣлано и бездушнѣ, днесь есть,  
а помалѣ изгнѣетъ; не ядятъ бо сін, ни пі-

ютъ, ни молвятъ, но суть дѣлано руками въ  
древѣхъ секирою и ножемъ; а Богъ есть единъ  
на небесѣхъ, емуже служатъ Греци и кла-  
няются, въ имя Господа Ісуса Христа Сына  
Божіа крещенна есѣвъ, иже той сѣтворилъ  
небо, и землю, и солнце, и луну, и звѣзды,  
и челоувѣка, и далъ есть ему жити на земли;  
а вашѣ бози что сѣтворили? но сами вами  
здѣлани суть, и не дамъ сына своего бѣсомъ.»  
И ти шедше повѣдаша людемъ; и они же  
въземше оружіе, приидоша на нь, и развѣста  
дворъ околѣ его; онъ же стояше на сѣнѣхъ  
съ сыномъ своимъ. И рѣша ему: «вдай сына  
своего, да вдамы<sup>3</sup> и на трѣбу богомъ.» Онъ же  
рече: «аще суть бози, то единого себе при-  
шлютъ бога, да приидетъ и поиметъ сынъ  
мой; а вы чему перетребуетеся имъ?» И кли-  
нуша Кіане, и подсѣкоша подъ ними сѣни,  
и тако побыша<sup>4</sup> я, исповѣдающася христіана,  
и приѣста вѣчную жизнь за святую вѣру му-  
чена, и приѣмше вѣнецъ небесный съ святы-  
ми мученики и праведники, и не сѣвѣсть ни-  
ктоже, гдѣ положиша ихъ. Бѣаху бо тогда  
челоувѣци невѣгласи, погани; и діаволъ радо-  
вашася сему, не вѣдый, яко близъ погыбѣль  
ему хоташе быти. Тако бо прежде тѣшася  
погубити родъ христіанскій, и прогонимъ  
бѣ крестомъ честнымъ въ иныхъ<sup>5</sup> странахъ,  
здѣ же мняшася окаянный: яко здѣ ми есть  
жилище, здѣ бо не суть апостоли учили, ни  
пророци проризали, не вѣдый пророка гла-  
голюще: и нареку не люди моя люди моя.  
И о апостолѣхъ бо рече: въ всю землю изы-  
доша вѣщаніе ихъ, и въ конца вселенныа  
глаголи ихъ. Аще ли и здѣ апостоли тѣломъ  
не бѣху, но ученіе ихъ яко трубы гласятся  
по вселеннѣхъ въ церквахъ, иже ученіемъ и по-  
велѣніемъ побѣждаемъ противнаго врага, и  
попирюще подъ нозѣ, якоже попраста<sup>6</sup> и сіа  
отъчѣника, приѣмша<sup>7</sup> вѣнецъ небесный съ свя-  
тыми мученики и праведники.

(1) Въ подлинникѣ: за. (2) Тамъ же: ко. (3) Тамъ же: вдам. (4) Тамъ же: побыша. (5) Тамъ же: и выныхъ.  
(6) Тамъ же: яко приѣста. (7) Тамъ же: отѣнка приѣмца.

Въ лѣто 6492. Иде Володимеръ на Радимичи. И бѣ у него воевода Волчей Хвостъ, и посла предъ собою Володимеръ Волчьа Хвоста; и срѣте а на рѣцѣ Пищанѣ, и побѣди Радимичи Волчей Хвостъ; тѣмъ и Русь корятся Радимичемъ, глаголюще: «Пищанци волчьа хвоста бѣгають.» Быша же Радимичи отъ рода Ляховъ; пришедши же въселышася ту, и платятъ дань Руси и повозъ везутъ и до сего дни.

Въ лѣто 6493. Иде Володимеръ на Болгары со Добрынею, уемъ свѣнитъ, въ лодіахъ, а Торки берегомъ переведъ на конехъ, и прииде и Болгары побѣди. И рече Добрыня Володимеру: «сѣглядахъ колодникъ, и суть вси въ сапозехъ; поидемъ отсуду, на сихъ намъ дани не имати, но поидемъ искати лапотникъ». И сътвори Володимеръ з Болгары миръ, и ротъ заходиша межн собою, и рѣша Болгары: «толи не будетъ межн нами мира, коли камень начнетъ по водѣ плавати, а хмель грязнути; тогда вамъ данъ взяти.» И прииде Володимеръ къ Кіеву.

Ученіе о вѣрахъ. О Срацинской вѣрѣ. Въ лѣто 6494. Придоша къ Володимеру Болгаре Бохмичи вѣри, глаголюще: «яко ты князь еси мудръ и смыслень, но (не) вѣси закона; да вѣруй въ законъ нашъ и поклонися Бохмиту.» И рече Володимеръ: «како есть вѣра ваша?» Они же рѣша: «вѣруемъ Богу, а Бохмичъ ны учитъ, глаголя: обрѣзати уды тайныя, а свинины не ясти, ни заечени, а вина не пити, а по смерти же, рече, съ женами творити похоть блудную; дасть бо Бохмичъ комуждо по 70 женъ красныхъ, и изберець едину красну, и всѣхъ красоту възложитъ на едину, то будетъ ему жена; здѣ же, рече, достоятъ блудъ творити всякъ, на семъ свѣтѣ; аще кто будетъ богатъ здѣ, то и тамо, аще ли здѣ кто убогъ, той и тамо»; и ина многа леств, еяже не лѣзѣ

писати срама ради. Володимеръ же про жены 984  
улюбыхъ слушаше ихъ, бѣ бо самъ любя 986  
жены и блуженіе много, и послушаше сладко; но се бѣ ему не любо обрѣзаніе удовъ и неяденіе мясъ свинныхъ, и о питіи вина велии не любо отнюдь, река: «Руси есть веселіе питіе, не можемъ безъ того быти.» И не възлюбилъ Володимеръ вѣры Болгарьскыя, и посла прочее. Посемъ же придоша отъ Римлянъ Нѣмци<sup>2</sup>, глаголюще: «се приидомъ отъ папѣжа послани»; и рѣша ему: «реклъ ти тако папѣжъ: земля твоя яко и земля наша, а вѣра твоя не яко вѣра наша; вѣра бо наша яко свѣтъ есть, кланяемся Богу, иже сътвори небо и землю, звѣзды и мѣсяць, и всяко дыханіе, а бози ваши древо суть.» Володимеръ же рече: «какова заповѣдь ваша?» Они же рѣша: «пощеніе по силѣ; аще ли кто ястъ или пьетъ, то все въ славу Божію творитъ, тако бо рече учитель нашъ Петръ и Павель.» Рече же Володимеръ Нѣмцемъ: «идѣте назадъ опять, яко отци наши сего не пріали суть.» О Жидовской вѣрѣ. Се слышавше Жидове Козарьстѣи, придоша къ Володимеру, ркуще: «слишахомъ, яко приходиша Болгаре и христіане, учаше тя<sup>3</sup> вѣрѣ своей; христіане бо вѣрують Ісуса, егоже мы<sup>4</sup> распяхомъ, а мы вѣруемъ единому Богу Авраамову, и Исакову, (и) Іаковлю.» И рече Володимеръ: «что есть законъ вашъ?» Они же рѣша: «обрѣзатися, свинины не ясти, ни зайчины, субботу хранити.» Онъ же рече: «то гдѣ есть земля ваша?» Они же рѣша: «въ Іерусалимѣ.» Онъ же рече: «то тамо чему не живете въ ней?» Они же рѣша: «разгнѣвався Богъ на отци наша, и расточи ны по странамъ грѣхъ ради нашихъ, и предана бысть земля наша христіаномъ.» Онъ рече: «то тако вы и нынѣхъ учите, а сами отворжени отъ Бога и расточени? аще бы Богъ любилъ васъ и законъ вашъ, то

(1) Въ подлинникѣ, другимъ почеркомъ, вынесено противъ сего на поле: о рымстей вѣрѣ (2) Тамъ же зачеркнуто: нѣмци и написано: ници. (3) Тамъ же: тяжко. (4) Тамъ же: вы.

986 не бысте<sup>1</sup> расточени по чужимъ землямъ; егда мыслите и намъ тоже зло пріати?» О христіанстей вѣрѣ. Посемъ же при-  
саша Греци къ Володимеру Кирила фило-  
софа, глаголюще сиче: «слышахомъ, яко приходили суть Болгаре, учаще та пріати вѣру свою, ихже вѣра оскверняетъ землю и небо, ихже суть прокляти паче всѣхъ чело-  
вѣкъ, уподобльшеся Содомлявомъ и Гомору, на нихъ же спусти Богъ каменіе горящее, и потопа ѿ, и погрязоша, яко и сихъ ожи-  
дасть день погыбели ихъ, егда прійдетъ Богъ судити на землю, и погубитъ вся творящая безаконіе и скверны дѣлающихъ; сїи бо об-  
мываютъ обкоды своа, и въ ротъ вливають, и по брадѣ мажутся, нарицающе Бохми-  
та, такожде же и жены ихъ творять ту же вѣру скверну, и ино пуще, отъ съвокупленія мужеска и женска вкушаютъ.» Сїи слышавъ<sup>2</sup> Володимеръ, плюну на землю, рекъ: «нечисто есть дѣло се.» Рече же философъ: «слыша-  
хомъ же и се, яко приходша отъ Рима учити васъ въ вѣрѣ своей, ихже вѣра мало съ нами развращена, служатъ бо опрѣсноки, рекши оплатки, ихже<sup>3</sup> Богъ не преда, но повелѣ хлѣбомъ служити, и преда апостоломъ своимъ, прїимъ хлѣбъ и рекъ: се есть тѣло мое, ломимое<sup>4</sup> за вы; такоже и чашу прїемъ рече: се есть кровь моя новаго завѣта; сїи же того не творять, и суть не исправили вѣры своей.» Рече же Володимеръ: «прїидоша къ мнѣ Жидове, глаголюще: яко Римляне<sup>5</sup> и Греци вѣрують въ распятаго, егоже мы распя-  
хомъ.» Философъ рече: «выстинну въ того мы вѣруемъ, тѣхъ бо пророци проричаху, яко Богу родитися, а друзіи распяту быти, и погребену, и въ 3 день въскреснути и на небеса възыти; они же ты пророки набива-  
ху, другыя же пилами претираху; егда же

събыстся пророченіе тѣхъ, спїиде на землю, и распятіе пріати, и въскресе и на небеса възыиде; но отъ сихъ же Жидовъ ожидаше покаанія 40 лѣтъ и 6 лѣтъ, и не покаашася, и посла на нѣ Римляны, и градъ ихъ раз-  
биша, и самыхъ расточиша по странамъ, и ра-  
ботають въ странахъ.» Рече же Володимеръ: «что ради спїиде на землю Богъ и страсть такову пріати?» Отвѣща же философъ, гла-  
голя: «аще хоцеши послушати, скажу ти изначала, что ради спїиде Богъ на землю. Онъ же рече: «послушаю радъ<sup>6</sup>; то есть небо невидимо нами.» И нача философъ глаголати:

«Въ началѣ створи Богъ небо и землю; земля же бѣ невидима и неукрашена, и тма врѣху бездны, и Духъ Божій пошася вер-  
ху воды; и рече Богъ: да будетъ свѣтъ, и бысть свѣтъ; и видѣ Богъ яко добро, и раз-  
лучи Богъ между свѣтомъ и между тмою; 2 аг-  
гели; 3 небеса вышняя, изъ нихже исходитъ снѣгъ, голоть, градъ, роса, мразъ, снѣгъ, громи, зноеве, лѣто, зима; 4 земля; 5 воды; 6 въздухъ; 7 огонь; 8 вѣтръ; все отъ небытіа створи. И аггели гласъ Божій слышавше и свѣтъ видѣвши, падше поклонишася ему, и нарече Богъ првїй день недѣлю. А во вто-  
рый день, въ понедѣльникъ, створи Богъ твердь, доле отъ насъ, насъ же покры въ сѣни, яже есть посредь воды, и се полъ воды възведе на твердь, а полъ воды остави на земли; и рече Богъ: буди твердь; и абіе згу-  
стися вода въ ледовидно, аки хрусталь, и того ради твердь нарече<sup>7</sup> небо, а сушу землю, понеже отъ жидкихъ водъ и гладкихъ<sup>8</sup> между небомъ и землею сїа утверди. А во третїй день, въ<sup>9</sup> вторникъ, рече Богъ: да съидется<sup>9</sup> вода, яже подъ небесемъ на земли, въ сонмы своа, и да ся явитъ суша. И снїтсѣ вода, и бысть море, и рѣкы, источники, и озера, и

(1) Въ подлинникѣ: не бы есте. (2) Тамъ же: славѣ. (3) Тамъ же: имже. (4) Тамъ же: ломимое. (5) Тамъ же, вмѣсто слова: римляне, вынесеннаго на поле, написано: вѣмци, но зачеркнуто. (6) Тамъ же: радѣ. (7) Тамъ же: перече. (8) Тамъ же: отъ жидкихъ водъ и сладкихъ. (9) Тамъ же: да съидетсѣ.

болота; и прозябе земля траву сѣменную, и древа плодovitаа и неплодovitая. Въ той же день рай насади Богъ на востоцѣ въ Едемѣ, обѣ оную страну окіана моря, и древо животное посреде раа и древо разумное. А въ четвертій день, во среду, сътвори Богъ свѣтило великое солнце, и далъ естъ око дни, свѣтильникъ, озаренъ отъ свѣта прѣвороднаго, сіати подѣ твердію; и луну и звѣзды сътвори на просвѣщеніе ноши, движимо и обращаемо на поясъхъ небесныхъ, иже естества тонка акы динна, на коемждо поясъхъ единая планить седмь; и тако украси Богъ небо. Отпаденіе сатанино. Въ той же день отпаде діаволъ архаггелскаго чину. Видѣвъ же прѣвѣй отъ аггелъ, старѣйшина чину аггелску, землю украшену, помысливъ себѣ, рече: «сниду на землю, и прииму землю, и възыду выше звѣздъ, и поставлю престолъ свой на облацѣхъ свѣрскихъ, и буду подобенъ Вышнему.» Си помысливъ, и въ бѣси премѣнися, и ту абіе сверже его Богъ съ небесе, и по немъ спадоша, иже бѣ подѣ нимъ, 10 чиновъ. И бѣ ния противнику Сатанайлѣ, въ негоже мѣсто постави Богъ старѣйшину Михаила; Сатанайлѣ же, грѣшивъ помысла своего, отпадъ славы Божіа, прѣвое наречеса противникъ Богу. Цосемъ же, въ пятый день, четверкъ<sup>1</sup>, сътвори Богъ киты великіа, рыбы, гады, птица пернатая, звѣри земныя, и скоты полскыа. А въ шестый день, пятокъ, рече Богъ: «сътворимъ человека по образу нашему и по подобію, да обладаетъ всѣми създанными по земли.» И възять Богъ отъ земля ни граду, ни калъ, но прѣстъ малу, и своима рукама размѣсивъ во плоть, и създа человека по образу своему и по подобію, и душу живу словесну своимъ духовеніемъ въдохнувъ; и бысть человекъ въ душу живу, и нарече имя ему Адамъ, и бысть царь всѣмъ сътвореннымъ на земли. И сконча Богъ дѣла своа, елико на

небеси и елико на земли и въ водахъ дѣла<sup>2</sup> 986 сътвори. А въ седмый день, въ субботу, почи Богъ отъ всѣхъ дѣлъ своихъ; въ той день ни творити ничтоже благослови, и освяти, и празновати повелѣ человеку и скотомъ, но славити Творца своего и молитися ему. И насади Богъ рай въ Едемѣ на востоцѣ, и въведе ту человека, егоже създа. Заповѣдь Божіа. И повелѣ ему отъ всѣхъ древъ ясти, а отъ древа, еже естъ посреде раа, заповѣда ему отъ того единого древа не ясти, еже естъ разумѣти добру и злу, да не смертію, рече, умрета. И бѣ Адамъ въ ранъ съ аггелы вкупѣ сидяше и славляше Бога. И вложи Богъ въ Адама сонъ, и успе, и възять Богъ едино ребро у Адама, и сътвори ему жену помощницу, и приведе ю къ Адаму, и въставъ отъ сна, и рече Адамъ: «се кость отъ костей моихъ, и плоть отъ плоти моеа, и се наречется жена, яко отъ мужа своего възята естъ сія.» И нарече Адамъ имена всѣмъ скотомъ, и всѣмъ птицамъ небеснымъ, и звѣремъ, и гадомъ, и рѣкамъ и рыбамъ, и обладаше ими, и послушааху его, а самѣмъ нмъ аггелъ повѣда имена. И покори Богъ Адаму вся звѣри и вси скоты, и служаху ему. О зависти діаволской. Видѣвъ же діаволъ, яко почти Богъ человека, егоже сътвори, и възавидѣвъ ему, и преобразися въ змію, и прииде къ Евзѣ, и рече ей: «отъ всякого ли древа ясте?» И рече жена къ зміи: «отъ всякого древа ямы, а отъ единого не ямы, сущаго посреде раа.» И рече зміа: «почто не яста отъ древа, сущаго посреде раа?» И рече жена къ зміи: «заповѣда намъ Богъ отъ того единого древа не ясти, да не смертію, рече, умрета.» О прелести діаволской. И рече зміа ко женѣ: «смертію не умрета, видѣаше бо Богъ, яко въ онъ же день, аще снѣста отъ него, и отвѣзутся очи ваю, и будѣта яко Богъ разумѣюще добро и зло.»

(1) Въ подлинникѣ: чекъ. (2) Тамъ же: 22 и дѣла.  
Т. XV.

986 Паденіе Адамле. И видѣ жена, яко добро древо въ снѣдъ, и вземъ отъ него и снѣсть, и въдасть мужу своему, и ядоста оба, и от-връзостася има очи, и познастася, яко нага еста, и сшиваестася себѣ листвіе смоковное, и сѣтвориша себѣ препоясаніе, и закрывахуся прутіемъ, листвіемъ. И услышаста гласъ Господа Бога, ходяща въ рай (по) полудне, и убоявшася, съкрыста отъ лица Божіа; и рече ему Богъ: «Адаме, Адаме, где бѣ?» И отвѣща Адамъ и рече ему: «Господи, гласъ твой слышахъ, и убояхся, яко нагъ есмь, и съкрыхся.» И рече ему Богъ: «кто ти повѣда, яко нагъ еси? аще бы не ялъ еси отъ древа, сущаго посреде раа, отъ негоже заповѣдахъ ти отъ того единого древа не ясти, не бы вѣдалъ яко нагъ еси, отъ негоже ялъ еси.»<sup>1</sup> И рече Адамъ: «Господи, жена<sup>2</sup>, юже ми еси далъ, та ми даде, и ядохъ.» И рече Богъ къ женѣ: «что се сѣтворила<sup>3</sup> еси?» И рече жена: «зміа прелести мя, и ядохъ, и дахъ и мужу своему.» О проклятій зміи. И рече Богъ къ зміи: «яко се сѣтвори, проклята ты отъ всѣхъ звѣрей<sup>4</sup> земныхъ, на прѣсѣхъ своего чрева да ходиши, пресмыкаяся по землі, и яси землю вся дни живота твоего; вражду положу между тобою и женою, и между сѣменемъ твоимъ (и сѣменемъ твоемъ); человекъ да зритъ главы твоя, а ты зриши его пяты.» Проклятіе женѣ. А женѣ же рече: «множаа умножу печали твоя, и въздыханія твоя, и въ печалехъ родиши чада, и къ мужу твоему возвращеніе твое, и тѣмъ тобою обладаетъ.» Адаму же рече: «зане послушалъ еси гласа жены твоея, и снѣлъ еси отъ древа, егже ти<sup>5</sup> заповѣдахъ единого не ясти, отъ негоже ялъ еси, проклята земля во дѣлехъ твоихъ; въ печали яси хлѣбъ въ вся дни живота твоего; трѣніе и влѣчець възрастетъ тебѣ; яко земля еси, и въ землю паки поидеши.» И рече Богъ: «Адамъ есть

яко единъ отъ насъ, разумѣть добро и зло; еда како прострета руку второе, и възмета отъ древа животнаго, и жива будета въ вѣкы.» Изгнаніе Адамле. И изгна Господь Богъ Адама изъ раа и Евву, и пристави Господь херувимъ пламенное оружіе стрещи вратъ Едемскихъ. И сѣде Адамъ прямо раа, зря на рай плачася и дѣлаа землю, отъ неаже възять бысть. И прокля Господь Богъ землю, и порадовася сатана о проклятій земля: се бысть на ны прѣвое отпаденіе аггелскаго житія и горкій нашъ отвѣтъ. И пристави Господь Богъ архаггела Михаила хранити Адама, да не паки отъ сотоны прелщень будетъ; того ради по крещеніи всякой души человекѣй посылаетъ Господь аггела хранителя, а сотона посылаетъ бѣса на прелщеніе человекомъ. Двою Богъ, Адамъ и Евва, и изгнана быста изъ раа; по изгнаніи же ею изъ раа, заченши Евва и роди Каина. И роди Адамъ Каина и сестру его Каламону, и паки другую заченши, и роди Авеля; и бѣ Каинъ ратай землѣ, Авель же пастырь овецъ, О<sup>6</sup> жертвъ Авелевъ. отъ нихъ же жертву Богу принесе, и приять Богъ дары его, зане бо той прѣвенца Господеву освятить. О неприятній жертвъ Каиновъ. Каинъ же, ратай сій, той на прѣвѣ числа сѣтвори и уставы, и межи землямъ замысли, и бысть по днехъ вторыхъ, и того ради Каинъ ревнуа брату своему. Съвѣтъ на убійство. Влѣвъ же и сатана въ Каина, и подстрѣкаше его убити Авеля; и рече Каинъ Авелю: «пидевъ убо на поле.» И послуша его Авель; и якоже изыидоста оба на поле, воставъ Каинъ на Авеля, и хотѣше его убити, и не умѣаше. Ущеникъ Авелево. И рече ему сатана: «възми камень, и удари его.» И въземъ камень и уби Каинъ Авеля, брата своего, по наученію сотонину. Тогда четвертаа часть миру умре. И рече

(1) Въ подлинникъ против сего на полѣ написано киноварью: о преданіе адамле, а н. . . паче покаан. (2) Тамъ же: жену. (3) Тамъ же: сѣтворилъ. (4) Тамъ же: звѣрехъ. (5) Тамъ же: ты. (6) Тамъ же: а.

Богъ Каину: «где есть Авель, братъ твой?» Онъ же рече: «не вѣдѣ, еда стражъ брату моему есмь азъ?» Проклятiе Каиново. И рече ему Богъ: «что се сѣтворишь еси? се кровь брата твоего въпиетъ къ мнѣ отъ земли; проклятъ ты на земли, понеже разврѣе уста своа, проліати кровь брата твоего отъ руки твоеа; дѣлая землю, и не приложитъ ти силы твоеа дати тебѣ; стоня и трясыйся будеши на земли до дни живота своего.» И рече Каинъ къ Господу: «Господи, лучши ми бы вина и смерть сказанію, нежели отпущеніа животу и злomu пребыванію; аще мя гониши днесь отъ лица земли, отъ лица твоего съкрыюся, и буду стоня и трясыйся на земли, и будетъ, всякъ обрѣтый мя, убіетъ мя.» Седмъ мщеній. И рече ему Богъ: «не такъ; всякъ убивый Каина седмъ мщевій раздрушитъ.» «Кіи мщеніи?» Рече: «пръвое Бога разгнѣви, второе отпа опечали, третiе матеръ обезчадствова, четвертое брата уби, пятое кровь проліа, шестое Богу солга, седмое не пріата бѣяше жрътва его.» И положи Господь Богъ знаменіе на Каинѣ, еже не убити его всякому обрѣтающему его. Егда же убіенъ бысть Авель отъ Каина, Адамъ же и Евва плачущися бѣста зѣло, а врагъ діаволъ радовашеся, и рече въ себѣ: «се, егоже Богъ почте, азъ сѣтворихъ ему отпасти отъ Бога, се нынѣ и плачь ему налѣзохъ.» И тако плачущися по Авелѣ тридесать лѣтъ, лежаше бо на земли и не изгни тѣло его, ниже умѣяста его погребсти. Погребеніе Авелево. Повелѣніемъ же Божіимъ двѣ птицѣ прилетѣста, и едина ея умре, другаа же ископа въ земли яму, и вложи (въ н)ю умръшую, и погребе ю. Видѣвъ же (се) Адамъ и Евва, и ископаста яму, и положиста въ ней Авеля, и погребоста его съ плачемъ великимъ, отдавающе земли четвертую часть мира. Живъ же Адамъ лѣтъ 200 и 30, и родиста сына Сифа и двѣ дщери, Азару и

Асуаму, и поя Каинъ пръвую сестру свою 986 Азару, Сифъ же вторую Асуаму, и отъ того же человѣци расплодишася. И вселися убо Каинъ въ землю Нади, прямо Едему; и позна Каинъ жену свою, и зачехши роди Еноса, и създа градъ въ имя его; роди же сѣ<sup>1</sup>, роди Малеленла, Малеленлъ же роди Мафусала, Мафусала же роди Ламеха. И поятъ Ламехъ себѣ двѣ женѣ, Еддану и Селлу, и роди отъ нихъ Увела и Фовела. Увелъ же замысли пѣсни и гусли, Фовелъ же молотобіеніе, рекше ковачъ мѣди и желѣзу, и прочаа инаа бранная оружiа и копiа сѣтвори. Каинову же роду сея памяти все число отиде, даже ни съ первыми чтется, ни о прочихъ сповѣдано бысть. Сифъ же роди Еноса, Еносъ роди Каинана<sup>2</sup>, Каинанъ роди Малеленла, Малеленлъ роди Арета, Аретъ роди Еноха, Енохъ роди Мафусалу; и не обрѣташеся Енохъ на земли, зане престаи его Богъ. Мафусала же роди Ламеха, Ламехъ же роди Ноа. Зане отъ Сифа человѣци расплодишася и умножишася по земли, и не познаша сѣтворшаго ихъ, исполнишася блуда и скаредiа, всякоа нечистоты, убійства и зависти, и живяху скѣтскіи человѣци. И бѣ Ной единъ праведенъ въ родѣ томъ, и роди три сыны: Симъ, Хама и Афета. И рече Богъ: «не имать пребыти духъ мой въ человѣцѣхъ сихъ, яко плоть суть»; и рече Богъ: «да потреблю чловѣка, егоже сѣтворихъ, отъ чловѣка даже до скота.» И рече Богъ Ноеви: «сѣтвори ковчегъ въ длъготу 300 лакоть, а въ ширину 80, а въ высоту 30 лакоть»; Египте(не) бо локтемъ зовутъ сажень. Дѣлаему же ковчегу за 100 лѣтъ, и повѣдаше Ной, яко быти потопу на земли; и посѣяхуся ему людіе; и звѣріе събирахуся къ нему, и птица отъ необычныхъ странъ. И егда съдѣла ковчегъ, рече Господь Ноеви: «влѣзи ты, и жена твоа, и сынове твои, и снохы<sup>3</sup> твоа, и вниди въ ковчегъ, и

(1) Въ подлинникѣ пропущены здѣсь слова: еноху гандадъ, и гандадъ. (2) Тамъ же: каина. (3) Тамъ же: енохи.



986 въведи себѣ по двоему отъ всѣхъ скотѣ и птицѣ и отъ всѣхъ гадѣ. » И въведе Ной, якоже заповѣда ему Господь Богъ. Наведе Богъ (потопъ) на землю, и потопа всяка плоть, а ковчегъ плаваше по водѣ; и егда посяче вода, изыде Ной, и сынове его, и жена его и жены сыновъ его; и отъ сихъ расплодилася земля. И быша чловѣци мнози единоголасни, рѣша къ другъ другу: «сѣзвждемъ столпъ до небеси.» И начаша здати, и бѣ старѣйшина у нихъ Невротъ; и рече Богъ: «се умножишася чловѣци, и помысли ихъ суетни»; сѣвѣде Богъ, и размѣси языки на 70 и на два языка. Адамовъ же языкъ бысть не отъятъ у Евера; той бо единъ не приложися къ безумію ихъ, рекъ сице: «аще бы чловѣкомъ Богъ рекъ на небо столпъ дѣлати, то повелѣлъ бы самъ Богъ словомъ, якоже сѣтвори Богъ небо, и землю, и море, и вся видимаа и невидимаа.» Сего ради того языкъ не примѣнися; отъ сего суть Евреи. И на 70 и на единъ языкъ раздѣлишася, и разыдошася по странамъ, и каждо своа нравы пріиша; и по діаволу ученію ови рощеніемъ, и кладяземъ и рѣкамъ жряху, не познаша Бога. Отъ Адама до потопа лѣтъ 2000 и 242, а отъ потопа до раздѣленія языкъ лѣтъ 529. Посемъ же діаволь въ болшее прелщеніе въврже чловѣки, и начаша кумиры творити, ови древяны, ови мѣдяны, ови мраморяны, златы и сребрены, и кланяхуся имъ, и привождяху сыны своа и дщери, и закалааху предъ ними, и бѣ вся земля осквернена. Началникъ же бѣше кумиротворенію Серухъ, творяше кумиры въ имена мертвыхъ чловѣкъ, овѣмъ бывшимъ царемъ, другимъ храбромъ, и влѣвомъ, и же намъ прелюбодѣицамъ. Сей же Серухъ<sup>1</sup> роди Фару, Фара же роди 3 сыны: Авраама, и Нахора, и Арана. Фара же творяше кумиры, навѣкъ отъ отца своего. Авраамъ же пришеде въ умъ, възрѣвъ на небо, и видѣ звѣз-

ды и небо, и рече: «въ истинну то есть Богъ, иже сѣтвори небо и землю; а иже творитъ отецъ мой, прелщае чловѣки.» И рече Авраамъ: «искушу бога отца своего»; и рече: «отче! почто прелщаеши чловѣки, творя кумиры древяны? то есть Богъ, иже сѣтвори небо и землю.» Приемъ Авраамъ огонь, зажже идолы въ храминѣ. Видѣ(въ) же Аранъ, братъ Авраамовъ, ревнуа по идолѣхъ, хотя вымчаты идолы, и самъ згорѣ ту Аронъ, и умре предъ отцемъ; предъ симъ бо не умираше сынъ предъ отцемъ, но отецъ предъ сыномъ, и отъ сего начаша умирати сынове предъ отцемъ. О Авраамъ. И възлюбѣ Богъ Авраама, и рече Богъ къ Аврааму: «изыди отъ земля твояа и изъ дому отца твоего, и иди въ землю, въ нюже ти покажу, и сѣворю тя въ языкъ великъ, и царіе ис тебе изыдутъ, и благословятъ тя вся колѣна земнаа.» И сѣвори Авраамъ, якоже заповѣда ему Богъ. И повъ Авраамъ сыновца своего Лота, бѣ бо ему Лотъ и шурины и сыновецъ, бѣ бо Авраамъ понялъ братню<sup>2</sup> дщеръ Аароню Сарру, и пріиде въ землю Хананейску къ дубу высокоу, и рече Богъ Аврааму: «сѣмени твоему дамъ землю сію.» И поклонися Авраамъ Богу; Авраамъ же бѣ лѣтъ 75, егда изыде отъ Харана. Бѣ же Сарра неплоды, боляше неплодствомъ; рече Сарра къ Аврааму: «влѣзи къ рабѣ моей.» И понимше Сарра Агаръ, власть мужу своему, и влѣзь Авраамъ на Агаръ, зачатъ и роди сына Агаръ, и прозва его Авраамъ Изманломъ; и Аврааму бѣ лѣтъ 86, егда родися Изманль. Посемъ же зачешши Сарра, и роди сына, и нарече имя ему Исаакъ; и повелѣ Богъ Аврааму обрѣзати отроча, и обрѣза и въ 8 день. И възлюбѣ Богъ Авраама и племя его, и нарече я въ люди себѣ. Сему же Исааку възмогшу, Аврааму же жившу лѣтъ 175, и умре и погребенъ бысть. Исааку же бывшу лѣтъ 60, и роди два сына, Исава

(1) Въ подлинникѣ: ерухъ. (2) Тамъ же: братію.



(и) Іакова; Исавъ же бѣ лукавъ, а Іаковъ праведень. Сей же Іаковъ работаа у уя' своего изъ дщери его меншіа лѣтъ 7, и не дасть ему еа Лаванъ, уй его, рекъ: «старѣйшую помни»; и вдасть ему Ливу, старѣйшую, «а изъ другой, рекъ, работай ми другую 7 лѣтъ изъ Рахили»; и поя себѣ двѣ сестреници, отъ нея же родѣ 8 сыновъ: Рувима, Семіона, Леввію, Іуду, Исахара и Заулону, Іосифа и Веніамина; а отъ рабу двою: Дана, Нефталема. Гада и Асира; и отъ сихъ расплодишася челоѣци Жидове. Начало исхода. Іаковъ же съиде въ Египетъ, сый лѣтъ 130, со родомъ своимъ, числомъ 65 душъ; поживе же въ Египтѣ лѣтъ 17, и успе, и поработаша племя его за 400 лѣтъ. По сихъ же лѣтѣхъ възмогша людіе Жидовстїи, и умножишася, и населяху имъ Египтѣне работою. Въ си же времена родися Моисей въ Жидѣхъ, и рѣша влѣсви Египетстїи царю: «родился естъ дѣтищь, иже<sup>2</sup> хочетъ погубити Египетъ.» Ту абіе повелѣ царь раждающася дѣти Жидовскїа вѣмѣтати въ рѣку Египетскую. Мати же Монсеова, убоявшися сего погубленїа, въземши младенецъ, вложи въ крабицу, и неси постави въ лузѣ. Въ се же время съиде дщи Фараонова Фермуфи купатися на рѣку, и видѣ отроча плачуще, и взя, и пощадѣ е, и нарече<sup>3</sup> имч ему Моисей, и вскорми его. И бысть отроча красно; и бысть лѣтъ 4, и приведе и дѣти Фараонова къ отцу своему. Видѣвъ же Моисея Фараонъ<sup>4</sup>, нача любити отроча; Моисей же хопаяся за шїю, срони вѣнецъ съ главы царевы и попра его. Видѣвъ же влѣховъ, рече царевнѣ: «о царю! погуби отроча се, аще ли не погубиши, имать погубити весь Египетъ»; и не послуша его царь, но паче не повелѣ губити дѣти Жидовскїа. И Моисеви же възмогшу, и бысть великъ въ дому Фа-

раоновъ; и бывшу царю новому, възавидѣша<sup>5</sup> 986 ему боляре. Моисей же уби Египтянина, обидяща Евреанина, и бѣжа изъ Египта, и прииде въ землю Мадїамскую; ходя по пустыни, научися отъ аггела Гавріила о бытїи всего мира, и о прѣвѣмъ челоѣци, и яже суть была по немъ, и о потопѣ, и о раздѣленїи языкъ, и аще кто колико лѣтъ аще бысть, и звѣздное хожденїе<sup>6</sup>, и число, и земную мѣру, и всику мудрость извѣстно. Посемъ же явися ему Богъ въ куниѣ огниѣ, и рече ему: «видѣхъ бѣду людїи моихъ въ Египтѣ, и низлѣзохъ<sup>6</sup> изъти а отъ руку Египетску, и извѣсти языкъ земля тоа; ты же идеши къ Фараону, царю Египетскому, и речеши: искусти Израїля, да<sup>7</sup> три дни положить тебѣ Господу Богу; аще ли не послушаетъ тебе царь Египетскїи, побїю его всѣми чюдесы моими. И пришедшу Моисеови, и не послуша его Фараонъ, и пусти Богъ 10 казни на Фараона: 1 рѣкы въ кровь, 2 жабы, 3 мѣшница<sup>8</sup>, 4 песіа мухы, 5 смерть на скоты, 6 прищевъ горціи, 7 градъ, 8 пружи, 9 тма 3 дни, 10 моръ въ челоѣцѣхъ. Сего же ради 10 казній бысть на нихъ, занеже 10 мѣсяць топиша<sup>9</sup> дѣти Жидовскїа. Егда же бысть моръ въ Египтѣ, рече Фараонъ Моисеови и брату его Арону: «отыдѣта въскорѣ.» Моисей же събравъ люди Жидовскїа, и ведяше я Господь путемъ по пустыни къ Чермному морю, и предъидяше предъ ними ношїю стлѣпъ огниѣ, а во день облачень. Слышавъ же Фараонъ, яко бѣжати людїе, и погна по нихъ, и ирїтисну ихъ къ морю. Видѣвше же людїе Жидовстїи, и възопиша на Моисеа, рекуще: «почто изведе ны на смерть?» И възопи Моисей къ Богу, и рече Господь: «что въпиѣши къ мнѣ? удари жезломъ въ море.» И сѣтвори Моисей тако, и раступися вода на двое, и внидоша сынове

(1) Въ подлинникѣ: оу цтя. (2) Тамъ же: иже. (3) Тамъ же: и нарече и. (4) Тамъ же: моисей фараона. (5) Тамъ же: звѣдно схожденїе. (6) Тамъ же: ну изволихъ. (7) Тамъ же: за. (8) Тамъ же отъ слова: мѣшница сдѣлана, другимъ почеркомъ, дыноска на поле: хрущъ, шершни, кобылки полскїе. (9) Тамъ же: топиша.

986. Израилеви въ море. Видѣвъ же Фараонъ, погна по нихъ; сынове же Израилеви проидоша посуху посредѣ моря, и яко излѣзоша на брегъ, съступися<sup>1</sup> море, и покры Фараона и вся воя его. И възлюбилъ Богъ Израиля, и идоша отъ моря 3 дни по пустыни<sup>2</sup>, и приидоша въ Мерру; и бѣ ту горка вода, и възропташа людѣ на Бога, и показа имъ Господь древо, и вложи Моисей въ воду, и насладишася воды. Посемъ же пакы възропташа на Моисея и Аарона, ркуще: «лучше ны бѣше въ Египтѣ, и (деже) ядохомъ мяса, лукъ и<sup>3</sup> чесновитецъ, и хлѣбъ до сытости.» И рече Господь къ Моисею: «слышахъ хуленіе сыновъ Израилевыхъ»; и дасть имъ манну ясти. Посемъ же дасть имъ законъ на горѣ Синайстей. Моисею же вшедшу на гору къ Богу, они же соляша телчью главу, поклонившася яко Богу, иже Моисей иссѣче 30000. И посемъ пакы възропташа на Моисея и Аарона, еже<sup>4</sup> не бысть воды, и рече Господь къ Моисею: «ударь жезломъ въ камень!» и ударилъ Моисей въ камень, рекъ: «егда и(зъ) сего камня испустимъ вамъ воду?» и абѣ потече вода ис камня, и взяху камень яко бочку на телѣ, и емляху воду елико хотяху. И разгнѣвася Господь на Моисея, яко не возвеличилъ Господа, и не вниде въ землю обѣтованную сего ради, и роптанія онѣхъ ради; но възведе его на гору Ваѣску<sup>5</sup>, и показа ему землю обѣтованную, и успе Моисей ту на горѣ. И пріавласть Ісусъ, сынъ Навинъ, сестричичъ Моисею: и сѣй прииде въ землю обѣтованную, и избилъ Хананейское племя, и въсели въ нихъ мѣсто сыны Израилевы. Умрьшу же Ісусу, и бысть у него мѣсто судіа Іуда; и иныхъ судій 14 бысть, при нихъ же забывше Бога, изведшаго ихъ изъ Египта, начаша служити бѣсомъ. И разгнѣвася Богъ, и предасть ихъ

иноплеменникомъ на расхищеніе; и егда начнутъ каятися<sup>6</sup>, и Богъ помиловашеть ихъ, и егда избавляше ихъ<sup>7</sup>, пакы укланяхуся на бѣсовское служеніе. По сихъ же судіаше имъ Илій жрецъ, и посемъ Самонъ пророкъ, и рѣша людѣ Самуилу: «постави намъ царя Саула, сына Кисова.» Таче Саулъ не изволи ходити въ законъ Господни, и избра Господь Давыда, и поставилъ царя надъ Израилемъ, и угоди Давыдъ Господу. Сему Давыду кляся Богъ, яко отъ племени его родится Богу; и прѣвое нача пророчествовати о воплощеніи Божіи, рекъ: изъ чрева прежде деньница родишь тя. Сей же пророчествова лѣтъ 40 и умре. И по немъ пророчествова и царствова сынъ его Соломонъ<sup>8</sup>, иже и созда церковь Божію, и нарече ю Святаа Святыхъ; и бысть мудръ, и наконецъ поплъзнуся; царствова лѣтъ 40 и умре. По Соломонѣ царствова сынъ его Ровоамъ; при семъ раздѣлися царство Жидовское на двое, Іудейское въ Іерусалимѣ едино, а другое Израилѣтское въ Самаріи. Отбѣжа бо отъ Ровоама холопъ Соломонъ Іеровоамъ, и начатъ царствовати въ Самаріи, иже сътвори двѣ краѣвѣ златѣ, и поставилъ едину въ Вефилѣ на холмѣ, а другую въ Енданѣ, и рекъ: «се бога твоя, Израилю.» И повелѣ мучити люди, принуждающе кланятися имъ; и кланяхуся людѣ, Бога забывше. Таче въ Іерусалимѣ забывати начаша Бога и поклонятися начаша Вагу, рекши ратну богу, е . . . , забывша Бога отецъ своихъ. И нача Богъ посылати . . . пророки; пророци же начаша обличати о безаконіи ихъ и служеніи кумирь; они же начаша пророки избивати, обличаемы отъ нихъ. О отвѣрженіи Жидовствѣ. И разгнѣвася Богъ на Израиля, и рече: «отрину а отъ себе и призову иныхъ людей, иже мене послушаютъ; аще съгрѣ-

(1) Въ подлинникѣ: смутися. (2) Тамъ же: по пустыни. (3) Тамъ же: ис. (4) Тамъ же: иже. (5) Тамъ же: ваѣску. (6) Тамъ же: кланятися. (7) Тамъ же: и егда избавляше ихъ, и егда начнутъ кланятися, и богъ помиловашеть ихъ. (8) Тамъ же, противъ сего мѣста, на полѣ, написано: 2 сынъ давидовъ авессоломъ.

шатъ, не помяну безаконіа ихъ.» И нача посылати пророкы, глаголя имъ: «прорицайте о отврѣженіи Жидовствѣ и о призваніи странъ, рекше языкъ.» Иосіа. Пръвое же нача пророчествовати Іосіа, глаголя: преставлю царство дому Израилева, съкрушу лукъ Израилевъ, и не приложу помиловати пакы дому Израилеву, но отмѣтаа отврѣгуся ихъ, глаголетъ Господь, и будутъ блудяще въ языкѣхъ). Іереміа. Іеремея же рече: аще станеть<sup>1</sup> о(тъ) нихъ Самуилъ и Моисей, не помилюю ихъ. И пакы той же Іереміа рече: тако глаголетъ Господь: се кляхся именемъ моимъ великимъ, аще будетъ имя мое именуемо отъ селѣ где въ устѣхъ Іудейскихъ. Іезекииль. Іезекииль рече: тако глаголетъ Господь Ада-най: разсѣю вся останкы ваша въ вся вѣтры, зане святаа моя<sup>2</sup> оскверните всѣми негодованными вашими; азъ же тя отрину, и не имамъ тѣ помиловати пакы. Малахія. Малахія же рече: глаголетъ Господь: уже нѣсть ми хотѣнія у васъ, понеже отъ востока и запада прославися имя мое въ языкѣхъ, и на всякомъ мѣстѣ приносится кандила имени моему и жрътва чиста, зане веліе имя мое въ языкѣхъ; сего ради дамъ васъ на поносъ и на пришельствіе въ вся языки. Исаіа. Исаіа же великій рече: тако глаголетъ Господь: простру руку свою на тя, и пакы не приведу тя. И пакы той же рече: възненавидѣхъ праздники ваша и начаткы мѣсяцъ вашихъ; и суботъ вашихъ не приѣмлю. Амосъ. Амосъ же рече: слышите слово Господне: азъ приѣмаю на вы плачь; домъ Израилевъ падесе, и не приложитъ встати. Малахія. Малахія же рече: тако глаголетъ Господь: послю на вы клятву, и проклену благословеніе ваше, и разорю, и не будетъ васъ. И много пророчествоваша о отврѣженіи ихъ. О призваніи странъ.

Симъ же пророкомъ повелѣ Богъ пророчество- 986 вати о призваніи и(ны)хъ языкъ въ нихъ мѣсто. Исаіа. Нача звати Исаіа, тако глаголя: яко законъ отъ мене изыиде, и сулъ мой свѣтъ языкомъ; приближается скоро правда моя, изыидеть (яко свѣтъ спасеніе мое), и на мышцу мою страны уповають. Іеремея. Іереміа же рече: тако глаголетъ Господь: и положу дому Іудову завѣтъ новъ, даа законы въ разумѣ(ні)а ихъ, и на сердца ихъ напишу, и буду имъ Богъ, и ти будутъ ми въ люди. Исаіа. Исаіа же рече: ветхаа мимо идоша, а нова, я(же) възвѣщаю, прежде възвѣщенія явлено бысть вамъ, пойте Богу пѣснь нову, работающимъ ми прозовется имя ново, еже благословится по всей земли, домъ мой домъ молитвъ прозовется всѣмъ языкомъ. Той же Исаіа глаголетъ: открыеть Господь мышцу свою святую предъ всѣми языки. Давыдъ. Давыдъ глаголетъ: видѣша вси концы земля спасеніе Бога нашего<sup>3</sup>. Пакы той же Давыдъ: хвалите Господа вси языци, похвалите его вси людіе. О воплощеніи Господни. Тако Богу възлюбившю новыа люди, рекъ: имамъ снити къ нимъ самъ, и явитися челоуѣкомъ плотію, пострадати за Адамово преступленіе; и начаша прорицати о воплощеніи Божіи. Давыдъ. Пръвый Давыдъ, глаголя: рече Господь Господеву моему: сѣди одесную мене, дондеже положу врагы твоа подножію<sup>4</sup> ногама твоима. И пакы: рече (Господь) къ мнѣ: сынъ мой еси ты, а(зъ) днесъ родихъ тя. Исаіа. Исаіа же рече: ни посолъ, ни вѣстникъ, но самъ Господь пришедъ спасетъ ны; и пакы: яко дѣтишь роди(т)ся намъ, емуже бысть начало на раи его, и прозовется велика свѣта аггелъ, и велика власть его, и миру его нѣсть конца; и пакы: се дѣвица въ чревѣ зачнетъ, и родитъ сына, и прозовутъ имя ему Еммануилъ. Михѣа.

(1) Въ подлинникъ: останеть. (2) Тамъ же: мене. (3) Приписанное въ подлинникъ Давыду, находится у Исаіи LII, 40, и составляетъ продолженіе того мѣста, которое приведено изъ него выше: открыеть господь мышцу свою святую предъ всѣми языки, и узрять вси концы земля спасеніе отъ бога нашего. (4) Въ подлинникъ: подножіе.

986 Михѣа же рече: и ты Вифлео(ме), доме Ефрантовъ, еда не могъ еси быти въ тысушахъ Іудовахъ? ис те(бе) бо изыидеть старѣйшина, быти въ князехъ въ Израили. Іереміа. Іереміа же рече: се Богъ нашъ, не вмѣнится нѣ къ нему; изобрѣте всякъ путь художества, и дасть Іакову отроку своему; по сихъ же на земли явися, и съ человѣкъ поживе; и паки: человѣкъ есть, кто увѣсть, яко Богъ есть? яко человѣкъ умираеть. Захаріа. Захаріа же рече: не послушаша сына моего, и не услышу ихъ, глаголетъ Господь. Іосіа рече: тако глаголетъ Господь: плоть моя отъ нихъ. О страсти Спасовъ. Прорекоша же и страсти его, рекуще, якоже рече Исаіа: о, люте души ихъ, понеже сѣтвориша свѣтъ золь, ркуще: свяжемъ праведника. И паки той же рече: тако глаголетъ Господь: азъ не супротивляюся, ни глаголю противу; хребетъ мой вдахъ на раны, и ланинѣ мои на удареніе, и лица моего не отвратихъ отъ стыдѣнія заплеванія. Іереміа. Іеремеа рече: приидѣте, вложимъ древо въ хлѣбъ его, и истребимъ отъ земля животъ его. Моиси. Моисей же рече о распятіи его: узрите жизнь вашу висящу предъ очима вашима. Давыдъ. Давыдъ рече: въскую шаташася языци, и людіе поучишася тщетнымъ. Исаіа. Исаіа рече: яко овча на заклєніе ведеса. Езра<sup>1</sup> же рече: благословенъ Богъ, руцѣ распротрь свои и спасъ Іерусалима. О въскресеніи. И о въскресеніи его рекоша. Давыдъ. Давыдъ рече: «въскресни, Боже, суди земли, яко наслѣдиши въ всѣхъ языцѣхъ. И паки: вѣста яко спя Господь. И паки: да въскреснетъ Богъ, и да разыдутся врази его. И паки: въскресни, Господи Боже мой, да възнесетъ рука твоа, и не забуди нищихъ своихъ до конца. Исаіа. Исаіа же рече: сходяще въ страну и сѣни смертна, свѣтъ всѣаетъ на вы.

Захаріа. Захаріа же рече: ты въ крови за вѣта своего испустилъ еси ужники своа отъ рова, не имуща вода. И много пророчествоваша о немъ, еже събыться все.» Въпросъ. Рече же Володимеръ: «то въ кое<sup>2</sup> время събыться се, и было ли есть се? егда ли тепере быти хочеть?» Отвѣтъ. Онъ же рече ему: «Яко уже прежде събыться все, егда Богъ въплотися. Якоже бо прежде рекохъ, Жидомъ пророки избивающимъ, и царемъ ихъ законъ престопающимъ, предасть ихъ Богъ въ расхищеніе и плѣнь, и ведени быша въ Асурію, грѣхъ ихъ ради, и работаша тамо 70 лѣтъ; и посемъ възвратиса въ землю свою, и не бѣ у нихъ царя, но архіереи, и обладааху ими до Ирода иноплеменика, еже облада ими. О благовѣщеніи. Въ сего же власть, въ лѣто 5500, посланъ бысть архаггелъ Гавріилъ отъ Бога въ Назаретъ къ дѣвици Маріи, отъ колѣна Іудова, рекше ей: радуйся, обрадованнаа, Господь съ тобою. И отъ слова сего зачатъ Слово Божіе въ утробѣ, и породи сынъ, и нарече имя ему Ісусъ. Влѣсви. И (се) влѣсви придоша отъ востока, глаголюще: где есть рождейся царъ Жидовскій? видѣхомъ бо звѣзду его на востоцѣ, и придохомъ поклонитися ему. Услышавъ же царъ Иродъ, смятеса, и весь Іерусалимъ съ нимъ; и призва книжники и старцы людскыа, и въпрашааше отъ нихъ: где раждается? Они же рѣша: въ Вифлеомѣ Іудейстемъ. Иродъ же (се) слышавъ, посла, рекъ: избита младенца въ Вифлеомѣ сущаа двою лѣтъ; они же шедше, избиха младенца бущаа двою лѣтъ. Маріа же убоявшися съкры отрока; Іосифъ же съ Марією, поимъ отрока, бѣжа въ Египетъ, и бысть (ту) и до умертвіа Иродова. Въ Египтѣ же явися аггелъ Іосифу, глаголя: вѣставъ, поими отрока и матеръ его, и иди въ землю Израилеву. Пришедшу же ему, въселися въ Назаретъ. Възрастшу же ему и бывшу лѣтъ 30,

(1) Въ подлинникъ: егда. (2) Тамъ же: только е.



нача чюдеса творити, и проповѣдати царство небесное, и избра 12, яже ученики себѣ нарече; и нача чюдеса велика творити, мертвыя воскрешати, прокаженныя очищати, хромымъ повелѣвааше ходити, слѣпымъ прозрѣніе творити, и ина чюдеса велиа творя, якоже быше пророцы прорекли о немъ, глаголюще: тѣмъ недуги наша исцѣли и болѣзни подъя. И крестися въ Иердани отъ Іоанна, показа новымъ людемъ оставленіе прѣваго сѣгрѣшенія. Крестившу же ся ему, и се отворзошася небеса, и Духъ съходящъ зракомъ голубинымъ на нь, и гласъ глаголя: се естъ Сынъ мой възлюбленный, о немъ же благоизволихъ. И посылааше ученики своа проповѣдати царство небесное и покааніе въ оставленіе грѣховъ; хотя исполнити пророчество, нача проповѣдати, яко подобаетъ сыну чловѣческому пострадати, и распяту быти, и въ 3 день воскреснути. Учасу же ему въ церкви, и се архіерее и книжници исполнишася зависти, и искааху убити его, и емше ѿ, ведоша его (къ) нгемону Пилату. Пилатъ же испытавъ, яко безъ вины приведоша<sup>1</sup> его, хотя его пустити; они же рѣша: аще сегопустиши, не имаша другъ быти кесареви<sup>2</sup>. Пилатъ же повелѣ<sup>3</sup>, да распнутъ его; они же поемше Ісуса, ведоша его на мѣсто Краніево, и распяша его ту; и бысть тма по всей земли отъ 6-го часа и до 9-го, и при девятѣмъ<sup>4</sup> часѣ испусти духъ Ісусъ, и церковная запона раздрася на двое, и мертвыи вѣсташа мнози, имже повелѣ въ рай ити. И снемше ѿ съ креста, положиша въ гробъ, и<sup>5</sup> печатми запечатлѣша гробъ, людіе же Жидовстїи и стража поставиша, ркуще: егда како украдутъ ученици его. Онъ же въ третій день воскресе; явися ученикомъ воста отъ мертвыхъ, и рекъ имъ: идѣте въ вся языки, и научите вся страны крещенію въ имя Отца и Сына и Святаго Духа. И пре-

бысть съ ними 40 днѣй, являясь имъ по во- 986  
скресеніи. И егда исполнишася днѣй 40, повелѣ имъ (и)ти въ гору Елеонскую, и ту явися имъ, и благословивъ а, рече имъ: сядѣте въ градъ Іерусалимъ, дондеже пошлю (на) вы обѣтованіе Отца моего. И се рекъ, възнесеса на небеса; они же поклонишася ему, и възвратишася въ Іерусалимъ, и бѣаху. вѣнну въ церкви. Егда скончашася днѣи пятидесятици, сѣниде Духъ Святыи на апостолы, и приѣмше обѣтованіе Святаго Духа, и разыдошася по вселеннѣй, учаше и крестяще водою. Въпросъ князь. Рече же Володимѣрь: «что ради отъ жены родися, и во водѣ крестися, а и на дрѣвѣ распялся?» Отвѣтъ философъ. Онъ же рече ему: «сего ради, понеже родъ чловѣческій испрѣва женою сѣгрѣши, діаволъ прелести Евву, и Адамъ отпаде раа, такоже и Богъ отместіе даа діаволу, женою прѣвою испале изъ раа Адамъ, отъ жены же въплоти(в)ся Богъ повелѣ въ рай вѣнїти вѣрнымъ. А еже на дрѣвѣ распяту быти, того ради, отъ дрѣва вкушъ Адамъ испадъ породы, Богъ<sup>6</sup> же на дрѣвѣ страсть прїя, да діаволъ побѣждень бысть дрѣвомъ, и отъ дрѣва животнаго прїимуть праведніи. А еже водою обновленіе, понеже при Нои умножившимся въ чловѣцѣхъ грѣхомъ, наведе Богъ потопъ на землю, и потоппи чловѣкы водою, сего ради рече Богъ: понеже погубыхъ чловѣкы водою грѣхъ ради, нынѣ же паки водою очищаю грѣхы чловѣкомъ, обновленіемъ водою; ибо Жидовскій родъ въ мори очистишася отъ Египетскаго злаго права, понеже бо вода измыла естъ прѣваа; рече Богъ<sup>7</sup>: Духъ Божій ношашеся врѣху воды; еже бо нынѣ крестятся водою и Духомъ. Преображеніе бысть прѣвое водою, якоже и Гелеонъ преобрази посемъ. Руно. Егда прїиде къ нему аггелъ, велѣ (и)ти ему на Мадіами, онъ же искушаа рече Богу, по-

(1) *Въ подлинникѣ*: предаша. (2) *Тамъ же*: кесареви. (3) *Тамъ же*: повелѣ его. (4) *Тамъ же*: при десятии. (5) *Тамъ же*: и съ. (6) *Тамъ же*: бѣ. (7) *Въ Полн. Собр. Лѣт. т. I, стр. 45*: понеже вода изъ начала бысть прѣвое, рече бо. Т. XV.

986 ложивъ руно на гумнѣ, рече: аще будетъ по  
987 всей земли роса, и на рунѣ суша. И положи  
руно; и заутра видѣвъ по всей земли росу,  
а на рунѣ суша, и рече: еще искушу; аще  
будетъ по всей земли суша, а на рунѣ роса,  
и бысть тако. Се же прообрази<sup>1</sup>, яко ино-  
страни быша суша прежде, а Жидове роса<sup>2</sup>,  
послѣжде же на странахъ роса, еже есть свя-  
тое крещеніе, а на Жидѣхъ суша. Пророци  
же проповѣдаша, яко водою обновленіе бу-  
детъ. Апостоломъ же учащимъ по вселеннѣй  
вѣровати Богу, ихже ученіе мы, Греци, приа-  
хомъ, и вся вселеннаа вѣруеть ученію  
ихъ. Судный день. Поставилъ же есть Богъ  
единъ день, въ онъ же хошетъ судити, при-  
шедъ съ небесе, живымъ и мертвымъ, и  
въздати комуждо<sup>3</sup> по дѣломъ его: правед-  
нымъ царство небесное, и красоту неизречен-  
ную, и веселіе бес конца, и не умирати въ  
вѣкы; и грѣшникомъ мука огнена, и чрвь  
неусыпаай, и тма кромѣшняя, и муцѣ не  
будетъ конца. Таже будутъ мученія, иже не  
вѣрують къ Господу нашему Ісусу Христу:  
мучими будутъ, иже ся не крестятъ. Сіа  
рекъ, показа Володимеру запону, на ней  
же бѣ написанъ страшный судъ Господень,  
и показоваше ему одесную праведныхъ въ ве-  
селіи предъидуша въ рай, а ошуюю грѣш-  
ники идуща въ муку вѣчную. Володимеръ же  
въздхнувъ рече: «добро симъ одесную, горе  
же симъ ошуюю.» Философъ же рече: «то  
аще хоцеша одесную стати съ праведными,  
то крестися.» Володимеръ же внять мыслію  
о вѣрѣ христіанстѣй, и не дааше ему бояре  
его, ркуще: «еще испытай допона, но сіа  
лучши есть всѣхъ.» Володимеръ же поло-  
жи на сердци своемъ, рекъ: «пожду еще  
мало, хошу испытати о всѣхъ вѣрахъ.» И  
власть Володимеръ Кирилу философу дары  
многы, и отпусти его съ великою честію.

Испытаніе о вѣрахъ. Въ лѣто 6495.  
Съзва Володимеръ бояре своя и старци град-  
скыя, и рече имъ: «се приходиша къ мнѣ  
Болгаре, ркуще: приими законъ нашъ; посемъ  
же придоша и Римляне<sup>4</sup>, и ти хваляку за-  
конъ свой; и посемъ приходиша Жидове, и  
ти свой хваляше законъ; послѣжде же при-  
доша Греци, хуляще всѣхъ законы, свой же  
хваляще законъ, и много глаголаша сказую-  
ще отъ начала миру, о бытіи<sup>5</sup> всего мира; суть  
же хитро сказующе, чюдно слышати ихъ,  
другый свѣтъ повѣдають быти: да аще кто  
вѣруеть въ нашу вѣру, то пакы умеръ, вста-  
нетъ, и не умирати ему въ вѣкы; аще ли въ  
ны законъ ступитъ, то на ономъ свѣтѣ на  
огни горѣти. Да что ума придасте, и что  
отвѣщаете?» И рѣша бояре и старци: «яко  
своего никтоже хулитъ, но хвалитъ; аще хо-  
цеша испытати гораздо, то имаеша у себе  
мужи: пославъ испытай<sup>6</sup> кождо ихъ служ-  
бу, и кто како служитъ Богу.» И бысть любя  
рѣчь князю и всѣмъ боляромъ; и избра мужи  
мудры и смыслени, числомъ 10, и рѣша имъ:  
«идѣте пръвое въ Болгары, испытайте пръве  
вѣру ихъ.» Они же идоша, и пришедше ви-  
дѣша сквернаа дѣла ихъ и кланіе въ ро-  
натѣхъ; и придоша въ землю свою. И рече  
имъ Володимеръ: «идѣта пакы въ Рымъ<sup>7</sup>, и  
зглядайте такожде, и оттолѣ идѣта въ Греки.»  
Они же идоша въ Рымъ<sup>8</sup>, и съглядаше цер-  
ковную службу ихъ, и оттолѣ идоша въ Гре-  
ки. О испытаніи вѣры христіанскыя.  
Придоша къ Царюграду, и внидоша къ царю;  
царь же испыта, что ради придоша; они же  
повѣдаша ему вся бывшаа. И се слышавъ  
царь, радъ бысть, и честь велику сътвори  
имъ въ той день. Наутріа же посла къ пат-  
ріарху, глаголя сице: «придоша Русь испы-  
тати вѣры нашеа, да пристрой церковь и кли-  
росъ, и самъ учинися въ святицелскыя ризы,

(1) Въ подлинникѣ: прообрази. (2) Тамъ же: руно. (3) Тамъ же: комуждо. (4) Тамъ же слово: римляне  
написано поверхъ зачеркнутаю: вѣщи. (5) Тамъ же: о бытіи. (6) Тамъ же: испытай. (7) Тамъ же слова: въ рымъ  
написаны поверхъ зачеркнутыхъ: въ вѣщи. (8) Тамъ же слова: въ рымъ написаны поверхъ зачеркнутыхъ: въ вѣщи.



да видятъ славу Бога нашего.» И се слышавъ патриархъ, повелѣ съзвати клиросъ, и по обычаю сѣтворше праздникъ<sup>1</sup>, и кандила возгоша, и пѣнія и лики съставиша. И иде царь съ ними въ церковь, и поставиша ихъ на пространѣ мѣстѣ, показующе красоту церковную, и пѣнія и службы архіерейскы, и предстоанія діаконъ, и сказующе нмъ служеніе Бога своего; они же въ изумлѣніи бывше, и удивльшеся, похвалиша службу ихъ. И призавша ихъ царя Васи́ліе и Константи́нъ, и рѣста нмъ: «идѣта въ свою землю», и отпусти(ша) а съ великою честію и з дары. Они же придоша въ землю свою; и съзва князь великій Володимѣрь бояре свои и старци, и рекъ: «се придоша посланніи нами мужи, да слышимъ отъ нихъ бывшее». И рече Володимѣрь мужемъ: «скажете ми предъ бояры моими и людьми моими нарочитыми.» Они же рѣша: «ходихомъ въ Болгары, и видѣхомъ како ся кланяють въ храмѣхъ, рекше въ ропатѣхъ, стоаще бес пояса: и поклонився сядеть, и глядитъ сѣмо и овамо, яко бѣсенъ, и нѣсть у нихъ веселія, но печаль и смрадъ великъ, и нѣсть добръ законъ ихъ. И придохомъ къ Нѣмцѣмъ, и видѣхомъ въ храминѣхъ службы творяще, и красоты не видѣхомъ никакое. Грециаа вѣра и навоженство. И придохомъ въ Греки, и ведоша ны, идеже служатъ Богу своему, и не свѣмы, на небесѣхъ ли были, или на земли, нѣсть бо на земли таковаго вида или красоты такыа, недоумѣемъ бо сказати: токмо то вѣмы, яко отнудъ ту Богъ пребываетъ съ ними, и есть служба ихъ паче всѣхъ странъ. Мы убо не можемъ забыть тоа красоты, всякъ бо человекъ аще вкуситъ сладкаа, послѣди же горести не пріимаетъ: тако и мы не имамъ аде быти.» Отвѣщавше бояре, и рѣша Володимѣру: «аще бы лихъ былъ законъ Греческій,

то не бы баба твоа пріала Олга, яже бѣ мудрѣйши всѣхъ человекъ.» Отвѣщавъ же<sup>2</sup> Володимѣрь, и рече: «где крещеніе пріимемъ?» Они же рѣша: «где ти, господине, любо. О взятіи Курьсуньствѣ и о крещеніи великого князя Владимѣра Святослави́ча, внука Игорева. И минувшу лѣту<sup>3</sup>, поиде же Володимѣрь съ вои своими на Курсунъ. градъ Греческій, и затворишася Корсуняне въ градѣ; и ста Володимѣрь обонполю града въ лимени, далѣ града стрѣлища единого, и боряхуся крѣпко гражане; Володимѣрь же обстоа подъ нимъ, и много стоа подъ нимъ. И изнемагааху людие въ градѣ, и рече Володимѣрь къ гражаномъ: «аще ся не водаста, стояти имамъ zde за 3 лѣта;» и они же не послушаста того. Володимѣрь же изрядивъ свои вои<sup>4</sup>, повелѣ приступати къ граду и прѣсты сыпати. Симъ же сыплющемъ, Корсуняне подыкопавше стѣну градскую, и крадаху сыплемую прѣсть, и ношааху къ себѣ въ градъ, и сыплюще посредѣ града; и вои присыпааху боле. Володимѣрь же стояше. Нѣкто же мужъ Корсунянинъ, именемъ Анастасъ, стрѣливъ изъ града, написа въ стрѣлѣ сипце, глаголя: «кладязи, иже суть отъ востока за тобою, и отъ тѣхъ по трубамъ идеть вода; и окопавше перенми.» Володимѣрь же се слышавъ, и възрѣвъ на небо, и рече: «аще ся събудеть, и самъ ся крещу.» И ту абіе повелѣ копати переки трубы, и прѣяша воду; и людие изнемагааху въ градѣ нужею водною жажею, и предашася. И вниде Володимѣрь въ градъ и вси вои его, и посла Володимѣрь къ царема Греческыма, Васи́лію и Костанти́ну, глаголя: «се градъ вашъ сильный възяхъ; слышахъ же и се, яко сестру нмѣста дѣвою, (да) аще еа не вдаста за мене, сѣтворю граду вашему, якоже и сему сѣтворихъ, и землю вашу плѣннити имамъ.» Се слышавше царя, быста печална:

987

988

(1) *Въ подлинникѣ:* праздники. (2) *Тамъ же:* отвѣщавше. (3) *Тамъ же слова:* и минувшу лѣту помѣщены передъ заголовкомъ; *повержъ слова:* поиде написано, новыми почеркомъ: въ лѣто 6496. (4) *Тамъ же:* свои свои.



988 они же послаша къ нему вѣсть, сие глаголюще: «недостойно есть христіаномъ за поганья даати; аще ся крестиши, то и се получиши, и царство небесное улучиши пріати, и съ нами единовѣрникъ будеши; аще ли сего не въскохнеша сѣтворити, не можемъ выдати сестры своеа за тя.» Се слышавъ Володимеръ, рече посланымъ отъ царя: «глаголита царема тако: яко азъ крещуся, занеже испытахъ прежде сихъ днехъ законъ вашъ, есть ми любя вѣра ваша и<sup>1</sup> служеніе, се же бо ми повѣдаша посланіи нами мужи.» И се слышавше царя, рада быста, и посласта къ сестрѣ своей, глаголюще: «яко Володимеръ просить тя за ся.» Она же отвѣща: «не хочу азъ за по(га)ного ити.» Они же рѣша къ ней: «егда како тебе ради обратитъ его Господь, и просвѣтиши его и землю ихъ, насъ же и градъ нашъ отъ плѣненія избавиши, и себѣ вѣнецъ отъ Бога пріимеши»; и едѣа умолиста сестру свою именемъ Анну. Анна. И посласта къ Володимеру, глаголюще: «крестися, тогда последѣ къ тебѣ сестру свою.» И рече Володимеръ: «да пришедши съ сестрою вашею и крестите мя.» И послушаста царя, и посласта сестру свою, и сановники нѣкыа и прозвитеры; она же не хотѣаша ити: «яко въ поганья», рече, «иду, лучше бо ми zde умерети.» И рѣста ей брата: «едѣа како обратитъ Господь Богъ тобою Русскую землю въ покааніе, а Греческую землю избавиши отъ лютыа рати: видиши ли колика зла сѣтвориша Русь Грекомъ? и нынѣ, аще не идеши, тоже имутъ сѣтворити намъ»; и едѣа принудиша ю ити. Она же сѣдши въ корабль, пѣловаша ужикы своя съ плачемъ, поиде черезъ море; и яко пріиде (къ) Корсуню, изыидоша Корсуняне съ поклономъ, и ведоша ю въ градъ, и посадиша ю въ полатѣ. Володимеръ хорый. По строенію же Божію, въ то время разболѣся Владимиръ очною болѣзнію<sup>2</sup>, и не

видѣаша ничтоже, и тужашеть велии, и не домышляаша что сѣтворити; и посла къ нему Анна царица, ркущи: «аще хощеши избыти болѣзни сеа, то въскорѣ крестися; аще ли ни, то не имаша избыты болѣзни сеа.» Се слышавъ Володимеръ, рече: «да аще се истинна будетъ, то по истиннѣ великъ Богъ христіанскій», и повелѣ крестити ся. Впископъ же Корсунскій съ попы царициными, огласивъ Владимира, и нарече имя ему Василій, и крести его; яко възложи руку на нь, абіе прозрѣ. Видѣвъ же се Владимиръ напрасное исцѣленіе, и прослави Бога, рекъ: «то-перѣ увѣдахъ Бога истиннаго.» Се же увидивши, бояре его мнози крестяшися. Крести же ся въ церкви святаго Іакова, и есть церкви та стояща въ Корсунѣ посреде града, идеже торгъ дѣють Корсуняне; полата же Владимира край церкви стоала до второго взятія Корсунского, а царицина полата за олтаремъ. По крещеніи же приведе царицу на браченіе. Се же не свѣдуше глаголють неправдо, яко крестился есть въ Кіевѣ; ины же рѣша: въ Василевѣ; друзіи же инако скажутъ. Напомянувши Володимера, авы ся не завилъ прелѣщати и повѣрцемъ. Крещену же Володимеру, предаша ему вѣру христіанскую, ркуще сие: «да не прелѣстятъ тебе нѣщии отъ еретикъ, но вѣруй, сие глаголю: вѣрую въ единого Бога Отца, вседръжителя, творца небу и земли, и до конца вѣру сию. И пакы: вѣрую въ единого Бога (Отца) нерожденна, и въ единого Сына рожденна, и въ единъ Святый Духъ исходящъ: три собѣства сѣвършена, мыслена, раздѣляема числомъ сѣбѣственнымъ собѣствомъ, а не божествомъ; раздѣляетъ бо ся нераздѣлно, и сѣвѣкупляется неразмѣсно. Отецъ начало и вина. Отецъ бо<sup>3</sup>, присносый, пребываетъ въ отечествѣ, нероженъ, безначаленъ, начало и вина всѣмъ, единѣмъ нероженіемъ<sup>4</sup> старѣй сый Сыну и Духови, отъ

(1) *Въ подлинникѣ*: любѣ и вѣра ваша. (2) *Тамъ же*: болѣзною. (3) *Тамъ же*: отецъ бо богъ отецъ. (4) *Тамъ же*: нерожденнымъ.

негоже раждается Сынъ прежде всѣхъ вѣкъ, исходитъ же Духъ Святой безъ време и безъ лѣта, вѣкупѣ Отецъ, вкупѣ Сынъ, вкупѣ Духъ Святой есть. Сынъ подобносущенъ и безначаленъ Отцу, рождениемъ точію разнѣства Отцу и Духови. Духъ есть пресвятый, Отцу и Сыну подобносущю и присносущю. Отцу бо отчѣство, Сыну же сыновство, Святому же Духу исхождение. Григорій Богословъ. Ни Отецъ бо въ Сынъ или въ Духъ прѣступаетъ, ни Сынъ въ Отца и Духа, и Духъ ли въ Сына или въ Отецъ; неподвижна бо свойства. Не тріе Бози, но единъ Богъ, понеже<sup>1</sup> едино божество въ трѣхъ лицихъ. Хотѣніемъ Отца же и Духа свою спасти тварь, отъ отчѣскихъ ядръ, (ихже) не отступи, съшедъ въ дѣвическое ложе пречистое, яко Божіе сѣмя въшеде, и плоть съдушевну, словесну же и умну, не прежде бывшу, пріемъ, изыде Богъ въплощенъ, и родися неизреченно, и дѣвство мати съхрани нетлѣнно. Не смятеніе, ни размѣшеніе, ни измѣненіа пострадавъ, но пребывъ, еже (бѣ), бысть, еже и не бѣ, и пріемъ рабій зракъ истинною, а<sup>2</sup> (не) мечтаніемъ, всячески, развѣ грѣха, намъ подобенъ бывъ, волею бо родися, волею възалкася, волею възжада, волею трудися, волею устрашися, волею умре, истинною, а не мечтаніемъ; вся естественаа, неоклеветаны страсти человѣческыя. Распятъ же ся, и смерти вѣкуси безгрѣшный, воскресъ во своей плоти, не видѣвши истлѣнія, на небеса възыиде, и сѣде одесную Отца, пріидетъ же пакы съ славою судити живымъ и мертвымъ, якоже възыиде съ славою и плотію, тако и спсидетъ. Крещеніе. Къ симъ едино крещеніе исповѣдаю водою и Духомъ, приступая<sup>3</sup> къ пречистымъ таинамъ, вѣрую въ истинну тѣло и кровь, и пріемлю<sup>4</sup> церковнаа преданія, и кланяюся<sup>5</sup> честнымъ иконамъ, кланяюся<sup>6</sup> древу честному, и всякому кресту, и святымъ мо-

щемъ и святымъ съсудомъ. 7 соборовъ. И 988 вѣрую же седмымъ съборомъ святыхъ отецъ, и(х)же пръвый есть въ Никен, 318, иже проклаша Аріа и проповѣдаша вѣру непорочну и праву; вторый съборъ въ Константиногралѣ, святыхъ отецъ 150, иже проклаша Макидоніа духоборца и проповѣдаша Троицу единосущну; третій же съборъ въ Ефесѣ, святыхъ отецъ 200, на Несторіа, егоже прокленше, проповѣдаша святую Богородицу; четвертій съборъ въ Халкидонѣ, святыхъ отецъ 630, на Евтиха и Діоскора, еюже проклаша святин отци, изгласивше съврѣшеннаго Бога и съврѣшенна чловѣка Господа нашего Ісуса Христа; пятый съборъ въ Цариградѣ, святыхъ отецъ 165, на Оригенова преданія и на Евагріа, ихже проклаша святин отци; шестый съборъ въ Цариградѣ, святыхъ отецъ 170, на Сергіа и Пира, ихже проклаша святин отци; седмій съборъ въ Никен, святыхъ отецъ 366, проклаша тѣхъ, иже ся не кланяють иконамъ. Напомнѣнія, абы Володимѣръ Латинской превратной не май вѣры. Не пріима(й) же ученія отъ Латинъ, ихже ученія развращено: възлѣзше бо въ церковь, не поклоняются иконамъ, но стоа поклонится, и поклонився напишетъ крестъ на земли и цѣлуеъ, и въставъ простъ станетъ на немъ ногами, да легъ цѣлуеъ и въставъ попираетъ; а сего апостоли не предаша. предали бо суть апостоли крестъ поставленъ цѣловати, и иконы предаша. Лука бо евангелистъ пръвое написавъ посла въ Римъ, якоже глаголетъ Василій; икона на пръвый образъ приходитъ. Пакы же и землю глаголють матерію: да аще имъ есть земля, мати, то отецъ имъ есть небо, искони сътвори Богъ небо, таже и землю; тако глаголетъ Господь: Отче нашъ, иже еси на небесѣхъ. Аще ли по сихъ разуму земля есть мати, то почто клюете на матеръ свою?

(1) Въ подлинникѣ: по нему же. (2) Тамъ же: и. (3) Тамъ же: прѣступан. (4) Тамъ же: пріемли. (5) Тамъ же: кланяйся. (6) Тамъ же: кланяюся.

988 да сѣмь еа лобзаете, и на ны оскверняете? Сего прежде<sup>1</sup> Римляне не творяху, но исправляху на всѣхъ съборѣхъ, сходящеся отъ Рима и отъ всѣхъ престолѣ. Старин Рим . . . . . СОБОРНЕ НАПР . . . . . ЛЯЛИ ВСКІЙ Б . . . . . УСТАВЫ И . . . . . А ТАМЪ ПАПА НЕ . . . . . НОВИ . . . . . На прѣвомъ съборѣ, еже на Аріа въ Никей, отъ Рима Силвестръ посла епископы и прозвитеры, отъ Александріа Аео-насій, отъ Царяграда Митрофанъ посла епископы<sup>2</sup> отъ себе; и тако исправляху вѣру. На второмъ же съборѣ отъ Рима Дамась, отъ Александріа Тимофеа, отъ Антиохіа Мелетій, Кирилъ Іерусалимскій, Григорій Богословецъ. На третьемъ же съборѣ Келестинъ Римскій, Кирилъ Александрскій, Увеналій Іерусалимскій. На четвертомъ съборѣ Леонтій Римскій, Анаталій Царяграда, Увеналій Іерусалимскій. На пятомъ съборѣ Римскій Квигилій, Евтихій Царяграда, Аполинарій Александрскій, Домнинъ Антиохійскій. На шестомъ съборѣ отъ Рима Агафонъ, Георгій Царяграда, Теофанъ Антиохійскій, отъ Александріа Петръ мнихъ. На седмомъ же соборѣ Андрианъ отъ Рима, Тарасій Царяграда, Политіанъ Александрскій, Феодоритъ Антиохійскій, Иліа Іерусалимскій. И сѣмь вси съ своими епископы сходящеся исправляху (вѣру). Петръ Гугнивый одвель Ляховъ отъ патриарховъ. По седмѣмъ же съборѣ Петръ Гугнивый съ инѣмъ шедъ въ Римъ, престолъ възсхавивъ, развративъ вѣру, и отвергъся престола Іерусалимскаго, и Александрійскаго, и Цареградскаго и Антиохійскаго. И възмутиша Италию всю, сѣюще ученіе свое разное, и тѣмже дрѣжатъ не въ едино съглашеніе вѣру, но разное: ови бо попове единою женою оженившися служатъ, а друзіи и до седми женъ поимающе служатъ, ихже блюстися ученія; прашаютъ же и грѣхъ на дару, еже

есть злѣе всего. Богъ да съхранитъ<sup>3</sup> тя отъ сего.»

Володимеръ же посемь поимъ нарицѣю, и Анастаса Корсунянина поять съ собою, и попы Корсунскыя и сановники, и иде къ Кіеву съ мощими святаго Климента<sup>4</sup> и Фива, ученика его, поимавъ съсуды церковныя и иконы на благословеніе себѣ. А въ Корсунѣ церковъ постави на горѣ, юже съсышаша граждане, крадуще землю, егда онъ стоа подѣ градомъ сыпша въ ровъ; та же церковъ стояла до Корсунскаго взятія. Понеже въ иныхъ лѣтописцѣхъ пишеть: и до сего дне, занеже писалъ Георгій лѣтописецъ, а тогда Корсунъ градъ стоялъ; азъ же нынѣ, преписываа его писанія, тако пишу: до взятія Корсунскаго, понеже много лѣтъ мину уже, како Корсунъ разоренъ бысть отъ Руси, еже нидѣ скажемъ въ его время; нынѣ же на предомною лежимое възвращуся. Въя же Володимеръ четьри кони<sup>5</sup> мѣданы, иже тогда стояли за святою Богородицею въ Кіевѣ, нынѣ же того и тамо, якоже рекохъ, нѣсть отъ многихъ плѣненій Татарскихъ. Про тѣ же кони мнози мнѣша яко мраморныи суще. Якоже рѣхъ маломъ выше о Корсунѣ, яко нѣсть его, но и о (и)ныхъ о Рускихъ градѣхъ о многихъ тогда бысть писано: и до сего дне, понеже бысть тако тогда; нынѣ же азъ начатъ преписывати<sup>6</sup> сіе въ лѣто 7042, и тако негодно написати: и до сего дне; но, не рушаа писанія Георгіева, тако пишемъ: яко и до сего дне, а нѣсть тако, но нѣчто отчасти есть и до сего дне. О раздрушеніи кумирѣ. Володимеръ же дасть Корсунъ за вѣно Грекомъ опять парици дѣля, а самъ прииде къ Кіеву. И повелѣ кумиры изыти, овы изсѣчи, а другыя въ воду възмѣтати, а иныя огнемъ предати. О Перунѣ. Перуна же, яко большаго, повелѣ привязати коневы къ хвосту, и аленци

(1) Въ подлинникѣ: прииде. (2) Тамъ же: епископски. (3) Тамъ же: съхранитъ. (4) Тамъ же, противъ сего мѣста, на поляхъ, въ видѣ заглавія, написано кинварью: мощи климента. (5) Тамъ же: кони. (6) Тамъ же: преписывати.

съ горы по Беричеву на Ручай, и 12 мужей пристави бити<sup>1</sup> его. Се же не яко древу чююще, но на поруганіе бѣсу, иже снѣтъ образомъ прелъщаше чловѣкъ, да възмездіе пріиметь отъ чловѣкъ. Велий еси, Господи, и чудна дѣла твоа суть! яко вчера чтимъ отъ чловѣкъ, а днесъ отъ тѣхъ же поругаемъ. Влекому же ему по Ручаю ко<sup>2</sup> Днѣпру, плакахуся его невѣрніи людіе, еще бо не бяху пріали святаго крещенія; и привлече, вѣрнуша его въ Днѣпръ. И престави Володимеръ мужи, рекъ: «аще его где пріиметь, отрѣжьте его отъ берега, дондеже пороги проидеть; ти тогда оставити его»; они же повелѣнное сътвориша. И яко пустиша, и проиде сквозъ пороги<sup>3</sup>, изверже его на рѣнь, яже и до сего днѣ словеть Перуна рѣнь. О крещеніи всѣхъ людіи. Посемъ же посла Володимеръ по всему граду, глаголя: «аще кто не обрящется утрѣ на рѣцѣ, богатъ, или убогъ, или нищъ, или работникъ, противенъ мнѣ да будетъ.» Се слышавше людіе, съ радостию идяху, радующеся и глаголюще: «аще бы се не добро было, не бы сего князь нашъ и бояре пріали.» Наутрѣ же изыде Володимеръ съ попы царицны (и) съ Корсунскими на Днѣпръ, и снидеся бес числа людей: влѣзша во воду, и стояху ови до шнѣ, а друзи до прѣсей, младенци же отъ берега, а друзи же младенци дрѣжаше на рукахъ, съврѣшеніи же бродяху; попы же по брегу стояше молитвы творяху. И быше видѣти радость на небеси и на земли, толико душъ спасаемыхъ; а діаволъ стемаше<sup>4</sup>, глаголя: увы мнѣ, яко отсуду прогонимъ есмь! zde бо мнѣхъ жилище себѣ имѣти, яко zde не суть ученія апостолска, ни суть вѣдающе Бога, но веселяхся о службѣ ихъ, еже служааху мнѣ; и се уже побѣжденъ бысть отъ невѣгласа, а не отъ апостола, ни отъ ученика, не имамъ уже цар-

ствовать въ стра(на)хъ сихъ. Крестившимъ же 988  
ся людемъ, и идоша каждо въ дома своя. Владимиръ же радъ бывъ, яко позна Бога самъ и людіе его, възрѣвъ на небо и рече: «Боже, сътворивый небо и землю! прізри на новыя люди сіа, и дай же имъ, Господи, увидѣти тебе, истиннаго Бога, якоже увидѣша страны христіанскыя; и утверди вѣру въ нихъ праву и несъвратну, и мнѣ помози, Господи, на съпротивнаго врага, да, надѣяся на тя и на твою дрѣжаву, побѣжду козни его.» Начало православію. И се рекъ, повелѣ церкви рубити и поставляти по мѣстамъ, идеже стоаху кумири; и постави на хлѣмѣ церковь святаго Василія, идеже стоаше кумиръ Перунъ и прочи, идеже<sup>5</sup> творяху требы князіе и людіе; и нача ставити (по) градомъ церкви и попы, и люди на крещеніе приводити по всѣмъ градомъ и селомъ. И нача поимати нарочитой чади дѣти, и даати нача на ученіе книжное; матери же чадъ сихъ плакахуся по нихъ, яко по жртвенцохъ: еще бо не бяхуться утвѣдили вѣрою, но яко къ гробу отсылающе плакахуся. Симъ же раздаяномъ на ученіе книгамъ, събысться пророчество на Руской земли, глаголющее: въ дни они услышать глуси словеса книжная, и ясенъ будетъ языкъ гугнивыхъ. Си бо не бѣша преди слышали<sup>6</sup> словесе книжнаго, но по Божію устроенію и по велицѣй его милости помилова насъ Богъ, якоже рече Богъ пророкомъ: помилю, егоже аще помилю. Помилова бо (ны) банею пакыбытіа и обновленіемъ Духа, по своему изволенію, а не по нашимъ дѣломъ. Благословенъ Господь Богъ Ісусъ Христосъ, иже възлюби новыя люди, Рускую землю, и просвѣты ю крещеніемъ святымъ. Тѣмже и мы припадаемъ къ нему, глаголюще: Господи Ісусе Христе! что ти вѣдаемъ о всѣхъ, яже ты въздасть намъ, грѣшникомъ сущимъ?

(1) Въ подлинникѣ: бити. (2) Тамъ же: по. (3) Тамъ же: пологы. (4) Тамъ же: стоаше. (5) Тамъ же: а же. (6) Тамъ же: слышати.

988 недоумѣмъ противу даромъ твоимъ въздааніа въздати; велій бо еси, Господи, и чюдна дѣла твоа, и величію твоему нѣсть конца, въ родъ и родъ въсхваляимъ дѣла твоа. Ркуще съ Давыдомъ: прїидѣте, възрадуемся Господеви, въскликнемъ Богу Спасу нашему, предваримъ лице его въ исповѣданіи; исповѣдающеся ему, яко благъ, яко въ вѣки милость его, и яко избавилъ ны естъ отъ врагъ нашихъ, рекше отъ идолъ суетныхъ. И паки рцѣмъ съ Давыдомъ: воспойте Господеву пѣснь нову, воспойте Господеву вся земля, воспойте Господеву, благословите имя его, благовѣстите день отъ дне спасеніе Бога нашего, възвѣстите въ языцехъ славу его, въ всѣхъ людехъ чюдеса; велій Господь и хваленъ зѣло, и величію его нѣсть конца. Колика ти радость! не единый, не два спасаются. Рече бо Господь: яко радость бываетъ на небесехъ о единомъ грѣшницѣ кающемся; се же не единый, ни два, но бесчисленное множество къ Богу приступиша, святымъ крещеніемъ просвѣщени. Якоже рече пророкъ: въкроплю на вы воду чисту, и очиститесь отъ идолъ вашихъ и отъ грѣхъ вашихъ. И паки другой пророкъ рече: кто яко Богъ? отъемля грѣхы и преступаа неправды, яко хотяи милостивъ естъ; то(й) обратитъ и ущедритъ ны, и погрузитъ грѣхы наша въ глубинѣ. И паки Павелъ глаголетъ: братіе! елико насъ крестися въ Христа Ісуса, въ смерть его крестихомся, и погребомся убо съ нимъ крещеніемъ въ смерть, да якоже воста Христосъ отъ мертвыхъ съ славою отчею, такоже<sup>1</sup> и мы въ обновленіи житіа поидемъ. И паки: ветхаа мимо идоша, и се быша новаа; нынѣ приближися и намъ спасеніе; ношъ успе, а день приближися, имже приведеніе обрѣтохомъ вѣрою въ благодать сію, имже хвалимся и стоимъ, нынѣ же просвѣтившеся и свободивше(ся) отъ грѣха, поработившеся Господеву, имате плодъ вашъ

въ освященіе. Тѣмже длѣжни есмы работати<sup>2</sup> Господеву, радующеся ему; рече бо Давыдъ: работайте Господеву съ страхомъ, и радуйтеся ему съ трепетомъ. Мы же възопіемъ къ Господу нашему, глаголюще: благословенъ Богъ, иже не дасть насъ въ ловитву зубомъ ихъ, душа наша яко птица избавися отъ сѣти ловящихъ, сѣть съкрушися, и мы избавлены быхомъ отъ прелести діавола, и погыбе память ихъ съ шумомъ, Господь въ вѣки пребываетъ, хвалимъ отъ Рускихъ сыновъ, пѣваемъ въ Троици; а дѣмони проклинаеми отъ благовѣрныхъ мужъ и женъ, иже прїали суть крещеніе и покааніе въ отпушеніе грѣховъ, новыи люди христіанскыи, избранни Богомъ. О Рогнѣди. Владимиръ же просвѣщенъ сый самъ и сынове его святымъ крещеніемъ, посла къ женѣ своей Рогнѣди, глаголя сице: «азъ убо отнынѣ крещенъ есмь, и прїахъ вѣру и законъ христіанскій; подобаше ми едину жену имѣти, екоже пояхъ въ христіанствѣ; избери убо себѣ отъ велможъ моихъ, егоже хоцещи, да съчетаю ты ему.» Она же отвѣщавши, рече ему: «или ты единый хоцещи царствіе земное и небесное въспріати, а мнѣ маловременнымъ симъ и будущаго дати не хоцещи; ты бо отступи отъ идолскыа прелести въ сыновленіе Божіе, азъ же, бывъ царицею, не хошу раба быти земному царю ни князю, но уневѣститися хошу Христову, и въспріиму аггелскый образъ.» Сынъ же ея Ярославъ сѣдѣше у неа, бѣ бо естествомъ таковъ отъ роженіа, и слыша глаголы и отвѣты матери своеа къ Володимеру, и въздохнувъ, съ плачемъ глагола матери своей: «о матери моа, въ истинну царица еси царицамъ и госпожа госпожамъ, яко въсхотѣ измѣнити славу нынѣшнего вѣка будущею славою, и не въсхотѣ со высоты на нижняа съступити, тѣмже блаженна еси въ женахъ.» И отъ сего словеса Ярославъ вѣста на ногу своею, и хож-

(1) Въ подлинникѣ: якоже. (2) Тамъ же: работаты.

лааше, а прежде бѣ не ходилъ. Рогнѣдъ же сіа изрекши, пострижеся въ мнишескій образъ, наречено бысть имя ей Анастасіа. О удѣльныхъ князехъ. Потомъ же Володимеръ раздѣли землю сыномъ своимъ, и посажа ихъ по градомъ, по княженіемъ: Вышеслава, иже отъ Чехини, сего, яко старѣйшаго, посади въ Новгородѣ, а Изяслава, иже отъ Рогнѣди, посади въ Полоцку, Святополка въ Туровѣ; умрушу же старѣйшему Вышеславу въ Но(во)городѣ, посади Ярослава въ Новгородѣ, а Бориса въ Ростовѣ, а Глѣба въ Муромѣ, бѣста бо единою матерня, и живяста въкупѣ, о нихъ же рече пророкъ: се коль добро и коль красно, еже жити братіа въкупѣ. А Святослава, иже отъ друга Чехини, посади въ Деревехъ; Всеволода, Ярославля брата, въ Володимери Велинскомъ, Мѣстислава, брата ихъ, Тмутороканю<sup>1</sup>, Болеслава въ Лясѣхъ Великихъ, Станислава, Святославля брата, въ Смоленскѣ, Судислава въ Псковѣ; и разосла съ ними епископы и попы, и повелѣ крестити всю Рускую землю. И рече Володимеръ: «се не добро, еже мало городовъ около Кіева.» И нача ставити города по Деснѣ, и по Вѣстри, по Требежу, и по Сулѣ, и по Востугнѣ; нача нарубати мужи лучшими отъ Словянъ, и отъ Кривичъ, отъ Чюди и отъ Вятичъ, и отъ сихъ<sup>2</sup> насели грады; бѣ бо рать отъ Печенѣгъ, и бѣ воюяся съ ними и одолѣваа нмъ.

Въ лѣто 6497. Постави князь великий Володимеръ првую церковь камену святаго Георгіа, и повелѣ праздновати ему иеобря 26.

О градѣ Володимеръ Залѣсскомъ, иже въ Суждалской землѣ, на рѣцѣ Клязмѣ. Въ лѣто 6498. Понде Володимеръ въ Словянскую землю и страну Залѣскую, и въ Сужда(л)сгѣй области и Ростовѣстѣй постави

градъ въ свое имя Володимеръ на рѣцѣ на Клязмѣ, на усть Лебеды, и спомъ осыпа; и постави церковь съборную пресвятыа Богородица Успеніе, древяну, и спомъ осыпавъ. И постави церкви, и вси люди крести Руссима, и намѣстници по всей земли, и иде въ Кіевъ. О разрушеніи идола Велеса въ Ростовѣ. Ищи сего въ житіи Аврамія Богоявленскаго, Ростовскаго чюдотворца.

О разрушеніи идола, иже въ Новгородѣ. Въ лѣто 6499. Посла Володимеръ въ Царьгородъ къ Фотію патріарху, и взяа у него первого митрополи(та) Кіеву Леона, а Новгороду архіепископа Іакыма Корсунянина, а Ростову архіепископа Феодора, и по инымъ градомъ епископы, и попы и діаконы, иже крестивша всю землю Рускую; и бысть радость всюду. И прииде архіепископъ Іакымъ къ Новгороду, и требища разори, и Перуна посѣче, и повелѣ влещи его въ Влѣховъ. И привязавше уды, влечаху его по калу, біюще жежелемъ и пихающе; и въ то время вшелъ бяше въ Перуна бѣсъ, въпя въ немъ: «о горе мнѣ! достахся немилостивнымъ симъ рукамъ»; и вринуша его въ Влѣховъ. Онъ же пловаше сквозъ великій мостъ, верже нѣкто на нь палицу древяну; онъ же врѣже палицу на мостъ, глаголя: «симъ тѣшащеся людіе Новгородстїа, поминайте мене»; на немъ же и нынѣ безумнїи убивающеся, утѣху творять бѣсомъ. И заповѣдаша никомуже нигдеже не прїати его. И приближися Перунъ къ берегу, и вышедъ Выдблянинъ на рѣку рано, хотя грѣнци вести въ градъ, и видѣ, оли Перунъ припли къ берви, и отрину его шѣстомъ: «ты, рече, Перунище<sup>3</sup>, до сыти<sup>4</sup> еси яль и пиль въ Новгородѣ, а нынѣча поплочи прочъ»; и плы ис свѣта некошное<sup>5</sup>. О сзѣданіи церкви святаа Богородица десятинныа въ Кіевѣ. Посемъ же Володимеръ живяше въ за-

(1) Въ подлинникѣ слово: тмутороканю помѣщено послѣ словъ: въ лясѣхъ великихъ. (2) Тамъ же: отъ селяхъ. (3) Тамъ же: перушнице. (4) Тамъ же: до сыти лѣ. (5) Тамъ же: окошное.



991 конѣ христіанствѣ<sup>1</sup>, помысли създати церковь  
993 святыа Богородица, и пославъ приведе ма-  
стеры отъ Грекъ. И наченшу же здати, и  
яко сконча зижда, и украси ю честными ико-  
нами, и поручи ю Анастасу Корсуняину, и  
попы Корсунскыа пристави служити въ ней,  
вдавъ ту все, еже бѣ взялъ въ Корсуні, ико-  
ны, и кресты и съсуды. О създаніи Рос-  
товскыа церкви. Того же лѣта постави Фео-  
доръ, пръвый епископъ въ Ростовѣ, церковь  
дубову Успеніе Пречистыа, и толику чюдну,  
якова не бывала и потомъ не будетъ, и людѣ  
крести.

О Бѣльгородѣ, иже близъ Кіева. Въ  
лѣто 6500. Заложилъ Володимѣрь Бѣльгородъ,  
и наведе въ оны отъ иныхъ градовъ, и много  
людей свеле въ оны, бѣ бо любя градъ той.

О Переяславѣ Русскомъ, иже близъ  
Кіева. Въ лѣто 6501. Иде Володимѣрь на  
Хорваты, и побѣди а. Пришедшу же ему съ  
войны Хорватскыа, и се<sup>3</sup> Печенѣзи придоша  
по (о)ной странѣ отъ Сулы; Владимиръ же по-  
иде противу имъ, и стрѣте ихъ на Трубежи  
на броду, где нынѣ Переяславъ. И ста Вла-  
димѣрь на сей странѣ, а Печенѣ(зи) на оной  
странѣ, и не смѣаху сіа на ону страну, ни  
они на сію страну. И приѣха князь Печенѣ-  
жескый къ рѣцѣ, и възва Владимира, рече  
ему: «пусти ты<sup>4</sup> свой мужъ, а язъ свой, да  
ся борета.» И ведоша мужа велика и силна,  
глаголюще: «аще противень сему добудете  
противна боритися; да аще твой ударить мо-  
имъ, да не воюемъ за три лѣта; аще ли нашъ  
мужъ ударить твоимъ, то воевати имамы за  
три лѣта»; и разошася разно. Владимиръ  
же приде въ товары, посла биричи<sup>5</sup> по то-  
варомъ, глаголя: «ес(тъ) ли таковъ мужъ, иже  
бы ся ялъ брати съ Печенѣжиномъ?» и не  
обрѣтеса нѣгдеже. И завтра приѣхаша Пе-  
ченѣзи, и свой мужъ приведоша, а въ нашихъ

не бысть. Поча тужити Володимѣрь, посылаа  
по всѣмъ воємъ своимъ, и приде единъ старъ  
мужъ къ князю, и рече ему: «княже госпо-  
дине! есть у мене единъ сынъ меншій дома,  
а съ четирмы есми вышель, а той дома;  
отъ дѣтства бо его нѣсть кто имъ ~~дѣлать~~  
единою бо ми сваряшу на нь, а оному мнушу  
кожу, разгнѣвася на мя, претрѣже кожу ру-  
кама.» Князь же се слышавъ радъ бысть,  
посла по него, и приведоша его къ князю,  
и князь повѣда ему все; оны же рече: «могу  
ли, и самъ не вѣдаю, искусите мя: аще есть  
зде волъ великъ и силенъ, приведите его?»  
И налѣзоша волъ въ томъ часѣ, и повелѣ  
раздражити его; и възложивша на нь<sup>6</sup> желѣ-  
за горяча, и пустиша вола, и побѣже волъ  
мимо его, и похвати вола рукою за бокъ, и выр-  
ва кожу съ масомъ, елико ему рука зайтъ; и  
рече ему Владимиръ: «можеша съ нимъ боро-  
тиса.» И наутра придоша Печенѣзи, и начаша  
звати: «нѣсть ли мужъ у вастъ? се нашъ го-  
товъ стоитъ.» Владимиръ же повелѣ воємъ  
той ноци обещися въ оружіе; и приступи-  
ша къ рѣцѣ обон. И выпустиша Печенѣзи  
свой мужъ, бѣ бо великъ и страшень; и вы-  
пусти же и Володимѣрь свой мужъ, и узрѣ  
его Печенѣжанины и въсмѣяся, бѣ бо сред-  
ній тѣломъ. И раздѣлявши ~~мужа~~ ~~обѣмъ~~ ~~полъ~~  
кома; пустиша а къ себѣ, и ягася, и по-  
часта ся крѣпко брати, и удави Володимѣрь  
мужъ Печенѣжина въ руку<sup>7</sup> до смерти, и уда-  
ри имъ о землю; и кли(к)нуша вси Русстии,  
Печенѣзи же побѣгоша, а Русь погнаша по  
нихъ, съкуше ихъ. Володимѣрь же радъ  
бысть, и заложилъ градъ на бродѣ томъ, и на-  
рече его Переяславъ, зане переяславу от-  
рокъ той. Володимѣрь же великимъ мужемъ  
сътвори его и отца его. Володимѣрь же про-  
тиву ихъ вмалѣ изыиде, и не могуще стати  
противу ихъ.

(1) Въ подлинникѣ: христіанствѣ. (2) На этомъ словѣ, находящемся въ рукописи на 43-мъ листѣ, преры-  
вается статья и ея продолженіе, по ошибкѣ писца, помѣщено на 47-мъ листѣ. (3) Тамъ же: ис. (4) Тамъ же:  
пусти ты. (5) Тамъ же: берендичи. (6) Тамъ же: его на нь. (7) Тамъ же: в року.



О десятинной церкви<sup>1</sup>. Въ лѣто 6504. Сѣвершена бысть церковь Успеніе пресвятыа Богородица десятиннаа. Володимеръ же видѣвъ церковь сѣвершену, и украси ю иконами, и кресты и сосуды, и поручи ю Анастасу Корсуняину, и попы Корсунскыа пристави служити ей. И вышедъ<sup>2</sup> въ церковь, помолися Богу, глагола: «Господи Боже! призри съ небесе, и видѣ, и посѣти винограда своего, и сѣверши егоже насади десница твоя, и благослови новыа люди твоя, имже обратилъ еси сердца въ разумъ познати тебе, истиннаго Бога, и призри на церковь твою сію, юже създахъ недостойный рабъ твой, въ славу твою и въ славу имени рождающаго Богоматере и Приснодѣвныа Богородица; да аще кто помолится въ церквы сей, то услыши, Господи, молитву ихъ и отпусти грѣхы ихъ, молитвы ради пречистыа Богородица.» И помолившуся ему, рекъ сице: «даю пресвятѣй Богородицѣ отъ имѣнія моего и отъ градовъ моихъ десятую часть.» И положи<sup>3</sup> написавъ клятву въ церкви сей, рекъ: «аще кто сего порушитъ, да будетъ проклятъ.» И вдасть десятину Анастасу Корсунину; сѣвори же праздникъ великъ въ той день бояромъ и старцомъ людскимъ, и убогимъ раздаа имѣніе много. О церкви Вас. . . иже на Сту. . . Того же лѣта придоша Печенѣзи къ Василеву; и Володимеръ съ малыми людьми изиде противу имъ, и не могъ Володимеръ стати противъ ихъ, подбѣгъ ста подъ мостомъ, егда укрыся отъ противныхъ; тогда и обѣща Володимеръ поставити церковь въ Василевѣ святое Преображеніе, бѣ бо въ той день Преображеніе Господне, егда сіи бысть сѣча. Избывъ же Володимеръ сего, постави церковь, и сѣвори праздникъ великъ, сваривъ 300 берковскыхъ меду, съзва бояре свои, и посадники и старѣйшины отъ всѣхъ

градовъ, людей много, и раздаа убогимъ 300 996 гривенъ. И празновавъ князь дній 8, и възвратися къ Кіеву на Успеніе святыа Богородица, и ту сѣвори праздникъ великъ, съзваа бесчисленное множество народа. Видѣвши люди крестіаны суще, радовашеся душею и тѣломъ, и тако по вся лѣта творяше. Бѣ бо любя словеса книжнаа Владимиръ, слыша бо евангеліе чтомо: блажени милостивіи, яко тѣи помиловани будутъ; и пакы: продайте имѣнія ваша, и дадите нищимъ; и пакы: не съкрывайте себѣ съкровища на земли, идеже тля тлѣтъ и татіе подкопываютъ, но съкрывайте себѣ съкровища на небесехъ, идеже не тля тлѣтъ, ни татіе крадутъ. И Давыда глаголюща: блаженъ мужъ, иже даа. Соломана же слыша глаголюща: въздаваа<sup>4</sup> нищому, Богу въ заемъ даетъ. Си слыша Володимеръ, повелѣ всякому нищому и убогому приходити на княжъ дворъ и взимати всяку потребу, питіе и яденіе, и отъ скотныкъ кунами. Устрои<sup>4</sup> же се, рекъ: «яко немощніи и болніи не могутъ дойти двора моего», повелѣ пристроити кола, и възкладше хлѣбы, и мяса, и рыбы и оwoщъ различны, медъ въ бочкахъ, а въ другихъ квасъ, повелѣ възыти по граду, въпрашающіи: «где болни и нищии, не могущіи ходити?» и тѣмъ раздааху на потребу. И се же пакы творяше людямъ своимъ, по вся недѣля устави на дворѣ въ гридницѣ пиръ творити бояромъ, и гридемъ, и сѣтскимъ, и десятскимъ и нарочитымъ людямъ, при князи и безъ князя; бываше же на обѣдѣ томъ множество отъ мяса, и отъ звѣрины и отъ скота, и бѣ по изобилію всего. Егда же подпивахутся, начняху роптати на князя, глаголюще: «зло есть нашимъ головамъ истѣ лежицами древными, а не серебряными.» Се слышавъ Владимиръ, повелѣ сковати<sup>5</sup> лжицы серебряны, и повелѣ класти людямъ, егда аяху,

(1) Въ подлинникъ: црѣ. (2) Тамъ же: вышедъ. (3) Тамъ же: положи. (4) Тамъ же: устрои. (5) Тамъ же: сковати.

996 реку сие: «яко серебромъ и златомъ не имамъ  
997 налѣсти людѣи, а съ людьми добуду злато и  
сребро, якоже отецъ мой и дѣдъ мой доиска-  
хуся людьми злата и сребра.» Бѣ бо Влади-  
миръ любя люди, и думаа съ ними о ратехъ  
и о устроении<sup>1</sup> земномъ; и бѣ живя съ князи  
околными его миромъ, з Болеславомъ Лят-  
скимъ, и Стефаномъ Угорскимъ и съ Андри-  
хомъ Ческимъ, и бѣ миръ межи ими и любовь.  
О разбойницѣхъ. И живяше Владимиръ въ  
страстѣ Божіи, и умножишася разбоевъ, и рѣша  
епископи Владимиру: «се умножишася разбой-  
ники; почто ни казниши ихъ?» Онъ же рече  
имъ: «боюся грѣха.» Они же рѣша ему: «ты  
поставленъ еси отъ Бога злымъ на казнь, а доб-  
рымъ на милованіе; достонѣтъ ти казнить раз-  
бойники, но съ доустаніемъ.» Владимиръ же  
отвръгъ отъ вѣры, нача казнити разбойники;  
и рѣша епископи и старци: «ратъ многа, оже  
вира, то на оружїи и на конехъ буди.» И  
живяше Владимиръ по устроению отечню  
и дѣдню.

О еже како прихитрыша Бѣлогородци  
Печенѣжскую рать. Въ лѣто 6505. Вла-  
димиру шедшу къ Новогороду по верховнѣи  
вой на Печенѣгы, бѣ бо рать велика зѣло,  
въ се же время увѣдаше Печенѣзи, яко князя  
нѣ ту, придоша и стаха около Бѣлагорода. И  
не даляху выѣсти изъ града, и бѣ гладъ<sup>2</sup> ве-  
ликъ въ градѣ, и не бѣ лѣтъ Владимиру помо-  
щи, и не бѣ бо вой у него, Печенѣгъ же мно-  
жество. И одолжися осада въ градѣ, и бѣ  
гладъ<sup>3</sup> великъ, и сѣтвориша вѣче<sup>4</sup> въ градѣ,  
рекоша: «се уже хоцѣмъ помрети отъ глада,  
а отъ князя помощи нѣту, да лучше ли вы<sup>5</sup> по-  
мрети? или владимся Печенѣгомъ, кто живъ  
будеть, или мертвъ; уже бо помираемъ отъ  
глада»; и тако сѣвѣтъ сѣтвориша, яко пре-  
даться Печенѣгомъ. Бѣ же единъ старецъ не

былъ на вѣчи томъ, и въпроси: «что ради  
вѣче было<sup>6</sup>?» и людѣи повѣдаша ему, яко утро  
хотятъ людѣи предаться Печенѣгомъ. Се же  
слышавъ, посла по старѣйшины градскыи,  
рече имъ: «слышахъ, яко хоцете предаться  
Печенѣгомъ»; они же рѣша: «не трѣпять людѣи  
глада.» И рече имъ: «послушайте мене и не  
предайтесь за три дни, и азъ что велю вы,  
сѣтворите;» они же ради обѣщастася сѣтво-  
рити. И рече имъ: «сѣберѣте кто отъ васъ  
по горсти овса, или пшеницы, или отрубъ»;  
они же шедше ради снискаша<sup>7</sup>. Повелѣ же  
имъ сѣтворити цѣкъ, въ немъ же варятъ  
кисель, и повелѣ ископати кладязь, и вѣста-  
вити въ оны кадъ и напѣти цѣжа кадъ, и по-  
велѣ ископати другой кладязь, и вѣставити  
тамо другую кадъ. И повелѣ искати (меду);  
они же шедше вѣзяша меду лукно, бѣ бо погре-  
бено въ земли въ княжей медуши; и повелѣ  
розсытити велми и волати въ кладязь. Утро  
же послаша по Печенѣзи; и гражане рѣша:  
«поймѣте себѣ таль<sup>8</sup> нащу, а вы поидите до 10  
мужъ въ градъ нашъ, (да) видѣти, что ся  
дѣетъ въ градѣ нашемъ.» Печенѣзи же ради  
бывше, мняще, яко предаться хотятъ, пояха у  
нихъ тали, а сами избраша лучшіи мужи въ  
родѣхъ, и послаша въ градъ, да розглядаеть  
что ся дѣетъ въ градѣ. И придоша въ градъ,  
рекоша имъ людѣи: «почто губите себе? коли  
можете престоати насъ? аще стоите за 10  
лѣтъ, что можете сѣтворити намъ? имѣемъ  
бо кормля отъ земли; аще ли вѣры не имете,  
да се узрите своимъ очима.» И приведоша  
ихъ къ кладязю, идеже цѣжъ; и почрьпоша  
вѣдромъ, и лѣху<sup>9</sup> ладкы; и яко сварыша  
кисель, и поимше ихъ приведоша ихъ къ дру-  
гому кладязю, и почрьпоша сыти, и начаша  
ясти прѣвое сами, потомъ же и Печенѣзи.  
И удивившася, и рекоша: «не имутъ вѣры

(1) Въ подлинникѣ: о устроении. (2) Тамъ же: градъ. (3) Тамъ же: градъ. (4) Тамъ же на полѣ, противъ  
сею слова написано, другимъ почеркомъ: раду. (5) Тамъ же: ны ни. (6) Тамъ же: било. (7) Тамъ же противъ  
сею мѣста на полѣ, другимъ почеркомъ, написано: кисель вар. . . и кадъ въ судни . . . ли и ситу ро . . . и такъ  
печенѣ . . . одъ облежена. (8) Тамъ же это слово объяснено на полѣ, другимъ почеркомъ: заставу.

сему наши князи, аще не ядятъ сами.» Людіе же наліаша корчагу цѣжа и сыти отъ колодезя, и вдаша Печенѣгомъ; они же пришедше исповѣдаша бывшаа. И варивше ядоша княжи Печенѣжстѣи, и подивившася, и повимше дѣла своа, и онѣхъ пустивше<sup>1</sup>, идоша отъ града въсвоа.

Въ лѣто 6508. Преставися Мальфридъ. Того же лѣта преставися Рогнѣдъ, мати Ярославля.

Въ лѣто 6509. Преставися князь Изяславъ Володимировичъ Полоцкій, братъ Ярославль.

Въ лѣто 6511. Преставися Всеславъ Изяславичъ<sup>2</sup>, внукъ Володимеръ.

Въ лѣто 6515. Принесени Изяславъ и Всеславъ въ святую Богородицу.

Въ лѣто 6519. Преставися Анна царица, сестра Греческымъ царема Василию и Константину; была за великимъ княземъ Володимеромъ 13 лѣтъ.

Въ лѣто 6522. Ярославу сущу въ Новгородѣ и урокомъ дающе къ Киеву 2000 гривенъ отъ года до года, (а) 1000 Новогороду гридемъ раздавааху; тако дааху вси посадники; Ярославъ же сего не въсхотѣ даати отцу своему х Киеву, и не дааше. И рече Володимеръ: «требите путь и мосты мостите», хотяше бо ити на Ярослава, сына своего, но разболѣся.

О преставленіи великого князя Владимира Кіевскаго. Въ лѣто 6523<sup>3</sup>. Хотяшу ити Владимиру на Ярослава, Ярославъ же слышавъ, посла за море и приведе Варягы, бояся отца своего; но Богъ не дасть бѣсу радости. Владимиръ же разболѣся, въ то же время прихалъ бѣ къ нему Борисъ, сынъ его, изъ Ростова, и Печенѣгомъ идущимъ ратию на Русь, Володимеръ же посла противу ихъ Бориса; посылае бо бѣ того ради по него; Борису же отшедшу, самъ бо быше Володимеръ болѣнь велии, въ нейже болѣзни и скончася на Берестовомъ, мѣсяца іюліа 15

день. Бѣ же (въ) то время Святополкъ въ Кіевѣ, 997 и тотан смерть отца своего, въ ноци межи 1015 клѣтми проимаша помость, въ коверъ оберѣтѣвши, и ужи свѣсиша на землю, и възложиша его на сани, везше и поставиша его въ церкви святыа Богородица десятицныа. Се же увѣдавши людіе, сндошася безъ числа; и вложиша его въ гробъ мраморянь, и съхраниша тѣло его съ плачемъ блаженнаго великаго князя Владимира, новаго Константина великаго Рима, иже крестися самъ и люди своа крестити тако и сій сътвори подобно ему. Аще бо бѣ и прежде въ поганьствѣ на скверную похоть желаа, но послѣже прилежааще покаанію, якоже и апостолъ вѣщае: идеже умножися грѣхъ, ту изобилость благодать. Аще бо въ невѣжествѣ етера сыгрѣшеніа быша, послѣдъ же разсыпашася покааніемъ и милостивыми, якоже глаголетъ: въ немъ же тя застану, въ томъ ти сужду. Якоже пророкъ глаголетъ: живу азъ, глаголетъ Адамай Господь, яко не хочу смерти грѣшникомъ, но обратитися имъ отъ пути ихъ (и живымъ быти; обращеніемъ обратитесь отъ пути ихъ) злаго; мнози бо праведнии творяще(ся и) по правдѣ живуще, погибають. Дивно же се есть, колика добра сътворилъ земли Русской, крестивъ ю и отъ идолъ очистивъ. Мы же, христіане сущи, не възда(е)мъ почестя противу оному възданію. Аще онъ не крестилъ бы насъ, то и нынѣ были быхомъ въ прелести діаволи, якоже и прародителіе наши погыбнуша. Да аще быхомъ имѣли потщаніе и молбу приносили къ Богу за нь въ день преставленія его, видя бы Богъ тщаніе наше къ нему, прославилъ бы (и): намъ бо достоить за нь молити Бога, понеже тѣмъ Бога познахомъ. Но даждь ти, Господи, по сердцу твоему, и вся прошенія твоа исполни, иже желаше царства небеснаго; даждь, Господи, вѣнецъ съ праведными, въ пици райстѣи и ве-

(1) Въ подлинникъ: пустивше е. (2) Тамъ же, по ошибкѣ: мѣстиславичъ. (3) Тамъ же: 6023.

1015 селіе и ликоствованіе<sup>1</sup> съ Авраамомъ и съ прочими патріархи, якоже Соломонъ рече: умрѣшу мужу праведнику не погыбаеъ упованіе. Сего бо въ память дръжатъ Рустіа людіе, поминающе святое крещеніе, и прославляютъ Бога въ молитвахъ и псалмѣхъ и пѣсняхъ духовныхъ, поюще Господеви, новии людіе, просвѣщеніи святымъ крещеніемъ и Святымъ Духомъ, чающе надежда, великаго Бога и Спаса нашего Ісуса Христа въздати комуждо противу дѣломъ его неизреченную радость праведно жившимъ, юже буди доужити всѣмъ христіаномъ.

Убіеніе князя Бориса Владимировича Ростовскаго. Святополкъ (сѣде) въ Кіевѣ по отци, и призва Кіаны, и мно(ги) дары имѣ раздаа, и отпусты а. Посла же къ Борису, глаголя: «брате! хошу съ тобою любовь имѣти, и къ отню ти придамъ»; глагола же лестно, а не истинно. И пришедъ (къ) Вышегороду ношію, отай призва Путшу и Вышегородскыа бояре, и рече имъ: «повѣжьте ми по истиннѣ, пріязньство<sup>2</sup> имѣете ли ко мнѣ?» Путша рече: «вси мы можемъ головы своа положити за тя.» Видѣвъ же діаволь, искони ненавидяй добра челоуѣку, яко всю надежду свою на Бога положилъ естъ святой Борисъ, начатъ подвижниѣ бывати и обрѣтъ, якоже и Каина на братоубійство горяща, такоже и окааннаго Святополка, по истиннѣ втораго Каина, улови мысль его, яко да избыетъ вся наслѣдники отца своего, и самъ пріиметъ всю власть Рускую единь. Тогда призва къ себѣ окаанный, проклятый Святополкъ съвѣтники всему злу и начальники всеа неправды, и отврѣзе пресквернаа своа уста, и испусти злый свой гласъ, и рече Путшинѣ чади: «аще убо обѣщастеса главы своа положити за мя, то шедше, братіа моа, да где обрящете брата<sup>3</sup> моего Бориса, исмотривше времени убійте его»; и обѣщашася ему тако сѣтворити. О таковыхъ

рече пророкъ: скоры суть проліати кровь бес правды; сін бо обѣщаваются крови, и събирають себѣ злаа; сихъ путіе суть събирающе безаконіе, и нечестіемъ бо свою душу обіемлютъ. Блаженный же Борисъ, якоже бѣ посланъ отъ отца своего, и не обрѣте. противныхъ своихъ и възвратися; и слышавъ о отни<sup>4</sup> смерти, и како потанлъ Святополкъ смерть отца своего, и не хотя ити къ Кіеву, но якоже бѣ воротился, ти пришедъ ста на Алтѣ шатры; и рѣша ему дружина: «пойди, сяди въ Кіевѣ на столѣ отца своего, се бо вси вои въ руку ти<sup>4</sup> суть.» Онъ же къ нимъ отвѣщаваше: «не буди мнѣ того възяты руки на брата моего, еще же и старѣйшаго, егоже быхъ имѣлъ яко отца; мнози бо языци въ дому отца моего и превратятъ сердце мое, еже прогнати ми его; якоже и отецъ мой сѣтвори прежде святаго крещеніа.» Се же слышавше вои, разыидошася отъ него, а самъ оста(ся) токмо съ отроки своими. И бѣше день суботный, а самъ бѣше въ велицѣ тузѣ и печали, и влѣзъ въ шатеръ свой съкрушеннымъ сердцемъ, и плакаашеся съкрушеннымъ сердцемъ, а душею радостною жалоско гласъ свой испущаше: «слезь моихъ не презри, Владыко!(д)а якоже уповаю на тя, тако да съ твоими рабы пріиму часть и жребій съ всѣми святыми твоими, яко ты еси Богъ милостивъ и тебѣ славу възсылаемъ Отцу и Сыну и Святому Духу, нынѣ и присно и въ вѣкы вѣкомъ.» Помышляашеть же мученіе и страсть святаго мученика Никиты и святаго Вячеслава, брата Болеслава, князя Чьскаго, подобно сему убіену бывшу отъ Болеслава, Ляцкого князя, брата суца, и како святѣй Варварѣ отецъ свой убійца бысть; и помышляаше слово премудраго Соломона: праведници въ вѣкы живутъ, отъ Господа мзда ихъ и строеніе ихъ отъ Вышняго; и о семъ словеси токмо утѣшашася. Таче бысть

(1) Въ подлинникѣ: ликостованіе. (2) Тамъ же: пріязньство. (3) Тамъ же: братіа. (4) Тамъ же: отъ очіи.



вечерѣ, повелѣ пѣти вечерню, а самъ влѣзь въ шатеръ, нача творити вечерню, съ слезами горкыми и частымъ въздыханіемъ и стѣнаніемъ многымъ. По сихъ же леже спати, и бяше сонъ его въ мнозѣ размышленіи и въ печали крѣпчѣ и страшнѣ, како предатися на страсть, и како пострадати, и теченіе скончати, и вѣру съблюсти, яко да (не)ищадымъ вѣнецъ приметь отъ руки Вседръжителя. И възбнувъ рано, и видѣ, яко годъ есть утренній, бѣ же въ святую недѣлю, и рече къ прозвиту своему: «встань, начини утренюю»; самъ же, обувъ нозѣ свои и лице свое умывъ, начатъ молитися Господу Богу. Посланіи же отъ Святополка придоша на Алто въ нощѣ, ту, и подступиша близъ шатра, и слышаша гласъ блаженнаго стратотръпца, поюще псалмы зутреняа. Бяше же ему вѣсть о убіеніи его, и начатъ пѣти: Господи! что ся умножиша стужающіи ми? мнози вѣсташа на мя; и прочаа псалма того. И начатъ пѣти псалтырь, глаголя: яко обыдоша мя пси мнози и юнци тучнии обдрѣжаша мя; и паки: Господи Боже мой! на тя уповахъ, и спаси мя; таче по семъ канонъ. И скончаша ему утренюю, начатъ молитися, зря ко иконѣ Господни, глаголя сице: «Господи Ісусе Христе! иже сямъ образомъ явился на земли, изволивый своею волею пригвоздитися на крестѣ, и приимъ смерть грѣхъ ради нашихъ, и сподоби мя тако прияти страсть.» И яко услышаша топотъ зомъ (около) шатра, и трепетенъ бывъ, нача слезы испущати отъ очію своею, и глаголаше: «слава ти, Господи, о всемъ томъ яко сподобилъ ми еси, зависти ради, прияти горкую смерть, и все пострадати любве ради словесе твоего; не възхотѣхъ бо себе самъ възыскати, ничтоже себе изволихъ по апостолу: любы трѣпять, всему вѣру емлетъ, не ищетъ своихъ си; и паки: боязни въ любви нѣсть, но съвършенна любовь вонъ изгоняетъ страхъ;

тѣмже, Владыко, душа моя въ руку твою 1015 есть выну, яко закона твоего не забыхъ; яко Господу годѣ, тако и бысть.» И яко узрѣ прозвиту его и отрокъ, иже служааше предъ нимъ, господина своего дряхла и печалію обилна суща зѣло, расплакастася и глаголаста: «милый наю<sup>3</sup> господине драгий! коликой благодати сподобися, яко не възхотѣ противитися брату своему, любве ради Божіа, колико воа дрѣжа въ руку свою!» И си рекша, умилистася и умлѣкоста, и абіе узрѣста текущихъ къ шатру, блистанія оружія, и мечное орудіе. Безъ милости прободено бысть честное и многомилостивое тѣло святаго и блаженнаго стратотръпца Бориса; и възскачивше въ шатеръ, на нощѣ того копіемъ окаянный Путша, и Талець, и Еловичъ, и Ляшко. Видѣвъ же се отрокъ его, вѣржеся на тѣло его, рекъ: «да не остану тебе, господине мой драгий; да идеже красота тѣла твоего увядаетъ, ту и азъ сподобленъ буду животь свой скончати.» Бяше же сей отрокъ родомъ Угринь, именемъ Георгій, братъ Моисею, егоже потомъ плѣни Болеславъ, плѣну а Кіевъ съ Святополкомъ, бѣ съ Ярославомъ; много пострада въ Лясѣхъ въ плѣну отъ жены нѣкыя, еяже мужа убиша на бою вон Ярославъ; она же хотѣ сего Моисея въ домъ свой взяти въ мужа себѣ, красоты ради его, бѣша бо красенъ<sup>4</sup> велми; о немъ же повѣсть въ Патерицѣ въ Печерскомъ. Мы же сіе глаголемъ; на Георгіа же бяше възложилъ святыи Борисъ гривну злату, бѣ бо любимъ Борисомъ паче мѣры; ту же и того прободоша. Святыи же Борисъ яко бысть ураненъ, искочи изъ шатра въ оторопѣ, и начаша глаголати стоящей округъ его: «что стоите зряще? приступльше скончаемъ повелѣнное намъ.» Сіа слышавъ блаженный Борисъ, нача молитися имъ и милъ ся дѣлати, глаголя имъ: «братіа моя милаа! мало ми время дождѣте,

(1) Въ подлинникѣ: моя. (2) Тамъ же: слушааше. (3) Тамъ же: на ню. (4) Тамъ же: красна.

1015 да помолюся Богу моему.» И възрѣвъ на небо съ слезами и горѣвъ въздохнувъ, нача молитися сицеми глаголы: «Господи Ісусе Христе, Боже милостивый, и многомилостивый, и премногомилостивый Владыко! слава ти, яко сподобилъ мя еси, Владыко, отъ прелести житія сего лестнаго отъити; слава ти, прещедрый Живодавче, яко сподобилъ мя еси труда святыхъ ти мученикъ; слава ти, Владыко челоуѣколюбче, сподобивый мя скончати хотѣніе сердца моего; слава, Христе, многому милосердію твоему, иже направивый на правый путь мирныи ноги, моа тещи къ тебѣ безъ съблзньства; призры съ высотъ святыхъ твоихъ и виждь болѣзнь сердца моего, юже пріахъ отъ ~~родника~~ моего, яко тебе ради умръщяемы есми весь день, ~~въѣнниша~~<sup>1</sup> мя яко овца (въ) снѣдъ<sup>2</sup>. Всѣи бо, Господи мой, всѣи, яко не противлюсь, ни въпреки глаголю; имый въ руку мою вся воа отца моего и вся любима отца моего, и ничтоже умыслихъ противу, брату моему, онъ же елико възможе, въздвиже на мя; да аще бы ми врагъ поносилъ, претрыпѣлъ быхъ убо отъ него, и аще бы ~~ненавидѣлъ~~ мя на мя велерѣчевалъ, укрылся быхъ отъ него. Но ты, Господи, виждь и суди межи мною и братомъ моимъ, и не постави имъ грѣха сего, но ~~пріими~~ въ миръ духъ мой, аминь.» Таче възрѣвъ къ нимъ умиленима очима, неподшимъ лицемъ, весь слезами обліявъ, рече<sup>3</sup>: «братіе! приступайте кончайте службу вашу, и буди<sup>4</sup> миръ, братіе, брату моему и вамъ.» Да елико слышаху словеса его, отъ слезъ не можааху ни словесе решити, отъ страха же и печали горкіа и отъ многъ слезъ, но съ въздыханіемъ горкымъ жалостно глаголааху, плачуще въ души своей: «увы намъ, княже нашъ милый, драгий, блаженный, водителю слѣпымъ, одежда нагымъ, старости жезлъ, ненаказаннымъ ка-

зателю! кто уже исправить вся? како не възхотѣ славы мира сего? како не възхотѣ веселитися съ честными велможами? како не възхотѣ величинъ въ семъ житіи? кто бо не почудится великому его смиренію? кто ли не смирится, оно смиреніе видя и слыща?» И абіе успе, предавъ душу въ руцѣ Бога живаго, мѣсяца іуліа 24 день. Избыша же и отроки многы; съ Георгіа же не могуще гривны сняти, отсѣкше главу его отврѣгоша кровѣ, да тѣмъ послѣди не могоша познати тѣла его. Блаженнаго же Бориса обертѣша въ шатеръ, възложиша на кола, и повезоша его, и яко быша на бору, нача възскланяти святую главу свою; и се увѣдавъ Святополкъ, посла два Варяга, и прободоста и мечи въ сердце. И тако скончася блаженный Борисъ, въспрімъ неувѣдаемый вѣнецъ отъ Христа Бога съ праведными, причтеса съ пророки и апостолы, и съ лики мученическими въдворяся, Авраама на лонѣ почиваа, и видя неизреченную радость, възспѣваа съ аггелы и веселяся въ лицѣ<sup>5</sup> святыхъ. И привезше на Днѣпръ, вложиша его въ лодію, и приплувше съ нимъ подъ Кіевъ; Кіеве же не пріахъ его, но отпнухуша прочь. И привезше тѣло его тай, положиша у церкви святаго Василія, въ Вышегородѣ, въ землю погребоша. Сей благовѣрный князь Борисъ, благаго корене смѣ, послушливъ бѣ, отцу покаяряся о всемъ; тѣломъ баше красенъ и высокъ, лицемъ круглъ, плечи висоцѣ, въ чреслѣхъ тонокъ, очима добръ и весель, брада мала и усъ, младъ бо бѣ еще; свѣтятся царскы, крѣпокъ<sup>7</sup> тѣломъ, на рати храберъ, въ свѣтѣхъ мудръ и разумень, при всемъ всячьскы украшенъ акы цвѣтъ въ юности своей, и благодать Божіа цвѣтѣше на немъ. Окаанніа же сін убійци пріидоша къ Святополку, акы хвалу имуще, безаконници. Сін бо слугы бѣсы бывають; бѣсы бо

(1) Въ подлинникъ: въѣнниша. (2) Тамъ же: снѣди. (3) Тамъ же: рече е. (4) Тамъ же: не буди. (5) Тамъ же: вселитися. (6) Тамъ же: велицѣ. (7) Тамъ же: крѣпость.



на злое посылаеми бывають. аггели же на благое слени суть. Аггелъ бо челоуѣку зла не сѣтворять<sup>1</sup>, но благое мыслить ему всегда, паче же христіаномъ помагаеть и заступаеть отъ сѣпротивнаго діавола; а бѣси всегда на злое словятъ, завидяще ему, понеже видятъ челоуѣка почтена Богомъ, и завидяще ему, на злое слени скоріи суть. Рече бо Богъ: кто идеть предестити Ахава? и рече бѣсъ: се азъ иду. Злый же челоуѣкъ, тѣшася на злое, не худѣши естъ бѣса; бѣси бо Бога боятсѣ<sup>2</sup> и челоуѣкъ стыдѣтсѣ, а золь челоуѣкъ ни Бога боятсѣ, ни челоуѣкъ ни срамлѣетсѣ; бѣси бо креста Господня боятсѣ, а золь челоуѣкъ ни креста Господня боятсѣ. Тѣмже и глаголаше Давыдъ: аще въ истинну правду глаголете, праваа судите сынове челоуѣчестіи; ибо въ сердци безаконіе дѣлаете на земли; неправду руки ваша сѣплѣтають. очюждени быша грѣшници отъ ложеснѣ, заблудиша отъ чрева, глаголаша лжу. и ярость ихъ по образу змѣи<sup>3</sup>.

УБИЕНІЕ ГЛѢВОВО, БРАТА БОРИСОВА, СЫНА ВЛАДИМЕРА, МУРОМСКОГО. И не доселѣ годѣстави убійство окаанный Святополкъ, но и на болшаа неистовѣся начатъ простиратисѣ, и яко видѣ себе желаніе сердца своего получивша, абіе не въспоману злаго своего убійства и многоаго сѣблажненія, и ни поне мало на покааніе въсклонисѣ; но ту абіе выниде<sup>4</sup> въ сердце его сатана, и начатъ подѣстрѣкати его вящѣшаа и горшаа сѣдѣати, и множайша убійства. И глаголаше бо въ души своей окаанный: «аще бо доселѣ оставляю дѣло убійства моего, то двоаго нмаѣ чаяти: яко услышатъ мя братіа моя, иже варивше мя въздадѣтъ ми горша сихъ; аще ли не сице, то<sup>5</sup> ижденуть мя, и княженіе мое пріиметь инъ, и въ дворѣхъ моихъ не будетъ живущаго; зане

егоже Господь възлюби, азъ погнахъ, и къ 1015 болѣани язвѣ преложихъ, приложу убо безаконіе къ безаконію, обаче грѣхъ матерѣ моеа не очиститъ ми сѣ и сѣ праведными не напишусѣ, но да потреблюсѣ отъ книгъ животныхъ.» Якоже и бысть, еже послѣди скажемъ; нынѣ же нѣсть время, но на подлежащее възврати(м)сѣ. И сіа на умѣ сѣ положивъ злый сѣвѣтникъ діаволовъ, посла по блаженнаго Глѣба въ Муромъ, рекъ: «пони въборзѣ, отецъ ты зоветь и не здравить бо велии.» Онъ же въборзѣ и вмалѣ боляръ въсѣдъ на конь понде; и пришедшу ему на Волгу, на усть рѣки<sup>6</sup> Тѣми, на поли подчеса подъ нимъ конь во рѣѣ, и надломи ему ногу мало; и на томъ мѣстѣ нынѣ монастырь Бориса и Глѣба, зовомый Втомичій; онъ же въсѣдъ въ насадъ, понде Волгою, и яко пріиде къ Смоленску и понде отъ Смоленска въ корабли, яко зрѣимо едино, и ста на Смядыни; и въ се время приславъ къ нему Ярославъ<sup>7</sup>, глаголя: «не ходи, брате, отецъ нашъ умре, а братъ твой убить отъ Святополка<sup>8</sup>.» И яко сіа услыша блаженній, възопи плачемъ великимъ и горкимъ и печалію сердечною, и сице глаголаше: «увы мнѣ, Господи мой Отче! о двою плачусѣ, и двоимъ сѣтованіемъ сѣтую и тужу; увѣ мнѣ, Господи мой! плачусѣ по отцѣ, плачу же сѣ паче и зѣло отчаяхсѣ по тебѣ, брате мой и господине Борисе, како прободенъ еси? како безъ милости прочее смерти предасѣ? како не отъ врага, но отъ своего брата пагубу въспріялъ еси? увѣ мнѣ! уне ми бяше сѣ тобою умрети, нежели уединену и усирену отъ тебе въ семъ житіи пожити. Азъ мняхъ въ житіи семъ аггелское твое лице узрѣти, то селика туга постиже мя; нынѣ же что сѣтворю, умиленъ и отчюженъ отъ твоеа доброты и отца моего многоаго разума? О милый мой брате и

(1) Въ подлинникѣ: не сѣтворятъ. (2) Тамъ же: боятсѣ. (3) Послѣ этого слова въ рукописи, на л. 52, помѣщено нѣсколько строкъ, которыя принадлежатъ къ послѣдующей статьѣ. (4) Въ подлинникѣ: выниду. (5) Тамъ же: да. (6) Тамъ же: на оуота рѣк. (7) Тамъ же: ярославъ. (8) На этомъ словѣ, находящемся въ рукописи на оборотѣ 52-го листа, прерывается статья и ея продолженіе помѣщено на 43-мъ листѣ.

1015 господине! аще еси получилъ дръзновеіе у Господа, моли о<sup>1</sup> моемъ уныніи, да быхъ и азъ подобленъ былъ ту же страсть пріати и съ тобою жити, неже въ свѣтѣ семъ прелестіѣмъ и суетнымъ. » Сиде (е)му стѣнющу и плачущу, и слезами землю мочашу<sup>2</sup>, и съ въздыханіемъ часто Бога призывающу, и се вънезапу приспѣша посланніи отъ Святополка<sup>3</sup> злыа его слугы и немилостивіи кровопивци<sup>4</sup>, братопенавидци лютіи зѣло, сверѣпаго звѣря душу имуще; святыи же поиде въ кораблици, и срѣтошася усты Смядыни, и яко узрѣ ихъ, радовашеся душею; они же узрѣвше омрачахуся, и гребяху къ нему, сій же мняшеся цѣлованіе пріати отъ нихъ. И яко быша равно пловуще, начаша скакати зліи они въ лодію его, обнажени меча имуще въ рукахъ блестящася акы вода; и абіе всѣмъ весла изъ рукъ испадоша, и вси отъ страха омрътѣвша. И се видѣ(въ) блаженный, разумѣ яко хотятъ его убити, възрѣвъ къ нимъ умиленнымъ очима, и слезами лице свое омываа, съкрушеннымъ сердцемъ и смиреннымъ разумомъ и частымъ въздыханіемъ, весь слезами разливаася, а тѣломъ утрьпаа, жалостной гласъ испущааше, сиче глаголя: «не дѣйте мене, братіа моя милаа и драгаа, не дѣйте мене, господые мои, аще ли каа обида<sup>5</sup>, ничтоже вы зла сътворихъ<sup>6</sup>, не брезѣте мене; кую бо обиду сътворихъ брату моему и вамъ, братіе и господые мои? аще ли каа обида<sup>7</sup>, ведѣте мя къ князю вашему и къ моему господину и брату; помилуйте юность мою, господые мои; (вы ми будете господье), а азъ вамъ рабъ; не пожнѣте мене отъ житіа незрѣла, не пожнѣте класа не уже съзрѣвша, но млеко безлобіа носяща, не порѣжьте лозы не до конца възрастѣши, а плодъ имуща. Молю вы ся и милъ<sup>8</sup> ся дѣю, убойтеся<sup>9</sup> рекшаго усты апостолскы: не дѣти бывайте

умы, незлобіемъ же младенствуйте, а умы съвършены бывайте; азъ, братіе, незлобіемъ и възрастомъ младенствую; се нынѣ нѣсть убійство, не сырорѣзаніе. Что зло сътворихъ, свѣдѣтельствуйте ми, и не жалую си? аще ли крове моеа насытитися хочете, то уже въ руку вы есмь, братіе, и брату моему вашему князю. » Они же ни по единого словесе не постыдѣшася<sup>10</sup>, ни мыслию приклонѣшася, но якоже сверѣпніи звѣріе нападоша, и тако въскытиша его. Онъ же видѣвъ, яко не вънемлютъ словесе его, начатъ глаголати сиче: «спасися<sup>11</sup> милый мой господине, отче Василіе! спасися мати, госпоже моя! спасися брате Борисе мучениче, старѣйшино уности моеа! спасися и ты брате поспѣшителю Ярославлю! спасися и ты брате и враже Святополче! спаситесь и вы братіе (и) дружино, и вси спаситесь! уже бо не имамъ васъ видѣти въ житіи семъ, зане разлучаемъ есмь отъ васъ нужею. » И глаголаше плачася: «Василіе господине мой отче! приклони ухо твое и услыши гласъ мой, призри и виждь приключѣшася чаду<sup>12</sup> твоему, како безъ вины закалаемъ есмь; увы мнѣ! слыши небо и внуши земле; и ты Борисе брате услыши гласъ мой; отца моего Василіа призвахъ, и не послуша мене; виждь скръбь сердца моего и язву душа моеа, виждь теченіе слезъ моихъ акы рѣку, и никтоже не внемлетъ ми; но ты убо помани и помолися о мнѣ къ общему всѣхъ Владыцѣ, яко имѣа дръзновеіе и предстоа у прест(ол)а его. » И начатъ молитися сиче: «Боже щедрый, и премилостивый Боже! слезъ моихъ не премлчи, но умилися на мое уныніе и виждь съкрушеніе сердца моего, се бо закалаемъ есмь не вѣмъ что ради, или за которую обиду азъ не свѣмъ; ты вѣси, Господи мой! вѣмъ тя, рекша къ своимъ апостоломъ: яко за имя мое, мене ради възложатъ на вы руки

(1) Въ подлинникѣ: оу. (2) Тамъ же: молчашу. (3) Тамъ же: отъ святагополка. (4) Тамъ же: кривопивци. (5) Тамъ же: обада. (6) Тамъ же: сътвориша. (7) Тамъ же: обада. (8) Тамъ же: миль. (9) Тамъ же: оубийтеся. (10) Тамъ же: ни поне единого словесе постыдѣшася. (11) Тамъ же: спасися. (12) Тамъ же: чада.

и предани будете родомъ и другомъ<sup>1</sup>, и братъ брата предасть на смерть, и умрътвять вы имени моего ради; и пакы: въ тръпени вашемъ стяжите душа ваша. И виждь Господи (и) суди; се готова душа моя предъ тобою, Господи, и тебѣ славу възсылаемъ, Отцу и Сыну и Святому Духу, нынѣ и присно и въ вѣки вѣкомъ, аминь. » Таче<sup>2</sup> възрѣвъ къ нимъ, умиленымъ, измолкшимъ гласомъ рече: «то уже приступльше кончайте, на не же есте послани. » Тогда окаанный Горясѣрь повелѣ зарѣзати въскорѣ. Поваръ же Глѣбовъ<sup>3</sup>, именемъ Торчинъ, иземъ ножъ, и имъ блаженнаго и закла его, акы агня незлобиво, въ лѣто 6524, мѣсяца сентября въ 5 день, индикта 14, круга слѣнечнаго 7, а луннаго 7, алфа 1, граница и законныа руки 27, епакты 1, фимиліость 20, въ день понедѣльникъ. И принесеса Господеви жрътва чиста и благоугодна; и възыиде въ небесныа обители къ Богу, и узрѣ желаемого си брата, и възпріаста въкупѣ вѣнца небесныа и нетленныа, егоже и възжеласта, и възрадовастася радостію неизреченною, юже уллучиста братолюбіемъ своимъ. Якоже рече Давыдъ: се коль добро и коль красно еже жити<sup>4</sup> братіи въкупѣ! Окаанныи же они убійци възвратиса, и пріидоша къ пославшему ихъ окаанному Святополку; якоже рече Давыдъ: да възвратятся грѣшници въ адъ, и вси языци забывающа Бога; и пакы: оружіе излекоша грѣшници, и напрягоша лукъ заклады правыа сердцемъ, и оружія ихъ възнідуть въ сердца ихъ, и луци ихъ съкрушатся, яко грѣшници погынуть, исчезающе яко дымъ исчезающа. И яко сказаша Святополку: «яко сътворихомъ повелѣнное тобою», и си слышавъ окаанный, възвеселися душею и възнесеса сердцемъ. И събыстася реченное пророкомъ Давыдомъ: что ся хвалиши о злобѣ, сил-

ный<sup>5</sup>? и безаконіе весь день (и) неправду умы-1015 сли языкъ твой; възлюбилъ еси злобу паче благостыню, и неправду неже глаголати правду; възлюбилъ еси вся глаголы потопныа и языкъ лествивъ: сего ради Богъ раздрушитъ тя до конца, въстрѣгнетъ тя и преселитъ тя отъ села твоего, и корень твой отъ земля живущихъ. Якоже рече Соломонъ: азъ вашей погыбели посмѣюся, яко радуюся, яко грядетъ на вы пагуба; тѣмже снѣдятъ дому своего плоды, и своа нечистоты насытятся<sup>6</sup>.

Княженіе Святополче. Святополкъ же окаанный нача княжити въ Кіевѣ, Ярославу же еще не вѣдушу о отца своего смерти, се же бѣ еще прежде убіеніа Глѣбова. О враждѣ Ярославли (на) Новгородци. Ярославу бо сушу въ Новѣгородѣ, и Варязи бяху мнози у него, и насиліе творяху Варязи Новгородцемъ и женамъ ихъ. И възставше Новгородци, избыша Варягы въ дворѣ Парамони, и разгнѣвася Ярославъ, и шедъ на Ракомо сѣде въ дворѣ; и посла къ Новгородцемъ и рече: «уже мнѣ сихъ не крѣсити». И позва къ себѣ нарочитыа мужи, иже бяху сѣклы Варягы, и оболстивъ а, иссѣче 1000 мужъ, а иныа бѣжаша изъ града. Въ ту же ноцъ пріиде къ нему вѣсть ис Кіева, отъ Предъславы, сестры его: «отецъ ти умерлъ, а Святополкъ сѣде въ Кіевѣ, убилъ Бориса, а на Глѣба послалъ, а ты блюдися его по велику.» И се слышавъ Ярославъ, печаленъ бысть по отци и по братіи; заутра же съобравъ остатокъ Новгородцевъ Ярославъ, и сътвори вѣче на поли, и рече къ нимъ: «о милая и любимаа дружино, юже вчера избихъ въ безуміи моемъ! а нынѣ надобны, золотомъ быхъ купити.» И утеръ слезъ, рече имъ на вѣчи: «братіе мои! отецъ мой умерлъ есть, а Святополкъ сѣдитъ въ Кіевѣ, избиваа братію

(1) Въ подлинникъ: други. (2) Тамъ же: таже. (3) Тамъ же: глѣбомъ. (4) Тамъ же: жити. (5) Тамъ же: силно. (6) На этомъ словѣ, находящемся въ рукописи на оборотѣ 44-го листа, прерывается статья; продолженіе ея помѣщено сначала на л. 52-мъ и на оборотѣ этого листа, потомъ на оборотѣ 52-го листа и на листѣ 53-мъ и наконецъ на листѣ 43-мъ.

1015 свою; хочу на нь поити, потягните по мѣѣ.»

1018 И рѣша ему Новгородци: «аще, княже, и братіа наша избита суть, а мы можемъ съ тобою ити.» Ярославъ же нача съзъкупляти воа<sup>1</sup>, а Глѣбу идущу къ Кіеву и ставшу, якоже выше рѣхъ, на Смядинѣ, и вѣсть присла къ нему Ярославъ о отци смерти и братни убіеніи<sup>2</sup>. О повѣдѣ Ярославли на Святополка. Святополку же княжашу въ Кіевѣ<sup>3</sup>, въ лѣто 6524, събра Ярославъ воа, Варягъ тысящу, а прочихъ вой 30 тысящъ, и поиде изъ Новгорода на Святополка, нарекъ Бога, и рече: «не азъ почохъ избивати братію, но онъ; да будетъ отместникъ Богъ братіи моеа крове, зане безъ вины проліа кровь Борисову и Глѣбову праведную: егда мнѣ сие же сътворитъ? но суди, Господи, по правдѣ нашей, да скончается злоба грѣшныхъ.» И поиде на Святополка; слышавъ же Святополкъ идуща Ярослава, пристрои бес числа вой, Руси и Печенѣгъ, и изыиде противу къ Любчу. Прииде же Ярославъ, и стаа противу себѣ обоаполы Днѣпра, и не смѣаху найти ни сіи на тѣхъ съ сеа страны, ни тѣ на сѣхъ съ тоа стороны, и стоаху 3 мѣсяцѣ, не смѣюще ся съступити. Воевода же Святополкъ, именовъ Воличій Хвостъ, отца ихъ Владимира, иже побѣди Радимичи на Пищавѣ, старъ сый, несмыслено нача (ѣ)здѣти подлѣ брега Днѣпра рѣкы, и укаря Новгородци, глаголаше: «смерди, почто приидосте съ хромцемъ сямъ? а вы плотници суще, заставимъ васъ рубити хоромовъ нашихъ.» Се слышавше Новгородци, рѣша Ярославу: «яко заутра перевеземъ на нь; аще ли кто не поведетъ съ нами, потнемъ его.» И бѣ бо уже въ заморозъ; а Святополкъ стоаше межи двѣма озеромъ, и всю ночь пилъ бѣ съ боляры своими; и нача Днѣпръ мръзнути. И бѣ нѣкто у Святополка пріатель

Ярославу, и посла къ нему Ярославъ отрокъ свой ношю, и рече къ нему: «онъ ся, что ты тому велиши творити? меду варено мало, а дружины много.» И отрече ему пріатель той: «рци тако Ярославу, да аще дружины много, а меду мало, да къ вечеру дати.» И разумѣ Ярославъ, яко въ ночь велитъ ити съшися<sup>4</sup>. Ярославъ же ся заутра (исполчяти) повелѣ въѣмъ воемъ своимъ, и въ ту ночь противу (сѣѣту) перевезеся на ону сторону Днѣпра; и вышедше на брегъ отринуша лодіи прочь отъ брега, и въ тои ноци поидоша противу себе на сѣчу. И рече Ярославъ воемъ своимъ: «знаменайтеся, повивайте главы своа убрусци.» И съступишася на мѣстѣ, и бысть сѣча зла, и не бѣ лѣзъ озеромъ Печенѣгомъ помагати, и притиснуша Святополчихъ вой къ озеру, и выступиша на ледъ, и обломься съ ними ледъ, и нача одолѣвати Ярославъ. Видѣвъ же Святополкъ, побѣже въ Ляхы. И одолѣ Ярославъ, и шедъ сѣдѣ въ Кіевѣ на столѣ отечнѣи и дѣднѣи; бѣ бо тогда Ярославъ 28 лѣтъ.

Въ лѣто 6525. Приидоша Печенѣзи къ Кіеву, и высла противу ихъ Ярославъ, и сѣкошася у Кіева, и едва къ вечеру одолѣ Ярославъ Печенѣгы, и отбѣгоша посрамлени. И заложилъ Ярославъ томъ весны градъ великій Кіевъ, и Златаа врата постави, и церковь святую Софію заложилъ каменну.

Прихождение Болеслава, Латиньско-го князя, на Кіевъ. Въ лѣто 6526. Прииде Болеславъ (съ) Святополкомъ на Ярослава съ Ляхы; Ярославъ же съвукупилъ Русь, и Варягы и Словяны, поиде противу Болеславу<sup>5</sup> и Святополку, и прииде къ Волиню, и стаа обоаполъ рѣкы Буга. И бѣ у Ярослава дядка и воевода Блудъ старо(ѣ), иже былъ Владимиру, и нача Блудъ укаряти Болеслава, глаголя:

(1) Въ подлинникѣ: своа. (2) На этомъ словѣ, находящемся въ рукописи на 43-мъ листѣ, прерывается статья, и ея продолженіе помѣщено на оборотѣ 44-го листа. (3) Слова: святополку же княжашу въ кіевѣ въ подлинникѣ помѣщены передъ заголовкомъ: о побѣдѣ ярославли. (4) Тамъ же: сяшися. (5) Тамъ же: ярославу.

«что ти, прободемъ тростию чрево твое толстое». Бѣ бо Болеславъ великъ и тяжекъ, яко и на кони не могый сидѣти, но бѣше смыслень. И рече Болеславъ къ дружинѣ своей: «аще вы сего укора не жаль, то азъ единъ погибну». И всѣдъ на конь, побриде въ рѣку, и по немъ вои его; Ярославъ же не успѣ исполчитися, и побѣди Болеславъ Ярослава, избѣша воа его, и воеводу Блуда убиша, и иныхъ множество, а ниже рукама яша, тѣхъ расточи Болеславъ по Ляхомъ. На томъ бою изымаша Монсеа Угрина, брата Георгіева, иже бѣ убитъ съ княземъ Борисомъ; бѣ бо и той слуга Борисовъ, и много пострада въ Лятской землѣ отъ вдовы нѣкыа, млада суца, еяже мужъ, бояринъ сый Болеславъ, убиенъ на семъ бою; Монсей же, по страданіи своимъ, приде въ Кіевъ, въ Печерскій монастырь, и бысть чуденъ старецъ, красенъ тѣломъ и душою, о немъ же лежатъ повѣсти въ Отечницѣ Печерскомъ. Болеславъ же вниде въ Кіевъ съ Святополкомъ<sup>1</sup>, и сѣде на столѣ Владимирѣ. И тогда Болеславъ положи себѣ на ложи Предславу, дщерь Владимиру, сестру Ярославлю. Ярославъ же убѣже толико съ четырьмя мужи къ Новогороду. И рече Болеславъ: «разведите дружину мою по градомъ ва покормъ», и бысть тако. Ярославъ же прибѣже къ Новогороду, и хотяше бѣжати за море, и не дасть ему посадникъ Костянтинъ, сынъ Добрынинъ<sup>2</sup>, и повелѣ въ ноши той вся лодіи Ярославли испросѣчи на Вльхвѣ, дабы нелзѣ въ нихъ Ярославу бѣжати за море, глаголя Ярославу: «хочемъ еще битися по тебѣ з Болеславомъ и Святополкомъ». И начаша и скоти<sup>3</sup> збирати отъ мужа по 4 куны, а отъ старость по 10 гривень, а отъ боярь по 18 гривень, ниже бы наняти

Варягъ. И послаша за море, и приведоша<sup>4</sup> 1018 Варягъ, и вдаша имъ скоть<sup>4</sup>, и съвѣкупи Яро- 1019 славъ воа многы. Безумный же Святополкъ рече къ своимъ: «еликоже естъ Ляховъ по градомъ, избывайте ихъ отай;» и избѣша ихъ. Се же увѣдавъ Болеславъ, побѣже ис Кіева, поволочивъ Предславу, взя имѣніе Ярославле и сестры его Предславы, и боярь взя съ собою, и пристави къ имѣнію Анастаса Корсунянина, бѣ бо ся ему вѣвѣрилъ лестію<sup>5</sup>, и людей множества веде съ собою, и грады Червеньскыа заа себѣ; и приведе<sup>6</sup> въ свою землю. Святополкъ же нача княжити въ Кіевѣ, и поиде Ярославъ на Святополка, и бѣжа Святополкъ въ Печенѣгы, Ярославъ же сѣде въ Кіевѣ.

Бой третій Ярославу съ Святополкомъ. Въ лѣто 6527. Приде Святополкъ съ Печенѣгы въ силѣ тяжцѣ на Ярослава; Ярославъ же събра воа многы купно съ наатыми его Варягы, (и) изыиде<sup>7</sup> противу его на Алто, и ста Ярославъ на мѣстѣ, идеже убиенъ бысть Борисъ; и въздѣвъ руцѣ на небо, и помолися, рече: «кровь брата моего въпіетъ (къ) тебѣ, Владыко! мѣсти отъ крови праведнаго. якоже мѣстилъ еси кровь Авелеву, положивъ на Каинѣ стенаніе и трясеніе; тако положи и на семъ окааннѣмъ братоубійци». И помолися, и рече: «братіа моа! аще еста тѣломъ отшла отсюду, но молитвою помозѣта ми на противнаго сего и гордаго убійцу.» И се ему рекшу, поидоша противу себе, и покрыша Лѣтское поле обонъ отъ множества вой. И бысть сѣча зла, якоже не бывала такова въ Руси, и за руки емлюще сѣчахуся, и поудоліемъ кровь ручіемъ течаше яко въ время дождевное, и съступишася трижды, и мнози вѣрніи видѣша аггелы, помагающа Ярославу;

(1) Въ подлинникѣ: съ святополковъ. (2) Тамъ же, противъ сего мѣста, на полѣ написано, новымъ почеркомъ: на помочи Ярославу сынъ добрыничовъ посадникъ новогор. (3) Тамъ же это слово объяснено на полѣ словомъ: серебро. (4) Тамъ же это слово объяснено на полѣ словомъ: серебро. (5) Тамъ же: съ лестію. (6) Тамъ же: приведе. (7) Тамъ же: възиде.



1019 и обмръкше біющеса, бѣ бо туча велика, и громъ<sup>1</sup> изъ неа много, и мѣліа часто блистающа, и еликоже мѣліа освѣщаваше, блистахуся оружія въ рукахъ ихъ; и егда въ глубокъ вечерь одолѣ Ярославъ, а Святополкъ побѣже. И бѣжашу ему, нападе на нь бѣсъ, и вложи въ сердце его страхъ; и разслабѣша кости его, и не можааше на кони сидѣти, носяху его на носилѣхъ; и принесомъ его къ Берестію, бѣгающе съ нимъ, онъ же, гонимъ гнѣвомъ Божиимъ, глаголаше: «побѣдите съ мною, женуть по насъ.» Отроки же его всилахуть противу: егда кто женеть по немъ? и не бѣ никогоже гонящаго, ни женущаго по немъ, и бѣжашу съ нимъ; онъ же лежа въ немощи, и въсхлипывая глаголаше: «охъ, се женуть по насъ, побѣдите<sup>2</sup>.» И побѣже Лятскую землю, гонимъ Божиимъ гнѣвомъ, и побѣже въ пустыню межъ Ческую землю и Ляхы, ту испровръже злѣ животъ свой: спаде съ носилъ. Егоже и по правдѣ, яко неправедна, суду<sup>3</sup> нашедшу на нь, по отшествіи сего свѣта пріаша муки окааннаго Святополка: показаша явѣ посланнаа на нь пагубнаа рана, въ смерть немилостивно вогна<sup>4</sup>, и по смерти немилостивно мучимъ есть, связанъ въ днѣ аду. Есть же могила его и до сего дне въ пустыни, исходитъ изъ неа сирадъ золь. Се же<sup>5</sup> Богъ показа на показаніе княземъ Русскимъ, да аще сице сътворять<sup>6</sup>, се слышавше, ту же казнь примуть; но и болша сіа<sup>7</sup>, понеже вѣдуще се бывшее сътворять такоже злое убійство. 7 бо мстій приемъ Кайнь, уби(въ) Авеля, а Ламехъ 70; понеже бо Кайнь не вѣдый мщенія пріати отъ Бога, а Ламехъ, вѣдый казнь, бывшую на прародителехъ его, сътвори убійство. Рече бо Ламехъ (къ) своимъ женамъ: мужа убихъ въ язву мнѣ, и уношу въ вредъ мнѣ; тѣмже, рече, 70 мести есть на мнѣ, понеже, рече, вѣдаа сътво-

рихъ. Сей Ламехъ уби два брата Енох(ов)а, поа себя женѣ ея; сей же Святополкъ, новой Авимелехъ<sup>8</sup>. Иже ся бѣ<sup>9</sup> родиль отъ прелюбодѣанія, якоже и Авимелехъ, иже изби 70 братіи своя, сыны Гедеоновы, послѣди же самого жена з города полужерновомъ уби; тако и сій бысть окаанный Святополкъ, емуже обою сею горши мука бысть. Ярославъ же сѣде въ Кіевѣ, утрѣ поту съ дружиною своею, показаша побѣду и трудъ великъ по брату своею, и оттолѣ крамола преста въ Рускую землю, и Ярославъ пріа власть всея Руския земли. О възысканіи тѣла святаго Глѣба, князя Муромскаго. Убіену же бывшу Глѣбови и поврѣжену на пустѣ мѣстѣ межъ двѣма колодами, и Господь не оставляетъ своихъ рабъ; якоже рече Давыдъ: съхранитъ Господь вся кости ихъ, ни единая же отъ нихъ не съкрушится. И сему убо святому лежащу долго время, и не остави его Господь въ невѣденіи и въ небреженіи отинудъ пребывать; но показаша Богъ мимоходящимъ гостіемъ, овогда убо видѣша стлѣпь огнень, овогда же свѣща горяща, и пакы пѣніа аггелска слышаху мимоходяще гостіе, нимъ же ловы дѣюще и скоты пасущемъ. Се слышавше и видяще, не бысть памяти ни единому ихъ о възысканіи тѣлесе святаго, дондеже не трѣпъ Ярославъ злаго сего убійства, движеша на братоубійцу оного окааннаго Святополка; и браны многы съ нимъ съставивъ, и всегда пособіемъ Божиимъ и поспѣшеніемъ святою побѣдивъ: елико брани съставивъ съ нимъ, посрамленъ (и) побѣженъ отбѣгааше, дондеже бѣгаа погибе, якоже выше рѣхомъ. Ярославъ же начатъ въпрашати о тѣлесехъ святою: «како или где положена еста?» И о святѣмъ Борисѣ новѣдаша ему, яко въ Вышегородѣ положень есть, а о святѣмъ Глѣбѣ вси вѣдаху, яко во Смоленскѣ убіенъ есть, но не вѣдаху, где по-

(1) Въ подлинникъ: гробъ. (2) Тамъ же: побѣдите. (3) Тамъ же: неправедну сущу. (4) Тамъ же: выгна. (5) Тамъ же: еже. (6) Тамъ же: сътворять ему. (7) Тамъ же: примуть и болша сіа но. (8) Тамъ же: ново си ламехъ. (9) Тамъ же: бы.



ложень есть; и тогда сказана ему, яже слышаша отъ приходящихъ оттуду, како видѣша свѣтъ и свѣща въ пустѣ мѣстѣ. И то слышавъ Ярославъ, посла на възыоканіе ко Смоленску прозвытеры<sup>1</sup>, рече: «яко той есть мой братъ.» И обрѣтоша его, идеже бяху видѣли, и шедше съ кресты честно, и съ свѣщами мнози<sup>2</sup>ми и кадмлы, и вложивше въ корабль, и привезоша и, положивша его въ Вышегородѣ, идеже лежитъ тѣло преблагеннаго Бориса; и раскопавше землю, ту положивша его, недоумѣюще бо еще, якоже бѣ<sup>3</sup> лѣпо и честно. Се же пречюдно и дивно и памяти достойно, како и колико лѣтъ лежало тѣло святаго Глѣба, то же невредленно пребысть ни отъ единого плотоядныхъ звѣрій, или птицъ, или гадъ, не бѣше почернѣло, якоже бо имать обычай тѣлеса мертвыхъ, но свѣтло, и красно, и цѣло, и благоволю имуще; тако бо Богу съхранишу своего страдалца тѣло. И не вѣдаху мнози ту лежащу святую страстотрѣпцу тѣлесе; но якоже рече Господь: не можетъ градъ укрытися врѣху горы стоа, ни свѣщи възжегши спудомъ покрываютъ, но на свѣтилѣ поставляютъ, да свѣтитъ темныя; тако и си святаа: прослави а Господь свѣтити въ мирѣ, и премногими чудесы сіати въ великой Русской земли, идеже множество страждущихъ спасени бывають отъ святою и всечестною раку святыхъ страстотрѣпецъ Бориса и Глѣба. Княженіе Ярославле по смерти Святополчи Владимировичевъ. Начать же Ярославъ воа дѣлати, старостамъ своимъ по 10 гривень, а смердомъ по гривнѣ, а Новгородцомъ 10 гривень, и отпусти а вся по домоу; и давъ Новгородцомъ правду и уставъ, списавъ грамоту, и рече: «по сему ходите и дрыките, якоже списахъ вамъ».

Здѣ пишеть судевникъ великаго князя Ярослава Владимировича, и потомъ его

дѣтей: Изяслава, Святослава и Всеволода, и по нихъ уставъ великаго князя Владимира Всеволодовича Манамаха, и потомъ царя Константина великаго; язъ же сіе преминухъ, множества ради. 1019 1021

Еще же молю ваше, братіе, преподобіе и благородіе, чтущихъ и слушающихъ книги сіа, еже аще обрящеть кто много недостаточное, или неисполненное, да не позазритъ ми: не бо бѣхъ Кіанинъ родомъ, ни Новогграда, ни Владимера, но отъ веси Ростовскихъ областей, и елико обрѣтохъ, толико люботруднѣ написахъ; а елика силѣ моеи невозможно, то како могу наполнити, егоже не видѣвъ предъ собою лежащаго? не имамъ бо многыа памяти, ни научихся дохторскому наказанію, еже съчиняти повѣсти и украшати премудрыми словесы, якоже обычай имуть риторы; а яже аще Богъ поручитъ въ руки мои, то прѣвыхъ лѣтъ напоследокъ выпишемъ.

Въ лѣто 6528. Константинъ Добрыничъ бѣше тогда въ Новгородѣ, и разгнѣвася на нь великій князь Ярославъ, и поймавъ поточи его въ Ростовъ; и на третіе лѣто повелѣ убити его въ Муромѣ, на рѣцѣ на Оцѣ. Того же лѣта, 6528, родися великому князю Ярославу сынъ, наречень бысть Владимиръ. Того же лѣта побѣди князь великій Ярославъ Брячислава Изяславича Полотцкаго.

Въ лѣто 6529. Поиде Брячиславъ, сынъ Изяславъ, внукъ Володимеръ, ис Полотска на Новгородъ съ войскомъ, и взя Новгородъ, и люди многы поплѣни; и поимъ Новгородичъ, имѣніе ихъ, и весь полонъ и скоты, и поиде къ Полотцку опять съ множествомъ плѣна. И пришедшу ему къ Судомирѣ рѣцѣ, великій же князь Ярославъ, дядя его, слышавъ ту вѣсть, и съзъкупивъ воа многы, и поиде изгономъ ис Кіева, въ седмый день

(1) Въ подлинникѣ: прозвытеру. (2) Тамъ же 60. (3) На словахъ: новгород, наподличае въ рукописи на 47-мъ листѣ, прерывается статья, и ея продолженіе помѣщено на 53-мъ листѣ.

1021 постыже его ту, и побѣди Брячислава, а Но-  
1024 вогородци отпусти къ Новогороду, и полонь  
у него отъя, елико бѣше Новгородскыа об-  
ласти; а Брячиславъ бѣжа къ Полотску. И  
оттолѣ призва къ себѣ Брячислава<sup>1</sup>, и дасть ему  
два города Въсвѣчъ и Видбескъ, и рече ему:  
«буди же съ мною заодно<sup>2</sup>.» И оттолѣ Бря-  
числавъ вѣзавше съ великымъ княземъ Яро-  
славомъ вся дни живота своего<sup>3</sup>; бѣ бо Яро-  
славу братаничъ.

О Редедѣ. Въ лѣто 6530. Прииде великій  
князь Ярославъ къ Берестію. Въ си же вре-  
мена брату его князю Мѣстиславу Владиме-  
ровичу сушю Тмутороканю, и поиде на Ка-  
согы. Слышавъ же князь Касожскый, име-  
немъ Редедя, изыиде противу ему, и ставши-  
ма обѣма полкома противъ себе, и рече Ре-  
дедя къ Мѣстиславу: «что ради губити намъ  
люди межи себя? но сядемся сами бороти-  
ся; да аще ты одолѣеши мнѣ, то възми мѣ-  
нѣ мое, и княгыню мою и дѣти моа; аще  
ли азъ одолѣю, то възму твое все»; и рече  
Мѣстиславъ: «такъ буди.» И рече Редедя (къ  
Мѣстиславу: «не оружіемъ бо ся боревѣ, но бор-  
бою»). И сняста ся бороти крѣпко; борущима  
же ся има, нача изнемогати Мѣстиславъ, Ре-  
дедя же начаша одолѣвати ему, бѣ бо великъ  
и силенъ; Мѣстиславъ же начать молитися  
пресвятѣй Богородици, и рече: «о пресвятаа  
Богородице! помози ми; аще бо одолѣю се-  
му, съзижду церковь въ имя твое.» И се-  
рекъ, удари имъ о землю, и выня ножъ за-  
рѣза Редедю; и шедъ въ землю его, и взя  
имѣнѣ его, и жену его и дѣти его, и данъ  
положи на нихъ. И пришедшу ему Тмуторо-  
каню, исполни обѣтъ свой, заложилъ церковь  
святыа Богородица, и създа ю, иже стоитъ  
и до сего дне.

Въ лѣто 6531. Поиде Мѣстиславъ съ Коза-  
ры и (съ Ко)согы на великого князя Ярослава.

Въ лѣто 6532. Ярославу сушю въ Новѣгоро-  
дѣ, прииде братъ его Мѣстиславъ изъ Тму-  
тороканя къ Кіеву, и не приаша его Кіане;  
онъ же шедъ сѣде на столѣ въ Черниговѣ.  
О вѣлсвѣхъ лживыхъ. По семъ же лѣтѣ<sup>4</sup>  
въставше вѣлсви лживыи въ Суздали, и из-  
биваху старую чадъ бабы, по діаволу учению  
и бѣсованію, глаголюще<sup>5</sup>, яко сѣи дръжать  
губину и жито и голодъ пуцають. И бѣ мятежъ  
великъ и гладъ по всей земли той, яко мужу  
своя жена даати, да кормятъ себе, челяди-  
номъ; идоша по Волзѣ вси людіе въ Болгары,  
и привезоша пшеницу и жито, и тако отъ  
того ожиша. Слышавъ же князь великій  
Ярославъ вѣлхвы, прииде изъ Новогорода къ  
Суздали, и изымавъ убійца ты(и) расточи, иже  
бяху бабы избивли, и домы ихъ разграбы, а  
другыа казни; и уставилъ мятежъ въ той землѣ,  
рекъ сиче: «Богъ наводитъ по грѣхѣмъ нашимъ  
на куюждо землю гладомъ, или моромъ, или  
ведромъ, или иною казнію, а человекъ не вѣсть  
ничтоже, Христосъ Богъ единъ вѣсть<sup>6</sup> на небе-  
сѣхъ.» Слышавъ же Ярославъ Мѣстислава въ  
Черниговѣ, и възвратися ис Суздали къ Но-  
вгороду, и посла за море по Якуна, по Ва-  
ряжского князя, и по Варягы; и прииде къ  
нему Якунъ съ Варягы, бѣ же Якунъ съ лѣнѣ<sup>6</sup>,  
а луда у него вся золотомъ окована. И поиде  
Ярославъ съ Якуномъ на Мѣстислава къ Чер-  
нигову; Мѣстиславъ же слышавъ, изыиде про-  
тиву ихъ на сѣчу къ Листвену, и бѣше осень,  
и ту ся срътоша. Мѣстиславъ же съ вечера про-  
тивъ нощи исполчивъ дружину свою, и поставилъ  
Сѣверу въ чело противу Варягомъ, а самъ ста съ  
дружиною своею по крылома. И бывши нощи  
рябинной, бысть тма и громъ бываше, и  
молнія и дождь; и рече Мѣстиславъ своимъ:  
«поидемъ на нихъ, то ны есть користь.» И  
поиде Мѣстиславъ и великій князь Ярославъ  
противу себе, и съступишася<sup>7</sup> чело Сѣвера съ

(1) Въ подлинникѣ: ярослава. (2) Тамъ же: твоего. (3) Тамъ же: лѣтъ. (4) Тамъ же: глаголющу. (5) Тамъ же: есть. (6) Тамъ же: слѣпъ. (7) Тамъ же: испустишася въ.

Варягы, и трудишася Варягы съкущи Сѣверу, и посемь наступи Мѣстиславъ съ своими, и нача сѣчи Варягы, и бысть сѣча зла и страшна, яко посвѣташе моленія, тако блѣщашася оружіе ихъ, и еликоже молнія освѣташе, толико мечи ведяху, и тако другъ друга сѣкаше, и бѣ гроза велика и сѣча силна. Видѣвъ же ся великій князь Ярославъ, яко побѣждаемъ естъ, побѣже съ Якуновъ, княземъ Варяжескимъ, Якунъ же ту отбѣжа луды своеа златыя; и тако побѣди Мѣстиславъ великого князя Ярослава и Якуна. Ярославъ же приде къ Новогороду, и Якунъ иде за море, и тамо умре. Мѣстиславъ же освѣтавъ заутра и видѣ(въ лежаща) нѣсѣченъ отъ своихъ Сѣверу, а отъ великого князя Варягы, тѣхъ бо избіено много, зане бишася въ чело, и рече Мѣстиславъ: «кто сему не радъ? се лежитъ Сѣверанинъ, а се Варягъ, и луды мои цѣлы.» И посла Мѣстиславъ по великого князя Ярослава, глаголя: «сяди на своемъ столѣ въ Кіевѣ, занеже ти еси болшій братъ; а мнѣ буди си страна.» И не смѣ великій князь Ярославъ ити, дондеже смнрится; бѣша же сѣдѣще въ Кіевѣ мужи Ярославли. Того же лѣта родися Ярославу<sup>1</sup> второй сынъ Изяславъ.

Въ лѣто 6534. Великій князь Ярославъ съвѣкупи воа многы, и приде къ Кіеву, и сътвори миръ съ братомъ Мѣстиславомъ у Городца. И раздѣли Русскую землю по Днѣпру: великій князь Ярославъ пріа сю страну, а Мѣстиславъ ону; и начаста жити миромъ и въ братолюбствѣ, и преста усобица и мятѣжъ, и бысть тишина велика въ Руской земли. Того же лѣта родися третій сынъ Ярославу, и нарече имя ему Святославъ.

Въ лѣто 6535. Явися знаменіе змѣиво на небеси, яко видѣти всей земли.

Въ лѣто 6538. Князь великій Ярославъ Бѣлзы взялъ. Того же лѣта родися Ярославу четвертый сынъ, и нарече имя ему Всеволодъ.

Того же лѣта иде великій князь Ярославъ<sup>2</sup> на 1024 Чудь, и побѣди а, и постави градъ въ свое 1034 имя Юріевъ; и приде къ Новогороду, събра отъ старосты и поповы дѣтей 300 учити книгамъ. Того же лѣта преставися пръвый архиепископъ Іакымъ Корсунянинъ въ Новѣгородѣ, бѣше же ученикъ его Ефремъ, иже ны учаше. И (въ) се же время умре князь великій Болеславъ въ Лясѣхъ, и бысть мятѣжъ великъ въ Лятской земли: вѣставше людіе, избыша епископы, и попове, и боляре свои.

Въ лѣто 6539. Великій князь Ярославъ и Мѣстиславъ събраста воа многы, и идоша на Ляхы, и заяста грады Червеньскыя опять, и повоеваша Лядскую землю, и многыхъ Ляховъ приведше, раздѣлиша я; великій же князь Ярославъ посади своихъ на Рси, и суть и до сего дни.

Въ лѣто 6540. Великій князь Ярославъ поча города ставити на Рси: Корсунъ, Треполь. И тогда же Улѣпъ изыиде изъ Новогорода на Желѣзнаа врата, и опять мало ихъ приде.

Въ лѣто 6541. Евстафіе Мѣстиславичъ умре.

О смерти Мѣстислави, брата Ярослава. Въ лѣто 6542. Князь великій Мѣстиславъ Володимеричъ Черниговскій изыиде на ловъ, и тамо разболѣся, и умре; и положиша его въ Черниговѣ въ святѣмъ Спасѣ, егоже самъ заложилъ; бѣ бо въздѣлано при немъ възвыше яко на кони досяч(и) стоа. Бѣ же убо Мѣстиславъ дебелъ тѣломъ, а лицемъ чермень, очи великы имѣа, на рати храборъ, и милостивъ, а боляре любя по велику, и имѣнія не щадяше, ни питія, ни яденія не браняше, и милостивъ бѣше къ всѣмъ служащимъ ему. По немъ же пріать всю власть его великій князь Ярославъ<sup>3</sup>, и бысть самовластецъ въ Руси. Того же лѣта иде великій князь Ярославъ въ Новогородъ, и посади сына своего Владимира въ Новѣгородѣ, и епископа постави Жирыту; и людемъ на-

(1) Въ подлинникѣ: яславу. (2) Тамъ же: ярославъ. (3) Тамъ же: ярославъ.  
Т. XV.

1034 писа грамоту, рекъ: «по сей грамотѣ дадите  
1043 дань.» Бяше же Ярослав<sup>1</sup> хромоногъ, но

умомъ совершенъ и храборъ на рати, и христіанъ, чтяше самъ книги.

Въ лѣто 6544. Родися Ярославу пятой сынъ Вячеславъ. Того же лѣта придоша Печенѣзи на Кіевъ; великому же князю Ярославу сушу въ Новѣгородѣ, прииде ему вѣсть, яко Печенѣзи обьстоятъ Кіевъ; великій же князь Ярославъ, събравъ воа многы, Варягы и Словяни, прииде къ Кіеву веснѣ, и вниде въ градъ свой. И Печенѣгъ бес числа видѣвъ, великій же князь Ярославъ выступи изъ града, исполчи воа своа, и поставы Варягы посредѣ, а на правѣй странѣ Кіани, а на лѣвой странѣ Новгородци, и стаа предъ градомъ. И Печенѣзи почаша приступати, и съступишася на мѣстѣ, идеже есть нынѣ святаа Софіа, митрополіа Русскаа, бѣ то<sup>2</sup> тогда полъ града, и бысть сѣча зла, и едва къ вечеру одолѣ Ярославъ. И побѣгоша Печенѣзи разнѣ, и не вѣдаху камо бѣжати стѣнаху<sup>3</sup>: овѣи топляху(ся) въ Сѣтомли, а нинѣ же во иныхъ рѣкахъ, а нинѣ мнози избіени, а прокъ<sup>4</sup> ихъ пробѣгоша и до сего дне. Того же лѣта разгнѣвася Ярославъ на брата своего меншого Судислава, и всади его поймавъ въ порубѣ въ Псковѣ до живота его, оклеветанъ бо бѣ къ нему.

Въ лѣто 6545. Съвършенъ бысть великій градъ Кіевъ, и церковь святаа Софіа съвършена; а у града враты Златы. Того же лѣта великій князь Ярославъ митрополію устави и двѣ церкви постави, на Златыхъ воротѣхъ Благовѣщеніе и святаго мученика Георгіа, октября 26, и ины многы церкви постави, а монастыря устрои. При семъ паче нача вѣра христіанская разширится и плодиться по всей земли Русской.

Въ лѣто 6546. Иде великій князь Ярославъ

къ Кіеву веснѣ; а на зиму ходи на Атъягы, и не можаху ихъ взяти.

Въ лѣто 6547. Священна бысть церковь святаа Богородица митрополитомъ Феопемтомъ, яже създа князь великій Владимиръ, отецъ Ярослав(л)ъ.

Въ лѣто 6548. Иде Ярослав<sup>5</sup> на Литву.

Въ лѣто 6549. Иде князь великій Ярослав<sup>6</sup> на Мазовшаны въ лодіахъ.

Въ лѣто 6550. Иде Володимеръ, сынъ Ярославъ, изъ Новгорода на Ъмъ, и побѣд(и) ихъ, и плѣни множество Ими; и помроша кони у вой Владимеровыхъ, яко еще дышущемъ имъ, здираху<sup>7</sup> кожи съ нихъ съ живыхъ: толики бѣ моръ на кони.

Ходилъ Володимеръ Ярославичъ на Царѣградъ. Въ лѣто 6551. Веснѣ послаа князь великій Ярославъ сына своего Владимира на Греки, и далъ ему воа многы, Варягы, Русь, а воеводст(в)о поручи Вышатѣ, Яневу отцу. И поиде Владимиръ на Царѣградъ въ лодіахъ, и прошедше пороги, и пришедше во Дунай, рекоша Русь Владимиру: «станемъ здѣ на поли;» а Варязи рекоша: «поедемъ подъ городъ.» И послуша Владимиръ Варягъ, и отъ Дунаа поиде къ Царуграду съ вой по морю. Греци же видѣвъше, изыидоша на море, носяще (съ) собою честныа иконы и кресты, и начаша погружати въ море пелены Христовы съ мощи святыхъ, (и) иконы, и Божіимъ гнѣвомъ възмутися море, и громъ бысть великъ и силенъ и бысть буря велика, и начатъ корабли разбивати, и разби корабли; и князь корабль разби въ Владимеровъ вѣтръ, и едва Іоаннь Творимирь князя Владимира всади<sup>8</sup> въ свой корабль и воеводу Ярослава. Прочіи же вой Владимерови вывержени быша на брегъ, числомъ 6000, и стаа на брезѣ назн, и хотяху понти въ Русь, и не иде съ ними никтоже отъ княжіе<sup>9</sup> дружины. Вышата же воевода,

(1) Въ подлинникѣ: ярославъ. (2) Тамъ же: бо. (3) Тамъ же: бѣжати а стѣною а. (4) Тамъ же: пророкъ. (5) Тамъ же: ярославъ. (6) Тамъ же: ярославъ. (7) Тамъ же: здирати. (8) Тамъ же: всади всади. (9) Тамъ же: отъ княженіе и.

видѣвъ дружину свою стоащу, съжаливси, рече: «не иду ко Ярославу;» и выиде къ нимъ ис корабля и рече Вышата: «азъ иду съ ними; рка: аще живъ буду, (то) съ ними<sup>1</sup>; аще ли погыбну, т(о) съ дружиною;» и поидоша, хотяще въ Русь. И бысть вѣсть Грекомъ, яко избыло море Русь, и то слышавъ царь Манагидій, яко Русь избыло море, и посла царь Коньстантинъ Манамахъ по Руси въ слѣдъ оладій 14 съ дружиною; Владимиръ же видѣвъ съ войскомъ своимъ, яко идуть по нихъ Греци, и възвратися на нихъ Володимеръ, избивъ вся оладіи Греческыя, и възвратися въ Русь. Вышату же аша съ изврженными на брегъ, и приведоша къ Царюграду, и ослѣпиша Руси много; по трехъ же лѣтѣхъ минувшу и миру бывшу пущень бысть Вышата къ Ярославу и съ инѣми въ Русь. Тои же осени вдасть князь великій Ярослав сестру свою за Казимира Болеславича Лятского. И въ та лѣта обидяше Мязаветцкій князь Мовславъ Казимира, и ходи Ярослав дваци на Мазовшаны въ лодіахъ, и рече Казимиру: «егда отецъ твой побѣдивъ мене и плѣнилъ люди моа за ся, то дай ми ихъ за вѣно.» И събра Казимиръ люди Ярославлихъ полоненихъ 800 человекъ, кромѣ женъ и дѣтей, и вда за вѣно Ярославу, шурина своему. Сей же Казимиръ Болеславичъ вдасть свою сестру за князя Изяслава Ярославича.

Въ лѣто 6552. Выгребоша два князя, Ярополка и Ольга Святославичевъ, Володимера великого братію, и крестиша кости ихъ, и положиша ихъ въ церкви святыхъ Богородица въ Володимерѣ. Того же лѣта ходилъ Ярослав на Литву; а на весну заложилъ Новгородъ<sup>2</sup>, и здѣла его. Того же лѣта умре князь Брячеславъ Полотскый, сынъ Изяславъ, внуку великого князя Владимира; и по немъ сѣде на столѣ его Полотцку сынъ его Всеславъ, егоже роди мати отъ влѣхванія; мат(ер)и бо

родивши его, бѣ ему на главѣ яма; и рекоша 1043 влѣсви матери его: «се<sup>3</sup> язвено навязи на 1052 нь, да носить до живота своего Всеславъ на себѣ;» сего ради немилостивъ четь на кровопролитіе.

Въ лѣто 6553. Заложилъ Владимиръ церковь святую Софію въ Новѣгородѣ.

Въ лѣто 6554. Иде Ярослав<sup>4</sup> третіе на Мазовшаны, и побѣди а, и князя ихъ Мовслава уби, и покори землю ту Казимиру, зятю своему, Лятцкому.

Въ лѣто 6557, мѣсяца марта въ 4 день, въ день суботный, сѣгорѣ церкви святаа Софія въ Новѣгородѣ; баше же честно устроена<sup>5</sup> и украшена, 13 вѣховъ имуща, а стоала конецъ Пискупли улицы, надъ Влѣхвомъ, идеже нынѣ поставилъ Сѣтокмо<sup>6</sup> дерковь каменну Бориса и Глѣба.

Въ лѣто 6558. Священна бысть церковь Софія въ Новѣгородѣ, мѣсяца сентебра 14, на Въздвигеніе честнаго креста, повелѣніемъ князя великаго Ярослава Владимировича Киевского и всеа Руссиа, и сына его, князя Владимира Ярославича, и архіепископа Новгородскаго Луки. Того же лѣта преставился великаа княгиня Ярославля, февраля въ 10 день.

Въ лѣто 6559. Князь великій Ярослав, събравъ епископы Русскіа, поставилъ митрополита святѣй Софіи Киеву именемъ Иларіона Русина.

Въ лѣто 6560. Преставился князь великій Володимеръ Ярославичъ Новгородскій въ Новѣгородѣ, мѣсяца сентабрия въ 4, въ недѣлю; и положень бысть въ святѣй Софіи, юже сзда. Былъ на княженіи 19 лѣтъ, а всѣхъ лѣтъ его 33. О началѣ Печерскаго манастира. Того же лѣта прииде Антоній изъ Святыхъ горы, и нача жити въ печерѣ, юже прежде ископа Ларіонъ, егоже поставилъ Ярославъ митрополитомъ. О дѣмественомъ пѣтніи

(1) Въ подлинникѣ: съ ними. (2) Тамъ же: новгородѣ. (3) Тамъ же: все. (4) Тамъ же: Ярославъ. (5) Тамъ же: устроения. (6) Въ Полн. Собр. Лѣт. Т. V, стр. 438: сотко.



1052 на Руси. Того же лѣта приидоша изъ Грекъ  
1059 3 пѣвци съ роды своими въ Кіевъ.

Въ лѣто 6561<sup>1</sup>. Родися Всеволоду Ярославичу сынъ отъ царици Грекини Манамахы, и наречень бысть Владимиръ Манамахъ, дѣднимъ произвищемъ; бѣ бо за Всеволодомъ дщи Греческаго царя Костантина Манамаха.

О преставленіи великаго князя Ярослава Владимировича. Въ лѣто 6562. Князь великій Ярославъ прежде своей смерти призва сыны своя, рече имъ: «се азъ отхожу свѣта сего, сынове мои; имѣйте межю собою любовь, понеже вы есте братія единого отца и матери. Да аще будете въ любви между собою, Богъ будетъ въ васъ, и покорить<sup>2</sup> вамъ противныя, и будете мирно живущи; аще ли будете въ ненависти живущи, въ расприхъ и которающа, то погыбнете сами и потеряете землю отцовъ вашихъ и дѣдъ вашихъ, иже налѣзоша трудомъ<sup>3</sup> своимъ великимъ; но пребывайте мирно живущи, послушающе брата брата. Се же поручаю въ себе мѣсто столъ свой старѣйшему брату вашему, а своему сыну, Изяславу Кіевъ, сего же послушайте, якоже послушасте мене, да тотъ вы будетъ въ мене мѣсто; а Святославу Черниговъ, а Всеволоду Переяславъ, а Игореву Володимиръ, а Вячеславу Смоленскъ.» И тако раздѣли имъ грады, заповѣдавъ имъ не преступати въ предѣлы братня, ни изгонити брата брата; и рече къ Изяславу: «аще кто въсхощетъ обидѣти брата своего, то<sup>4</sup> ты помогай, егоже обидятъ»; и тако поучивъ сыны своя пребывати въ любви, и распусти ихъ. Самому же болѣу сущу, и пришедъ Вышегороду, разболѣся велики. Изяславу сущу тогда княжащу въ Туровѣ, а Святославу въ Володимери, а Всеволоду у отца; бѣ бо той любимъ отцемъ паче всеа братіи, егоже имаше всегда<sup>5</sup> у себе. Ярославу

же приспѣ конецъ житія, и предасть душу свою мѣсяца февраля 20, въ субботу 1 недѣли поста, на память иже во святыхъ отца нашего Лва, папы Римскаго. Всеволодъ же спрятавъ тѣло отца своего, и везоша его къ Кіеву, попове поюще обычныя пѣсни, и плакашася по немъ вси людіе; и привезше положиша его въ рацѣ мраморнѣ въ церквѣ святыя Софіи. Живъ же всѣхъ лѣтъ 76. И прииде Изяславъ къ Новогороду<sup>6</sup>, и посади Остромира въ Новѣгородѣ; и иде Остромиръ съ Новогородици на Чюдъ, и убиша его Чюдъ<sup>7</sup>, и паде много съ нимъ Новогородцевъ. И пакы Изяславъ иде на Чюдъ, и взя оубѣ Кевиди, сирѣчь Солнца рука.

Начало княженія Изяславля Ярославича въ Кіевѣ. Въ лѣто 6563, кругъ солнцу 12, а луны 9, индикта 11. Прииде Изяславъ къ Кіеву, и сѣде на столѣ отца своего въ Кіевѣ, а Святославъ въ Черниговѣ, Всеволодъ въ Переяславѣ, Игорь Володимиръ, Вячеславъ въ Смоленскѣ. Того же лѣта приходи Болунъ съ Половци, и сѣтвори Всеволодъ миръ съ нимъ, и възвратившася Половци въспять, откуда бѣша пришли. Того же лѣта клевета бысть на Новогородскаго архіепископа Луку отъ своего холопа Дудики, и изыде изъ Новогорода и иде къ Кіеву, и осуди его митрополитъ Еремъ; и пребысть тамо 3 лѣта.

Въ лѣто 6565. Преставися князь Вячеславъ<sup>8</sup>, сынъ Ярославъ, въ Смоленскѣ; и посадиша Игоря на Смоленскѣ, виведъ изъ Володимера. Тогда бысть игумень Феодосій Печерскій.

Въ лѣто 6566. Князь великій Изяславъ Ярославичъ побѣди Голядь. Того же лѣта архіепископъ Лука пріи престолъ свой въ Новѣгородѣ и свою власть; Дудикъ же холопу устны и носъ срѣзаша и обѣ рупѣ усѣкоша.

Въ лѣто 6567. Князь великій Изяславъ

(1) Въ подлинникѣ: 6061. (2) Тамъ же: покорити. (3) Тамъ же: съ трудомъ. (4) Тамъ же: по. (5) Тамъ же слово: всегда объяснено на полѣ словомъ: присно. (6) Тамъ же: къ новгороду. (7) Тамъ же: на чюдъ. (8) Тамъ же: Вячеславъ.



Ярославичъ и братіа его Святославъ и Всеволодъ высадиша стрѣя своего Судислава ис поруба, сѣдившаго въ Псковѣ лѣтъ 24, заводиша его ротѣ, цѣлова крестъ, и бысть чернецъ, и ведегоша его къ Кіеву.

Въ лѣто 6568. Преставися князь Игорь Ярославичъ въ Смоленскѣ; княжилъ по братѣ Вячеславѣ три лѣта; и раздѣлиша Ярославичи Смоленскъ себѣ на три части. Того же лѣта преставися архіепископъ Новгородскій Лука, идя ис Кіева, на Коньскѣ, мѣсяца октября 15, того же мѣсяца преданъ гробу своимъ клиросомъ, бывшу ему епископомъ 23 лѣта. Се же считаетъ выкладъ лѣта, которіе Лука на столѣ былъ, а тѣхъ не считаетъ, что былъ Лука три лѣта въ Кіевѣ оклеветанъ, а всѣхъ лѣтъ его отъ поставленія до смерти 27; то есть Жирята. А отъ Акыма 3 лѣта владыки не было въ Новѣгородѣ. Того же лѣта князь великій Изяславъ Ярославичъ съ братією Святославомъ Черниговскимъ и Всеволодомъ Переяславскимъ, и съ ними Всеславъ Брячиславичъ Полотскій, съвокупиша воа многы, и поидоша на конихъ и въ лодіяхъ, бесчисленное множество, на Торкы. Се слышавше Торци, пробѣгоша и до сего дня, и помроша бѣгающе, Божіимъ гнѣвомъ гонимы, овінъ отъ зимы и отъ глада погыбоша судомъ Божіимъ; и тако избави Господь христіанъ отъ поганыхъ. Того же лѣта князь великій Изяславъ<sup>1</sup> Ярославичъ ходы на Солю, и дань даяти заповѣда 2000 гривень; они же поручышеся, и изгнаша данники, на весну же пришедше повоеваша села около Юріева, и градъ и хоромы пожгоша, и много зла сътвориша, и до Пскова доидоша воююще; и идоша противу имъ Псковичи на сѣчу и Новгородци, и паде Руси 1000, а Солъ бес числа.

Въ лѣто 6569. Приидоша прѣвое Половци на Русскую землю воевати, Всеволодъ же Ярославичъ изыиде противу имъ, мѣсяца февраля 2

день; и бившимся<sup>2</sup> имъ, побѣдиша Всеволода, 1059 и всеваши отыидоша. Се бысть прѣвое зло 1065 отъ поганыхъ и безбожныхъ врагъ; бѣ же у нихъ князь именемъ Соколъ. Того же лѣта поставленъ бысть Новугороду архіепископомъ Стефанъ, а въ Новѣгородѣ лѣта того еще князь Ростиславъ Владимировичъ.

Въ лѣто 6571. Преставися Судиславъ Володимировичъ, братъ Ярославъ, и погребоша его въ церкви святаго Георгія; былъ въ чрънцехъ 4 лѣта по заточеніи.

Въ лѣто 6572. Князь Ростиславъ Володимировичъ побѣждавъ изъ Новогорода, и съ нимъ бѣжа Порѣй, Вышата, сынъ Остромиръ, воеводы Новгородского; и пришедше къ Тмутороканю, и выгна Глѣба Святославича, и самъ сѣде въ немъ въ его мѣсто, бѣша двою брату дѣти; Святославичъ же Глѣбъ жаловася отцу на Ростислава.

Въ лѣто 6573. Прииде Святославъ<sup>3</sup> Ярославичъ съ сыномъ, княземъ Глѣбомъ, къ Тмутороканю на Ростислава; Ростиславъ же выступи изъ града, и отыиде кромѣ, не убоився, но не хоташе стати противу стрѣя своего, ни оружія взяти противу ему. Святосла(въ) же пришедше Тмутороканю посади въ немъ сына своего Глѣба, и възвратися на столѣ свой; Ростиславъ же опять пришедъ, выгна Глѣба изъ Тмуторокани, и сѣде самъ, Глѣбъ же иде къ отцу своему. Того же лѣта Всеславъ Брячиславичъ Полотскій рать почалъ: прииде къ Пскову ратию и перси былъ пороки. О знаменіихъ. Въ си же времена явися знаменіе на западѣ, звѣзда превалика, луча имуща кровавы, въсходящи съ вечера на заходѣ солнечнѣмъ<sup>4</sup>, и пребысть за 7 дній; се же проявляше не на добро, посемъ же быша усобицы многы и нашествіе поганыхъ на землю Русскую; снъ бо звѣзда бысть акы кровава, проявляющи кровопролитіе. Чюдо. Того же лѣта въврѣженъ бысть дѣтищъ въ

(1) Въ подлинникѣ: изяславъ. (2) Тамъ же: бившимся. (3) Тамъ же: святославъ. (4) Тамъ же: слнечнѣмъ.

1065 рѣку Сѣтомль, егоже дѣтища вывлекоша ры-  
 1066 болове въ неводѣ въ Кіевѣ, егоже смотрихоу  
 весь день до вечера, и паки въврьгоша его  
 въ воду, бѣше бо на лицѣ ему срамніи уди,  
 а иного нелзѣ и ска(за)ти срама ради. Прелъ  
 сѣмъ же временемъ солнце премѣнися, и не  
 бысть свѣтло, но акы мѣсяць бывъ, егоже  
 невѣгласи глаголють сѣдаему сушу. Сіа же  
 бывають знаменія не на добро; мы бо по сему  
 разумѣмъ<sup>1</sup>, якоже древле въ Іерусалимѣ (слу-  
 чися) въ царство Антиохова Сирійскаго, сына  
 Селевкова, иже Епифаній тлѣкуется корень  
 грѣха, осмый по Александрѣ Макидонскомъ.  
 Предъ сего Антиоха нахоженіемъ за 40 днѣй  
 начать являтися въ Іерусалимѣ внезапно на  
 въздухъ на конихъ рыщущимъ, въ оружїи,  
 златыи имуща одежда, и полки обоамы являют-  
 ся<sup>2</sup>, оружїемъ движашимся; се же проявляше  
 нахоженіе Антиохова и нашествіе рати. По-  
 семь же при Неронѣ, въ томъ же Іерусалимѣ,  
 восіа звѣзда копейнымъ образомъ; се же имѣ-  
 ше нахоженіе рати отъ Римлянъ. И паки  
 бысть при Устыніанѣ цари, въ Цариградѣ,  
 звѣзда восіа на западѣ, луча испускающая,  
 юже прозывааху блисталицу, и бысть блис-  
 тающе 20 днѣй, посемъ же бысть звѣздамъ  
 теченіе съ вечера до утра, и мнѣти всѣмъ,  
 яко звѣзды падаютъ, и паки солнце безъ лучъ  
 сіаше; посемъ бо крамолы человекѣмъ и умер-  
 твіа бѣше. Паки же при Маврикіи цари бысть  
 сице: жена дѣтищъ роди безъ очію и безъ  
 рукъ, въ чреслѣхъ ему бѣ рыбей хвостъ при-  
 росль; и песь родися о шти ногъ. Въ Афри-  
 кіи<sup>3</sup> же родистася два дѣтища, одинъ о че-  
 тырехъ ногахъ, а другой о дву головахъ. По-  
 семь же бысть при Константинѣ Копронимѣ,  
 иконоборцѣ, сынѣ Лва Исаврійскаго, теченіе  
 звѣздою бысть на небесѣхъ, отторгаху бо ся  
 на землю, яко видящимъ имъ мнѣти кончину  
 сушу; тогда же и въздухъ възліяся повелику;

въ Сириі же бысть трусь великъ, земли разсѣд-  
 шися тремъ попрѣмъ, изыде дивно и(зъ) земли  
 мѣска, человѣческимъ гласомъ вѣщающе,  
 проповѣдающе нашествіе языкъ, еже и бысть:  
 наидоша бо Срачины на землю Пала(с)тин-  
 скую. Знаменія бо на небеси, или въ звѣздахъ,  
 или въ солнцѣ, или птицами, или инымъ нѣко-  
 имъ не на добро бываетъ; но сіа знаменія  
 бывають на зло, или проявленіе рати, или  
 гладъ, или смерть проявляютъ.

Въ лѣто 6574. Ростиславу<sup>4</sup> Владимировичю  
 Новгородскому сушу Тматораканю, и емлю-  
 щу дань у Касогъ и у иныхъ странъ, сего  
 убоявшеся Греци, послаша къ нему съ лестїю  
 Котопана, съ отравою, еже смертвити его; оно-  
 му же пришедшу къ Ростиславу, и бывшу<sup>5</sup> ему  
 челомъ въ службу, Ростиславъ же прїять  
 его, и чтиаше его и (в)вѣрившися ему. Единую  
 же піюшу Ростиславу з боляры своими, и  
 на томъ пиру испи Котопанъ, къ князю рече:  
 «здравъ буди, княже! хочу ти пити»; князь  
 же рече: «пій.» Онъ же испивъ половину, а  
 другую половину дасть князю пити, дотиснувъ  
 палцемъ въ чашу, бѣ бо имѣа подъ ног-  
 темъ раствореніе смертное, и подавъ чашу,  
 рекъ до осмаго дне смерть. Бѣ же той пиръ на  
 възвращеніе мощемъ Іоанна Златоустаго.  
 Князь же того не разумѣвъ, испи чашу, Ко-  
 топанъ же тое ноши побѣже, и пришедшу  
 ему въ Корсунъ, повѣдаше, яко въ сій день  
 Ростиславъ умре(тъ), якоже и бысть; и убиша  
 Корсунци Котопана каменіемъ. Бѣ бо Рос-  
 тиславъ мужъ добръ, възрастомъ лѣтъ<sup>6</sup> и  
 лицемъ красенъ, на рати легокъ и храбръ, и  
 милостивъ къ убогимъ; успе мѣсяца февраля  
 въ 3 день, тамо и положенъ бысть въ церкви  
 святыа Богородица, юже създаде Мъстиславъ  
 Володимировичъ. Того же лѣта князь Всеславъ  
 Полоцкій Брячиславичъ взявъ Новгородъ  
 и пожже; а потомъ на 3-е лѣто побѣдиша

(1) Въ подлинникѣ: не разумѣмъ. (2) Слѣдуетъ читать: полки объявляюще. (3) Въ подлинникѣ: въ африкѣ.  
 (4) Тамъ же: ростиславу. (5) Тамъ же: бывшу. (6) Тамъ же: былъ.

Новгородци Всеслава. Бысть же сие: заратися Всеславъ и взя Новгородъ, и пожже до Неровского конца; и поима все въ святѣй Софіи, и паникадила и колоколы, отъиде. Ярославичи же тріе, князь великій Изяславъ, и Святославъ, и Всеволодъ, съвокупиша вои, идоша на Всеслава Полотцкаго, зимѣ сущи велицѣ; и придоша къ<sup>1</sup> Менску, и Мениане затворишася въ градѣ; князи же взяша градъ Менескъ<sup>2</sup> (и) иссѣкоша мужи, а жены и дѣти даша на щить. И поидоша къ Немизѣ, и ту выиде противу ихъ Всеславъ, и съвѣкупишася обои на Немизѣ, марта 3 день, бѣ бо снѣгъ великъ, и поидоша противу себѣ; и бысть имъ бой великъ и сѣча зла, многы падоша, и одолѣша Ярославичѣ, а Всеславъ побѣже. Посемъ же, мѣсяца іуля въ 10 день, тріе Ярославичи, князь великій Изяславъ, и Святославъ<sup>3</sup> и Всеволодъ, цѣловаша крестъ къ Всеславу, и послаша къ нему, глаголюще: «прииди къ намъ, яко не сътворимъ ти зла.» Онъ же надѣяся на крестное цѣлованіе, иде къ нимъ на Ршу, поиде въ лодѣи черезъ Дѣпръ. Изяславу же въ шатеръ предъидушу, а Всеславу по немъ идущу, и яша<sup>4</sup> Всеслава на Рши у Смоленска, преступивше<sup>5</sup> крестъ. Изяславъ<sup>6</sup> же приведъ Всеслава къ Кіеву, всади его въ порубъ и съ двѣма сынома. Преступленіе крестное.

Въ лѣто 6576. Придоша иноплеменици, мнози Половци, на Русскую землю, князь же великій Изяславъ и братіа его Святославъ и Всеволодъ изыдоша противу имъ на Алто; и бывши нощи, поидоша противъ себе, грѣхъ ради нашихъ пусти<sup>7</sup> Богъ на ны Половецъ поганыхъ, и побѣгоша Русстѣи князи. Великому князю Изяславу къ Кіеву прибѣгшу, а Святославъ къ Чернигову, и людіе Кіевстѣи прибѣгоша къ Кіеву, и сътвориша вѣче на торжищи, и рѣша, пославшеся къ князю Изяславу: «а се Половци

разсунулися по земли; дай, княже, оружіе и 1066 кони, еще бѣеся съ ними.» И не послуша ихъ 1068 Изяславъ. И начаша людіе говорити на воеводу на Косняча; (и) идоша на гору съ вѣща, и приидоша на дворъ Коснячевъ, и не обрѣтше его, стаха у двора Брячислава, и рѣша: «пойдемъ, высадимъ дружину свою ис погреба.» И раздѣлишася на двое: половина ихъ иде къ погребу, а половина ихъ иде по мосту; сѣи же придоша<sup>8</sup> на великого князя дворъ. Великому князю Изяславу сѣдѣшу на сѣнехъ съ бояры своими, и начаша Кіане претися съ великимъ княземъ. Стоаще(мъ) долѣ, князю великому изъ оконца зрящу, а бояре стояще у князя, рече Туку, братъ Чудинъ, великому князю: «видиши ли, княже, людіе възвыли<sup>9</sup>; послѣ, даждъ Всеслава блюдуть.» И с(е) ему глаголющу, другаа половина людіи прииде отъ погреба, отворивше погребъ и Всеслава высадилша. И рѣша бояре великому князю: «се зло есть; послѣ къ Всеславу, да призвавши сего къ оконцу лестію, и пронзуть его мечемъ;» и не послуша сего князь великій. Людіе же кликнуша, и идоша къ погребу Всеславу; князь же великій (се) видѣвъ, съ Всеволодомъ побѣгоста з двора<sup>10</sup>, людіе же высѣкоша Всеслава ис погреба, 15 сентебра, и поставиша его посреде двора великого князя, и дворъ великого князя разграбиша, бесчисленное множество злата и сребра, и кунами и бѣлію. Князь же великій Изяславъ бѣжа въ Ляхы къ шуринову сыну, къ Болеславу. Посемъ же Половцемъ воюющимъ по земли Русстѣи, Святославу сущу въ Черниговѣ, и Половцемъ воюющимъ около Чернигова, Святославъ же събравъ дружины нѣколко<sup>11</sup>, изыиде на ня къ Сновску; и узрѣша и Половци идуща, бой пристроилша противу. И видѣвъ Святославъ множество ихъ, рече дружинѣ

(1) *Въ подлинникѣ:* ка. (2) *Тамъ же:* каменескъ. (3) *Тамъ же:* святославъ. (4) *Тамъ же:* яше. (5) *Тамъ же:* преступивше. (6) *Тамъ же:* изяславъ. (7) *Тамъ же:* пусты. (8) *Тамъ же:* приидоста. (9) *Тамъ же:* възвесаилиша да. (10) *Тамъ же:* здора. (11) *Тамъ же:* дружинѣ нѣколко.

1068 своей: «потягнемъ, братиѣ; уже намъ нелѣзъ  
1071 дѣти камо ся.» И удариха въ кони, и одолѣ

Святославъ въ трехъ тысящахъ, а Половецъ бѣ 12,000, и тако бѣиши, а другыя истопноша въ Снови, а князя ихъ яша руками, въ 1 ноебря; и вѣзвратися Святославъ Ярославичъ съ побѣдою въ градъ свой Черниговъ. Всеславъ же Брячиславичъ сѣде въ Кіевѣ. Се же яви Господь Богъ нашъ силу крестную, зане князь великій Изяславъ цѣловавъ крестъ и я Всеслава, тѣмже наведе Богъ поганыхъ, сего же явѣ избави крестъ честный; въ день бо Въздвиженія Всеславъ въздхнувъ, и рече: «о кресте честный! понеже въ тебе вѣровахъ, избави мя отъ рова сего.» Богъ же показа силу крестную на показаніе земли Русскѣй, да не престопають честнаго креста, цѣловавшие его; аще ли преступить кто, то издѣ приметъ казнь, и на предъидущимъ вѣщъ муку вѣчную приметъ, зане велика есть сила крестнаа. И сидѣ Всеславъ въ Кіевѣ 7 мѣсяць. Того же лѣта иде владыка Стефанъ Новгородскій въ Кіевъ, и тамо свои холопи удавиша его.

Въ лѣто 6577. Понде князь великій Изяславъ съ Болеславомъ Лятскимъ на Всеслава, Всеславъ же понде противу; и прииде Всеславъ къ Бѣлугороду, и бывши ноци, утанвися Кіань, бѣжа изъ Бѣлугорода къ Полотску. Заутра же видѣвши людѣ бѣжавша князя, вѣзвратившеся ко Кіеву и сѣтворивше вѣще, послаша къ Святославу въ Черниговъ и къ Всеволоду въ Переяславъ, глаголюще: «мы зло сѣтворихомъ князю своему, прогнавши его, а се и ведетъ на ны Лятскую землю; а пондѣта въ градъ отца своего; аще ли не хотите, то намъ неволя: зажегше градъ свой, ступимъ въ Греческую землю.» И рече имъ Святославъ: «послевѣ къ брату своему, да аще поидетъ на вы съ Ляхы погубиты васъ, то мы противу ему ратію вдемъ, не дамы бо

погубити града отца своего; аще ли хочеть принѣти съ миромъ<sup>2</sup>, то въ малѣ приндетъ силѣ.» И утѣшиста Кіань. Святославъ же и Всеволодъ посласта къ брату Изяславу, глаголюще: «Всеславъ<sup>3</sup> ти бѣжалъ, а не води Ляховъ къ Кіеву: противниа ти нѣту; аще ли хочещи гнѣвъ имѣти, погубити градъ, то вѣси, яко намъ жалѣ отца своего стола.» То слышавъ Изяславъ, оставы Ляхы, понде съ Болеславомъ, мало Ляховъ поимъ; посла же предъ собою сына своего Мѣстислава къ Кіеву. И прииде Мѣстиславъ, и исѣче, ниже быша высѣкли Всеслава, числомъ 70 мужъ, а другыя слѣпи, инымъ носы рѣза, а иныхъ погуби не испытавъ. Великому же князю Изяславу идущу къ граду, изыидоша людѣ (съ) поклономъ противу, и посадиша князь свой въ Кіевѣ; и сѣде князь великій Изяславъ на столѣ своемъ, мѣсяца маіа 2 день. И распусти Ляхы на покорнѣ, и избывааху<sup>4</sup> Ляхы отай, и вѣзвратися Болеславъ<sup>5</sup> въ Ляхы, въ землю свою. Изяславъ же възгна торгъ на гору; и шедъ прогна Всеслава изъ Полотска, и посади сына Мѣстислава въ Полотску, онъ же скоро ту уири; и посади въ него мѣсто другаго сына своего Святполка; Всеславъ же бѣжа. Побѣди Всеслава князь Глѣбъ<sup>6</sup> съ Новгородци на Гзени, мѣсяца октября 23, на память святителя Іакова, брата Господня, въ пятокъ, въ 6 часъ дни; и велика бѣ сѣча тогда Вожакомъ; а заутра обрѣтеся крестъ князя Владимира въ святѣй Софїи на полатехъ, егоже взялъ бѣ князь Всеславъ ратію въ святѣй Софїи.

Въ лѣто 6578. Родися Все(олоду) сынъ, и нарекоша имя ему Ростиславъ. Того же лѣта заложена бысть церкви святаго Михаила, въ монастыры Всеволожи на Выдобичи.

Въ лѣто 6579. Повоеваша<sup>7</sup> Половци (у) Ростовца по Деснѣ и у Неатина. Въ се же лѣ-

(1) Въ подлинникѣ: приступитъ. (2) Тамъ же: съ миромъ. (3) Тамъ же: всеславъ. (4) Тамъ же: избывааху. (5) Тамъ же: болеславъ. (6) Тамъ же: глѣбъ. (7) Тамъ же: воеваша.

то выгна Всеславъ Святополка Изяславича изъ Полотска. Въ се же лѣто иде на Всеслава князь Ярополкъ Изяславичъ, и побѣди его у Голотичка. И въ си времена прииде влхвъ, прелщень бѣсомъ; пришедъ бо х Кіеву, глаголаше: «яко явило ми ся есть пять богъ, глаголюще сице: повѣдай людемъ, яко на пятое лѣто потечетъ Днѣпръ рѣка вспять, а землямъ превращатися и преступати (на) инаа мѣста, яко стати Греческой земли (на Руской земли), а Руской на Греческой земли, и прочіимъ землямъ измѣнятися.» Егоже невѣгласи послушааху, вѣрніи же насмѣяхуся, глаголюще: «бѣсь тобою играетъ на пагубу тебѣ;» еже и бысть ему, въ едину убо ночь безъ вѣсти бысть. Бѣси бо потокше на зло въводятъ, посемъ же насмѣхаются, вринувъше въ пропасть смертную, паучивше глаголати<sup>1</sup>, яко(же се) сказаніемъ бѣсовское наученіе и дѣйство. Бывши единою скудости въ Ростовстѣи области, и вѣстаста два влхва отъ Ярославля, глаголюще: «яко мы вѣдаемъ, кто обиліе дръжить;» и пондоستا по Волзѣ, где приндоستا въ погостъ, ту же нарицааху лучшаа жєны, глаголюще, яко сїи жито дръжать, а сїи медъ, а сїи рыбы, а сїи скору. И привожааху къ нима сестры своа, и жены своа и матери; они же въ мечтѣ прорѣзывааша за плечима, вынимаста изъ за кожіа любо жито, любо<sup>2</sup> рыбы, или виверицу, и убивахуть жены тѣ многы, а имѣніа ихъ възымахуть себѣ. И приндоستا на Бѣлоозеро; и бѣ у нихъ людій 300. Въ си же времена клячнся принти отъ Святослава Ярославича дань емлющу Яневи, Вышатину сыну; и повѣдаша ему Бѣлозерци, яко два кудесника избии уже множество женъ по Волзѣ и по Шексиѣ, и пришла еста сѣмо. Янъ же испытавъ, чья еста смерда, и увѣда, яко еста<sup>3</sup> его князя, пославъ къ нимъ иже<sup>4</sup> около ею суть, и рече имъ: «выдайте<sup>5</sup>

влхва та сѣмо, яко смерда моего князя и 1071 моа;» они же сего не послушаша. Янъ же поиде самъ безъ оружіа, и рѣша ему отроки его: «не ходи безъ оружіа, изсоромотятъ тя;» онъ же повелѣ отрокомъ своимъ взяти оружіе, и бѣ 12 отрокъ его съ нимъ, и поиде къ нимъ къ лѣсу. Они же стаа, исполчшася противу, а Яневи же идущу съ топоркомъ, и выступиша отъ нихъ три мужи, глаголющи Яневи: «видя идеши на смерть; не ходи». Яневи же повелѣвшу бити<sup>6</sup> а, къ прочимъ же поиде. Они же сунушася на Яна, и единъ грѣшися Яна топоромъ, а Янъ же обративъ топорокъ удари тыліемъ, и повелѣ отрокомъ сѣщи я<sup>7</sup>, они же бѣжаша въ лѣсъ; и убиша ту попина Янева. Янъ же вшедъ въ градъ, рече Бѣлозерцемъ: «аще не имете влхву сію, не иду отъ васъ за лѣто.» Бѣлозерци же шедше яша ихъ, и приведоша ихъ къ нему, и рече има Янъ: «что ради толико изгубисте человекъ?» Они же рекоша: «яко тїи дръжатъ обиліе, да истребивъ, избіевъ сихъ, и будетъ гобино; аще ли хоцєши, то передъ тобою вынемъ жито, или рибу, или иное что?» Янъ же рече: «по истиннѣ лжєта; сѣтворилъ бо есть Богъ человекъ отъ земля, составленъ костми и жилами и отъ крове, и нѣсть въ немъ ничтоже; а вы не вѣстє ничтоже, токмо Богъ единъ сѣвѣсть.» Они же рекоста: «вѣдаемъ, како есть человекъ сѣтворєнь.» Онъ же рече: «како?» Они же рѣша: «Богъ мывся и отрєся<sup>8</sup> вѣхтемъ, и сврѣже съ небєсе на землю; и распрѣлся сотона съ Богомъ, кому въ немъ сѣтворити человекъ? (и сѣтвори діаволъ человекъ), а Богъ въ немъ душу воложи; тѣмъже аще умрєтъ человекъ, въ землю идєтъ тѣло, а душа къ Богу.» Рече има Янъ: «по истиннѣ прєльстилъ вы бѣсь; коєму же вы богу вѣруєтє?» Они же рѣша: «антихристу.» Онъ

(1) Въ подлинникѣ: глаголаше. (2) Тамъ же: либо. (3) Тамъ же: яко ему. (4) Тамъ же: и иже. (5) Тамъ же: има выдайта. (6) Тамъ же: бити. (7) Тамъ же: е. (8) Тамъ же: сострєся.



1071 же (и)ма рекъ: «то гдѣ есть?» Она же рекоста: «сѣдѣть въ безднѣ.» (Онъ же рече): «то есть бѣсь, а Богъ есть сѣдѣй на престолѣ на небеси, славимый отъ аггелъ, иже предстоятъ ему съ страхомъ, не могуще на нь зрѣти; той же зверженъ бысть, егоже вы глаголете антихриста, за величаніе его съвръженъ бысть съ небеси, и есть въ безднѣ, якоже вы глаголете; и огда придетъ Богъ съ небесе, сего вамъ антихриста свяжетъ узами нерѣшимыми, и посадить въ огни вѣчною и съ слугами его (и) иже къ нему вѣрують; вамъ же и здѣ мука пріимати отъ мене, и по смерти тамо.» Онѣма же рекшима: «нами бози повѣдаютъ, не можеша нами сѣтворити ничьсоже.» Онъ же рече имъ: «лжуть вами бози.» Она же рекоста: «намъ предъ Святославомъ стати, а ты намъ не можеша сѣтворити ничьсоже.» Янъ же повелѣ бити<sup>1</sup> ихъ и поторгати брадѣ ею. Сима же біенома, и брадѣ поторганѣ проскѣпомъ, и рече имъ Янъ: «что вамъ бози молвять?» Онѣма же рекшима: «стати намъ предъ Святославомъ.» И повелѣ Янъ вложити имъ въ уста рубль, и привязати ихъ къ упрогомъ, и пусти предъ собою въ лоды, и самъ по нихъ поиде. И ста ша на усть Шексны; и рече има Янъ: «что вамъ бози молвять?» Она же рекоста: «сиче намъ<sup>2</sup> молвять, не быти нами живыми отъ тебе.» И рече имъ Янъ: «то то правду повѣдаютъ.» Она же рекоста: «аще наю пустиши, то много ти<sup>3</sup> добра будетъ; аще наю погубиши, то многу печаль и зло пріимеши.» Онъ же рече: «то аще ваю пушу, то зло ми будетъ отъ Бога; аще ли ваю погубить, тогда ми<sup>4</sup> будетъ отъ Бога.» И рече Янъ къ извозникомъ: «еликому отъ васъ племя побіено отъ сею?» Они же рѣша: мнѣ мати, а другому сестра. Онъ же рече: «мьстите родинѣ своихъ.» Они же поемше и убиша ихъ, и повѣсиса ихъ на дубѣ, отместіе пріемше отъ

Бога по правдѣ; а Яневи идущу домовъ, и въ другою ночь медвѣдь узрѣвъ, угрызъ ею<sup>5</sup>, снѣсть ихъ; и тако погыбнуста бѣсовскими наущеніемъ, инѣмъ видяща и гадающа, а своа пагубы не вѣдуше. Аще быста вѣдала, то не быста пришли на мѣсто се, идѣже ятома има быти; аще ли ята быста, то почто глаголаста: «не умрѣти нама,» оному мыслящу убити а? Но се есть бѣсовское наущеніе; бѣси бо не вѣдаютъ мысли человѣческыя, но влагаютъ помысль въ человѣка, тайны не свѣдуше. Богъ же единъ вѣсть помышленія человѣческаа, бѣси бо не свѣдаютъ ничьсоже: суть бо немощ(и)и и худи възоромъ. Яко и се скажемъ о взорѣ ихъ и о мраченіи ихъ. Въ си бо времена и въ лѣта приключися нѣкоему Новгородцу пріити въ Чюдь, и пріиде (къ) кудеснику, хотя влѣхвованія отъ него; онъ же, по обычаю своему, нача призывати бѣсы въ храмину свою. Новгородцу же сѣдѣшу на празѣ храмины тоа, кудесникъ же лежаше оцепенѣвъ, и шебе имъ бѣсь; кудесникъ же вставъ, рече Новгородцу: «бози не смѣють пріити, нѣчто имаши на себѣ, егоже боятся.» Онъ же помянувъ на себѣ крестъ, и отшедъ постави кромѣ храмины тоа; онъ же начатъ изнова призывати бѣсы, бѣси<sup>6</sup> же метавши имъ повѣдаша, что ради пришелъ есть. Посемъ же начатъ въпрашати его: «что ради боятся, его иже бѣ носишъ на себѣ креста?» Онъ же рече: «то есть знаменіе небеснаго Бога, егоже носиши, и наши бо бози боятся его.» Онъ же рече: «каковы суть бози ваши и где живутъ?» Онъ же рече: «бози наши живутъ въ безднѣ; суть же образомъ черни и крилати, и хвосты имуще, въсходятъ же и подъ небо, слушающе<sup>7</sup> вашихъ богъ; ваши бо бози на небеси суть, и аще кто умретъ отъ вашихъ людѣй, то възносимъ есть на небо; аще ли отъ нашихъ людѣй умираетъ, то носимъ есть нашимъ богомъ

(1) Въ подлинникѣ: и на. (2) Тамъ же: быти. (3) Тамъ же: на. (4) Тамъ же: ты. (5) Тамъ же: ли. (6) Тамъ же: угрызѣвъ. (7) Тамъ же: бѣсь. (8) Тамъ же: слушающихъ.



бываетъ въ бездну.» Якоже и есть: грѣшници бо въ адѣ суть, ждуще муки вѣчныя, а праведники въ небеснѣмъ жилищи въдваряются съ аггелы. Сипцева ти есть бѣсовская сила, и лѣпога, и немощь, тѣмже прелщаютъ чело-вѣкы, веляще имъ глаголати видѣнія, являющеся имъ, несвършенимъ вѣрою, являющеся въ снѣхъ, и нѣмъ въ мечтѣ, и тако вѣлхвуютъ наученіемъ бѣсовскимъ. Паче же женами бѣсовская влхвеніа бывають: искони бо бѣсъ прелсти жену, сн же мужа, тако (въ) вся<sup>1</sup> роди много влхвуютъ жены чародѣйствомъ, и отравою, и нѣмъ бѣсовскими козньми. Но и мужи прелщени бывають отъ бѣсовъ невѣрніи; яко се въ прѣвѣа роди при апосто-лѣхъ бысть Симонъ влхвъ<sup>2</sup>, иже творяше влшебствомъ исомъ глаголати чело-вѣчески, и самъ прменяшется, овогда старъ, овогда младъ, овогда иного премѣняше во иного образъ, въ мечтаніи сипце творяше; Анни и Замбрій противу Моисею влхвеніемъ чюдеса творяху; но и Кинопъ творяше мечтаніемъ бѣсовскимъ, яко и по водамъ ходити, (и) ина мечтаніа творяше, бѣсомъ лестимъ, на пагубу себѣ и нѣмъ. Сипцевъ же бѣ влхвъ всталъ при Глѣбѣ Святославичѣ въ Новѣгородѣ; глаголаше бо людемъ, творяся акы Богъ, и мно-гы прелести, маю не весь градъ, глаголаше бо, яко провидѣ вся, и хуляше въру хри-стіанскую, глаголаше бо: «яко преиду (по)Влх-хову предъ всѣми.» И бысть мятежъ великъ въ градѣ, и вси яша ему вѣры, и хотѣху по-бити епископа Теодора; епископъ же Теодоръ вземъ крестъ, облякъся въ ризы, ста, режъ: «ниже хочеть въру яти волхву сему, то за нимъ и деть; аще ли вѣруеть къ кресту, да и деть по немъ.» И раздѣлишася на двое: князь Глѣбъ и бояре его стаха у епископа, а людѣе вси идоша за влхва; и бысть мятежъ межи лю-дѣи. Глѣбъ же вземъ топоръ втай подъ<sup>3</sup> skutъ,

и приде къ волхву, и рече ему: «то вѣси ли, <sup>1071</sup> что утро хочеть быти, или что вечеръ?» Онъ <sup>1072</sup> же рече: «вѣмъ все.» И рече Глѣбъ: «то вѣси ли, что ти днесь<sup>4</sup> хочеть быти?» Онъ же рече: «чюдеса велика сѣворю.» Глѣбъ же выня топоръ, растя его, и паде мертвъ, и людѣе разыидошася; онъ же погыбе душею и тѣломъ, предався діаволу.

Въ лѣто 6580. Поставленъ бысть епископомъ Рост(ов)у Исаіа. О пренесеніи мощей свя-тою мученику Бориса и Глѣва. Того же лѣта бысть пренесенію время святыма муче-никома Романа и Давыда; съвокупившеся тріе братіа Ярославичи, князь великій Изяславъ, и Святославъ и Всеволодъ<sup>5</sup>, и митрополитъ Ге-оргій Кіевскій, и Неофитъ, епископъ Черни-говскій, Петръ, епископъ Переяславскій, Никита, епископъ Бѣлогородскій, Михайло, епископъ Юріевскій, игумень Феодосій Че-черскій, Софроній, игумень отъ святаго Муханла, Германъ, игумень отъ святаго Спа-са, и Николае Переяславскій, и прочіи вси игумени, и попове и діакони, и пришедше съ кресты, и съ кандыли и съ свѣщами многи-ми, идеже лежатъ телеса святою пречестней, и сѣтворивше молитву повелѣша окопати прѣсть, сущую на гробѣ святою. Копающемъ же имъ, искождаше благоуханная воня отъ гроба свя-тою; и окопавше изнесоша отъ земля; и приступивъ митрополитъ съ епископы и про-звѣтеры, съ страхомъ и любовію откры гробъ святою, и видѣша чюдо преславно: телеса святыхъ никакояже язвы не имуща, но все цѣло, и лица ихъ свѣтло бѣста яко аггела, яко дивитися архіепископу зѣло, и всимъ исполнившимся благоуханія многа. И сѣтво-риша празденство свѣтло, и вземше свя-таго Бориса въ рацѣ древнѣ князь великій Изяславъ и братіа его, Святославъ Черни-говскій и Всеволодъ Переяславскій, понесо-

(1) Въ подлинникѣ: сн. (2) Тамъ же: влхвовъ. (3) Тамъ же: пот. (4) Тамъ же слово: днесь повторено. (5) Тамъ же по ошибкѣ: мстиславъ.

1072 ша сами на раѣхъ своихъ, предѣдущимъ<sup>1</sup>

1073 чрънцемъ, свѣща дръжаще(мъ) въ рукахъ, и по нихъ діакони съ кандилы, таче и прозвытеры, и по сихъ митрополитъ и епископи, и по сихъ ношааху раку; и принесе и поставиша въ но(во)й церкви, юже сѣдѣла князь великій Изяславъ, яже стоитъ нынѣ. И отвориша раку, и исполнися церкви благоуханія и воня пречюдны; и вси видѣвше, и прославиша Бога. Митрополита же обыде ужасъ, бѣ бо нетвѣрду имѣа вѣру къ святымъ, и падъ ницъ просяше прощенія; и цѣловавши ноши его, и вложиша въ раку каменну. Посемъ же вземше святаго Глѣба въ рацѣ каменнѣ, вставивше на сани, и емши (за) ужа<sup>2</sup>, повезоша и; и яко быша въ дверехъ, и ста рака, не поступааше съ мѣста. И повелѣша народомъ звати: «Господи помилуй»; и молахуся Господевн (и) святымъ мученикомъ, и абіе подвижеся рака, и повезоша его, и положиша его мѣсяца маіа въ 2 день. И цѣловавше святаго Бориса главу, а святаго Глѣба руку вземъ митрополитъ, и благословяше великого князя Изяслава и братію его, Святослава и Всеволода; и пакы Святославъ емъ за руку митрополита, дръжаща святаго Глѣба ру(ку), и прилагааше къ вреду, имъже боляше на шіи, и посемъ къ очима и къ тѣмъни, и пакы положи руку въ гробъ; и начаша пѣти святую литургію. И рече Святославъ къ Бернгові: «нѣчто мя на главѣ бодетъ<sup>3</sup>»; и сня клобукъ, и видѣ Бернъ ноготь святаго Глѣба, и снятъ его съ главы и вдасть Святославу; онъ же прослави Бога о благодареніи святыхъ мученикъ Бориса и Глѣба. И по литургіи вся братія идоша каждо съ боляры своими, и обѣдаша вкупѣ съ любовію великою, бѣ бо тогда дръжа Вышегородъ Чюдинъ, а церковь Лазоръ, и празноваша празденство свѣтло, и много милостины сѣтвориша убогимъ; и цѣ-

ловавшеся, мирно разыдошася каждо въ свояси. И оттолѣ утвѣрдися таковой праздникъ мѣсяца маіа въ 2 день, въ славу святыхъ мученикъ Бориса и Глѣба. Бѣ же отъ убіенія ею святаго Бориса до пренесенія лѣтъ 57, а святаго Глѣба отъ погребенія до пренесенія лѣтъ 53, а не погребенъ былъ 4 лѣта, понеже Ярославъ бѣ воюяся съ Святополкомъ, того ради не възде ему помышленіе о телесехъ святою, токмо о воинственныхъ прележааше. Тако бо многажды случается челоукомъ: о каковѣ либо вещи сѣтворити отъ всея душа потщаніе, то и самую пищу оставляють, дондеже мысль свою скончаютъ.

О изгнаніи Изяславлн. Въ лѣто 6581. Въздвигне врагъ діаволь вражду въ Ярославичехъ. Бывши распри межи ими, быста заединъ Святославъ<sup>4</sup> съ Всеволодомъ на великого князя Изяслава; князь же великій Изяславъ изыде ис Кіева и бѣжа въ Ляхы, Святославъ же и Всеволодъ внидоша въ Кіевъ, мѣсяца марта въ 22 день, и сѣдоша на столѣ на Берестовомъ, преступивше заповѣдь отца своего. Святославъ же бѣ начало выгнанію братню, желаша большаа власти; Всеволода бо прельсти, глаголя: «яко Изяславъ единяетсѣ<sup>5</sup> съ Всеславомъ, мысля на н(а)ю; да аще его не попредимъ, имать на<sup>6</sup> прогнати»; и тако възостри Всеволода (на) Изяслава. Изяславъ же иде въ Ляхы съ имѣніемъ многымъ и съ княгынею, уповаа богатствомъ многымъ, глаголя: «яко симъ налѣзу воа»; еже вся взяша у него Ляхове, показаша ему путь отъ себе. А Святославъ сѣде въ Кіевѣ, прогнавъ брата своего, преступивъ заповѣдь отца своего<sup>7</sup>, великого князя Ярослава Володимировича, паче же Божію. Великъ бо есть грѣхъ преступати заповѣдь отца своего: ибо испрѣва преступиша сынове Хамови на землю Симову, по 400 лѣтѣхъ пріаша отищеніе отъ Бога, отъ племе(не)

(1) Въ подлинникѣ: впрѣдидущимъ. (2) Тамъ же: уже. (3) Тамъ же: будетъ. (4) Тамъ же: святославъ. (5) Тамъ же на полѣ это слово объяснено словомъ: сватается. (6) Тамъ же: на ю. (7) Тамъ же: твоего.

бо Симова суть Евреи, иже избыша Хананѣйско племѣ, и въспріаша свой жребій, свою землю. И пакы преступивъ Исавъ заповѣдь отца своего, и пріа убійство; не добро есть преступати въ предѣлы чюждаго. (О) основаніи церкви Печерскаго каменнаго Феодосіе(ва) монастыря, при великомъ князѣ Святославѣ Ярославичѣ на другомъ холмѣ, т. . . и монастырь при . . . , идеже и донынѣ ст . . . . Того же лѣта основана бысть церковь Печерскаго монастыря игуменомъ Феодосіемъ и епископомъ, митрополиту Георгію тогда сущу въ Грецѣхъ, Святославу въ Кіевѣ сѣдѣшу на великомъ княженіи.

О преставленіи игумена Феодосія Печерскаго. Въ лѣто 6582. Феодосій игумень Печерскій преставися. Скажемъ же и о успѣніи его мало. Феодосій бо обычай имѣаше, приходящу постному времени, въ недѣлю сыропустную, вечеръ, по обычаю цѣловавъ братію, поучити<sup>1</sup> ихъ, како проводить постное время въ молитвахъ ношнихъ и дневныхъ, и блюстися отъ лукавыхъ помышленій, отъ бѣсовскаго насажденія. «Бѣси бо» (рече) «въсѣвають помышленія чрнцемъ, похотѣнія лукава, вжагающе имъ<sup>2</sup> помысли, и тѣмъ врежаемы имъ бывають молитвы; да приходящаа таковыя помысли възбравяйте знаменіемъ креста, глаголюще сиче: Господи Ісусе Христе, Сыне Божій, помилуй насъ, аминь; и къ симъ въздржаніе имѣти отъ многого брашна; въ яденіи многѣ и питіи безмѣрнѣмъ възрастають помысли лукави, помысломъ же възростышимъ сѣтворяетъ(ся) грѣхъ. Тѣмже, рече, противитися бѣсовскому дѣйству и проиству ихъ, и блюстися отъ лѣности и отъ многого сна, и бодрю быти на нѣніе церковное, и на преданія отческаа, и почитанія книжнаа, паче же въ устѣхъ имѣти псалтырь Давыдовъ, подобаетъ

же черноризцемъ симъ прогонити бѣсовское<sup>1073</sup> уныніе, паче же всего имѣти любовь въ себѣ,<sup>1074</sup> меньшимъ къ старѣйшимъ покореніе и послушаніе, старѣйши(мъ) же къ меньшимъ любовь и наказаніе, и образъ бывати собою въздржаніемъ, и бденіемъ, и хожденіемъ, и смиреніемъ; и тако наказати меншаа, и утѣшати ихъ, и тако проводить постъ.» Глаголаше бо сиче: «яко Богъ намъ далъ есть чотыридесятъ днѣй сіа на очищеніе души и тѣлу; се бо есть десятина даема отъ лѣта Богу: днѣй бо есть отъ года до года<sup>3</sup> 365, и отъ сихъ днѣй десятый день въздаати Богу десятину, еже есть постъ сый 40-ный, въ няже дни очистившися душа, празнуеть свѣтло на Воскресеніе Господне, веселящися о Господи. Постное бо время очищаетъ умъ чловѣку. Пошеніе бо исперва въображено<sup>4</sup> бысть: Адаму пръвое не въкушати отъ древа единого; постивъ же ся Моисей днѣй 40, сподобися пріати законъ на горѣ Синаистѣй и видѣвъ славу Божию; постомъ Анна Самонла роди; постившеся Ниневгитяне Божія избыша гнѣва; постився Даниилъ сподобися великого видѣнія; постився Иліа на колесниці огненѣй взятъ бысть въ пищу породу<sup>5</sup>; постившеся тріе отроци угасиша силу огнени; постився Господь день 40, намъ показа постное время; постомъ апостоли искорениша ученіе бѣсовское; постомъ явившася отци наши (а)кы свѣтила въ мирѣ, иже сіають и по смерти, показавше<sup>6</sup> труды великия и въздржанія, яко се великій Антоній, и Еуфимій, и Сава, и прочіи отци, имже и мы поревнуемъ, братіе.» И сиче поучивъ братію, (цѣлова) всѣхъ по имени, и тако изыде изъ монастыря, възимаа мало ковригъ; и вшедь въ пещеру, затворяше дверь пещеры, изасыпаше перьстію, не глаголаше никомуже; аще ли будетъ нужное дѣло, то оконцемъ мало побесѣдоваше въ субботу или въ недѣлю, а во нынѣ дни пребываше

(1) Въ подлинникѣ: и поучивъ. (2) Тамъ же: влагающе ему. (3) Тамъ же: до гота. (4) Тамъ же: въображена. (5) Тамъ же: подруною. (6) Тамъ же: показавшу.

1074 въ постѣ и въ молитвахъ, въздрѣжася крѣпко; и  
1075 прихождаше въ монастырь въ пятокъ 6 недѣли на<sup>1</sup> канунъ въскресенія Лазарева, въ си бо день кончается постъ 40-ный, начинаемъ отъ прѣваго понедѣльника наставши Феодоровѣй недѣли, кончается въ пятокъ Лазаревъ, а страстная недѣля уставлена есть поститися страсти ради Господни. Феодосіевъ же пришедшу, по обычаю цѣловавъ братію, и празднова съ ними недѣлю<sup>2</sup> цвѣтную, и дошедъ великого дне Въскресенія, по обычаю празднова свѣтло, и впаде въ болѣзнь; разболѣвшю<sup>3</sup> же ся ему (и болѣвшу) днѣй 5, посемь бывши вечеру, повелѣ изнести ся на дворъ; братія же въземше, на санехъ поставиша прямо церкви. Онъ же повелѣ събрати братію всю; брать же удари въ било<sup>4</sup>, и събрашася вси; онъ же рече: «братія моа, и отци мои и чада моа! се азъ отхожду уже отъ васъ, якоже яви ми Господь въ постное время, въ пещерѣ сущи ми, изыити отъ свѣта сего; вы же кого хотите имѣти собѣ, да и азъ быхъ благословеніе подаю ему?» Они же рекоша ему: «ты еси отецъ намъ<sup>5</sup> всѣмъ, да егоже самъ изволиши, да той намъ будетъ отецъ и учитель игумень, послушаемъ его яко и тебе.» Отецъ же нашъ Феодосій рече: «шедше кромя мене рпите кого хотите, отъ старѣйшихъ и до мѣншихъ.» Они же послушаша его, отступиша мало въ церкви, здумаша и послаша два брата, глаголюще сице: «егоже изволи(тъ) Богъ и твоя честная молитва, егоже тебѣ любо, того намъ рпѣ.» Феодосій же рече имъ: «да аще хотите отъ мене пріати игумена, то азъ сѣтворю вамъ не по своему<sup>6</sup> изволенію, но по Божію устроенію.» И нарече имъ Іакова прозвытера; братія же нелюбъ бысть, глаголюще: «не здѣ постриганъ есть,» бѣ бо Іаковъ пришедь издавеча з братомъ съ Павломъ. И начаша братія просити Стефана демественника, да будетъ имъ

игумень, суща тогда ученика Феодосіева, глаголюще: «яко сей възрасль есть подъ рукою твоею, и уже бѣ послужилъ есть; сего ны выдай.» И рече имъ Феодосій: «се азъ по Божію повелѣнію нареклъ быхъ Іакова; се же вы свою волю творити хотите.» И послуша(въ) ихъ предасть имъ Стефана, да будетъ имъ игумень, и благослови Стефана, рече ему: «чадо, се предаю ти монастырь, блюди съ опасеніемъ<sup>7</sup> его, и яже устрои въ службахъ, то дръжи, преданія монастырскаа (и) устава не измѣняй, но твори вся по закону и по чину монастырскому.» И посемь въземше его братія и несоша въ келію, положиша его на одрѣ. И шестому дню наставшу, болну сущу ему велми, приде къ нему князь великій Святославъ съ сыномъ своимъ Глѣбомъ. Сидящимъ имъ у него, рече ему Феодосій: «се отхожду свѣта сего, се предаю ти монастырь на съблюденіе, еда буде что смятеніе въ немъ; и се поручаю игуменьство Стефану, и не дай его въ обиду.» Князь великій Святославъ цѣловавъ его, обѣщася монастыремъ пещися, и отъиде отъ него. Феодосію же приспѣ конецъ житію, и преставися мѣсяца маіа 3 день, на память святыхъ мученикъ Тимофеа и Маври.

Въ лѣто 6583. Придоша послѣ изъ Нѣмечъ къ великому князю Святославу, Святославъ же величався, показа имъ богатство свое; они же видѣвши множество бесчисленное злата, и сребра и паволокы, и рѣ(ша): «се не въ что же есть, се бо лежатъ мертво, (сего суть) кметіе<sup>8</sup> (лучше), мужи бо ся доншутъ болша снхъ.» Тако бо похвалися Іезекіа, царь Іудейскій, къ посломъ царя Асирійскаго, егоже (вся) взята быша въ Вавилонъ; тако и по сего смерти имѣніе разсыпаса разнѣ. Того же лѣта почата бысть дѣлати церкви камена въ Печерскомъ монастыри игуменомъ Стефаномъ демественикомъ, на основаніе Феодосіево.

(1) Въ подлинникѣ: нѣ. (2) Тамъ же: въ недѣлю. (3) Тамъ же: разболѣвши. (4) Тамъ же: било. (5) Тамъ же: мой. (6) Тамъ же: по ему ему. (7) Тамъ же: съ спасеніемъ. (8) Тамъ же: и сметіе.

Въ лѣто 6584. Преставися князь великій Святославъ Ярославичъ, декабря 27, отъ рѣзанія жолвій, и положень бысть въ Черниговѣ въ святѣмъ Спасѣ, княживъ 4 лѣта; и сѣде по немъ на великомъ княженіи братъ его Всеволодъ Ярославичъ.

Въ лѣто 6585. Прииде Изяславъ съ Ляхы на брата своего, великого князя Всеволода; онъ же вышедъ противу его, смирился съ нимъ; и сѣде Изяславъ въ Кіевѣ на великомъ княженіи, іуля 15, на память дѣда своего, а Всеволодъ въ Черниговѣ. Того же лѣта преставися архієпископъ Новогор(од)скій Феодоръ, уядень отъ своего пса, бывъ на архієпископѣ 9 лѣтъ.

Въ лѣто 6586. Бѣжа Олегъ Святославичъ Тмуторокани, и приведе Половци, и побѣди Всеволода на Съжалицахъ. Того же лѣта поставленъ бысть архієпископъ Новогороду Германъ. Въ то же лѣто Олегъ Святославичъ и Борисъ Вячеславичъ приведоша Половци на Рускую землю<sup>1</sup>, и поидоста на Всеволода къ Чернигову. Всеволодъ же изыде противу има на Съжалицу, и побѣдиша Половци Русь, и мнози убіени быша ту. Олегъ же и Борисъ приидоста къ Чернигову, мняще одолѣвша, а земли Рустѣй много зла сѣтворивше и крове проливше. Всеволодъ же прииде къ брату своему Изяславу въ Кіевъ, и цѣловавшеся сѣдоста въкупѣ. Всеволодъ же исповѣда брату своему вся бывшаа, что ключися ему; и рече ему Изяславъ: «брате! не тужи; видѣлъ еси колико ся зла мнѣ сѣключи: прѣвое, не выгнаша ли людіе мои мене, и имѣніе мое разграбиша? паки же изгнанъ бысть отъ васъ, братиіи своей, и блудихъ по чужимъ<sup>2</sup> странамъ, и тамо имѣніа лишень быхъ, и не сѣтворихъ зла никомуже; нынѣ же, брате, не туживъ: аще будетъ намъ причастіе въ Руской земли, то

обѣма нама; аще лишена будеѣ, то оба; азъ сло-<sup>1076</sup>  
ложу главу свою за тя; азъ бо не радъ есмь<sup>1078</sup>  
злу братиіи своей, но добру есми радъ.» И се-  
рекъ утѣши Всеволода, и повелѣ сѣбирати вой  
отъ мала и до велика, и бысть вой бес числа; и  
поиде князь великій Изяславъ съ сыномъ Яро-  
полкомъ и Всеволодъ съ своимъ сыномъ Во-  
лодимеромъ къ Чернигову; Черниговци же  
затворишася въ градѣ; Ольга же и Бориса не  
башеть въ градѣ, Черниговцемъ же не от-  
ворившимся, и приступиша къ граду; Володи-  
миръ же приступи къ восточнымъ воротомъ,  
и отняша врата, людіе же бѣжаша въ внѣш-  
нѣй градъ. Изяславъ же и Всеволодъ слы-  
шаста, яко идеть Олегъ и Борисъ противу имъ,  
и уранивше поидоста отъ града противу Ол-  
гови. И рече Олегъ къ Борисови: «не ходимъ  
противу ихъ, не можемъ бо стати противу  
четыремъ княземъ; но послевъ съ молбою къ  
стрыема своимъ.» И рече ему Борисъ: «то-  
лико ты зри, а азъ противень всѣмъ,» похва-  
лился велми, а не вѣдый, яко Богъ гордымъ  
противится, смиреннымъ же дасть благодать;  
и поидоста противу, и бывшимъ имъ у села  
на нивѣ на Нежатинѣ, и сѣступившимся обо-  
имъ, и бысть сѣча зла, и убиша Бориса,  
сына Вячеслава, похвалившагося велми. Изя-  
славу же стоящу въ пѣшцѣхъ, и внезапно  
прихавъ единъ, удари его копіємъ за плеча;  
и тако убіень бысть князь великій Изяславъ<sup>3</sup>,  
сынъ Ярославъ, мѣсяца октября 3; такоже и  
воеводы его побиха, привели бо бяху Поло-  
вецъ на Рускую землю. Продолживъ же ся  
сѣчи, и побѣже Олегъ Святославичъ Тмуто-  
роканю. Тѣло же великого князя Изяслава  
вземше везоша въ лодѣ, и поставиша про-  
тиву Городца, и изыиде противу ему весь  
градъ Кіевъ, и възложше на сани понесоша  
съ пѣснями, и положиша его въ святѣй Со-

(1) На этомъ словѣ, находящемся въ рукописи на об. 64-ю листа, прерывается статья; продолженіе ея на-  
ходится на об. 76-ю и на 77-мъ листахъ. (2) Въ подлинникѣ: по чужихъ. (3) Тамъ же: изяславъ.



1078ѣи, въ Кіевѣ; и бысть всѣхъ лѣтъ княженія 1088 его 24<sup>1</sup>.

Княженіе великого князя Всеволода Ярославича. Въ лѣто 6587. Романъ Святославичъ приде съ Половци на великого князя Всеволода Ярославича, на своего дяду, къ Воиню. Князь же великій ста у Переяславля и сътвори миръ съ Половци; и възвратися Романъ съ Половци въспять, и бывшу ему<sup>2</sup>, убиша его Половци, августа 2; и суть кости его и до сего дни. А Ольга Святославича, брата Романова, внука Ярослава, емше поточиша за море, къ Цариграду. Князь же великій Всеволодъ посади на Тмуторокани своего намѣстника Ратибора.

Въ лѣто 6588. Заратишася Торки; князь великій Всеволодъ посла сына своего Владимира, Владимиръ же шедъ побѣди Торки.

Въ лѣто 6589. Давыдъ Игоревичъ, внукъ Изяславъ, и Володаръ<sup>3</sup> Ростиславичъ, внукъ Владимира Новгородскаго Ярославича, сѣдо-ста Тмутороканю.

Въ лѣто 6591. Приде Олегъ изъ Грекъ къ Тмутороканю, и ятъ Давыда Игоревича и Володаря Ростиславича, и сѣде на княженіи Тмутор(ок)ани; и ищче Козары, иже съвѣтны были на убіе(ніе) брата его Романа Святославича и на самого о заточеніи, а Давыда и Володаря пусти.

Въ лѣто 6593. Ярополкъ Изяславичъ хотѣи на великого князя Всеволода, онъ же посла противу ему сына своего Володимера изъ Чернигова, Ярополкъ же бѣжа въ Ляхы. Володимеръ же Всеволодичъ посади въ Володимери Давыда Игоревича, а самъ иде къ Луцку, и взя его и мать Ярополкову, а великую княгиню Изяславу, и княгиню Ярополчю, и дружину его поймавъ приведе въ Кіевъ.

Въ лѣто 6595. Приде Ярополкъ Изяславичъ изъ Ляховъ, и сътвори миръ съ Володимеромъ; и иде Володимеръ въспять къ Чернигову, а Ярополкъ сѣде во Володимери въ Велины. И пребысть мало, и поиде Ярополкъ Изяславичъ изъ Володимера къ Звенигороду въ Велины; и не дошедшу ему<sup>4</sup> граду, на пути прободень бысть отъ проклятаго Нерадца<sup>5</sup>, отъ діавола научена и отъ злыхъ челоуѣкъ; лежащу ему на возѣ, саблю<sup>6</sup> съ коня прободе его; тогда въздвигнувся Ярополкъ, выторгъ изъ себе саблю, и рече велимъ гласомъ: «охъ, тотъ<sup>7</sup> мя вороже прободетъ!» И бѣжа треклятый Нерадецъ къ Перемышлю къ Рюрикови Ростиславичю, внуку Владимира Новгородскаго Ярославича, а Ярополка вземше на носила отроки его, Радко и Воиникъ и иніи, и неся его къ Владимирю, и (от)туду изъ Велины къ Кіеву. И выде противу ему благовѣрный князь великій Всеволодъ съ сыномъ, съ Володимеромъ и Ростиславомъ, и вси бояре, и митрополитъ Іоанъ<sup>8</sup> и все священство съ нимъ; и положиша его въ рацѣ съ честію въ церкви святаго Петра апостола, декабря 5.

Въ лѣто 6596. Святополкъ иде изъ Новгорода къ Турову на княженіе; а въ Новгородѣ сѣде Давыдъ Святославичъ; а Болгары взяли Муромъ. Того же лѣта священна бысть церкви святаго Михаила, монастыря Всеволожа, митрополитомъ Іоанномъ.

О пренесеніи мощей<sup>9</sup> чудотворца Николы отъ Миръ<sup>10</sup> въ Баръ градъ, въ лѣто 6596, мѣсяца маіа въ 9 день. Присно убо длѣжны есми, братіе, праздники Божіа въ честь держаты, подобити же ся святымъ его, и подвижно искати спасенія, присно испытавши ся, како по образу Божію сътворены быхомъ, угоднаа предъ нимъ сътворше, якоже блажен-

(1) На этомъ словѣ, находящемся въ рукописи на 77-мъ листѣ, прерывается статья и ея продолженіе находится на оборотѣ 64-го листа. (2) Въ подлинникѣ здѣсь пропущено названіе мѣстности. (3) Тамъ же отъ этого слова сдѣлана выноска на поле: володимеръ. (4) Тамъ же: не дошедшему. (5) Тамъ же: народца. (6) Тамъ же: саблю сего. (7) Тамъ же: то ти. (8) Тамъ же: іоаномъ. (9) Тамъ же: мощи. (10) Тамъ же: отъгнута.



ный сѣтвори, великій (и) словущій архіепископъ Христовъ Николае, егоже трапезы нынѣ<sup>1</sup> хошу вамъ представить, отъ неже въкусите и видите, яко благъ Господь. Благъ Господь уповающимъ на нь, благъ Господь надѣющимся на нь, благъ Господь любящимъ его, благъ Господь творящимъ волю его, иже бѣ далъ Мирьскому граду и области ихъ, своа щедроты изліа на ня, и чудеса творя дивнаа, исцѣленіа неоскуднаа даа, сущимъ въ напастехъ велий помощникъ и заступникъ показася по суку же и по морю, болныа исцѣляа, плѣныа избавляа, слѣпымъ прозрѣніе даа, хромымъ хожденіе, глухимъ слышати, прокаженныа очищаа, бѣсы изгоняа, и всѣмъ всякъ, якоже рече Господь: вѣруай въ мя, дѣла, яже азъ творю, и той сѣтворитъ; якоже и сій угодникъ его, святой архіерей великій Николае. Егдаже благоволіа благодать, и челоувѣколюбіе всѣа на ны, праведному солнцу всѣаты на ны и благодати отъ Владыкы Вседержителя, показа имъ въ нынѣшняя времена, въ дни и въ лѣта наша, и въ нашу память, чудо преславно и паче ума челоувѣка о преподобнѣмъ велицѣмъ архіереи святымъ Николою. Въ тысячное и въ 9 десятъ 6-е лѣто<sup>2</sup> отъ воплощенія самого Бога еже въ челоувѣцѣхъ отъ браконейскусумужныа приснодѣвы Богородица Маріа, при цари Гречестѣмъ Алексѣи Комнинѣ, при патріарсѣ Николѣ Константинограда, въ лѣта Рускихъ князей, христіолюбиваго великаго князя Всеволода Ярославича, въ Кіевѣ, и благороднаго сына его, Владимера Манамаха, въ Черниговѣ, въ лѣто отъ сздания мира 6596, судомъ убо Божіимъ и промысломъ Вышняго, нашедшимъ Измалянномъ на Греческую область обону страну моря, отъ Корсуны поля наченше даже и до Анти(о)хіа и до Іерусалима, по всѣмъ градомъ и селомъ ихъ вся люди сущаа изсѣкоша, и

жены ихъ и чада ихъ плѣниша, имѣніе ихъ 1088 и дома пожгоша, церкви же и монастыря опустѣша, и грады ихъ приаша въ область свою; тогда же и Лукій<sup>3</sup> сѣтвориша пустъ, въ немже лежа тѣло святаго Николы, тѣло драгое, тѣло всечестное, тѣло чудеса дѣла дивнаа и преславная. Не можаше<sup>4</sup> ли убо преподобный сій мужъ, дабы градъ его и церкви не опустѣла? Но повелѣнію Божію не протився, но глаголаше: Господи, угодная предъ очима твоима сѣворю. Якоже и бысть. Не можаше угодника своего Господь нашъ Ісусъ Христосъ зрѣти на пустѣ мѣстѣ лежаща мощемъ его и ни отъ кого же славимымъ, но якоже есть писано: прославляющихъ мя, рече, прославлю, и о мнѣ хвалящихся възнесу славу ихъ. Бысть убо въ дни сіа прозвитель благовѣренъ въ Барѣ градѣ, Нѣмецкыа области, христіолюбивъ же и праведенъ, сему явился святой Николае, глаголя: «иди и рци людемъ симъ и всему събору церковному, яко да шедше възмутъ мя отъ Мирскаго града и здѣ положить мя, не могу<sup>5</sup> тамо пребывати на пустѣ, Богу тако изволшу;» и то рекъ отъиде. Утру же бывшу, абіе воста прозвитель, и повѣда всѣмъ людемъ бывшее явленіе святымъ Николою. Си же слышавше, и възрадовашася радостію великою, и глаголаху: «днесь възвеличилъ есть Господь милость свою на людехъ своихъ и на градѣ нашемъ, яко сподобилъ ны есть приати угодника его святаго Николу.» И ту тако нарядиша мужа благоговѣнны, боящася Бога, въ трехъ кораблехъ ити по святаго. Оны же насыщавше пшеници, творящася въ куплю, отъидоша, и придоша въ Антиохію, и (с)продавше жито, и всю куплю икупивше имъ, что имъ угодно бѣ. Вѣсть же приѣмше Баріе, яко Венедици ту сущіи хотятъ ити прежде ихъ и взяти мощи святаго Николы, ускориша Баріе, и отъ-

(1) В подлинникѣ: вынѣ. (2) Тамъ же противъ этого мѣста на поля написано: 1096, 6596. (3) Тамъ же: Лукій. (4) Тамъ же: не можаша. (5) Тамъ же передъ словомъ: могу было написано: по, но потомъ зачеркнуто. Т. XV.

1088 идоша абіе, и пріидоша въ Ликию градъ Мирскый, и присташа въ лимени градстѣмъ. Съвѣтъ же сътворше, въземше<sup>1</sup> оружія анидоша въ церковь святаго Николы, и обрѣтоша въ ней 4 черноризци, и въпросиша ихъ, где лежитъ святой Николае? И показаша имъ гробъ, идеже лежаше святой Николае. Они же раскопавше помость церковный, обрѣтоша раку полу мира, и вѣліаша миро въ корчагы, а мощи егѣ взяша съ радостію, и несоша и въ корабль свой, и отпуща въ море. Два черныца остана въ Мирѣхъ, а два идоша съ мощми святаго Николы; и пріидоша въ Баръ градъ обону страну моря<sup>2</sup>. Отъидоша отъ Мирскаго града мѣсяца априля въ 11 день, и пріидоша<sup>3</sup> въ Баръ градъ мѣсяца маіа 2 день, въ недѣлю, въ годину вечернюю. Видѣвше же Баряне, яко пріидоша съ мощми святаго Николы отъ Муръ, и изыдоша вси Баряне въ стрѣтеніе его, мужи и жены, и отъ мала и до велика, съ свѣщами и теміакомъ, и пріаша съ радостію, съ великою честию, и положиша и въ церкви святаго Іоанна Предтеча примори. Да послушайте, братіа моа, молю вы, колико чудесь сътвори святой Николае дошедъ града Барска. Въ недѣлю бо вечеръ прінде, а заутра въ понедѣльникъ исцѣли 40 и 7 больныхъ, мужъ и женъ, одрѣжимыхъ различными недугомъ и болѣзнями: онъ главою, а другыи очима, инъ руками и ногами, а другыи сердцемъ, или чревною болестію, и всѣмъ тѣломъ страждущихъ отъ духъ нечистыхъ; а въ вторникъ исцѣли 20 и 2 больныхъ, а въ среду исцѣли 29 болящихъ; въ четвертокъ, заутра рано, глуха и нѣма суща, имуща уже 5 лѣтъ въ недугѣ томъ. И посемъ явися святой Николае нѣкому черноризцу духовну сущу, глаголя тако: «волею Божіею пріидохомъ къ вамъ въ страну сію.» Въ день недѣльный, въ часъ 9, пріаша исцѣленія 11 человекъ. Еще же

паки творить по вся дни чудеса святой Николае, яко источникъ кипящій и конца не имый. Многа же даанія<sup>4</sup> приношааху къ святому: золото, и сребро и рызы многоцѣнны. Видѣвше же гражане преславная его чудеса, възрадовашася радостію великою зѣло, и създаша ему церковь преславну, и велику и красну сущу, въ имя святаго преподобнаго отца нашего Николы, сковаша и раку ему сребрену и позлащену. Въ 3-е лѣто пренесенія его отъ Муръ послашася къ Римскому папѣ Герману, яко да прінде съ своими епископы и со всѣмъ церковнымъ его клиросомъ, и да принесутъ мощи святаго Николы; и вложиша въ раку сребряну, и въземше епископы съ вѣлможамъ ихъ, и принесоша въ новую и великую церковь его, и положиша въ олтари въ сокровищѣ мѣстѣ, мѣсяца мая въ 2 день; принесоша же и ветхій гробъ его, въ немъ же бѣ принесенъ отъ Муръ, и поставиша въ церкви, положиша и кость руки его отъ мощей егѣ; многъ народъ, людіи приходящии поклоняхуся, цѣлующе мощей его раку. Римскый же папѣжъ Германъ, и епископъ, и вси гражане и людіе праздникъ великъ сътвориша въ той день на похвалу святому, юже творять и до сего дне, и ядоша, и пиша и веселишася въ тыи дни, многа даанія даша убогимъ, и тако отъидоша во дома своя съ миромъ, славяще и хваляще Бога и святаго и праведного угодника его Николу. Намъ же, о преблаженне<sup>5</sup> угодниче Христовъ, милостивъ буди здѣ и въ будущемъ вѣцѣ; на тя бо уповахомъ и молихся, ты бо всѣхъ видимыхъ и невидимыхъ честнѣи явися. Блаженъ по истинѣ градъ Барскый и церкви его, въ ней же ты възвеличи Господь Богъ, освященъ въ правду, освяти бо ты угодника своего Вышній. Ты бо всѣмъ христіаномъ еси помощникъ и заступникъ, избавляа ны отъ всѣхъ напастей, отъ

(1) Въ подлинникъ: въземша. (2) Тамъ же: мора. (3) Тамъ же: отъидоша. (4) Тамъ же: даанія. (5) Тамъ же, вмѣсто слова: преблаженне, было первоначально написано: преблаженнаа госпоже.

бѣлъ нашихъ. И еще молимъ ти ся, святой преблаженный угодниче святителю Христовъ Николае, имаши дръзновение къ Владыцѣ молити о насъ, празднующихъ выну память твою, творящихъ пренесеніе твоихъ честныхъ мощей, яко да спасени будешь твоими молитвами, благодатию и человеколюбіемъ Господа нашего Ісуса Христа, емуже купно подобаетъ слава, и честь, и поклоненіе и велегшіе съ безначальнымъ его Отцемъ, и пресвятымъ и благымъ и животворящимъ Духомъ, нынѣ и въ некончаемая вѣки, аминь.

Въ лѣто 6597. Священна бысть церкви Печерская Θεодосіева монастыря митрополитомъ Іоаномъ, Ісаією, епископомъ Ростовскимъ, и Іоаномъ, епископомъ Черниговскимъ, при великомъ князи Всеволодѣ Ярославичи и при его дѣтехъ, Володимѣрѣ Черниговскомъ Манамасѣ и Ростиславѣ. Того же году митрополитъ Іоанъ преставися, Ісаіа, епископъ<sup>1</sup> Ростовский<sup>2</sup>; ниши сего подлинно (въ) Патерицѣ Печерскомъ, идеже о священніи церкви Печерска, тамо бо писано есть чудеса тѣхъ святыхъ отецъ.

Въ лѣто 6598. Якиа, дщи великого князя Всеволода, приведе изъ Грекъ митрополита Іоанна скопца. Того же лѣта князь великий Всеволодъ Ярославичъ заложи градъ Переяславъ камень, а преже былъ древянь, а стоялъ 97 лѣтъ; и епископъ Ефремъ заложи въ немъ церковь святаго Михаила архангела.

Въ лѣто 6599. Принесоша мощи игумена Θεодосіа ис пещеры въ монастырь, въ новую церковь, Іоаномъ митрополитомъ. Того же лѣта и преставися митрополитъ Іоанъ скопецъ.

Въ лѣто 6600. Быша устрашенія и мечты бѣсовскыя въ Полотску, при князи Всеславѣ: яко вѣкако бѣше ходити по улицамъ въ нощи ристаше и стоняше; и кто вылѣзъ ис храма посмотреть, или окно отворяше, напрасно

убіенъ бываше невидимо, и съ того умираше. 1088  
Потомъ же ѣ въ день начаша быти, яздяше 1094  
бо на конехъ невидимо, яко бы мнѣти воинства множество, но токмо единѣ копыта конскіе видѣти, и тако ураняху челоуѣкы. Сіа же бысть рана по всей области той. Того же лѣта умре Рю(ри)къ Ростиславичъ, внукъ Владимѣра Ярославича.

Въ лѣто 6601. Преставися князь великій Всеволодъ Ярославичъ, внукъ великого князя Владимѣра 1-го христіанского, мѣсяца апріля въ 13 день, на память священномученика Артемона.

Княженіе Святополка Изяславича, внука Ярославича, Михайла. Въ лѣто 6601, мѣсяца апріля 24, на память святаго мученика Сими стратилата, сѣде на великомъ княженіи, въ Кіевѣ, Святополкъ Изяславичъ, внукъ великого князя Ярослава. И придоша тогда Половци мнози, и прислаша къ нему о миру послы, онъ же повмавъ ихъ посади въ порубѣ, и начаша Половци воевати; князь же великій Святополкъ Изяслав(ичъ) и братіа его, Володимѣръ Манамасъ и Ростиславъ Всеволодичи, пондоша противу имъ къ Треполю, и перешедъ Стугну, прошедъ Треполь, съступашася межъ валовъ, и одолѣша Половци; а князь великий Святополкъ съ братією побѣгоша. И тогда Ростиславъ бѣжа утопе въ Стугнѣ: тогда же и Владимиръ Всеволодичъ Манамасъ мало не утопе, помагаа брату своему. Сіа же съключися злоба на Вознесеніе Господне, маіа 25, на третіе обрѣтеніе главы Предтечевы. Посемъ же придоша Половци къ Кіеву, князь же великій Святополкъ выиде противъ ихъ, и побѣжденъ бысть; и оттолѣ възвращаеся Половци взяша Торческъ.

Въ лѣто 6602. Князь великій Святополкъ помирился съ Половци, и женися у князя ихъ Торканя. Того же лѣта приде Олегъ Святославичъ ис Томуторокани съ Половци Чер-

(1) Въ подлинникѣ: епѣкъ. (2) Тамъ же послѣ этого слова зачеркнуты слѣдующія слова: іоанъ черниговскій.

1094 нигову, на князя Володимера Всеволодича Ма-  
1096 намаха. Онъ же сътвори съ нимъ миръ, и иде  
въ Переяславль, въ свою отчину, а Олегъ сѣде  
въ Черниговѣ, на столѣ отца своего Свято-  
слава Ярославича. Егда бо раздѣлишася тріе  
Ярославичи всею Рускою землею, взя<sup>1</sup> бол-  
шій, Изяславъ, Кіевъ и Новгородъ и иные  
грады Кіевского предѣла, рекше западную  
страну, а Святославу Ярославичу доста-  
ся Черниговъ и вся страна восточная и до Му-  
рома, а Всеволоду Переяславль и вся полунош-  
ная, Ро(с)товъ и Бѣлоозеро, и все Поволжіе;  
того ради и приде Олегъ Святославичъ на Во-  
лодимера, занеже то быше столъ отца его.

Въ лѣто 6603. Князь великій Святополкъ  
и Володимеръ Манамахъ идоша на Давыда  
Святославича къ Смоленску, и идаша ему  
Новгородъ. Того же лѣта приидоша пруси  
въ Русь, августа 28. Того же лѣта приидоша  
Половци въ Переяславль, къ Володимеру, на  
миръ, Итларъ и Китанъ, и поби ихъ Во-  
лодимеръ и всю дружину ихъ. Посла князь  
великій Святополкъ и Володимеръ Манамахъ  
къ Олгу Святославичу Черниговскому, къ  
третіему своему брату, зовущи его съ собою  
на Половци; онъ же общася имъ, не иде,  
а сін безъ него шедше побѣдиша Половецъ,  
и поимаша вежи ихъ и полонъ многъ; и от-  
толѣ бысть имъ ненависть на Олга. Того же  
лѣта Давыдъ Святославичъ, братъ Олговъ, иде  
изъ Новгорода къ Смоленску; и Новгород-  
ци послаша по Мстислава Володимерича Ма-  
намахова въ Ростовъ, и иде къ нимъ. А Изя-  
славъ Володимеричъ Манамахъ иде изъ Кур-  
ска<sup>2</sup> къ Мурому, и приаша его Муромци.

Въ лѣто 6604. Князь великій Святополкъ  
и Володимеръ Всеволодичъ послаша къ Олгу  
Святославичу въ Черниговъ, зовущи его къ  
Кіеву, хотящи положити межи себе порядъ  
предъ Кіаны; онъ же не въскотѣ ити къ нимъ,  
възбоявся. И поидоша на него ратию къ Чер-

нигову, онъ же выбѣжа въ Стародубъ, и при-  
шедше оступиша его въ градѣ, и стояша 33  
дней; онъ же изнемогъ, въскотѣ мира, и даша  
ему миръ, ркуще: «иди къ брату Давыду, къ  
Смоленску, и съ нимъ прииди къ Кіеву, и  
тамо управу положимъ.» Тогда Бунякъ воева  
у Кіева; а Олга не приаша Смоленяне, и иде  
къ Мурому. Того же лѣта князь великій Свя-  
тополкъ и Володимеръ побиша Половецъ у  
Переяславля; ту же убиша Торканя князя,  
тестя Святополча. Паки второе приде Бонякъ  
къ Кіеву, и многа зла сътвори, и монастырь  
Печерскій пограби, а чернцы изсѣче, и мно-  
гы люди изсѣче и поплѣни. Олегъ же Свя-  
тославичъ отъ Смоленска поимъ воа, иде къ  
Мурому; и выиде противъ его Изяславъ Воло-  
димеричъ, и бысть имъ бой, и ту убиенъ  
бысть Изяславъ Володимеровичъ Манамаховъ; а  
Олегъ<sup>3</sup> сѣде въ Муромѣ<sup>4</sup>, и поима Ростовци, и  
Су(з)далци, и Бѣлозерци, и покова ихъ, а самъ  
шедъ взя Суздаля и Ростовъ. Бой на Колак-  
шѣ. Слышавъ же то Мстиславъ Володимер-  
ичъ Манамаховъ въ Новгородѣ, что Олегъ  
Святославичъ, дядя его, брата его Изяслава  
уби, а Муромъ взя, и Суздаля и Ростовъ его  
отчину, и посла къ нему изъ Новгорода,  
глаголя: «пони въ Муромъ въ свою отчину, а  
моеа отчины останися.» Онъ же того не по-  
слуша, но хотяше подъ нимъ и Новгородъ  
пріяти, а по земли Ростовской дань поча  
брати. Поиде же на нь Мстиславъ съ Нового-  
р(од)ци, и приде къ Суздалю, а Олегъ бѣжа  
къ Мурому; а ко Мстиславу приде помочь  
отъ отца его Володимера Всеволодича, изъ  
Руси, братъ Вячеславъ съ Половци. И бысть  
имъ бой у Суздаля, на Колакши, въ четвертокъ  
2 недѣли поста; и побѣже Олегъ къ Мурому и  
къ Рѣзаню, з братомъ Ярославомъ, а Мсти-  
славъ шедъ по немъ и выгна его оттуду, а гра-  
ды за себе взя; а Олегъ иде къ Смоленску,  
и оттуду смирился з братією.

(1) Въ подлинникъ: вся. (2) Тамъ же: из руска. (3) Тамъ же, по ошибкѣ: святополкъ. (4) Тамъ же: в муромѣ.

Въ лѣто 6605. Сидошася вся братіа у Любча на устроение мира, князь великій Святополкъ, и Володимеръ Манамахъ, и Давыдъ Игоревичъ Ярославича, Василко Ростиславичъ, Володаревъ братъ, и Святославича два, Давыдъ и Олегъ, и рекоша: «почто губимъ землю Рускую, межм себе творячи которы и брани великіе? а Половци землю нашу несутъ разнo и пусту чинятъ.» И цѣловаша крестъ, яко быти имъ всѣмъ за одинъ, а дрѣжатися комуждо отчины своя, а въ чюжее не вѣступатися; и оттолѣ разыдошася князь великій Святополкъ къ Кіеву, а съ нимъ Давыдъ Игоревичъ и Василко Ростиславичъ; и яша ту Василка князь великій Святополкъ и Давыдъ Игоревичъ, и ведше въ Бѣльгородъ ослѣпиша его, и оттолѣ везоша его къ Володимерю Залѣзскому, и ту его посадиша; и повелѣ Давыдъ стрещи его 30 мужемъ; ниши сего подлинно инде въ лѣтописцѣ. Слышавъ же се Володимеръ Манамахъ, нача тужити о семъ и плакати, и посла по Святославичи, по Давыда и по Олга, и хотяше понти на великого князя Святополка. А князь великій начатъ извѣтъ творити на Давыда Игоревича, рече: «яко тѣмъ мнѣ повѣдалъ: яко хошетъ ты убити Василко, а грады твоа взяти себѣ, а сложился естъ (съ) Володимеромъ; и язъ своеа головы блюлъ, а слѣпилъ его Давыдъ, а не язъ.» Онѣмъ же въсхотѣвшимъ на него за Днѣпръ, Святополкъ же въсхотѣ бѣжати, и не даша ему Кіане; а къ Володимеру послаша съ молбою матеръ его, Всеволожу княгиню, и митрополита Николу. Князь же Володимеръ послуша ихъ, и рече имъ: «аще се все зло сѣтворилъ Давыдъ, то шедъ князь великій Святополкъ ими его, или прожени, а мы кровопролитіа не хотимъ.» Князь же великій сице обѣщася, и тако миръ сѣтвориша. Князь великій Святополкъ Изяславичъ съ Володимеромъ Всеволодичемъ Манамахомъ<sup>1</sup> хотѣ-

ша ити на Давыда<sup>2</sup> Игоревича про Василка, 1097 онъ же посла къ Василку, глаголя: «пошли 1099 къ братіи, да бы на мя не ходили; азъ ти дамъ градъ, кой хоцеши.» Онъ же посла къ нимъ<sup>3</sup>, рекъ: «мене ради, братіе, крови не проливайте.» Они же вѣзвратишася. Тое же весны Давыдъ Игоревичъ понде о Велицѣ дни, хотя пріяти власть Василькову, и срѣте его Володимеръ Ростиславичъ, братъ Васильковъ, у Бужска, и не смѣ Давыдъ стати противу ему, и затворися въ Бужскѣ; и ту Давыдъ отпусти Василка, дасть его брату его Володарю Ростиславичу, и сѣде Василко въ Теребовли, а Давыдъ иде къ Володимеру Велинскому. Тои же весны Василко и Володимеръ Ростиславичи идоша на Давыда Игоревича, Давыдъ же затворися въ Володимери; они же взяста градъ Всеволожь, и зажгоста его, а людей иссѣкоша. Посемъ же приидоша къ Володимерю, и оступивше его, и начаша просити Турика, Лазаря и Василя, яко тѣ намолвили Давыда на ослѣпление Васильково; и выда ихъ Давыдъ и не хотя, они же поѣсиша ихъ и разстрѣляша, и миръ вѣземше отъидоша. Того же лѣта погорѣ онъ-поль, а въ 3 день дѣтинецъ згорѣ городъ; и Лукину чадъ избыша.

Въ лѣто 6607. Князь великій Святополкъ иде на Давыда Игоревича, онъ же бѣжа въ Ляхы, и тамо дасть Володиславу 50 гривень злата, хотя отъ него помощи; а князь великій такоже посла дары многы. Ляхове же отпустиша, лѣстяще Давыду: «аще на тя поидетъ, мы ти поможемъ.» Онъ же шедъ сѣде Володимери, а князь великій прииде на него, и стоа седмъ недѣль, Давыдъ же, умоливъ его, выиде изъ града Володимера въ Червень; а князь великій вниде въ градъ Володимеръ въ великую суботу. Прогнавъ же князь великій Святополкъ Изяславичъ Давыда Игоревича, и хотѣ ити на Василка и Володимера Ростиславичевъ,

(1) Въ подлинникѣ: манамахомъ. (2) Тамъ же: ити на давыда ити. (3) Тамъ же: къ нему.



1099 они же слышавше идоша противу ему. Егда  
1103 бо шель Святполкъ на Давыда, тогда къ  
нимъ крестъ цѣлова, глаголя: «иду на Давыда,  
а съ вами миръ<sup>1</sup> имѣти хошу и любовь;» и  
преступивъ крестное цѣлованіе, надѣяся на  
множество вой. Съступившимъ же ся обѣма  
полкомъ, и Василко възвыси честный крестъ,  
глаголя: «сего еси цѣловалъ;» и мнози же ви-  
дѣша крестъ надъ Василкомъ на облацѣхъ  
възвысившеся велми. И одолѣша Ростиславичи  
Святполку, и не гнаша по немъ, и осташа  
на межи. А князь великій Святполкъ бѣжа  
къ Володимерю, а съ нимъ сынове его Мьсти-  
славъ и Ярославъ, и Ярославъ сынъ Яро-  
полчъ брата его, и Святоша Давыдовичъ Свя-  
тославича; и посади князь великій Святполкъ  
сына своего Мьстислава въ Володимерѣ, а  
сына Ярослава посла по Угры. Въ то же вре-  
мя приде Давыдъ Ростиславичъ изъ Ляховъ,  
и посади княгиню свою у брата у Володаря,  
а самъ иде въ Половцѣ. Ярославъ Свято-  
полчичъ приде къ Перемышлю, и воева подъ  
нимъ съ Угры съ королемъ Колманомъ и зъ  
бискупъ, и стаща по Вагру около Перемыш-  
ля; а Володаръ Ростиславичъ затворися въ  
градѣ. А братъ его Давыдъ срѣте Боняка, и  
воротися съ нимъ, и въ ночи Бонякъ провы  
волчески, и противъ его мнози вѣлци отвыша-  
ся, и рече Бонякъ Давыду: «побѣда будетъ на  
Угры завтра.» Бысть же зъ Бонякомъ 300  
Половецъ, а зъ Давыдомъ 100, и раздѣли  
ихъ на три полки, поиде на Угры; и пусти  
изгономъ Алтонопу съ 50 человекъ напередъ,  
а Давыда постави подъ стягомъ въ полкъ  
300 человекъ, а самъ раздѣлился на двѣ части,  
по 50 на сторону. Угры же исполчившеся  
стояху, бѣ же ихъ сто тысячъ, и стаща  
полки промежъ себе далече. Альтонопа же  
пригнавъ къ прьвой заставѣ, и пусти на нихъ  
по стрѣлѣ, и побѣже, а они по нихъ погнаша;

яко миноваху Боняка, онъ же нача въ тылъ  
сѣщи ихъ, Альтонопа противу и обратися, и  
такъ избыша ихъ, а прочимъ того невѣдущимъ.  
И такоже и прочаа полки избыша, повабли-  
ваючи за собою; и избыша ихъ многое множь-  
ство, и бискупа ихъ Тупана убиша, а нини  
въ Вагру и въ Сану истопоша, и погнаша  
по нихъ два дни; бѣ же ихъ тогда изгыбло  
всѣхъ 40,000. Ярославъ же Святполчичъ  
бѣжа въ Ляхы, а Давыдъ Игоревичъ иде  
ис Червеня къ Володимерю на Мьстислава  
Святполчича, онъ же затворися въ градѣ,  
и ту устрѣлиша его съ забралы, и тако умре.  
А на Давыда приде ту Святоша Давыдовичъ  
Черниговского, а съ нимъ Путятя, а Давыду  
спящу въ полдень, и внезапноу начаша сѣщи  
вои его; Давыдъ же бѣжалъ въ Половци, и  
срѣтеся съ Бонякомъ, и воротився приде на  
Святошу къ Лучьску, и сътвори Святоша съ  
нимъ миръ, и иде къ отцу, къ Чернигову,  
къ Давыду Святославичу, а Давыдъ вниде  
въ градъ Луческъ, и оттуду иде къ Володи-  
мерю, и сѣде въ немъ, 6608, а во Но(во)го-  
родскомъ 601 постави<sup>2</sup>. Того же лѣта князь  
Мьстиславъ<sup>3</sup> Володимировичъ Манамаховъ за-  
ложи въ Новѣгородѣ церковь каменну Бла-  
говѣщеніе на городищи.

Въ лѣто 6609. Преставися князь Все-  
славъ<sup>4</sup> Брячиславичъ Полотскій, априля 14.  
Того же лѣта заложилъ Володимеръ Манамахъ  
въ Смоленскѣ церковь святую Богородицу,  
епископомъ<sup>5</sup>.

Въ лѣто 6610. Преставися Ярославъ Яро-  
полчичъ. Того же лѣта родися Володимеру  
Манамаху сынъ Андрей, августа 11; даша  
ему имя въ 18 августа, Андрей стратилать.

Въ лѣто 6611. Князь великій Михайло Свя-  
тополкъ, и Володимеръ Манамахъ, и Давыдъ  
Святославичъ, и Давыдъ Всеславичъ, и Мьсти-  
славъ, Игорь(въ) внукъ Ярославича, Ярополкъ

(1) Въ подлинникѣ: миръ. (2) Тамъ же въ этомъ мѣстѣ, по видимому, пропускъ. (3) Тамъ же: мьстиславъ въ.  
(4) Тамъ же: святославъ; слово: всеславъ написано на поль. (5) Тамъ же: епископъ.



Володимерчѣ Манамаховѣ идоша на Половци за Сутень; и ту прѣвое убиша въ сторожехъ Альтовопу, и потомъ ступишася Половци, и поможе Богъ княземъ Рускымъ; и убиша ту единехъ князей 20 числомъ, а имѣніе ихъ взяша. Въ лѣто то же побѣдиша Ярослава Мордѣва, въ Муромѣ, Святославича. Того же лѣта съврши Мъстиславъ церковь Благовѣщенія, на городищи, въ Новогородѣ.

Въ лѣто 6612. Прииде митрополитъ Никифоръ въ Кіевъ, декабря 7. Того же мѣсяца 13 преставися Вячеславъ Ярополчичъ Изяславича. Того же лѣта родися великому князю Святополку сынъ Брячиславъ.

Святоша. Въ лѣто 6613. Князь Святоша Давыдовичъ Святославича пострижеся въ чрънци и нарече(нъ) бысть Николае, февраля 17, на<sup>1</sup> память великомученика Θεодора Тирона. Того же лѣта поставлени быша т(р)и епископи: Лазарь Переяславлю, Амфилохіе Володымерю Велинскому, третій Мина, митрополитомъ Никифоромъ. Того же лѣта идоша Новогородци въ Ладогу воевати, и погорѣша въ Кіевѣ хоромы отъ ручіа, мимо Славно, до святаго Иліи.

Въ лѣто 6614. Князь великій Михайло Святополкъ, и Володимеръ Всеволодичъ Манамахъ, и Олегъ Святославичъ, Мъстиславъ, Святославъ, Ярополкъ и Вячеславъ идоша на Половци, на Дунай<sup>2</sup>, и побиша ихъ; и убиша Таза, Бонякова брата, и иныхъ многихъ, а иныхъ много поимаша. Того же лѣта князь Володимеръ Манамахъ жены сына своего Георгіа Долгорукого, поня за него Асепину дочь Половчинову, Асенеvu внуку.

<sup>3</sup>Въ лѣто 6615. Трясеся земля, февраля 5.

Въ лѣто 6616. Преставися<sup>4</sup> архіепископъ Новогородскій Никита, мѣсяца генуаря 30; а на весну почаша писати святую Софію, въ Новѣгородѣ, стяженіемъ святаго владыкы. Тои же весны князь великій Святополкъ заложи

въ Кіевѣ церковь архаггела Михайла, злато-1103  
верху, въ свой аггель. 1113

Въ лѣто 6617. Бысть вода велика въ Днѣпрѣ, и въ Деснѣ, и въ<sup>5</sup> Припеты. Того же лѣта кончаша трапезу въ Печерскомъ манастирѣ.

Въ лѣто 6618. Прииде архіепископъ Иванъ въ Новогородъ, мѣсяца декабря въ 20, поставленъ митрополитомъ Никифоромъ.

Въ лѣто 6619. Князь великій Святополкъ, и Володимеръ Манамахъ, и Давыдъ Святославичъ съ сыномъ Ростиславомъ, и Давыдъ Игоревичъ, Всеволодъ и Святославъ Олговичи, Ярославъ Святополчичъ, Мъстиславъ и Ярополкъ Володимеричи Манамаховы, и просто вся земля Руская, кійждо съ своею силою, идоша на Половци, и поимаша грады ихъ Шаруканъ и Зугровъ по Дону. Слышавъ же сіе Половци поидоша противу имъ, и побѣдиша ихъ Русь, марта 24, на потоцѣ Дегевѣ. Пакы же, въ 27 марта же, прииде многое множество Половецъ, тмы тмами; и поможе Богъ Рускымъ княземъ. Того же лѣта погорѣ Подолие въ Кіевѣ, и Черниговъ, и Смоленескъ и Новогородъ. Того же лѣта преставися архіепископъ Черниговскій Иванъ. Того же лѣта Мъстиславъ съ Новогородци ходи на Очелу.

Въ лѣто 6620. Преставися Давыдъ Игоревичъ Смоленского, внуку великого князя Ярослава.

Въ лѣто 6621. Преставися князь великій Михайлъ Святополкъ Изяславичъ, внуку великого князя Ярослава, апреля 20; и сѣде въ Кіевѣ на великомъ княженіи князь великій Володимеръ Манамахъ Всеволодичъ Ярославича.

Княженіе великого князя Владимира Всеволодича Манамаха. Въ лѣто 6621. Ходи Ярославъ Святополчичъ на Ятвягы; и

(1) Въ подлинникѣ: и на. (2) Въ Полн. Собр. Лѣт. т. I, стр. 120: къ губву. (3) Тамъ же передъ этимъ написано на поль: трусь. (4) Тамъ же: представися. (5) Тамъ же: вы.

1113 пришедъ съ войны, поятъ дочерь Мѣстисла-  
1119 влю. Того же лѣта побѣди Мѣстиславъ<sup>1</sup> Во-  
лодимеричъ съ Новгородци Чюдь на бору.  
Того же лѣта князь великій Володимеръ же-  
ни сына своего Романа у Володаря Ростисла-  
вича. Того же лѣта Мѣстиславъ<sup>2</sup> Володимеричъ  
заложилъ въ Новгородѣ церковь святаго Нико-  
лы на торговищи, на княжи дворѣ; и погорѣ  
оньполь, на сей же сторонѣ городъ кромный.

Въ лѣто 6622. Преставился Святославъ Во-  
лодимеричъ<sup>3</sup> Манамаховъ, въ Переяславлѣ.  
Того же лѣта постави Никифоръ митропо-  
литъ Феоктиста, епископа Чернигову. Того  
же лѣта Мѣстиславъ Володимеровичъ Мана-  
махъ заложилъ Новгородъ боле прѣваго; а  
посадникъ Ладожскій Павелъ заложилъ городъ  
Ладогу камень. Въ се же лѣто преставился Ро-  
манъ Всеславичъ и Мѣстиславъ, внукъ Игоревъ.

Въ лѣто 6623. Съвокупишася братіа, князи  
Русскіе, въ Вышегородѣ, князь великій Во-  
лодимеръ, Олегъ Святославичъ, и Давыдъ,  
братъ его, и вся Руская земля, и освятиша  
церковь каменну мая 1; а въ 2 день при-  
несоша святыхъ мученикъ Бориса и Глѣба,  
индикта 8. Того же лѣта бысть знаменіе въ  
солнціи и погибѣ августа 1. Того же мѣсяца  
въ 18 преставился Олегъ Святославичъ; а у  
Мѣстислава, въ Новгородѣ, изомроша конѣ  
вси и дружины его. Того же лѣта заложилъ  
Войгость церковь святаго Феодора Тирона,  
апрѣля 28<sup>4</sup>.

Въ лѣто 6624. Иде Мѣстиславъ Володи-  
меричъ съ Новгородци на Чюдь, и взя  
Медвѣжу Голову, на 40 святыхъ.

Въ лѣто 6625, марта 17, князь Мѣстиславъ  
Володимеричъ иде изъ Новгорода къ Кіеву,  
къ отцу, княживъ 22 лѣта по Давыдѣ Свя-  
тославичи. И дасть ему отецъ Бѣльгородъ,  
понеже посылалъ по него; а въ Новгородѣ

дѣ посади сына своего Всеволода на столѣ.  
Того же лѣта бысть знаменіе у святой Со-  
фїи отъ грома, маа 14, въ часъ 10; вечерню  
поющимъ, единъ отъ діакъ зараженъ бысть  
отъ грома, а кливрость весь и люди<sup>5</sup> падоша  
нищъ, но вси живи; а на вечеръ бысть зна-  
меніе въ лунѣ. Того же лѣта игумень Антоній  
заложилъ церковь каменну святую Богородицу  
въ монастырѣ. Того же лѣта преставился Ново-  
городскій посадникъ Добрыня. Того же лѣта  
ходи князь великій Володимеръ Манамахъ на  
Ярослава Святополчича, къ Володимеру; онъ  
же доби ему челоу. Того же лѣта князь  
великій жени сына своего Андреа, поа за  
него внуку Тугурканя, князя Половецкаго.

Въ лѣто 6626. Ярославъ Святополчичъ отсла  
отъ себе жену свою, дочерь Мѣстиславлю, Во-  
лодимерю внуку; про то поиде на нѣ князь  
великій Володимеръ и з дѣтми къ Володи-  
меру, онъ же убѣже въ Угры, и бояре его  
отступиша отъ него. Князь великій же посла въ  
Володимеръ сына своего Романа, онъ же  
преставился тамо; и посади князь великій дру-  
гаго сына, Андрѣа. Того же лѣта преста-  
вился Новгородскій посадникъ Дмитръ За-  
видовичъ, посадничавъ 7 мѣсяць. Того же  
лѣта князь великій Володимеръ Манамахъ и  
сынъ его Мѣстиславъ приведе бояре Ново-  
городскыя къ Кіеву, и заводи а честному  
кресту, и пусти а домовъ, а иныа у себе  
остави; и разгнѣвася на ты, оже тѣ грабили  
Давьслава и Ноздречю, и на сочкаго на  
Ставра, и заточи а вся.

Въ лѣто 6627. Повелѣніемъ князя Всево-  
лода Мѣстиславича, внука Манамахова, Ки-  
ріакъ игумень заложилъ въ Новгородѣ цер-  
ковь святаго Георгіа, монастырь Юріевъ. То-  
го же лѣта умре посадникъ Костянтинъ Мон-  
сеевичъ. Того же лѣта свершена бысть церкви

(1) Въ подлинникѣ: мѣстиславъ. (2) Тамъ же: мѣстиславъ въ. (3) Тамъ же: вольодимеричъ. (4) Тамъ же на  
этомъ словѣ, находящемся на оборотѣ 74-го листа, прерывается статья и продолженіе ея помѣщено на  
77-мъ листѣ. (5) Тамъ же: люди.

святаа Богородица, въ Новѣгородѣ, въ манастыри Антонова.

Въ лѣто 6628. Юрій<sup>1</sup> Долгорукій Володимеричъ повоева Болгары; а воевода у него былъ и бояринъ болшей Георгій Симоновичъ, внукъ Африкано(въ), Варяжского князя, брата Якуну слѣпому. Того же лѣта прииде Борисъ посадничать въ Новгородъ.

Въ лѣто 6629. Преставися митрополитъ Никифоръ, бывъ на митрополіи 18 лѣтъ.

Въ лѣто 6630. Прииде на Русь митрополитъ Никита. Того же лѣта преставися княгини Мъстислава Христина. Того же лѣта оженися Мъстиславъ Володимеричъ<sup>2</sup> въ Кіевѣ, другою женою, поатъ за соба Дмитровну Завидовича, посадника Новгородскаго.

Въ лѣто 6631. Преставися Давыдъ Святославичъ въ Черниговѣ, внукъ Ярославъ, отецъ Святошинъ; и сѣде по немъ въ Черниговѣ братъ его Ярославъ. Того же лѣта оженися Всеволодъ Мъстиславичъ въ Новѣгородѣ. Того же лѣта паде церковь святаго Михаила въ Переяславлѣ, иже заложилъ епископъ Ефремъ; а стояла 34 лѣта. Того же лѣта Ярославъ<sup>3</sup> Святополчичъ прииде къ Володимеру на Андрѣя Володимерича Манамахова, съ множествомъ вой, съ Угры и съ Ляхы, и съ нимъ Ростиславичи Володаръ и Василко, и остушиша Андрѣя въ градѣ; а князю великому вон събирающе, и не успѣ послати ему помощи ис Кіева. Ярославу же идящу около града, толико самому третію, и претящу Андрѣеви и гражаномъ, яко заутра възъмъ градъ, и вышедше изъ града два Ляхы, сокрыстася на увозѣ возлѣ пути, удуже ему ити, и яко миноваше ихъ, и они выскочыше прободоша его оскѣпомъ, тоа ноши и умре; а вон его видѣвше разыидошася. На ту жь весну ходи Всеволодъ съ Новгородци на Имь, и побѣди

а; но лють бяше путь, еже купляхуть по но-  
гатѣ хлѣбъ. 1119  
1127

Въ лѣто 6632. Преставишася два брата Ростиславичи, Володимеръ и Василко. Того же лѣта, августа 11, предъ вечернею нача убывати<sup>4</sup> солнца, и погыбе все. О великій страхъ! и тма бысть, и звѣзды быша и мѣсяць; и паки нача пребывати, и вборзѣ исполнися, и ради быша вси людіе.

Княженіе великого князя Мъстислава Володимерича Манамахова. Въ лѣто 6633. Преставися князь великій Владимиръ, въ Кіевѣ, Всеволодичъ Манамахъ, внукъ Ярославъ, маа 19, княживъ лѣтъ 13, а живъ всѣхъ лѣтъ 73. И сѣде по немъ въ Кіевѣ сынъ его Мъстиславъ, а другой сынъ Ярополкъ въ Переславѣ; а Всеволодъ Мъстиславичъ прииде изъ Новгорода къ отцу въ Кіевъ. Того же лѣта бысть буря велика съ градомъ въ Новѣгородѣ, и хоромы подра и церкви, и скоты истопи въ Вальховѣ, а инья одва переимаша живы. Того же лѣта исписаша церковь святаа Богородица въ (О)нтоновѣ манастырѣ.

Въ лѣто 6634. Преставися Никита митрополитъ, бывъ на митрополіи 4 лѣта.<sup>5</sup> Того же лѣта ходи князь Всеволодъ Мъстиславичъ къ отцу въ Кіевъ, и (о)пять прииде отъ отца, ис Кіева, (въ) Новгородъ, на столъ свой, и посадиша его Новгородци на столѣ февраля 28.

Въ лѣто 6635. Всеволодъ Ольговичъ Святославича выгна дялю своего Ярослава Святославича изъ Чернигова, а дружину его изсѣче (и) изграби; а Ярославъ бѣже х Кіеву. Того же лѣта посла<sup>6</sup> князь великій Мъстиславъ братію свою и сыновъ своихъ на Кривичъ; и повоеваша ихъ.<sup>7</sup> Того же лѣта князь Всеволодъ Мъстиславичъ заложилъ церковь каменну святого Іоанна, въ Новѣгородѣ, на Петратинѣ дворѣ, въ ния сыновне. Въ то же время паде метылъ густъ

(1) Въ подлинникѣ: пріи. (2) Тамъ же: въолодимеричъ. (3) Тамъ же: убивати. (4) Тамъ же противъ сею на полѣ написано: нов. (5) Тамъ же противъ сею на полѣ написано: кiev. (6) Тамъ же противъ сею на полѣ написано: нов. (7) Тамъ же противъ сею на полѣ написано: кiev. (8) Тамъ же: пожа. (9) Тамъ же противъ сею на полѣ написано: нов.

1127 по земли и по водѣ по двѣ ноши, а по 4  
1132 дни. Того же лѣта обложи Антонъ игумень  
трапезницу камену въ Новѣгородѣ. Того же  
лѣта вода велика бысть въ Волховѣ, а снѣгъ  
быше тогда до Яковля дни, а на осень побѣ  
морозъ верешь<sup>1</sup> всю и озимица; и бысть голодъ  
черезъ зиму, ржи осминка по полъ гривнѣ.

Въ лѣто 6636. Преставися князь Иванъ  
Всеволодичъ, внукъ Мъстислава Володимерича,  
апрѣля 10, въ Новѣгородѣ. Того же лѣта  
преставися Кириакъ, игумень святаго Георгіа.  
Того же лѣта даша посадничество Завиду Дми-  
тровичу въ Новѣгородѣ. Того же лѣта тяжело  
быше въ Новѣгородѣ: осминка ржи по гривнѣ;  
ядяху людѣ листь липовый, и кору березо-  
вую, и иныи молици истолкше, мятучи съ пѣ-  
ми и съ соломою, инѣи ужомъ дѣгиль, мохъ,  
конину; и бяху мертви по улицамъ и по торгу  
отъ глада, и по пути, и всюду, и ваяша мерт-  
выхъ возыти нанмыти изъ города, а отъ смрада  
нѣ лѣтъ вылѣзти. Туга и бѣда на всѣхъ! Отецъ и  
мати чадо свое дааше гостемъ даромъ, а ово ихъ  
изомроша, а инѣи разыидоша по чужимъ  
странамъ; и тако, по грѣхомъ нашимъ, по-  
гыбе земля наша. Того же лѣта вода велика  
быше въ Вльховѣ и хоромъ много разноси. Того  
же лѣта преставися князь Борисъ Всеславичъ<sup>2</sup>  
Полоцкій. Того же лѣта написа Константинъ  
книгу Зерцало, индикта третіаго, кругъ солнцу  
23, луны 5. Того же лѣта посадникъ Ново-  
городскій Завидъ умре Дмитровичъ.

Въ лѣто 6637. Преставися Ярославъ Свя-  
тославичъ въ Муромѣ. Того же лѣта приде ис  
Кіева Данило посадникъ. Того же лѣта князь  
великій Мъстиславъ поточи Полотскихъ князей  
къ Царуграду, Давыда, и Ростислава, и Свя-  
тослава, и Василя, Іоанна.

Въ лѣто 6638. Князь великій Мъстиславъ  
Володимеричъ Манамахъ поплѣни Литву.  
Того же лѣта сынъ его Всеволодъ съ Ново-  
городци ходи на Чудь, и посѣче ихъ, и хо-  
ромы ихъ пожже, а жены ихъ и дѣти ихъ  
приведе въ полонъ со собою. Того же лѣта  
кончаша церковь святаго Іоанна. Тогда же нду-  
чи изъ заморіа, со Готъ, потопаи людей 7, и  
самѣи истопоша и товаръ, а друзіи волѣзоша,  
но назі; а изъ Дони<sup>3</sup> приидоша здрави. Того  
же лѣта архіепископъ Іоанъ, піанъ, отврѣжесе  
Новгородскіа епископіа<sup>4</sup>, сѣдѣвъ 20 лѣтъ. И  
поставиша архіепископа Нифонта, мужа свята и  
богобоязнива; и приде къ Новогороду, иѣся-  
ца генваря 1 день, на святаго великаго Василя;  
на обѣдню. А Петрилу даша посадничество.

<sup>5</sup>Въ лѣто 6639. Бысть знаменіе въ солнци,  
въ вечернюю годину, марта 30.

Княженіе Ярополче Манамаховича.  
<sup>6</sup>Въ лѣто 6640, апрѣля 14, преставися князь  
великій Мъстиславъ Володимеричъ Манамахъ,  
въ Кіевѣ; по немъ сѣде на столѣ Ярополкъ,  
братъ его. Того же лѣта ходи Всеволодъ  
Мъстиславичъ изъ Новогорода, повелѣніемъ  
Ярополчины, и посади его въ Переяслав-  
ли, посылаѣ бо по него, а цѣловалъ  
къ Новогороду крестъ, «яко хочу у васъ  
умрети.» И рекоша братія, Юрій и Андрей: «се  
братъ нашъ Ярополкъ по смерти своей хощетъ  
дати Кіевъ Всеволоду Мстиславлю, братану  
нашему.» И выгониста его ис Переяславля,  
и приде Всеволодъ опять къ Новогороду; и  
бысть встанъ велика въ людехъ. И при-  
доша Плесковичи и Ладожане къ Новогороду,  
и выгониста князя Всеволода изъ Новогорода;  
и пакы здумавше възвратиша его Устьяхъ;  
а Мирославу даша посадничество въ Плес-

(1) Въ подлинникъ слово: верешъ на полъ объяснено словомъ: ярь. (2) Тамъ же, вмѣсто словъ: борисъ всеславичъ, стоитъ въ текстѣ: романъ, а на полъ отъ этого слова сдѣлана выписка: нов. борисъ и всеславичъ. (3) Въ Полм. Собр. Лѣт. т. III, стр. 6: а и въ дош. (4) Въ подлинникъ послѣ этого слова было написано: нифонта, но потомъ зачеркнуто. (5) Тамъ же передъ симъ на полъ написано: нов. (6) Тамъ же передъ симъ на полъ написано: кіев.

ковѣ, а Рагуилу въ Ладогѣ. Князь великій же Ярополкъ выведе брата Юрія из Переяслава, и посади въ немъ Изяслава Мстиславича выведъ из Полоцка; Полочане же выгнаша отъ себе и брата его Святополка, а посадиша у себе Василка Святославича, внука Владимира. И потомъ князь великій Ярополкъ выведъ из Переяслава Изяслава Мстиславича, и дасть ему Туровъ и Пинскъ, а Переяславъ брату своему Вячеславу.

Въ лѣто 6641. Бысть знаменіе въ солнци, предъ вечернею. Того же лѣта обновиша мостъ черезъ Влѣховъ, рушивше; и церкви срубивше 2 деревяны на торговщи, святыя Богородица и святаго Георгія, при князи Всеволодѣ. На ту же зиму иде Всеволодъ съ Новгородци на Чюдъ, и взя городъ Юріевъ, февраля въ 9, на память святаго мученика Никифора.

Въ лѣто 6642. Почаша молвити о Суздальскѣй войнѣ Новгородци, и убиша мужа своя, и свергоша съ моста. Того же лѣта погорѣ тор(го)вый полъ, отъ ручія Плотничьскаго до Холма, а церквей 10 згорѣ, августа 4. Того же лѣта ходи Всеволодъ съ Новгородци къ Суздали, хотя брата своего посадити на Суздали; и воротилися з Дубны, а Изяславъ иде къ Кіеву. Тогда отъѣхаша посадничество у Петра и даша Ивану. И раздѣлся вся земля Руская. Того же лѣта рубиша Новгородецъ за моремъ. Того же лѣта иде Исаіа игумень посолствомъ къ Кіеву, и приде съ митрополитомъ Михаиломъ къ Новгороду, мѣсяца декабря 9.

Въ лѣто 6643. Князь Юрій Володимеричъ Долгорукий испроси у брата, у великого князя Ярополка, Переяславъ Русскій, а ему дасть Суздали и Ростовъ. Жданской вой. Тон же зимы Всеволодъ Мстиславичъ иде на Суздали и Ростовъ ратию, а съ нимъ вся Новгородская область, и стаща дніе зли, мразъ

и вѣялица страшень зѣло; они же съвокупив-<sup>1132</sup> шеся срътоша ихъ на Жданѣ горѣ, и ту би-<sup>1136</sup> шася, и много ся зла сътвориша. Ту убиша посадника Иванка, мужа храбра зѣло, и Петра Микулинича, и многихъ добрыхъ мужей побивша; а Суздалицевъ пало болѣ. Всеволодъ же бѣже къ Новгороду, а Новгородци съ Суздалици сътворше миръ, придоша опять посрамлени. И пустиша митрополита Михаила къ Кіеву, мѣсяца февраля въ 10, а на Суздали идучи не пустиша его; а онъ моляше имъ: «не ходите, мене Богъ послушаетъ.» И придоша, даша посадничество Мирославу Горятиничу.

Въ лѣто 6643. Ходи посадникъ Мирославъ мирити Кіань (съ) Черниговци, и не успѣвъ ничтоже: сильно бо възмалася вся земля Руская. Князь великій Ярополкъ зваше къ собѣ Новгородци, а Черниговскій князь Святославъ Ольговичъ зваше къ собѣ, и бишася про то, и поможе Богъ Святославу Ольговичу съ Черниговци, и многіе Кіане иссѣче, а другыя рукама изыма, мѣсяца августа; не то блже (зло), но и злѣе того, поча копяти вой Половци. Того же лѣта Всеволодъ Мстиславичъ и владыка Нифонтъ заложил въ Новгородѣ церковь каменну на торгу. Того же лѣта Ирожнеть заложил церковь святаго Николу на Яковли улицѣ. Ту же зиму иде въ Русь владыка Нифонтъ Новгородскій, съ мужи болшими, заставъ Кіань съ Черниговци стоящихъ противу себе, множество вой, хотящихъ битися; и Божіею волею смиришася. А посадникъ Мирославъ преставися до владыки, и посадничество даша Константину Микотиничу<sup>1</sup>.

Въ лѣто 6644. Новгородци призваша Плесковичи и Ладожане, и здумаша<sup>2</sup> яко изгнати князя своего Всеволода; и всадиша его въ епископъ дворъ, (съ) женою, и з дѣтми и съ тещею, и сторожи стрѣжаху его день

(1) Въ Полн. Собр. Лѣт. т. III, стр. 7 читаемъ: микотиничу. (2) Въ подлинникѣ: здумаше.

1136 и ночь, по 30 мужей съ оружіемъ; и пустиша  
1137 его изъ города, а Володимера сына его приаха.

А се выны его творяху: 1, не блудеть смердовъ; 2, чему хотѣлъ еси сѣсти въ Переяславѣ, а къ намъ цѣлова крестъ? 3, и халъ еси (изъ полку) напередъ всѣхъ, а (отъ) того много ны потаты<sup>1</sup>; и велѣвъ ны, рече, къ Всеволоду приступити, а пакы отступити велитъ; и не пустиша его, дондеже ны князь придетъ. Того же лѣта згорѣ церковь святаго Воскресенія въ манастири. Того же лѣта<sup>2</sup> придетъ въ Новгородъ князь Святославъ Ольговичъ, изъ Чернигова, отъ брата Всеволода, мѣсяца іюля 19 день, въ недѣлю; а Всеволода выгнаша. Онъ же придетъ къ Кіеву, и дастъ ему князь великій Ярополкъ Вышегородъ. Того же лѣта убиша Юрія Жирославича и съ моста свергоша. Того же лѣта святиша святаго Николу. Того же лѣта оженися Святославъ Ольговичъ въ Новѣгородѣ, и вѣнчася своими попы у святаго Николы; архіепископъ Нифонтъ не вѣнча его, ни попомъ не далъ на сватбу ити, глаголя: «не достонть ея поняті.» Тогда же стрѣлиша князя милостинници Всеволожи, и ж(ивъ) бысть.

Въ лѣто 6645, мѣсяца марта 7, бѣжа Костянтинъ посадникъ къ Всеволоду, и нѣхъ добрыхъ мужъ (нѣколико), и даша посадничество Якуну Мирославичу. Того же лѣта придетъ князь Всеволодъ Мѣстиславичъ изъ Вышегорода ко Пскову, позванъ Новгородскими и Псковскими мужи, отай, пріатели его: «пояди, княже, яко тебе хотятъ опять.» Онъ же, хотя опять сѣсти на столѣ своемъ, поиде изъ Вышегорода съ братомъ Святополкомъ, и проводи ихъ до Плескова Василко Полотцкій. Идушу ему мимо Полотескъ, самъ выиха къ нему и проводи его съ многою честію, заповѣди же ради Божіа забы злобу отца ихъ Мѣстислава, что бѣшеть сътвориъ

всему роду его; вшедшу ему въ рудъ его, къ нему, и ничтоже о немъ лукавно помысли, якоже подобаше челоуѣческому естеству; но и крестъ межи собою цѣловаста, яко не поминати что ся удѣало въ прѣвое; на всю правду дався, и тако добръ проводи его. И яко услышано бысть се, яко Всеволодъ въ Псковѣ съ братомъ Святополкомъ, и бысть мятежъ великъ въ Новѣгородѣ, не хоташе людіе Всеволода; и побѣгоша друзія къ Всеволоду въ Псковъ, и взяша Новгородци на разграбленіе дома ихъ, Костянтинъ, Нѣжатины и иныхъ много; еще же ищуще кто къ Всеволоду приаеъ бояръ, то имаша на нихъ (куны) съ полторы тысящи гривень, и даша купцемъ крутитися на войну, но (сѣ)гоша невиноватыхъ. Потомъ же Святославъ Ольговичъ съвокупилъ всю землю Новгородскую, и брата своего Глѣбка приведе съ Кураны и съ Половци, (и) идоша на Псковъ прогонити Всеволода; и не покоришася имъ Псковичи, ни выгнаша князя отъ себе, но бѣху съ устерегли, засѣкли оскы вси. И здумаъ князь и людіе его на пути, въспятишася на Дубровнѣ, рекши: «не проливайте крови съ своимъ братією, негли Богъ како управитъ своимъ промысломъ.» Тогда же преставися князь Всеволодъ Мѣстиславичъ въ Псковѣ, внуку великого князя Володимера Манаха, февраля 11 день, въ четвер(ток)ъ масленна недѣля; а въ недѣлю положенъ бысть во церкви святаго Троица, юже създаъ самъ, въ придѣлѣ святаго Благовѣщенія, на лѣвой странѣ, и поставиша надъ нимъ его мечъ, иже и донныиъ стоитъ, видимъ всѣмъ. И Псковичи же яшася по брата его Святополка Мѣстиславича; и не бѣ мира съ ними, ни съ Суждальци, ни съ Смоленяны, ни съ Полоцканы, ни (съ) Кіаны Новгороду; и стоа все лѣто осмьнка ржи великаа по 7 рѣзанъ.

(1) Въ подлинникѣ: много а почалъ ты. (2) На этомъ словѣ, находящемся въ рукописи на оборотѣ 79-го листа, прерывается статья и ея продолженіе помѣщено на 84-мъ листѣ.



Въ лѣто 6646, мѣсяца марта въ 9, на память святыхъ 40 мученикъ, бысть громъ великъ. Того же лѣта выгнаша Новгородци князя Святослава Олговича отъ себе; сидѣвъ лѣто и 9 мѣсяць. Того же лѣта послаша по Юріа Володимерича Долгорукого, онъ же дастъ имъ сына своего Ростислава, изъ Суждаля, княжити. Идушу же ему къ нимъ, въ то время пополошишася людѣе, сълагаша бо, яко Святополкъ у города съ Плесковичи; и высушася весь городъ къ Святищу, и не бысть ничтоже. Тогда же Новгородци смиришася съ Плесковичи. А Святославу бѣжащу изъ Новгорода, яша его на пути Смоленяне, и стрѣжаху его на Смядинѣ въ монастыри, а княгиню его приаха въ Новѣгородъ съ лучшими людьми; а Святослава ведоша въ Кіевъ къ Ярополку. И Всеволодъ Олговичъ приведе Половци, и нача воевати по Сулѣ, и слыша яко ятъ бысть братъ его Святославъ, и хотѣ ити къ Кіеву; а великому князю тогда Ярополку многы воа съвокупившу, онъ же възвратися къ Чернигову, и князь великій поиде на нь къ Чернигову. Всеволодъ же посла къ нему смиреніемъ и (съ) мольбою и з дары; князь же великій Ярополкъ приа молбу его, и сътвори съ нимъ миръ, и воа распусти. Тои же зимы, февраля 18 день, на память святаго отца (нашего) Леонтія, преставися князь великій Ярополкъ Володимеровичъ Манамаховъ. Того же лѣта, маа въ 10, вниде князь Ярославъ<sup>1</sup> Юріевичъ Долгорукого въ Новѣгородъ на столъ. И въ Кіевѣ сѣде князь великій Вячеславъ Володимеричъ на столѣ. Вячеславъ княженіе. И сѣде Вячеславъ только 10 днѣй; и приде на него Всеволодъ Олговичъ Святославича, и выгна его изъ Кіева. И сѣде на столѣ въ Кіевѣ Всеволодъ Олговичъ, марта 5.

Княженіе Всеволода Олгова сына Свя-

тославича. Въ лѣто 6647. Слышавъ Юрій<sup>1138</sup> Манамаховичъ Долгорукій, яко Всево(лодъ) сѣ-<sup>1140</sup> дитъ въ Кіевѣ, а брата его Вячеслава согна, поиде изъ Суждаля къ Смоленску. И посла къ Новгородцомъ, зовя ихъ со събою на Всеволода Олговича; он(и) же не послушаша его, а сына его Ростислава выслаша отъ себе. Тогда Ростиславъ прибѣже къ отцу, къ Смоленску, сѣдивъ Новѣгородъ лѣто и 4 мѣсяцѣ. Юрій же разгнѣвася на нихъ, поиде опять къ Суждалю; и идя взя Новѣй Торгъ, и иде къ Суждалю. А Новгородци послаша къ Кіеву. (къ) великому князю Всеволоду, просящи у него брата его Святослава опять; онъ же обѣщася, и не посла тогда, заводи же Новгородцивъ ротѣ. Бѣ же маетежъ въ Новѣгородѣ, а Святослава долго не бѣше. Князь же великій Всеволодъ<sup>2</sup> Олговичъ зачатъ замышляти на Володимеричи и на Мѣстиславичи, хотя всю землю дръжати з братією, надѣяся на множество вой: искаше полъ Андреемъ Володимеричемъ Переяславля, а подъ Ростиславомъ Мѣстиславичемъ<sup>3</sup> Смоленска, а подъ Изяславомъ Мѣстиславичемъ Володимеря. И приведе брата своего Святослава изъ Курска, и поиде на Андрѣа къ Переяславу, и посла къ нему, рекъ: «иди къ Курс(к)у.» Андрей же рече: «лучши здѣ и умру, а къ Курс(к)у не иду.» Посла же на него князь великій Всеволодъ брата своего Святослава; Андрей же выиде противъ его, и побѣ его, наутріа же миръ сътвориша. Новгородци же послаша второе къ великому князю Всеволоду, просяще у него брата Святослава, а дѣти своя въ закладъ прислаша; и пусти его къ нимъ. Того же лѣта вниде Святославъ Олговичъ второе (въ) Новѣгородъ на столъ.

Въ лѣто 6648, мѣсяца марта 20, бысть знаменіе въ солнци, и опять исполнися. Того же

(1) Не слѣдуетъ ли читать: Ростиславъ, какъ въ Полн. Собр. Лѣт. т. III, стр. 87 ср. здѣсь выше, подъ 6646 годомъ, и ниже, подъ 6647 годомъ. (2) Въ подлинникѣ: осеволодъ. (3) Тамъ же: мѣстиславича.

1140 лѣта послаша Новгородци (къ) великому кня-  
1142 зю Всеволоду Костантина Микулина и по немъ  
6 мужъ, оковавшие, Полюда Гостятинича и  
иныхъ колко ихъ.

Въ лѣто 6649, мѣсяца априля въ 1 день,  
бысть знаменіе на небеси дивно велики: 6 кру-  
говъ около, а три около обаполъ солнца,  
и стоа мало не весь день. Того же лѣта пре-  
ставился князь Андрей Володимеричъ, въ Пе-  
реяславѣ. Того же лѣта придоша изъ Кіева  
отъ великого князя Всеволода по брата его  
Святослава въ Новгородъ, вести его къ Кіеву,  
рекъ имъ: «сына моего примете себѣ князя.»  
И послаша епископа къ великому князю по  
сына его и лѣпшихъ людей; а Святославу  
рѣша: «а ты пожди брата<sup>1</sup>, тоже пондеши.»  
Святославъ же убоявся Новгородцевъ, глаго-  
ля: «еда прельстивше мя имуть,» и бѣжа отай  
нощію; и Якунь съ нимъ бѣжа. И яша Яку-  
на на Плюси, и придоша съ братомъ его  
Прокопѣмъ, мало<sup>2</sup> не (до) смерти (убиша),  
обнажиша его яко мати родила, свергоша его  
съ моста; но Богъ избави его, и прибреде къ  
берегу, и болѣ его не быша, но взяша у него  
1000 гривенъ, также и у иныхъ имаща. И  
заточиша Якуна въ<sup>3</sup> Чудъ з братомъ, оковавшие  
руцѣ къ шіи; послѣди приведе ихъ къ собѣ  
Юрій, и жены ею изъ Новгорода, и держаше  
ихъ у себе въ милости. Пришедшу же В(сев)о-  
лодичу въ Новгородъ, и не пріаша его, ркущи:  
«не хотимъ племени Олгова, но хотимъ<sup>4</sup> пле-  
мени Володимера, дай намъ шурина своего  
Святополка Мѣстиславича;» онъ же не хотѣ  
имъ дати того. Новгородци же послаша къ  
Юрію, въ Суздаль, и посла къ нимъ сына  
опять Ростислава. Великій же князь Всеволодъ  
то слышавъ, разгнѣався, вмета Новгородцевъ  
въ погребъ, послы вся, и епископа и гостей. И  
сидѣша Новгородци безъ князя 9 мѣсяцъ;  
и призваша и(зъ) Суздаля Судила, и Нѣжату

и Странка, оже бяху бѣжали изъ Новгорода  
Святослава ради, и даша посадничество Судилу  
въ Новѣгородъ; и послаша по князя Юрія къ  
Суздалю, и не иде, но посла къ нимъ сына  
своего Ростислава. Того же лѣта вниде Рос-  
тиславъ Юріевичъ въ Новгородъ на столъ. Того  
же лѣта смирился князь великій Всеволодъ съ  
шуриномъ своимъ Святополкомъ Мѣстислави-  
чемъ.

Въ лѣто 6650. Епископа, и купцовъ и по-  
словъ Новгородскихъ не пустяху изъ Руси,  
а они не хотяху иного князя, но Святопол-  
ка Мѣстиславича; и вда имъ князь великій<sup>5</sup>  
Святополка и(зъ) своею руку, противляясь  
Юрію, иже пустилъ сына своего Новороду;  
и посла (въ) Новгородъ Святополка, и Нового-  
родцевъ отпусти всѣхъ съ нимъ. И услышаша  
въ Новѣгородѣ, яко Святополкъ идетъ къ  
нимъ съ всѣми людьми ихъ, и яша Ростислава  
и всадиша въ епискупль дворъ; сѣде 4 мѣсяцѣ.  
Святополкъ же, пришедъ въ Новгородъ,  
сѣсла Ростислава Юріевича, (и) иде къ отцу въ  
Суздаль. Того же лѣта Вячеславъ Володимеричъ  
иде княжити въ Переяславъ, а (къ) Турову  
иде Святославъ Всеволодичъ; а Игорь въскотѣ  
себѣ Переяславля, и поиде на Вячеслава, и  
пріиде къ Вячеславу въ помощь брата его сынъ  
Изяславъ Мѣстиславичъ, а Ростиславъ шедъ  
изъ Смоленска взя четыре города Игоревы,  
онъ же послышевъ отънде отъ Переяславля.  
А Вячеславъ дастъ Переяславъ Изяславу, а  
самъ иде къ Турову; а Святославъ Всеволодичъ  
иде къ Володимерю. Того же лѣта прихо-  
диша Имь, и воеваша область Новгородскую;  
избиша Ладожане 400, не отступиша ни мужа.  
Того же лѣта приходи Свѣйскій князь и епис-  
копъ въ 60 шнекъ на гостъ, иже изъ запо-  
рія шли въ 3 же лодіяхъ; и бышася, и не  
успѣша ничтоже, и отлучиша ихъ 3 лодіи,  
избиша ихъ полтораста.

(1) Въ подлинникъ: брате. (2) Тамъ же: малыиъ. (3) Тамъ же: на. (4) Тамъ же: хотимъ. (5) На этомъ словѣ,  
находящемся въ рукописи на оборотѣ 85-го листа, прерывается статья и ея продолженіе помѣщено на обо-  
ротѣ 75-го листа.

Въ лѣто 6651. Стоя вся осень дождевна, отъ Господина дни до Карачина<sup>1</sup>, тепло, дождь, и вода велика въ Волховѣ, сѣно и дрова рознесе; озеро излома вѣтръ, и выломил мостъ, а 4 городни б(езъ) знадбѣ<sup>2</sup> снесе. Въ то же лѣто оженися Святполкъ въ Новѣгородѣ, приведе жену изъ Моравы. Въ то же лѣто ходи Корѣла на Имь, и отбѣжаша 2 лонву быти.

Въ лѣто 6652. Ходи князь великій Всеволодъ на Володимерка къ Галичу, и много воева, и два града взя Изяславъ съ Половци, Ушину и Микулинь, и пришедшу къ Звенигороду, и ту смиришася. Того же лѣта дѣлаша мостъ весь новъ, по сторонѣ ветхаго. Въ то же лѣто исписаша честно притворины вся въ святѣй Софїи въ Новѣгородѣ, повелѣніемъ владыкъ Нифонта; и даша посадничество Нѣжатѣ. Того же лѣта съвръшиша церковь каменну святую Богородицу на торгу.

Въ лѣто 6653. Стра 3 недѣли тепло добрѣ предъ жатвою, и потомъ наиде дождь, и до зимы дни<sup>3</sup> ясна не бысть, и много убитка въ житѣ и въ сѣнѣ. Въ то же лѣто утопста два попа, и не дасть владыка пѣти надъ ними. Того же лѣта заложилъ церковь каменну на Смядынѣ Бориса и Глѣба, въ Смоленську. Того же лѣта ходилъ вся Русская земля къ Галичу, и много попустишилъ областей, а города не взяша ни единого, и възвратишася; ходилъ же изъ Новгорода въ помощь Кіаномъ, съ воеводою Неревиномъ, и възвратишася съ любовію.

Въ лѣто 6654. Прииде Володимерко изъ Галича взя Прилукъ, и хотѣ на нь<sup>4</sup> принти князь великій Всеволодъ Олговичъ, и посла къ братѣмъ, велѣ имъ быти готовымъ зъ Бориса дни, и потомъ разболѣся, и преставися августа 1. И вниде въ Кіевъ братъ его Игорьъ. Княженіе Игорёво Олговича, внука Святослава

ля. И не годно бысть людемъ княженіе Игорё-<sup>1143</sup>  
во, и послаша въ Переяславль (къ) Изяславу<sup>1146</sup>  
Мѣстиславичю, внуку Манамахову; онъ же  
принде къ Кіеву, а Игорьъ князь великій съ бра-  
томъ Святославомъ Олговичемъ выидоша про-  
тиву ему, и не дошедше его побѣгоша, людіе  
же о нихъ бишася<sup>5</sup>, ту многихъ избиша, а инѣ  
истопоша. И поможе Богъ Изяславу, и вниде  
Изяславъ въ Кіевъ, и сидѣ на столѣ августа  
13. И по 4-хъ днѣхъ по побойши<sup>6</sup> приве-  
доша къ нему Игоря, изымавъ въ болотѣ,  
и посла его въ монастырь на Выдобичѣ<sup>7</sup>, и  
оттуда въ Переяславль, и всадиша его въ по-  
рубъ; и тако скончася власть его, княживъ  
2 недѣли. А братъ его Святославъ бѣжа къ  
Новгороду къ Сѣверскому. Вячеславъ же  
то слышавъ, и надѣяся на старѣйшинство, и  
не приложи чести къ великому князю Изясла-  
ву, и отгялъ города свои, нже отгя у него  
Всеволодъ Олговичъ, еще же и Володимеръ заа,  
и посади въ немъ Андрѣевича. Княженіе ве-  
ликого князя Изяслава Мѣстиславича.  
Князь же великій Изяславъ посла по брата  
по Ростислава отгялъ грады у Вячеслава, а  
сына своего Ярослава посади въ Туровѣ. А  
за Святославомъ Олговичемъ посла Изяслава  
Давыдича, и Володимера, брата его, и сына  
его Мѣстислава и нныя князи; и много зла  
сътвориша власти его. Святославъ же присла  
къ нимъ, мира прося; они же рѣша: «лиши-  
ся брата Игоря, и дадимъ ти миръ.» Онъ  
же не хотѣ того, по рече: «донелѣже ми душа  
въ тѣлѣ, не могу лишитися его.» Они же  
шедше разграбилъ село Игорёво, въ немъ  
же бѣ всякого множество товара, и зажгоша  
дворъ и гумно, въ немъ же бѣ девятьсотъ  
стоговъ жита; и оттолѣ послаша противу  
великому князю, а сами поидоша къ Путивлю,  
и не дашася имъ Путивльци, дондеже при-

(1) Въ подлинникѣ это слово объяснено на полѣ словами: до рождества христова. (2) Тамъ же это слово объяснено на полѣ словами: отъ основанія. (3) Тамъ же: а дни. (4) Тамъ же: нахъ. (5) Тамъ же: бышася. (6) На этомъ словѣ, находящемся въ рукописи на оборотѣ 76-го листа, прерывается статья, и ея продолженіе помѣщено на 75-мъ листѣ. (7) Въ подлинникѣ: на давидѣ.

1146 иде князь великій Изяславъ, и тако дашася;  
 1147 и посади у нихъ намѣстники своа, а что  
 есть въ градѣ Святославѣ, а то все разгра-  
 би. И приде вѣсть къ Святославу, яко градъ  
 его взятъ и вся сущая его тамо разграблени  
 быша, а на нь даутъ хотяще его остушити  
 въ Новѣгородѣ, онъ же бѣжа оттуду къ Ка-  
 рачеву. И поиде за нимъ въ погоню Изя-  
 славъ Давыдичъ въ трехъ тысящахъ, разгор-  
 дѣвся, хотя рукама изымати его и вся су-  
 щая съ нимъ. Святославъ же то слышавъ,  
 и не бѣ уже где ся ему дѣти; и погадавъ  
 з братією, Иваномъ Юріевичемъ Долгорукого,  
 и съ сыновцемъ своимъ Иваномъ Ростислави-  
 чемъ и Володимеромъ Святославичемъ, и съ  
 Половци, иде противу ему и одолѣ ему. Изя-  
 славъ же Давыдовичъ прибѣже къ братіи, они  
 же вси поидоша на Святослава; то же слы-  
 шавъ Святославъ, пограби Карачевъ, бѣже въ  
 Вятичи. Князь же великій Изяславъ Мѣсти-  
 славичъ пѣиіе, и волости и городъ дасть  
 Давыдовичемъ, Изяславу и Володимеру, и Свя-  
 тославу Всеволодичю; а что Игореву, а то  
 собѣ поималъ, (и) иде къ Кіеву. На ту же  
 осень Игорь<sup>(1)</sup> въ порубѣ болѣнь бѣ, и про-  
 сяше чернечества; князь великій же повелѣ  
 выпусти(в)ши его постричи, и бысть постри-  
 женъ въ Переславлѣ отъ епископа Евѣмїи;  
 потомъ же оздравѣ, и ведоша его въ Кіевъ  
 въ монастырь святого Феодора, и ту схику<sup>(2)</sup>  
 въложиша на нь. Давыдичи же поидоша за  
 Святославомъ ко Дебрянску, а Святославъ  
 Всеволодичъ Олговича оста въ Карачевѣ, а  
 Святославъ изъ Козельска<sup>(3)</sup> иде къ Дѣдосла-  
 влю; ту же разболѣся у него Иванъ Юріевичъ.  
 Онъ же поиде къ Сестру, и ту Ростиславичъ  
 Иванъ Берладичичъ отступи отъ него къ Ро-  
 стиславу къ Смоленскому, а Святославъ при-  
 иде въ Колтескъ городъ, и ту ярисла ему

Юрій Долгорукій изъ Суждала помочь, 1000  
 бромникъ; а Давыдичи то слышавше, не  
 смѣша по немъ ити, но возвратистася изъ  
 Дѣдославля.

Въ лѣто 6655. Преставися Иванъ Юріевичъ,  
 февраля 20 день; и вземше тѣло его братіа  
 его Борись и Глѣбъ, идоста<sup>(4)</sup> къ отцу къ<sup>(5)</sup>  
 Суждалю; а Святославъ иде верхъ по Опѣ,  
 и ста на усть Поротвы въ Любыньскѣ. То-  
 го же лѣта въ Новѣгородѣ даша посадничь-  
 ство Константину Микулинчу. Того же лѣта  
 здѣлаша 4 церкви: святого Бориса и Глѣба  
 въ городѣ, и святого Илію, и святого Петра  
 и Павла, и святою Козму и Деміана. О  
 Москвѣ. Того же лѣта князь Юрій взя Но-  
 вый Торгъ и Мѣсту повоева, а Святославу  
 Олговичу повелѣ<sup>(6)</sup> Смоленскую волость воевати;  
 онъ же взя Люди, Голядь и прочая волости  
 воева. Потомъ же повелѣ ему Юрій принти  
 къ себѣ на Москву, онъ же приде къ нему  
 съ сыномъ своимъ Олгомъ и съ Володимеромъ  
 Святославичемъ, и ту Юрій много чти, вон-  
 даривъ, отпусти; онъ же иде къ Нериньскому.  
 О Климѣ митрополитѣ. Того же лѣта по-  
 стави князь великій Изяславъ митрополита  
 Клина Смоленянина, выведъ изъ заруба; бѣ же  
 сей черноризецъ скимникъ, и книженъ зѣло  
 и философъ; но мнози о семъ негодоваху;  
 постави же его своими епископы. То же лѣ-  
 та Юрій посла къ Святославу сына своего  
 Глѣба, и приидоша къ нему Половци; онъ же  
 зая всѣ (грады): Вятичи, и Брянецъ, Обловескъ,  
 Десягорескъ, и до Воробины по Деснѣ, и Дона-  
 гоши, и приде къ Мченъску, и поиде къ Храму  
 на Изяслава Давыдовича. И ту угоиша его  
 послы отъ Володымера Давыдовича<sup>(7)</sup> и отъ  
 Святослава Всеволодича, и цѣловаша къ нему  
 крестъ, яко быти имъ всѣмъ за одинъ. При-  
 шедше Давыдовичи къ Чернигову, посланна

(1) Въ подлинникъ: игоре. (2) Тамъ же: въ схику. (3) Тамъ же: изъ козельска. (4) На этомъ словѣ, находящем-  
 ся въ рукописи на оборотѣ 75-го листа, прерывается статья и ея продолженіе помѣщено на оборотѣ 74-го  
 листа. (5) Въ подлинникъ: и. (6) Тамъ же: повелѣ. (7) Тамъ же, по ошибкѣ: изяславича.

лестію къ великому князю Изяславу Мстиславичю, глаголюще: «Святославъ изьялъ власть нашу Вятичи; поидеѣ на нь.» А Святославъ Всеволодичъ пришеде въ Кіевъ къ великому князю Изяславу, любяше бо его<sup>1</sup> Изяславъ, и ту отпросися у него къ Чернигову, къ Давыдовичемъ, и съѣзкупльшеся послаша второе къ великому князю Изяславу, глаголюще: «хотѣлъ еси ити на Юрія и на Святослава, та поиди нынѣ.» Князь великій же съзва бояре Кіевскія и дружинну, и рече имъ: «хошу ити съ Давыдовичи на Юрія и Святослава Олговича, со братомъ Ростиславомъ, и (съ) Смолняны и съ Новгородци; поидите вы со мною?» И рѣша ему Кіане: «не ходи, княже, на своего стрыа на Юрія; Олговичемъ вѣры не имы, а въ путь съ ними не ходи; аще ли хоцеша, ны на Володимере племя не можемъ руки подняты, аще ли на Олговича, то и з дѣтми идемъ.» Онъ же не послуша ихъ, но рече: «да кто хоцетъ, тотъ поиде(тъ) съ мною;» и поиде самъ. И посла напередъ себе въ Черниговъ Улѣба; Улѣбъ же увѣда, яко сложилися Олговичи, великого князя Изяслава зовутъ лестію, хотяще его убить, и бѣжа назадъ къ нему, и стрѣте его на Супонѣ, и сказа ему леств Черниговскихъ князей, яко цѣловали крестъ Святославу, а къ Юргію послали, а его убить хотятъ. Онъ же възвратися, а къ нимъ посолъ свой посла, и облича леств ихъ и мысль злую. Посла же князь великій и къ брату своему Ростиславу, являа ему се, а веля ему ити къ себѣ въ Кіевъ. Посла же и къ брату своему Володимеру, и къ митрополиту и къ Кіаномъ, се же повѣдая, и Кіаномъ глаголя: «якоже вы ся, братіе, обѣщавалися на Олговичи, то нынѣ приспѣ время; потягните, братіа, по мнѣ на крестопреступниковъ.» Они же рѣша: «ради есмь по князи своемъ и з дѣтми; но сего блюдемся, яко прежде сего было при великомъ князи Изяславѣ Ярославичи, высѣкше

Всеслава посадиша на столѣ; а се нынѣ<sup>1147</sup> вѣрогъ князя нашего и нашъ, Игорь, не въ<sup>1148</sup> порубѣ, но въ монастыри святаго Θεодора.» И възвышеся вси людіе, поидоша убить Игоря. Володимеръ же Мстиславичъ рече имъ: «братіе и дружино! сего братъ мой, а вашъ князь великій, не приказалъ къ вамъ; по поидите противъ врагъ его, а Игоря сторожеве блудуть.» Также и митрополитъ (возбраняше имъ), и Лазарь тысяцкій. Они же не послушавше тако поидоша въ монастырь святаго Θεодора, а оному на обѣдѣ стоящу, симъ же къ монастыру идущимъ, Володимеръ погна по нихъ, да не дасть имъ Игоря, и не успѣ; а они емше его извлекоша изъ церкви, бѣюще и пхающе. Володимеръ же стрѣте ихъ въ вратѣхъ монастырскихъ, и ту скочи съ коня, и паде на Игоря, да не дасть имъ убить его; людіе же самохотяще убить его, а Володимеръ введе его въ дворъ матере своеа; людіе же врата выломаша у двора и сѣни о немъ разбиша, и съвлекше его съ сѣней<sup>2</sup>, и убиша его, и въ единой свиткѣ, поцѣпивше ужемъ за нозѣ, влекше, покинуша его на торговищи. Володимеръ же пославъ повелѣ похоронити тѣло его; и положень бысть въ церкви святаго Семіона. На ту же осень ходи Святополкъ Мстиславичъ съ Новгородци и съ всею областію на Юргіа, на Суждалъ; и воротилася у Нового Торгу въ распутіе. Того же лѣта преставися Константинъ посадникъ, и даша Судилови<sup>3</sup> Иванковичю. Тогда же преставися игуменъ Антоній, начальникъ Антонова монастыря въ Новѣгородѣ, и даша игуменство Андрею.

Въ лѣто 6656. Глѣбъ Юріевичъ иде и(зъ) Суждала къ Чернигову Олговичемъ въ помощь; князь великій же Изяславъ<sup>4</sup> Мстиславичъ зва его къ себѣ, и не иде, но иде на сына его Мстислава къ Переяславлю, и ту не успѣ ничтоже, поиде къ Курску, и тамо посажа по всей Сепи намѣстники свои. Потомъ сняся съ

(1) Въ подлинникѣ: его его. (2) Тамъ же: съ сѣней. (3) Тамъ же: саулови. (4) Тамъ же: изяславъ.  
Т. XV.



1148 Святославомъ Олговичемъ, и посемъ прииде къ  
 1149 нимъ Святославъ Всеволодичъ и Изяславъ Давыдичъ, и взяша градъ Попашъ; а Выревцы и Выханцы не дашася. Того же (лѣта) слышавъ князь великій Изяславъ Мъстиславичъ, поиде и з братомъ Володимеромъ, и съ всѣми вой своими; и отъ Вячеслава прииде ему помочь изъ Володимеря. Дошедшимъ же имъ Чръныи Могылы, и ту прииде<sup>1</sup> къ нему братъ его Ростиславъ Мъстиславичъ (съ) Сѣмолняны и съ множествомъ вой, и оттолѣ поидоша съ нимъ къ Сулѣ. Они же слышавше поидоша оттолѣ къ Глѣблю, и къ Всеволожу и къ Чернигову; Изяславъ же, братъ его, слышавъ то, поиде за ними, и пришедъ къ Всеволожу, взяша его. Тоже слышавше прочіи грады, Унѣжь, и Бѣлавежа и Бохмачъ, и побѣгоша къ Чернигову, и инымъ мнози грады; и постигше же взяша три тыя грады, а прочіи уйдоша, а грады зажгоша, а Глѣбъ отбишася. И поидоша оттуду х Кіеву, и оттуду Ростиславъ иде къ Смоленску; Олгови(чи) же и Давыдовичи послаша, Брягинъ повоеваша. Глѣбъ же Юріевичъ шедъ зайтъ Градокъ отца своего, и ту прииде на нь князь великій Изяславъ, онъ же убоявся и доби ему челомъ, и крестъ цѣловавъ възвратися къ Кіеву; Глѣбъ же посла къ Давыдичемъ, рекъ: «по неволѣ есми цѣловалъ великому князю Изяславу, а съ вами хочу за одинъ быти одинако.» Того же лѣта Юрій послалъ сына своего Ростислава въ помощь Олговичемъ, онъ же не иде къ нимъ, но иде (къ) великому князю Изяславу; князь великій же дастъ ему дары многы и грады Божьскы, и Можебожь, и Котелницу и ина два; а Глѣбъ иде къ отцу, а Ростиславъ въ Городецъ. Того же лѣта Олговичи и Давыдовичи съмиршася съ великимъ княземъ Изяславомъ, а про Игоря вражду отложиша. Того же лѣта въ Новѣгородѣ бысть дождь съ градомъ, іюня 27, и зажже громъ церковь

святую Богородицу въ Звѣрѣвци. Того же лѣта ходи архіепископъ Нифонтъ изъ Новгорода въ Суждаль, мира дѣля, и пріа его Юрій съ любовью(ю), и церковь святѣй Богородици свя-ти великимъ священіемъ, и Новоторжьци выправи всѣ и гости вси цѣлы, и посла съ честію къ Новгороду; но миру не бысть. Тоя же осени князь великій Изяславъ Мъстиславичъ прислалъ сына своего Ярослава изъ Кіева, и пріаша его Новгородци, а брата Святополка Мъстиславича выведе, злобы его ради, и дастъ ему Володимеръ. Тоя же зими князь великій Изяславъ бывъ въ Смоленскѣ<sup>2</sup>, у брата Ростислава, и оттуду прииде къ Новгороду; Новгородци же жаловашася ему на Юрія о Новомъ Торгу и о томъ, что съ ними миру не управитъ; онъ же пожалова о томъ и иде къ Кіеву.

Въ лѣто 6657. Романъ Ростиславичъ женися у Святослава Олговича. Тоя же зими поиде князь великій Изяславъ на своего дядю Юргія Володимерича Долгорукого, къ Суждалю и къ Ростову, за Новгородскую обиду, а съ нимъ братъ его Ростиславъ съ Смоляны, и Новгородци, и Псковичи и Корѣляне; и съзкупашася на Волзѣ, на усть Медвѣдци, и оттуду послаша къ Юргію; онъ же ни ихъ посла отпусти, ни своего посла. И оттолѣ поидоша къ Снятину<sup>3</sup>, и къ Углечу и къ Молозѣ, и много воеваша людей Юріевыхъ, даже и до Ярославля, по Волзѣ; и взяша 6 городовъ, и воюючи и жгучи. А Давыдовичи и Олговичи, починивъ срокъ снятися съ ними у Медвѣдци, и не доидоша, но стояху въ Вятчехъ, ожидаючи, что учинится межи ихъ съ Юріемъ, уже бо и весиѣ приспѣвши, и Мъстиславичи възвратшася, роспутія дѣля, еще же и кони ихъ похромоша. Князь великій же Изяславъ, взявъ полону 7000 головъ, иде къ Новгороду, и оттуду къ Смоленску, къ брату, и ту веснова, и иде къ Кіеву.

(1) Въ подлинникѣ: прииде. (2) Тамъ же: въ Смоленскѣ. (3) Тамъ же: къ снѣгину.



Въ лѣто 6657. Иде архіепископъ Новгородскій Нифонтъ въ Русь, позванъ великимъ княземъ Изяславомъ и митрополитомъ Климомъ, ставилъ бо его князь великій съ епископы Русскими, не славъ къ Царюграду. А Нифонтъ тако молваше: «недостойнѣсть есть стать, оже не благословенъ есть отъ великаго собора, ни ставленъ;» и онъ про то не борзо отрядивъ его, но посади его въ Печерьстѣмъ монастыри, дондеже Юргій прииде. О брани Юріевъ съ Изяславомъ. Въ то же время Юрій прииде обычаемъ таковымъ: злыи челоуѣци, діаволомъ подгнѣщаеми, яко огнь сѣно зжгають, тако и сѣи, въздвигнувшѣ вражду въ государехъ ихъ, въ грѣхъ и срамъ въводятъ, а сами погыбають злѣ, якоже рече(но) (въ) писаніихъ: зліи злѣ погыбоша. Навадиша бо великому князю Изяславу Мъстиславичю на князя Ростислава Юргіевича, глаголюще: хотѣлъ сѣсти въ Кіевѣ; князь великій же, нима тому вѣры, ограби Ростислава, и всади въ лодью, посла его къ отцу толико самого четверта<sup>2</sup>. И пришедъ Ростиславъ жаловася отцу на великого князя и на его коромолниковъ; Юрій же о семъ съжалиси велии, и рекъ: «уже ли се единъ азъ не имѣю части въ Руской земли, ни ли дѣти мои? или не отецъ мѣ былъ князь великій Владимиръ Манамахъ?» И помолиси Богу, и събра дружину, и приведе Половци, и поиде къ Кіеву на великого князя Изяслава Мъстиславича. Пришедшу же ему къ Вонханю, ту приидоста къ нему оба Святослава, Олговичъ и Всеволодичъ, и шедше стаха у Бѣлывежи, и ту мѣсяць стоаху, ожидаючи отъ великаго князя покоренія; а князь великій Изяславъ розославъ по братію, къ нимъ ни словеса не посла. И поиде Юргій къ Переяславу и ста. Тоже слышавъ князь великій Изяславъ, рече: «аще бы пришелъ на мене дядя мой з дѣтми, то взялъ бы къ собѣ еже хотѣлъ; аще пришелъ на мене Олговичевъ и Половци, то ми

мира нѣсть съ ними.» Се же глаголаше, надѣа- 1149  
щеся на множество вой; а Кіане не хотяху помо(г)ати ему, но веляху миритися съ ними. Прииде же къ Переяславу, и унимаше его епископъ Евфимій, не веля битися, и глаголаше ему съ слезами: «възми рядъ з дядею своимъ.» Онъ же не хоташе, но поиде на нь, глаголя: «добыли есми своимъ потомъ Кіева и Переяслава, а нынѣ ли ми ся отступити?» И прииде къ Ячину селцу, идеже Юргій стоаше, и стоиху противу себе отъ обѣда до вечерни; и потомъ отступи Юргій въспять, а князь великій поиде по немъ, и яко заходящу солнцу възвратися Юргій, и (съ)ступишася, и бысть бой великъ. И поможе Богъ Юрію, и побѣди Юрій; а князь великій Изяславъ бѣжа къ Кіеву, толко самъ третій, августа 13, и оттолѣ събрався съ женою, и з дѣтми и съ вѣсми своими, и бѣжа къ Лучку; а Юргій пребывъ въ Переяславѣ три дни, и иде въ Кіевъ, 15 августа. Идущимъ же имъ къ Кіеву, увидѣша градъ высокъ издавеча, и никтоже знааше кій сей градъ, и поидоша на нь; Половци же бышася у него, и мнози язвени быша, и бѣжаша отъ града того. Бѣ же то не градъ, но село святыа Богородица Печерскаа, а града николиже бывало; ни тѣи сами, сущіи въ селѣ томъ, разумѣша бывшаго, но изшедше видѣша кровпролитіе, и почюдншася бывшему. А Переяславъ дасть сыну своему Ростиславу. Княженіе великого князя Юргія Долгорукого. На то же лѣто идоша данщии Новгородскіе вмаѣ; слышавше же Юргій князь великій, оже вмаѣ изшли, и посла князя Берладского съ вон, и бывшися вмаѣ нѣгдѣ, стаха Новгородци на островѣ, а онѣ противу, и начаша городъ чинити; въ лодіахъ идоша Новгородци къ нимъ на третій день, и бышася, и много обонхъ паде, но Суздапцей болѣи, бес числа. На ту же зиму приидоша Имъ на Водь ратію въ тысячи, и Но-

(1) Въ подлинникѣ: хотѣли. (2) Тамъ же: четвертка.

1149 вогородцевъ пятьсотъ съ Водью, и не упу-  
1151 стиша Ими ни мужа.

Въ лѣто 6658. Приде ис Кіева архіепископъ Нифонтъ къ Новогороду, отпушенъ великимъ княземъ Юргіемъ; и ради быша Новогородци.

Въ лѣто 6659. Князь великій Изяславъ Мьстиславичъ нача съвѣкупляти Угры и Ляхы, а князь великій Юрій съвѣкупися съ братомъ Вячеславомъ, и помощь къ нему приде Володимеркова изъ Галича, а и самъ Володимерко къ Шумьску<sup>1</sup> приступи; то же слышавше Угры и Ляхы, и убоявшися отъидоша отъ Изяслава. Андрею же Юріевичу з братомъ Ростиславомъ бывшу у Моравици<sup>2</sup>, и ту въ ноци бысть зомъ пополохъ на нихъ, яко всѣмъ Половцемъ бѣжати и прочимъ воємъ; но единъ Андрѣй Юріевичъ укрѣпился съ своимъ дворомъ, а и ти хотяху бѣжати къ прочимъ воємъ. Наутріа же отступиша къ Любну<sup>3</sup>, и бысть имъ вѣсть, яко идетъ отецъ ихъ и з братомъ Вячеславомъ, они же опять отступиша къ Лучску, а въ немъ сушу Владимиру Мьстиславичу. И вышедши пѣшци, начаша стрѣляти(ся) съ ними; Андрей же Юріевичъ не повѣда брати своей, поѣде скоро на нихъ, и ту удариша подъ нимъ конь двѣма копѣи, а третіе(мъ) въ луку переднюю, а съ града<sup>4</sup>, яко дождь, метяху каменіе на нь; а и Нѣмцинь хотѣ прозвити его рогатиною, но Богъ съблюде его, и бысть радость отцу его и брати. И стоаху у града 3 недѣли, и воду отъяша; и нача Володимеръ молитися, прося мира, а Изяславъ посылаше къ Володимеру Галичинскому, дабы о немъ умолилъ Юрія, а вину всю на ся възлагая; а не дадѣше мира Ростиславъ Юріевичъ и Юргій Ярославичъ, внуки велико(го) князя Святополка. Юргій же хотѣ дати столъ

Кіевъ брату<sup>5</sup> Вячеславу, и не даша ему воли бояре, ркуще: «не съдръжати ему;» и даша ему Вышегородъ. Того же лѣта пришедъ князь великій Изяславъ, отай позванъ Кіаны съгнати Юргіа ис Кіева; Юрій же иде къ Новогородку съ своими дѣтми. То же слышавъ Володимеръ Галицкій, поиде на Изяслава къ Кіеву, Изяславъ же поиде противу ему съ братомъ Володимеромъ и съ сыномъ Мьстиславомъ, и срѣте его у Тумаши, и стаха о рѣцѣ Стугнѣ; видѣша же дружина его множество вой Володимерковыхъ, и убояшася, и начаша говорити великому князю Изяславу, да поидетъ назадъ. Оному же не хотѣху, потомъ побѣже, и прибѣгъ къ Кіеву ношю, и выбрався и бѣжа къ Володимеру; а Володимерко ста у Кіева. А Юргій въ то же время приде къ Кіеву съ Давыдовичи и съ Олговичи, и сѣде въ немъ; и посыласта за Изяславомъ, и не постигоша его. И ту видѣся Юргій съ Володимеркомъ, и любовь велию сътвориша между себе, и поиде Володимерко къ Галичу.

Въ лѣто 6659. Князь великій Юргій Володимировичъ пожаловалъ сына своего Андреа, дасть ему Туровъ, и Пинескъ, и Дорогобужъ и Пересопницу<sup>6</sup>; и сидѣ въ Пересопницѣ. Того же зимы Изяславъ Мьстиславичъ съвѣкупил Угры и Ляхы, и пришедъ съгна Юрія съ Кіева, повабленъ бо бѣ мужи Вячеслави. И преставился княгини Изяслави. И посла Изяславъ къ дядѣ своему Вячеславу въ Вышегородъ, и рече: «ты ми буди отецъ, азъ съгрѣшихъ передъ тобою, чти не положи въ на тебѣ; а се нынѣ тебѣ Кіевъ.» И въинде Вячеславъ въ Кіевъ. Княженіе Вячеслава Володимерича Манамахова съ Изяславомъ Мьстиславичемъ. Въшедшу же Вячеславу, цѣловастася, и любовь сътвориша, и сѣдоша

(1) Въ подлинникѣ противъ этого слова на полѣ написано, новыми почеркомъ: шумьскъ село въ дубенскомъ уѣздѣ.

(2) Тамъ же противъ этого слова на полѣ, новыми почеркомъ, написано: моравица мѣстечко въ томъ же уѣздѣ.

(3) Въ Полн. Собр. Лѣт. т. IX, стр. 181: у дубна. (4) Тамъ же противъ этого слова на полѣ, новыми почеркомъ, написано: у нестора сказано это подъ лужскимъ замкомъ, то есть небольшою крѣпостью. (5) Тамъ же: браду.

(6) Тамъ же: пересупницу.

оба за одинъ на Кіевѣ; да старѣйшинство дръжати Вячеславу на всемъ, дръжаше бо его Изяславъ (въ) отца мѣсто. Тогда отпустиста Угры ко королю съ многою честію и дары; бѣ бо Изяславу зять Угорской король. Потомъ же Изяславъ посла къ королю Угорскому сына своего Мѣстислава съ великою любовію, и посемъ посласта къ Ростиславу, во Смоленскъ, какъ Юргіа съгнаша и съвкупастася въ любовь, и повелѣста ему къ себѣ быти, блудущеся Юргіа. Тоя же весны представися Ростиславъ Юріевичъ, въ великій пѣтокъ. Того же лѣта владыка Нифонтъ въ Новгородѣ побисвятую Софію свинцомъ. Тогда же създаша двѣ церкви, святаго Василія и святаго Константина и Елену. Того же лѣта къ Юрію Володимеричу приходиша Половци мнози; онъ же съ Ольговичи, и съ Володимеромъ Давыдовичемъ, и з дѣтми и съ сыновцемъ своимъ Володимеромъ Андрѣевичемъ поиде<sup>1</sup> отъ Переяслава, и стаща противу Кіева, и не дадше имъ перевестися на бродѣхъ Изяславъ къ себѣ, стерега и въ лодіяхъ бой паржая. Потомъ же Святославъ перебродоша у Заруба, некрѣпка бо бѣ тамо сторожа, и ту вси проидоша. А князь великій Вячеславъ, и Изяславъ<sup>2</sup>, и Ростиславъ съ сыномъ Романомъ, Изяславъ Давыдовичъ и Володимеръ съ множествомъ вой стояху у града; а сія пришедше стаща у Либеда, и начаша о ней битися. Юргію же<sup>3</sup> бысть вѣсть, яко свать его Володимерко идеть ему въ помощь, и отступи назадъ противу его. Въутрѣи же князь великій Вячеславъ, и Изяславъ (и) вси князи, съ всѣми силами, поидоша по Юргіи; въ третій же день постигоша у Трепетовыхъ, а<sup>4</sup> Юрій не успѣ снятися съ Володимеркомъ. И бысть имъ ту бо(й) силенъ зѣло; побіено бысть многое множество обонхъ, мнози же Половци избыены быша Юріеви, и князя Володимера

Давыдовича убиша ту, Изяславъ же Мѣсти-1151 славичъ велии раненъ бѣ и съ коня збитъ, но только Богъ отъ смерти избави его; а Юрій бѣжа къ Переяславу и з дѣтми. Князь великій же Вячеславъ, Изяславъ з братією поидоша назадъ къ Кіеву; а Изяславъ Давыдовичъ иде съ братнимъ тѣломъ Володимеровымъ къ Чернигову, и положи его въ Спасѣ, а самъ сидѣвъ въ Черниговѣ. Изяславъ же Мѣстиславичъ слыша Юргіа въ Переяславлѣ, поиде на нь съ Вячеславомъ дядею и съ Святополкомъ братомъ своимъ, и приходяще подъ городъ біахуся, и мнози падаху отъ обонхъ. Потомъ же посласта къ Юрію, глаголюще: «иди къ Суждалю, а въ Переяслави посади сына своего; не можемъ съ тобою быти, (заве) приводиши<sup>5</sup> на ны Половци.» Онъ же не имѣя помощи не откуду, и неволею цѣлова крестъ, и иде из дѣтми на Алто: приспѣ бо тогда празникъ Бориса и Глѣба, а Глѣба остави въ Переяслави. Андрей же съ (А)лта иде къ Суждалю; отцу (у)нимашу его, онъ же рече: «на семъ цѣловали есмя.» А Юрій опять иде къ Переяславу; князь великій же Изяславъ посла къ нему, глаголя: «цѣловалъ еси на томъ, итти ти къ Суждалю; а нынѣ ведешь на ны Половци и Володимерка;» Юрій же иде къ Городку. Въ то же время Мѣстиславу Изяславичу идущу съ Угры къ отцу, а Володимерко слыша поиде по нихъ, онѣмъ не вѣдущимъ, и стаща у Сапогыня; дядя же его Володимеръ Мѣстиславичъ присла къ нимъ питіе много, и быша ту піани. Пода же и вѣсть имъ, яко идеть за ними Володимерко; они же величахуся піани, и въ ту ночь противу свѣта удари на нихъ Володимерко, и избѣи всѣхъ, а прочихъ поима, а Мѣстиславъ убѣжа въ Луческъ съ дружиною своею. То же слышавъ Изяславъ иде на Юргіа къ Городку, а съ нимъ Давыдовичъ Изяславъ, и Всево-

(1) Въ подлинникѣ: и поиде. (2) Тамъ же: изяславъ. (3) На этомъ словѣ, находящемся въ рукописи на 75-мъ листѣ, прерывается статья и ея продолженіе помѣщено на 88-мъ листѣ. (4) Въ подлинникѣ: а у. (5) Тамъ же: приведеши.

1151 лодичи и Олговичи (въ) помочь; затворишу же  
1152 ся ему, и потомъ не бысть ни откуда ему помо-  
щи, и иде къ Суждалю; а Глѣба остави въ  
Город(к)ѣ.

Въ лѣто 6660. Князь великій Изяславъ Го-  
родокъ княже Юріевъ розведе люди, а его  
раскопа и засыпа рвы. Того же лѣта въ Но-  
вѣгородѣ загорѣся церкви святаго Михаила въ  
торгу, и много зла бысть; и погорѣ весь торгъ,  
и двори и до ручіа, и церквей 8 згорѣ, 9  
Варяжская<sup>1</sup>. Повонше Перемышльское.  
Того же лѣта посла князь великій сына своего  
Мъстислава въ Угоры, и приведе зятя своего,  
Угорскаго короля, на Володимерка; и прииде  
къ Премышлю, и стаха полки възлѣ рѣку  
Сань, бѣ же одинихъ Угровъ полковъ 73,  
опричь Изяславлихъ. Володимерко же съ сво-  
ею стороною рѣки стави полки свои, и не ста  
противу тѣхъ. Потомъ же князь великій Изя-  
славъ побреде въ рѣку своими полки, а ко-  
роль по немъ своими полки, Володимерко же  
е. . . .<sup>2</sup>, и потопташа Володимеровы пол-  
ки, Володимиръ же едва межъ ратныхъ убѣ-  
же въ городъ въ Перемышль и затворися;  
а вои начаша грабити дворы его на посадѣ,  
и тако не взяша града. И въ ту ночь посла  
Володимерко посла съ дары и съ челобытіемъ  
къ королю, и архіепископу<sup>3</sup> и воеводамъ дары  
много, дабы «его Изяславу не выдадъ, а  
своего бы не поминалъ, еже его разгнѣвилъ,  
зане равенъ есми велики; а еще бы и служ-  
бу мою помянулъ, еже за отца его слѣпого  
бихся съ Ляхи.» Король же наутрѣ съшедся  
и съ Изяславомъ, и едва вовде его въ то, еже  
смириться съ Володимеркомъ; и смиришася  
и разоидошася. Того же лѣта заложилъ Юрій  
градъ въ свое имя Юріевъ Полской, и цер-

ковъ въ немъ каменну святаго Георгіа. Юрій  
же то слышавъ, яко Городокъ его раско-  
паша и пожгоша, и поиде съ ними, и Ростис-  
лавъ Ярославичъ Рязанскій съ нимъ, и По-  
ловци мнози, что ни есть ихъ межи (В)олги и  
Днѣпра; идоша на Вятичъ, и взяша ихъ, и  
Мѣценскъ и Глуховъ, и приидоша на (В)олгу,  
и ту нини мнози Половци приидоша къ нему<sup>4</sup>;  
посла же къ Святославу Олговичу, и прииде  
къ нему, и поидоша къ Березовому, и ту  
пришедъ, стаха у Гуричева. Ростиславъ же  
Мъстиславичъ бѣ въ Смоленскѣ, стерегася отъ  
Юргіа, и яко мину Юргій волость его, и онъ  
иде къ Чернигову въ помощь, и възиде  
городъ сѣдъ (съ) Святославомъ Всеволоди-  
чемъ, . . .<sup>5</sup> къ Изяславу Давыдовичу. Юр-  
гій же з дѣти, и съ Святославомъ и съ Полов-  
ци прииде къ городу; и Половци приидоша мно-  
зи прежде и полону много взяша. Князи же  
Черниговскіи повелѣша (всѣмъ людемъ) съ  
ostroga<sup>6</sup> въ городъ бѣжати, и начаша присту-  
пати къ граду, а граждане выходяще б(і)яхуся  
съ ними, отъяша же у нихъ острогъ, и зажго-  
ша пригородіе все. Посемъ же рече Андрѣй къ  
отцу своему Юрію: «сътворимъ тако по днѣмъ,  
приходяще подъ градъ бѣемся.» Видѣ бо не  
крѣпко своихъ бѣющихся, и поча прѣвое самъ  
съ своею дружиною, и лио выидоша противъ  
нихъ изъ града, и потече въскорѣ на нихъ съ  
Половци, и многихъ избиша, и потомъ не  
смѣша выхити изъ града отъ страха; тако  
бо вси князи начаша приступати. Посемъ  
же слыша Юрій, яко князь великій Вяче-  
славъ и Изяславъ идуть въ помощь Черни-  
говцемъ, Юрій же поиде назадъ, къ Ново-  
городу<sup>7</sup>, и къ Путювлю, такоже и къ Суж-  
далю.

(1) Въ подлинникъ: варяжскія. (2) Тамъ же пропущено нѣсколько словъ. (3) На словахъ: архіепископъ, находимся въ рукописи на оборотѣ 88-го листа, прерывается статья и ея продолженіе помѣщено на оборотѣ 85-го листа. (4) На этомъ словѣ, находимся въ рукописи на оборотѣ 85-го листа, прерывается статья и ея продолженіе помѣщено на 82-мъ листѣ. (5) Здѣсь въ рукописи пропускъ. (6) Тамъ же: повелѣша и съostroga. (7) Тамъ же: к но вогороду.

Въ лѣто 6661. Зымѣ князь великій Изяславъ прииде къ Новугородцу на Святослава Олговича и на Василка Юріевича, и не успѣ имъ ничтоже, но смирился съ ними, иде ко Киеву, а Василко иде къ отцу. Тоа же зими преставися Володимерко Галицкій. Въ то же лѣто заложилъ владыка Нифонтъ церковь каменну въ Ладогѣ. Того же лѣта въ Новѣгородѣ (сруби) Аркадъ игумень церковь святыя Богородица Успеніе, и составы собѣ монастырь; и бысть христіаномъ прибѣжище, иже и донынѣ стоитъ Аркажъ монастырь. Того же лѣта князь великій Изяславъ ходи къ Галичю на Володимерковичевъ, и выидоша Галичане безъ князя, и бишася съ ними, и бысть смятеніе, сін тѣхъ гнаша, а тін сѣхъ, и тако, въ той же ноци, възбоявся Изяславъ възвратися къ Киеву, а вой обои много паде.

Въ лѣто 6662. Князь великій Изяславъ Мъстиславичъ поа другую жену, Обызено. Того же лѣта Новгородци выгнаша изъ Новогорода Ярослава Изяславича, а Ростиславъ Мъстиславича посадиша у себя<sup>1</sup>. Новогородъ Кіевской. Того же лѣта преставися Святополкъ Мъстиславичъ въ Володимерѣ, и посади князь великій сына своего Ярослава въ него мѣсто. Того же лѣта преставися княгини Глѣбова въ Суждалѣ. Въ то же лѣто поставиша въ Новѣгородѣ церковь святаго Савы.

О Дмитрѣ. Въ лѣто 6663. Сущу князю Георгію Суждальскому Володимеричу въ своей области нарѣцѣ на Яхромѣ и съ княгинею, и мѣсяца октября 19 день родися ему сынъ Дмитрій, и нарече ему имя Всеволодъ, и постави на томъ мѣстѣ въ ния его градъ, и нарече его Дмитровъ. Сей есть Всеволодъ всѣмъ Рускимъ нынѣшнимъ княземъ отецъ, зовомый Великое Гнѣздо. Тоа же осени, мѣсяца ноября 13, преставися князь великій Изяславъ Мъстиславичъ въ Киевѣ. Тогда же иде Ростиславъ изъ Нова-

города къ Смоленску, остави сына своего Романа въ Новѣгородѣ. Вячеславъ же посла по брата его Ростислава въ Смоленскъ, и онъ пришедъ сѣде въ Киевѣ, и общася такоже чтити Вячеслава, якоже и братъ его. Княженіе Ростиславле Мъстиславича съ Вячеславомъ дядею. Въ то же время прииде Глѣбъ Юріевичъ съ Половци къ Переславлю, князь великій же Ростиславъ Мъстиславичъ съ Святославомъ Всеволодичемъ поиде противу ихъ; онъ же слыша отъиде. Ростиславъ же, не ходя къ Киеву, но съѣшася з бра(ті)ею, прииде къ Чернигову на Изяслава Давыдовича, и шедъ ста у Вышегорода; и ту прииде ему вѣсть, «яко дядя твой Вячеславъ вчера пивъ ляже, и тако не вѣста.» Онъ же оставя ту братію и полки, иде въ Киевъ, и погребе Вячеслава, а имѣніе его разда все по монастыремъ, и по церквамъ и по нищимъ, и въземъ полкъ Вячеславъ поиде на Изяслава, и пришедъ къ Чернигову ста на Боловеси. А Изяславъ посла по Глѣба; и прииде къ нему въскорѣ съ Половци. Ростиславъ же видѣ множество Половецъ, и убоися, и нача мира просити, а Кіева нача отступатися и Переславля подъ Мъстиславомъ Изяславичемъ; тоже слышавъ Мъстиславъ, повороти конь свой съ дружиною прочь. Тоже видѣвше вси вой, и побѣгоша, а Половци погнаша по нихъ, и многихъ побиха, а иныхъ поимаша, а Святослава Всеволодича поимаша (же); а Ростиславъ бѣжа къ Смоленску, а сынъ его Святославъ и Мъстиславъ Изяславичъ къ Киеву, а оттолѣ къ Переславлю, и въземъ жену иде въ Луческъ. И нелюбо быше Новгородцемъ на Ростислава, что поиде отъ нихъ, а не сѣтвори имъ наряда, и выгнаша сына его Романа; (а) къ Юрію послаша владыку Нифонта, и взяша къ себѣ княжити сына его Мъстислава. Въ Киевѣ же не бысть тогда князя, и послаша по Изяслава Давыдови-

(1) Въ подлинникѣ: посадиша его. (2) Тамъ же передъ симъ зачеркнуты слова: тоа же осени.



1155 ча въ Черниговѣ; онъ же пришедъ сяде въ  
1156 Кіевѣ.

Княженіе Изяславѣ Давидича. Въ лѣто 6663. Юрій слышавъ Изяславу смерть, и поиде къ Кіеву, тогда присла къ нему Ростиславъ Смоленскій, мира прося; онъ же дасть ему миръ, такожде и Олговичемъ. И пришедъ къ Кіеву, посла Изяслава ис Кіева, онъ же иде къ Чернигову. Юргій же шедъ сяде въ Кіевѣ на Врѣнное въскресеніе, а сынъ его Андрей въ Вышегородѣ, а Борисъ въ Туровѣ, а Глѣбъ въ Переяславѣ, а Василко въ Поросіи, и бысть тишина въ Руской земли. Тоя же весны Берендѣи побѣдиша Половецъ въ Поросіи.

Княженіе Юріево Владимерича. Посла Юрій Ярославичъ Юріа, внука Святополча, и выгна Мстислава ис Пересопницы, и иде къ Лучску; Юргій же повелъ тамо на него ити зятю своему Ярославу Володимерковичю Галичскому, онъ же иде въ Ляхы. Посла же тогда Юргій по Ростислава Смоленского; онъ пришедъ умоли его о братѣ Володимерѣ и о братаничѣхъ, Мстиславѣ, Ярославѣ; онъ же и тѣхъ пріи въ любовь. Хотящу же великому князю Юрію съ сыновци своими, Ростиславомъ и Володимеромъ, и съ Изяславичемъ Мстиславомъ и Ярославомъ, ити на Изяслава Давидича къ Чернигову; онъ же слышавъ его съвокупашася, и посла къ нему о миру; князь великій же давъ ему миръ, роспусти сыновци. Того же лѣта князь Андрей Юріевичъ вземъ въ Кіевѣ икону пречистыя Богородицы, иже есть Лукина писма и принесена бысть къ отцу его изъ (Царя)града, и иде съ нею къ Суждалю; отецъ же его негодоваша на него велико о томъ<sup>2</sup>. Того же лѣта Глѣбъ Юріевичъ женися у Изяслава Давидича; а братъ его Мстис-

лавъ женися въ Новѣгородѣ у Петра у Михайловича.

Въ лѣто 6664. Мстиславъ Изяславичъ дяду своего Володимера Мстиславича згони съ Володимера, а матеръ его и жену<sup>3</sup> ятъ; Володимеръ же бѣжа къ Перемышлю, а отту(ду) въ Угорскую землю къ королю и къ сестрѣ, бѣ бо сестра его за королемъ Угорьскимъ, дщи великого князя Мстислава Володимерича Манамаша. Тоя же зыма выгнаша Новгородцы<sup>4</sup> Судила и(зъ) посадничества, и по изгнаніи въ 5 день умре; и даша посадничество Якуну Мирославичю. Тоя же весны поиде владыка Новгородскій Нифонтъ противу митрополита Костантина, и на пути преставися, мѣсяца априля 21; инии<sup>5</sup> же мнози глаголаху, яко полупивъ святую Софію пошолъ къ Царуграду. Посемъ бо разумѣти комуждо насъ: который епископъ тако украси святую Софію? притворы исписа, кивотъ сѣтвори, и всю извну украси, и церкви постави. Но не хотя Богъ, по нашимъ грѣхомъ, дати намъ гробъ его на утѣшеніе, отведе ко Кіеву, и тамо преставися; и положиша его у святыа Богородици въ Печерскомъ монастыри. Въ то же лѣто събравшеся весь градъ, людеи, избравша на епископію мужа богоизбранна игумена Аркадіа; и шедъ князь Мстиславъ Юріевичъ, и весь клиросъ святѣй Софѣи, попове, игумени, и чернцы и весь народъ, поляша его изъ монастыря святыа Богородица, именованнаго его именемъ Аркажа, и поручиша ему епископію святыа Софіа Великаго Новгорода и Пскова, глаголющи ему: «коли митрополитъ будетъ на Руси, тогда станеша епископомъ.» Въ то же лѣто поставиша купци заморстѣи церковь святыа Пятницы въ Новѣгородѣ, на трговищи<sup>6</sup>. Того же лѣта прииде изъ Царяграда въ Кіевъ

(1) Въ подлинникѣ: съ изяславиче. (2) Тамъ же противъ этого мѣста, на полѣ, другимъ почеркомъ, написано: образъ пречист. . . узятъ. съ кіева до москвы . . . до суждала; а тотъ образъ малявалъ . . . святѣй. (3) Тамъ же: жено. (4) Тамъ же: новгородскы. (5) Тамъ же: оны. (6) Тамъ же противъ этого мѣста, на полѣ, другимъ почеркомъ, написано: (за) морски купци (це)рковь поста(ви)ли пятница.



Константинъ митрополитъ; князь великій же Юргій пріа его съ великою честію. Того же лѣта поиде князь великій Юргій на своего племяннича сына, на Мъстислава Изяславича, къ Володимерю, ища подъ нимъ Владимеря племяннику своему Володимеру Андрѣвичу; и много зла сѣворше, города не вѣзешше, отъидоша. И дасть князь великій Володимеру Дор(ог)обужь, и Пер(е)сопину и всѣ Погоринскіе города. Того же лѣта князь великій Юрій Володимеричъ заложилъ градъ Москву, на устниже Неглинны, выше рѣкы Аузы.

Въ лѣто 6665. Изяславъ Давыдичъ почарать замышляты на великого князя на Юргія, и сложишя съ нимъ Ростиславъ Мъстиславичъ. Князь великій же тогда разболѣся, и преставися мая въ 15, и много зла сѣворися; разграбиша имѣніе его и дружину его Суздальскую. И въиіде Изяславъ Давыдовичъ въ Кіевъ, маа 19, а сыновца своего Святослава Володимерича остави въ Черниговѣ съ полки своими. Княженіе Изяслава Давыдича, внука Святослава Ярославича. Придоша на великого князя Изяслава Давыдича два Святослава, Олговичъ и Всеволодичъ, и отбися отъ нихъ; они же шедше стаха за Свиною. И приіде Изяславъ Давыдичъ съ полки ис Кіева, и стаха предъ нимъ, и ту смиришася; и даша Олговичемъ Черниговъ, а Всеволодичемъ Новгородъ, а Изяславъ съ княгинею, и з дѣтми и съ всѣми своими иде въ Кіевъ<sup>1</sup>. Того же лѣта вѣста котора въ людехъ въ Новгородѣ на князя Мъстислава Юріевича, и начаша его гонити изъ города; торговая же страна стаха въ оружіи по немъ, и онъ же мостъ перенимаша, и стаха сторожи у городныхъ воротъ, а друзи на ономъ полу, и мало крови не проліаша межи собою; а ту ночь бѣжа Мъстиславъ Юріевичъ изъ города, и по трехъ двехъ въиіде Ростиславъ Мъстиславичъ въ Новъ-

городъ з дѣтми, съ Святославомъ и Давы-1156  
домъ, и събрашася братія, и не бысть ничто-1159  
же зла. Того же лѣта преставися Андрей, игумень святѣй Богородици. Вѣдомо дается, яко отсалъ раздѣляется великое княженіе Кіевское на двѣ части; отдѣли бо ся отъ нихъ князь Андрей Юріевичъ, егоже прозваху Боголюбскій. Того же лѣта Ростовци и Суздальци посадиша на великое княженіе въ Володимерѣ въ Залѣскомъ великого князя Андреа Юріевича, внука Манамахова.

Въ лѣто 6666. Князь великій Андрей Юріевичъ заложилъ Володимери церковь святую Богородицу Успеніе каменну, объ единомъ версѣ, априля 8; и дасть ей много имѣнія; свободы купленыя и з даними, и села лучшаа, и десятое въ стадахъ своихъ, и въ торгу десятое. Тогда же и городъ болшей заложилъ. Въ томъ же лѣтѣ приіде Леонтій епископъ Ростову чудотворецъ. Того же лѣта иде Ростиславъ къ Смоленску и съ княгинею, а сына своего Святослава посади въ Новгородѣ, а Давыда на Новомъ Торгу. Въ то же лѣто, по грѣхомъ по нашимъ, моръ бысть много въ Новгородѣ въ людехъ и въ конехъ, яко не лѣзъ<sup>2</sup> баше дойти торгу сквозъ городъ, ни<sup>3</sup> на поле выйти, смрада ради мертвыхъ; и скоть рогатый помере. Того же лѣта поставленъ бысть Аркадъ игумень на епископство въ Новгородъ Константинъ митрополитомъ, и приіде Новугороду септебря 13, на канунъ Вѣдвиженія. Тоя же осени поставиша Деонисіа игуменомъ святому Георгію въ монастырь.

Въ лѣто 6667. Преставися Борисъ Юріевичъ, маа 12, и положенъ бысть на Нерли у Бориса Глѣба, идеже бѣ становище святыхъ мученикъ Бориса и Глѣба. Того же лѣта князь великій Изяславъ Давыдовичъ нача рать замышляти на Ярослава Володимерковича, зятя Юріева, ища волости Берладнику, и зваше

(1) На этомъ словѣ, находящемся въ рукописи на оборотѣ 83-го листа, прерывается статья и ея продолженіе помѣщено на 80-мъ листѣ. (2) Въ подлинникѣ: не лѣзъ. (3) Тамъ же: не.

1159 со собою Святославъ Олговича и Всеволодича; они же не хотяху, но и самому Олговичи ходити не веляше. Онъ же не послушавъ ихъ, но поиде на нь, похваляся, съ нимъ же сыновець его Святославъ ВолодимERICъ и Половцы мнози. И приде ему вѣсть, оужь идеть Мѣстиславъ Святославичъ, и Володимеръ Мѣстиславичъ и Ярославъ Галичскій Володимировичъ, и внидоша въ Бѣльгородъ; а князь великій Изяславъ приде подъ городъ съ множествомъ вой и съ Половцы многими, и начаша съ нимъ битися крѣпко изъ града. Еще же приде ему въ помощь Башкордъ Половчинъ, вотчимъ Святославъ, сыновца его: понявъ бо тотъ Башкордъ по убіеніи Владимира княгиню его, а Святославу мать; и приде Башкордъ съ 20-ю тысячъ. И въ нощи съславшася Берендѣи великого князя съ Мѣстиславомъ Изяславичемъ, и побѣжаша отъ него къ городу; князь великій же видѣвъ, побѣже и съ сыновцемъ своимъ Святославомъ на Вышегородъ (ко) Гомью, а по княгиню посла въ Кіевъ; она же бѣжа къ зятю Глѣбу, въ Перяславль, Юріевичу, и допровади ея Глѣбъ до князя ея въ Гомю; а Половцевъ ту множество избиша. Мѣстиславъ, и Володимеръ и Ярославъ внидоша въ Кіевъ, декабря 22, и взя Мѣстиславъ все имѣніе Изяслава и посла къ Володимеру<sup>3</sup>, а митрополитъ Костянтинъ бѣжа изъ Кіева къ Чернигову<sup>4</sup> отъ Мѣстислава Изяславича: Мѣстиславъ<sup>5</sup> бо не любяше его, но Клима хотяше, егоже постави отецъ его на митрополию. Мѣстиславъ же посла князя по Ростислава къ Смоленску, Ростиславъ же посла къ нимъ, глаголя: «аще мя зовете на Кіевъ, то не хочу на митрополию Клима;» а Мѣстиславъ не хотяше Костянтина, глаголя: «отца моего клялъ<sup>6</sup>;» и много спиравшася, оставиша оба тѣ, а по иногo послати въ Царьгородъ. И пришедъ Ростиславъ сѣде въ Кіевѣ.

Княженіе Ростиславле Мѣстиславича, внука Манамаша. Митрополитъ же Костянтинъ разболѣся въ Черниговѣ; уразумѣвъ же преставленіе свое, и написа грамоту, и запечата ю, и дасть епископу Черниговскому Антонію, и заклать его именемъ Божиимъ, яко да сѣтворитъ все, еже въ грамотѣ писано. И егда преставися митрополитъ, тогда епископъ въземъ грамоту нхъ къ князю, и прочте ю, и обрѣте въ ней страшную вещь написану: «яко по умертвіи моемъ не погребите (те) тѣла моего, но оцѣпите и за нозѣ ужемъ, извлекше изъ града, поврзайте псомъ на расхищеніе.» И рече ему князь: «якоже хоцещи, тако сѣтвори.» Епископъ же Антоній сѣтвори повелѣнное ему митрополитомъ; и ту тѣло его поверженое лежало за 3 дни; народи же видѣвши, вси дивилися о смерти его. Князь же Святославъ Олговичъ наполнился страха Божіа, ужасъ бо великій нападе на нь о таковѣй вещи, и въ третій день принесоша ѿ въ градъ съ великою честію, и положиша тѣло его у святаго Спаса, въ теремѣ, идеже Игорь лежитъ<sup>7</sup>. И въ тѣ 3 дни въ Кіевѣ, егда бѣ тѣло его повржено внѣ града, солнце помръче, и тако(ва) бысть буря, яко и земли трястися, и мльниина блистанія не можаху трѣпѣти людие, и грому силу бывшу, яко единѣмъ шибеніемъ заразило седмъ человекъ: два попа, два діакона да четири человекъ простыхъ. Тогда же бѣ Ростиславъ стояше въ товарѣхъ у Вышегорода, и буря полома около его шатеръ, Ростиславъ же страха Божіа наполнился<sup>8</sup>, и помяну смерть митрополиту, възвѣщено бысть ему Святославомъ Олговичемъ, и посла въ Кіевъ къ святѣй Софіи и по всѣмъ соборомъ, да творять стоаніе всенощное въ церквахъ; се бо грѣхъ ради нашихъ, посла Богъ казнь сію на насъ. Сіа же вся въ Кіевѣ страшна быша, а въ

(1) *Въ подлинникѣ:* кн. (2) *Тамъ же:* ярославъ. (3) *Тамъ же:* къ воволодимеру. (4) *Тамъ же:* къ чернигову. (5) *Тамъ же:* мѣстиславъ. (6) *Тамъ же:* клялъ. (7) *Тамъ же:* жеть. (8) *Тамъ же:* наполнился.

Черниговѣ по всѣмъ тѣмъ 3 дни солищу сіающе, а во нощи видяху надъ тѣломъ его 3 столпы огненны, сіающе до небеси; егда же погребоша тѣло его, бы(сть) тишина. Тогда же лѣта приидоша Половци къ Виревы, къ Изяславу Давыдовичу; онъ же поиде къ Чернигову, и пришедъ ста възлѣ Десну. Въ Черниговѣ же бѣ Святославъ Ольговичъ, и сыновецъ его Святославъ Всеволодичъ Ольговича и Рюрикъ Ростиславичъ, и біахуся съ нимъ объ рѣку, не пустиху<sup>1</sup> ихъ къ себѣ, а къ Ростиславу посласта помощи просяще, и посла имъ Изяславича Ярослава, и Володимера Андрѣевича и Галичскую помощь. Слышавше то Изяславъ<sup>2</sup> Давыдовичъ отъиде въ поле, и ходивше по немъ, и не обрѣтоша его, и възвращашеся разыидошася. Изяславъ же доиде Игорева брода<sup>3</sup>, и ту постиже его вѣсть ис Чернигова отъ пріателей: «не ходи никакже; братъ ти Святославъ<sup>4</sup> болѣнь, а сыновецъ его отъ него шелъ къ Новгороду, а вои распусти.» Онъ же часа того изгономъ поиде къ Чернигову, а Святославу нез(д)равующу, а стоашу станы предъ градомъ (съ) женою и з дѣтми, а того не вѣдущу; а сей пришедъ начать бродитися чересъ Десну, а Половци напередъ пусти воевати. И то слышавъ Ярославъ, изряди полкъ свой, а по Володимер(ра) Андреевича посла и по Рюрика Ростиславича, бѣ бо Володимеръ пришедъ близъ Чернигова съ полкомъ своимъ, да и съ Кіевскимъ, и Галичскаа помощь. И прииде въборзѣ Володимеръ съ полкомъ своимъ, и стаха ждуше Изяслава, а на Половци отпусти Берендичъ; и ти шедше побиха ихъ, а половъ отгяша, еже взяша около Чрънигова, а самихъ<sup>5</sup> избиха, а иныхъ понмаша, а прочіи прибѣгоша къ Изяславу, ркуше: «о се рать велика!» Онъ же бѣжа за рѣку, а Святославъ, и Володимеръ и Рюрикъ поидоста

за Десну, и не постыгше его възвратиса; 1159 бѣже бо въ поле, а Половци идоша отъ не- 1160 го въ вежи своа. Тоя же зыми пришедъ Изяславъ Давыдовичъ воева съ Половци Смоленскую волость. Тогда жени сыновца своего Святослава Володимеровича у Андреа у Юріевича. Тоя же зыми идоша Ольговичи на сего Святослава Володимеровича, и оступиша и (въ) Вежпци; а онъ біашеся съ ними крѣпко, а Андрей, тестъ его, посла къ нему въ (по)мочь сына Изяслава; такоже иде къ нему стрый его Изяславъ въ помощь, и то слышавше Ольговичи, идоша прочь.

Въ лѣто 6668. Новгородци понмаша князя своего Святослава Ростиславича, и послаша его въ Ладогу, а княгиню его впустиша въ монастырь Варварѣ, а дружину меташа въ погребъ, а имѣніе разграбиша; а взяша къ собѣ князя у великаго князя Андреа у Суздальскаго Мъстислава Ростиславича, сыновца его, внука Юріева. То же слышавъ князь великій Ростиславъ Мъстиславичъ понма всѣхъ Новгородцовъ, иже въ Кіевѣ, и вмета ихъ въ погребы; и издохошася 14 ихъ, а прочихъ велѣвъ имати и расточити по градомъ. А Святославъ изъ Ладогы убѣжа къ отцу въ Кіевъ. Того же лѣта погорѣ градъ Ростовъ, и церковь дубоваа згорѣла, якова не бывала, потомъ таковѣй не бывати; а стоала та церковь 168 лѣтъ. Князь великій Ростиславъ Мъстиславичъ взя у Святослава у Ольговича у Черниговскаго сына Олга въ Кіевѣ, глаголя: «познають его людіе;» имаше бо любовь къ Святославу велику. Пребывшу же Олгу у Ростислава два дни въ любви и во чти величѣй, а на третій день нѣкоторый отъ прежнихъ мужъ Ростиславлихъ, научень діаволомъ, рече Олгу: «имѣю къ тебѣ слово; но аще скажу ти, не повѣси ли кому?» и кляся ему Олегъ. Онъ же рече: «хотятъ (т)и няти,

(1) Въ подлинникѣ: не постоаху. (2) Тамъ же: изяславъ. (3) Тамъ же: города; исправл. по Полн. Собр. Лѣт. т. II, стр. 87. (4) Тамъ же: святославъ. (5) Тамъ же: а самихъ.

1160 стерезиса. » Олегъ же шедъ, рече Ростиславу: «матн ми болить, пусти мя къ Чернигову. » Онъ же много (у)ишавъ его, отпусти, а того въ себѣ ни въ помышленіи не имѣаше. Олегъ же пришедъ не повѣда того отцу, но отпросися отъ него къ Курску. И присла къ нему Изяславъ Давыдичъ о любви<sup>1</sup>, и сложишя съ нимъ, уже бо и Всеволодичи сложишася съ нимъ. Се же слышавъ, отецъ его печалень бысть, и рѣша мужѣ къ Святославу: «почто жалуешн(ся) на сыновца и на сына своего, а себе не блюдеши? вѣси ли, яко Романъ, сынъ Ростиславъ<sup>2</sup>, посылалъ къ Изяславу, глаголя: даеъ ти батко Черниговъ, и ты поживи съ мною въ любви; а самъ князь великій Ростиславъ хотѣлъ сына твоего поимати, а ты уже власть свою погубилъ еси, дрѣжася по Ростиславу, онъ ти лѣниво помагаеъ. » И тако злии челоуѣци сваднша братню, и тако нуждею поведеса Святославъ отъ Ростиславли любви къ Изяславу. А Изяславъ Давыдовичъ и Олегъ Святославичъ<sup>3</sup> съ Половци приидоста къ Переславлю на Глѣба Юріевича, зовуще его съ собою на великого князя Ростислава; онъ же не иде. И стояша подъ городомъ 2 недѣли, и не успѣвше ничтоже възвратншася; слышавъ бо то<sup>4</sup> князь великій Ростиславъ, поиде на нихъ, и побѣгоша. Того же лѣта прииде изъ Царяграда митрополитъ Феодоръ въ Кіевъ; посылалъ бо по него Ростиславъ. Тоя же зими Изяславъ Давыдичъ оцять посылалъ по Половци, и съвѣкулися съ ними, и съ Всеволодичи и съ Ольгомъ, поиде къ Кіеву; а князь великій съ Андреемъ толцко, з дядею, и съ Кіаны (ста) възлѣ столпѣ, иже бѣ загорожено отъ горы до Днѣпра; и ту бысть межи ими брань крѣпка зѣло, яко страшно бо и зрѣти. И нача одолѣвати Изяславъ, и рѣша дружина великому князю Ростиславу: «братіа ти не поспѣли, ни Беринди-

чи, ни Торци, а сего сила велика; помди въ Бѣлгородъ, и ту приидуть къ тебѣ вси вон. » Онъ же послушавъ ихъ, въземъ княгиню, идекъ Бѣлогороду съ всѣми вон своими, и тогоже дни прииде къ нему сыновець его Ярославъ Изяславичъ съ братомъ (Мстиславомъ), а Ярополкъ<sup>5</sup> Андреевичъ иде къ Торцькому, къ Берендіемъ и Торкомъ, а Ярославъ шедъ въ Кіевъ, и пакы поиде къ Бѣлогороду за Ростиславомъ. Въ то же время бысть знаменіе въ лунѣ страшно: ядѣше бо естъ чересъ небо, отъ востока до запада, измѣняющися, нача убывати<sup>6</sup> по малу и вся погыбе; и бысть яко сукно черно, и потомъ яко кровава, таже яко двѣ лица нѣла, едино зелено, а другое желто, посреди же еа яко два ратна сѣкущися мечми, и у единого кровь изъ главы ядѣше, а (у) другого бѣло яко млеко. Прииде Изяславъ Давыдовичъ къ Бѣлогороду, и стоаша около дѣтнща 4 недѣли, а Святославъ Ольговичъ Чръниговскій присилане къ нему, веля миръ взяти или отступити; онъ же рече: «лучши здѣ умру, а прочь не иду, како ми сихъ оцять съвѣкунити?» Тогда же Мстиславъ Изяславичъ поиде изъ Володимѣри въ помощь дядѣ Ростиславу и з Галичскою помощію; а Рюрикъ, сынъ Ростиславъ, ис Торцького съ Володимѣромъ Андрѣевичемъ, и з Берендіи, и съ Торки и съ Печенѣгы. И сняшася съ Мстиславомъ у Котельниці, и отту(ду) поидоша къ Новугороду, и быша на Кучари, и начаша проситися напередъ Чръни Клобуци у Мстислава съзрѣти рати Изяславли, а Изяславли сторожи, Половци дикіе, устергоша рать и прибѣгоша къ нему, повѣдающе рать велику; онъ же часа того побѣже, ни полковъ не видѣвъ. А князь великій Ростиславъ выиде изъ города, и съвокупися съ братією, и погониша по нихъ; и ту постыгающе многыхъ избываху Половецъ

(1) На этомъ словѣ, находящемся въ рукописи на оборотѣ 84-го листа, прерывается статья и ея продолженіе опмѣчено на 86-мъ листѣ. (2) Въ подлинникѣ: ростиславъ. (3) Тамъ же, по ошибкѣ: всеволодичъ. (4) Тамъ же: той. (5) Тамъ же: ярополкъ а. (6) Тамъ же: убывати.

Торци и Берендѣи, а иныхъ руками имаху. Постыгоша же и самого Изяслава Давыдовича ко озерамъ<sup>1</sup> възидяща (въ) борокъ, и нача съчи его по главѣ саблею, Иворъ Геденовичъ убоде въ стогно и въ(з)дынь е(го), и ту спаде съ коня; еще же ему живу, приде надъ него князь великій Ростиславъ и Мъстиславъ, и начаша плакати. Онъ же въпросы воды, и даша ему вина; онъ же попивъ, преставися. И въземше тѣло его послаша въ Черниговъ; Святославъ же положи тѣло его у Бориса и Глѣба. А Ростиславъ же сѣде въ Кіевѣ, а Мъстиславъ поиде къ Володимерю. Того же лѣта съвършенна бысть церковь святыа Богородица въ Володимерѣ на Клязмѣ великий княземъ Андреемъ Юріевичемъ; верхъ же ея позлати, и украси ю дивно, паче инѣхъ церквей, многыми и чюдными иконами, и съсуды церковными и книгами; въ ней же и чюдную Богоматере икону постави, Лукина писма, юже принесе со събою ис Кіева, и положи на ню злата болѣ 30 гривень, опроче женчюга и каменіа драгаго. Бѣ бо князь великій Андрей Юріевичъ премного любимъ всеми, тѣмже и по смерти отца своего велику память сътвори: монастыри постави, церкви украси, церковь сконча, юже бѣ прежде заложилъ Юрій, отецъ его, святого Спаса въ Суздали каменную; по вѣрѣ бо его<sup>2</sup> приведе ему Богъ отъ всѣхъ земель мастыри.

Въ лѣто 6669. Урядися Ростиславъ Мъстиславичъ съ княземъ Андреемъ Суздальскимъ о Новѣгородѣ, и выведе Андрей<sup>3</sup> сыновца Мъстислава Ростиславича, и сидѣвшу ему годъ безъ недѣли; а Святослава Ростиславича посадиша опять. Того же лѣта преставися князь Володимеръ Святославичъ Ярославича Рязанскій. Того же лѣта заложена бысть церковь камена въ Ростовѣ княземъ Андрѣемъ; ту же обрѣтоша святого Леонтіа въ тѣлѣ. Того

же лѣта подписаша церковь святую Богородицу 1160 Володимерскую. Мъстиславъ Изяславичъ раз- 1162 гнѣвася на дядю Ростислава, иде ис Кіева къ Володимерю, и потомъ иде на Володимера Андреевича къ Пересопниці, веля ему отступить отъ Ростислава; онъ же не сътвори того никакоже, Мъстиславъ же вороти Володимера. Святославъ Олговичъ з лѣтми Олговичи цѣловаша (крестъ) къ Ростиславу быти за одинъ. То же лѣто все стоало ведро, и пригорѣ всяко жито<sup>4</sup>, а на осѣнь побилъ всю ярь морозъ<sup>5</sup>; еще же, за грѣхы наша, не то зло (оставися), но и зима бѣше тепла и дождь съ громомъ, купляху въ Новѣгородѣ малую кадку по 7 конь. Велика скръбъ и нужда (бѣше) въ людехъ!

Въ лѣто 6670. Князь великій Андрей Юріевичъ выгна Леона епископа изъ Суздаля, и братію выгна, Мъстислава, и Василка и Михалка, и мужи предніи отца своего, хотя единъ быти властель въ всей Суздальской и Ростовской земли; Леона же епископа опять възврати. Того же лѣта воста ересь Леонтійская; скажемъ вма<sup>6</sup>: Леонъ епископъ не по правдѣ поставися Суздалю, Нестеру епископу живу сущу, прехвати<sup>6</sup> Несторовъ престолъ, и нача учити не ясти мяса въ Господьскыя праздники, аще прилучится въ среду и пятокъ, ни на Рожество Христово, ни на Крещеніе; и бысть тяжа велика предъ благовѣрнымъ великимъ княземъ Андрѣемъ, препре бо его владыка Феодоръ. Онъ же иде на исправленіе къ Царюграду, и тамо упренъ бысть Андрѣемъ, епископомъ Болгарскимъ. Се сказахомъ вѣрныхъ ради людей, да не съблзняются о празницѣхъ Божіихъ. Того же лѣта священна бысть церкви въ Володимери на Золотыхъ воротехъ. Того же лѣта заложена бысть церковь святого Спаса во Володимери. Того же лѣта священна бысть церкви святыа Бо-

(1) Въ подлинникѣ: ко изярѣмъ. (2) Тамъ же: емуго. (3) Тамъ же: андрей и. (4) Тамъ же: животное. (5) Тамъ же: морозъ. (6) Тамъ же: прехватити.



1162 городица въ Ростовѣ каменная. Того же  
1166 лѣта выгнаша Володимера Мьстиславича изъ  
Лу(чь)ска, и дасть ему братъ его князь  
великій Ростиславъ Треполь и ины четыре  
города; а Юріевичи Мьстиславъ и Василко съ  
матерією и съ чады, и брата Всеволода поем-  
ше, подоша къ Царюграду, и царь грады по-  
дава имъ. Въ Новѣгородѣ преставися игу-  
мень Алекса святаго Богородица, и поставиша  
Мануила въ него мѣсто.

Въ лѣто 6671. Преставися архіепископъ  
Новгородскій Аркадей, сентебря 19, и по-  
ложиша и въ притворѣ святаго Софія<sup>1</sup>. Того же  
лѣта (сотвориша миръ) князь великій Ростиславъ<sup>2</sup>  
съ сыновцемъ своимъ Мьстиславомъ,  
и да ему грады ихъ Торче(с)къ и Бѣлогородъ, а  
за Треполь дасть Каневъ. Того же году преста-  
вился митрополитъ Феодоръ.

Въ лѣто 6672. Прииде изъ Царяграда (въ)  
Кіевъ митрополитъ Іоанъ, князь же великій  
Ростиславъ не хотѣ прияти его; царь же при-  
сла ему дары многы, и приа его Ростиславъ.  
Того же лѣта преставися Святославъ Олго-  
вичъ въ Черниговѣ, а по немъ сѣде Святославъ  
Всеволодичъ; а Олегъ Святославичъ Олговича  
въ Новѣгородѣ. Того же лѣта иде князь вели-  
кій Андрей на Болгары, а съ нимъ братъ его  
Ярославъ, и сынъ Андреевъ Изяславъ и князь  
Юрій Муромскій, и поможе ему Богъ и пре-  
свѣтаа его Мати, съ нею же ходиша; нѣ-  
сѣкоша ихъ множество, а стягы ихъ поимаша,  
одва въ малѣ дружинѣ князь Болгарскій утече  
до Великого города. Князь же великій взя 4  
города, възвратися съ побѣдою великою, ви-  
дя поганыхъ избиты<sup>3</sup>, а свою дружину цѣлу.  
Стояху же пѣшци на полчищи подѣ стягомъ съ  
святою Богородицею; и прихавше вси до святѣй  
Богородици удариша челомъ, и почаша цѣло-  
вати вси съ слезами и радостію великою, хва-

лы и пѣсни благодарныя въздающе (е)й. Князь  
же великій видѣ лучъ отъ иконы, окружающъ  
полкъ его, и възвратися, и повоева землю ихъ,  
и пожже; и шедъ взяша городъ ихъ славный  
Брихимовъ въ Камѣ, и сѣтвори землю ихъ  
пусту. Се же бысть новое чудо святѣй Бого-  
родици Владимерской, и принесе ю съ славою,  
постави въ церкви святаго Богородица Влади-  
мерскія. Того же лѣта преставися у князя Ан-  
дрѣа сынъ Изяславъ, пришедъ изъ Болгарско-  
го<sup>4</sup> бою; положень въ церкви Пречистыя въ  
Володимери. Того же лѣта приидоша Свѣа  
подъ Ладогу, и пожгоша Ладожанѣ хоромы  
своа на посадѣ, а сами въ городѣ затвори-  
шася съ посадникомъ Нѣжатю, а по князя  
Святослава Ростиславича послаша и по Но-  
вгородци. Они же приступиша подѣ городъ<sup>5</sup>,  
и не успѣша ничтоже, но болшу рану приа-  
ша, и вѣступиша въ рѣку Вьронаи. 5 лѣтъ  
потомъ приспѣ князь Святославъ съ Ново-  
городци, и наихаша на нихъ мѣсяца маа 20;  
на свѣаго Еладіа<sup>6</sup>, и побѣдиша ихъ Божією  
помощію, овы изсѣкоша, другыа изымаша;  
а пришли въ 60 шнекъ, изымаша 43, и ма-  
ло ихъ убѣжаша, и тѣ избіени быша.

Въ лѣто 6673. Поставленъ бысть архіепи-  
скопъ Новгородскій Іліа митрополитомъ  
Іоаномъ, при великомъ князи Ростиславѣ  
Мьстиславичи; и прииде къ Новгороду маа  
11, на бытіе Царяграда, при князи<sup>7</sup> Святославѣ  
Ростиславичи и при посадницѣ Захаріи. Того  
же лѣта постави князь Святославъ церковь въ  
Новѣгородѣ свѣаго Николу на Городищи; а  
другую поставиша Шетичники святую Трои-  
цу. Того же лѣта ходи игумень (Діонисій)  
въ Русь изъ Новгорода, и благослови его  
митрополитъ Іоаннъ на архіепископство.

Въ лѣто 6674. Преставися митрополитъ  
Іоанъ въ Кіевѣ. Того же лѣта преставися

(1) Въ подлинникѣ: софіа. (2) Тамъ же: ростославъ. (3) Тамъ же: избити. (4) Тамъ же: болгарскій. (5) Тамъ же:  
подъ городомъ. (6) Тамъ же противъ сего на полѣ написано: фалелѣа. (7) На этомъ словѣ, находящемся  
въ рукописи на 88-мъ листѣ, прерывается статья и ея продолженіе помѣщено на оборотъ того же листа.



Ярославъ Юріевичъ, братъ Андрѣвъ, и положенъ бысть въ Володимери въ Пречистой. Въ то же лѣто преставися Святославъ Володимеричъ, внукъ Давыда Святославича. Того же лѣта Вълодимеръ Ярославичъ Галичскій женися у Святослава Всеволодича въ Черниговѣ. Того же лѣта шуринъ его Олегъ Святославичъ побѣди Кобыка съ Половци. А Ярославъ Изяславичъ жени сына Всеволода у Юргія Ярославича, Святополча внука Изяславича. Въ то же лѣто Половци побѣдишъ Шварна, Чьского князя, и яша его, и много окупа взяша на немъ. Того же лѣта въ Новѣгородѣ поставиша церковь святаго Спаса каменну, въ монастыри святаго Георгія. Въ то же лѣто прииде князь великій Ростиславъ на Луки, и призва Новогородци на порядъ: и огнищани, и гридбу, и ту ся разболѣ; и преставися на пути, марта 14, и везоша его къ Кіеву, и положиша въ церкви святаго Феодора.

Въ лѣто 6675. По<sup>1</sup> Ростиславѣ сѣде въ Кіевѣ Мьстиславъ, сыновецъ его, Мьстиславъ Изяславичъ. Княженіе Мьстиславле Изяславича, внука Мьстиславля. Поиде князь великій Мьстиславъ на дялю сво(е)го Володимера Мьстиславича, къ Вышегороду, и на Рурика Ростиславича, и цѣловаша крестъ межъ себе, и разыидошася. И посемъ Володимеръ нача думати на великого князя Мьстислава, и явлена бысть дума его Мьстиславу; онъ же обличивъ его и укрѣпи крестомъ. Того же лѣта начаша къ Володимеру присылати Тягровичи, глаголюще: «мы къ тебѣ пріаємъ.» И радъ бы(сть) Володимеръ, забывъ крестное цѣлованіе, и посла къ бояромъ Кіевскимъ, являя думу свою, къ Миханлу, и Рагуилу и Завиду. Они же рѣша: «о себѣ еси замыслилъ, а мы сего не вѣдаемъ, а по тебѣ не идемъ.» Онъ же възглянувъ на дѣтскіе свое, глаголя: «се будутъ мов боярѣ;» иде къ Берендичемъ. Они же рѣша: «приказалъ еси

намъ и рекъ: азъ съ братією, то гдѣ братіа, 1166 Володимеръ, и Ярославъ<sup>2</sup> и Давыдъ, а ѣздишь 1167 одинъ?» и пустиша стрѣлы на нь. Онъ же побѣже, рекъ: «не дай Богъ поганому вѣры яти, азъ бо погыбохъ душу и тѣломъ.» И ту избиша сущиихъ съ нимъ, а онъ прибѣже къ Доро(го)-бужу, ту бо бѣ и жена его бѣжа. Андрѣвичъ же не пусти его къ себѣ, и поиде на Радимичи къ Суждалю; Андрей же посла противъ его, веля ему ити къ Глѣбу въ Рязань; онъ же (иде) тамо, (а) жену остави въ Глуховѣ. Тоя же весны Сотко Сытвичъ въ Новѣгородѣ заложилъ церковь каменну Бориса и Глѣба. Того же лѣта прииде въ Кіевъ Костантинъ митрополитъ. Того же лѣта Новогородци хотѣша изымати князя своего Святослава Ростиславича, онъ же то увѣдавъ, и выиде изъ Новогорода на Луки, и присла (въ) Новѣгородъ, глаголя, «яко не хочу у васъ княжити.» Новогородци же цѣловаша святую Богородицу, яко не хошемъ его, идоша его тамо прогнати съ Лукъ; онъ же то слышавъ, еже<sup>3</sup> идуть на нь, иде къ Торопцу, а Новогородци послаша къ великому князю Мьстиславу, въ Кіевъ, по сына. Святославъ же иде на Волгу, и вда ему князь великій Андрей Юріевичъ помощь, онъ же шедъ пожже Новѣй Торгъ, а Новоторжци отступи(ша) въ Новгородъ; и много пакости творяше до(мо)мъ ихъ, и села ихъ потрави. А брата его Романъ и Мьстиславъ пожгоша Луки, а Лучавы отступиша, и отступиша инѣи въ Новгородъ, а инѣи (къ) Плескову; Андрей же сложися съ Смоляны и съ Полочани на Новгородъ, и пути всѣ заяша, и всѣхъ Новогородцовъ имаючи, и слы изыма(ша) Новогородскыя, не дадучи вѣсти Кіеву къ велико(му) князю Мьстиславу, а Святослава опять хотя у нихъ посадити силою въ Новѣгородѣ на столѣ, а то слово ркуще: «нѣту вамъ иного князя, развѣ Святослава.» Новогородци же того не брежаху, и убиша Захарію посадника, и Нери-

(1) Въ подлинникѣ: во. (2) Тамъ же: ярославъ. (3) Тамъ же: еяже.

1167 вина и Нѣзду берича, яко перевѣтъ дръжать  
1170 князю; и налѣзоша себѣ путь и на Вячка и на Володаря, и иде Даньславъ Лазутиничъ съ дружиною къ Кіеву къ Мѣстиславу по сымъ. А Святославъ прииде съ Суздалицы, и з брата, и съ Смоленяны и съ Полочаны къ Русѣ; идоша и Новгородци съ Якуномъ противу имъ; онѣ же не дошедше воротитася, не успѣша бо ничтоже, но точію много зла сътворше. Тогда же даша посадничество Якуну. И сѣдеша Новгородци отъ Семеня дни безъ князя до Велика дни, ждуще Мѣстислава сына; и прииде Романъ Мѣстиславичъ на княженіе Новогороду, априля въ 14, и ради быша Новгородци.

Въ лѣто 6676. (Иде) князь великій Мѣстиславъ Изяславичъ з братією на Половци. Рюрикъ Ростиславичъ и полкъ брата его Давыда, а самому нездравующу<sup>1</sup>, тогда же на томъ пути и престаився; съ нимъ же братія Изяславичи Ярославъ<sup>2</sup> и Ярополкъ, и Мѣстиславъ Всеволодичъ Мѣстиславича, Глѣбъ Юріевичъ, и Михалко ис Переяславля, и Святополкъ Юріевичъ, правнукъ Святѡполчъ Изяславича, и Черниговьстїи князи, Всеволодичи Святославъ и Ярославъ<sup>3</sup>, и Святославичъ Олегъ и Всеволодъ; и взяша вежи ихъ на Угрѣ<sup>4</sup> рѣцѣ, а ивни по Снопороду, а самыхъ угонили у Черного лѣсу, и избыша ихъ, а полона бесчисленное множество взяша, яко всѣмъ воємъ наполнитися до избытка, и тако възвратишася. Тогда же братія вся пожаловаша(ся) на великого князя Мѣстислава Изяславича, яко отай ихъ пущи седелники своя и кошевные пощю напередъ, и за то неправо сердце ихъ бѣ съ нимъ<sup>5</sup>. А еще къ тому злїи челоуѣци, окаянїи бояре, Бориславичъ Петръ и Нестерь, ихже Мѣстиславъ отсла отъ себе за то, яко холопи ихъ кони его покрадоша в пятна свои въск(ла)доша, и ти рѣша Давыду Ростиславичу, «яко хочеть

васъ князь великій Мѣстиславъ изымати;» онѣ же повѣда брату Рюрику, и тако бысть межи ихъ ненависть. А Володимиръ Андрѣевичъ нача у него извѣтомъ волости припрашивать, онѣ же (не) дасть ему; Володимиръ же разгнѣвася на нь, иде Дорогобужу. Новгородци приаша сына его Романа, а Святослава Ростиславича не приаша, егоже дядя его Андрей Юріевичъ хотѣша силою посадити у нихъ; и про то си вѣсташа на великого князя Мѣстислава Изяславича и крестомъ утврдишася. Въ то же лѣто ходиша Новгородци съ Псковичи къ Полотску, и пожегши волость воротитася отъ города за 30 версть. Того же лѣта Романъ Мѣстиславичъ ходи съ Новгородци къ Торопцу, и пожгоша хоромы, и головъ множество поймаша<sup>6</sup>.

Въ лѣто 6677. Иде Даньславъ Лазутиничъ за Волокъ данникомъ, и присла князь великій Андрей полкъ свой на нихъ, и бышася съ ними; и бѣше Новгородцевъ 400, а Суждалецъ 7000, и пособи Богъ Новгородцемъ, и паде Суждалцевъ 1000 и 300, а Новгородцевъ 15 мужъ; и отступиша Новгородцы, опять ся воротивше взяша всю дань, а (съ) Суждалскихъ другую.

Кіевское взятїе отъ Мѣстислава Андрѣевича Боголюбовского. Въ лѣто 6678, зимѣ, посла князь великій Андрей, изъ Суждалы, сына своего Мѣстислава на великого князя Мѣстислава Изяславича Кіевского ратїю, съ Ростовци, и Суздалицы, и Володимерци и Бѣлозерци, и вся земля та поиде на нь, и Муромстїи князи съ нимъ же снѣшася, и Смоленстїи князи съ нимъ же, Ростиславичи Романъ, Рюрикъ, Давыдъ, Мѣстиславъ, и Глѣбъ Юріевичъ ис Переяславля, и братъ его Всеволодъ, и Володимиръ Андрѣевичъ, и Черниговьстїи князи Олегъ и братъ его Игорь, и Мѣстиславъ Ростиславичъ, сыновецъ Андрѣевъ, внукъ

(1) Въ подлинникѣ: нераздравующу. (2) Тамъ же: Ярославъ. (3) Тамъ же: святославъ и Ярославъ. (4) Тамъ же: на ухлѣ. (5) Тамъ же: съ нимъ. (6) Тамъ же послѣ этого слова еще прибавлено: того же лѣта.

Юрієвъ; и приидоша вси къ Кієву, и стаа оного, а Мъстиславу затворшася въ градѣ, и біахуса крѣпко изъ города, и стояша 3 дни, и приступльше къ граду съ всѣ стороны. И поможе Богъ, и святаа Богородица и отня молитва князю Мъстиславу Андрѣвичу, взяша Кієвъ; а Мъстиславъ съ братомъ бѣжавше къ Володымеру въ Велинь, съ маломъ дружины, а княгню его яша, и дружину его извизаша, и весь Кієвъ пограбиша, и церкви и манастири, иконы, и книги и ризы<sup>1</sup> повмаша. Взять же бысть марта 20; се же все бысть за грѣхы наша. Въ то же время (Константинъ, митрополитъ Кієвскій), запретилъ игумена Поликарпа Печерскаго<sup>2</sup> про Господскіе праздники, не велашу ему ясти ниясь въ среду и въ пятокъ; помагаше же ему Черниговскій епископъ Антоній. Князь же Черниговскій многожды бранише ему, и не послуша его; князь же Святославъ изврже его изъ епископіи, да не противится Божію закону. Княженіе великого князя Глѣба Юріевича въ Кієвѣ. Мъстиславъ же Андрѣвичъ, вземъ Кієвъ, посади въ немъ стрѣла своего Глѣба Юріевича, а самъ иде къ отцу въ Суздаль; а Мъстиславъ Изяславичъ бѣжа къ Володымеру. Того же лѣта чюдо сътвори святаа Богородица, Володымерская, изгна бо Богъ, и святаа Богородица и князь великій Андрей Юріевичъ злаго, и пронырливого и гордаго лѣстца, лживаго владѣху Федорца, иже самъ ся постави, изъ Володымера и отъ всеа земля Ростовская: не восхотѣ бо Божіа<sup>3</sup> благословеніа, но удалися отъ него, тако и сей нечестивый не послуша христілюбиваго князя Андреа, хотящу ему епископомъ . . . . .<sup>4</sup> не восхотѣ, паче же и Богу не хотящу его и святой Богородици: Богъ бо егда хощетъ показати челоуѣка, отъиметь у него умъ, тако и палъ снѣмъ

сътвори Богъ. Князю о немъ добро мысля— 1170 шу и добра ему хотящу, сей же не токмо не восхотѣ поставленіа отъ митрополита, но и церкви всѣ затвори и ключи церковныя отнять, и не бысть ни звону, ни пѣнія по всему городу и въ соборной церкви, въ не(й) же чудотворная икона Матери Божіа и ина велика святыня, къ нейже вси христіане съ страхомъ притекають; и ту церковь дрѣзну затворити, и тако Бога разгнѣви и святую Богородицу, того<sup>5</sup> бо дни изгнанъ бысть, маа въ 8. Мнози бо людие церковніе пострадаша въ дрѣжавъ его, селъ изнебыша, оружія и коней, и работы добыша, и заточеніа и разграбленіа, не токмо простцомъ, но и черньцомъ, игуменомъ и попомъ безмилостивно мучитель; нѣмъ головы порѣза и борода, другимъ же очи вырѣзываа, другыа распинаа на стѣнѣ, мучаше немилостивно, хотѣ възхитити нѣніе отъ всѣхъ, нѣніа бо бѣ несуть яко адъ. Посла же<sup>6</sup> его князь великій Андрей, оказавъ, къ митрополиту на Кієвъ Костантину; и повелѣ ему митрополитъ Костантинъ языка урѣзати, и руку правую отъяти, и очи ему вынати, зане хулу измолвилъ на святую Богородицу; потребать бо ся грѣшници отъ земля и беззаконници, яко не быти имъ. И събысться на немъ слово евангельское: еюже жѣроу жѣрите, възмѣрится вамъ, и иже судомъ судите, судятъ вамъ; судъ бо безъ милости не сътворшему милости. Другой же глаголетъ: аще незаконно мученъ будетъ, не вѣнчается; грѣшній бо здѣ по грѣху мучится, а на судѣ Божіемъ осужденъ будетъ въ муку. Тако и сѣй безъ покаянія умре, уподобивъсѣ злымъ еретикомъ некаящимся, погуби душу свою и тѣло, и погыбе память его съ шумомъ, и христіане избавлени быша Богомъ и святою Богородицею. Се же написахомъ, да не како скачутъ нѣдѣи на санъ святительскій, но егоже

(1) Въ подлинникѣ: ризы. (2) Тамъ же: запретилъ бѣ игуменъ поликарпъ печерскій. (3) Тамъ же: богъ. (4) Тамъ же, по видимому, здѣсь пропускъ. (5) Тамъ же: томъ. (6) Тамъ же: же же.

1170 позоветъ Богъ и святаа Богородица; всякъ бо даръ съвыше есть отъ Бога. Ино чюдо. Въ то же лѣто чюдо сътвори святаа Богородица церкви Десятинныа въ Кіевѣ, юже създалъ князь великій Володимеръ, иже крести землю Рускую и далъ бѣ десятину церкви той по всей Руской землѣ, сътвори же та Мати Божіа чюдо. Сидящу Юріевичу Глѣбу на Кіевѣ, на столѣ отни, пръвое лѣто, приде множество Половецъ къ Глѣбу на миръ лествю, и раздѣлившимся на двое, одни (придоша) къ Переяславлю и стаха у Пѣсочна, а друзи придоша по оной сторонѣ Днѣпра (къ) Кіеву и стаха у Корсуны; и прислаша обои къ великому князю Глѣбу, рекуче: «Богъ посадилъ тя и братъ Андрей на отчинѣ твоей въ Кіевѣ, а хочемъ съ тобою порядъ положити о всемъ и утвѣдитися съ тобою межи собою, и внидемъ въ роту, да и ты къ намъ, да ни вы начнете боятися насъ, ни ми васъ.» Слышавъ же сіе князь великій Глѣбъ Юріевичъ рѣчь Половецкую, хотѣ ити къ нимъ на снемъ, и думаше съ дружиною своею, къ которымъ пръвое ити? иде пръвое къ Переяславлю, блюда<sup>1</sup> Переяслава, сынъ бо его князь<sup>2</sup> Володимеръ Глѣбовичъ Переяславскій малъ, 12 лѣту. И иде князь великій къ Переславскимъ Половцемъ на снемъ; къ другимъ посла, река: «пождите мене ту, иду къ Переяславлю; и умирюся съ тѣми пръвое, и потомъ прииду къ вамъ на миръ.» И смирився съ тѣми, подаривъ ихъ отпусти; и поиха къ Курсинскимъ Половцемъ, кон тамо подъ Курсуномъ стоатъ, съ братомъ Михалкомъ (и) съ дружиною. Бывшу ему на Перепетовскомъ полѣ, Половци же тѣи слышавше отъихавши великого князя Глѣба къ Переяславлю, и съдумавше: «се Глѣбъ вхалъ на ону сторону, а тамо ему пострять, а поидемъ за Кіевъ, възмемъ села, и поидемъ въ Половци съ полономъ.» И ихаша въева-

ти, и прихаша къ Сѣмычу, къ (го)роду святаа Богородица, и взяша села безъ утеча съ людьми, кони и скоты погнаша въ поле. Князю же великому Глѣбу бысть вѣсть, оже поимаша села идуть въ Половци, и хотѣ на нихъ ихати, Берендееве не даша<sup>3</sup> ему; онъ же посла на нихъ брата Михалка, а съ нимъ полторы ти-(ся)чи Берендѣевъ, а Переславцовъ 100. Онъ же шедъ побѣди Половци, бѣ же ихъ полъ осмы тысячи. О знаменіи Пречистыа въ Новѣгородѣ. Тоя же зимы сътворися знаменіе велико и преславно о(тъ) иконы пречистыа Богородица въ Новѣгородѣ сице. Живущимъ Новогородцомъ и владѣху своею областію, якоже имъ Богъ поручилъ, а князя дръжаху по своей воли, бѣ же у нихъ тогда князь Романъ Мъстиславичъ, внуку Изяслава, еще сый князь великій Мъстиславъ, отецъ его, на Кіевѣ, не съгнавъ Мъстиславомъ Андрѣевичемъ. Въ то же время Двиняне не хотяху дани давати Новугороду, но данася великому князю Андрѣю Юріевичу Суздадскому; Новогородци же послаша даника Даньслава Лазутича на Двину, а съ нимъ по 100 человекъ, и то слышавъ князь великій Андрей посла на нихъ полки своа, 1000 и 500 рати; они же начаша переимати на Бѣлѣозерѣ, и начаша битися, и пособи Богъ Новогородцемъ, убиша отъ полка великого князя Андреа 800 мужъ, а прочіи отбѣгоша, а Новогородцевъ паде 15 мужъ. И оттолѣ князь великій Андрей Юріевичъ разгнѣвася на Новогородцовъ, нача копити рать и силу крѣпку зѣло<sup>4</sup>, самъ же тогда разболѣвася, посла сына своего Мъстислава<sup>5</sup> на Великій Новогородъ съ всею силою Суздадскою, съ нимъ же и Рязанско-го князя сынъ, и Муромского, и Смоленскіе князи Романъ и Мъстиславъ съ Смоляны и Торопчаны, Муромци и Рязанци съ своими князи, и Полочане, и Переяславци, и Ростов-

(1) Въ подлинникѣ: блюда. (2) Тамъ же: сынъ бо князь его. (3) Тамъ же: не дадушу. (4) Тамъ же: зѣлу. (5) Тамъ же: романа.

ци, и вся земля Руская, и бы(сть) всѣхъ князей 72. Новгородци же то слышавше, силу великую грядущу на ня, быша въ скорби велицѣ и въ сѣтованіи мнозѣ, и моляхуся Богу и пречистѣй его Матери Богородици и присно Дѣвѣ Маріи, и поставиша острогъ около всего Новагорода; идуще же ратнии много зла сѣтвориша, и приидоша къ Новугороду на съборъ, а въ немъ затвориша князь Романъ Мьстиславичъ, и стоаша Суждалци у Новогорода 3 дни, а Новгородци бяху за острогомъ. Въ 3-ю же ночь святому архіепископу Іоану, стоащу ему и молящуся честному образу Господа нашего Ісуса Христа о спасеніи града, и бывшу ему въ ужаси, и слыша гласъ, глаголющъ сице: иди въ церковь святаго Спаса, и вѣзми икону пресвятыя Богородица, и вѣнеси на острогъ противу супостатъ. Архіепископъ же Иванъ то слышавъ, пребысть безъ сна всю ночь, моляшеся святѣй Богородици, Божіи Матери. Бывшу же утру, повелѣ быти святому събору, исповѣда видѣніе то предъ всѣми; они же слышавше прославиша Бога. Архіепископъ же посла діакона своего съ крылошани, и повелѣ икону принести на съборъ; діаконъ же вѣшедъ въ церковь, поклонися предъ иконою святыя Богородица, хотяще вѣзати ю, и не движеся икона отъ мѣста своего; діаконъ же съ иже съ нимъ вѣзвратишася, и повѣда архіепископу бывшее. Се же слышавъ преподобнѣй архіепископъ отъ діакона своего, вѣставъ скоро отъ мѣста своего, и поиде съ всѣмъ святымъ съборомъ, и прииде въ церковь святаго Спаса, въ храмъ Господа нашего Ісуса Христа, и пришедъ предъ икону святыя Богородица, и поклонися на колѣну, молитву творяше, сице глаголюще: **Молитва архіепископа Іоанна.** «О премилостива еси Госпоже Дѣвице, Богородице, Владычице, пречистаа Дѣвице! ты бо еси упование, и надежда и заступнице граду

нашему, стѣна, и покровъ и прибѣжище всѣмъ 1170 христіаномъ, на тебе надѣмся и мы грѣшніи. Молися, Госпоже, Сыну своему и Богу нашему за градъ нашъ, не предай же насъ врагомъ нашимъ, грѣхъ ради нашихъ; услыши, Госпоже, плачь людей сихъ, и приими молитву рабъ своихъ; избави, Госпоже, градъ нашъ отъ всякого зла и супостатъ нашихъ.» Сие же ему молящуся, и нача пѣти канунъ пресвятѣй Богородици, и по 6 пѣсни начаху пѣти кондакъ: заступнице христіаномъ непостыднаа, и въ то время подвижашеся икона о себѣ. Народи же видѣвше се, съ слезами зваху: Господи помилуй! Архіепископъ Іоаннъ приимъ икону своими руками, дасть двѣма діаконима, и повелѣ нести предъ собою, а самъ поиде вѣслѣдъ съ всѣмъ святымъ съборомъ, сѣврѣшаючи канонъ; народи же угнѣтахуся, идуще вѣслѣдъ. И вынесоша икону на острогъ, идеже нынѣ монастырь есть святыя Богородица на десяти-нѣ, а Новгородци вси бяху за острогомъ, не можаху противу ихъ стати, но токмо плакахуся, каждо бо видяще погыбель свою, понеже бо Суждалци раздѣлыша на своа грады. Въ 4 же день, въ среду, бывшу часу шестому, начаша приступати къ граду вси полки Рускыя, и спустиша стрѣлы, яко дождь умножень; тогда же, Божіимъ промысломъ, обрати-ся икона<sup>1</sup> лицемъ на градъ, и видѣ архіепископъ текуща слезы отъ честныя иконы, и пріать а въ фелонъ свой. О великое и страшное чудо! како бо можаше быти отъ суха древа (слезы); не суть бо се слезы, но являетъ знаменіа милости своеа; снмъ бо образомъ молится святаа Богородица Сыну своему и Богу нашему за градъ нашъ. Молитвами святыя Богородица пус-ти Господь гнѣвъ свой на вся полки Рускіа, и покры ихъ тма; якоже бысть при Фараонѣ, егда проведе Богъ Моисеомъ Жи-ды сквозѣ Чермное море, а Фараона по-грузи, тако и на сихъ нападе трепеть и

(1) Въ подлинникѣ: новагороду идущу. (2) Тамъ же: инако.



1170 ужась, и ослѣпоша вси, и смятошася, и  
1173 начаша битися межи собою<sup>1</sup>. Се же видѣвше

Новгородци изыдоша на нихъ на поле, и бишася весь день, и къ вечеру побѣди а Романъ Мъстиславичъ, но дѣтескъ бяше, съ Новгородци, силою крестною, и святою Богородицею и молитвами благовѣрнаго владыки Иліи, мѣсяца февраля 25, на память святаго Тарасіа, овы изсѣкоша, а иныя руками изымаша живы, а прочіи побѣгоша, ничтоже въземше, толко взяша земли коньскимъ копытомъ; и оттолѣ отъясъ честь и слава Суздальскаа. Бысть бо и мятежъ въ той путь, яко мнози съ голоду помроша, а инѣи лошадину ядоша въ великое говѣніе; Новъ же городъ избавленъ бысть молитвами пресвятыа Богородица. Преподобный же архіепископъ Иліа сътвори праздникъ свѣтель; начаша празновати радостно всѣмъ Новымгородомъ честному милостивному знаменію святаа Богородица, еаже молитвами Христе Боже нашъ и насъ грѣшныхъ избави отъ всякоа печали, и бѣды и напасти, здѣ нынѣ въ сій вѣкъ и въ будущій, и вѣчныа муки, аминь. И продаваху Новгородци Суздальца по 2 ногата. Тоя же зимы Мъстиславъ Изяславичъ, что былъ на Кіевѣ князь великій, съ братомъ Ярославомъ и съ Галичаны пріиде къ Дорогобужу на Володимера<sup>2</sup> Анд(р)ѣевича, а ему болну сущу, тогда же и преставися мѣсяца генваря 28; а онъ прочіе его грады повоева, а иныа поймавъ пожжѣ, и отъиде. Того же лѣта бысть дороговъ въ Новѣгородѣ, куповааху кадь ржи по 4 гривны, а хлѣбъ по 2 ногатѣ, а медъ по 10 кунъ пудъ; и здумавше Новгородци выслаша князя Романа Мъстиславича изъ Новагорода, занеже того лѣта отецъ его, Мъстиславъ Изяславичъ, преставися въ Володимери Велинскомъ; и показаша Новгородци сыну его Роману путь, а сами послаша

къ великому князю Андрееви Юріевичю на миръ, рекше: «дай же намъ князь на всей нашей воли.» И дасть имъ князь великій Рюрика Ростиславича.

Въ лѣто 6679. Пріиде князь Рюрикъ Ростиславичъ въ Новѣгородъ, октября въ 4, на Варваринъ день<sup>3</sup>. Того же лѣта владыка Новгородскій Иліа, съ братомъ Гавриломъ, постави церковь святаа Богородица Благовѣщеніе, и създа манастирь. Того же лѣта преставися князь<sup>4</sup> великій Глѣбъ Юріевичъ въ Кіевѣ; положиша его на Берестовомъ у Спаса, идеже и отецъ его Юрій Долгорукій. Того же лѣта родися у Мъстислава Андреевича сынъ Василей. Тоя же зими пріидоша множество Половечь, а Глѣбу самому болну сущу, посла на нихъ братію Михалка и Всеволода, они же изгнавши ихъ за рѣкою Бугомъ избиша, а полонъ отъясша. А во Кіевѣ посадиша Володимера, и княжи князь великій Володимеръ. Того же лѣта и преставися князь великій Володимеръ Кіевскій, сѣдѣвъ на княженіи 3 мѣсяци.

Въ лѣто 6680. Князь великій Андрѣй Юріевичъ посла (въ) Кіевъ Романа Ростиславича<sup>5</sup>, а Смоленскъ дасть Ярополку Романовичу. Того же лѣта отъясъ князь Рюрикъ Ростиславичъ посадничество у Жирослава, и выгна (и) изъ Новагорода, и даша посадничество Ивану Захариничу.

Въ лѣто 6681. Посла князь великій Андрѣй Юріевичъ сына своего Мъстислава на Болгары, зимъ, и не любъ бысть (путь); шедъ повоева ихъ, възвратися, грады вся и села, и гнаша по немъ во шти тысячехъ, и не постыгоша его. Тоя же зимы иде Рюрикъ изъ Новагорода, и послаша<sup>6</sup> Новгородци (къ) великому князю Андрею по сынъ; и присла Жирослава посадничать, а по немъ сына посла Юрія, и пріаша его съ честію. Того же лѣта пріиде князь Юрій Андрѣевичъ въ Новго-

(1) *Въ подлинникъ:* со собою. (2) *Тамъ же:* на волидимера. (3) *Въ Полн. Собр. Лѣт. т. III, стр. 45, читаемъ:* на святаго іероея. (4) *Въ подлинникъ:* князь. (5) *Тамъ же, по ошибкѣ:* мъстиславича. (6) *Тамъ же:* послашася.



родѣ. Въ то же лѣто заложиша церковь каменну святаго Іакова въ Неревскомъ<sup>1</sup> концѣ. Того же лѣта выиде Романъ ис Кіева, и сѣде Михалко Юріевичъ.

Въ лѣто 6681. Преставися Мьстиславъ Андрѣвичъ, марта 28, и положиша его въ церкви святѣй Богородици въ Володимери.

Въ лѣто 6682. Иде епископъ Іліа изъ Новгорода къ великому князю Андрѣю на всю управу; и даша посадничество Иваньку. Въ томъ же лѣтѣ непокаряющимся Ростиславчємъ великому князю Андрѣю Юріевичю и (въ) воли его не хотящимъ быти, паче же Давыдъ Ростиславичъ Вышегородскій съдумаша съ братією своею, приѣха нощію къ Кіеву, ятъ Всеволода Юріевича и Ярополка Ростиславича и дружину ихъ. Слышавъ же князь великій Андрей ята брата своего, посла сына своего Юрія съ Новгородци и съ Суздапци, и Бориса Жидиславича воеводствомъ, и иныхъ князей двадцать съ полки своими на Ростиславичи; и прогнаша Давыда ис Кіева, и приѣдоша къ Вышегороду<sup>2</sup> на Мьстислава, онъ же ватворися въ градѣ, а Давыдъ иде въ Галичъ по помочь, и не даша ему помочи; и пришедъ стама у Вышегорода съ силою многою, и стоаша 9 недѣль подъ Вышегородомъ, не успѣша ничтоже, възвратишася въ своя, и приѣдоша вси здрави. А Ярославъ Изяславичъ сѣде въ Кіевѣ. Того же лѣта преставися князь Юрій Муромскій. Той же зими преставися благовѣрный князь Святославъ Юріевичъ, братъ великого князя Андрѣа, иже вся дни живота своего болѣнь бѣ, генваря 11. Сей князь избранникъ бѣ Божій, бысть ему болѣсть зла, еаже болѣзни прошааху<sup>3</sup> на ся святіи у Бога отци; кто бо постраждетъ болѣзнію тою, якоже книги рѣша, тѣло его мучится, а душа его спасается. Тако и сѣй святыи Святославъ во истинну Божій угодникъ, избранный въ всѣхъ

князехъ: не вда ему Богъ княжити на земли, 1173 но да ему господину царство небесное. По— 1175 ложень бысть въ Суздали у святой Богородици. Въ то же лѣто святѣша церковь въ Новѣгородѣ, въ городѣ, Бориса и Глѣба владыка Іліа, а другую Спаса на воротехъ въ манастири.

Въ лѣто 6683. Сидящу великому князю Ярославу Изяславичу въ Кіевѣ, и ихъ на нь Святославъ Черниговскій Всеволодичъ изъѣздомъ, и вѣиха въ Кіевъ, дружину Ярославлю взонмаша, а самъ Ярославъ утече, а княгиню яша съ сыномъ ея меншимъ; и сѣде въ Кіевѣ дванадцать днѣй, възвратися опять къ Чернигову, поймавъ нѣтъне его бесчисла. Ярославъ же слышавъ яко стоитъ Кіевъ безъ князя, повабленъ Ростиславичи, и приѣха опять къ Кіеву на гнѣвъ, и замысли тяготу велику на Кіаны, и перепрода весь Кіевъ отъ мала и до велика, рекучи: «вы подмолвили есте и подвели на мене Святослава, то промышляйте чимъ выкупети княгиню<sup>4</sup> (и) сына.» Онѣмъ же не имѣющимъ<sup>5</sup> что отвѣщати, и попрода игуменни, и чръныцы, и попы, и черницы, и Латину затвори и гости, и много зла сътвори Кіеву. Въ то же время прислаша къ великому князю Андрѣю Юріевичу Ростиславичи, Романъ з браті(е)ю своею, просячи Роману Ростиславичу Кіеву княжити; Андрей же рече: «переждите ми мало, послалъ есмь къ братіи своей въ Русь, какова вѣсть будетъ отъ (нихъ), а тогда вы вѣсть дамъ.» Въ томъ же лѣтѣ, мѣсяца іюня въ 29, въ субботу на нощь, въ праздникъ святыхъ апостолъ Петра и Павла, убіенъ бысть благовѣрный великій князь Андрѣй Юріевичъ Боголюбскій отъ своихъ бояръ, отъ Кучковичевъ, по наученію своего княгини. Бѣ бо Болгарка родомъ, и дръжаше къ нему злую мысль, не про едино зло, но и просто, иже князь великій много воева

(1) Въ подлинникѣ: въ неревскомъ. (2) Тамъ же: къ вышегороду. (3) Тамъ же: приношааху. (4) Тамъ же: княгиня. (5) Тамъ же: не имѣющимъ.

1175 съ нимъ Болгарскую землю, и сына посылалъ, и много зла учини Болгаромъ; и жаловашася на нь втайнѣ Петру, Кучкову зятю, предъ симъ же днемъ поима князь великій Андрѣй и казни его. Въ праздникъ же сый піющемъ Кучковичемъ у Петра, у зятя ихъ, рече Якимъ Кучковичъ: «что сътворимъ съ великимъ княземъ? вчера брата моего ятъ и убить, а нынѣ насъ хоцетъ няти; да промышляемъ о своемъ животѣ.» И съвѣщашася томъ дни убити его. Началникъ же съвѣту убійцамъ Петръ, Кучковъ зять, Анбалъ Ясинъ ключникъ, Якимъ Кучковичъ, Ефремъ Моизичъ, всѣхъ оканныхъ убій(цъ) двадесять, иже ся бяху связали на окаанный той съвѣтъ у Петра, у Кучкова зятя, на пиру: бѣ бо именины его. Постигши ноши суботнѣй, взявше оружіе, яко звѣріе дивіи рыкаху на своего государя, поидоша піаны въ монастырь Боголюбскій; бѣ бо любяше монастырь той паче мѣры, и мнози негодоваху о томъ, яко оставя градъ и часто въ селѣ Боголюбовѣ и въ монастыри т(омъ) пребываше. Также и къ святому Спасу на Купалище по вся дни приходяше, ловы бо всегда творяше въ той странѣ и на Купалищи приходя прохладжаашася, и много время ту безгодно пребываше, и о семъ болярмъ его многа скръбь бысть: онъ же не повелѣ имъ издти съ собою, но особно повелѣ имъ утѣху творити, идеже имъ годно, самъ же съ маломъ отрокъ своихъ приходяше ту. Въ то же время ту сушу ему, придоша они зліи убійци къ постелной его хранинѣ, идеже спаше, и выломивше сѣни, пришелше къ ложниці, и проглаголаше Якимъ тихо: «господине, господине князь великій!» Онъ же отвѣща: «кто есть?» И рече ему: «Проконій.» Князь же пришедъ къ дверемъ и рече: «не Проконій;» и о(тѣи)де. Бѣ бо съ нимъ единый кощей малъ, и начаша ломити двери, блаженный же въскочи и

хотѣ изяти мечъ, и не бѣ меча, бѣ бо вынялъ Анбалъ томъ дни, той бо бѣше мечъ святаго Бориса. Окаяннии же выломльше двери въсовашася въ полстницу вси, и начаша сѣщи его мечи; онъ же похвати единого отъ нихъ врьже подъ ся, и боряшется съ ними крѣпко, бѣ бо князь силенъ велими, и удари единый рогатиною, и пронзи свой другъ, князь же отскочи, раненъ велими, и подтече подъ сѣни, иссѣченъ велими. Они же взявше свой другъ вынесоша вонъ, мнѣвша великого князя, и узрѣвше яко не князь великій, и начаша искати его по крови; онъ же начать отъ сердца рыкати въ болѣзни, имъ прочь пошедшимъ, они же гласъ его услышавшеворотилишася, и налѣзше его ту, и скончаша; Петръ же оття ему руку правую, и тако убіенъ бысть. Заутра же въ недѣлю, о свѣтѣ, на память двюнадесять апостолу, налѣзоша (князя), лежаща (мертва, подъ сѣни<sup>1)</sup>); и взявше (тѣло его) на коврѣ клирошанѣ Боголюбскіе, несше въ божницу, пѣвше надъ нимъ, и вложиша въ гробъ камень. Горожане (же) Боголюбскіе и дворяне разграбиша дворъ княжъ, дѣлатели, иже бяху пришли къ дѣлу, злато и сребро, порты и пафолокы, и имѣніе, емуже не бѣ числа. Много зла сътворися во воло(с)ти его, посадниковъ его и тиуновъ его дома пограбиша, а самихъ избиша; и дѣцкіи и мечники избыша, а дома ихъ пограбиша, не вѣдуше реченнаго: идеже законъ, ту и обида многа; Павель бо апостолъ рече: всяка душа властелемъ повинуется, противляй же ся власти, Божію повелѣнію противится, власти бо отъ Бога учинены суть; естъствоу бо земнымъ подобенъ естъ всякому чловѣку царь, властію же сана яко Богъ. Слышано же бысть сіе зло въ градѣ Володимери; игумень Феодоръ святыа Богородица Володимерской съ клирошаны, и съ Лу-

(1) Въ подлинникѣ: заутра же въ недѣлю, о свѣтѣ, мертвъ, на память двюнадесять апостолу, налѣзоша подъ нимъ сѣни лежаща.

киною чадію и съ Володимерци и хаша по великого князя въ Боголюбое, взявше тѣло его, въ пятый день, въ четвертокъ, принесоша во Вѣлодимеръ честно, положиша угодво въ святой Богородици, юже бѣ самъ сздавъ. Ни пода бо тѣлу въ животѣ своемъ покоа, ни очима своимъ дрѣманіа, дондеже обрѣте домъ истинный, прибѣжище всѣмъ христіаномъ, Царци небесныхъ чиновъ. Постави бо прекраснаго солица не на единомъ мѣстѣ, но сѣтвори ему вѣстокъ, и полуднѣ и западѣ; тако и своего угодника (не) приведе его къ себѣ даромъ, могуща таковымъ житіемъ душу спасти; но кровію мученичскою омывся прегрѣшеній, съ брата Романомъ и Давыдомъ единодушно къ Христу притече, въ райстей пищи неизреченно вѣдваряся. О немъ же повѣсть. Сѣй бысть благовѣрный и христілюбивый великій князь Андрѣй, сынъ великого князя Георгіа Владимировича Манамаха, правнукъ же Всеволода Ярославича, иже бѣ сынъ Владимиру Святославичу, великому князю Кіевскому и всеа Рускаа земля, иже просвѣти землю Рускую святымъ крещеніемъ, яко шестому ему быти отъ великого (князя) Владимира<sup>1</sup>; яко многострадалному Іову пятому быти отъ Авраама, тако и сему 6-му отъ Владимира. Отъ млада бо сей Христа възлюбилъ и всепречистую его (Матерь), смыслъ бо очистилъ<sup>2</sup> и умъ, яко полату красну сію сздавъ въ Володимери и въ Боголюбѣ<sup>3</sup>, златомъ же и каменіемъ драгимъ украсивъ ю, иконами безцѣнными и всякими узорочіи удивилъ, въ ней же чудотворнаа Мати Божіа, къ ней же вси христіане съ страхомъ притекають и съ вѣрою исцѣленія принимаютъ, и ина всяка святыни, и ины церкви различны и монастыря постави. И на весь церковный чинъ и на церковники отворзе ему быше Богъ сердечнѣи очи, не омрачи ума своего піанствомъ, кормитель бѣ чернцемъ, и чръницамъ и убо-

гимъ, и всякому чину яко възлюбленный бѣ-1175 ше отецъ; паче же на милостыню велми охвативъ, брашно свое и медъ по улицамъ на възѣхъ слати болнымъ и затворникомъ, слыша бо Господа глаголюща: аще сѣтворите братиі моеи меншіи, тои мнѣ сѣтвористе. Давыдъ рече: блаженъ милуа и даа, дааи весь день о Господѣ ходий въ свѣтѣ не поткнется. Мужество и умъ въ немъ живяше, правда же (и) истинна хожда(ше) съ нимъ, и много добродѣланіа въ немъ много бѣше; второй мудрый Соломонъ бывъ, тѣмъже достойно отъ Бога приемъ вѣнецъ, Андрею, мужеству тезоименитъ, братама богоумными послѣдовалъ еси, кровію омывся страданіа ти и враждное убійство слышавъ до себе, духомъ Божественнымъ разгорѣвся, ни въ что же вѣмѣни; тѣмъ, въ память убіеніа твоего, удивившася небесниі чини, видяще кровь твою проливаему за Христа. Рыдается множество правовѣрныхъ, зря отца сирымъ и кормителя; окаанныи же твои милостыници и убійци огнемъ крестятся конечнымъ, иже изжигаетъ<sup>4</sup> всякого грѣха купину. Убіенъ же бысть, и великъ мятежъ бысть въ земли той, и много паде головъ, яко и счисла иѣтъ, якоже глаголетъ Новгородскій лѣтописатель; много же пространѣиши и инѣ ищи. Увидѣвше же князю смерть, Ростовци, и Суздальци, и Переяславци и вся дружина, отъ мала и до велика, сѣхашася вси борзо къ Володимеру, и рѣша: «се уже намъ тако сѣдѣся, князь нашъ убіенъ, а дѣтей у него нѣтъ, а сынъ его въ Новѣгородѣ и тотъ малъ, а братіа его въ Руси; по кого хоцѣмъ послатися въ своихъ князехъ? а се намъ князи Рязаньстѣи и Муромстѣи въ сусѣдехъ, а боимся лести ихъ, егда пондутъ изнезапу ратію къ намъ; а послемся къ Глѣбу въ Рязань, рекуче: князя нашего Богъ помятъ, а хоцѣмъ Ростиславичу Ярополка и Мѣстислава, твоею шурина.» А крестного цѣло-

(1) Въ подлинникъ: владимеру. (2) Тамъ же: очѣствѣ. (3) Тамъ же: въ боголюбѣ. (4) Тамъ же: изжигаютъ.

1175 вана забыше, еже цѣловаша крестъ великому  
 1176 князю Юрію на меншихъ дѣтехъ, на Михалкѣ  
 и на Всеволодѣ, и преступивше крестъ, по-  
 садиша Андрѣа, а меншихъ выгнаша, или  
 здѣ не помянушася по смерти Андрѣеви, по-  
 слушаху Рязанскихъ бояръ, Дѣдила и Бо-  
 риса, и утвердившеся святою Богородицею, и  
 послаша къ Глѣбу. Глѣбъ же радъ бысть, оже  
 на нь честь въскладають, а шурина его хо-  
 тятъ; и утвѣдившеся крестомъ поидоша по  
 нимъ къ Чернигову, тогда Глѣбъ<sup>1</sup> съ нихъ по-  
 слы посла свой посолъ въ Черниговъ, бяху  
 бо ту Ростиславичи у Святослава и Михал-  
 ко Юріевичъ. И начаша звати Ростислави-  
 човъ, ркуще: «вашъ отецъ бѣ добръ, коли  
 княжилъ отецъ у насъ.» И рекоста Мъстиславъ  
 и Ярополкъ: «помагай Богъ дружинѣ, аже не  
 забываютъ любви отца нашего.» Юріевичи же,  
 Михалко и Всеволодъ, и сыновци ихъ, Ростис-  
 лавичи Юріевича Мъстиславъ и Ярополкъ,  
 сѣдумавше, поидоша вси четьри, и рекоша:  
 «пойдемъ вси, да любо добро, либо лихо,  
 Юріевича два и Ростиславича два.» И цѣло-  
 вавше крестъ у епископа изъ руку, и утвѣдив-  
 шеся, даша старѣйшинство Михалку; и поидо-  
 ста прежде два Михалко и Ярополко, а по  
 нимъ Всеволодъ и Мъстиславъ, и прѣихаста на  
 Москву. Слышавше Ростовци негодоваху, и ре-  
 коша Ярополку: «ты поиди сѣмо;» а Михалку  
 рѣша: «ты пожди мало на Москвѣ.» Ярополкъ  
 же поиха, не<sup>2</sup> сказався Михалку и брата  
 отай, къ дружинѣ, къ Переславлю; а Михалко  
 ихъ къ Володимеру съ Всеволодомъ, а Мсти-  
 славъ иде за братомъ къ Ростову; а дружина  
 цѣловаша Ярополка, Ростовци, и Володимерци  
 и Переяславци. И утвѣдившеся крестомъ, и  
 ихаша съ нимъ къ Володимеру на<sup>3</sup> Михалка  
 съ всею силою Ростовьскыа земля. Михалко  
 же затворися въ градѣ, не сущемъ ту Воло-  
 димерцемъ, посылаша бо по нихъ Ростовци,

и ѣхаша противу князема въ полторѣ тысячѣ.  
 Ростовци же около града много зла сѣтво-  
 риша, приведше<sup>4</sup> бо Муромцовъ и Рѣзандовъ,  
 рекше: «пожегше градъ, посадъ у нихъ поса-  
 димъ, то бо<sup>5</sup> холопи нашѣ и каменни.» А сѣн  
 быхуся съ города, святѣй Богородици по-  
 магающи имъ; и быхася съ ними седмь не-  
 дѣль, и уже брашну умаляющуся у нихъ,  
 рекоша Михалку: «любо мирися, или промыш-  
 лый собѣ, уже бо изнемогаемъ.» Онъ же рече:  
 «прави есте, цѣ хотите мене дѣла умрети.»  
 Онъ же поиде отъ нихъ опять къ Черниго-  
 ву, и проводиша его Володимерци<sup>6</sup> съ плачемъ,  
 и поиде въ Русь ограбленъ. Потомъ Володи-  
 мерци съ Ростиславичи утвѣдившеся крестомъ,  
 яко не сѣтворити имъ зла, глаголюще: «мы  
 бо не вамъ противихомся, но гордости Ро-  
 стовецъ.» И выидоша съ кресты противу Ро-  
 стиславичема, и вышедше въ городъ, и утѣши-  
 ста люди, и раздѣливше волость Ростов-  
 скую, и сѣдоста княжити; Ярополка поса-  
 диша на столѣ въ святѣй Богородици и весь  
 порядъ положивше, потомъ Ростовци посадиша  
 Мъстислава у себе на столѣ отни. Того жъ  
 лѣта выгнаша Смоляне Ярополка Романовича,  
 а Ростислава Мъстиславича въведоша кня-  
 жити.

Княженіе великого князя Ярополка  
 Ростиславича, внука Юріева Долгору-  
 каго, въ Володимери. Въ лѣто 6684, мѣ-  
 сяца генваря 23 день, оженися князь великій  
 Ярополкъ Ростиславичъ, въ Володимерѣ, ноя  
 себѣ жену въ Смоленскѣ, дщеръ Всеслава,  
 князя Витебскаго. Тоя же зыми сѣде въ Кіевѣ  
 князь Романъ Ростиславичъ Смоленского. То-  
 го же лѣта выиде братъ его Рюрикъ изъ Но-  
 вагорода. Того же лѣта выведоша изъ Но-  
 вагорода Юріа Андрѣевича, а Мъстиславъ  
 Ростиславичъ сына своего Святослава посади.  
 Сѣдящема же князема Ростиславичема, ра-

(1) Въ подлинникѣ: хлѣбъ. (2) Тамъ же: и не. (3) Тамъ же: но. (4) Тамъ же: приведше. (5) Тамъ же: того  
 бо. (6) Тамъ же: володимерци.

здаяста<sup>1</sup> грады земля Ростовскыя и Суздальскыя дружинѣ своей, и посажаста посадники; они же начаша многу тяготу людемъ чинити, и много<sup>2</sup> зла сътвориша продажами и вирами; а сама князя еще младѣ слухаста бояръ, а бояре поучаху на многое падение (и) иманіе. А Ярополкъ грады, и волости и дани церковныя святѣй Богородици отъять, таже и злато церковное поима, и ключи<sup>3</sup> полатныя отъяста, идеже бѣ кузнь, и что быше далѣ церкви той блаженный князь великій Андрей. Володимерци же начаша межи себе молвити: «мы приѣли есми князей по своей волѣ, сѣи же яко не свою власть творяще, грабяху не токмо волости, (но) и церкви, а не творячесѣ сѣдѣти у насъ; а промыслѣйте, братіе.» И послашасѣ къ Ростовцемъ и Суздальцемъ жалующесѣ на князя, являюще имъ обиду свою; они же точію словомъ по нихъ, а дѣломъ ни мала, а бояре князю тою держакхуся крѣпко, вездѣ бо волю свою творяху. Володимерци же утвѣрдившесѣ межи себѣ, послаша къ Чернигову по Михалка и Всеволода, ркуше: «поедѣта къ Володимеру; а что замыслѣтъ на насъ Ростовци, а како ны Богъ дастъ съ ними и святаа Богородица.» Они же поидоша въкупѣ, Михалко и Всеволодъ, съ ними же Володимеръ Святославичъ, внукъ Всеволода Ольговича. Се же бысть новое чюдо святаа Богородица: пришедшу убо Михалку з братомъ къ Москвѣ, то слышавъ Ярополкъ и Мьстиславъ, и сдумаста<sup>4</sup> съ дружиною, повелѣша Ярополку противу ити съ полкомъ, и устрѣтше битися, не пустяще къ Володимеру; Божіимъ промысломъ минустанѣ въ лѣсѣхъ, Михалко къ Володимеру, а Ярополкъ къ Москвѣ. Посла же Ярополкъ къ брату своему Мьстиславу, глаголя: «Михалко есть боленъ; несуть его на носилахъ, а дружины съ нимъ мало; азъ по немъ поиду, а ты поиди, брате,

борзо противу ему, дондеже (не) приидетъ въ 1176 Володимеръ.» Прииде же вѣсть къ Мьстиславу въ субботу, и яви дружинѣ своей, и наутріа поиде борзо, яко на заецъ, изъ Суздаля съ дружиною; а Михалку не доѣхавшу за 5 верстѣ<sup>5</sup> до города Володимеря, срѣте его Мьстиславъ, и выступиша внезапно изъ загоріа вои, вси въ доспѣсехъ, аки въ леду, Михалко же устрааше свои полки. Михалко же съ Всеволодомъ изнарядивше полкъ поидоша противу, Мьстиславли же полци поидоша кличуще, яко пожрети хотяще, и не дошедше до нихъ стрѣлиша по стрѣлѣ, и поврѣгше стягъ побѣгоша, гоними гнѣвомъ Божіимъ и святою Богородицею; знаменіа же не бѣ на обонхъ, Божіимъ промысломъ, про то мнози утекоша, Михалкова же дружина погониша по нихъ, біюще<sup>6</sup> ихъ и нмающе. Поможетъ Богъ Михалку и Всеволоду, и побѣдивше полкъ поидоста въ городъ съ честію и славою великою, дружинѣ ею и Володимерцомъ ведущемъ колодники. Си же бысть побѣда на Дубровици, у Яхробола, въ недѣльный день, іюня 15, Богу наказующу креста не преступати, а старѣйшаго брата почитати, а злыхъ чловѣкъ не слушати<sup>7</sup>, иже не хотятъ межи братіею добра. И изыидоша<sup>8</sup> граждане съ кресты противу Михалку и Всеволоду, и внидоша въ городъ, къ святѣй Богородици, мѣсяца іюня 15 день, въ недѣлю. Мьстиславъ же бѣже къ Новугороду, а Ярополкъ къ Рязаню, а мать ихъ, Ростиславлю жену, и съ снохама яша Володимерци. Михалко же вороти города святаа Богородица, иже бѣ заялъ Ярополкъ; и бысть радость велика въ градѣ, видяще у себе князя всея Ростовскыя земля. Постави бо Володимеръ городъ Володимеръ, потомъ Андрей украси, сего же Михалка и Всеволода избра Богъ и святаа Богородица на столъ отень и дѣдень. Княженіе великаго князя Михайла Юріевича, внука

(1) Въ подлинникѣ: растаяста. (2) Тамъ же: многа. (3) Тамъ же: ключи. (4) Тамъ же: не думаста. (5) Тамъ же: верстѣ. (6) Тамъ же: біюще. (7) Тамъ же: не спѣшати. (8) Тамъ же: выидоша.



1176 Володимеру Манамаху, во Володимери  
1177 Суздадскомъ. И потомъ прислашася Суж-  
далци къ Михалку, рекуче: «мы, господине  
княже, на полку томъ съ Мъстиславомъ не бы-  
ли, но были съ нимъ бояре; а на насъ лиха  
сердца не дръжи, но поѣди къ намъ на свою  
отчину.» Михалко же съ Всеволодомъ изаѣхаша къ  
Суздаю, а оттолѣ къ Ростову; и сътвори лю-  
демъ весь рядъ, и утврьди ихъ всѣхъ кре-  
стомъ, и честь взя у нихъ и дары многы; и  
посади брата своего Всеволода въ Переяслави  
на столѣ, иже на Клѣщинѣ озерѣ, а самъ иде  
къ Володимеру. Въ томъ же лѣтѣ поиде Ми-  
халко съ Всеволодомъ къ Рязаню на Глѣба,  
и бывшу ему на Москвѣ, и ту срѣтша его  
послы Глѣбовы съ поклономъ, глаголюще:  
«Глѣбъ ся кланяетъ, река: въ всемъ еси вы-  
новать, а нынѣ ворочю все, что есмы поималъ  
у шурина своего, и до золотника, и святую Бо-  
городицу;» взявъ быше у Володимерской цер-  
кви, что и до книгъ, то все вороти. Михалко  
же съ Всеволодомъ урядиста ся съ нимъ и воро-  
тистася къ Володимерю. Того же лѣта иде  
Вълховъ<sup>1</sup> рѣка на възводіе по 5 днѣй. Тоя же  
весны оженися Мъстиславъ другою женою, въ  
(Но)воградѣ, поя дочь у Якуна<sup>2</sup> Миросла-  
вича.

Въ лѣто 6685. Преставися благовѣрный  
великій князь Михалко на Волзѣ, на Город-  
цѣ на Родиловѣ, іюня 20, въ субботу на ночь,  
заходящу солнцу; положиша его у святѣй Бо-  
городици. Володимерци же помянуша Бога  
и крестное цѣлованіе къ великому князю  
Юрію, послаша по Всеволода къ Переяславу;  
онъ же въскорѣ прииде. И вышедши Володи-  
мерци предъ Золотая ворота, и цѣловаша  
крестъ къ Всеволоду князю и на дѣтехъ его,  
и посадиша его на столѣ отни и дѣдни. Кня-  
женіе великого князя Всеволода Юріе-  
вича. А Ростовци послаша по Мъстисла(ва);  
онъ же поиде къ нимъ, а сына Святослава

остави въ Новѣгородѣ. Глаголаша бо Ростов-  
ци и бояре Мъстиславу: «поиди, княже, къ  
намъ, Михала Богъ помялъ на Волзѣ, на Го-  
родцѣ; а мы хотимъ тебе, а иного не хотимъ;»  
еще на живого князя Михалка новели бяхуть  
его. Онъ же прииде къ Ростову, и съвѣку-  
пи Ростовци, бояре и гридбу и пасники, и  
поиде къ Володимеру; Всеволодъ же поиде  
противу съ Володимерци и что ся бѣ оста у  
него бояръ, а по Переславци посла Яро-  
слава Мъстиславича, сыновца своего. Всеволо-  
ду же бывшу за Суздадемъ, и узрѣша чюдную  
Матерь Божию церковь Володимерскую, и  
до основанія, яко на въздухѣ столпу, и го-  
родъ весь; князю же позорующу и людемъ  
всѣмъ, и рекоша: «княже, правъ еси, поиде  
противу ему.» Всеволодъ же благосердъ сый,  
не хотѣ проліати крове, посла къ Мъстиславу,  
глаголя: «брате, аже тебе привела дружина,  
и поѣди къ Ростову, от(т)олѣ миръ възмемъ;  
тебе Ростовци привели и бояре, а мене былъ  
Богъ привелъ, и Володимерци и Переяславци,  
а Суждалци да намъ общъ, да кого възхо-  
тятъ, тотъ имъ князь.» Мъстиславъ же слу-  
шаше рѣчи Ростовской и боярьской, а о сихъ  
рѣчахъ не брегаше, бяху бо Ростовци и  
бояре величавы, а крестъ забывъ, глаго-  
лаху бо Мъстиславу: «аще ли ты миръ да-  
си, но мы не дадимъ.» Помысливъ же вы-  
сокоуміемъ своимъ, не въдуше, яко Богъ  
дастъ власть, емуже хощетъ; поставляетъ  
бо царя и князя Вышній, егоже хощетъ.  
Мъстиславъ же не послуша рѣчи стрѣла сво-  
его, но слушаше Добрыни Долгаго, и Матѣя-  
ша Бутовича и иныхъ злыхъ челоувѣкъ. А  
Володимерци Всеволоду<sup>3</sup> глаголаху: «господине  
княже, ты правъ въ всемъ, поиди противу  
ему, положи упованіе на пречистую Бого-  
родицу, иже ты ся яви у Суздаля.» Всево-  
лодъ же приѣха къ Юріеву, съживдався съ  
Переяславци, и ту сидѣшася къ нему Пе-

(1) Въ подлинникѣ: вълховъ. (2) Тамъ же: у якуна. (3) Тамъ же: мъстиславу.



реяславци, и сказа нѣ рѣчи Ростовскіа и Мстислави. Они же рѣша: «господине княже, ты ему добра похотѣлъ, а онъ твоеа головы ловитъ; поиди, княже, Богъ съ тобою и твоя правда, а перестоявъ насъ, а то ему наша жены и дѣти; брату твоему Михалку, а его дяди, девятого дни нѣтъ по умрътвіи, а онъ кощеть кровь проліати.» Князь же Всеволодъ перенхавъ Гзу рѣку, въ субботу рано, изрядивъ полки, поиди къ нему; Мстиславъ же стояше межъ Липецъ. Стрѣльцовъ стрѣляющимися межъ полковъ, поидоша на грунахъ обон, и ступишася у Юріева межъ Гзы и Липици, и покрывша все поле Юріевское, и бысть съча зла, акы же не бывала николиже въ Ростовской землѣ; и поможе Богъ Всеволоду іюня 27. И ту убиша Добрыню Долгаго, и Иванка Степановича и иныхъ Ростовцевъ много избивша, а бояръ всѣхъ повязаша; а у Всеволода въ полку не бысть пакости, Богомъ и крестомъ честнымъ съблюденымъ; села же Ростовскихъ бояръ взяша, и до конь и до скота. Мстиславъ же бѣжа въ Ростовъ, а изъ Ростова къ Новугороду. Всеволодъ же побѣди полкъ, възвратися къ Володимеру съ славою великою. Володимерци и Переяславци поведоша колодники, скоть и кони погнаша, хваляще Бога и крестную силу, егоже преступили бяху Ростовци. Да доколѣ Богу терпѣти надъ ними? За грѣхы наведе на нихъ, наказавъ рукою благовѣрнаго великаго князя Всеволода. Мстиславу же прибѣгавшу къ Новугороду, рекоша ему Новгородци: «ударилъ еси пятою въ Новѣгородъ, шолъ былъ еси на стрѣя своего Михалка, понабленъ Ростовци, даждь Михалка Богъ поля, а съ Всеволодомъ ты Богъ разсудилъ; чему къ намъ идешь?» И не приима его, но показаша ему путь и съ сыномъ Святославомъ. И поиди Новгородци князя себѣ у Всеволода Ярослава Мстиславича. Мстиславъ же иде

къ Рязани, къ зятю<sup>1</sup> своему Глѣбу Рязань—1177 скому.

Въ лѣто 6685. Глѣбъ Рязанскій пожже Москву всю, городъ и села. Князь же Всеволодъ поѣха къ нему, и бывшу ему за Переяславомъ, подъ Шериньскомъ лѣсомъ, въ тоже время приѣхали бяху къ нему Новгородци, Миронѣжкова чадъ, и рекоша къ нему: «не ходи безъ Новгородскихъ сыновъ, възложи упованіе на Бога, възвратися къ Володимеру.» Тоя же осени поиде Всеволодъ на Глѣба къ Рязани съ Ростовци и Суждадьци и съ всею дружиною, и прислаше къ нему Святославъ Всеволодичъ два сына въ помощь, Олга и Володимерка, и сыновець его Володимеръ Глѣбичъ прииде ис Переяславля Рускаго. И бывшимъ имъ у Коломны, прииде вѣсть, аже Глѣбъ шелъ нѣмъ путемъ къ Володимеру, и воюетъ около Володимера съ Половци, и много зла сътвориша, церковь Боголюбскую разграбиша, юже бѣ сзда<sup>2</sup>лъ князь великій Андрѣй и украсилъ добрыми иконами и всякимъ узорочіемъ, златомъ, и серебромъ и каменіемъ дорогымъ, и села пожже боярская, а жены и дѣти да поганымъ на щить, и многы церкви запалившѣ огнемъ, да не чюдится никтоже о семъ, сего ради гнѣвъ Божій прострѣся, овыи ведутся въ полонъ, а дружимъ посякаени, иные на мѣсть даемьи поганомъ; и тако князь Глѣбъ Бога разгнѣви и святую Богородицу. Всево(до)дъ же поиде вборзѣ<sup>3</sup> о(тъ) Коломны, и прииде опять въ свою землю, обрѣте Глѣба стоаща на Колакиши съ Половци и съ полономъ, и не съвокупшася за мѣсяць, бѣ бо незѣ перейти<sup>4</sup> рѣкы; Всеволодъ же нарядивъ, въ масленой недѣлѣ, и пусти возы на ону сторону рѣкы, идеже Глѣбъ стояше; Глѣбъ же нарядивъ полкъ съ Мстиславомъ на возы на ону сторону рѣкы; князь великій же Всеволодъ посла сыновца своего Володимера съ Переяславци и нѣколико дру-

(1) Въ подлинникѣ: стрѣляше. (2) Тамъ же: къ зятю. (3) Тамъ же: сзда<sup>2</sup>лъ. (4) Тамъ же: перейти.

1177 жинѣ съ нимъ, где возы стояху, противу  
 1178 Мьстиславу. А Глѣбъ, и Романъ, и Игорь, и  
 Ярополкъ, перешедше Колакшу, и нондоша къ  
 Всеволоду на Прускову гору; не дошедше(мъ)  
 до стрѣлища единого Всеволожа полка, и  
 ту абіе побѣже Мьстиславъ перенди на сей сто-  
 ронѣ рѣкы, а Глѣбъ стоявъ мало, видѣ Мьсти-  
 слава бѣжаща, мало постоавъ побѣже. Всево-  
 лодъ погна въ слѣдъ ихъ съ всею дружиною,  
 овыхъ имаючи влжуче, а иныхъ сѣкуще.  
 Ту самого Глѣба рукама яша, и сына его  
 Романа, и шурина его Мьстислава, и дружи-  
 ну его всю, Бориса Жидиславича, и Остника,  
 и Дѣдлица и иныхъ множество; а поганыя  
 Половци избиша оружіемъ; а Ростиславичъ  
 Ярополкъ утече къ Рязани. Поможетъ Богъ и  
 святаа Богородица великому князю Всеволоду  
 въ понедѣльникъ Ѳедоровы недѣли, и възва-  
 ртишася къ Володимерю съ побѣдою великою,  
 и бысть радость велика. На 3 день бысть  
 мятежъ въ Володимери: вѣсташа бояре и куп-  
 цы, и придоша на великого князя дворъ съ  
 оружіемъ, рекучи: «княже, мы за тя головы  
 складаемъ, а нынѣ держишь ворогы нашѣ  
 про что? либо казны ихъ, либо слѣпи, или  
 дай намъ.» Князь же великій Всеволодъ бого-  
 боязливъ (сый), не хотѣ сътворити, но людей  
 дѣла велѣ всадити я въ порубъ, абы ся ути-  
 шилъ мятежъ; а по Ярополка посла къ Рязани,  
 река: «выдайте вѣрога моего; аще ли не вы-  
 дадите, ратію иду на васъ.» Рязанци же из-  
 думаше рекуще: «братія наша погибла въ чю-  
 жомъ князи», и ихавъ (въ) Вѣроножъ, и яша  
 Ярополка, и приведоша его въ Володимеръ,  
 и посадиша въ порубъ<sup>1</sup> къ прочимъ. Тоя  
 же зыми приходиша вся Чюдская земля къ  
 Плескову, и бышася съ ними, и убиша Чудъ  
 Вячеслава и Нвкиту Захаріевича; а Чюди  
 множество избиша. Того же лѣта въ Новѣ-  
 городѣ поставиша церковь Михалко Степа-  
 новичъ святаго Миханла, а другую Моисей До-

манижичъ, Усѣиновеніе главы Предтечевы, на  
 Чюдинцевѣ улицѣ. Того же лѣта второе  
 люди вси Володимерци вѣшаху, кричаще,  
 хотѣ слѣпнати ихъ. Князь великій же Всево-  
 лодъ печалень бысть, но не може удержати  
 ихъ. Они же шедше размѣташа порубъ, емше  
 Мьстислава и Ярополка, и ослѣпиша ихъ, и  
 отпустиша ихъ въ Русь; Глѣбъ же Рязанскій  
 того лѣта въ порубѣ умре, а сына его Рома-  
 на укрѣпивше пустиша. Того же лѣта въ  
 Новѣгородѣ погорѣ Неревскій конецъ, отъ  
 Иванковы, и згорѣ церкви 5. Ведомы(мъ) же  
 Ростиславичимъ въ Русь, слѣпима, гниющими  
 очима ихъ, и яко дои(до)ста Смоленска, при-  
 доста на Смядыню въ церковь святую мучени-  
 ку Бориса и Глѣба, бѣ бо тогда праздникъ убие-  
 н(и)а Глѣбова, мѣсяца септемвриа 5 день, на па-  
 мять святаго пророка Захаріи, отца Предтече-  
 ва, молящимся имъ и сроднику на помощь  
 къ Спасу призывающимъ облегчитися имъ  
 отъ болѣзни, ту абіе постыже ихъ Божіа  
 благодать, и святаа Богородица и святую му-  
 ченику Романа и Давыда, и егоже не надѣяв-  
 шеся, ни просивше, то сіе приаша; облегчи-  
 ся имъ болѣзнь по прошенію ихъ, и прозрѣ-  
 ста и прослависта Бога, и его пречистую Ма-  
 теръ приснодѣвную Богородицу, и его угодинокъ  
 великихъ мученикъ Бориса и Глѣба. Сътво-  
 ри же ся надъ ними сіе великое и паче ест-  
 венное чюдо въ лѣто 6686, септемвриа 5. Тоя  
 же зыми, по прозрѣніи, Ростиславичи поилоша  
 къ Новугороду, и приаша Новгородци Мьсти-  
 слава, и посадиша его на столѣ, а Ярополку  
 даша Торжекъ Новый; а Ярослава посадиша  
 на Ламскомъ Волоцѣ, сына Мьстислава Юріе-  
 вича, сыновца великого князя Всеволода, и  
 тако управишася по волѣ. Того же лѣта Но-  
 вгородци цѣловаша крестъ къ великому кня-  
 зю Всеволоду Юріевичю и не управишася;  
 онъ же поиде къ Торжку, и не хотѣ взяти  
 города, бѣша бо обѣщалися ему дань даати

(1) Въ подлинникъ: в порубъ. (2) Тамъ же противъ сего на полѣ написано: п(л)есковъ. (3) Тамъ же про-  
 тивъ сего на полѣ написано: новгородъ. (4) Тамъ же противъ сего на полѣ написано: володимеръ.

Торчане, и не управиша. Дружина же Всеволожа начаша жаловатися великому князю: «мы не цѣловати ихъ пріихали; они, княже, Богови лжуть и тебѣ.» И се рекше толкнуца въ кони, и взяша городъ, и мужи повязаша, а жены и дѣти на щить, а городъ пожгоша, за Новгородскую неправду, аже на дни цѣлуютъ крестъ и переступаютъ. Князь великій же Всеволодъ взявъ Торжекъ, декабря 8, полонъ пусти въ Володимерь, а самъ перебра дружины нѣколько и ѣха къ Волоку Ламскому; и пустивше на воропъ<sup>1</sup>, и пригнавше къ городу, яша князя Ярослава Мъстиславича, сыновца ему, а городъ пожже, а люди бяху выбѣгли, и жита пожгоша, и до всего. Всеволодъ же възвратися въ своася. Того же лѣта преставися князь Мъстиславъ Ростиславичъ, внукъ Юріевъ, въ Новѣгородѣ, и положиша его у святыя Софьи въ притворѣ, а брата его Ярополка посадиша въ Новѣгородѣ на столѣ. И зая князь великій Всеволодъ гость Новгородскыи; и по взятіи Торжкѣ показаша Новгородци путь Ярополку Ростиславичу, а Романа изъ Смоленска призваша, и вниде.

Въ лѣто 6687. Архіепископъ Новгородскыи Іліа заложи церковь каменну святыя Богородица Благовѣщеніе; начаша здати мѣсяца іаіа 21, а кончаша августа 25, а всего зданіа церковнаго 70 дній. Того же лѣта Новгородци послаша по Мъстислава, по брата Романова Ростиславича Смоленскаго, и вниде Мъстиславъ.

Въ лѣто 6688. Иде Мъстиславъ съ Новгородци на Чюдъ, на Очелу, и пожже всю землю ихъ; а сами отбѣгоша къ морю, но и ту паде ихъ много. Того же лѣта преставися въ Новѣгородѣ князь Мъстиславъ Ростиславичъ Смоленскыи, внукъ Мъстиславъ Володимерича Манамаховъ, братъ Романовъ; и положиша его у святѣй Софьи, въ святѣй Богородици. И послаша Новгородци въ Черниговъ къ

Святославу Всеволодичю, просящи у него сына 1178  
Володимера; и дасть ихъ. Они же приведше 1181  
посадиша на столѣ, и отъяша посадничество у Завида и даша Мнхалку Степановичю. Того же лѣта архіепископъ Новгородскыи Іліа и братъ его Гаврило заложи(ста) церковь на воротехъ Благовѣщеніе. Того же лѣта присластася Глѣбовича Рязанская, Всеволодъ и Володимерь, къ великому князю Всеволоду Юріевичю, рекущи: «ты господишь, ты отецъ, братъ наю старшій; Романъ уимаеъ волости наю, слушаа тестя своего Святослава, къ тебѣ крестъ цѣловалъ, и преступилъ.» Князь же великій Всеволодъ иде къ Рязаню, и бывшу ему у Коломны, и ня въ Коломнѣ Святославича Глѣба и посла его къ Володимеру; сторожи же Романови перебродилися бяху черезъ Оку, и усрѣтошася съ Всеволожи сторожи, и поможетъ Богъ сторожемъ великого князя Всеволода, а Романови побѣгоша, а они погнаша по нихъ, и притиснуша ихъ къ Оцѣ, овѣхъ избыша, а иныхъ изымаша, а иныхъ истопыша. Романъ же то слышавъ, побѣже въ поле, мимо Рязань, а братію свою, Игоря и Святослава, затвори въ Рязани. Князь же великій Всеволодъ иде къ Рязани, взя Глѣбовъ<sup>2</sup> (городъ) Борисовъ, и пришедъ къ Рязаню миръ сътвори съ Романомъ и Игоремъ, на всей воли Всеволожи цѣловаша крестъ, порядъ сътвори всей братіи, раздавъ имъ волость ихъ по старѣйшинству, възвратися къ Володимеру.

Въ лѣто 6689. Пріиде Святославъ Всеволодичъ съ Новгородци и съ Половци, а сынъ его Володимерь съ Новгородци на великого князя Всеволода Юріевича; и сняшася на устьи на Волзѣ и на усть Тѣеры, и положиша всю (В)олгу пусту, вси города пожгоша. И не дошедше Переяславля за 40 врьстъ, Великій же князь Всеволодъ выиде противъ его полкомъ, и срѣте а на Вели рѣцѣ, и стояша межи собою двѣ недѣли. Дружина же

(1) Въ подлинникѣ: на воропъ. (2) Тамъ же: Глѣбовъ.

1181 Всеволожа хотяху крѣпко бытиса и ѣхати на

1184 Святослава, князь великій же Всеволодъ, благосердъ сый, не хотѣ проліати крове, не ѣха на нь; Суждалци же учинили около себе твердь и (не) смѣша битиса съ ними, а князь Володимеръ съ Новгородци послаше къ нимъ, просяче полку. Но Богъ своею милостию болѣ крови не проліа христіанской; сразишася на малъ часъ, и убиша ихъ Новгородци 300, а сами вси здрави, и възвратишася. Святославъ же убоявся розводя, поиде въ Русь, пожегши Дмитровъ, и пояша его Новгородци съ собою въ Новѣгородъ, а Ярополка посадиша на Новомъ Торгу. И въниде Святославъ Всеволодичъ въ Новгородъ, а князь великій Всеволодъ иде къ Володимеру. Того же лѣта зажжена бысть отъ грома въ Новѣгородѣ церкви Варяжскаа на торговищи, а другая святаго Іоанна Ишкова. Того же лѣта загорѣся въ Славнѣ отъ Коснятина, згорѣ 2 церкви, святой Михаилъ и Святыхъ Отецъ, и дворы отъ великаго Іліи и до ручія. Въ то же лѣто срубиша церковь святаго Іакова на Лужищи, и святаго Козма и Диміана, и святаго Саву, и святаго Іоанна Ишкову. Того же лѣта идоша Новгородци съ Святославомъ къ Дрютску, а Володимера Святославича посадиша въ Новѣгородѣ, а Ярополка въ Новѣмъ Торгу; онъ же нача воевати Волгу, люди Всеволожи. Князь великій же Всеволодъ съ полкомъ своимъ, и съ Рязанци и съ Муромци ѣха изъиздомъ на Новый Торгъ, и Новоторжци затворишася съ княземъ Ярополкомъ; и стоа князь великій около города 5 недѣль, изнемогаша въ городѣ люди, зане не бѣшетъ имъ корму, друзи бо ихъ конину ядаху; и устрѣлиша князя Ярополка въ городѣ, и бѣда имъ бѣ велика, и предашася Новотор(ж)ци. Князь великій же взявъ городъ, а Ярополка емъ, окова, веде его съ собою къ Володимеру, и Новоторжци з же-

нами и дѣти, и городъ пожже; и прииде къ Володимеру съ побѣдою великою, а люди Новоторжци пусти опять изъ Володимеря. А Новгородци възвратишася отъ Дрютска, пожже(гше) городъ; а Святославъ иде въ Русь.

Въ лѣто 6691. Преставися княгини Ольга, нареченнаа въ мнишескомъ чину Евросиніа, іюня въ 4; положена бысть въ святѣй Богородици въ Володимерѣ. Тоѣ же зыны Новгородци выслаша Вѣлодимера Святославича, показаша ему отъ себе путь; онъ же иде къ отцу въ Черниговъ. А Новгородци послаша по князя къ Всеволоду Юріевичю; онъ же дасть имъ Ярославъ Володимерича, своего свояка; и прииде въ Новѣгородъ князь Ярославъ, сынъ Володимеръ, внукъ Андрѣевъ. Того же лѣта архіепископъ Новгородскій Іліа конча церковь святаго Богоявленія на воротехъ; тогда же и Святыхъ Отецъ церковь поставиша. Того же лѣта постави церковь каменну святаго Еупатія Ратко съ братомъ, на Рогатой улиці.

Убѣкиѣ князя Ізяслава Глѣбовича Переяславского. Въ лѣто 6692. Иде князь великій Всеволодъ Юріевичъ на Болгары съ сыновцемъ своимъ съ Ізяславомъ Глѣбовичемъ Переяславского<sup>1</sup> Руского, съ Володимеромъ Святославичемъ Черниговского, и съ Мстиславомъ Давыдовичемъ, съ Глѣбовичи Рязанского съ Романомъ, Игоремъ и Всеволодомъ, съ Володимеромъ Муромскимъ; и прииде въ землю Болгарскую, и высѣдъ на берегъ, поиде къ Великому городу сторожемъ напередъ идящимъ; оттолѣ Бѣлозерскій полкъ отрядивъ къ лодьямъ, да воеводство<sup>2</sup>. Пошедшу же великому<sup>3</sup> князю въ поле, и узрѣша полкъ въ полѣ, и мнѣху Болгарскій пол(къ), и приишаша пять мужъ ис полку того, удариша челомъ передъ великимъ княземъ Всеволодомъ, и рекоша: «кланяются Половци Емакови, при-

(1) Въ рукописи противъ сего на поля написано: нов. (2) Тамъ же: переяславского. (3) Тамъ же: воеводство; пропущены имя и фамилія воеводы. (4) Тамъ же: къ великому.

шли есмь съ княземъ Болгарскимъ воевати Болгарь. Князь же великій Всеволодъ съдума (съ) братією своею, вводи ихъ въ роту Половечскую, поймавъ ихъ, поиде къ городу, перешедшу Черемисанъ, нарядивъ полкъ, а самъ поча думати съ дружиною. Изяславъ же Глѣбовичъ съ дружиною доспѣвъ, вземъ копѣе, потече ко плоту<sup>1</sup>, где бяху пѣшци вышли з города, тверды учинивше плотомъ<sup>2</sup> къ воротомъ городнымъ; онъ же гна за плотъ къ воротомъ городнымъ, наломъ копѣе свое, и удариша его стрѣлою подъ сердце, принесша его въ товари (е)лѣ жива. Болгары же (изъ Собѣ)кула и Чалната поидоша въ лодіахъ, а ис Торческа на конехъ на лодіи наши, и наши Божією помощію укрѣплены поидоша противу имъ; они же видѣше побѣгоша, а наши<sup>3</sup> погнаша съжучи поганыхъ Бохмита; побѣгоша къ Волзѣ, вскакаша въ учаны, ту абіе исировыгоша учанъ, истопе ихъ болѣ тысячи, Божіимъ гнѣвомъ гонимы и святыя Богородици. Князь великій же Всеволодъ стоа около града десять дній, видѣ брата изнемагающа, а Болгаре выслаша съ миромъ, иде къ исадежъ опять; и ту на (и)садѣхъ поа Богъ Изяслава Глѣбовича Переяславского, и вложиша его въ лодію. Князь великій иде Волгою къ Володимерю, а кони пусти на Мордву, и пришедше Изяслава положиша у святѣй Богородици. Того же лѣта архіепископъ Новгородскій Іліа съ братомъ заложилъ церковь каменну святого Іоанна на торговищи. Того же лѣта князь великій Всеволодъ выведе изъ Новгорода своихъ свой Ярославъ, негодоваху бо ему Новгородци, зане творяше много пакости волости Новгородстей. Издумавше Новгородци послашася къ Смоленску къ Давыдову по сынь; и вда имъ Мстислава, (и приведоша и) Новугороду.

О епископѣ Луцѣ. Въ лѣто 6693. Князь великій Всеволодъ посла х Кіеву, къ великому князю Святославу Всеволодичю и къ митрополиту Никифору, хотя поставити епископа Луку, смиреннаго духомъ, игумена святаго Спаса на Берестовѣмъ; митрополитъ же Никифоръ не хотѣ поставити его, занеже поставилъ бѣ Миколу Гречина. Всеволоду же не хотящу его, паче же и Богови, нѣсть бо достойно наскакати на святительскій санъ на мздѣ, но егоже позоветъ Богъ и святаа Богородица; тако и сего (и)гумена Луку Богу нволюшу, и великому князю Всеволоду Юріевичу и всей земли Ростовской, поставленъ бысть марта 11, а Миколѣ повелѣ о(т)писыватися земли Ростовскіа. Бысть же Лука мужъ смиренъ, молчаливъ и кротокъ, милостивъ къ убогимъ и вдовицамъ, ласковъ къ всякому чловѣку, утѣшааше печальныа, по истиннѣ добрый пастырь, моляся за порученое стадо, за великого князя Всеволода, и за люди и за всю Ростовскую землю, яко добрый учитель. Той же весны, априля 13, въ среду, бысть пожаръ великъ во Вѣлдимери, погорѣ мало не весь городъ, и сгорѣ перквей 32, и съборнаа церквѣ святаа Богородица Златовръхаа, юже бѣ сздавъ князь великій Андрѣй, братъ его, и та загорѣся сверху, и что быше въ ней узорчія, паникадила сребренныа, и съсудъ сребреныхъ и златыхъ, и чудныхъ иконъ, золотомъ кованыхъ, и каменіемъ драгымъ и жемчужомъ великимъ, ему же нѣсть числа; Богу попушшу, нашихъ ради грѣхъ, умъ отъ чловѣкъ отымшу, вымыкаша до всего изъ церкви на дворъ, а ис терема куны и паволоки, укси и книги, и до съсудъ, все огнь взя безо утеча<sup>4</sup>. Се же наведе Богъ на насъ, веля намъ имѣти покааніе; укси и паволоки погорѣша, иже вѣшаху на праздникъ. О повѣдѣ на Половци князя

(1) Въ подлинникѣ отъ этого слова вынесено на поле: къ мосту. (2) Тамъ же отъ этого слова вынесено на поле: мостомъ. (3) Тамъ же: наша. (4) Тамъ же противъ этого мѣста на полѣ написано: нов. (5) Тамъ же противъ этого мѣста на полѣ написано: нов. (6) Тамъ же: безутеча.



1185 Володимера Глѣбовича Переяславскаго.

1186 Того же лѣта възложи Богъ въ сердце Рускимъ княземъ, ходиша вси на Половци: князь великій Святославъ Всеволодичъ Кіевскій, Рюрикъ Ростиславичъ, Глѣбъ Юріевичъ Туровскій, Мьстиславъ Романовичъ, Изяславъ Давыдовичъ, Всеволодъ Мьстиславичъ, и Галичскаа помощь; поидоша къ нимъ вси, перешедше Угль рѣку, искаша ихъ 5 дній. Володимеръ же Глѣбовичъ, внукъ Юріевъ, издѣше напередъ въ сторожехъ съ Переяславци, а Берендѣевъ было съ нимъ 2000 и 100. Половци же услышавше Русь, и ради быша, надѣючися на силу, рекоша: «Богъ далъ ны есть въ руцѣ наши князи Рускіе и полки ихъ,» устремившася на бой, не вѣдуще глаголемаго: яко ни есть мужества, ни есть думы противу Богови; и поидоша противу Володимера, кличуще, яко пожрети хотяще. Володимеръ же помощію Божі(е)ю и святыа Богородица, поиде противу нимъ; упросилъ бо ся бже у Святослава, рекъ: «моа волость пуста отъ Половецъ.» Князи же Рускіе не утягнули бяху съ Володимеромъ, Половци же узрѣвше полкъ Володимеръ крѣпко идущъ<sup>1</sup> на нь, побѣгоша, гонимыи гнѣвомъ Божиимъ; Володимеръ же погна съкуще<sup>2</sup>, седмь тысячь рукама изымаша ихъ. Князей однихъ Половеческихъ изымаша четириста и седмьнадесять<sup>3</sup>: Кобяка ту рукама аша, Осокула, Барака, Туга, Данила, Башкорта. Изу, Глѣба Тивирѣевича, Ексіа, Ака, Итолчіа Давыдича тѣсти съ сыномъ, Титѣа съ сыномъ, Кобяк(ов)а тѣсти Турундаа. Поможетъ Богъ и святаа Богородица Володимеру, (i)уліа въ 31. И рече Володимеръ: «сей день, иже сътвори Господь, възрадуемъ и възвеселим(ся) въ оны.» И бысть радость велика, дружина ополонившася, колодники поведоша, оружія добы-

ша и коней; възвратившася домовъ, славяще Бога и святую Богородицу, скорую помощницу.

Знаменье. Въ лѣто 6694. Бысть знаменіе въ солищи, въ среду на вечерни, мѣсяца маіа 1 день, въ 11 часъ днѣ; бысть померочно велии, болѣ часа днѣ солнце померче, и звѣзды видѣти, а во очію у челоуѣкъ зелено, а солнце учинися яко мѣсяцъ, изъ рогъ его яко угль горящъ искождааше, и страшно бѣ<sup>4</sup> видѣти челоуѣкомъ знаменіе Божіе; и пакы просвѣтися, и бысть радость въ людехъ. Сіе же знаменіе никакоже даровое бывааше. Того же лѣта родися у великого князя Всеволода сынъ Константинъ, маіа въ 28. <sup>5</sup>Того же лѣта приходи царь Алекса Мануиловичъ Греческій въ Новгородъ. Того же лѣта заложивша церковь каменну Лукиничъ Петра и Павла на Силищи. Въ то же лѣто заложивша церковь каменну святаго Възнесенія Миронѣгъ, при владыцѣ Иліи. <sup>6</sup>О изгыбави Олговыхъ внуцѣхъ. Того же лѣта здумаша Олгови внуци на Половци, зане бяху не ходили томъ лѣтѣ съ Святославомъ, но сами поидоша о себѣ, глаголюще: «мы есмя цѣли не князи? поидемъ и себѣ хвалы добудемъ.» И снѣшася у Переяслава Игоръ съ двѣма сыномъ изъ Новгорода Сѣверскаго, и братъ его Всеволодъ изъ Трубческа, Святославъ Олговичъ изъ Рылска, и Черниговскаяа помощь; и внидоша въ землю ихъ. Половци же поидоша противу, рекоша: «братіа, отци наши избыти, а нинѣ изымани<sup>7</sup>, а се нынѣ на насъ идуть;» послаша по всей земли своей, а сами поидоша противу, а Русь поидоша къ вежамъ ихъ. Они же не пустяче въ вежи поидоша противу, не дождавше дружины съступившася, и побѣжени бывше Половци; и быша ихъ до вежъ, и множество полона взяша, и женъ и дѣтей. И

(1) Въ подлинникѣ: идуще. (2) Тамъ же: съкуше. (3) Тамъ же противъ этого мѣста на полѣ написано другимъ почеркомъ: . . . и половецкихъ поидоша 417. (4) Тамъ же противъ этого мѣста на полѣ написано: нов. 693. (5) Тамъ же: бн. (6) Тамъ же противъ этого мѣста на полѣ написано: нов. 93. (7) Тамъ же противъ этого мѣста на полѣ написано: кiev. 94. (8) Тамъ же: зомани.



стояла на вежа(хъ) 3 дни, веселилися, рекуще: «братіа наша ходили съ Святославомъ великимъ княземъ, и были съ нимъ, а зримъ на Переяславъ, а они пришли сами къ намъ, а въ землю ихъ не смѣли поити; а мы въ земли ихъ есмь, а самыхъ есмь избыли, а нынѣ поидемъ за ними за Донъ и до конца избьемъ; аже ны будетъ побѣда, идемъ и въ Лукоморя, а возьмемъ до конца свою славу,» а не вѣдуще Божіа строюши. А остатокъ избіенныхъ тѣхъ бѣжаша къ дружинѣ, где бѣше преже вѣсть послали, и сказаша имъ свою потыбель; они же слышавше поидоша къ нимъ, а по другыа посланна. И снѣшася съ ними стрѣлци, и бышася съ ними по 3 дни, коней не снимая, а къ водѣ не дадуче имъ (и)ти; и притягоша къ нимъ дружина вся, многое множество. Наши же видѣвше ихъ ужасошася, и величаниа<sup>1</sup> своего отпадоша, изнемогли бо ся бяху безводіемъ, сами и кони ихъ, по 3 бо дни не даша имъ къ водѣ; и бышася съ ними крѣпко, и бысть сѣча зла велика, и побѣжени быша наши гнѣвомъ Божіимъ, князи же вси изымани бяху, а бояре и дружина вся избыта, а нѣмъ изымани, и та язвени; и възвратихася Половци съ побѣдою великою, а про нашихъ не бѣ кто и вѣсти принести, за сѣгрѣшеніа наша и за гордую похвалу, якоже пишеть: хвалѣйся о Господи да хвалится, яко да не похвалится всяка плоть предъ Богомъ; да не хвалится, рече, сильный силою своею. Где бѣ въ насъ отъ смиренія радость, нынѣ же отъ величаниа плачь распространися. Поиде бо путемъ тѣмъ гость, они же сказаша, рекуще: «рши Руси, поидите по свои князи, али бо ни къ вамъ.» Княземъ же слышавшемъ погыбель о<sup>2</sup> братіи своей и до бояръ, и взоимшиа вси, и бысть плачь и стенованіе велико: овѣмъ братіа избита, а нѣмъ отци. И

но малѣ дни ускочи князь Игорь у По-1186  
ловець, не остави бо Господь праведнаго въ руку грѣшника, и гнашася по немъ, и не обрѣтоша его; а они вси дръжими бяху и подтвержжася многими желѣзы. Нашихъ ради грѣхъ съдѣся. Прихожденіе Половецкое на Володимера Глѣбовича Переяславского. То же слышавъ князь великій Святославъ Все(во)лодичъ Кіевскій, събра всѣ князи, поиде на Половци; они же слышавше бѣжаша за Донъ, а князи възвратихася. И то слышавше Половци, пришедше взяша всѣ грады по Сулѣ, и къ Переяславу пришедъ бышася весь день; видѣ Володимеръ Глѣбовичъ острогъ възимлемъ, и выиде на нихъ, и ту мало сего (не) убиша, едва отняша его, бодома тремъ копѣи. Радиловци воеваша на низъ по Волзѣ. Того же лѣта посла князь великій Всеволодъ на Болгары Городчане съ воеводою, и взяша многа села, и възвратихася съ половономъ многымъ.<sup>3</sup> Того же лѣта ходиша молодіи люди на Имъ изъ Новгорода, о Вышатѣ, и приидоша вси зарави. Того же лѣта иде Завидъ къ Давыду къ Смоленску, и вдешиа посадишество Михалкови. О Пронской брани. Въ то же лѣто встави діаволъ котору въ Рязанскихъ князехъ, и ловище убити братъ брата и перелти волость; и бысть крамола зла въ Рязанскихъ князехъ. Подосурн Романъ Игоря и Володимера на Всеволода (и) Святослава, она же увѣдѣста и начаста городъ крѣпити; они же слышавше, оже городъ твердятъ, и идоша къ Пронску, и събравше вой множество, а она затвористася въ градъ, и почаша воевати городъ ея и села. Услышавъ же се великій князь Всеволодъ, правовѣренъ сый и бояся Бога, посла къ нимъ изъ Володымера<sup>4</sup> послы свои, къ Роману, и Игорю и Володимеру, и река имъ: «почто тако дѣята, братіе? не дивно, оже

(1) Въ подлинникѣ: величаніе. (2) Тамъ же: свою отъ. (3) Тамъ же противъ этого мѣста на поля написано: нов. (4) Тамъ же: изъ Володымера.

1186 ны были Половци воевали, се нынѣ хочете  
1187 братію свою<sup>1</sup> избыти; якоже убилъ Святполкъ

Бориса и Глѣба про волость, ци самъ долго поживе? Они же слышавше, въспріемши буй помысль, начаша ся гнѣвати на нь и болшую вражду въздвигати, якоже рече Соломонъ: кажай злыа приѣмлетъ себѣ досажденіе; послаша рать замышляти на нь. Всеволодъ же съ Святославомъ ис Проньска посластася къ Володымерю къ великому князю Всеволоду, просячи помочи; и посла имъ Володымерской дружинѣ 300, и рада быста. Романъ же слыша ихъ пришедша, обступилъ городъ, и бишася крѣпко. Великій же князь Всеволодъ Юріевичъ посла къ нимъ Ярослава, своего своака, а изъ Муромъ Володимера и Давыда; и быша у Коломны, и слышавше идуща на ся князей, бѣжаша отъ града. И видѣ Всеволодъ бѣжавшихъ отъ города, выиха изъ города, остави Святослава въ городѣ, поиха х Коломнѣ противу Ярослава, и Володимера и Давыда, повѣда имъ како бѣжали; они же услышавше воротилася къ Володымерю, и Всеволодъ иде съ ними на съвѣтъ къ великому князю. Услышавъ же Романъ, аже воротилися опять, и братъ ихъ шелъ съ ними, идоша опять къ Проньску; и Святославъ затворися въ городѣ, и бишася крѣпко, и переша у нихъ воду, и начаша изнемагати безводіемъ, и послаша къ Святославу, рекуче: «не морися голодомъ съ дружиною, но лѣзи къ намъ; ты еси намъ братъ свой, ци съѣдимъ тя, толико не приставай къ Всеволоду.» Онъ же послуша бояръ своихъ, иже молвахуть ему: «братъ твой шелъ къ Володымерю, а тебе выдавъ; отвори ворота.» Онъ же отвори ворота, и выихаша въ городъ, и даша ему городъ, и посади(ша) ту; а что дружины Всеволожи, то всѣхъ повязаша, а ятровъ везоша<sup>2</sup> въ Рязань, а имѣніе разграбаша, Володымерци присланныя<sup>3</sup> Всево-

лодомъ на помощь всѣ повязаша. Услышавъ же Всеволодъ полонену жену, и дѣти и бояре, а брата предавшеся, поиде изъ Володымера х Коломнѣ, и почаша ся воевати, и бысть несправедливыа люта межи ими. Князь великій же Всеволодъ Юріевичъ слышавъ, оже Святославъ предался на лести, а дружину его выдавъ, и нача събирати(ся), рекъ: «дай мою дружину добромъ, како ты еси у мене поялъ; аже ся мирить з братією, а мою дружину чему выдаешь, а выбывъ у мене челомъ? аще ты ратень, то и оны ратни же, аще ты мирень, то и они мирни же.» Они же слышавше, оже хочеть ити на нь, послашася къ нему, рекуче: «ты господинъ, ты отецъ, ты братъ; где будетъ твоа обида, мы же преже головы своа положимъ за тя; а не имѣй на насъ гнѣва, мужи твои пуцаемъ.» Всеволодъ же не хотѣ мира лестнаго, якоже пророкъ рече: брань славна лучши есть мира студнаго, со живымъ бо миромъ<sup>4</sup> живуще велику пакость землямъ творять.

<sup>5</sup>Въ лѣто 6695, мѣсяца септевра въ 7, преставися архіепископъ Новгородскій Іліа, и положиша его въ притворѣ святыхъ Софіа. Новгородци же съ княземъ Мѣстиславомъ Давыдичемъ, и съ игумены (и) съ попы издумавше, и поставиша брата его Гаврила, послаша къ митрополиту Никифору, и присла митрополитъ по него и вси князи Русѣи, и пояша его съ любовію. Тоа же зими убиша въ Новѣгородѣ Гаврила Нерезинича и Ивача Свеѣлевича, и свергоша ихъ съ моста. Въ то же время востанъ бысть Смоленскій промѣжи княземъ Давыдомъ и Смоляны, и много паде головъ лутчихъ. Тоа же зими поставленъ бысть архіепископъ Новгород(с)кій Гаврило, мѣсяца марта въ 29. <sup>6</sup>Того же лѣта, мѣсяца маа въ 2, родися у великого князя у Всеволода сынъ, и наре(че)нь бысть въ крещеніи

(1) Въ подлинникѣ: своєю. (2) Тамъ же: вязоша. (3) Тамъ же: присланныя. (4) Тамъ же: миромъ. (5) Тамъ же передъ симъ написано киеварю: новгородскій. (6) Тамъ же передъ симъ написано киеварю: владимирскій.

Борисъ. 'Того же лѣта и мѣсяца въ 31 прииде къ Новугороду архіепископъ<sup>1</sup> Гаврилъ. Въ то же лѣто преставися игумень Монсей въ Онто-(но)вѣ монастыри, и поставиша Волоса. (Въ) то же лѣто громъ бысть страшень въ Новѣ-городѣ, и приидоша съ кресты отъ святыа Софіа къ святому Мыханлу, и блесну мльнѣа и шибѣ громъ, и падоша вси людѣе, и церквн загорѣся; и не бысть ничтоже, и два чело-вѣка умроста. Въ то же лѣто выходиша епи-скопъ Черниговскій Порфиріе къ великому князю Всеволоду Юріевичу, просяче у него мира, абы умирити съ Рязаньскими князи съ Глѣбовичи. Всеволодъ<sup>2</sup> же убояся Бога и не хотѣ видѣти свады, послуша его и своего епи-скопа Луки блаженнаго, молящимася има обѣма, посла его въ Рязань съ миромъ, при-стави<sup>4</sup> къ нему свои мужи и Ярославли бра-та своего Всеволодичу, Олгову внуку; а ихъ мужи всѣ пусти въ Рязань, иже то были изонмани. Владыка же пришедъ въ Рязань, къ Роману, и Игору, и Володимеру, и Свя-тославу и Ростиславу, и утаився пословъ Всеволожихъ, и пришедъ инако рѣчь из-вороча къ нимъ, не акы святитель, но акы перевѣтникъ и ложь. Якоже рече Соломонъ: гнѣвъ укротимъ лжею проливаетъ<sup>5</sup> сваръ, а рать не до конца смирена проливаетъ кровь, а брань славна лучши естъ мира студнаго, съ лживымъ бо миромъ живуще велику пакость<sup>6</sup> землямъ творять, тако и Порфиріе епископъ, исполнився срама и безчестіа, иде нѣмъ пу-темъ въ страну свою. Князь великій же Все-володъ слышавъ о Перфиріи, иже тако сѣтво-ри, посла по немъ, хотяше яти его; но положи упованіе на Бога и на святую Богородицу. То-го же лѣта князь великій Всеволодъ Юріевичъ отда дщерь свою Всеславу, Чернигову, за Ростислава Ярославича, іюня въ 11 день. Въ

томъ же лѣтѣ бысть болѣсть силна въ людехъ, 1187 не баше бо ни одного двора безъ болящаго, 1189 а въ иномъ дворѣ никогоже не баше здра-вого, нѣкому баше и воды подати, ано все ле-жить болно. Богъ казнить рабы своа напа-стми различными, водою, огнемъ, болѣзными тяжкими. Соломонъ бо рече: болѣстемъ въ тѣлѣ часто пребывающимъ, не облѣнится и сама смерть пріити. Въ томъ же лѣтѣ иде князь ве-ликій Всеволодъ Юріевичъ на Рязань съ Яро-славомъ Володимеричомъ, своакомъ своимъ, и съ Володимеромъ Муромскимъ, и Всеволодъ Глѣбовичъ Рязанского съ нимъ, ис Коломны иде съ ними на братію свою<sup>7</sup>; и перебродивше Оку идоша къ Попову, и взяша села вся и полонъ много, и възвратися въ своаси, а землю ихъ учини всю пусту.

Въ лѣто 6696. Преставися Володимеръ Глѣ-бовичъ, Юріевъ внукъ, сыновецъ Всеволожъ, въ Переяслави Рускомъ, на своей отчинѣ. Того же лѣта преставися у великого князя у Всеволода сынъ Борисъ, дѣтескъ еще, еди-ного году. Того же лѣта выгнаша Новгород-ци князя Мьстислава Давыдича, и прислаша къ великому князю Всеволоду, просяче Яро-слава, свояка его; онъ же дасть имъ, и от-пусти его съ ними. Тоя же зымы, февраля 7, бысть громъ страшень, и зарази двое чали и хо-ромину съжже. <sup>8</sup>Того же лѣта заложи церковъ каменну Успеніе святыа Богородица въ Арка-жи монастыри Семьонъ Дыбычевилъ. Того же лѣта священна бысть съборнаа церквн святаа Богородица, великимъ священіемъ, блажен-нымъ епископомъ Лукою при великомъ князи Всеволодѣ, августа 14, на канунъ святаго Успеніа.

<sup>9</sup>Въ лѣто 6697, мѣсяца септеврѣа 29, пре-ставися князь Глѣбъ Всеволодичъ. Тоя же осени преставися блаженный Лука, епископъ Ростов-

(1) Въ подлинникъ противъ этого мѣста на поля написано киноварью: новгород. (2) Тамъ же: архіеп<sup>с</sup>къ. (3) Тамъ же: всеволожъ. (4) Тамъ же: пристави его. (5) Тамъ же: проливаютъ. (6) Тамъ же: "пакость. (7) Тамъ же: братію свою. (8) Тамъ же противъ этого мѣста на поля написано: нов. (9) Тамъ же противъ этого мѣста на поля написано: владѣ.

1189 ский и Володимирскій, ноябръ 10, и поло-  
 1192 жина его у святѣй Богородици. Въ томъ  
 же лѣтѣ родися великому князю Всеволоду  
 Юріевичу сынъ, и нарекоша его въ крещеніи  
 Георгій. На ту же зиму бысть дореговъ: по  
 двѣ ногатѣ хлѣбъ<sup>2</sup>, а кадь ржи по 6 гривенъ; а  
 пакости въ людехъ не бысть. Въ то же лѣто ру-  
 бища (Новгородци) Варязи, на Готехъ<sup>3</sup> Нѣмци,  
 въ Сулужку и (въ) Новоторжци; а своихъ не  
 пустиша за море ни единого, ни сла выдаша  
 Варягомъ, и понхаша безъ мира. Того же лѣта  
 святѣ владыка Гаврилъ церковь святѣя Бого-  
 родица Успеніе, и постави владыка Гаврилъ  
 церковь на Жатунѣ Святыхъ 3 Отрокъ. Того  
 же лѣта кончаша Благовѣщеніе пишуче. Того  
 же лѣта отгяша посадничьство у Михалка, и  
 даша Мирошкѣ Незнаничу.

Въ лѣто 6698. Посла князь великій Все-  
 володъ Юріевичъ къ великому князю Свято-  
 славу Всеволодичу Кіевскому и къ митропо-  
 литу Никифору отца своего духовнаго Іоанна  
 на епископью въ Ростовъ и Володимеру. Якоже  
 глаголетъ Господь пророкомъ: на кого при-  
 зрю, но на кроткаго<sup>4</sup> и смиреннаго и трепе-  
 щущаго моихъ словесъ, тако и на сего  
 призрѣ Господь; поставленъ бысть генваря  
 23, а въ Ростовъ прииде на свой столъ  
 февраля 25. Тогда бѣше князь великій Все-  
 володъ въ Ростовѣ въ полюдіи, а прежде того  
 былъ въ Переяславѣ; тамо ему родися сынъ  
 Ѳеодоръ, на томъ же мѣсяци февралѣ въ 8.  
 Того же лѣта Пско(ви)чи избыша Чюдъ  
 Поморскую, пришли бяху въ 7 шнекъ и обо-  
 лочилися около порога въ озеро; и побѣша ихъ  
 всѣхъ Плесковичи, и шнеки ихъ привезоша.

Въ лѣто 6699. Заложѣ князь великій Все-  
 володъ Юріевичъ градъ Суждаль, а въ Воло-

ди(мери) церковь заложѣ каменну Рождество  
 святѣя Богородица, августа 22. Того же лѣ-  
 та ходиша Новгородци въ лойвахъ съ Корѣ-  
 лою на Имъ, и воеваша<sup>5</sup> землю ихъ и пожгоша,  
 и скотъ ихъ съкоша. Въ то же лѣто князь Яро-  
 славъ съруби церковь на Городищи святѣя  
 Николу, а архіепископъ Гаврилъ съруби Стрѣ-  
 теніе Господне. Того же лѣта и святѣя Образа  
 церковь сърубили въ Нѣздѣ Нѣздиничи и свя-  
 тую Пятницу Костянтина съ братомъ. Того  
 же лѣта архіепископъ<sup>6</sup> Гаврилъ святѣя церковь  
 святѣя Възнесенія, а създава Миронѣгомъ  
 тысячьскымъ. Того же лѣта ходи князь Яро-  
 славъ на Луку, позванъ<sup>7</sup> Полоцкими князи и  
 Полочаны; и поа съ собою Новгородци дру-  
 жиною передною, и снышася на рубежи, и по-  
 ложѣша межи собою любовь, яко на зиму  
 снытиса либо на Чудъ, или на Литву.

И бысть на зиму, въ лѣто 6700, иде Яро-  
 славъ съ Новгородци, и съ Плесковичи и съ  
 всею областію своею на Чюдъ, и взя городъ  
 Гюргевъ; и пожгоша землю ихъ, и полона  
 безъ числа<sup>8</sup> приведоша, а сами приидоша вси  
 здрави. Того же лѣта, на Петровъ день, иде  
 Ярославъ къ Плескову и Новгородцевъ съ  
 нимъ мало, и посла дворъ свой съ Плесковичи  
 воевати; и шедше взяша городъ<sup>9</sup> Медвѣжу Го-  
 лову и пожгоша, възвратишася. Того же лѣта  
 постави Варламъ чрънецъ на Хутынѣ церковь  
 святѣя Спаса, а мирскимъ именовъ Алекса  
 Михалевичъ; и святѣ ея архіепископъ<sup>10</sup> Гаврилъ.  
 Въ то же лѣто кончаша церковь Петра и Па-  
 вла на Силнѣ, и святѣ ю архіепископъ<sup>11</sup>  
 Гаврилъ. Въ то же лѣто въ Руси сруби церковь  
 Спаса святѣя на Островѣ игумень Мантирей,  
 и сътвори монастырь. Того же лѣта згерѣ цер-  
 ковь Петра и Павла на Холмѣ.

(1) Въ подлинникѣ противъ сего на полѣ написано: нов. (2) Тамъ же: глѣбъ. (3) Тамъ же: на гостехъ. (4) Тамъ же противъ этого мѣста на полѣ написано: влады. (5) Тамъ же: крестнаго. (6) Тамъ же противъ этого мѣста на полѣ написано: нов. (7) Тамъ же противъ этого мѣста на полѣ написано: влады. (8) Тамъ же противъ этого мѣста на полѣ написано: нов. (9) Тамъ же: воеваша. (10) Тамъ же: архіепископъ. (11) Тамъ же: позванъ. (12) Тамъ же: бещисла. (13) Тамъ же: гогородъ. (14) Тамъ же противъ этого мѣста на полѣ написано: хуты(н)а. (15) Тамъ же: архіепископъ. (16) Тамъ же: архіепископъ.

Въ лѣто 6701. Преставися архіепископъ Новгородскій Гавріилъ<sup>1</sup>, мѣсяца маіа 24 день, на память святаго Симеона, иже на Дивной горѣ, и положень бысть въ притворѣ сватыа Софіа, посторонь брата, архіепископа Иліи. Новгородци же съ княземъ Ярославомъ, и съ игуменъ и попы здумавше, о(д)ни хотяху Никифора поставити, а друзіи Мартуріа изъ Руси, а иніи Гречина, и бысть распря въ нихъ; и положиша на святѣй трапезѣ 3 жребіи, и послаша съ вѣща слѣплого чловѣка, да которого жребіи принесетъ, того имъ Богъ дастъ. И вы(н)ися, Божією благодатию, жребіи Мартыріевъ; и послана по него, и приведоша его изъ Руси, и посадиша его въ епископи, и послаша къ митрополиту; и посла по него съ честію, и иде съ предними мужи, и пріа его съ любовію князь великій Святославъ и митрополитъ. Того же лѣта, іюня 23, въ четвертокъ, въ полнѣчи, загорѣся городъ Володимарь, и горѣ ночь тую и наутріа день мало не до вечера, и церквей згорѣ 14, и города половина сгорѣ, а великого князя дворъ отъяша, Богомъ, и молитвами сватыа Богородица, и отца его и дѣда его избавленъ бысть отъ пожара. Того же лѣта заложилъ князь великій Всеволодъ дѣтинецъ въ Володимери, іюліа 4. Бысть на небеси знаменіе страшно, учинися небо аки кроваво, до Юріевскіа рати за 14 лѣтъ.

Въ лѣто 6702. Посла князь великій Всеволодъ Юріевъ тиуна своего въ Русь, и създа Городецъ на Востри, егже раскоца князь великій Изяславъ Мстиславичъ, въ 6660-е лѣто; князь же великій Всеволодъ обнови отчину свою, бѣ бо то Городецъ отца его Юріа Владимерича. Того же лѣта Ростовскій владыка Іоанъ сътвори Леонтію, епископу Ростовскому, чудотворну память; и оттолѣ на-

чаша празновати ему. Того же лѣта роди-1193  
ся великому князю Всеволоду 9 сынъ Дмит-1194  
рій. Того же зими, декабря 10, поставленъ бысть архіепископъ Новгородскій Мартырей, на память сватыхъ мученикъ Минны и Ермогена, и прииде (въ) Новѣгородъ генваря 16, на Поклоненіа честныхъ<sup>2</sup> веригъ святаго апостола Петра. Того же лѣта идоша Новгородци въ Югору ратию, съ воеводою Андрѣйкомъ, и взяша городъ, и приидоша къ другому городу, и затворившася Югричи въ городѣ, и стоаша подъ городомъ 5 недѣль, и выслаха<sup>3</sup> къ нимъ съ лестію, рекуще тако: «яко копимъ серебро, и соболи и ина узорочіа, а не губите своихъ смердъ и своеа дани;» а лестяще ина, а все копячи вон. И яко скопиша вонъ, и выслаша къ воеводѣ изъ города, глаголюще: «пойди въ городъ, поими со собою 12 мужа.» И иде въ городъ воевода, поимъ со собою пона Иванка Легена и нѣхъ (мужъ) лучшихъ, и несѣкоша ихъ, на канунъ сватыа Варвары; и выслаша пакы, и повша ихъ 30 мужъ лучшихъ, и тѣхъ насѣноша, и потомъ 50. И по(се)нь рече Сава князю Ю(го)рекому: «каже и еше, княже, не убіешь Іаковца Прокшинича, а живого пустишь въ (Нсв)городъ, то тому ти, княже, вон привести опять сѣмо и землю твою пусту положить.» И призва его князь, и повелѣ убити. И рече Іаковецъ Савицѣ: «братъ, судитъ ти Богъ и святаа Софіа, оже еси подумалъ на кровь братіи своей, и станеша съ нами предъ Богомъ и отвѣщаеши за кровь нашу.» И то рекши убіенъ бысть; тотъ бо Савица перевѣтъ<sup>4</sup> дрѣжане съ княземъ Югорскимъ отай. И потомъ извезомоша голодомъ, сто(я)ли бо бѣ 6 недѣль, слушаючи лести ихъ, и на празникъ святаго Николы иссѣжонна вси. И бѣ туга остатку живымъ, осталось ихъ 80 мужъ, и не быше вѣсти черезъ зину, и печаловахуса въ Новѣгородѣ

(1) Въ подлинникѣ противъ этого мѣста на полѣ написано: нов. (2) Тамъ же: и гавріилъ. (3) Тамъ же противъ этого мѣста на полѣ написано: влад. (4) Тамъ же противъ этого мѣста на полѣ написано: нов. (5) Тамъ же: честныя. (6) Тамъ же: выслуша. (7) Тамъ же: прѣзвѣ.



1194 князь, и владыка и весь Новгородъ. На ту же  
 1195 весну загорѣся (Нов)городъ, (загорѣся) Савкинъ  
 дворъ на Яришевѣ улицѣ, и баше пожаръ золь,  
 и згорѣша 3 церкви, святой Василій, и святая  
 Троица и святое Въздвигеніе, и (у)палося у  
 Лукины<sup>1</sup> улицѣ; и не ту ся зло устави, за грѣхы  
 наши и на другой день загорѣся въ Чеуловѣ  
 улкѣ, и згорѣ дворъ 10; и тоя же недѣли,  
 въ пятокъ, загорѣся отъ Хревковы улицы да-  
 же и до ручія Неревьскый конецъ, и згорѣ  
 церквей 7; и оттолѣ вѣста зло, по вся дни  
 загарашеся невидимо, и 6 мѣсто. . .<sup>2</sup> нача  
 гнѣватися на него, а се дааше ему противу  
 тому равна, чего бы хотѣлъ; но Романъ не  
 брежаше, и нача слати къ Олговичемъ, Яро-  
 славу Всеволодичу, и цѣлова къ нимъ, хотя  
 съ ним(и) съгонити тестя ис Кіева. Тоже слы-  
 шавъ князь великій Рурикъ Ростиславичъ, и  
 посла къ великому князю Всеволоду Юріевичу,  
 яко Романъ отступи къ Олговичемъ и  
 подводитъ ихъ на Кіевъ; а съ Романомъ, по-  
 славъ разврѣже (миръ, и) крестное цѣлованіе  
 съложити повелѣ. Онъ же убоявся иде въ  
 Ляхи къ Казимиричемъ, помочи дѣля; а они  
 (въ) то время съ дядею своимъ Межкою о вот-  
 чинѣ своей бравъ имѣяху, и рѣша Роману: «да  
 аще съ симъ управимся, то поидемъ по тебѣ.»  
 Романъ же поиде съ ними на Межку, Межка же  
 присла къ Роману, дабы съмирилъ его съ сы-  
 новци его; Романъ же не хотяше, но надѣя-  
 ся одолѣти, ни своихъ не послуша, но поиде  
 собою. И побѣ Межка Романа, избѣша полки  
 его, а самъ въ градъ утече къ Казимиричемъ  
 раненъ; оттолѣ дружина несеоша его къ Во-  
 лодимеру. И посла къ тестю своему, велико-  
 му князю Рурику, въ Кіевъ, кланяся и мо-  
 ляся, такоже и къ митрополиту, дабы о  
 немъ молился великому князю, чтобы его  
 принялъ въ любовь, а вину на ся възлагая.  
 Князь великій же Рурикъ послуша митропо-

лита Никифора, и отдасть ему, а ко кресту  
 води его; и дасть ему волости Полоннѣи и  
 польторка Рускаго. Тоя же осени архіепископъ  
 Новгородскій Мартиріе заложилъ церковь камен-  
 ну святого Въскресенія въ монастыри. Тоя же  
 осени князь великій Рурикъ Ростиславичъ по-  
 слася къ великому князю Всеволоду Юріевичу  
 и къ брату своему Давыду Ростиславичу  
 въ Смоленскъ, и тако вси послаша послы  
 своа къ Ярославу Всеволодичу Черниговско-  
 му и ко всей братіи его, Черниговскимъ  
 княземъ, яко не хотѣти<sup>3</sup> имѣ Кіева, но знати  
 имѣ свой Черниговъ и что къ нему пошло  
 отъ прадѣдъ; онѣмъ же того не хотѣвшимъ.  
 Князь великій же Всеволодъ посла въ Нов-  
 городъ по Новгородци на Черниговъ, на  
 Ярослава и на все Олгово племѣ. И Нового-  
 родци не отпрѣшася ему, и идоша съ княземъ  
 Ярославомъ Володимеричемъ, и огнищанѣ, и  
 гридба и купци; и быша на Новомъ Торгу,  
 и приславъ князь великій Всеволодъ, и възва-  
 ти а съ честію домовъ, занеже по его при-  
 казу яшася<sup>4</sup> Черниговскіи князи, яко не хо-  
 тѣти имѣ Кіева, онѣ же съ коня съсѣдъ  
 послуша ихъ. И послаша Новгородци къ  
 великому князю Всеволоду Мирошку посад-  
 ника, и Бориса Жирослава и Никифора  
 сотского, просяче сына, (а) Ярослава не-  
 годующе, (и) възвратишася (въ) Новгородъ.  
 Въ то же время послаша Олговичи къ ве-  
 лическому князю Ростиславичу Рурику, глаго-  
 люще: «съ тобою намъ нѣсть никакого зла, ты  
 еси близъ насъ, цѣлуй намъ крестъ, а мы къ  
 тебѣ, яко не воеватися доколѣ порядъ поло-  
 жимъ съ великимъ княземъ съ Всеволодомъ  
 и съ Давыдомъ, братомъ твоимъ, Смолен-  
 скимъ;» и цѣловаша обон на томъ. Князь же  
 великій Рурикъ, имѣя тому вѣры, воа распусти  
 и Половци; Ярославъ же Всеволодичъ то пре-  
 ступи (съ) своею братією, посла сыновци свои

(1) Въ подлинникѣ: у Лукины. (2) Тамъ же: и въ 6 мѣсто; за симъ далѣе въ рукописи большой пропускъ. (3) Тамъ же: не хотѣти. (4) Тамъ же: яшася.



къ Витебску на Давыда. Давыдъ же слышавъ, посла противъ ихъ Мѣстислава Романовича, сыновца своего, и Ростислава и Глѣба Володимировичевъ, и зятя своего, Рязанского княжича, а съ ними Смоленяне и прочіи воя; и бысть имъ бой въ вторникъ 2 недѣли поста. Мѣстиславъ же приде на бой, и приде на полкъ Олговъ Святославича, и потопта его, бѣ бо съ Мѣстиславъ Романовичъ храбрѣйшій всеа своего брати и всѣхъ Рускихъ князей; а сына Олгова Давыда<sup>1</sup> раниша. А тысяцкой Михалко, той бѣ противу Полочанъ, зане бяху<sup>2</sup> и Полотцкіе князи съ Олговичи; и той не дошедъ (съ) Смоленяны, побѣже. Олговичи же за тѣми не гнашася и Полочане; но погнаша въ тылъ за Мѣстиславимъ полкомъ. А Мѣстиславъ гнаша за полкомъ Олговымъ, и паки възвратися, мняше своихъ за собою женущихъ, и ту поимаша его Полочане; а прочіи князи Смоленстѣи възвращашеся, видѣвше свои стяги потоптаны, бѣжаша къ Смоленску. Олегъ же испроси у Полотскихъ князей Мѣстислава и веде его къ Чернигову. А (въ) Новгородскомъ имя Мѣстиславу—Борисъ Романовичъ, а бой былъ 704 лѣта<sup>3</sup>. Пишетъ же въ Новгородскомъ лѣтописци лѣто весною починаетъ, а осень и зиму глаголетъ: тоя же осени и зыми; азъ же пишу по (и)ндикту начало, и сего ради не согажася лѣты съ инѣми лѣтописци, точію времена мѣсяцемъ въ лѣтѣ изсмаляй, и послѣ коего начала лѣту пишетъ, того и лѣта. Тоя же зыми, рекше въ 6705 лѣто, мѣсяца генваря въ 11 день, принесена бысть дѣска гробова изъ Селуни святаго мученика Дмитрія въ Володимерь. И потомъ, по многыхъ родѣхъ и лѣтахъ, въ лѣто 6888, принесена изъ Володимера на Москву и поставлена въ церкви пречистыя Богородица съборныя, у придѣла святаго Дмитрія. А му-

ченъ святой Дмитрій въ (С)елуни въ лѣто 5802. 1195 Тую же зыму не бѣше миру межи князьми, и 1197 приа князь великій Всеволодъ посадника Мирошку, и Бориса, Иванка и Фому, и не пусти ихъ въ Новгородъ, а самъ посла въ Половци. И почаста воя копити князь великій Всеволодъ съ княземъ Давыдомъ Ростиславичемъ Смоленскимъ себѣ<sup>4</sup>, а Ярославъ Всеволодичъ съ Игоремъ, съ его братією; и не бѣше мира межи ими, но рать въздвигоша болшую. Того же лѣта заложиста церковь каменну святаго Кирила въ монастыри въ Нелезни Костантинъ съ братомъ, на Лубяной улици, Коровайковичи, и начаша дѣлати мѣсяца априля, а скончаша мѣсяца іюля въ 8<sup>6</sup>, на святаго Прокопія; и святы (ю) владыка Мартирей генваря 12. Того же лѣта владыка Мартирей списа церковь святыя Богородица на воротехъ. Того же лѣта кончаша церковь святато Воскресенія, и святы ея Мартирей владыка, труждався, въ день зноимъ горя, а въ ночи печалуюся, абы церковь сздати и украсити; егоже желая, и въсприа царство небесное и радость некончаемую въ вѣки. Того же лѣта слаху Новгородци къ великому князю Всеволоду Мирошки<sup>6</sup> для, Иванка и Фомы, пустилъ бо бѣше Бориса и иныа мужи съ нимъ; а князь великій Всеволодъ иде<sup>7</sup> на Черниговъ, скопивъ силу свою и Половецкую силу приведе, и вождааше со събою посадника (Мирошку, и) Иванка и Фому; а Новгородцемъ повелѣти ити на Луки. Идоша съ Ярославомъ, и сидѣвше на Лукахъ, и възвратишася домовъ; а князь великій Всеволодъ вшелъ въ землю ихъ, и не вда Богъ кровопролитіа болша, и взяша миръ межи собою; а Новгородъ выложиша вси князи во свободу, где имъ любо, туто собѣ князя поимають. И възврати(в)ся князь великій Всеволодъ, пусти Фому въ Новгородъ,

(1) Въ подлинникъ: два. (2) На этомъ словѣ, находящемся въ рукописи на оборотѣ 106-го листа, прерывается статья и ея продолженіе помѣщено на листѣ 112-мъ. (3) Въ подлинникъ: лѣтъ. (4) Тамъ же: съ себе. (5) Тамъ же: въ 2. (6) Тамъ же: мирошко. (7) Тамъ же: идя.

1197 а Мирошки и Иванка не пусти, и разгнѣви  
 1199 Новгородци<sup>1</sup>. И здумавше Новгородци вы-  
 гнаша свояка его, Ярослава Володимерича,  
 изъ Новгорода; и иде Ярославъ, обослався  
 съ Всеволодомъ, и дасть ему Новый Торгъ,  
 и приаша его Новоторжци съ поклономъ, и  
 жалаху по немъ въ Новѣгородѣ добрыи, а  
 злыи радовахуся. И послашася къ Чернигову  
 къ Ярославу по сынъ, и сидѣша всю зиму безъ  
 князя, а Ярославъ княжаше въ Торжъку, и дань  
 поима по всему Врѣху и Мьсти, (и за Воло-  
 комъ възма дань; а Новгородцѣ измавъ) за Во-  
 локомъ князь великій Всеволодъ и<sup>2</sup> по всей зем-  
 ли своей, дръжаше у себе, не пусти ихъ къ Но-  
 вугороду, не хожаху по городу по Володи-  
 меру по волѣ, но за сторожи. Тоя же зими,  
 6706 лѣта, прииде ис Чернигова къ Нову-  
 городу Ярополкъ Ярославичъ, на Врѣбное  
 въскресеніе, мѣсяца марта; и сидѣвшуему 6 мѣ-  
 сяць, и выгнаша его изъ Новгорода, и послаша  
 опять по Ярослава въ Новый Торгъ; и (де Яро-  
 славъ) съ Нового Торгу (въ) Володимеръ, поз-  
 ванъ<sup>3</sup> великимъ княземъ Всеволодомъ. Идоша  
 изъ Новгорода предніи мужи и сотьскіи, и по-  
 ша Ярослава съ всею правдою и честію; и при-  
 де на зиму, по Крещеніи за недѣлю, и сѣде на  
 столѣ своемъ, и обияся (съ) людьми, и добро все  
 бысть. И Мирошку приведе посадника, сѣдѣлъ  
 2 лѣта за Новгородъ, и вса придоша здрави;  
 и ради быша вси. Того же лѣта архіепископъ  
 Мартирей (ѣ) постави церковь святаго Никифора  
 на Островѣ. Того же лѣта постави монастырь  
 святаго Евфиміа, въ Плотникохъ, Полюлшаа  
 городишница Жирошкина дочи. Того же лѣта  
 преставися Давыдъ Ростиславичъ въ Смо(ле)н-  
 скѣ, и сѣде сынъ его Мьстиславъ въ Смоленскѣ.  
 Въ томъ лѣтѣ посла (великій князь Всеволодъ)  
 на епископство Павла въ Переяславъ Рускій.  
 Того же лѣта родися у великого князя сынъ  
 Иванъ, августа 28. Того же лѣта архіепи-

скопъ Мартирей заложивъ Русѣ церковь святаго  
 Спаса каменну; начаша дѣлати мѣсяца маіа въ  
 21, а кончаша іуліа 31. И святи еа на Успеніе  
 святаго Богородица, и сътвори праздникъ че-  
 стень и службу, и помолися Богу, глаголю ениче:  
 «Господи Боже! призри съ небесе, и виждь,  
 и посѣти винограда своего, нже насади и  
 съвърши десница твоя.» Въ то же лѣто преста-  
 вистася два сына у Ярослава у Володими-  
 рича: Изяславъ бѣше посаженъ бытъ на Лу-  
 кахъ княжити, отъ Литвы плече Новугороду,  
 и тамо преставися, а Ростиславъ въ Новѣго-  
 родѣ; и оба положена бысть у святаго Георгіа  
 въ монастыри. Въ то же лѣто заложилъ князь  
 Ярославъ Володимеричъ церковь въ Новѣго-  
 родѣ святаго Спаса въ Передичахъ; и начаша  
 дѣлати мѣсяца іюня въ 8, на святаго Фео-  
 дора, а кончаша сентебря.

Въ лѣто 6707. Преставися сыновець вели-  
 кого князя Всеволода, Ярославъ Мьстиславичъ,  
 внукъ Юріа Долгорукого, въ Переясла(в)и  
 Рускомъ. Тоя же осени придоша Полочане  
 на Луки съ Литвою, и пожгоша хоромы, а  
 Лучанѣ изыша въ городъ. Того же лѣта князь  
 великій Всеволодъ Юріевичъ, априля 1, ходи  
 на Половци; Половци же слышавше походъ  
 его бѣжаша съ реками прочь; князь же ве-  
 ликій ходи по становищемъ ихъ възлѣ Донъ,  
 онѣмъ же безбожыимъ побѣгшимъ прочь,  
 князь же великій възвратися къ Володими-  
 ру и въиіде іюня 6, на память преподоб-  
 наго Иларіона. Того же лѣта заложилъ пер-  
 ковь каменну въ Новѣгородѣ на Холмѣ. То-  
 го же лѣта бысть пожаръ въ (Во)лодимерѣ  
 іюня 21, въ субботу, горѣ до вечера, церквей  
 згорѣло 16, а города мало не половина. На  
 ту же зиму ходи князь Ярославъ Володими-  
 ричъ съ Новгородци на Полочанъ къ По-  
 лотцку, съ Плесковичи и съ всею областію Но-  
 вгородскою; и усрѣтоша ихъ Полочанѣ съ

(1) Въ подлинникѣ: новонородци. (2) Тамъ же: а. (3) Тамъ же: позванъ. (4) Тамъ же противъ этого мѣста на  
 поля написано: влод. (5) Тамъ же противъ этого мѣста на поля написано: нов.

поклонѣмъ на озерѣ на Косоплѣ, и взявше миръ възвратишася въ Новгородъ: Богъ бо не вда кровопролитіа христіаномъ. Того же лѣта князь великій Всеволодъ выведе свояка своего, Ярослава ВолодимERICHA, изъ Новгорода; а архіепископа Мартирія (позва) въ Володимерь по свой сынъ. И яко быша на озерѣ Серегѣрѣ, и преставися рабъ Божій архіепископъ Мартирій Новгородскій, августа 24, бысть на архіепископствѣ 6 лѣтъ и 7 мѣсяцъ; и привезше положиша его въ притворѣ святыя Софія; и поидоша мужи съ посадникомъ Михалкомъ къ Всеволоду.

Въ лѣто 6708. Преставися Ярославъ Всево(ло)дичъ Ольговича<sup>1</sup> Черниговскій. Тоа же осени придоша Новгородци въ Володимерь къ великому князю Всеволоду Юріевичу, лучшіи мужи, Мирошкина чадъ, рекуче: «ты господинъ, ты царь, тебѣ отчина Новѣгородъ; а нынѣ просимъ у тебе сына Новгорода.» Князь же великій здума з дружиною своею, и утвѣди ихъ крестомъ на всей воли своей, дастъ имъ сынъ Святославъ, Новгородци же поаша его у святыя Богородица съ благословеніемъ у епископа Іоанна; и отпусти ихъ князь великій съ честію и съ любовію. И иде Святославъ княжити декабря 12, братія же проводиша его съ честію; приведе посадиша его на столѣ въ Новѣгородѣ. А въ то же время князь великій здумавъ съ посадникомъ и съ Новгородци, и выведе въ епископію Митрофана, Богомъ избранна; и весь Новѣгородъ шедше, съ честію посадиша его, «донележе будетъ отъ митрополита позваніе, и тогда поидеши на поставленіе.» Того же (лѣта) заложилъ перковъ камену Святыхъ Мученикъ 40 съ Прокшею съ Малишевичемъ. Того же лѣта поставилъ церковь княгини Ярославля, монастырь сътвори Рождество святыя Богородица, и игуменую поставилъ Завижую посадницу. Того же лѣта исписаша церкви 2, святого Спаса на Городи-

щи и святого Спаса въ Русѣ. Въ то же лѣто въ 1199 Русѣ обложиша городъ. Того же лѣта взяша<sup>1201</sup> Литва Ловоть и до Налюча, со Беліе и до Свинорта; и гнашася Новгородци по нихъ и до Чернянъ, и бишася съ ними, и убиша у нихъ въ Клинѣ мужей 80, а Новгородецъ 15: Рагунла<sup>2</sup> Прокопичу съ братомъ, Гюргія Събыкшинича, Ратмира Нѣжатнича, Страшка серебряного вѣсца, Внѣзда Ягинича, Луку Мирошкина отрока, Микиту Лазоревича, Жирошку, Осипа подвойского, Романа и иныхъ 4 мужи; а полонъ весь отъяша. Въ то же лѣто иде Нѣздымо Пѣхтинычъ воеводою на Луки; иде съ малою дружиною съ Лукъ на Лотиг(ол)у на торонь, и застава(ша) а въ одринахъ, убиша ихъ 40 мужъ, а жены ихъ и дѣти поимаша, а сами придоша на Луки всѣ здоровы; а кто бѣ не пошелъ съ ними съ Молбовичъ<sup>3</sup> съ нѣколкою дружины, а тѣхъ бывше и куны поимаша.

Въ лѣто 6709. Князь великій Всеволодъ Юріевичъ посла сына своего Ярослава въ Переяславль, на столъ прадѣда своего и дѣда, августа 3; тогда быше князь великій въ Переяславль Залѣскомъ з дѣтми своими въ полюдья. Переяславци же поимше князя Ярослава отъ святого Спаса, и поидоша къ собѣ въ Русь съ радостію великою, хваляще Бога, и святую Богородицу и святого архистратига Михаила, давшаго имъ такового князя; братія же проводиша его съ честію, и бысть радость велика въ Переяславль. Тоа же зими преставися княгини Ярославля ВолодимERICHA, дочи Шварнова, Ческого короля, свестъ великого князя Всеволода; и положена бысть въ Володимери у Пречистыя, въ сестринѣ монастыри. Преставися князь Володимерь Всеволодичъ Черниговскій. Въ то же лѣто иде въ Русь Богомъ избранный Митрофанъ изъ Новгорода ставитися къ митрополиту, съ Новгород(с)кими мужи и съ Всеволожими; и

(1) Въ подлинникѣ: святославича. (2) Тамъ же: рагунла. (3) Тамъ же: съ ними столбовичъ.

1201 поставленъ бысть мѣсяца іюля въ 3, на память  
1203 святаго мученика Іакинѣа, и прииде въ Нов-  
городъ мѣсяца сентебра 14, на Въздвиженіе  
честнаго креста.

Въ лѣто 6710. Сгорѣ въ Новѣгородѣ отъ  
грома церковь святаго Николы на Городищи,  
априля 15. И стоа все лѣто дождево. А Ва-  
рягъ пустиша безъ мира. Въ то же лѣто сру-  
биша въ Русѣ городъ. А на осень придоша  
Варази горою на миръ; и даша имъ Нового-  
родци миръ на всей воли своей. Того же  
лѣта освяти владыка Митрофанъ<sup>1</sup> церковь  
святаго Ілію, на праздникъ еа, въ Славнѣ.  
Того же лѣта преставися Миталкова княгиня,  
августа 5, наречена въ чернечествѣ Февронія,  
и положена бысть у святѣй Богородици въ  
Суздаля. Того же лѣта преставися Игорь Свято-  
славичъ Черниговскій. Того же лѣта вѣста  
князь великій Рурикъ на Романа, и приведе къ  
себѣ въ Кіевъ Олговичи, хотяще понти въ Галичъ  
на Романа; и упередил Романъ, съвокупя пол-  
ки Галичскія и Володимирскія, и поиха въ  
Рускую землю; и Володимиричи, лишацеся  
великого князя Рурика, и ихаша къ Роману, и  
Чръни Клобуци вси съвъкупашася и ѣхаша,  
что родовъ вси, и идоша въборзѣ съ всѣми  
полки. И прииха Романъ къ Кіеву, и отво-  
риша ему Кіане ворота Подолскаа, въ Ко-  
пыревѣ концѣ, и ѣха въ Подоліе, и посла  
на гору къ Рурикови и Олговичемъ, и  
води великого князя Рурика къ кресту,  
яко не хотѣти ему великого княженія, и  
Олговичи, а самъ къ нимъ крестъ цѣлова;  
и посла Рурика въ Вручай, а Олговичи за  
Днѣпръ въ Черниговъ. И посади князь ве-  
ликій Всеволодъ Юріевичъ и Романъ Инъ-  
гваря Ярославича на княженіе въ Кіевѣ.  
Княженіе великого князя Инъгваря  
Ярославича въ Кіевѣ. Того же лѣта  
князь Романъ ходи на Половци, и взя вежи

ихъ, и приведе полона много, и душъ хри-  
стіаньскыхъ много отполони; и бысть радость  
велика въ Руси.

Въ лѣто 6711, мѣсяца генваря 1, на память  
великаго Василиа, прииде Рурикъ съ Олго-  
вичи, и съ поганомъ Кончакомъ и Даниломъ  
Кобяковичи, и съ всею Половецкою землею,  
и взяша градъ Кіевъ генваря 2; и сътворися  
велико зло въ Руской земли надъ Кіевомъ,  
и напасти быша многы, занеже многы суть  
были взятія, но не яко нынѣ сталося надъ  
Кіевомъ; не токмо одно Подоліе взяша и  
пожгоша, но и гору, и митрополию и святую<sup>3</sup>  
Софію разграбиша, и церковь святую Богоро-  
дицу Десятинную, и монастыри, иконы одра-  
ша, а иныя поимаша, кресты честныя, и съсу-  
ды священныя, и книги, и блаженныхъ  
пръвыхъ князей порты, иже бяху повѣшали  
въ церкви на память себѣ, то все въ полощъ  
взяша. Якоже рече пророкъ Давыдъ: Боже!  
придоша я(зы)ци въ достоаніе твое, и осквр-  
ниша церковь святую твою; положиша Кіевъ  
яко овиное хранилище, положиша трупіа  
рабъ твоихъ брашно птицамъ небеснымъ, плоти  
преподобныхъ звѣремъ земнымъ; проліаша  
кровь ихъ яко воду. То все сбысться надъ  
Кіевомъ за грѣхы наша, взяша бо весь на-  
щитъ; а кого дондетъ рука: черница ли, чер-  
ница ли, попа ли, попадьи ли, старыя,  
слѣпыя, и хромыя, и слукія<sup>4</sup>, и трудоватыя,  
тѣхъ всѣхъ изсѣкоша; а что гости, иноземца  
всякого азыка, тѣхъ затвориша въ церквахъ  
и вдаша имъ животъ, а товаръ ихъ раздѣли-  
ша съ ними на полы; а чрънцовъ, и чръницъ,  
и поповъ, и попадей, и Кіанъ, и жонъ, и до-  
черей ихъ и сыновъ ихъ, то все иноплеме-  
нници ведоша въ вежи къ себѣ; а что взято  
по монастыремъ и по церквамъ всякое узоро-  
чіе, то все взяша и везоша со собою въ зем-  
лю свою<sup>5</sup>. Опять княженіе Руриково Ро-

(1) Въ подлинникѣ: митрофану. (2) Тамъ же противъ этого мѣста на полѣ написано: влады. (3) Тамъ же: святой. (4) Въ Полн. Собр. Лѣт. т. 1, стр. 476 читаемъ: и сухія. (5) За сими въ рукописи находится слѣдующее мѣсто, повторенное иными словами ниже: уолышавше же князь великій всеволодъ юріевичъ, еше

стиславича въ Кіевѣ<sup>1</sup>. Прииде Романъ, внукъ Изяславъ Мъстиславича, Галицкій, къ Вручѣну, на тестя своего Рурика, отводя его отъ Олговичевъ и отъ Половецъ; и приведе его къ кресту, яко быти ему за одинъ съ великимъ княземъ съ Всеволодомъ и з дѣтми; и повелѣ ему слатися по опасу къ Всеволоду, дабы ему отдалъ, еже сѣтвори надъ Кіевомъ; князь же великій милосердъ сый, того ему отдалъ, а во Кіевѣ повелѣ ему княжити. Тоа же зими, декабря въ 18, преставися Володимѣръ Юріевичъ въ Муромѣ, внукъ Ярославъ Святославича. Тоа же зими преставися Борискоаа княгыни въ Кидекши, и положена бысть въ церкви святою мученику Бориса и Глѣба, подлѣ отца своего и матеръ, именемъ Ефросинія, февраля 6. Тоа же зими бысть знаменіе, мѣсяца февраля въ 16, въ пятый часъ нощи, и потече небо все и бысть чръвлено, на земли же, и по хорономъ и на снѣгу видѣти яко кровь проліану, и мнози съ небеси звѣзды оттрѣгахуся<sup>2</sup>. Того же мѣсяца въ 30 преставися дщи Всеволожа, именемъ Елена, и положена бысть въ материнѣ монастыри.

Княженіе Ростиславле въ Кіевѣ Руриковича, зятя Всеволожа<sup>3</sup>. Въ лѣто 6712. Романъ посла къ великому князю Всеволоду Юріевичу о Олговичехъ; князь же великій Всеволодъ и тѣхъ пріа въ любовь, и посла къ нимъ боярина своего Михаила Борисовича, и води ихъ къ кресту, а къ нимъ цѣлова такоже и Романъ, и бысть миръ. Бысть знаменіе на небеси: бяху три солнца на небеси на востоцѣ, а четвертое на западѣ, а посреди яко мѣсяць великъ, подо-

бенъ дузѣ, и стояше отъ утра до полудни. 1203 Того же лѣта падесе въ Ростовѣ цѣрковь 1204 камена святаа Богородица. Того же лѣта побѣдиша Олговичи Литву, убиша ихъ 1000 и 700. Тоа же зими ходиша Русстія князи на Половци, Рурикъ Ростиславичъ Кіевскій, Романъ Галицкій, Ярославъ Всеволодичъ Переяславскій, и Мъстиславъ и иніи князи мнози; бысть же тогда зима люта, и бысть тлгота Половцемъ, и взяша вежи ихъ, и стада и полонъ много, и възвратишася. Въйдоша во Треполь Рурикъ з дѣтми, Ростиславомъ, зятемъ Всеволожимъ, и Володимеромъ, и Романъ Галицскій, зять ихъ, и ту хотяши рядъ положить и дѣлъ сѣтворити въ полону противу трудовъ, (кто) како<sup>4</sup> пострадалъ за Рускую землю, и бысть смятеніе велико; тогда Романъ изима Рурика и з дѣтми, и посла его съ Вячеславомъ въ Кіевъ, повелѣ его постричи въ чрънци и жену его, свою дочь, въ черницы; а дѣтей его, Ростислава и Володимера, веде въ Галичъ съ собою. Се же слыша князь великій Всеволодъ, еже сѣтворися иное зло въ Руской земли, печалень бѣ о сватѣ и о дѣтхъ его, и посла къ Романови въ Галичъ; онъ же послушавъ его отпусти и зятя его Ростислава и брата его Володимера. Князь же великій Всеволодъ дасть зятю своему Ростиславу опять Кіевъ. Взятіе Цареградское<sup>5</sup> отъ Фрязъ, а княженіе Ростиславле<sup>6</sup>. Того же лѣта царствующу въ Цариградѣ царю Алексею Комнину, въ царствѣ Исааковѣ Ангела, брата своего, егже поймавъ ослѣпи, царствовавшему ему 8 лѣтъ и мѣсяць 6; а сына его

сѣтворися зло въ руской земли, печалень бысть великъ, занеже всѣхъ христіанъ не радуется о злѣ, радуется же о добрѣ; печалень бысть о зятѣ, и о сватѣ своемъ и о дѣтхъ. вложи ему богъ въ сердце опечалитися рускою землею, мога мѣстити, но христіанъ дѣла отложи, и посла мужа къ романови въ галичъ о зятѣ; романъ же послуша его, зятя его пусти, и бысть князь великій кіеву, и брата его пусти.

(1) *Вмѣсто этой заголовки, здесь в рукописи находилась следующая, перемещенная ниже: княженіе ростиславле въ кіевѣ руриковича, зятя всеволожа.* (2) *На этомъ словѣ, находимся в рукописи на 115-мъ листѣ, прерывается статья и ея продолженіе помѣщено на оборотѣ 106-го листа.* (3) *Вмѣсто этой заголовки, здесь в рукописи находилась следующая, перемещенная выше: опять княженіе руриково ростиславича въ кіевѣ.* (4) *Тамъ же: каковъ.* (5) *Тамъ же: цареградскон.* (6) *Тамъ же: а княженіе ростиславле, взятіе цареградскон отъ фрязъ.*



1204 Алексеа Исааковича затвори въ стѣнахъ высокихъ, и стража его ту, да не выидеть; а самъ Алексіе царемъ ста. И времени минувшу, и дръзну Исакіе молитися о сыну своемъ, дабы его испустилъ изъ таковыя твѣрдины и былъ бы предъ нимъ; и умоли брата Исаакъ, и выпусти Исаковича, и пріа-ста извѣщеніемъ съ сыномъ Исаакъ, яко не помыслити на царство; испущенъ же бы(сть) нсѣ<sup>1</sup> тверди, и хождаше въ своей воли. Царь же Алексіе не печешися о немъ, вѣра брату Исаакови и сынови его, зане пріа-ста извѣщеніе. И потомъ Исаакіе помысливъ, и въсхотѣ царства, и учаше сына, посылаа отай, глаголя: «азъ добро сътворихъ брату моему Алексѣ, отъ поганыхъ его выкупихъ, а онъ противу моему добра зло ми възда: ослѣпи мя, царство мое взя;» и въсхотѣ сынъ его якоже учаше его, и помышляше тако: яко ему изыти изъ града въ далныя страны и оттолѣ искати царства. И ведень бы(сть) въ корабль, всажень въ бочку, имущу три дна, при единомъ конци гвоздь, не лѣзъ бо быше инако изыти изъ града; и тако изыиде Исааковичъ изъ Греческыя земли. И увѣдавъ царь Алекса, яко не бысть его, посла искати его, и начаша искати его въ мнозѣхъ мѣстѣхъ, и възнидоша въ той корабль, въ немже быше Исааковичъ, и вся мѣста обыскаша, изъ бочекъ гвоздіа вынимаша, и видѣша воду текущу, идоша прочъ, и не обрѣтоша его; и тако отплу корабль. Изыиде Исааковичъ, и прииде къ Немеческому царю Филиппу, зяту своему, и къ сестрѣ своей; царь же Нѣмецкій посла его къ папѣ въ Римъ, и тако его увѣщаста, яко не воевати на Царьградъ; но якоже рече Исааковичъ: «весь градъ Костантинъ хотятъ моего царства», онъ же посла къ нимъ многы Фрязове, рекъ: «аще въсхотятъ его, то посади(те) его на царствѣ, аще ли не

въсхотятъ, то пришлѣте его къ мнѣ, а сами поидете къ Іерусалиму въ помощь, а зла не чините нѣкоего Греческѣй земли.» Исааковичъ же много золото обѣща имъ дати; Фрязи же и вси воеводы възлюбиха золото и сребро, ниже мѣняше имъ Исааковичъ, а царева велѣніа забыша и папина. И прѣвое пришедше въ Судъ, замкы желѣзныя разбыша, и приступивше къ граду възвергоша огнь въ 4 мѣста въ храмы. Тогда Алекса узрѣ пламень, не сътвори брани противу имъ, и призвавъ брата Исаака Ангела, егже слѣпи, посади его на престолѣ царствѣ<sup>2</sup>, и рече ему: «да (и)же есмь<sup>3</sup>, брате, тако сътворилъ, прости мене; а се твое царство!» и избѣжа<sup>4</sup> Алекса изъ града. И пожженъ бысть градъ и церкви неисказанны лѣпотою, ниже не можемъ числа исповѣдати, и святѣй Софіи притворъ погорѣ, идеже патріарси вси написани, иподруміе, и до моря, а сѣмо по царевъ затворъ и до Суда погорѣ. Тогда погнася Исааковичъ за царемъ Олексоемъ съ Фрягы, и не постыже его, и възвратися въ градъ, и съгна отца своего съ престолна, а самъ царемъ ста, глаголя отцу: «ты еси слѣпъ, како можеша царство дръжати? азъ есмь царь.» Тогда Исаакіе царь много съжалися о градѣ, и о царствіи своемъ и о грабленіи монастырствѣ, еже даяста Фрязомъ золото и сребро посуеное, разболѣвся въ печали, пострижеса и бысть мнихъ, и немного поболѣвъ, отъиде свѣта сего. По Исааковъ же смерти вѣсташа людіе на сына его про зажженіе градное и за пограбленіе<sup>5</sup> монастырское, и събрашася чръни людіе и влачаху добрыа мужа, думаше съ ними, кого царемъ поставити, и вси хотяху Радиноса. Онъ же не хотяше, но крыяшеса отъ нихъ, измѣнився (въ) чръныа рызы; емше же жену его, привелоша въ святую Сѣфію, и много нудиша ю, глаголюще: «повѣждь намъ, где

(1) *Въ подлинникѣ:* вон съ. (2) *Тамъ же:* царствѣ. (3) *Тамъ же:* еси. (4) *Тамъ же:* избѣжа. (5) *Тамъ же:* пограбленіе.



есть мужъ твой?» и не сказа о мужи своемъ. И потомъ же яша человекъ его Микулу война, и на того възложиша вѣнецъ бесъ патріарха, и ту быша съ нимъ въ святѣй Софїи 6 днѣй и 6 ношѣй. Царь же Алексіе Исаковичъ (въ) Влахернѣ бышеть, и хоташе възвес(т)и Фрягы отай боярь въ градъ; бояре же увѣдаше, утолиша царя, не даша ему напустити Фрягъ, ркуще: «мы съ тобою есмы.» Тогда же бояре убоявшеся възведенія Фрягъ, здумавше<sup>1</sup> съ Мурчюфломъ, яша царя Алексу Исаковича, а на Мурцуфла вѣнецъ възложиша; а Мурцуфла быше высадытъ ис темниці Исаковичъ и прїалъ извѣщеніе, яко не искати ему подъ Исаковичемъ царства, но блюсти подъ нимъ. Мурцуфлъ же посла къ Николѣ и къ людемъ въ святую Софію, глаголя: «азъ ялъ ворога вашего Исаковича; азъ вашъ царь, а Николѣ даю і въ боярехъ.» (Никола же) съложи съ себе вѣнецъ, и вси людіе не даша ему сложити<sup>2</sup> (съ) себѣ вѣнца, но болѣ заклѣшася: «кто отступитъ отъ Николы, да будетъ проклятъ!» Того же дни, дождався ночи, разбѣгшася вси, а Николу яша, и жену его (я) Мурцуфла и всади въ темницу, а Олексу Исаковича утверди въ стѣнахъ, а самъ царемъ ста Мурцуфлъ февраля 5, надѣяся изыти Фрягы. Фрязове же увѣдаше ята Исаковича, воева(ша) вся волость около Града-царя, просячи у Мурцуфла: «дай намъ Исаковича, и мы поидемъ къ Нѣмецкому царю, отвелѣже есми послани; а тобѣ царство его.» Мурцуфлъ же и вси бояре не даша его жива, и умориша Исаковича, и глаголаша Фрязомъ, яко «умрълъ есть, придите и видите;» и даша имъ тѣло мертво Исаковича. Тогда же Фрязове видѣвше, печалии бывше за преслушаніе свое, яко не по повелѣнію сътвориша царя своего; не тако бо бѣ имъ заповѣдалъ царь Нѣмецкій и папа Римскій, якоже сія зло учиниша Царюграду,

приступивше заповѣдь цареву и папину. И 1204 рѣша сами къ собѣ вси: «оже намъ нынѣ нѣту Исаковича, съ нимъ же пришли есми, да лучше ны есть здѣ умрѣти<sup>3</sup> у Царяграда, не жели съ срамомъ отъйти,» и оттолѣ начаша брань строити къ Царюграду. И замыслиша, якоже преже, на кораблѣхъ раями<sup>4</sup> на шеглахъ, на иныхъ же кораблѣхъ искиныши пороки и лѣствица, а на иныхъ замыслиша свѣшивати бочки черезъ градъ, накладены смолы и лучины, зажегше пустиша на хоромы, якоже преже пожегше градъ. Приступиша къ граду мѣсяца априля въ 9, на память святаго мученика Евсихіа, въ платокъ 5 недѣли поста, и не успѣша ничтоже граду, но Фрязъ изыбыша Цареградци болѣ ста мужій. И ту стояша Фрязове три дни, и въ понедѣльникъ Врѣбныя недѣли, солнцу възходящу, приступиша къ граду противу святому Спасу, зовемый Вергетисъ, противу Испигасу, сташа же ему и до (В)лахерны. И приступише<sup>5</sup> на 40 кораблѣхъ великихъ; бяху же изременана межи ихъ, въ нихже людіе на конехъ, одѣани въ брони и конѣ ихъ, а инѣи же корабли и галѣи ихъ стояху назади, боящеся зазженія. Якоже преже быше пустили на нихъ Греци 10 кораблѣвъ со огнемъ въ Фрягъ<sup>6</sup>, извременивше погодіе вѣтра, на Василюевъ день, полунощи, и не успѣша ничтоже Фряжскимъ кораблемъ, вѣсть бо имъ бышеть далѣ Исаковичъ, а Грекомъ повелѣтъ пустити на корабли на нихъ; тѣмже и не погорѣша Фрязи. И тако бысть взятіе Царяграда великаго: и привлече корабли вѣтръ ко стѣнѣ градной, бяху бо корабленыя стѣны устроены велики, выше забралъ градныхъ, и присягаху черезъ градъ, а нижныя стѣны равны съ (за)брадами; и біахуть<sup>7</sup> съ вышнихъ скалъ въ градъ Греки и Варягы каменіемъ, и стрѣлами, и сулицами и самострѣлы;

(1) Въ подлинникъ: здумавшу. (2) Тамъ же: надала ему служити. (3) Тамъ же: умрѣти пришли есми. (4) Тамъ же: оаии. (5) Тамъ же: приступише. (6) Тамъ же: огнемъ и въ прихъ. (7) Тамъ же: біаху ту.

1204 а съ нижныхъ скалъ слѣзоша на стѣны градныя, и тако взяша Царьградъ. Царь же Мурчюль крѣпляше бояре и вси людіе, хотяку брань сѣтворити съ Фрягы, и не послушаша его, побѣгоша отъ него вси; царь же побѣже отъ нихъ, и угони е на коневомъ торгу, и много жалова на боярѣ и на вся люди. Тогда же царь избѣжа<sup>1</sup> изъ града, и патриархъ, и бояре<sup>2</sup> и вси людіе; и внидоша въ градъ Фрязове вси, мѣсяца априля 12 день, на память святаго Василиа исповѣдника, и стаха на мѣстѣ, идеже стояше царь Греческій, у святаго Спаса; и ту стаха и на ночь. Заутра же, солнцу въсходящу, въ вторникъ врьбный, вънидоша въ святую Софію, и одраша двери и разсѣкоша, и амбонъ, окованъ быше серебромъ весь, и столпы серебряны 12, а 4<sup>3</sup> кивотныя и тябло изсѣкоша, и 12 крестоу, иже надъ олтаремъ бяху, межи ими шишкы яко древа вышши мужа, и преграды олтарныя межи столпы, а то все сребрено; и трапезу чюдную одраша же<sup>4</sup>, драгый камень и великій жемчюгъ, саму невѣдомо камо<sup>5</sup> еа дѣяша; и 40 кубковъ великихъ, иже бяху предъ олтаремъ, и паникадила и свѣтила сръбрьнаа, яко не можемъ числа исповѣдати; съ праздными съсуды бесцѣнными поимаша служебное все, евангеліе же и кресты честныя, и иконы безцѣнныя одраша, и подъ трапезою наидоша съкровища многолѣтное съкровенно издавно: 40 кадей чистаго злата; на полатехъ, и на стѣнахъ и въ судохранилищи невѣдомо колико злата и сребра, яко нѣсть числа, и бесцѣнныхъ съсудъ. То же (в)се въ единой сказахъ церкви, въ святѣй Софіи, а святую Богородицю, иже (въ) Влахириѣ, идеже Святый Духъ съходяше на вся пятницы, (и ту одраша), и иныхъ церквей не можетъ человекъ сказати, яко бес числа. Оди-

гитрю же святую икону Пречистыя чюдную, иже по граду хождаше, съблюде ю Богъ и святаа Богородица свой образъ добрыми людьми, и нынѣ есть, на нюже надѣмся; а нынѣ церкви въ градѣ и внѣ града, и монастыри въ градѣ и внѣ града пограбиша всѣ, и всяку святыну взяша, иже не можемъ числа и красотѣ ихъ повѣдати. Чръниц<sup>6</sup> же, и чръницы и поны облупыша, и нѣколько ихъ избыша; Грѣки<sup>7</sup> же (и) Варягы изгнаша изъ града, иже бяху ся остави и перехоронили. А патриарха, и игумены (и) игуменой водиче въ ужищехъ, взимаху злато у нихъ. Се же имена воеводъ ихъ: 1) Маркосъ отъ Рима; 2) кондо Фларентъ, отъ Рима града Бернъ; 3) Дужъ слѣпый. Инако же тѣже воеводы пышетъ: 1) Маркосъ отъ Рима, въ градѣ Бернен, идеже бѣ жилъ<sup>8</sup> поганый алый Декрикъ; 2) кондофъ о Фландрѣ, а 3) Дужъ слѣпый, отъ Маркова острова Венедикъ. Сего Дужа слѣпый Манулъ, царь Греческій; мнози бо философи моляхуся цареви<sup>9</sup>, глаголюще: «царю! аще сего пустыни здрава, то много зла сѣтворитъ твоему царствію.» Царь же не хотѣ его убити, но повелѣ очі ему слѣпнати стѣкломъ, и быста очі его яко невреженѣ, но не видаше ничего. Сей же Дужъ многы брани и козни на градъ замышляше, и вси его послушаху, и корабли его велики бяху, съ нихъ же и градъ взяша. Стояніа же Фрязскаго у Царяграда отъ декабря до априля, доколѣ городъ взяша. Въ лѣто 6712, мѣсяца маіа въ 9 день, на память святаго пророка Исаіа, поставиша царя своего Латынина, кондо Фларенда, своими епископы; и власть себѣ раздѣлиша: цареви конда Фларенду градъ, а Маркосу судъ, а Дужевъ десятина. И тако погыбе царство богохранимаго Костянтинаграда и земля Греческая въ свадѣ царевѣ, екоже обладаютъ Фрязове. Того же

(1) Въ подлинникѣ: избѣжа. (2) Тамъ же: боярѣ. (3) Тамъ же: а днѣ. (4) Тамъ же: одраша. (5) Тамъ же: а сому невѣдомо камо. (6) Тамъ же: чръницы. (7) Тамъ же: грѣки. (8) Тамъ же: бѣжалъ. (9) Тамъ же: прѣки.

лѣта преставися Олегъ Святославичъ Чръниговскій, вѣукъ Ольговича Всеволода<sup>1</sup>. Сего Олга ималъ себѣ Ростиславъ въ сына мѣсто (въ) Кіевъ; онъ же иде отъ него къ Курску. Того же лѣта преставися Миронка, посадникъ Новгородскій, пострыгся у святаго Георгіа въ монастырь; и даша по немъ посадничество Михалко Степановичу. Того же лѣта, по грѣхѣмъ по нашимъ, изморша кони въ Новгородѣ и по селомъ, яко не лѣтъ бѣше почти сирада ради нику(ды).

Въ лѣто 6713. Мѣсяць освѣтѣвъ 8 ночи. Того же лѣта прислалъ князь великій Всеволодъ Юріевичъ сына своего Константина въ Новгородъ, рка тако: «въ землѣ вашей рать ходитъ, а князь вашъ, сынъ мой Святославъ, малъ; а даю вамъ сына своего старѣйшаго Константина.» И выведе сына своего Святослава, бѣ бо еще малъ, и посла сына своего Константина на Великій Новгородъ, и поиде изъ Володимера марта 1; а прииде въ Новгородъ князь Константинъ Всеволодичъ, вѣукъ Юріевъ, марта 20 день, на память святыхъ отецъ небесныхъ въ монастырь святаго Савы, и радъ бысть весь Новгородъ своему хотѣнію. По отпущеніи же князя Константина, марта 2, на память святаго священномученика Феодота, пострижеса великая княгиня Всеволожа Марія, дщи Шварлова Ческаго, въ черницу и въ скиму, въ Володимерѣ въ монастырь свята Богородица, иже бѣ сама създаде, и нарекоша имя ей Марія; въ то же бѣ имя и крещева въ Володимерѣ, а приведена ис Чехъ не крещена. И проводи ю князь великій Всеволодъ самъ въ монастырь съ слезами многими и въ церковь свята Богородица, и сынъ его Георгій и дочь его Всеслава, иже бѣ приехала къ отцу и матери своей немощъ выдѣти. Бѣ же ту и епископъ Іоаннъ Смоленскій, и Симанъ отецъ<sup>2</sup> ея духовный, и нѣмѣ игумены, и черницы, и вси бояре и боярыни, и чръници нѣо всѣхъ

монастырей, и горожане; и плакахуся ея вси<sup>3</sup> 1204  
убоѣи, аки кормителницу, темничницу избав- 1205  
леніе, окованіи разрѣшенія, назн одѣанія, болѣи посѣщенія, вси плакахуся неизреченныя ея доброты, бѣше бо око слѣпымъ, нога хромымъ, не требоваше бо земныхъ ничтоже, но будущихъ благъ желааше вся дни живота своего; бѣ бо издѣтка въ страсть Божіи живяще, любяща правду, въздающе честь епископомъ, игуменомъ, и чрънецамъ и прозвитеромъ, любяща чръноризцы<sup>3</sup>, подавааше имъ требованіе; бѣше бо нищелюбивая и страннолюбива, печалныя и болныя вся ты утѣшаше. Того же мѣсяца въ 19 день, на память святую мученицу Хрисанфа и Даріи, преставися великая княгиня Марія Всеволожа Юріевича, пребывши въ монастырь 18 дней постригшеса; а всеа болѣзни ея 8 лѣтъ, наставшу же 9-му лѣту поиде къ Богови. Великому же князю ту сущу и плачущуся, бѣ бо любя ю излика, и Георгію сыну ея такоже плачущуся плачемъ великимъ, зане любимъ (бѣ) ею<sup>4</sup>, и Володимеру, и Всеславъ, (и) Іоанну, епископу Смоленскому, и Михаилу, игумену Отрочаго монастыря, зане бѣста приехали отъ Смоленска отъ Мьстислава молитися о извѣненіи его, и Симону игумену, отцу ея духовному, и нѣмъ игуменомъ и непомъ, пѣвшимъ имъ обычныя пѣсни, опрятавше тѣло ея, вложивша въ гробъ камень, положиша въ монастырь у церкви свята Богородица, юже бѣ сама създаде и украси ю иконами и писаніемъ добродѣствѣно. Павелъ апостолъ рече: начные въ васъ дѣло благое, да съвършитъ е. Паки рече Соломонъ: праведници въ вѣки живутъ, мзда имъ отъ Господа и строеніе отъ Вышняго, сего ради примутъ царствія красота и вѣнецъ доброты отъ руки Господня. Господь же рече: претрѣпѣвый до конца, той спасется. Сіи же княгини вся ты вещи исправи. Того же лѣта Романъ Галичскій ходи

(1) Въ подлинникѣ: святослава. (2) Тамъ же: отцы. (3) Тамъ же: чръноризцы. (4) Тамъ же: юю.

1205 на Ляхы, взя градъ ихъ и ста надъ Вислою  
1207 рѣкою; отъихавъ отъ полковъ въ малѣ дружи-  
нѣ, Ляхове же наих(а)вши убиша его; и поло-  
жиша его въ Галичи у святыа Богородица, и  
крестъ цѣловаша сыну его Данилу. Олговичи  
же то слышавше поидоша (къ) Кіеву, а Рурикъ  
Ростиславичъ сметавъ съ себе чернеческое  
платіе и сѣде въ Кіевѣ; также и жену хотѣ  
ростричи, Романову дочь, она же и схыму  
на ся възложи. И вышелъ Рурикъ къ Олго-  
вичемъ, и цѣлова крестъ, яко ити всѣмъ къ  
Галичу; и ходиша, и съ срамомъ възврати-  
шася, Галичане бо отбишася отъ нихъ.

Въ лѣто 6714. Олговичи Всеволодъ Черм-  
ной з братією, и Мстиславъ Романовичъ изъ  
Смоленска, а ис Кіева князь великій Ру-  
рикъ з дѣтми, съ Ростиславомъ и съ Вол-  
димеромъ, и (съ) сыновци, и Берендичи и По-  
ловци мнози поидоша на Галичъ; а отъину-  
ду Ляхове поидоша на нихъ же. Они же убоя-  
шася зѣло, и послаша къ<sup>1</sup> королю, просящи  
помощи; король же то слышавъ поиде самъ.  
Романовичи же слышавше, убоявшеся, бѣ-  
жаша въ Володимерь, въ вотчину свою; ко-  
роль же Ляхы омиривъ възвратися, а Ол-  
говичи слышавше възвратишася. Галичане  
же убояшася Олговичъ, король бо поиде  
прочъ, а у нихъ князя нѣтъ, послаша отай  
по Володимера Игоревича; онъ же отався  
братіи, украдся ис полковъ, иде въ Галичъ.  
Еще бо не доихахъ бяху Галича за два дни,  
а король бѣ имъ велѣлъ взяти ис Переяслав-  
ля Ярослава Всеволодича, и ждавши его двѣ  
недѣли, не дождався; а къ нимъ вниде Во-  
лодимеръ Игоревичъ только за 3 дни, а по-  
томъ пригна Ярославъ. Олговичи же, слышав-  
ши брата въ Галичи, идоша назадъ; пришедъ  
Всеволодъ Чермный сѣде въ Кіевѣ, а Рурикъ  
въ Вручан. Всеволодъ же Чермной съсла Яро-  
слава Всеволодича съ Переяславля, и рече:  
«иди къ отцу, а подъ моею братією Галича

не нищи;» и посади въ Переяславля сына сво-  
его. Рурикъ Ростиславичъ съ Мстиславомъ  
Романовичемъ Смоленскимъ, и з дѣтми и  
сыновци своими съвокупися, съгна Всеволо-  
да Чермного ис Кіева, а сына его Во-  
лодимера посади въ Переяславля. Всеволодъ  
же Чермной съзкупився приде на нь, Воло-  
димеръ же затворися въ градѣ, и стояша 3  
недѣли, и възвратишася. Игоревичи же выг-  
наша Данила Романовича изъ Володимера, и  
посади(ша) въ немъ брата своего. Того же лѣ-  
та преставися Михалко, посадникъ Нового-  
рбдскый, постригся у святыа Богородица въ  
Аркажѣ монастыри, маіа въ 18; наречень въ  
мнишскомъ чину Митрофанъ. Того же лѣта  
постави Тврьдиславъ Михалковичъ въ Аркажи  
монастыри, на воротехъ, святого Семіона,  
(и)же на Дивной горѣ столпника.

Въ лѣто 6715. Всеволодъ Чермный съ бра-  
тією иде на Кіевъ, и съ Половци и съ мно-  
гою силою; Рурикъ же бѣ(жа) въ Вручай. Онъ  
же слышавъ поиде съ всею силою тою, еще же  
Игоревичъ приде къ нему съ Галичанъ на  
Бѣлгородъ, на Мстислава Романовича;  
Мстиславъ же затворися въ немъ, и осту-  
пиша его, онъ же не имѣа помощи не откуду,  
испросивъ путь, иде къ Смоленску. Олго-  
вичи же поидоша къ Торопкѣму на Мсти-  
слава Мстиславича, и оступиша его, а По-  
ловци распустиша воевати, они же много зла  
сътвориша, пѣнующи, жгуши, сѣкуши;  
Мстиславъ же Мстиславичъ не мога сидѣти,  
цѣлова къ нимъ крестъ, Всеволодъ же шедъ  
сѣде въ Кіевѣ. То же слышавъ князь великій  
Всеволодъ Юріевичъ, яко Олговичи съ пога-  
ными воюють землю Рускую, и нача люди  
съвокупляти, и посла по сына Костантина  
въ Новгородъ, велѣ ему быти къ себѣ съ Ново-  
городци; и по Рязанскыа князя посла, и въ  
Муромъ по Давыда. Того же лѣта поставиша  
въ Новѣгородѣ церковь святого Луку на Лубя-

(1) Въ подлинникѣ: и.

ной улицы, принесше съ Колѣна, Володаревичи и Носовичи. Того же лѣта съвѣршиша церковь святыхъ Пятницы заморстѣи купци въ Новѣгородѣ, августа 30. Того же лѣта съвѣрши церковь святаго Памтелеймона въ Новѣгородѣ, въ монастыри, Феодоръ Пинеиничъ. Того же лѣта преставися рабъ Божій Порфирій инокъ, постригся у святаго Снаса на Хутины, при игуме(нѣ) Варлаамѣ, а мирскій Прокша Малышевъ. Идоша Новгородци на Чръниговъ съ княземъ Константиномъ Всеволодичемъ, позваны великимъ княземъ Всеволодомъ, отцемъ его; а князь великій Всеволодъ Юріевичъ поиде къ Москвѣ, августа 19, и ту прииде къ нему сынъ Константинъ съ Новгородци, и съ Ладожаны, и Плесковичи и Новоторжци. И ту стоявъ недѣлю, поиде къ Оцѣ съ всѣми сынами своими, Константиномъ, и Юріемъ, и Ярославомъ и Володимеромъ; ту же придоша къ нему Рязанстѣи князи, Романъ Глѣбовичъ и братъ его Святославъ, а съ нимъ два сына, Мъстиславъ и Ростиславъ, Ингваръ и Юрій Игоревичи, и Глѣбъ и Олегъ Володимеричи. И ту ся скопиша вси вои; а князи Рязанстѣи стаха обону страну<sup>2</sup> рѣкы, въ помощъ Всеволоду. И позва ихъ Всеволодъ на обѣдъ, и сѣдоша 6 князей въ шатрѣ, а Володимеричи Глѣбъ и Олегъ у великого князя у Всеволода въ шатрѣ и Новгородци; и ту обадиша Володимерича братію свою, сказаста великому князю Всеволоду Глѣбъ и Олегъ, глаголюще: «не имы, княже, вѣры братіи нашей, яко дяди наши съ Олговичи съложилися, а къ тебѣ пришли на лѣсть.» Князь же великій обличи мысль ихъ, поима (ихъ и) всѣхъ бояръ, и поковавъ посла ихъ (въ) Володимеръ, а оттолѣ въ Петровъ; а самъ поиде къ<sup>3</sup> Пронску, съ сынами своими и съ клеветники Володимеричи Глѣбомъ и Олгомъ, и Новгородци съ нимъ, и Давыдъ Муромскій, а лодыи

отпусти къ Олгову. То же слышавъ киръ 1207 Михайло бѣже въ Кіевъ къ тестю своему Всеволоду Чръвному, а Проняня пошла къ себѣ Изяслава Володимерича, и затворишася; а князь великій Всеволодъ пришедъ оступи градъ, и рече Проняномъ: «предайте ми ся;» и стоя двѣ недѣли. Слышавше же Рязанци, яко Суздальци и Новгородци стоятъ на островѣ у Олгова, нарядиша на нихъ лодыи, а сами съ княземъ Романомъ<sup>4</sup> Игоревичемъ поидоша конми берегомъ; а князь великій Всеволодъ Юріевичъ то слыша, посла Олга Володимерича (съ) своимъ полкомъ къ лодіамъ, и снышася у Олгова, и побѣди Олегъ Романа, и бѣжа Романъ къ Рязани, а Олегъ възвратися къ Всеволоду къ Пронску. И отъя у нихъ Всеволодъ воду, тоже слышавше Проняне, съ 3-мъ сыномъ Изяславомъ вышедше, поклонишася великому князю Всеволоду; онъ же води ихъ къ кресту, а вотчину имъ тремъ братомъ раздѣли, Глѣбу, и Олгу и Изяславу; княгыню киръ Михайлову веде съ собою, а товара поима бес числа<sup>5</sup>, и иде къ Рязани. Рязанци же выслаша съ челобитіемъ и съ молбою, дабы не шель къ городу, и послушавъ моленія ихъ, воротися къ Оцѣ, и иде на Коломну. А съ Коломны Новгородци отпусти къ Новугороду, одаривъ бес числа, и вда<sup>6</sup> имъ волю свою и уставы старыхъ князей, егоже хотять Новгородци, и рече имъ: «кто вы добръ, того любите, а злыхъ казните.» Ту же прииде къ нему епископъ Рязанскій Арсеній отъ княгыни<sup>7</sup> съ молбою, и повелѣ ему ити со събою въ (Во)лодимеръ, а сына своего Константина съ собою взя и посадника Дмитра, стрѣлена подъ Пронскомъ, а болшихъ 7. Новгородци же пришедше въ Новгородъ безъ князя, сътвориша вѣче на посадника Дмитра и на братію его, яко тѣ повелѣша на Новгородцехъ имати серебро, а по воло-

(1) *Засимъ въ подлинникѣ написано:* владимир. 718, новгород. 717. (2) *Тамъ же:* страна. (3) *Тамъ же:* въ. (4) *Тамъ же:* романовичъ. (5) *Тамъ же:* бесчисла. (6) *Тамъ же:* вдамъ. (7) *Тамъ же:* княгыни.



1207 сти куни брати, по купцомъ виру дикую, и  
1210 повозы возыти, и все зло; идоша съ вѣча на  
дворы ихъ грабежемъ, а Мирошкинъ дворъ и  
Дмитровъ зажгоша, а житіе ихъ поймаша, а  
села ихъ распродаша и челядь, а сокровища  
ихъ изыскаша и поймаша безъ числа, а избы-  
токъ раздѣлиша по зубу, въ три гривны по  
всему городу и на щить; а кто что потаи  
похватилъ, а того единъ Богъ свѣдаетъ, и  
отъ того мнози разбогатѣша; а что на дощкахъ,  
а то князю оставиша. Того же лѣта приве-  
зоша Дмитра Мирошкинича изъ Володимеря  
мрътвого, и погребоша у святаго Георгіа въ  
монастыри, подлѣ отца; а Новгородци  
хотѣша его съврещи съ моста, но возбрани  
имъ архіепископъ Митрофанъ. Слышавъ Ру-  
рикъ Ростиславичъ, яко князь великій Все-  
володъ Юріевичъ Рязань воюетъ, а събрался  
на Чръниговскіе князи, и съвокупився съгна  
Всеволода Чрънаго съ Кіева. Того же лѣта  
посла князь великій Всеволодъ Юріевичъ сына  
своего Святослава опять въ Новгородъ, а  
Константи(на) остави<sup>1</sup> у себе, а дасть<sup>2</sup> ему Ро-  
стовъ; а Рязанци остатокъ своихъ князей по-  
маша и княгинь ихъ, и послаша въ Володи-  
меръ къ Всеволоду.

Въ лѣто 6716. Посла князь великій Все-  
володъ Юріевичъ сына своего Ярослава на  
княженіе на Рязань, Рязанци же цѣловаша  
крестъ къ великому князю къ Всеволоду, и  
не управишася, и поймаша люди Ярославли и  
поковаша, а ивнѣ въ погребехъ засыпавше,  
изомроша; еще же свѣщашася съ Володими-  
ричи, Глѣбомъ и Изяславомъ, и хотѣша имъ  
Ярослава выдати<sup>3</sup>. И иде князь великій Все-  
володъ къ Рязани, и виведе люди изъ го-  
рода съ всѣмъ добромъ, и зажже градъ (за)  
ихъ непокорство, и иде къ Бѣлогороду, и  
того съжже, и оттолѣ иде къ Володимеру<sup>4</sup>; а

люди Рязанскіа веде со собою къ Володимеру,  
и з женами и з дѣтми, и епископа Арсе-  
нія, и розославъ ихъ по всѣмъ городомъ  
своимъ. Того же лѣта Угры выгнаша изъ  
Галича Володимера Игоревича, а брата его  
Романа посадиша. Того же лѣта прииде изъ  
Володимера великого князя Всеволода мужъ  
Лазоръ, и Борисъ Мирошкиничъ повелѣ убити  
Олексу Збиславича на Ярославли дворѣ, и  
убиша его безъ вины въ субботу, мѣсяца марта  
въ 17 день, на память святаго Алексіа; а заутра  
плакася святаа Богородица у святаго Іакова  
въ Неревскомъ концѣ. Тогда же прииде Святославъ  
Всеволодичъ въ Новгородъ. Тогда  
даша посадничество Твердиславу Михалковичу,  
и даша дощкѣ<sup>5</sup> Дмитрови князю Святославу,  
а бѣше на нихъ бесъ числа; и цѣловаша  
Новгородци крестъ, яко не хотимъ у себе  
дръжати дѣтей Дмитровыхъ, ни Володислава,  
ни Бориса, ни Твердислава, ни Евстрата.

Въ лѣто 6717. Воеваша<sup>6</sup> около Москвы Рязанскіе князи, Изяславъ Володимеричъ Глѣбовича и кнрь Михайло Всеволодичъ Глѣбовича. Князь же великій посла на нихъ сына своего Георгіа, и угна Изяслава на рѣцѣ Троснѣ<sup>7</sup>, и утрѣ удари на нь, и дружину его изымаша, а иную изымаша, а самъ бѣже за рѣку. А кнрь Михайло то слышавъ, побѣже (съ) своимъ полкомъ, а Георгій възвратися съ честію; се же (бысть) въ великій четвертокъ, на Съборъ архангела Гавріила, марта 26. Князь великій Всеволодъ Юріевичъ поля вторую жену, дщерь Василкову Витебскаго князя. Тогда же родися князю Костантину сынъ Василей, декабря въ 7, въ лѣто 6718.

Въ лѣто 6718. Ростиславъ Руриковичъ, зять великого князя Всеволода, сѣде въ Галичи; а осени той выгнаша его изъ Галича, а Романа Игоревича съ братомъ посадиша. Ново-

(1) Въ подлинникѣ: оустави. (2) Тамъ же: дасть. (3) Тамъ же: выдати. (4) Тамъ же послѣ этого слова было написано: и з женами и з дѣтми, но потомъ зачеркнуто. (5) Тамъ же: дочка. (6) Тамъ же: воевана. (7) Въ Полн. Собр. Лѣт. т. VII, стр. 116: къ рѣцѣ дрозднѣ.



городци угониша Литву въ Ходнчихъ, из-быша съ княземъ Володимеромъ и съ посадникомъ Твердиславомъ<sup>1</sup>. Того же году приходити митрополитъ Матѣй ис Кіева къ великому князю Всеволоду Юріевичу въ Володимеръ о Олговичехъ, о миру; князь великій же видѣвъ покореніе ихъ, взя миръ съ ними, и крестъ цѣловаша. Митрополитъ же служи(въ) въ Володимери на Рожество Христово, и дръжавъ его князь великій много, отпусти его съ великою честію. И сѣде въ Кіевѣ Всеволодъ Черный, а Рурикъ Ростиславичъ въ Чръниговѣ. Той же зими приде Мъстиславъ Мъстиславичъ на Торжокъ, изыма дворянъ Святослави и посадника, и окова, а товаръ ихъ кого рука доидеть; а въ Новгородъ присла: «кланяюся святѣй Софѣи, и гробу отца моего, и всѣмъ Новогоро(д)цемъ; пришелъ есмь къ вамъ, слышавъ насиліе отъ князя, и жалъ ми своа отчины.» То слышавше Новгородци послана не нъ съ великою честію: «пони, княже, на столъ отца своего;» а Святослава посадиша въ владычѣ дворѣ и съ мужи его, дондеже будетъ управа съ отцемъ его. Приде Мъстиславъ Мъстиславичъ въ Новгородъ, и посадиша его на столѣ отни, и ради быша Новгородци. И понде Мъстиславъ съ всѣмъ полкомъ на великого князя Всеволода, и быша на Плотскѣ, и присла къ нему князь великій Всеволодъ, глаголя: «ты ми еси сынъ, а азъ тебѣ отецъ, пусти ко мнѣ сына моего Святослава съ мужи, и все то, еже еси за(сѣ)дѣлъ, исправи, а азъ гость пускаю и т(о)варъ.» И пусти Мъстиславъ Святослава и мужи его, а Всеволодъ пусти гость съ товары; и цѣловаста крестъ, и миръ взяста, и приде Мъстиславъ въ Новгородъ. Тогда же родися князю Константину сынъ Іоаннъ Всеволодъ.

Въ лѣто 6719. Князь великій Всеволодъ

Юріевичъ жени сына своего Юрія, въ Кіевѣ, 1210 у Всеволода у Чръного. Того же лѣта Га- 1211  
личане, приведше<sup>2</sup> къ себѣ Угры отай, изы-маша князей своихъ Игоревичевъ трехъ, Романа и братію его, бивше ихъ повѣснша. Того же лѣта приде въ Новгородъ Добрыня Андрѣевичъ изъ Царяграда, и привезе гробъ Господень съ собою; а самъ пострижеся въ монастыри у святаго Спаса на Хутинѣ. Того же лѣта приде Дмитръ Якуничъ изъ Руси, и съступися Твердиславъ<sup>3</sup> посадничества Дмитру Якуничу; и посла князь Мъстиславъ Дмитра посадника на Луки съ Новгородци города ставити, а самъ иде на Торжокъ блюсти волости, ис Торжку иде въ Торонецъ, ис Торонца приде на Луки, и снятся съ Новгородци, а Лучаномъ дастъ князя Володимера Псковьского. Того же лѣта, волею Божіею, съвръши церковь камену Вячеславъ Прошкиничъ, внуку Малышевъ, Святыхъ 40 Мученикъ. Въ то же лѣто, безъ князя, безъ Новгородцевъ, бысть пожаръ великъ въ Новгородѣ, загорѣся на Ряди(ти)нѣ улицѣ, и згорѣ дворовъ 4000 и 300, а церквей 15. Того же лѣта князь великій Всеволодъ Юріевичъ посылалъ<sup>4</sup> въ Ростовъ по сына своего Константина, даа ему по своемъ животѣ великое княженіе въ Володимери, а Ростовъ Юрію; онъ же не понха, хотя Володимера къ Ростову, яко то есть старій городъ. И посла къ нему князь великій въдругіе, и онъ такъ не понха. Князь великій же Всеволодъ съзва бояре<sup>5</sup>, и вси людіе и епископа Іоанна, и дастъ Володимеръ Юрію, и приведе всѣхъ людей къ цѣлованію на Юрія, приказа же ему и всю братію. Тоже слышавъ Константинъ Ростовскій, въздвиже брови съ гнѣвомъ на братію, паче же на Юрія. Того же лѣта з(а)горѣся Ростовъ, мало не весь<sup>6</sup> погорѣ; згорѣ церк-

(1) На этомъ словѣ, находящемся въ рукописи на 112-мъ листѣ, прерывается статья и въ продолженіе помѣщено на л. 115-мъ. (2) Тамъ же: не приведше. (3) Тамъ же: твердиславъ. (4) Тамъ же: посылавъ. (5) Тамъ же: князь великій же съзва бояре всеволодъ. (6) Тамъ же: не весь.

1211 вей 15; згорѣ же церковь на епископѣхъ дво-  
1213 рѣ Іоаннѣ Предтеча вся до земли, а остаси  
на мѣстѣ томъ икона Феодора Тирена и во-  
щаница съ виномъ посередѣ огня, глаголють  
бо яко вощаница та святаго Леонтія.

Въ лѣто 6720, мѣсяца генваря въ 22, на па-  
мять святаго Климента, злодѣй діаволъ, испрѣ-  
ва не хотя добра роду человѣческому, зависть  
вложи (въ) Новгородскихъ людехъ съ кня-  
земъ Мъстиславомъ на архіепископа Митро-  
фана, и не даша ему правити, и ведоша въ  
Торопецъ; онъ же то пріа радуяся, яко Іоаннъ  
Златоустый и Григорей Акриганскій, тую же  
и сей пріа печаль. И волею Божіею взылюбилъ  
князь Мъстиславъ съ Новгородци Антонія,  
иже принесе гробъ Господень, и послана его  
въ Русь ставитися къ митрополиту Матѣю;  
и приде поставленъ архіепископъ Антоній, и  
сътвори полату Митрофану церковь святаго  
Антонія.

Княженіе Юрія Всеволодича въ Воло-  
димерѣ, і послѣ отца. Тоѣ же весны, априля  
15, на память святыхъ апостолъ Аристарха<sup>1</sup>,  
(Нуда и Трофима), преставися благовѣрный  
князь великій Всеволодъ Юріевичъ, зовеный Ди-  
митрій, въ недѣлю; а въ понедѣльникъ положенъ  
бысть въ гробъ въ церкви святаго Богороди-  
ца Владимерскія, юже сѣздалъ братъ его Ан-  
дрѣй объ единомъ версѣ, онъ же пристави<sup>2</sup> че-  
тыри врѣхъ и позлати. Постави же и на своемъ  
дворѣ церковь чюдну велику, Рѣзанскыѣ ка-  
менемъ<sup>3</sup>, святаго Димитрія, и врѣхъ ея позлати,  
въ ней же икону постави, принесену изъ Се-  
лува отъ гроба святаго Димитрія, точашу шро  
беспрестанно. И сѣде по немъ сынъ его Юрій  
въ Володимери, выпусти же Рязанскихъ князей  
на свою отчину. А Святославъ иде къ брату  
Константину въ Ростовъ, а Константинъ нача  
ратъ замышляти на великого князя Георгія.  
Тоже слышавъ князь великій Георгій иде на

Констанина з братією, съ Ярославомъ, и Во-  
лодимеромъ (и) Иваномъ; и доведше Ростова  
умиришася. Того же лѣта ходи Мъстиславъ  
Мъстиславичъ на Чюдь, рекомую Торму, съ  
Новгородци, и много половецкыя ихъ, а скета  
бес числа приведе. Того же лѣта глѣдъ бысть  
великъ, и мяса ядаху въ великое гоуѣніе. Хо-  
дѣша князи къ Києву, а Всеволодъ Чръный  
выбѣжа, а брата Глѣба затвори, потемъ пре-  
ставися, а зъ Глѣбомъ умиришася. Сѣде же  
въ Києвѣ Мъстиславъ Романовичъ Смоленско-  
го, а Мъстиславъ Мъстиславичъ въ Новѣгородѣ,  
а Ингваръ Ярославичъ Изяславича въ Лучь-  
скѣ. Тогда же Володимеръ Всеволодичъ бѣжа  
къ брату Константину въ Ростовъ, а Юрій же  
Всеволодичъ съ Ярославомъ (и) Иваномъ иде  
къ нимъ на снѣгъ у Юріева, и смиришася.  
Того же лѣта родися у Юрія сынъ Димитрій.  
Константинъ посла брата своего Володимера  
на Москву, и пришедъ затворися въ ней; а  
Святославъ иде отъ Константина къ Юрію, и  
князь великій дасть ему Юріевъ Полскій.

Въ лѣто 6721, зимѣ, иде князь Мъстиславъ  
Мъстиславичъ съ Новгородци на Чюдокиѣ  
городъ, рекомый Медвѣжку Голезу; седа ихъ  
потрави, и придоша подъ городъ, и покле-  
нишася Чюдь князю, и дань на нихъ взя, и  
придоша здоровы. Того же зимы въ Володи-  
мери бысть знаменіе, марта 25, въ полъ утра:  
явися надъ солнцемъ мѣсяць, нача полнитися  
въборѣмъ, и не доиде намоленія своего яко  
трехъ дней, и наиде на нь облакъ чрълень,  
постоявъ надъ нимъ мало (се)стунъ, и бысть  
опять малъ мѣсяць, и нача такоже полнитися,  
и наступи на ны той же облакъ; и бысть се  
четверицею того дни. Того же лѣта остави  
Іоанъ епископъ епископію; князь же великій  
Юрій възведе на его на мѣсто Симеона Рѣжест-  
веннаго. Константинъ нача рати замышляти,  
князь великій же Юрій съ братією, Свато-

(1) Въ подлинникѣ: архистарха. (2) Тамъ же: престави. (3) Въ Полн. Собр. Лѣт. т. VII, стр. 118: каю бѣ  
извну камень той около всея церкви рѣзанъ.

славомъ, и Ярославомъ (и) Иоанномъ, и Давыдомъ Муромскимъ Володимировичемъ идоша къ Ростову; а Костантинъ то слыша, Кострому оожише. Князь великий Юрій прииде къ Ростову, и быхъ о рѣцѣ Ишнѣ<sup>1</sup>, и стояша никелько (дней), земли той много зла сътвориша, и тако умириса, и крестъ цѣловаша; и поидоша отголѣ къ Мос(к)вѣ на Володимира, и миръ сътворишѣ съ нимъ, и даша ему Переславль Руский, онъ же съ Москвы поиде въ Переславль. Того же лѣта, въ Петрево говѣніе, изъѣхаша Литва безбожная Плесковъ, и пожгеша; бяху бо въ то время изгнали<sup>2</sup> отъ себе Плесковичи князя Володимира, а Плесковичѣ бяху на озерѣ; и много зла сътвориша Литва и отъидоша.

Въ лѣто 6722, мѣсяца февралѣ въ 9<sup>е</sup> день, въ недѣлю сиропустную, громъ бысть по заутренѣ, и вси слышаша; и потомъ, тогда же, змій видѣша летати. То(го) же дни иде князь Мъстиславъ Мъстиславичъ съ Новогороди на Чюдъ на Ереву, сквозѣ Чюдскую землю къ морю, села ихъ потрави, и осѣки ихъ взя, и ста съ Новогороди подѣ городомъ Въробейномъ, и Чюдъ поклонилася ему. Князь же Мъстиславъ взя на нихъ дань, и да Новогородомъ двѣ части дани, а третѣ дворяномъ. Блже же ту и Плесковскій князь Всеволодъ Борисовичъ съ Плесковичи и Торопецкій князь Давыдъ, Володимеръ братъ; и приидоша здорови вси съ множествомъ полона. Того же лѣта изгони Всеволодъ Чръный, сынъ Святославъ Всеволодича, правнукъ Олгова, внуи Ростиславля изъ Руси, рка тако: «братіа моя есте, два князя, повѣсили вы въ Галичѣ, яко злодѣа, положили есте укоръ на всѣхъ; и нѣту вамъ части въ Руской земли.» Того же лѣта поставиша Симона епископа въ Володимеръ въ Кіевѣ митрополитъ Матѣей. Того же лѣта князь Костантинъ заложилъ въ Ростовѣ церковъ

камешу святыа Богородица, на прѣвомъ мѣстѣ<sup>3</sup> 1213 надшѣися церковѣ. Того же лѣта король (Угор- 1214 ский) посади сына своего въ Галичѣ, и церковъ претвори на Латинскую службу. Тогда родися Костантину сынъ Димитрій Костантиновичъ. Постави князь Костантинъ отца своего духовнаго Пахоміа епископомъ Ростову въ Кіевѣ митрополитомъ Матѣемъ. Въ то же лѣто прислаша внуи Ростиславля въ Новгородъ къ Мъстиславу Мъстиславичю, глаголя: «се не творитъ намъ Всеволодъ Святославичъ части въ Руской земли; а поиди, поидемъ своеа отчины.» Мъстиславъ же съзва вѣче на Ярославля дворѣ, и поча звати Новогороди къ Кіеву на Всеволода Святославича на Чръного. Рекоша ему Новогороди: «камо, княже, очима поидиши, тамо и мы главами своими врыжемъ.» И поиде князь Мъстиславъ съ Новогороди Кіеву, мѣсяца іюня въ 8, на память святаго мученика Феодора стратилата, и доидоша Смоленска, и бысть распри Новогородцевъ съ Смоленяны, а по князи не поидоша; князь же цѣлова всѣхъ, поиде поклонився. Новогороди же, сътворивше вѣче о себѣ, начаша думати, и рече Твердиславъ посадникъ: «яко, братіе, страдали лѣды наши и отци за землю Рускую<sup>4</sup>, тако и мы поидемъ по своему князи.» И тако поидоша изъ Смоленска, и постигше князя, воевати идоша по Дѣвѣру города Чръниговскіе, и взяша городъ Рѣчицу на щитъ и иныа города многы Чръниговскіа, и приидоша подѣ Вышегородъ, и начаша битися, и одолѣ Мъстиславъ съ Новогороди, и аша два князя, Ростислава Ярославича и Ярополка брата его, внука Олгова, а Вышегороди поклонилася, отвориша ворота; а Всеволодъ Святославичъ Чръный выбѣже изъ Кіева за Дѣвѣрь. И воиде Мъстиславъ з братією и съ Новогороди въ Кіевъ, и поклонилася Кіанѣ, и посадиша въ Кіевѣ Мъсти-

(1) Въ Полм. Собр. Лзм. т. VII, стр. 119: о рѣку идшу. (2) Въ подлинникѣ: сътворише. (3) Тамъ же: изваля. (4) Тамъ же: въ 1. (5) Тамъ же: рускою.

1214 слава Романовича Смоленского, внука вели-  
1216 кого князя Ростислава; идоша ис Кіева къ Чернигову, и стояша 12 дній, и взяша миръ, и взявше миръ (и) дары придоша въ Новгородъ вси здоровы.

Въ лѣто 6723. Поиде князь Мьстиславъ Мьстиславичъ изъ Новгорода къ Кіеву по своей волѣ; и сѣвори вѣчо на Ярославли дворѣ; и рече Новгородцемъ: «суть ми орудіа въ Руси, а вы волны въ князехъ.» И иде изъ Новгорода х королю, проси себѣ Галича; а княгину и сына остави въ Новѣгородѣ. Новгородци же, много гадавшѣ, послаша въ Переяславль, еже на Клѣщинѣ озерѣ, по Ярослава Всеволодича, внука Юріева, Юріа Иванковича посадника, и Якуна тысячьского и купецъ старѣйшихъ 10 мужъ; и вниде князь Ярославъ въ Новгородъ, и срѣте его архіепископъ Антоній съ Новгородци. Того же лѣта преставися князь Ростиславъ Кіевскій, княживъ<sup>1</sup> въ Черниговѣ. Того же лѣта князь Володимеръ Всеволодичъ женися въ Переяславли Рускомъ, поля за себе Глѣбову дщерь Святославича Черниговского. Тогда же князь Костантинъ заложилъ церковь Успеніе въ Ярославлѣ. Того же лѣта князь Володимеръ Всеволодичъ ис Переяславля иде противу Половецъ; и побѣдѣ полки его, а самого яша. Того же лѣта князь Ярославъ Всеволодичъ въ Новѣгородѣ изыма Якуна Зуболомича, а по Фому посла по Добрынича по Новоторжского посадника, и поточи ихъ обоихъ на Тверь<sup>2</sup>. И по грѣхомъ нашимъ обиди Феодоръ Лазутиничъ и Иворъ Новоторжець Якуна тысячьского Намѣжича; князь же Ярославъ сѣвори вѣчо на Ярославли дворѣ, и идоша на дворъ Якуновъ тысячьского, и разграбѣша его, и жену его яша; а Якунъ заутра съ посадникомъ иде къ князю, и князь повелѣ яти сына его Христофора, маіа

21. Тогда же убиша Прусѣ Еустрата, на Сѣборѣ, и сына его Луготу, и вѣзръгоша ѿ въ греблю мертвѣ; князь же о томъ пожали на Новгородци<sup>3</sup>. Того же лѣта поиде князь Ярославъ на Торжокъ, поиди со собою Твердислава<sup>4</sup> Михалковича, Никифора Полюда, и Семіона, Сѣбыслава, Олексу, и много бояръ, и одаривъ посла въ Новѣгородъ; а самъ сѣде на Торжку.

Въ лѣто 6724. Тоя же осени много зла сѣворѣся въ Новѣгородѣ, побѣ морозъ обиліе по волости, а на Торжку все цѣло бысть; и зал князь Ярославъ верешъ на Торжку, не пусти въ Новѣгородъ ни воза; а Новгородци часто начаша вѣче дѣлати, и разумѣ князь яко не твердо ему будетъ сѣденіе, и того ради иде въ Торжокъ. Новгородци же послаша по князя Семена Борисовича Вячеслава Климатинича, Зубца Якуна; князь и тѣхъ пріа, и кого много пошлютъ, а князь приимаше и не пустиша отъ себе. А въ Новѣгородѣ зло бысть велико: кады рѣжы<sup>5</sup> купляху по 10 гривень, а овса по 3 гривны, рѣпы возъ по 2 гривны; ядаху людѣ сосновую кору и листъ липовъ. О горе тогда, братіе, бѣше! даваху дѣти своа одернѣ ис (х)лѣба; и поставѣша скудельницу, и наметаша ю полную. О горе бѣше! по торгу трупіе и по улицамъ, и не можяху (псы) изѣдати челоувѣкъ, но и по полю и по дорогамъ лежаху мертвіи; а Вожанѣ помроша, а останки разыидошася. И тако, по грѣхомъ нашимъ, разыидеся волость наша вся и городъ нашъ по чюжимъ землямъ. Новгородци же останокъ живыхъ послаша Юріа Иванковича посадника, Степана Твердиславича и иныхъ мужъ добрыхъ по князю, и тѣхъ пріа, а въ Новѣгородъ посла Ивора Чапоноса, выведе княгину свою къ собѣ, дочерь Мьстиславу Мьстиславича. И потомъ послаша Новгородци Манула Ягол-

(1) Въ подлинникѣ: княжавъ. (2) Тамъ же: на твердь. (3) Тамъ же: на новгородци. (4) Тамъ же: твердислава. (5) Тамъ же: рѣжрь.

певича съ послѣднею рѣчію: «понди, княже, въ свою отчину; про что къ святѣй Софѣи не идешь, а повързаешн насъ?» Ярославъ же и тѣхъ не пусти, а гость Новгородскій весь испоима, болѣ двою тысячъ, и расточи ихъ по градомъ своимъ крѣпко; а товаръ ихъ и конѣ раздаа всѣмъ дружинѣ своей. И бысть въ Новѣгородѣ плачь и въплъ лють. Тогда же услыша Мѣстиславъ Мѣстиславичъ зло то, прѣнха въ Новгородъ въ лѣто 6724, мѣсяца февраля 11 день, на память священномученика Власіа, и поима Хота Григоровича, на-мѣстника Ярослава, и всѣ дворяне искова; и выиха (въ) Ярославъ дворъ, и цѣлова честный крестъ, а Новгородци къ нему, яко съ нимъ въ животь и во смерть; «любо изышу мужи Новгородскіа и волости, паки ли голову по-валю за Новѣгородъ.» Ярославу же бысть вѣсть на Торжокъ, (и) изгониша тверѣ, а пути отъ Новагорода засѣкоша и рѣку Твѣрцу; а въ Новѣгородъ посла 100 мужъ Новгородцовъ, а река: «Мѣстислава проводите изъ Новагорода.» И не яшася по то, но вси бѣша единодушно, и то 100 мужъ, которыхъ посла. И посла Мѣстиславъ Мѣстиславичъ къ зятю своему Ярославу въ Торжокъ, съ Новгородци, попа Юріа отъ святаго Іоанна на торговищи, и со свои мужи, глаголя: «сыну, кланяю ти ся, мужи мои и гость мой пусти, а самъ съ Торжѣку понди, а со мною любовь възми.» Князь же Ярославъ Всеволодичъ того не учини, ни улюби, но пусти попа безъ мира, а Новгородци на поле съзва за Рождество, (въ) мясопустную субботу, вси мужи и гости перенмавъ и поковавъ, посла по своимъ городомъ, а товаръ ихъ раздаде дружинѣ своей и конѣ; а бѣше всѣхъ Новгородцовъ болѣ 2000. И прѣиде вѣсть въ Новѣгородъ, бѣше же Новгородцовъ мало, а мевшіи людіи онѣ разви-дошася<sup>1</sup> отъ глада, а нныѣ померли голодомъ;

князь же Мѣстиславъ сѣтвори вѣче на Яро-1216 славѣ дворѣ. и рече: «пондемъ, поимемъ мужей своихъ, а вашей братѣи, и волости своей; да не будетъ Новый Торгъ надъ Новымъгородомъ<sup>2</sup>, ни Новгородъ подъ Торжѣкомъ, но где святаа Софіа, ту Новгородъ; а въ мно-зѣ Богъ, а вналѣ Богъ и правда.» Ярославъ же посла къ брату Юрію, и присла ему князь великій Юрій въ помощь брата его Святослава Всеволодича; а Костантинъ, братъ его, присла къ нему сына Всеволода, и начаша воевати Торопецкую волость. Князь же Мѣстиславъ Мѣстиславичъ понде изъ Новагорода на Торжокъ на зятя своего Ярослава Всеволодича, мѣсяца марта въ 1, на память святаа мученици Евдокии, въ вторникъ по чистой недѣли, рекше по Зборѣ; а въ четвертокъ тоя же недѣли побѣгоша къ Ярославу крестопреступни-ци: Володиславъ Завидовичъ, Гаврило Иго-ревичъ, Юрій Олексиничъ, Гаврило Милати-ничъ, и съ женами и з дѣти, а цѣловали бяху честный крестъ къ Мѣстиславу, что бы-ти было всѣмъ за одинъ съ всѣми Новгородци. Мѣстиславъ же иде Серегеромъ, а съ нимъ Володимерь Псковскій, и вниде въ свою волость, и рече Новгородцомъ: «идите во зажитіа, толко головъ не емлите,<sup>3</sup> и идоша, и исполнишася кормомъ, и своимъ и конскимъ. И быша врьху Волгы, осѣль Святославъ Все-володичъ Ржевку, городокъ Мѣстислава, съ полки въ 10-ты тысящихъ; а Мѣстиславъ<sup>4</sup> же съ Володимеромъ Плесковскимъ понде въ борзѣхъ въ пяти сотъ, тол(ико) бо всихъ вой бѣше у Мѣстислава, и пригони, аже побѣгли бяху прочь, а Ярунь бѣше затворилъ въ градѣ Ржевѣ въ стѣ чловѣкъ, и отбися отъ нихъ. И понде Мѣстиславъ, и взя Зобцовъ, и быша на Възузѣ, и прѣиде къ нему Володимерь Рюриковичъ (съ) Смоленяны, и идоша по Волзѣ воюючи. И рекоша ему: «княже, понди

(1) Въ подлинникѣ: ни. (2) Тамъ же: раздѣлился. (3) Тамъ же: надъ городомъ новымъ. (4) Тамъ же: Мѣстиславъ.



1216 къ Торжку.» Рече же Мѣстиславъ и Володимеръ: «поедемъ къ Переяславлю, есть у насъ третей другъ.» И не бысть вѣсти где Ярославъ, во Тѣбри ли, въ Торжку ли? И (на)ѣхаша на Яруна сторожи Ярославли за Тѣбрию, и бысть имъ бой, и пособи Богъ Яруну, избѣ сторожи Ярославли, а иныхъ изымаша, а нини утекоша въ Тѣбрь<sup>1</sup>; и бысть у тѣхъ вѣсть про Ярослава, и поидоша по Волзѣ воюючи. И поидоша къ Тѣбрю на Ярослава, и оттолѣ посласта къ князю Константину въ Ростовъ, а сами поидоша воюючи; и пожгоша Шену и Дубну; а князя Володимера послаша на рубежъ съ Псковичи и съ Смоленяны въ сторожу за послы, и повоеваша все Поволжіе, и городокъ Къснѣтинъ<sup>2</sup> взяша. И присла къ нему князь Константинъ Іеремѣя, а съ нимъ пятьсотъ рати; и уерѣте его Іеремѣй отъ князя Константина съ любовію и съ поклономъ, глаголя: «азъ радъ<sup>3</sup>, слышевъ приходъ вашъ.» И оттолѣ послаша къ нему съ вѣсми рѣчьми князя Всеволода, шуринна его; а самы, возы пометавше, поидоша къ Переяславлю, вою(ю)чи. И приидоша на Городище на рѣку Сару, къ святѣй Маріи, въ великую субботу, мѣсяца априля въ девятый день, на память святаго Евтихія; и ту празнова Великъ день, априля 10. И ту прииде къ нимъ князь Константинъ съ Ростовца, и водѣша Константина къ кресту, яко не быти въ немъ прѣвѣту, а сами къ нему цѣловаша, Володимеръ же Псковскыи отрядиша въ Ростовъ. Ярославъ же поиде съ Торжку, поймавъ старѣйшіа люди Новгородскыа съ собою и молодыхъ изборомъ, а Новоторжци вси; и прииде къ Переяславлю, и скопи волость свою, а Юрій въ Володимери такоже вон скопи, а Святославъ Юріевскій такоже. И выиде ис Переяславля съ полки, съ Новгородцы и съ Новоторжци; онѣмъ же пошедшимъ къ Переяславлю, а князь Ярославъ отшелъ бѣ уже къ брату съ полки

своими, а князь великій Юрій вышелъ же изъ Володимера съ многою силою и съ братією. Се же дивно, о коль страшно, братіе! поидоша дѣти на отци, а отци на дѣти, а братіа на братію, и рабъ на господина. И ста князь великій Юрій съ братомъ Ярославомъ на рѣцѣ Гзѣ, а Мѣстиславъ и два Володимера (съ) Новгородци у Юріева, а князь Константинъ на рѣцѣ Липицѣ; и уарѣша полкъ стоящъ, и послаша къ великому князю Юрію Иларіона сотскаго, глаголюще: «кланяемъ ти ся, съ тобою намъ быди нѣтъ, но съ Ярославомъ; а съ тобою одинъ есмь человекъ.» А ко Ярославу послаша: «пусти мужи мои, Новгородци и Новоторжци, и что еси замнолъ волости Новгородскіе и Волокъ, отдай назадъ; а миръ вѣзми съ нами, а крови не проливай; а крестъ къ намъ цѣлуй.» Онъ же отвѣща: «мира не хочу, а то все у мене, мужей не отдамъ; а далече есте шли, и вышли яко рыба на сухо.» И сказа Ларіонъ тую рѣчь Мѣстиславу и Новгородцемъ, и послаша второе, глаголюще: «мы не кровопролитіа ради приидохомъ, но управитися межѣ себе, едино бо есмы племя; а старѣйшинство дати Константину, а вамъ Суздальская земля.» Они же рѣша: «вѣземъ<sup>4</sup> насъ, всю землю вѣзми.» Тако начаста ся радити къ бою; ста князь великій Юрій съ братією на горѣ Авдѣвѣ, а Константинъ съ прочими князи противъ на горѣ Юріевѣ, подъ нею же потокъ Тунегъ. И посласта къ Юрію третіе, глаголюще: «или миръ вѣзми или отступи, и мы къ тебѣ идемъ; или мы отступимъ къ Липицѣ, и вы къ намъ поидите.» Они же глаголаху: «ни мы отступимъ, ни къ вамъ не идемъ; перешедше землю, сеа ли тверди не можете перейти.» Стояше бо въ тверди, учинивше плетень съ коліемъ; а межѣ полкома бѣше дебрь болотная, и нелзѣ къ нимъ дебрию перейти. Князь же великій Юрій піаше всю тую ночь съ братією и з бояры,

(1) Въ подлинникѣ: въ тѣбрь. (2) Тамъ же: скнѣтинъ. (3) Тамъ же: радѣ. (4) Тамъ же: вѣземъ.



надѣяше бо ся на твердь и на множество вой, бѣ бо ихъ бес числа, яко бы шѣти десять Суждалтинъ на единого Новогородца. Пиющимъ же имъ, рече нѣкто отъ прѣвыхъ бояръ, Твермиръ, великому князю Юрію: «господиже княже, добро бы сѣтворити миръ, а крови не проливати, а старѣйшинство бы дати Костантину; аще бо и мало ихъ, но суть храбри отъ нашихъ Смоленяне; а Мѣстиславу, и самъ зѣси, яко въ всей братіи дастъ ему Богъ храбрость;» бѣ бо Мѣстиславъ легокъ и храберъ. Князь же великій вѣсмѣся тому и рече: «яко по своей волѣ велитъ ми ся стола отца своего отступити? а кто вниде въ Суждальскую землю ратию, а здравъ изъ нея изыде? се же глаголю, аще кто иметъ на бою человека жива, то самъ будетъ убитъ, кромѣ точию на цогомѣ, или кто прибѣгнетъ въ нашъ полкъ; а о князехъ мы размыслимъ, а то вы есть товаръ пришелъ въ руки.» Рече имъ нѣкто князю: «правъ еси, княже, право ихъ наврѣжемъ сѣдлы.» И повелъ князь прѣваго сѣѣтовавшаго о миру, яко перевѣтника, изврещи вонъ; а сѣтѣмъ же послѣднимъ начаша веселитися и явити. Князь же Мѣстиславъ нача подтвержати полки своя, глаголя: «братіе, шли есмо далеко, а нынѣ присѣй время; не обратите очю своею, ни позрите на товаръ, но пристойте къ боеви.» Хотѣ же Костантинъ поити къ Володимѣрю на Ярослава, и рече Мѣстиславъ: «брате Костантине, еда како мы поидемъ мимо Юріевъ, а онн<sup>1</sup> вдарятъ у тылъ и смятутъ ны?» Въ то же время прииде Володимѣрь съ Псковичи изъ Ростова, и рече Мѣстиславъ Новогородцѣмъ: «како хотите битися, на конехъ ли, или пѣши?» И рѣша Новогородци: «не хотимъ, княже, изирѣти на коняхъ, но якоже отци наши билися на Колакии пѣшѣ, тако и мы хоцѣмъ,» князь же Мѣстиславъ радъ бысть тому; Новогородци же сосѣдше съ коней, и порти сѣтавши, и

санови сѣтавши, боси потокоша. И рече Мѣсти-1216 славъ: «гора намъ не поможетъ, ни побѣдитъ насъ.» И посланна напередъ пѣшци, а сами за ними поидоша на конехъ, пришедши же къ добри стама, и кликнуша съ ону страну добри, и врыгоша въ Мѣстислави кнѣ, а Мѣстислави съ сеа стороны врыгоша къ нимъ топор(и), и тако побѣгоша на нихъ Новогородци и Смоленяне черес добръ, и вышедше начаша сѣти Ярославли полки, и бысть сѣча ала. Князь же Мѣстиславъ видѣ своихъ сѣкущихся, поиде не нихъ борзо, глаголя: «кто смѣхъ не жалуешь?» и перенха на ону страну, и начатъ сѣщи а; тако же и вси вой его по немъ перенхаша. Смоленяне же обратшася на товары и не крѣпко бѣахуся, Мѣстиславъ же имъ въ рудѣ топоръ съ паворозомъ, и тѣмъ сѣчаше ихъ; и приша сквозѣ полки Ярославли трижды. И тако Божіею помощію и святыа Софіа одолѣ Мѣстиславъ, побѣди Ярослава и братію его; Ярославъ же выдавъ плещи побѣже. Князь великій же Юрій стоа прямо Костантину, видѣ Ярославъ полкъ побѣгшѣ, и тѣмъ вдасть плещи, побѣже къ Володимѣрю; они же безъ милости изсѣкоша ихъ уганяючи, и не погнашася за великимъ княземъ къ Володимѣрю<sup>2</sup>, аще бы погнашася, угонили бы Володимѣрь. Бысть же сіа побѣда въ четвергъ 2 недѣли по пасцѣ, мѣсяца априля 21, на память святаго мученика Іануаріа и дружины его. О многы побѣды, братіе! кто не въсплачется слышавъ сію горкую побѣду надъ своею братіею, вытѣ прободеныхъ и гласъ протинаемыхъ, и еще живыхъ сушихъ и кричащихъ отъ болѣзни? многое бо множество избытихъ, яко ни умъ человѣческій не можетъ смыслити; не токмо на боищи костры мертвыхъ, но и по многымъ мѣстомъ лежаше трупіе, овнѣ мертви, а друзи еще дышущи; много же отъ нихъ и перенмани и повязани, плачущеся грѣкымъ

(1) Въ подлинникѣ: оуни. (2) Тамъ же: мѣстиславъ. (3) Тамъ же: к володимѣроу.  
Т. XV.

1216 плачешъ, видяще своихъ мертвыхъ же погребенныхъ. Князь же Константинъ повелѣ погребати ихъ и имати тѣлеса, (и)же кто хоташе гдѣ погребсти. У князя же у Константина тогда бѣше въ полку два челоуѣка храбрыи, Олешка Поповичъ и челоуѣкъ его Торепъ, и Тимоня Золотой поясъ. Избытихъ же полка великого князя Юрія 9000 и 200 и 30 и 3 челоуѣки; а у князя Мстислава въ полку избытихъ 4 челоуѣки Новгородци, а пѣтос Смолинци. Се же избіеніи Новгород(ци): на прѣвомъ съступѣ убиша Димитра Плесковича, Оптова котельника, Иванка Прибышничу опонника, а въ загонѣ Иванка Поповича, (Самюна Петриловича) Терскаго даника. Князь великій же Юрій прибѣже въ Володимеръ въ единого сиротѣ и подкладъ вывръгъ на пѣтомъ кони, а чѣтыри одушивъ; бѣ бо тѣлоуѣ толстѣ и стяжекъ. Володимерци же, видѣвше князя единого бѣжаща, върадовашася, глаголюще: «наши одолѣли;» и бѣша бо князя гонца съ вѣстію бѣжаща въ градъ. Князь же прибѣгъ нача вѣдати къ вечеру по граду, повелѣ крѣпити городъ, и утвердити повелѣваше осаду, хотѣше бо въ градѣ затворитися; Володимерци же слышавше въскричаша, глаголюще: «съ кимъ, княже, затворимся? братіа наша вся избыти, а нѣи исперемани.» Бѣ выпли вси Володимерци на бой, и до куща и до пашенного челоуѣка, а толяко оставася перекотни людіе, игумени съ черьци, и попы и діакони, и кто церкви служатъ, и слѣпи и кромѣи. Бысть же плачь неутѣшимъ въ Володимерѣ и въ Суждадѣ, плачуще старіи немощей дѣтей своихъ, а жены мужей своихъ, а маліи отцевъ своихъ и братій; не (бѣ) бо такого двора, илѣже бы кричаніа и зѣвля не было, и странно бѣ видѣти челоуѣки изъопухша отъ слезъ. Рече же къ нимъ князь великій Юрій: «только, братіе, стойте, а то вѣдаю все азъ; а

не выдайте мя братіе, абы есмы вышелъ по своей волѣ.» Ярославъ же прибѣже къ Переславию на четвертомъ кони, а 3 удупливъ, и ни тутъ оставя своего зла; не что ни естъ тутъ гостя! Новогородского повелѣ всѣхъ Новогородцовъ вытаты въ погребы, а нѣмѣ въ избѣ затвори въ полтораства челоуѣкъ, а Смолянъ двадесѣть и пѣть, и ту издохша въ множествѣ. Князи же побѣдѣвъ, Константинъ, и Мстиславъ и два Володимера, съ полкомъ пондоша по Юрію къ Володимерю. Тогда же въ недѣлю рано прѣидоша князи къ Володимерю, князь же Юрій посла къ нимъ пути проса съ молбою; они же стаща подъ городомъ. И тоя ночи загорѣся въ городѣ князя великого дворъ, и хотѣша Новогородци молѣсти къ граду, и не да имъ Мстиславъ. И бысть заутра, посла князь великій Юрій къ нимъ: «не дѣйте<sup>1</sup> мене днесь, а заутра понду изъ града.» И наутрѣ изыде къ нимъ съ поклономъ, и рече Мстиславу: «тебѣ, брате, живеть дати, и клѣба накернити; а азъ въ всемъ виновать.» И даша ему Городецъ Радлювъ, и тако събрався въ судѣхъ съ княгинею и з дѣти, и владыка Симонъ съ нимъ, глаголя: «суди, Боже, брату моему Ярославу, яко сего мя доведе.» Князь Мстиславъ съ Новогородци послаша Константина въ Володимери, на столѣ оти и дѣднѣ; князь великій же Константинъ одары великими дары и честию чествова князи и Новогородецъ бесчисла; приведе же Володимерци къ кресту, къ цѣлованію, и тѣхъ остатокъ одари и пожалова. А потомъ пондоша къ Переславию, и пришедшемъ имъ нача Ярославъ молитися о миру, и вышелъ удари челоуѣ брату старѣйшому Константину, глаголя: «накорми мя, брате, клѣбомъ; а во твоей есми волѣ, а не выдай мя тестю моему.» Князь великій же Константинъ управи Ярослава съ Мстиславомъ, и миръ вземъ цѣловаша крестъ; а Мстиславъ

(1) Въ подлинникѣ: гости. (2) Тамъ же: выѣзъ. (3) Тамъ же: не идѣте.

взя дочь свою, а Ярославлю княгыню, и что живыхъ Новгородцовъ поима, и поиде къ Новгороду, и что было съ Ярославомъ въ полку, то приидоша вси здорови въ Новгородъ; а князь великій Костантинъ къ Володимеру на свой столъ, а Володимеръ къ Смоленску, а другой Володимеръ къ Киеву. Княженіе великого князя Костантина Всеволодича. Того же лѣта князь великій Костантинъ заложилъ церковь въ Ярослав(а)ѣ святаго Спаса. Того же лѣта преставился епископъ Ростовскій Пахомый, и въ него мѣсто поставленъ бысть Кирилъ, черноризецъ изъ Суждала отъ святаго Димитрія. Того же лѣта прииде Мстиславъ въ Новгородъ, и радъ бысть архіепископъ Іоанъ и Новгородци, занеже пришли бяху изъ Суждала вси здрави. И тогда отъяша посадничество у Юрія Иванковича и даша Твердиславу Михалкову.

Въ лѣто 6725. Князь Глѣбъ Рязанскій, наученъ сотономъ на братоубійство, съ братомъ Костантиномъ умыслиша избыти всю братію, и всю власть Рязанскую за себе взяти. И спидошася братіа на Исадахъ порядъ положити, и братъ ихъ Изяславъ ВолодимERICъ, Ростиславъ, Святославъ, Романъ, Глѣбъ; онъ же позва ихъ яко на честь пира, а уготова на нихъ Половецъ и дружину свою въоруживъ въ другомъ шатрѣ въ постелномъ. И яко нача веселитися, и Глѣбъ и Костантинъ послаша по убійца тын, а сами, взявши мечи, начаша съчи князей, и бояръ и дружину всю, и убиша пять братаничевъ, а шестаго брата Изяслава; а сами бѣжаніа въ Половци. Ингваръ же Игоревичъ не успѣ прийти на съвѣтъ ихъ, и тако заступи его Богъ отъ лютой смерти. Того же лѣта поиде Мстиславъ Мстиславичъ изъ Новгорода къ Киеву, остави княгыню въ Новгородѣ и сына своего Василя, и поа (съ) собою Юрія Иванковича, Збыслава Степановича, Олек(с)у Путиловича. Тогда же прииде Володимеръ въ Новгородъ, своими оружїи, а въ то время воеваша Литва въ

Шелонѣ; Новгородци же поидоша по нихъ, 1216 и не състигоша ихъ; и поидоша къ Медвѣжѣ Го- 1218 ловѣ съ княземъ Володимеромъ и посадникомъ Твердиславомъ, и стаща подъ городомъ. Чюдъ же начаша слати съ поклономъ, съ лестію, а по Нѣмци пославше; и начаша Новгородци кадати съ Плесковичи о Чюдской рѣчи, отшедше далеце на товаръ, а сторожѣ ночни бяху пришли, а дневни не пошли; а шашаша безъ вѣсти Нѣмцы на товары, Новгородци же побѣгоша съ вѣча въ товары, и поймавшие оружїе выбыша Нѣмцевъ ис товаръ, и побѣгоша Нѣмцы къ городу, и убиша у нихъ Новгородци два воеводы, а третіаго рука нашла, и коневъ отъяша 700, и приидоша вси здоровы. Князь же Мстиславъ Мстиславичъ прииде въ Новгородъ безъ нихъ, и ятъ Станислава Дерновича съ сыномъ съ Нѣзидомъ, и оковавъ моточы, и товара поима бес числа, и опять пусти ихъ. Того же лѣта князь великій Костантинъ Всеволодичъ посла по брата по Юрія на Радилонъ Городецъ, и пришедшу ему сътвориста любовь межъ собою велию; и дари его много, и княгыню его, и дѣтей, и епископа и бояръ, и дасть ему Суждалъ, а по своему животѣ Володимеръ; и влиде въ онъ князь Юрій сентевря 11. Того же лѣта Володимеръ Всеволодичъ прииде ис Половецъ къ братіи, и даша ему Стародубъ и иную власть.

Въ лѣто 6726. Князь великій Костантинъ Всеволодичъ заложилъ въ Володимери на торговниши церковь каменну Въздвиженіе; начаша дѣлати маа 6, а священа на праздникъ еа. Того же мѣсяца маіа 31 день въ Новгородѣ бысть пожаръ великъ: загорѣся отъ Ивана отъ Яршевича въ полы утро, и погорѣ до полудне весь полъ, не остана ни хорома; кто бѣше въбѣгль въ каменныя церкви и съ товари, и ту изгорѣша сами и товары, а въ Варяжской божницѣ изгорѣ товаръ весь Варяжскій, безъ числа; церквей згорѣ 15, а (у) каменныхъ церквей огорѣша верхи и при-

1218 творн. Того же лѣта поиде Мѣстиславъ Мѣсти-  
 1219 славичъ на Торжокъ, и поима Борислава Неку-  
 ришничча, и взя у него товара много, и пусти  
 его. Тогда же разболѣся у Мѣстислава сынъ  
 Василей Мѣстиславичъ на Торжѣку, и престави-  
 ся, и привезоша его мертвъ въ Новгородъ; и  
 положиша его у святѣй Софѣи, въ придѣлѣ  
 у святыа Богородици, въ головахъ у дѣда, мѣ-  
 сяца апрѣля въ 1 день; а самъ выиха въ 5 день.  
 Того же лѣта заложн архіепископъ Антоній  
 церковь каменну святыа Варвары въ монастырь.  
 Того же лѣта съзва Мѣстиславъ Мѣстиславичъ  
 вѣче на Ярославн дворѣ, и рече: «кланяюся  
 святѣй Софѣи, и гробу отца моего и вамъ, хоту  
 поискати Галича, а васъ не забуду; дай Богъ  
 лечи у отца, у святѣй Софѣи.» Новгородци же  
 много молахуся: «не ходи, княже,» и не можа-  
 ху его уня(ти). Того же лѣта прииде архіепис-  
 копъ<sup>1</sup> Митрофанъ изъ Володимера, и прова-  
 диша его Новгородци къ святѣй Богороди-  
 ци Благовѣщенію. Того же (лѣта) прииде въ  
 Володимеръ къ великому князю Константи-  
 ну изъ Царяграда епископъ<sup>2</sup> Полотцкій Вла-  
 димеръ; и принесе часть отъ страстей Господ-  
 нихъ, и обѣ руцѣ Логина, и отъ мощей Маріи  
 Магдалины. Того же лѣта князь великій Ко-  
 нстантинъ Всеволодичъ старѣйшому сыну Ва-  
 силку дасть Ростовъ, а Всеволоду Ярославъ.  
 Того же лѣта преставися Ростиславъ Рур-  
 ковичъ, зять великого князя Всеволода. Тогда  
 же преставися Костантинъ Давыдичъ, внукъ  
 Ростиславъ. Того же лѣта поиде Мѣстиславъ<sup>3</sup>  
 Мѣстиславичъ въ Русь, и послаша Новгород-  
 ци по Святослава Мѣстиславича въ Смоленскъ.

Въ лѣто 6727. Побѣже въ Новгородѣ  
 Матѣй Идушиловичъ, связавъ Монсейца бир-  
 ча ябедничъ<sup>4</sup>; Новгородци же угонивше яша  
 его, и ведоша его на Городище; и вниде лжа  
 въ городъ, выдалъ Матѣя Твердиславъ князю.  
 Узвоннша у святого Николы онихполовичи

черезъ ночь, а Неревскій конецъ у 40 Му-  
 ченикъ, также копяче люди на Твердисла-  
 ва; и бысть заутра пусти князь Матѣя,  
 учувъ голку въ городѣ и матежъ; и поидоша  
 онихполовичи и до дѣтины въ броняхъ и  
 въ шеломихъ, акы на рать, а Неревляне та-  
 коже, а Загородци не востаха не по тыхъ,  
 ни по сихъ; но зряху перезора. Тврьдославъ  
 же, позря на святую Софѣю, рече: «аще буду  
 виновать, да буду ту мертвъ; буду ли правъ,  
 ты мя, Господи, оправд.» И поиде (съ) Прусы  
 и съ Людныимъ концемъ; и бысть сѣча у  
 городскихъ воротъ; и побѣгоша на оныхполъ,  
 а друзи въ конецъ<sup>5</sup> мость переметаша; и пе-  
 ренхаша онихполовичи въ лодіяхъ, и поидо-  
 ша великою силою. Оле, братіе, чюдо свадн  
 окаянный діаволъ! когда бѣше брани быти  
 на поганыхъ, тогда ся начаша быти межн со-  
 бою; и убиша Прусь мужъ единъ, а кончанъ  
 другій, а онихполовичъ Ивана Душилцева,  
 брата Матѣева, а въ Неревскомъ концн  
 Костантина Прокопійничча, нныхъ 6 мужъ;  
 а раненыхъ много обонхъ. Бысть же се мѣсяца  
 генваря 27 день, на пренесеніе мощемъ Іоан-  
 на Златоустаго. И тако быша вѣча по всю  
 медѣлю; но Богомъ діаволъ посрамленъ бысть  
 и святою Софѣею, крестъ възвеличанъ бысть,  
 и сънидошася братіе вкупѣ и крестъ цѣлова-  
 ша. Князь же Святославъ Мѣстиславичъ при-  
 сла своего тысяческого на вѣче, рекъ: «не  
 могу быти съ Твердиславомъ, отънимаю по-  
 садничство у него.» Рекоша же Новгородци:  
 «есть ли вина его?» Онъ же рече: «безъ вины.»  
 Рече же Твердиславъ: «тому есмь радъ, оже  
 вины моеа нѣту; а вы, братіе<sup>6</sup>, въ посаднич-  
 ствѣ и въ князѣхъ волны.» Новгородци же  
 отвѣщаша князю: «оже нѣту вины его, ты къ  
 намъ крестъ цѣловалъ безъ вины не ли(ши)-  
 ти мужа; тебѣ ся кланяемъ, а се нашъ по-  
 садникъ.» И бысть мирно. Княженіе вели-

(1) Въ подлинникѣ: архіеписк. (2) Тамъ же: еписк. (3) Тамъ же: мѣстиславъ. (4) Тамъ же: ябедничъ. (5) Тамъ же: въ ночь. (6) Тамъ же: брате.

кого князя Юрія Всеволодича, въ Володимирѣ, по Костантинѣ. Тоя же весны преставися великій князь Костантинъ Всеволодичъ, и положиша его въ Володимери, въ церкви святыа Богородица Златоверхіа; а князья его пострижеса надъ гробомъ его. И сѣде по немъ на великомъ княженіи братъ его Юрій; и епископъ Симонъ въниде въ свою епископію въ Володимеръ. Того же лѣта Глѣбъ, безаконній братоубійца, Рязанскій съ братомъ Костантиномъ и съ множествомъ Половецъ приидоша къ Рязаню<sup>2</sup>; Ингваръ же съзъкуписа съ братією, иде противу имъ, и побѣди ихъ, и множество Половецъ избыша, а Глѣбъ утече въ Половци. Тогда же князь великій Кіевскій Мъстиславъ Романовичъ посла сына своего Всеволода въ Новъгородъ по сына своего Святослава, и рече: «примѣте себѣ князя сына моего меньшаго, Всеволода, а старѣйшаго, Святослава, пустите ко мнѣ.» Новогородци же сътвориша волю его. Того же лѣта Мъстиславъ Мъстиславичъ и Володимиръ Руриковичъ идоша на королевича<sup>4</sup> къ Галичу, онъ же выиде противъ имъ, и зъ Галичаны, и съ Чехи, и съ Ляхи, и съ Моравы и съ Угры; и одолѣ Мъстиславъ, а королевича ятъ и жену его. Посемъ взя миръ съ королемъ и сына его пусти; а самъ сѣде въ Галичи. Того же лѣта родися у Ярослава сынъ Феодоръ.

Въ лѣто 6728, зимѣ, выгнаша Угри Мъстислава изъ Галича, и сѣде королевичъ въ немъ. Тоя же зимы поиде Седмьюнъ Имниъ, въ 4-хъ стѣхъ, на Тоймокары, и не пусти ихъ князь великій Юрій, ни Ярославъ, сквозъ свою землю, и приидоша къ Новугороду въ лодіяхъ, и стала по полю шатры на зло; и замыслиша, Твердиславъ, Якунъ тысяческій заслали къ Юрію не пустити ихъ туда, и възвядиша городъ. Тогда же отъяша посадничество у

Твердислава и даша Семену Борисовичу, а 1219  
тысячское у Якуна отъяша и даша Седмью- 1220  
ну Имину. Того же лѣта кончаша церковь святыа Варвары каменну. Того же лѣта за-  
ложиста Твердиславъ съ Федоромъ церковь каменну святого Миканла, а другую Святыхъ 3  
Отрокъ, посторонъ<sup>5</sup>, малу; и съзършиша ю въ 4 дни. Въ то же лѣто посла князь великій Юрій Всеволодичъ брата своего, Святослава Всеволодича<sup>6</sup>, на Болгары ратию, съ всѣми  
своими; а Ярославъ братъ ихъ своа воля посла, а Василко посла Ростовци и Устьюжанѣ, а Давыдъ Муромскій посла сына Святослава Давыдича, а братъ его Юрій сына Олга Юріевича. И приидоша близъ града Ошля, и выидоша (и)зъ людей на брегъ, и выиде проти-  
ву имъ князь Болгарскій съ силою своею, и помдоша противъ себе; Болгаре же стрѣли-  
ше по стрѣлѣ, побѣгоша въ городъ и затво-  
ришася. Святославъ же Всеволодичъ съ вой  
своими иде къ граду, около же града бѣ  
острогъ, тынъ дубовъ, а за нимъ два оплота  
и межи ими валъ съсыпанъ, по тому рыщучи  
Болгаре и(зъ) затыніа біахуса. Приступи же  
Святославъ къ граду съ всѣ стороны, а на-  
передъ пѣшци (съ) огнемъ и топоры, а за ни-  
ми стрѣлцы и копейники, и бысть брань зла,  
посѣкоша тынъ, и оплотъ раскопаша и зажго-  
ша, а Болгаре бѣжаша въ городъ; а сіи за  
ними сѣкуще; потомъ къ граду приступише  
отвсюду зажгоша его, и бысть буря, и дымъ  
великъ на сихъ потану. Они же ополчившеся  
поидоша зъ другую сторону, и тако напередъ  
всѣхъ потече самъ князь Святославъ<sup>7</sup>, а по  
немъ вси вой; и тамъ посѣкоша оплотн, и  
Болгаре бѣжаша въ городъ; а сіи пришедъ  
зажгоша его, и тако отвсюду обстоише огнь,  
и бысть въплъ великъ. А князь ихъ бѣжа  
изъ града; а которіи выбѣгоша пѣши, а  
тѣхъ избыша, а жены и дѣти поплѣниша, а

(1) Въ подлинникѣ: въ святую. (2) Тамъ же: къ рязаню. (3) Тамъ же: мѣстаславъ. (4) Тамъ же: на королевича.  
(5) Тамъ же: посторонѣ. (6) Тамъ же: всеволодича. (7) Тамъ же: кяславъ.



1220 нині нагорѣша, а прочіи сами ся изсѣкоша.

1221 А Святославъ стоя ту, дондеже изгарѣ градъ, и взяша Ошелъ градъ, нже бѣ создамъ Александремъ Македонскимъ. Бысть же сіа побѣда іюня 15, на память святаго пророка Амоса. И тако възвратившася къ лодіамъ, и поидоша на Волгѣ въ връхъ; то же слышавше въ Великомъ градѣ Болгаре и въ прочихъ градѣхъ, и събравшеся идоша къ Из(с)адоу на брегъ; а Святославъ то слышавъ, повелѣ воемъ вооружатися, и стяги наволочивъ, изрядивъ полки въ насадѣхъ, и ударивша въ накры, и въ арганы, и въ трубы, и въ сурны и въ посвистѣди, а Болгаре стояще по берегу, вражде своихъ плѣнныхъ, плакахуся. Святославъ же минувъ Иссады, ста на усть Камы, и ту прииде Вомславъ Добрыничъ съ Ростовомъ, и съ Устюжаномъ и съ полономъ многымъ; тыи бо по Камѣ бѣаша многыя грады и села, и вся области тѣ поплѣнениа, а люди изсѣкоша, а нныхъ поплѣнениа. И поиде Святославъ къ Володимеру, и пришедшу ему въ Клязму, сръте его князь великій Юрій и з лѣтми, и честь велику възда ему и всѣмъ воемъ за три дни; и иде Святославъ въ градъ свой Юріевъ. Того же лѣта Всеволодъ Мстиславичъ иде съ Новогородомъ къ Пертуеву, и устрѣтоша сторожовъ Нѣмци, Литва, Либъ, и бишася, и пособи Богъ Новогородомъ; идеша нощъ городъ, и стоаша 2 недѣли, не взяша города, и поидоша прочь, и придоша здоровы. Того же лѣта архіепископъ Антоній иде на Торжокъ; Новогородомъ же введоша опять архіепископа Митрофана на столъ, а ко Антонию послана: «повиди, гдѣ ти любо.» Антоній же поиде въ Новгородъ, и сѣде у святаго Спаса въ Нередицѣхъ. Князь же и Новогородомъ рекоша Митрофану и Антонию: «идита къ митрополиту въ Кіевъ, когѣ намъ прилетѣть, тотъ намъ владыка.» И путивша съ нимъ Васіана попа чрънца и другаго попа

Бориса. Пришедъ же отъ Пертуева, даша оныи посадничество Твердиславу и Якуну тымечское.

Въ лѣтѣ 6729, зинѣ, на братиѣ хождениі, князь великій Юрій Всеволодичъ нача радитися самъ на Болгары, оимъ же прислаша послы свои съ молбою и съ челобитіемъ, онъ же не приять молбы ихъ, и нача вон съвокушати, а Василику повелѣ на Городецъ поити; а самъ прииде на Омуть, и ту придоша къ нему нині послы Болгарстии съ молбою, онъ же не возрѣ на нихъ, и отпусти ихъ безъ мира, и прииде на Городецъ, а Василику уже пришедшу. Болгаре же слышавше, убовешеся, и послаша нныхъ пословъ съ многими дары и челобитіемъ, и приять молбу, и дасть имъ миръ по давнему, како было при отцѣ его Всеволодѣ, и посла водити ихъ всѣхъ въ роту, а самъ възвратися. Тоя же зими, генваря 24, преставися великаа княгиня Костантинова Огафіа, въ Ростовѣ; положишиа ю въ соборной церкви святыа Богородица. Того же лѣта Литва воєва Черниговскую волость; и Мстиславъ Святославичъ угонимъ ихъ изби, а поелъ отъя. Тоя же зими, марта 17 день, прииде архіепископъ Митрофанъ въ Новгородъ, на свою епископію, оправдася Богомъ и святому Соеію; а другаго архіепископа Антоніа митрополитъ Матфей удържа у себя въ чести, и дасть ему епископію въ Перемышлѣ. Того же лѣта Мстиславъ Роминовичъ Кіевскій, и Мстиславъ Мстиславичъ и нині князи мнози идеша на Галичъ; королевичъ же затворися; оны же повоеваша всю землю, възвратившася. Того же лѣта преставися митрополитъ Матфей въ Кіевѣ; а поставленіа его: въ Ростовѣ епископа Пахоміа, Новугороду архіепископа Митрофана. Того же лѣта Всеволодъ Мстиславичъ иде въ Смоленскъ, своимъ орудіемъ, 6730. Тоя же зими прииде князь Всеволодъ Мстиславичъ изъ Смоленска

(1) Въ подлинникѣ: положиѣ.



из Торжокъ; не хоти же діаволъ добра реду  
человѣческому, и злиѣи чловѣци: аложина ннѣ-  
мо грѣхъ въ сердце, гнѣвъ до Твердислава  
же, безъ вины; и приде въ Новгородъ, и  
възвѣди весь городъ, хоти убити Твердисла-  
ва, а Твердиславъ бѣше боленъ. И поиде  
князь Всеволодъ съ Горединца, съ всѣмъ дво-  
ромъ своимъ, понарядився въ броню: аки на-  
равъ, и спринца на Ярославъ дворъ; и снѣдо-  
цася Новгородци къ нему въ оружіи, и  
сташа полкомъ на княжѣ<sup>1</sup> дворѣ. Тверди-  
славъ же бѣше немощенъ, и вывезоша его на  
спинахъ изъ Борису и Глѣбу; и ошенишася  
о немъ Пруси, и Лядиши: панецъ и Загоро-  
дци, и сташа около его полкомъ, урядившися  
на 5 полковъ<sup>2</sup>. Князь же уярѣлъ рѣкъ ихъ,  
оже хотѣтъ крѣпко стати за Твердислава, и  
не поиде, но присла владыку Митрофана съ  
вѣстми добрыми: вѣстми; и оуде ихъ влады-  
ка въ любовь, и крестъ цѣловаша князь и  
Твердиславъ; Богомъ и святою Софією крестъ  
възвѣщавшамъ бысть, а діаволъ попрашъ бысть,  
а брати окупъ быша. Твердиславъ же: снѣдо-  
ся съ княземъ въ любовь: ажишася посадничѣ-  
ства, немощенъ бѣше, и даша посадничество  
Иванку Дмитровичу; въ той же немощи пре-  
бысть 7 недѣль, и приа болшую немощь, и  
утанься жены и дѣтой. и иде въ манастиръ  
къ святѣй Богородици въ Архангъ, мѣсяца фев-  
рала въ 8 день, и постранишася; тогда же и  
жена его пострыгася въ дружиѣ манасти-  
ри у святыхъ Варвары. Того же лѣта покланяша  
пути Новгородци Всеволоду Мстиславичу,  
внуку Романову: «не хочѣхъ тебе, поиди ка-  
ко хочеша;» и иде къ отцу въ Русь. Того  
же лѣта поиде князь Мстиславъ Мстиславичъ  
и Володимѣръ Рюриковичъ изъ Кіева на Га-  
личъ на королевича; и выидоша: противу  
нихъ Чехове, и Ляхове, и Мораве и Угры, и  
бысть ихъ бой; и бѣся съ ними Мстиславъ  
крѣпко, и пособи Богъ Мстиславу, и зѣнна

въ городъ въ Галичъ, и королевича руками 1211  
лтъ въ другіе и съ женою, и зѣна съ королемъ 1223  
миръ, отпусти сына его; а самъ сѣде въ Га-  
личѣ, а Володимѣръ Рюриковичъ въ Кіевѣ. То-  
го же лѣта князь великій Юрій Всеволодичъ  
заложилъ Новгородъ Нижній на рѣкѣ Олѣ.

Въ лѣто 6730. Послаша Новгородци вла-  
дыку Митрофана въ Володимѣръ къ велико-  
му князю Юрію Всеволодичу; и вда имъ сына  
своего Всеволода на всей воли Новгород-  
ской. Того же лѣта заложилъ князь великій  
Юрій Всеволодичъ въ Сумдалѣ цѣрковь ка-  
менну святыа Богородица, разрушилъ прѣвое  
основаніе, поспѣе убо нача ся уже рушити  
старостию, врь(хъ) же са въвалъ бѣ, иже  
бѣ прежде сздавалъ прадѣдъ его Владимѣръ  
Мануахъ, при епископѣ Евремѣ. Того же  
лѣта князь великій Юрій Всеволодичъ присла  
брата своего Святослава Новгородцемъ въ  
помощь; аидоша Новгородци съ Святославомъ  
изъ Кіева, и придоша Литва въ помощъ же,  
и много воеваша, но города не зѣнна.

Въ лѣто 6734. Князь Всеволодъ Юріевичъ  
небѣже въ ночи, утанься, изъ Новгорода,  
съ воймъ дворомъ своимъ, иде къ отцу; Нов-  
городци же печал(н)и быша о томъ. Тогда  
же послаша Новгородци мужи старѣйшии  
къ великому князю Юрію, глаголюще: «аще  
ты не угодне дръжати сыномъ, то дай намъ  
брата Ярослава.» Тамъ же зѣмни приде Яро-  
славъ<sup>3</sup> въ Новгородъ, а ради быша Новго-  
родци. Тогда же воеваша Литва около То-  
ронца, и гониса по нимъ Ярославъ съ Новго-  
родци до Вое(в)ята, и не угони ихъ. Того же  
лѣта престависа архіепископъ Новгородскій  
Митрофанъ, мѣсяца іуліа 3, на память свягаго  
мученика Уашифа, понедѣлянику сѣтающу; и  
положенъ бысть въ святѣй Софїи въ вѣтво-  
рѣ. Того же дни введоша въ дворъ Арсенія  
чернца съ Хутина, мужа добра и болящася  
Богомъ.

(1) Въ подлинникѣ: на княжѣ. (2) Тамъ же: полкомъ. (3) Тамъ же: Ярославъ.



1224 Въ лѣтѣ 6732, зинѣ, прииде князь Ярославъ отъ брата съ всею силою, и поиде съ всею Новгородскою областію х Коляваню; и повоеваша всю землю Чюдскую, и полона приведоша бес числа, и злата много взя князь съ города окуца; но города не взяли, и приидоша вси здорови. Тоа же зими, мѣсяца генваря 6, поставленъ бысть Кіеву митрополитъ Кирилъ, бѣ бо велии учителень и книжель. Того же мѣсяца 26 погрозѣ громъ, 733. Тоа же зими поиде князь Ярославъ съ княгынею и з дѣтии изъ Новгорода къ Переяславлю; Новгородци же кланяхуся ему, рекуще: «не ходи, княже.» Онъ же поиде по своей волѣ. Новгородци же послаша изъ великому князю Юрію по сынѣ, и дасть имъ опять сынъ свой Всеволодъ, 732. Того же лѣта явися звѣзда на западѣ, луча отъ нея конейнымъ образомъ, юже зовуху человекъ хвоста. Того же лѣта священникъ бысть перекъ сятаго Спаса въ Ярославли, юже заложилъ князь великій Константинъ, а съвърши сынъ его Всеволодъ. Того же лѣта въ Суздали погорѣша лѣси, и болота и дубравы; бѣше же дымъ по всей земли, яко не мочи бѣху и птицаи лѣтати, но падаху на полѣ, и на посадѣ и въ градѣ. Того же лѣта прииде князь Всеволодъ Юріевичъ въ Новгородъ. Того же лѣта убиша князя Вячка Нѣмци въ Юріевѣ, а городъ взяли. Того же лѣта, по грѣхонъ нашимъ, не ту ся единое зло учини: выиха Феодоръ посадникъ съ Рушаны, и бѣшася съ Литвою, и згоуниша Рушанъ съ коней, и много коней отъгна; и убиша Домажира Торопинича, а Рушанъ много, и разгоуниша иныхъ по лѣсу.

Повѣсть о Калканкомъ новонцѣ, и о князехъ Рускихъ, и о храбрыхъ 70. Въ лѣтѣ 6732. По грѣхонъ нашимъ, приидоша языци незнаемн, божбожнии Молвитяне, ихже никтоже добръ не вѣсть ясно, кто суть, и откогѣ изыдоша, и что языкъ ихъ, и которого племени суть, и что вѣра ихъ; и

зовуть я Татари, а инѣ глаголють Таурмени, а друзи Печенѣи. Инѣ же глаголють, яко сѣи суть, о ни(хъ) же Мефодій, епископъ Паторонскій, свидѣтельствуеъ, яко сѣи суть вышши изъ пустыни Евровскіа, сущи межѣ вѣстока и сѣвера. Тако бо глаголетъ Мефодій: яко въ скончаніи времени явитися имъ, ихже загла тамо Гедонъ, и нашедше оттуду, поидѣху всю землю, отъ востока до Евранта, и отъ Тигра до Пенетскаго моря, кромѣ Евюма. Богъ же вѣсть единъ, кто суть и откогѣ изыдоша, премудринъ мужи вѣдѣтъ я добръ, кто книги разумѣетъ; мы же ихъ не вѣимъ кто суть, но и азъ написахъ о нихъ напѣти ради Рускихъ князь и бѣды, аже бысть отъ нихъ; но не сихъ же ради сіе случися. но гордости ради и величанія Рускихъ князь попусти Богъ сему быти. Бѣша бо князи храбры и мзны, и высокоумны, и мнѣшася своею храбростію съдѣлающе; игнаху же и дружину многу и храбру, и тою величавшася, отъ нихже о единомъ вѣспоминѣмъ азъ, описаніа налѣзше. Бѣ и кто отъ Ростовскихъ жителей Александръ, глаголемый Поповичъ, и слуга бѣ у него именъ Торонъ; служаше бо той Александръ великому князю Всеволоду Юріевичу, повнегда же дасть князь великій Всеволодъ градъ Ростовъ сыну своему князю Константину, тогда и Александръ начатъ служити Константину. Егда же преставися великій князь Всеволодъ, Константинъ не восхотѣ быти въ Володимерѣ, но у пречистіа Ростовскіа и чудотворцемъ нелюбѣ жити, тѣмъ и прошае Володимера къ Ростову, а не Ростова къ Володимерю; ту бо омышляше столу быти великому князю; но не восхотѣ сего пречистая Богородица. И дасть князь великій Всеволодъ столъ свой меншему отъ Константина сыну своему Юрію; тѣмъ Константинъ гнѣвашеся на брата о княженіи, а князь великій Юрій многи браны на Константина вѣдѣше, хотя съ Ростова съгнати его, и не попусти ему Господь. Пришедшу бо ему

на въ ратию, Костантинъ отъиде къ Костромѣ и тоа съжже; князь великій Юрій стоаше подъ Ростовомъ, въ Пужбалѣ, а войско стояше за двѣ версты отъ Ростова, по рѣцѣ Ишнѣ, бѣхуть бо ся вмѣсто острога объ рѣку Ишню. Александръ же выходя многы люди великого князя Юрія избиваше, ниже костей накладены ногыли велики и доныи на рѣцѣ Ишнѣ, а нинѣ по ону страну рѣки Усѣи, много бо людей баше съ великимъ княземъ Юріемъ; а нинѣ побѣиши отъ Александра же подъ Угодичами, на Угѣ, тѣ бо храбрыи выскочивше на кою либо страну обороняху градъ Ростовъ молитвами Пречистыа. Многожды бо князь великій Юрій на братне достоаніе прихаждаше, но съ сраномъ възращашеся. Единою выиде на него изъ Ростова Костантинъ, и бысть имъ бой за Юріевымъ на рѣцѣ Гдѣ, и тамо побѣди Костантинъ, молитвами Пречистыа, своею правдою и тѣми же храбрыми Александромъ съ слугою Торепомъ; ту же бѣ и Тимонъ Золотой поясъ. И ту убиша у великого князя храбраго Юрату, о семъ велики опечалися князь великій Юрій; побѣжденъ же смирился съ братомъ. Потомъ прииде на Ярослава Переяславскаго Мъстиславъ Мъстиславичъ, тестъ его, и нинѣ князи, съ собою же и<sup>1</sup> Костантина подвигоша, а за Ярослава сталъ князь великій Юрій<sup>2</sup> за брата; и бысть имъ бой на Липицахъ и на Юріевѣ горѣ, и ту всѣ полки великого князя Юрія избыти, въ нихже убиенъ бысть храбрый и безумный бояринъ Ратиборъ, вже похвалися сѣдлы наметати супротивныхъ. Князя же (Юрія) побѣдивше, и на столѣ въ Володимерѣ Костантина посадиша; два же лѣта Костантинъ бывъ князь великій, пакы столъ дастъ брату Георгію, а дѣтемъ Ростовъ и Ярослав(ъ), а самъ къ Господу отходитъ. Видѣвъ же Александръ князя своего умиряша, а Юрія сѣдша на столѣ, раз-

мышляше о животѣ, еда како отдасть мѣще-1224 ніе князь великій, Юраты ради, и Ратибора и инѣхъ мнозѣхъ отъ дружины его, ниже избѣ Алекса(н)дръ; вскорѣ смысливъ посылаетъ своего слугу, ниже знаше храбрыхъ, прилучившихся въ то время, и съзываетъ ихъ къ собѣ въ городъ, обрываетъ подъ Гремичимъ колодеземъ на рѣцѣ Гдѣ, иже и нынѣ той сопъ стоятъ пустъ. Ту бо събравшися събѣтъ сътвориша, аще служити начнутъ княземъ по разнымъ княженіямъ, то и не хотя имуть перебитися, понеже княземъ въ Руси велико неустроеніе и части боеве; тогда же рядъ положише, яко служити имъ единому великому князю въ матери<sup>3</sup> градомъ Кіевѣ. Бѣ же тогда въ Кіевѣ князь великій Мъстиславъ храбрый Романовичъ Смоленскаго и Володимеръ Рюриковичъ Ростиславича, въ то же время Мъстиславъ Мъстиславичъ въ Галичи, и быша челомъ вси тѣи храбрыи великому князю Мъстиславу Романовичу, о нихже князь великій велики горлящися и хвалящися, донележе сіа злоба<sup>4</sup> съключися, о ней же повѣсть предложитъ. Начать бо слухъ проходити, яко сіи безбожнии многы страны поплѣниша: Ясы, Обезы, Касогы, и Половцы безбожныхъ множество избыша, и приидоша на землю Половецкую. Половцы же не могуще противитися бѣжаша, и многихъ избыша, а иныхъ погнаша по Дону въ лукоморя, и тамо избиваеми<sup>5</sup> гнѣвомъ Божіимъ и пречистыа его Матери; много бо зла сътвориша тѣ окаянии Половцы Руской земли, того ради всемилостивый Богъ хотя погубити безбожныхъ сыны Иманловы, Куманы, яко да отмстятъ кровь христіанскую, еже и бысть налѣ ними. Приидоша бо ти Таурмени на всю страну Куманскую, и гониша ихъ до рѣки Днѣпра, близъ Руси; и прибѣгоша окаянии Половцы, идеже зовется валъ Половецкій, оста-

(1) Въ подлинникѣ: же отъ. (2) Тамъ же: юрію. (3) Тамъ же: въ мртри. (4) Тамъ же: сіа злоба донележе. (5) Тамъ же: избиваемо.

1224 токъ избытыхъ, Котягъ, князь Половеческій, съ инѣши князи, а Данило Кобяковичъ съ нимъ и Юрій Кончаковичъ (убьена быста). Сей же Котягъ тестъ бѣ князю Мѣстиславу Мѣстиславичу Галичскому, и прииде съ поклономъ съ князи Половеческими къ зятю Мѣстиславу въ Галичъ и къ всѣмъ княземъ Рускимъ, и принесе дары многы, кони, и велбуди, и буйволы и дѣвки, и одариша всѣхъ князей Рускихъ, кланя(я)ся, ркуще: «днѣсь нашу землю отъяли суть, а вашу пришедше завтра възмутъ, то помозѣте намъ.» И възмолися Котягъ зятю своему Мѣстиславу; князь же Мѣстиславъ посла къ братіи своей, княземъ Рускимъ, съ молбою, рекъ: «поможемъ симъ; аще ли же мы симъ не поможемъ, то сін имуть предатися къ нимъ, то онимъ болши<sup>1</sup> будетъ сила, а намъ тяготиѣ будетъ отъ нихъ.» И тако думавше много о себѣ, и поклона для (и) молбы князей Половеческихъ яшася Котягу помогати, начаша вон пристранвати, каждо свою власть, князь великій Мѣстиславъ Романовичъ Ростиславича Кіевскій, и Мѣстиславъ Святославичъ Черниговскій<sup>2</sup> Всеволодича Козельскій, и Мѣстиславъ Мѣстиславичъ Галичскій, сін бо старѣйшій земли Руской; съ ними же и младіи князи: Данило Романовичъ Мѣстиславича, и князь Михайло Всеволодичъ Черниговскій, и князь Всеволодъ Мѣстиславичъ Кіевского сынъ, и иніи князи мнози. Бывшу же съѣту ихъ въ Кіевѣ всѣхъ князей, послаша къ Володимеру къ великому князю Юрію Всеволодичу по помощь; онъ же посла имъ Василка Ростовскаго. Съѣзаша же князи, яко срѣсти ихъ на чужой земли, тогда же Половецкій князь крестыся Бастый, и съѣкуивше всю землю Рускую пондоша противу Татаромъ. Пришедши же имъ къ Днѣпру, на Зарубѣ, къ острову Варяжскому, тоже слышавше Татарове, оже идуть князи Рустіи

противу имъ, послаша къ нимъ послы свои, глаголюще: «се слышахомъ, оже идете противъ насъ, послушающе Половецъ, а мы ваша земля не заяхомъ, ни городовъ вашихъ, ни селъ вашихъ, ни на васъ приидохомъ; но приидохомъ, Богомъ пуцони, на конюхи и на холопы свои, на поганыхъ Половци, а вы възмѣте съ нами миръ; а Половци, аще приѣзжать къ вамъ, то не приймайте ихъ, и бійте ихъ отъ себе, а товаръ ихъ възмите къ собѣ, занеже слышахомъ яко в вамъ много зла творять, того ради и мы биемъ.» Князи же Рускіи того не послушаша, но послы ихъ избыша, а сами пондоша противу имъ, и не дошедше Олѣшя и стаща на Днѣпръ; и прислаша къ нимъ Татарове второе послы, ркуще тако: «аще есте послушали Половецъ, а послы наши избыли, а идѣте противу насъ, то вы пондите; а мы васъ ничинъ не занимали, а всѣмъ намъ Богъ;» они же отпустиша послы ихъ. Ту прииде къ нимъ вся земля Половецкая и съ князи своими. Тогда же Мѣстиславъ Мѣстиславичъ Галичскій, въ тысячи войска, перебродися рѣку Днѣпръ на сторожи Татарскія, и побѣди ихъ, а останокъ ихъ възбѣже въ курганъ Половецкій (съ) своимъ воеводою Гемьбѣкомъ, и ту имъ не бы(сть) помочи; и погребоша воеводу своего Гемьбѣка живого въ землю, хотяще его ублюсти, и ту его налѣзоша, испросивше его Половци у Мѣстислава, и убиша его. То же слышавше князи Рускіи, пондоша за Днѣпръ на множество<sup>3</sup> людей: Мѣстиславъ князь великій Романовичъ съ Кіаны, Володимеръ Руриковичъ (съ) Смолняны, Черниговскіи князи, Галичане, и Волины, и Куране, и Трубочане, и Путивльци, и вся страны Рускія, и вси князи и множество вой. Приидоша же выгонцы Галичскіе въ лодіяхъ по Днѣстру въ море, бѣ же тысяща людей, изъ моря выидоша въ Днѣпръ, и възведше пороги, стаща у рѣки Хортици, на

(1) Въ подлинникѣ: болшииъ. (2) Тамъ же: черниговскій и. (3) Тамъ же: множество.

бродѣ у протолчѣи; воевода же у нихъ Юрій Домарѣичъ, а другой Держикрай Водиславича. Придоша же имъ вѣсти, яко Татарове придоша къ нимъ посмотрѣти Рускихъ полковъ; Данило же Романовичъ (и) инѣи князи, вѣдѣше на коня, погнаша видѣти рати Татарскіа, и видѣвше послаша къ великому князю ко Мстиславу Романовичу, рекуще: «Мстиславе (и Мстиславъ)! не стойте, поидемъ противу имъ.» И поидоша въ поле, и срѣтоша ихъ Татарове, и ту стрѣлци Русстѣи погнаша ихъ въ поле далече, ихъ сѣкуще; и взяша скоты ихъ, а съ стады утекоша. И оттуду идоша по нихъ осмь днѣй до рѣки Калка, и послаша въ сторожехъ Яруна съ Половци, а сами станомъ стаха ту; и ту срѣтошася съ сторожи, и убиша Ивана Дмитріевича и инѣа два съ нимъ, а Татарове възвратѣшася. Князь же Мстиславъ Мстиславичъ Галицкій повелѣ Данилу Романовичу перейти рѣку Калку съ полки, а самъ по нихъ приде; перешедъ стаха станомъ. Понѣа же и самъ на сторожи Мстиславъ, и видѣвъ полки Татарскіе, приѣха и повелѣ въоружатися во емъ своимъ, а два Мстислава въ стану бяху, того не вѣдающе: не повѣда бо имъ зависти ради, бѣ бо межи ихъ прѣ велика. Тако (съ)ступѣшася полки, и напередъ ихъ на Татарове и Данило Романовичъ, и Семень Олюевичъ, и Василко Гавриловичъ; ту Василка събодоша, а Данилу убодену бывшу въ перси, но не чюаше, буети ради и мужества, бѣ бо младъ, осминадесяти лѣтъ, но крѣпокъ быше на бранѣ, избиваше Татаръ мужественъ полкомъ своимъ. Также и Мстиславъ Нѣмьй, потече на нихъ, и той бѣ крѣпокъ, и видѣвъ яко събодоша Данила, бѣ бо ужика отцу его, любовь имѣа къ нему, емуже и власть по себѣ обѣща. Также и Олгу Курскому крѣпко бѣющюся<sup>1</sup>, также и Ярунъ съ Половци приде, съступѣся съ Татары, хотя съ ними бы-

тисѣ, но пакы Половци въскорѣ побѣгоша 1224 назадъ, не успѣвше ничтоже, и потопташа бѣжучи станы Рускихъ князей, а князи не успѣвша исполчитися противу имъ; и тако смятошася полци Русстѣи, и бысть сѣча зла, грѣхъ ради нашихъ, и бысть побѣда на князи Рускіа, якоже не бывала отъ начала Рускіе земли. Князь великій же Мстиславъ Романовичъ Кіевскій, внукъ Ростиславъ Мстиславича, сына Владимірова Манамахова, и князь Андрѣй зять его, и Александръ Дубровскій, видѣвше се зло, не довгошася никаможе съ мѣста; стали бо на горѣ надъ рѣкою Калкою, бѣ бо мѣсто то каменно, и учинѣша себѣ городъ колѣмъ, и бишася съ ними изъ города того по 3 дни. Татарове же поидоша по<sup>2</sup> Рускихъ князехъ<sup>3</sup>, гонѣша ихъ бѣюще до Днѣпра, а у города того оставшася два воеводи, Чегырканъ и Тешуканъ, на Мстислава Романовича, и на зятя его Андрея и на Александра на Дубровского; тѣмъ бо два князя съ Мстиславомъ. Быша же съ Татары и Бродницы, а воевода у нихъ Пłosкинѣа; и той окаанный воевода пѣлова крестъ къ великому князю Мстиславу, и къ обѣма князема и къ всѣмъ сущимъ съ нимъ, яко не избыти ихъ, но окупъ взяти на нихъ, и солгавъ окаанный предасть ихъ Татаромъ связавъ; а городъ вземъ людей изсѣкоша, и ту костью падоша, а князей издравиша, подкладше подъ доски, а сами на верху сѣдоша обѣдати, и тако издохашася и животъ свой скончаша. А иныхъ князей, опроче того, до Днѣпра гонѣше, избиша 6: князя Святослава Каневского, Изяслава Ингваревича, Святослава Шумского, Мстислава Черниговского съ сыномъ, Юрія Неовѣжского, а вой толко десятый приде; и Александръ Поповичъ ту убиенъ бысть съ нѣмѣи семьдесятію храбрыхъ. Князь же Мстиславъ Мстиславичъ Галицскій переже всѣхъ пребѣгъ за Днѣпръ, по-

(1) Въ подлинникѣ: бѣющіа. (2) Тамъ же: послѣ. (3) Тамъ же: князей.



1224 велѣ лодіи пережечь, а нѣшя отъ берега отрѣа,  
1225 боятися погони, а самъ едва убѣже въ Галичъ;  
а Володимѣръ Руриковичъ, брата(ничъ) Рома-  
новъ<sup>1</sup>, внукъ Ростиславль Мѣстиславича, сѣде въ  
Кіевѣ, мѣсяца іюня 16 день. А злоба случилася  
мѣсяца маа 30, на память святаго мученика  
Еремеа. Войска же остатоу, десятый, приде  
кожа во своа, а нѣшыхъ Половци избына ис  
коня, а нѣшыхъ ис порта. И тако, за грѣхы  
наша, Богъ вложи недоумѣніе въ насъ и погыбе  
множество бес числа людѣй. Татарове же гна-  
шася по Руси до Новагорода Святополчего,  
христіане же, не вѣдуще лести Татарскыя, вын-  
доша противу ихъ съ кресты, и тако избына  
ихъ; глаголаху же, яко единѣхъ же Кіанъ  
изгыбе тогда 30 тысячъ, и бысть плачь и  
воплъ по всѣмъ градомъ и по селомъ. Тата-  
рове же възвратиса отъ рѣки Днѣпра, и  
не свѣдаемъ откуда были пришли, и камо ся  
дѣли; единъ Богъ вѣсть, откуда приведе, за  
грѣхы наша, и за похвалу и гордость вели-  
кого князя Мѣстислава Романовича. Глаго-  
лють бо, яко приде слухъ про сихъ Татаръ,  
яко многы земли плѣнютъ, а приближаются  
Рускимъ странамъ, и сповѣдаша ему о нихъ;  
онъ же отрече: «дондеже есмь на Кіевѣ, то  
по Янко, и по Понтійское море, и по рѣку  
Дунай саблѣ не махивати.» Василька же Ко-  
нстантиновича тогда Богъ съблюде, приде  
бо съ полки ко Чернигову въ помощь; слы-  
шавъ се зло, случившеся въ Руси, възвратиса  
въ свой Ростовъ, съхраненъ Богомъ. Того же  
лѣта бысть громъ страшень въ Новѣгородѣ,  
маіа въ 20, згорѣ церковь святаго Тронца, а че-  
ловѣка два мертвы быша. Того же лѣта въ Но-  
вѣгородѣ създа Семень Борисовичъ церковь ка-  
менну святаго Павла, и святаго Семіона Бого-  
пріемца, и святою Костантина и Елены; и святи-  
ша ю на празникъ ноебря 6. Того же лѣта по-  
нде князь Всеволодъ Юріевичъ вдругіе изъ Нова-  
города, утанвса, съ всѣмъ дворомъ своимъ;

пріихавъ сѣде въ Торжьку. И пріиха къ нему  
отецъ его, князь великій Юрій, съ полки и  
братъ его Ярославъ, и Василько Костантино-  
вичъ съ Ростовци, и князь Михайло Черни-  
говскій съ Черниговци. И послаша Нового-  
родци къ великому князю Юрію на Торжкомъ  
2 мужа, глаголющи: «княже, пусти намъ дѣтя,  
а самъ поиди съ Торжьку.» Князь великій же  
Юрій (рече) посломъ: «выдайте Якимъ Иванко-  
вича, Сѣдмлу Савинича, Вячка, Иванца,  
Радка; аще ли не выдате, а поидѣ есмь  
комъ Тѣбрію, а еще Волхвомъ напою.» Ново-  
городци же скопиша всю волесть, а около  
города острогъ дослѣша, къ великому князю  
Юрію послаша Полюда, Вячеслава Цокитини-  
ча, Іоанна Ярышевича, глаголющи: «княже,  
кланямъ ти ся, а братиіи своей не выдаваемъ, а  
крови не проливай; пакы ли твой мечъ, а  
наши голы.» Новогородци же по путемъ  
сторожи поставиша, а тверди издѣлаша, ко-  
тѣша умрети за свяую Софію о насадникѣ  
Иванкѣ Дмитровичѣ; князь великій же Юрій  
съ Новогородскими послы посла свой посолъ  
(и) Романа тысяческаго, князь<sup>2</sup> Михайловъ по-  
солъ Черниговского, глаголя: «взятите себѣ  
шуринна моего Михаила.» Новогородци же  
послаша себѣ по князя Михаила; а князь  
великій Юрій поиде съ Торжьку, и много изъ  
пакости подѣа, възл<sup>3</sup> на нихъ 7000 новую.

Въ лѣто 6733. Князь великій Юрій заложилъ  
церковь каменну святаго Спаса въ Новѣгородѣ  
въ Нижнемъ. Того же лѣта създана бысть  
церкви святаго Богородица въ Суздаль, и свя-  
щенъ епископомъ Симономъ, септевріа 8. Того  
же лѣта приде князь Михайло Всеволодичъ,  
внукъ Олговъ, и бысть легко по волости и  
по городу. Того же лѣта поиде князь Михай-  
ло Всеволодичъ къ зятю своему, великому  
князю Юрію, въ Володимѣръ, поиди со собою  
мужи Новогородскіа, правити товара, что  
ималъ на Торжьку и по Новогородской воло-

(1) Въ подлинникѣ: романова. (2) Тамъ же: и князь. (3) Тамъ же: възму.



оти. Того же лѣта приде князь Михаилъ отъ великого князя Юрія, исправивъ товары, и ста на Ярославля дворѣ, и рече Новгородцемъ: «не хошу у васъ княжити, иду къ Чернигову; а вы гость кони пускайте; а яко земля ваша, тако земля моя.» Новгородци же много унимаша его, молячися, и не погоша его умолати, и тако провадиша его съ честію. Новгородци же послашася къ Ярославу Всеволодичу въ Переяславль. Того же лѣта архіепископъ Антоній приде съ Перемышля въ Новгородъ, и сѣде на своемъ столѣ; и ради быша Новгородци своему владыцѣ.

Въ лѣто 6734. На зиму придоша Новгородци съ молбою по Ярослава, зовучи его къ себѣ на столъ; Ярославъ же управися съ ними на всей своей воли, начатъ отдавати свестъ свою за Ярослава, Муромского князя. Еще ему не оправившу сватбы, ни мужей Новгородскихъ отпустившу отъ себе, которіи бяху пришли по него, зовучи его къ себѣ на столъ, приде къ нему вѣсть, яко пришедше Литва воевать около Торжку, въ семи тысячѣхъ, и около Новгорода, и около Торопца, и Смоленскую волость; и повоеваша около Торжку бес числа, не догонивша до Торжку за три версты, и гость быша много, и Торопецкую волость всю поимаша. Теже слышавъ Ярославъ, скоро погна по нихъ ис Переяславля съ полкомъ своимъ, и съ нимъ же Володимеръ съ сыномъ и съ Новоторжичи, и Новгородцовъ мало, Торопчанъ съ княземъ своимъ Давыдомъ поидоша по нихъ, а по Новгородцовъ послаша; они же дошедше Русы възвратишася опять. Князь же Ярославъ постиже ихъ въ Полотичкой земли на Вѣстѣ, у Овѣсваче городка<sup>1</sup>, они же исполчишася противу ему при озерѣ, въ недѣлю сыропустную, и бышася съ нимъ на озерѣ; и тако Божією помощію побѣди ихъ Ярославъ, по-

лѣнь васъ отъя, а санихъ изби, а изымалъ<sup>1225</sup> ихъ 2 тысячи, а князя ихъ ятъ. На томъ бою<sup>1227</sup> убиша у Ярослава блаженного князя Давыда Торопецкого и Василя, меченошу Ярославля. Оттуду поиде Ярославъ<sup>2</sup> къ Новгороду на всей своей воли, и сѣде на столѣ лѣта 6734; се бысть третіе сѣденіе его въ Новгородѣ. Пришедше Ярославъ въ Новгородъ, не положи того въ гнѣвъ, что не пошли по немъ Новгородци. Тогда же поставиша церковь Рождства Христова. Того же лѣта преставися Симонъ, епископъ Володимирскій, и положенъ бысть въ церкви святыя Богородица Златоверхія. (Въ) томъ же лѣтѣ<sup>3</sup> князь великій Юрій Всеволодичъ отда дочеръ свою замужъ за Василя Романовича Галицкого. Того же лѣта, мѣсяца априля въ 16 день, на память святыя мученицы Ирины, въ великій четвертокъ, преставися игумень святого Георгія Саватія, архимандритъ Новгородскій. Прежде своего преставленія Саватій съзва владыку Антонія, и посадника Иванка и вси Новгородци, и запрети брати своей и всѣхъ Новгородцовъ: «изберѣте себѣ игумена.» Они же рекоша: «кого ты благословишь?» Онъ же рече: «выведите Гречина поца святу<sup>4</sup> Костантина и Елены.» И въведоша мужа добра и боящася Бога Гречина, и постригоша его того дни, мѣсяца марта 2, на память святого Феодота; и поставиша его игуменомъ марта 8 день, на память святого Феодилakta, на Сѣборъ. Того же лѣта заложилъ церковь каменну святого Іакова въ Неревскомъ коньци.

<sup>5</sup>Въ лѣто 6735, зимѣ, ходи князь великій Юрій Всеволодичъ, въ помощъ князю Михаилу Черниговскому, на Олга Курскаго; тогда же тамо случися быти митрополиту Кирилу, и смири ихъ, и поятъ его князь великій Юрій съ собою въ Володимеръ, и много чтить его отпусти. Тогда же постави въ епископы Ми-

(1) Въ Полн. Собр. Лѣт. т. III, стр. 42 читается: на въсвятѣ. (2) Въ подлинникѣ: Ярославъ. (3) Тамъ же: лѣтъ. (4) Тамъ же: въ святую церковь. (5) Тамъ же: противъ этого мѣста, на поляхъ, написано: влады.

1227 трофана, игумена Рожественаго, мѣсяца марта  
1228 въ 14. Тоя же зыни князь великій Юрій по-  
сыла братію на Мордву, Святослава и Ива-  
на, и повоеваша ю. Того же лѣта князь Яро-  
славъ съ Новгородци ходи на Имъ, на Нѣмци,  
ратію за море; и поплѣни всю землю ихъ, и  
только полона взя, яко не могоша отвести  
его всего, но изсѣкоша, а иныхъ отпустиша.  
1Того же лѣта съжгоша влѣхвовъ четырехъ,  
творяхуть ихъ потвори<sup>2</sup> дѣюще, а Богъ вѣсть;  
а жгоша ихъ на Ярославли двори. Того же  
лѣта исписа церковь Святыхъ 40 Мученикъ  
Вячеславъ Прокшипичъ, внукъ Малышковъ.  
3Того же лѣта погорѣ градъ Володимерь, и  
церквей съгорѣ 20 и 7, и дворъ князь Ко-  
нстантиновъ, и церковь на его дворѣ архан-  
гелъ Михаилъ, юже бѣ чюдну устроилъ. Того  
же лѣта посла князь великій Юрій сыновца  
своего Всеволода Константиновича въ Пе-  
реяславль Рускій на столъ.

Въ лѣто 6736, мѣсяца генваря 6, постригся  
въ схиму князь Володимерь Всеволодичъ, и  
преставися, и положень бысть въ церкви свя-  
тыя Богородица Златоверхой. Тоя же зыни  
женися Василко Ростовскій Константиновичъ  
у князя Михаила у Черниговского. Тоя же  
зыни Мъстиславъ Мъстиславичъ Торопецкій  
княжи въ Галичи, иде изъ Галича Киеву, и  
на пути разболѣся, и пострижеся въ схиму,  
и преставися. Того же лѣта женися Всево-  
лодъ Константиновичъ въ Переяславль Ру-  
скомъ, поятъ Ольгову дщерь Святославича<sup>4</sup>.  
Того же лѣта преставися князь Давыдъ Му-  
ромскій въ чернипехъ и въ схимѣ. Князь  
Константинъ-Святославъ отпусти княгину свою  
по свѣту, всхотѣвшу и въ монастырь, и  
дасть ей надѣлокъ многъ; она же иде къ  
братію, пострижеся на пути, идучи въ<sup>5</sup> Му-  
ромъ. 6Того же лѣта архіепископъ<sup>7</sup> Новгород-

скій Антоній поиде къ святому Спасу на Хути-  
ню, по своей воли. Того же лѣта князь Яро-  
славъ поиде въ Плесковъ съ посадникомъ Иван-  
комъ и тысяческимъ Вячеславомъ, и слы-  
шавше Плесковичи, яко идетъ къ нимъ князь,  
и затворишася въ градъ; князь же постоявъ  
на Дубровнѣ възвратися въ Новгородъ; про-  
шла бо быше вѣсть си въ Плесковъ, яко везетъ  
оковы, хотя ковати вятинъ мужи. И пришедъ  
Ярославъ сътвори вѣче въ владычнѣ дворѣ,  
и рече: «яко не мыслелъ есмь до Плесковичъ  
груба ничегоже, но везлъ есмь былъ въ ко-  
робіяхъ дары, паволоки и овощи; а они мя  
обеществовали;» и положи на нихъ жалобу<sup>8</sup>  
велику. Того же лѣта приидоша Имъ воевати  
въ Ладожское озеро, въ лоткахъ, и прииде  
вѣсть въ Новгородъ на Спасовъ день; Ново-  
городци же, всѣдше въ насады, прихаша въ  
Ладогу съ княземъ Ярославомъ. И Володи-  
славъ<sup>9</sup>, посадникъ Ладожскій, и съ Ладожаны,  
не дождавъ Новгородецъ, гонися въ лодіяхъ  
по нихъ въ слѣдъ, где они воюють, и постиже  
ихъ, и бися съ ними, и бысть ноцъ, и от-  
ступиша въ островъ далече<sup>10</sup>, а Имъ на брезѣ  
съ полономъ, воевали бо около озера на Иса-  
дехъ и Олонесъ; той же ноци просиша мира,  
и не да имъ посадникъ съ Ладожаны; они же  
иссѣкше полонъ весь, а сами побѣгоша на  
лѣсъ пѣши; много ихъ ту паде, а лотки ихъ  
съжгоша. Новгородци же стоаша въ Новѣ  
нѣколико днѣй, и сътвориша вѣче, и хотѣша  
убити Судимира, и съкры его князь въ на-  
садѣ у себе; оттолѣ възвратишася въ Новъ-  
городъ, Ладожанъ не дождавъ. А иныхъ  
Ижера срѣтоша бѣгающихъ, избиша ихъ  
много, а остатокъ ихъ разбѣжеся, и тѣхъ  
Корѣла избиша; бѣ бо ихъ пришло 2000, или  
болѣ, а то все мертво. Тогда же Ярославъ<sup>11</sup>  
приведе полки ис Переяславля, а ркучи: «хо-

(1) Въ подлинникъ противъ этого мѣста, на полъ, написано: нов. (2) Тамъ же: повтори. (3) Тамъ же про-  
тивъ этого мѣста, на полъ, написано: владі. (4) Тамъ же: спославича. (5) Тамъ же: съ. (6) Тамъ же противъ  
этого мѣста, на полъ, написано: нов. (7) Тамъ же: архіархїепископъ. (8) Тамъ же: жалубу. (9) Тамъ же:  
володиславъ. (10) Въ Полн. Собр. Лѣт. т. III, стр. 42, читаемъ: въ островълецъ. (11) Въ подлинникъ: ярославъ.

шу ити на Ригу. И сташа около Городища шатры, а ниша въ Славнѣ по подворіемъ; и въздорожиша все по торгу, и хлѣбъ, и мяса и рыбы, и ста дороговъ: купляху хлѣбъ по 2 кунѣ, кадь ржи по 3 гривны, а пше- ницы по 5 гривень, а пшена по 7 гривень, и тако ста по 3 лѣта. То же слышавше Плесковичи, яко приведе Ярославъ<sup>1</sup> полкы, и убоявшеся того, взяша миръ съ Рижаны, Новгородъ выложивше, а ркучи: «то вы, а то Новгородъ, а намъ не надобѣ; но оже помдуть на насъ, то вы намъ помозѣте.» И они рекоша: «такъ буди;» и поаша у нихъ 40 мужъ въ талбу. Новгородци же увѣдавшѣ, рекоша: «князь насъ зоветъ на Ригу, а хотя ити на Плесковъ.» Тогда же князь посла Мишу въ Плесковъ, ркучи: «пойдите съ мною на путь, а зла есми до васъ не мыслилъ никоторого, а тѣхъ ми въздайте, кто мя обадилъ къ вамъ.» И рекоша Плесковичи, приславше Гречина: «тебѣ ся, княже, кланяемъ и братін Нового- родомъ, а на путь не идемъ, а братін своей не выдаемъ<sup>2</sup>, а съ Рижаны есми миръ взяли; къ Коливанию есте ходивше сребро взяли, а сами помдосте въ Новгородъ, а правды не сътвориште, города не взясте, а у Кѣси тако- же, а у Медвѣжи Головы такоже, а за то вашу братію избивша на озерѣ, а ивнѣ пове- дени; а вы роздразивше да прочь; или есте на насъ удумалы? то мы противу васъ съ свя- тою Богородицею и съ поклономъ, то вы лучше насъ искѣте, а жены и дѣти поем- лите себѣ, а не лучше поганѣи; то вамъ ся кланяемъ.» Новгородци же рекоша князю: «мы безъ своеа братін, безъ Плесковичъ, не инемся на Ригу; а тобѣ ся, княже, кланяемъ;» много же князь нудилъ, и не яшася по путь<sup>3</sup>. Тогда же князь Ярославъ полкы своя по до- момъ посла. Плесковичи же бяху тогда по-

вели Нѣмци и Чюдь, Лотыголу и Либь, и отпу- 1228  
стивша а оиятъ; а тѣхъ, кто ималъ придатокъ 1229  
у Ярослава, выгнаша ис Плескова, глаголющи:  
«пойдите по князи своемъ, намъ есте не бра-  
тіа.»

Въ лѣто 6737. Тоа осени князь Ярославъ поиде съ княгынею изъ Новгорода къ Пе- ряславлю, а въ Новгородѣ остави два сына своя, Феодора и Александра, съ Феодоромъ<sup>4</sup> Даниловичемъ, съ тиуномъ Якимомъ. Тоа же осени нанде дождъ великъ, и день и ношь, на- шедъ на Господинъ день даже до Николина дни не видѣхомъ свѣтла дни; ни сѣна лю- демъ не зѣ быше добыти, ни (нивь) удѣлати. Тогда же окаанный діаволъ, исперва не хотя (добра) роду человѣческому и завидѣвъ ему, зане прогонять его ношнымъ стоаніемъ, пѣніемъ и молитвами, и въздвиге на Арсеніа, мужа кротка и смирена, крамолу велику, простую чадъ; и сътвориша вѣче на Ярославли дворѣ, и поидоша на владыченъ дворъ, ркуче: «того дѣля тепло стоятъ долго, выпроводилъ Ан- тоніа владыку на Хутино, а самъ сѣлъ, давъ мзду князю.» И акы злодѣа пхающе, а ивнѣ за воротъ, выгнаша, мало ублюде его Богъ отъ смерти, затворися въ церкви святой Софїи, иде на Хутино; а заутра въведоша опять Антоніа архіепископа, и посадиша съ нимъ два мужа, Якуна Моисеевича, Никифора Щит- ника. И не ту ся конча зло, но еще и болѣ того: възматся<sup>5</sup> городъ весь, и поидоша съ вѣча, въ оружіи, на тысяческаго Вячеслава, и розграбивша дворъ его, и брата его Богу- слава, и Андрейцовъ владычня столника, и Давыдко(въ) Софѣйского, и Судимировъ; а на Душица на Липенского старосту тамо пос- лаша грабити, а самого хотѣша повѣсити, но ускочи<sup>6</sup> къ Ярославу, а жену его яша, а рку- чи, «яко ти на зло князя водятъ.» Тоа же осе-

(1) Въ подлинникѣ: Ярославъ. (2) Тамъ же: не навидаетъ. (3) Тамъ же: не по путь яшася. (4) Тамъ же: с Феодоромъ. (5) Тамъ же: възматется. (6) Тамъ же: ускори.

1229 ни вода бысть велика въ Вльховѣ, поима около озера сѣна; тогда помръзну озеру и стоявшу 3 дни, и въздере югъ вѣтръ, излома и внесе въ Вльховѣ, и воздере 9 городень великаго моста, и принесе къ Пидбѣ, мѣсяца декабря въ 8. Не хоташе Богъ кровопролитіа братіи и діаволу радости дати, радуеть бо ся о кровопролитіи о братіи, окаянный; но изволи тако благый Богъ быти. Тогда отъяша тысяческое у Вячеслава, и даша Борису Нѣгочевичу, а (къ) князю послаша Ярославу на томъ: «пони къ намъ, забожничье (от)ложки, судій по волости не послати; на всей воли нашей и на грамотахъ на всѣхъ Ярославлихъ ты нашъ князь; или ты себѣ, а мы себѣ.» Тоя же зыми, въ вторникъ сыропустныя недѣли, Феодоръ Даниловичъ съ тиуномъ Якимомъ, поимше съ собою два княжича, Феодора и Александра Ярославичевъ, побѣже въ ночи изъ Новгорода. Тогда Новгородци рѣша: «даждь что здумае на святую Софію побѣгъ, а мы ихъ не гонили, но братію свою казнили есмя, а князю есми зла не учинили ничего же; да оно имъ Богъ и честный крестъ, а мы себѣ князя промыслимъ.» И цѣловаша святую Богородицу, яко быти всѣмъ одинакомъ, и послаша по князя Михаила въ Черниговъ. Хотя Станимировича, Гаврила съ Лубяници; и быша въ Смоленскѣ, и не пусти ихъ князь Смоленскій, по наученію Ярославу, и пути заяша всѣ. Но оже Богъ по насъ, то кто на ны? И увѣдавъ Михаилъ, яко пріати суть послы Новгородскыя, бѣ бо тогда въ Брнву съ сыномъ, и поиде въборзѣ на Торжокъ, и ради быша вси; прінде на вербницу на Торжокъ, и съ Торжку поиде къ Новугороду. И прінде князь Михайло Всеволодичъ Черниговскій въ Новгородъ, въ недѣлю Өмину, и ради быша Новгородци своему хотѣнію, и цѣлова<sup>1</sup> крестъ на всей воли Новгородской и на вснхъ грамотахъ Ярославлихъ; и вда свободу смер-

дамъ на 5 лѣтъ дани не платити, кто збѣжалъ на чужую землю, а кто zde живетъ, тѣмъ повелѣ тако: платите дань, како установили пережніи князи. А на Ярославлихъ любовицѣхъ поимаша Новгородци кунъ много и на Городищанехъ, а дворовъ (ихъ) не граблчи, и даша на великій мостъ. Того же лѣта князь великій Юрій съ братією и съ братаничи ходиша на Мораву Поргасову, и повоеваша ея. Князь великій же Юрій посла брата Святослава въ Переяславъ Рускій на столъ. Въ то же лѣто заложниша великій мостъ выше старого. И тогда отъяша посаженчество у Иванка, и даша Вяѣзду Водовику, а Иванку даша Торжокъ; и не пріама его Новоторжци, онъ же оттуду иде къ Ярославу въ Переяславъ. Того же лѣта рече князь Михаилъ Новгородцѣмъ: «се у васъ владыкы иѣтъ, а неѣпо быти<sup>2</sup> граду сему безъ владыкы; оже Богъ казнъ свою възложилъ на Антонія, а вы ищете такова мужа.» И нѣкотори князю рекоша: «есть чрънецъ діаконъ у святаго Георгіа, именемъ Спиридонъ, достовиъ есть того.» А нѣмъ хотяху Іосифа, епископа Володимерскаго Волынскаго, а другіа Гречина; и «кого дастъ митрополитъ, тотъ намъ отецъ.» И рече князь Михаилъ: «да положимъ жребій, который Богъ дастъ намъ.» И положиша на святѣй трапезѣ имена написавше, и послаша изъ гридниці владычии княжича Ростислава Михайловича; изволи Богъ служителя себѣ и пастыря словесныхъ овецъ Новугороду и всей области его, и вынѣся жребій Спиридонъ; и послаша по него въ манастирь къ святому Георгію, и приведше посадиша его въ дворѣ, дондеже поиде къ Кіеву ставитися. Того же лѣта поиде князь Михайло къ братіи въ Черниговъ, и поемля съ собою Новгородци: Богуслава Гориславича, Сбыслава<sup>3</sup> Якуновича, Домаша Твердиславича, Глѣба посаднича сына, Михалка Никифоровича,

(1) Въ подлинникъ: цѣловаша. (2) Тамъ же: быти. (3) Тамъ же: сбусава.

Михаила Прикупова, а сына своего Ростислава остави въ Новгородѣ; «а нѣ дай Богъ исправити правда Новгородцаа, тоже по-ня(ти) отъ васъ сына своего.» И посла къ Ярославу Нѣздыла Прокшинича, Иванка Тудорковича, ркучи сиче: «отступиша Волока, то есть Новгородцаа<sup>1</sup> волость, и что есть Новгородского за тобою, силою еси зашолъ.» И рече Ярославъ: «того ся не отступаю, а креста не цѣлю; вы собѣ, а я себѣ.» И дрѣжа послы все лѣто. Того же лѣта поиде діаконъ Спиридонъ ставитися въ Кіевъ къ митрополиту. Того же лѣта Ярославъ послуша съвѣтникъ, отлучи отъ великого князя Юрія Василка Константиновича и Всеволода Володимировича; князь великій же Юрій призва ихъ, и управнишася межи себе. Того же лѣта убиенъ бысть нѣкій христіанинъ Авраамій за православную вѣру, и устѣченъ бысть отъ Болгаръ, априля 1, тамо и погребенъ бысть; сътвори же Богъ отмщеніе его въскорѣ, погорѣ градъ ихъ Великій и много иножество товара згорѣ<sup>2</sup>. На ту же зиму, лѣта 6738, мѣсяца марта 6, принесоша того Аврааміа изъ Болгарской земли, и положиша его въ Володимери въ церкви святыа Богородица, въ монастыри кнѣги(ни)нѣ (Всеволожи). Кирилъ, епископъ<sup>3</sup> Ростовскій, оставивъ свою епископію, иде въ Суздалькъ святому Дмитрію, въ свою келію, хотя лѣчтити свою немощь, бо-лаше внутренею; лице бо его бѣ измѣнилось и почернѣло, а устѣ и носъ отлѣстѣ. Къ тому же еще ино искушеніе прииде на нь: во единъ день все богатство отъяся отъ него нѣкоторою тяжемо, судившу тако Ярославу. Бѣше бо Кирилъ богатъ зѣло кунами, и селы, и кнѣгами и всѣмъ товаромъ, и просто рещи тако бѣ богатъ, яко ни единъ таковъ прежде его бывшихъ епископъ въ Ростовстей<sup>4</sup> земли. Онъ же о всемъ о томъ вѣзда хвалу Богу, и

пострижеся въ схиму, и разда оставше богат-ство сердоболямъ и нищимъ. 1229  
1230

Въ лѣто 6738. Кирилъ митрополитъ оти-сася митрополіи, и бысть въ него мѣсто Ки-рилъ же причетникъ. Того же лѣта Костан-тиновичи у дяди у великого князя у Юрія испросиша Кирила, архимандрита Рожде-ственного, (на) епископство Ростову. Тогда же князь великій Юрій жени сына Всеволода у Володимера Руриковича. Тоя же зыши вое-ваша Литва Любно, и Мореву и Серегеръ; и гонимася по нихъ Новгородци, и угонимше ихъ биша, а полонъ отъяша. Того же лѣта, мая 3 день, въ пятюкъ 5 недѣли по Велицѣ дни, въ обѣдную, потрясеся земля Влади-мерская, и Кіевская, и Новгородская, и просто вся, и церкви разсѣдошася, и тране-зница Печерскаго монастыря каменна, въ ней же уготовано на обѣдъ ястіе и питіе, то все потре каменіе. То же, братіе, быша не на доб-ро, но на зло, грѣхъ ради нашихъ; Богъ намъ знаменіа кажетъ, да быхомъ ся покаали (отъ) грѣхъ<sup>5</sup> нашихъ; колику<sup>6</sup> Богъ наведе на ны смерть тоа весны, да то мы ви-дяще не разумѣхомъ, но скорѣйше быхомъ на зло. Того же мѣсяца мая въ 14, въ вторникъ 7 недѣли по пасцѣ, въ 3 часъ дни, померче солнце, бысть яко мѣсяцъ въ 5 часъ нощи, и явишася обаполы его столпы чер-лены, и зелены и сини. Также въ Кіевѣ сніде огонь съ небеси, ани облакъ великъ, надъ ручай Лыбеды, а людемъ отчаявшимся живота и прашающимъся, мнящи кончину; и преиде черезъ весь градъ безъ пакости, лю-діе бо горцѣ съ плачемъ вси възопиша къ Богу; а въ Новгородѣ только бысть солнце яко мѣсяцъ молодъ 5 часовъ нощи. Того же мѣсяца 19, въ недѣлю святыхъ отецъ, прииде архіепископъ Спиридонъ въ Новгородъ, по-ставленъ отъ митрополита Кирила; поставленъ

(1) Въ подлинникѣ: новгородцаа. (2) Тамъ же: зголъ. (3) Тамъ же: еп<sup>с</sup>къ. (4) Тамъ же: въ ростовѣ. (5) Тамъ же: грѣхъ ради. (6) Тамъ же: колико.



1230 въ пошы въ сиропустную недѣлю, и въ ар-  
 1231 хіепископы на Съборъ. Того же лѣта при-  
 ходи въ Володимѣрь ис Кіева митрополитъ  
 Кирилъ, смири князя Михаила Чернигов-  
 ского съ Ярославомъ; а неправъ бѣ князь  
 Михайло предъ Ярославомъ въ крестномъ цѣ-  
 лованіи, хоташе ити на нь, и едва умири его  
 митрополитъ, и епископъ Черниговскій Пер-  
 фирей (и) игумень Берестовскій. Того же лѣ-  
 та Святославъ Всеволодичъ раздру(ши) церковь  
 въ Юріевѣ, еже бѣ обетшала, юже былъ  
 преже създавъ дѣдъ его Юрій Долгорукій; а  
 стояла та церковь 80 лѣтъ безъ лѣта. И създа  
 ю Святославъ чюдну, рѣзаннымъ каменемъ, а  
 самъ бѣ мастеръ. Того же лѣта князь Ми-  
 ханлъ Черниговскій сѣтвори постригы сыну  
 своему Ростиславу у святыа Софін, и устри-  
 же власы архіепископъ Спиридонъ; и посади  
 его на столѣ, а самъ поиде въ Черниговъ.  
 Того же лѣта розопрѣшася смерди Новго-  
 родци, Степанъ Твердиславичъ съ посадни-  
 комъ съ Внѣздомъ Водовикомъ, Иванко Ти-  
 мошкиничъ по Степанѣ сталъ, и биша Иван-  
 ка на Городищи паробки посадничѣ Внѣздо-  
 вы; а заутра сѣтвори вѣче на Ярославли  
 дворѣ, и поиде на дворъ его, и розграбиша  
 его. Посадникъ же опять вѣзвари городъ  
 весь и Семень Борисовичъ на Иванка, и на  
 Якимѣ Влаунковича и на Прокшу Лашнева,  
 и поидоша съ вѣча, и много дворовъ роз-  
 грабиша, а Волоса Блудкиннѣ на вѣчи уби-  
 ша, рече посадникъ: «ты еси мой дворъ хо-  
 тѣлъ зажечи;» а Прокшинъ дворъ зажгоша,  
 а Якимъ бѣжа къ Ярославу, а инѣи схоро-  
 нишася, но и тѣхъ уротивше пустиша; а  
 Иванка послѣ емше уби Водовикъ, и вѣврѣ-  
 гоша (въ) Вльховѣ. Тоже Богъ видя наша бе-  
 законіа, и братоненавидѣніе, и зависть, (и) кре-  
 стомъ вѣращеся во лжу; егоже аггели не мо-  
 гутъ зрѣти и многоочитіи крыли закрывают-  
 ся, тогожъ мы въ рукахъ дръжаще скверны-  
 ми усты цѣлуемъ; и за то преступленіе Богъ  
 на насъ поганыа наводитъ, и землю нашу

пусту положиша, а мноє сами не блудуще  
 напрасно истеряхомъ; (и) тако бысть пусто.

Въ лѣто 6739, мѣсяца септевра 14 день,  
 на Въздвиженіе честнаго креста, тако ны  
 Господь Богъ вѣзда по дѣломъ нашимъ: изби  
 морозъ обиліе по всей земли, и оттолѣ уста-  
 вися горе велико, почахомъ въ Новѣгородѣ  
 купити хлѣбъ по 8 кунъ, а ржи кадь по 20  
 гривень, а въ дворехъ и по 30, а пшеници  
 по 40 гривень, а пшена по 50, а овса по  
 13 гривень; и разыидеся Новѣгородъ въ во-  
 лость, и полны быша чужіи грады братіи на-  
 ша и сестры, а останокъ почаша мерети. И  
 кто не прослезится о семъ, видяще мрътвеца  
 по улицамъ лежаща и младенца отъ пещъ  
 извѣдаемы? тако бо мряху людіе, яко нѣ-  
 кому погребати ихъ, и ядяху пси, яко ско-  
 тину, по трѣгу и по улицамъ, и влачаху  
 главы челоуѣческыа, и руки и ноги. И вло-  
 жи Богъ благое твори(ти) архіепископу Спи-  
 ридону, и постави скуделницу у Святыхъ  
 Апостолъ на Пруской улицѣ, и пристави  
 мужа блага и смирена, именемъ Станила, вѣз-  
 ти мрътвеца на конѣ где обидучи по горо-  
 ду; и тако беспрестани и по вся дни влача-  
 ше, и наполни скуделницу до вѣрха, и бысть  
 въ ней числомъ 3000 и 30. На ту же зиму  
 поиде княжичъ Ростиславъ Михайловичъ съ  
 посадникомъ Внѣздомъ на Торжкѣ, мѣсяца  
 декабря въ 8 день, въ недѣлю; а заутра,  
 въ понедѣльникъ на Зачатіевъ день, уби-  
 ша Семена Борисовича, а дождъ его раз-  
 грабиша и села, а жену его яша, а са-  
 мого погребоша у святаго Георгіа въ мана-  
 стыри; такоже и В(о)довыковъ дворъ и села,  
 и брата его Михаила, и Даньслава, и Бо-  
 рисовъ тысяческаго, и Творимѣричъ, и мно-  
 го (иныхъ дворовъ); а Водовикъ то учувъ,  
 побѣже ис Торжку съ братією, и Борисъ  
 тысяцскій и Новоторжци къ князю Ми-  
 хаилу въ Черниговъ. И даша посадничество  
 Стефану Твердиславичу, а тысяцкое Ники-  
 тѣ Петриловичу, а добитокъ Семеновъ и Во-



довниковъ по стомъ<sup>1</sup> раздѣлиша; они трудишася събирающе, а сѣи въ трудъ ихъ внидоша; о таковыхъ бо рече пророкъ Давыдъ: събираетъ, а не вѣсть кому. Княжичу Ростиславу путь показаша съ Торжку къ отцевѣ въ Черниговъ, глаголюще: «како отецъ твой рекъ былъ вѣсти на конь на войну съ Въздвиженіа, и крестъ цѣловалъ, а се уже Николинъ день; съ насъ крестное цѣлованіе, а ты поиди прочь, сами собѣ князя промыслимъ;» и послаша по Ярослава на всей воли Новгородской. Ярославъ же вборзѣ прииде въ Новгородъ, мѣсяца декабря 30 день, и сѣтвори вѣче, и цѣлова святую Богородицу на вснхъ грамотахъ Ярославлихъ. И сидѣвъ 2 недѣли, иде<sup>2</sup> опять къ Переяславу, поя съ собою мужи Новгородскіа моложшаа; а сына 2 посади въ Новѣгородѣ, Феодора и Александра. Се уже пятое сидѣніе Ярославли въ Новѣгородѣ. Тоя же зими, февраля 5, свѣршиша церковь камену въ Ростовѣ, иже бѣ палася; и принесено бѣ и тѣло Леонтіа чудотворца изъ церкви святаго Іоанна въ церковь святую Богородицу, идеже и донынѣ лежитъ; того же дни и церковь свѣщали. Тоя же зими въведоша съ Хутина отъ святаго Спаса Арсеніа игумена, кротка и смирена, князь Ярославъ, и владыка Спиридонъ и весь Новѣгородъ, и даша ему игуменство у святаго Георгіа; а Саву лишиша, и посадиша его въ келіи; и лежавъ 6 недѣль, и преставися марта 15 день, въ субботу, и тако погребенъ бысть игуменомъ Арсеніемъ. Мы же на подлежащее възврати(м)ся, на горкую и бѣдную повѣсти память тоа весны. Что бо рещи, или что глаголати<sup>3</sup> о бывшей на насъ отъ Бога казни? Яко инаа простаа чадъ рѣзашу люди живыи и ядаху, а инѣи мертвыа мяса и трупиѣ обрѣзающе ядаху, а друзіи конину, и псину и кошки, и тѣхъ нашедше тако творяху, овѣхъ

огнемъ ижгоша; а другихъ оскѣкоша, а иныхъ 1231 извѣшаху; инѣи же мохъ ядаху, и ужовъ даягилъ, рекше стволъ; а инѣи съснову кору, и липовъ листь, илемъ, кто что замысля. А инѣи паки зліи чловѣци почаша добрыхъ людей дома зажигати, где слышаху рожь, и розграбливаху имѣніа ихъ. И въ покааніа мѣсто злое творяху, и горчайше того быхомъ на зло, а видяще предъ очима нашими персть Божій: мертвыа по улицамъ, и по торгу, и по мосту по великому, отъ пестъ извѣдаемы, ихже не можаху погрѣбати. Поставиша другую скуделницу на поли, конецъ Чюдинцевѣ улицы, и бысть и та полна, въ ней же числа нѣсть; а третію поставиша на Колѣвни<sup>4</sup>, за Рожествомъ Христовымъ, и та бысть полна, въ ней же числа нѣсть, въ поли. Также и въ Смоленскѣ сѣтвориша 4 скуделницы: въ дву 16000, а въ 3-й 7000, а въ 4-й 9000. Се же зло бысть по два лѣта. То же бы намъ все видяще предъ очима лучшими быти, мы же быхомъ пуше; братъ брату не сужаляшеся, ни отецъ сынови, ни мати дщери, ни сусѣдъ сусѣду не<sup>5</sup> уламляше хлѣба; не бысть милости межи нами, но бѣше туга и печаль, на улицы скорбь другъ съ другомъ, дома тоска, зряще дѣтей плачущи хлѣба<sup>6</sup>, а другаа умирающа. И купляхомъ по гривнѣ хлѣбъ<sup>7</sup>, и по болши, а ржи 4-ю часть кади купляхомъ по гривнѣ сребра; и лааху отци и матери дѣти своа одерень исъ хлѣба гостемъ. Се же горе бысть не въ Новгородской земли въ единой, но и<sup>8</sup> по всей области Русѣй, кромѣ единого Кіева; и тако ны<sup>9</sup> Богъ възда по дѣломъ нашимъ. Того же лѣта, мѣсяца февраля 25, пренесены быша мощи великого чудотворца Леонтіа изъ церкви святаго Іоанна въ соборную церковь святаго Богородица, юже създа великій князь Константинъ Всеволодичъ<sup>8</sup>.

(1) Въ подлинникѣ: по мостомъ. (2) Тамъ же: на колонѣ. (3) Тамъ же: ни. (4) Тамъ же: глѣба. (5) Тамъ же: глѣбъ. (6) Тамъ же: и по. (7) Тамъ же: ни. (8) Разказъ о перенесеніи мощей св. Леонтіа здѣсь помѣщенъ во второй разъ; см. столб. 357.

1231 Въ лѣто 6739. Митрополитъ Кирилъ, иже  
1233 причетникъ, постави епископомъ Кирила гра-  
ду Ростову при великомъ князи Володимери  
Руриковичи Кіевскомъ. Того же лѣта въ Новѣ-  
городѣ загорѣся отъ Матфеева двора отъ Выш-  
ковича, и погорѣ весь Славенскій конецъ  
оли до конецъ Холма, мимо святаго Илію;  
но убоуде Богъ святыхъ церквей. Но тогда  
люте бысть пожаръ, яко по водѣ огонь горя-  
ше, ходя чрезъ Вльховъ, всѣмъ людемъ зря-  
щимъ; и головъ<sup>1</sup> нѣколко истопе въ Вльховѣ.  
Того же лѣта откры Богъ милосердіе свое на  
насъ грѣшныхъ, удрѣжа гнѣвъ свой, и сѣтво-  
ри съ нами милость свою: въскорѣ прибѣго-  
ша Нѣмци изъ заморіа съ житомъ и съ му-  
кою, и сѣтвориша много добра, а уже при  
конци бяху Новгородци. Того же лѣта роди-  
ся князю Василку Костантиновичу сынъ Бо-  
рисъ, іюля 24. Священна бысть церкви свята  
Богородица въ Ростовѣ епископомъ Кириломъ,  
августа 14. Того же лѣта ходи Ярославъ  
Всеволодичъ на Черниговъ ратию съ Ново-  
городци и съ всею областію своею, на кня-  
зя Михаила Всеволодича, Олгова (правнука), и  
пож(же) Шернескъ; и стоавъ подъ Монжай-  
скомъ, и възвратися опять, истрави(въ) обиліа  
много; ту же подъ городомъ застрѣлиша Ол-  
дана подвойского, и безъ мира отъидоша. То-  
го же лѣта преставися Водовикъ Внѣздъ<sup>2</sup>,  
посадникъ Новгородскій, въ Черниговѣ. То-  
го же лѣта быша знаменія много: солнце прет-  
ворися яко мѣсяць, и поиде солнце къ во-  
стоку до часа.

Въ лѣто 6740. Женися Володимеръ Костан-  
тиновичъ. Тогда же Татарове зимоваша, не  
дошедше Великаго града Болгарского. Того  
же лѣта придоша ис Чернигова Борисъ Нѣ-  
гочевичъ, тысячъ(с)кій Михайло съ братомъ,  
и Водовиковичъ Петръ, Глѣбъ<sup>3</sup> Семеновъ братъ,  
Борисовичъ Миша, съ княземъ Святославомъ  
Трубецкимъ, на срѣдоговнѣ; и быша въ

Будци въ селѣ святаго Георгіа, оттолѣ възвра-  
тиса Святославъ въ Русь, уразумѣвъ, яко сѣ  
сѣлгаша имъ. Они же въгониша въ Плесковъ,  
и яша Вячеслава Гориславича, и бивше оковаху  
его. Въ Новѣ же городѣ бысть мятежъ великъ,  
не баше бо князя Ярослава, но въ Переяславлѣ  
тогда; и пріѣха князь ис Переяславля, нзы-  
ма Плесковичи, и посади ихъ на Городящи  
въ гридниці, и посла въ Плесковъ, рече: «му-  
жа моего пустите, а тѣмъ путь покажѣте, от-  
куду пришли.» Они же стаха за нихъ крѣпко,  
и рекоша: «пришлѣте къ намъ жены и това-  
ры ихъ, тоже мы Вячеслава пустимъ; или  
вы собѣ, а мы собѣ;» и<sup>4</sup> тако быша лѣто все  
безъ мира. И не пусти князь гости къ нимъ,  
купляху соль у нихъ берковескъ по 7 гри-  
вень, и по болши; и пустиша Вячеслава, князь  
же пусти къ нимъ жены Борисову, и Глѣ-  
бову и Мишину, но мира съ ними не бѣ.  
Бысть же на зиму, и придоша Плесковичи,  
и поклонихася князю: «ты нашъ князь,» и  
просиша у Ярослава сына Феодора. И не да-  
имъ сына, и рече имъ: «се даю вамъ шурина  
своего Юріа, то вашъ князь.» И повѣша его,  
и посадиша его въ Плесковѣ, а Борисови  
зади путь показаша и з женами; они же  
идоша и сѣдоша въ Медвѣжій Головъ, тоя же  
осени.

Въ лѣто 6741. Подписана бысть церкви  
Суздальская, и помощена мраморомъ крас-  
нымъ различнымъ. Того же лѣта Святославъ  
Мыстиславичъ, внукъ Романовъ, взя Смоленскъ  
на щитъ, съ Полочанъ, на святую мученику  
Бориса и Глѣба; и сѣче Смоленянь много, а  
самъ сѣде на столѣ.

Въ лѣто 6741, мѣсяца октября въ 8 день,  
преставися архіепископъ Новгородскій Анто-  
ній, на память святаго Пелагіи. Сей блажен-  
ный архіепископъ Антоній прежде изгнанія  
сидѣ въ епископыи лѣтъ 8 по Митрофанѣ, а  
въ изгнаніи лѣтъ 6, и посемь иде ис Пере-

(1) Въ подлинникѣ: гоголовъ. (2) Тамъ же: водовичъ посадникъ и внѣздъ. (3) Тамъ же: хлѣбъ. (4) Тамъ же: а.

мышля, сидѣ 2 лѣта въ Новгородѣ, и разболѣлся велики, и онѣмѣ, и бысть въ болѣзни той 6 лѣтъ и 7 мѣсяцъ и 9 день нѣмѣ, не глаголя, и тако преставися въ небесное царство; душа убо его възыде на небеса, мощи же его положены быша честно у святыя Софія, въ притворѣ, при благовѣрнѣмъ князи Ярославѣ Всеволодичѣ, при архіепископѣ Спиридонѣ. (Т)ого же лѣта изгониша Изборескъ Борисова чадо съ княземъ Ярославомъ Володим(ер)ичемъ и съ Нѣмци; Плесковичи же, оступивше Изборескъ, изымаша ихъ и князя, а Нѣмчи убиша Данилу, а нѣмъ побѣгоша; и даша я великому князю Ярославу, князь же поквоавъ поточи а въ Переяславль. Того же лѣта преставися у князя Ярослава болшій сынъ князь Федоръ, мѣсяца іюня въ 10 день, и положенъ бысть въ монастыри святого Георгія; еще младъ, и кто не пожалуетъ о семъ? свадьба приготвлена, и невѣста приведена, князи съзвани, и бысть въ веселіа мѣсто плачь и сѣтованіе, грѣхъ ради нашихъ; но Господи, слава тебѣ, Царю небесный, изволившу ти тако; и покой его съ всѣми праведными. Того же лѣта заложена бысть церковь на воротехъ отъ Неревскаго конца святого Феодора. Того же лѣта преставися преблженный митрополитъ Кирилъ Кіевскій и всеа Руси, родомъ Гречинъ, приведенъ изъ Нѣкія. Того же лѣта изгониша Нѣмци въ Тѣсовѣ Кирпа Синкинича, и яша, и ведоша въ Медвѣжу Голову, и сидѣ окованъ отъ Госпожины дни до великаго говѣнія, князю же Ярославу не сущу въ Новгородѣ, но въ Переяславль отшелъ бѣ; и пришедъ князь оттолѣ выправи, Божією помощію и святыя Софія, а полки своа приведе въ Новгородъ, хотя ити на Нѣмци.

Въ лѣто 6742. Иде князь Ярославъ съ Новгородци, и съ всею областію Новгородскою и съ полки своими на Нѣмци подъ Юріевъ.

И ста князь не дошедъ до града съ полки, 1233 и пусти люди своя въ зажитіа воевати; 1234

Нѣмци же изъ града высунушася на сторожи ихъ, и бишася съ ними до полковъ. Князь же Ярославъ иде противъ ихъ съ Новгородци, и поможе ему Богъ, и биша ихъ до рѣки Амовижи гоня, и ту паде лучшихъ Нѣмецъ нѣсколько<sup>1</sup>; и яко быша Нѣмци на рѣцѣ на Омовыжѣ, и ту обломашася, и истопе ихъ много, а нѣмъ язвени въбѣжаша въ Юріевъ, а друзи въ Медвѣжую Голову; и много попустошиша земли ихъ, и обиліа много потравиша около Юріева и около Медвѣжи Головы. И поклонилася Нѣмци князю Ярославу, Ярославъ же взя съ ними миръ на всей правдѣ своей, и възвратилася Новгородци здрави вси, а Низовецъ нѣсколько паде. Того же лѣта згорѣ отъ грома церковь святого Луки въ Людинѣ конци, мѣсяца іюня въ 10, на память священномученика Тимофея, въ 1-й часъ ноци. Того же лѣта изгониша Литва Русу<sup>2</sup> оли до торгу, и стаха Рушанѣ и засада, огнищанѣ и гридба, и кто купецъ и гостей, и выгнаша я опять на поле на посада, біющеся. И ту убиша нѣсколько Литвы, а Рушанъ 4 мужи, попа Петрилу, другое Обрадица, и на два мужа. А монастырь святого Спаса весь пограбиша, и церковь полуниша, и иконы, и престоль, и чрѣници 4 убиша, и отступивша на Клинь. Тогда же вѣсть приде въ Новгородъ князю Ярославу; князь же съ Новгородцы всѣдавше въ насады, а нѣмъ на конехъ, и поидоша по нихъ по Ловоти; и яко быша у Моравейна, и възвратилася лоденци оттолѣ въ Новгородъ, а князь ихъ отпусти, не достало бо у нихъ корму, а самъ поиде съ конники по нихъ; и постиже ихъ на Дубровнѣ на селищи, въ Торопецкой волости, и ту ся би (съ) безбожными, и окаанными, и богопротивники и кровопролитники христіанскими. И ту поможе Богъ, и крестъ

(1) Въ подлинникѣ: нѣсколько. (2) Тамъ же: русь.

1234 честный и святая Софія премудрость Божіа  
1237 надъ погаными князю Ярославу съ Новогородци; и отъяша у нихъ 300 лошадей и съ товаромъ ихъ, а сами побѣгоша на лѣсъ, пометавше оружіе, и щиты и все отъ себе, а инии ту костью падоша. А Новогородецъ ту убиша 10 мужъ: Феда Якуновича тысяцкого, Гавр(ил)а Щитника, Нѣгутина съ Лубяници, Нѣжила сребреника, и Гостила съ Кузмядьмянской улицы, Федора Ума княжъ дѣцкой, другое Городищанинъ, и иныхъ 3 мужи; а поков, Господи, душа ихъ въ царствіи своемъ небеснѣмъ, проліавшихъ кровь свою за святую Софію и за кровь христіанскую.

Въ лѣто 6743. Не хотя испрѣва окаанный и всепагубный діаволь роду человѣческому добра, въздвиже крамолу межи Рускими князи, да быша человѣци не жили мирно; о томъ бо злый врагъ радуется кровопролитію христіанскому. Поиде князь великій Володимѣрь Руриковичъ съ Кіаны и Данило<sup>1</sup> Романовичъ, Василковъ братъ, зятя великого князя Юрія Всеволодича, съ Галичаны на князя Михаила Всеволодича Чръного, (пра)внука Олгова, къ Чернигову, а Изяславъ бѣжа въ Половцы, и много воева Владимиръ около Чернигова, и посадъ пожже; а князь Михайло выступи ис Чернигова, и сѣтвори прелестъ на Данилѣ Романовичи, и много би Галичанъ, и бес числа; Данило же едва уйде, а Володимѣрь пришедъ, опять сѣде въ Кіевѣ. И не (ту) бы тогда досыти зла, но прииде Изяславъ съ погаными Половцы, въ силѣ тяжцѣ, и князь Михайло Всеволодичъ съ Черниговци подъ Кіевъ, и взяша Кіевъ; а великого князя Володимера Половцы емше и княгиню его, поведоша въ землю свою, и много зла сѣвориша Кіаномъ; а князь Михайло Черниговскій сидѣ въ Галичи, а Изяславъ въ Кіевѣ. И опять пустиша Половцы великого князя Володимера, вземше на немъ окупъ, и княгиню

его; и на Нѣмцехъ имаша искупъ князи. А въ Кіевѣ сидѣ князь великій Изяславъ Мѣстиславичъ храброго, внуку Романовъ Ростиславича Смоленского, а Ростиславъ Романовичъ внуку Манамаховъ.

Въ лѣто 6744. Поиде князь Ярославъ Всеволодичъ, внуку Юріевъ Владимѣрича Манамахова, изъ Новгорода на Кіевъ, на столѣ, поимя съ собою Новгородци, Судимира въ Славнѣ, Якима Влунковича, Костю Вячеславича, Кіанина родомъ, а Новѣторжець 100 мужъ; а въ Новѣгородѣ посади сына своего Александра храбраго. И пришедъ сѣде въ Кіевѣ на столѣ, и дрѣжа Новогородцовъ и Новоторжыцевъ одну недѣлю, и одаривъ ихъ отпусти къ Новугороду; и приидоша вси здорови. Того же лѣта пришедше безбожнии Татарове плѣниша всю землю Болгарскую, и градъ ихъ Великій взяша, (и) иссѣкоша вся, и жены и дѣты. Того же году князь великій Юрій Всеволодичъ ожены сыны своа, Володимера и Мѣстислава.

Въ лѣто 6745. Епископъ Володимерскій Митрофанъ постави кивотъ чуденъ надъ святою трапезою въ церкви святыа Богородица въ Володимерѣ. Того же лѣта, мѣсяца августа 3 день, на память святыхъ мученикъ Исаакіа, и Далматіа и Фавѣста, бысть знаменіе въ солнци въ полудни: тма бысть въ солнци, съ запада акы мѣсяць бысть въ 5 ноцѣ, а съ востока свѣтло; и опять съ востока тма бысть, такоже яко мѣсяць 5 ноцѣй, а съ запада свѣтло, и тако исполнися опять. Того же лѣта приидоша Нѣмци въ силѣ велицѣ изъ заморіа въ Ригу, и ту съвѣкупившеся вси, и Рижанѣ и просто вся Чудская земля, и Плесковичи отъ себе послаша помощь 200 мужъ, идоша на безбожную Литву; и тако, грѣхъ ради нашихъ, безбожными погаными побѣжены быша Нѣмци, приидоша каждо десятый въ домъ свой. Того же лѣта прииде въ Кіевъ

(1) Въ подлинникѣ: и дани и данило.

митрополитъ Гречинъ изъ Нѣкіа, именемъ Іосифъ. О плѣненіи Рускыя земля отъ Батіа. Слышано бысть на восточнѣй странѣ въ родѣ Измаиловѣ, сына Агарина, рабыни Авраамовы, яко смири Господь Богъ Рускую землю нахожденіемъ безбожныхъ иноплеменникъ, Таурмень, еже на Калкы, и побѣжденіе Рускихъ князей прослу, и храбрыхъ онѣхъ 72 избіеніе вѣдомо тамо бысть, и межиусобныя брани Рускыя земля, и глады, и морѣ велицѣи, и оскудѣніе Рускаго воинства, и разныствіе въ братіи, и просто все земское неустроеніе; наипаче же обнажися грѣховнаа злоба, и вопль грѣховный въ уши Господа Саваоѳа въніиде, тѣмъ и попусти на землю нашу таковую всепагубную рану; еще бо и сеа крови не отмыхомъ, Калкацкаго бою, и пакы народися людѣи по велицѣмъ мору по всей земли, кромѣ Кіева; но Кіевьстѣи людѣи на Калкахъ съ великимъ княземъ Мѣстиславомъ Роман(ов)ичомъ, и съ нимъ 10-ю князи и съ 72-ю храбрыми костью тамо падоша; Новгородстѣи людѣи отъ гладныя смерти изымроша, а живыи разыдошася по чюжимъ землямъ; также и Смоленскаа, и вси просто гради столпни смерти тоа вкусивше въскорѣ осиротѣша. Не много бо лѣтъ мину, отъ Калкацкіа рати до потрясенія земли 8 лѣтъ, тогда же и гладъ бысть, а отъ потрясенія земли до Батыева прихожденія 8 лѣтъ, того ради не исполнися земля наша, но и наипаче всѣмъ животнымъ опустѣ. Мы же приведемъ слово къ повѣсти, како ублюде Богъ великаго князя Юріа Всеволодича, и Ярослава, брата его, и братанича ихъ Василка Ростовскаго Костантиновича отъ Калокъ, также и люди оставшая отъ мору, и како не угоньзнуша своа смерти: обща бо есть всей Руской земли. Слышавше бо безбожніи Татарове таковое смиреніе Руское, а имѣніе великое многими лѣты събраное, двинушася

съ восточныя страны, и поплѣниша прѣвое 1237 Болгарскую землю, а на третій годъ на Рус- 1238 кую землю придоша бесчисленное множество, яко пружи траву поймающе, тако и сѣи сыроядци христіанскій родъ потребляюще.

Въ лѣто 6746. Зимоваша окаанныи Татарове подъ Чернымъ лѣсомъ, и оттолѣ придоша безвѣстно на Рязанскую землю лѣсомъ, съ царемъ ихъ Батіемъ; и прѣвое придоша и стаха о Нузлѣ, и взяша ю, и стаха ту станомъ. И оттолѣ послаша посломъ жену чародѣицу, а съ нею два Татарина, въ Рязань къ княземъ Рязанскимъ, просяще у нихъ десятины: десятого въ князехъ, десятого въ людехъ, и въ конехъ, десятого въ бѣлыхъ, десятого въ вороныхъ, десятого въ бурыхъ, десятого въ пѣгыхъ, и въ всемъ десятого. Князи же Рязаньстѣи, Юрій Иньгваревичъ и брата<sup>1</sup> его Олегъ и Романъ Иньговоровичи, и Муромскіе князи и Проньскіе хотѣша съ ними брань сѣтворити, не выпустячи въ свою землю, и выидоша противу ихъ въ Вороножъ, и ркоша посломъ Батыевымъ: «коли насъ не будетъ всѣхъ, то все то ваше будетъ.» И оттолѣ послаша ихъ къ великому князю Юрію Всеволодичу въ Володимерь, и оттолѣ пустиша Татары въ Вороножи. Послаша же Рязаньстѣи князи пословъ своихъ въ Володимерь къ великому князю Юрію, просяще помощи, или самому поити и вѣстѣи постоати за землю Рускую. Князь великій же Юрій не послуша молбы Рязаньскихъ князей, самъ не поиде, ни посла къ нимъ, но всхотѣ самъ о себѣ съ Татары брань сѣтворити. Но уже бяше Божію<sup>2</sup> гнѣву не вѣзможно противитися, якоже древле речено бысть Господемъ Ісусу Навгину, егда веде ихъ Господь въ землю обѣтованную, тогда рече: азъ пошлю во нихъ прежде въ васъ недоумѣнное, и грозу, и страхъ и трепеть; также и у насъ отъятъ Господь прѣже

(1) Въ подлинникѣ: братъ. (2) Тамъ же: божію.



1238 силу, а за грѣхы наша вложи въ насъ грозу, и страхъ, и трепеть и недоумѣніе. Поганіи же Татарове начаша воевати землю Рязанскую, и оступиша Рязань, мѣсяца декабря въ 16 день, на память святаго пророка Аггеа, и острогомъ оградиша его; князь же Юрій Рязанскій затворися въ градъ съ людьми, а князь Романъ отступи (къ) Коломнѣ съ своими людьми. И взяша градъ Татарове<sup>1</sup>, въ 21 день, приступивше, того мѣсяца, на память святаго мученицѣ Іуліаны, князя Юрія Ингваревича убиша и княгыню его, а люди изсѣкоша, мужа, и жены, и дѣти, и чрънца, и чрънорызыца, іереа, овыхъ огнемъ, а иныхъ мечемъ, поруганіе чръницамъ, и попадамъ и добрымъ женамъ и дѣвицамъ предъ матерями и сестрами; а епископа же ублюде Богъ, отъиха въ то время прочъ, егда Татарове городъ оступиша; и изсѣкоша люди, а иныхъ плѣнивше, зажгоша градъ. И кто, братіе, отъ насъ не поплачется о семъ, кто насъ осталъ живыхъ, како они горкую и нужную смерть подъяша? да и мы, то видѣвши, устрашилися быхомъ и плакалися грѣховъ своихъ, день и ночь, съ въздыханіемъ; мы же творимъ съпротивное, пекущися о имѣніи и о ненависти братни. Мы же на подлежащее възвратимся. Князь же великій Юрій Всеволодичъ Володимерскій посла въ сторожехъ Іеремѣя воеводою, и снися съ Романомъ Ингваревичемъ. Татарове же, взявше Рязань, поидоша х Коломнѣ, и ту прииде противу ихъ сынъ великого князя Юрія Всеволодича изъ Володимера и Романъ Ингваревичъ (съ) своими людьми и оступиша ихъ Татарове, и ту бысть имъ бой, и бишася крѣпко, и пригониша ихъ къ надолобамъ, и ту убиша князя Романа Ингваревича и Еремеа Глѣбовича, воеводу Всеволожа, и ту паде много людей съ княземъ и съ Іеремѣемъ, а Москвичи побѣгоша, ниче го же не видѣвши, а Всеволодъ Юріевичъ

бѣжа вмагѣ въ Володимеръ. А Татарове пришедше взяша Москву, и князя Володимера, сына великого князя Юрія, поимаша, и поидоша къ Володимеру многое множество кровопролитецъ крови христіанскыа. Слышавъ же то князь великій Юрій, уряди въ себе мѣсто въ Володимери сыны своа, Всеволода и Мстислава, а самъ поиде къ Ярославлю, и оттолѣ за Волгу, а съ нимъ сыновцы его Костантиновичи, Василко, и Всеволодъ и Вълдимеръ, и пришедъ ста на Сити, ждучи къ себѣ брата Ярослава и Святослава; а въ Володимери затворися сынъ его Всеволодъ съ матерією, и съ владыкою, и съ братомъ, и съ всею областію своею. Безаконніи же Татарове приидоша къ Володимеру, мѣсяца февраля 3 день, на память святаго Симеона богоприѣмца, въ вторнигъ мясопустныя недѣли; приведоша же со собою Володимера Юріевича къ Золотымъ воротамъ, глаголюще: «знаете ли княжича вашего?» Братіа же его, Ослядюковичъ и вси людіе видѣвши и, многы слезы изліаша, видяще его въ мнозѣ истомленіи. Татарове же отступльше отъ вратъ града<sup>2</sup>, и градъ обѣихавше, и потомъ сташа станы противу Золотыхъ воротъ на зрѣниѣ; Юріевичи же, Всеволодъ и Мстиславъ, хотѣша выйти на нихъ, не дасть имъ брати Петръ воевода, глаголя: «нѣсть мужества, ни думы, ни силы противу Божіа посѣщенія, за наше сѣгрѣшенія.» Татарове же шедше взяша Суздаль, и приидоша къ Володимеру, въ пятокъ преже мясопуста; во утринъ же, въ субботу мясопустную, февраля 7, на память святаго отца Парфенія, начаша Татарове полки рядити, въ нощи той градъ весь тыномъ отыниша. Въутрѣи же видивше князи Всеволодъ и Мстиславъ и владыка Митрофанъ, яко уже граду ихъ взяту быти, ни надѣяхуся не откудо же помощи, и внидоша вси въ церковь святаго Бѣгородица, и начаша каятися

(1) Въ подлинникѣ: татаро<sup>вѣ</sup>. (2) Тамъ же: граду.



грѣховъ своихъ, и елици отъ нихъ хотяху въ аггелскый образъ, постриже ихъ всѣхъ владыка Митрофанъ, князей, и княгиню Юріеву, и дочерь, и сноху, и добрыа мужи и жены. А Татарове начаша пороки радити, и къ граду приступиша, и выбывше стѣну градную, наметавше (въ) ровъ сырого лѣса, и тако по примету внидоша въ градъ; такоже и отъ Лебеди внидоша въ Ориныни ворота, и отъ Клязмы въ Мѣдяные ворота и Волжскіе<sup>1</sup> ворота, и тако взяша градъ и огнемъ запалиша. Увидѣвше же князи, и владыка и княгини, яко зажженъ бысть градъ, а людѣе уже огнемъ скончуются, а инѣи мечемъ, и бѣжаша<sup>2</sup> князи въ средній градъ; а владыка, и княгини съ снохами, и съ дочерью<sup>3</sup> княжною Феодорою и съ внучаты, инѣи княгини, и боярыни и люди мнози вбѣгоша въ церковь свята Богородица и затворишася на податехъ. А Татарове и тотъ градъ взяша, и у церкви двери изсѣкше, и много древіа наволочиша, и около церкви обволочивше древіемъ, и тако запалиша, и вси сущіи тамо издѣхошася, и тако предаша душа своя въ руцѣ Господевы; а прочіихъ князей и людей оружіемъ избыша. И оттолѣ разсыпашася Татарове по всей земли той, къ Ростову, инѣе по великомъ князи погнаша на Ярославъ и на Городецъ, и по Волзѣ вся грады поплѣниша и до Галича Мерскаго; а инѣи къ Юріеву, и къ Переяславу и къ Дмитрову, и тѣхъ взяша; а инѣи Тѣбрь шедше взяша, въ ней же сына Ярославля<sup>4</sup> убиша, и вся грады поимаха по Ростовской земли и по Суздальской въ единъ мѣсяць февраль<sup>5</sup>, вѣсть же мѣсто и до Торжку, идеже не быша. Прииде же си (вѣсть) къ великому князю Юрію на рѣку Сить, сущу ему тамо, а мѣсяцю февралю уже исходящу, яко Володимеръ взять бысть, и сущаа въ немъ вся взята, «люди вся, и епископъ, и кня-

гынѣи твоя, и сынове и снохы вся избыти, а 1238 къ тебѣ идетъ;» онъ же бысть въ велицѣ тузѣ, яко себе не видѣти, о церковномъ разореніи и о погыбели христіанской. И посла Дорожа въ просоки, въ трехъ тысящахъ, пытаты Татаръ; онъ же прибѣже, глаголя: «господине княже, уже обошли суть на насъ Татарове.» Онъ же съ братомъ Святославомъ, и съ сыновци своими, Василкомъ, и Всеволодомъ и Володимеромъ, и съ полки исполчившеся, и поидоша противу ихъ, и постави полки около себе, но не успѣша ничтоже; а Татарове пришедше къ нимъ на Сить, и бысть сѣча зла, и побѣдиша Рускихъ князей. Ту же убиенъ бысть князь великій Юрій Всеволодичъ, внукъ Юріевъ Долгорукого, сына Манамахова, и мнози вои его избіени быша; а Василка Костантиновича Ростовского руками аша, и того ведоша съ собою до Шеренского лѣса, нудяще его въ своей волѣ жити и воевати съ нимъ(и); онъ же не повинуся имъ и ни вкуси ничтоже, яже суть въ рукахъ ихъ, но и много хула изрекъ на царя ихъ и на всѣхъ ихъ. Они же много мучивше его, предаша смерти, марта въ 4, въ средохрестіе, повергоша тѣло его на лѣсѣ. Тоже видѣ нѣкаа жена, повѣла мужу богобоязливу; взявше тѣло его, обвиша плащеницею и положиша въ скровениѣ мѣстѣ. Онѣ же оттолѣ вѣзвращшеся, якоже выше рѣхъ, взяша Переяславъ, и Москву, и Юріевъ, и Дмитровъ, и Волокъ и Тѣбрь, и оттолѣ приидоша къ Торжку, въ недѣлю 1 поста, мѣсяца февраля въ 22 день, на обрѣтеніе мошей<sup>6</sup> святихъ мученикъ иже въ Евгеніи; и отыниша его тыномъ весь около, якоже инѣи грады имаху, и бишася ту окааніи по 2 недѣли. Изнемогоша же людѣе въ градѣ, а изъ Новгорода не бысть имъ помощи, но уже кто же собѣ сталъ бѣ въ недоумѣніи и въ страстѣ; и тако поганіи взяша градъ, изсѣкоша

(1) Въ подлинникѣ: вложскіе. (2) Тамъ же: бѣжаша. (3) Тамъ же: дочерью. (4) Тамъ же: ярослава. (5) Тамъ же: февраль въ 14. (6) Тамъ же: моши.

1238 вся отъ мужеска полу и до женска, іерейскій чинъ весь и чръноризческій, а все изобнажено и поругано, горкою и бѣдною смертію предаша душа своа въ рудѣ Господеви, мѣсяца марта въ 5 день, на память святаго Канона, въ среду 4-ю недѣлю поста. Ту же убіени быша: Иванко посадникъ Новоторжескій, Якимъ Влуньковичъ, Глѣбъ Борисовичъ, Михаилъ Момсевичъ. А за прочими людьми гнашася безбожнии Татарове Серегѣрьскимъ путемъ до Игнача креста, а все сѣкучи люди, яко траву, и толику не дошедше за 100 верстъ до Новгорода. Новъ же городъ заступи Богъ, и святая и великаа съборнаа и апостольскаяа церковь Софіа, и святыи преподобныи Кирилъ и святыихъ правовѣрныхъ архіепископъ молитва, и благовѣрныхъ князей и преподобныхъ чръноризецъ іерейскаго събора. Да кто, братіе, и отци и дѣти, видѣвши таковое Божіе попущеніе се на всей Русѣй земли, (и не плачется)? Грѣхъ ради нашихъ попусти Богъ найты на ны поганыя; наводятъ бо Богъ, по гнѣву своему, иноплеменики на землю, и тако съкрушеномъ имъ въспоманутся къ Богу; усобная же рать бываетъ отъ наважденія діавола. Богъ бо не хошетъ зла въ человекѣхъ, но блага; а діаволъ радуется злему убійству и кровопролитію. Земли же кой сѣгрѣшивши, казнить Богъ смертію, или голодомъ, или поганыхъ навиденіемъ, или ведромъ, или дождемъ сильнымъ, или пожаромъ или иными казнями; аще ли покаемся, въ немъ же ны Богъ велитъ жити, глаголетъ бо къ намъ пророк(ом)ъ: обратитесь къ мнѣ всѣмъ сердцемъ вашимъ, постомъ, и плачемъ и стенаніемъ; да аще сице сътворимъ, всихъ грѣхъ прощени будемъ. Но мы на злое възвращаемся, яко пси на своя блѣвотины и яко свиніа валяющася въ калѣхъ грѣховныхъ<sup>1</sup> присно, и тако пребываемъ; сего бо ради казни приедемъ отъ Бога, нахождение поганыхъ, по Божію повелѣнію, грѣхъ

ради нашихъ. Кирилу же, епископу Ростовскому, въ то время бывшу на Бѣлѣозерѣ и оттуду идущу ему, пришедъ на Сить, идеже сконча животъ свой князь великій Юрій, Богъ вѣсть како скончася, много бо иде глаголетъ о немъ. Кирилъ же епископъ обрѣтъ тѣло его, главы же его не обрѣте въ мнозѣ трушій мертвыхъ, и несе тѣло его въ Ростовъ, и положи въ церкви святаго Богородица съ многими слезами. Потомъ же увидѣ<sup>2</sup> о Василкы, шедъ взя тѣло его, и принесе въ Ростовъ съ многими плачемъ. Бѣ бо сей князь лицомъ красенъ, очима свѣтелъ, взоромъ грозенъ, паче мѣры храборъ, сердцемъ же легокъ; но, якоже рече Соломонъ, въ оскудѣніи людей бываетъ съкрушеніе сильному, тако и сій храбрый князь и воинство его; много храбрыхъ служаше ему, но что ситъ, яко противу пругомъ? Кто же служилъ ему, и отъ тоа рати кто его остался, и кто его хлѣбъ илъ и чашу пилъ, тотъ, по его животѣ, не можаше служити ни единому князю, за его любовь, еще же бысть милостивъ на убогыхъ и на церковный чинъ паче мѣры. Посемъ же пришедше, нашедше главу князя Юрія, привезше въ Ростовъ, положиша въ гробъ къ тѣлу его. (Б)атый оттуду поиде къ Козелску, бѣ же въ немъ князь младъ, именемъ Василій; Козличи же горожане сами<sup>3</sup> о собѣ сътворше съвѣтъ, яко не датися поганымъ, но и главы своа положити за христіанскую вѣру. Татарове же пришедше подъ Козелскъ сташа, яко и подъ прочии грады, и начаша бити пороки, и выбивше стѣну възидоша на валъ, и ту бысть брань велика, яко и ножи туто съ ними граждане рѣзашася; а инии враты изшедше на полки ихъ много избыша, яко до 4-хъ тысячъ изсѣкоша ихъ. И тако вземъ градъ ихъ, избы и до отрочаты; а про князя ихъ вѣсти не бѣ, глаголаху бо, яко въ крови утопе. И повелѣ

(1) Въ подлинникѣ: грѣховныи. (2) Тамъ же: увидѣ. (3) Тамъ же: сами горожанѣ.

Батый оттолѣ не зваты Козельскомъ, но злымъ гор(о)домъ; убиша бо ту 3 сыны темнични, иже не обрѣтоша въ множествѣ мертвыхъ. Оттуду иде Батый въ поле въ землю Половецкую. Избави же тогда Богъ отъ нахожденія поганныхъ: князя Ярослава, сына великого князя Всеволода, и сыновъ его: Александра, Андрѣа, Костантина, Афанасіа, Данила, Михаила, и братію Ярославлю, Святослава Всеволодича Юріевского съ сыномъ Дмитріемъ, Іоанна Всеволодича, и Володимера Костантиновича, и Василковича два, Бориса и Глѣба, и Василя Всеволодича. Ярославъ же, по плѣненіи томъ, пришедъ сѣде въ Володимери, очисти перковы отъ трупій мертвыхъ, и кости мертвыхъ съхрани, а людиоставшаа събра и утѣши; и дасть брату Святославу Суздаль, а Ивану Стародубъ.

Княженіе великого князя Ярослава Всеволодича. Въ лѣто 6747. Князь великій Ярославъ Всеволодичъ повелѣлъ принести тѣло брата своего, великого князя Юрія, изъ Ростова въ Володимеръ. Того же лѣта князь великій Ярославъ ходи на Литву ратию, Смоленянь бороня; и посади у нихъ на столѣ шурина своего Всеволода Мѣстиславича, внука Романа Мѣстиславича. Того же лѣта оженился князь Александръ Ярославичъ, княжа въ Новѣгородѣ, понялъ дочерь у Полоцкого князя у Брячислава, и вѣнчався въ Торонцѣ, и ту свадьбу игра, а въ Новѣгородѣ другую. Того же лѣта Александръ Ярославичъ съ Новгородци сруби Городецъ въ Шелонѣ. Того же лѣта посла Батый Татарове, и взяша градъ Переяславль Рускій, а епископа Симеона убиша<sup>1</sup>. Сей бысть Семіонъ 9 епископъ Переяславлю, то и послѣдній; 1 бо бысть епископъ Переяславлю Петръ, 2 Ефремъ, 3 Лазарь, 4 Силвестръ, 5 Іоанъ, 6 Маркель, 7 Ефимій, 8 Павелъ, 9 Семіонъ, иже и послѣд-

ній; отъ того донинѣ безъ пяти лѣтъ 300 1238 лѣтъ какъ тамо епископа нѣтъ, а и градъ<sup>1240</sup> безъ людей. А иныхъ Татаръ посла Батый на Черниговъ; слышавъ то Мѣстиславъ Глѣбовичъ, внукъ Святослава Олговича, и приде на нихъ съ многими вои къ Чернигову, и бысть брань люта, а изъ града ни нихъ каменіе съ пороковъ метяху за полтора перестрѣла, а каменіе два челоуѣка възднимаху; но и тако Татарове побѣдиша Мѣстислава, и многыа воа избыша, а градъ взяша и огнемъ запалиша, а епископа ихъ доведъ Глухова отпустиша. А иніи Татарове Батыевы Мордву взяша, и Муромъ, и Городецъ Радиловъ на Волзѣ, и градъ святыа Богородица Владимирскыа. И бысть пополохъ золь по всей земли, не вѣдаху кто камо бѣжаше.

Княженіе великого князя Михаила Кіевского. Въ лѣто 6748. Посла Батый Менгукана<sup>2</sup> съгладати Кіева. Онъ же шедъ, ста у городка Пѣсочнаго, видѣвъ Кіевъ, удивися красотѣ его и величеству; посла на ны послы къ князю Михаилу Всеволодичу Черниговскому съ лестію. Князь Михайло же послы избы, а самъ бѣжа ис Кіева за сыномъ въ Угорскую землю; а Ростиславъ Мѣстиславичъ, внукъ Давыда Смоленского, пришедъ сѣде въ Кіевѣ. Данило же Романовичъ<sup>3</sup>, внукъ Мѣстислава Изяславича, пришедъ на Ростислава ять его; а Кіевъ дасть Дмитрови, своему (посаднику), дрѣжати противу безбожныхъ. Тогда же приде самъ безбожный Батый съ всею своею силою х Кіеву. Яша же тогда Татарина, именемъ Туврила, и сказа всѣхъ князей и сущихъ съ Батыемъ, и силу ихъ; бяху же братіа Батыевы, воеводы его, Урлу, Бардаръ, Бичюръ, Кайданъ, Бечонъ, Менгуй, Коюкъ, сей же не бѣ отъ рода его, но пръвый воевода его, Себедя, Боктуръ, Бурандай, Бастырь, иже (поплѣни) всю землю Болгарскую и Суздальскую,

(1) Въ подлинникѣ противъ этого мѣста, на поляхъ, написано киноварью: зри о немъ . . . яславъ . . . русень.  
(2) Тамъ же: менгукаса. (3) Тамъ же: мѣстиславичъ.

1240 нѣхъ же бѣ множество возводѣ, ниже (по)  
1241 написахомъ. Нача же Батый пороки ставити,  
и бити безпрестани градъ, день и ночь, и  
выбы стѣну у Лятскихъ воротъ, и ту гра-  
жане на избытыхъ стѣнахъ многу брань съ-  
твориша, но побѣжени бывше, а Дмитрови  
ранену бывшу; и възидоша Татарове на стѣ-  
ну, и отъ многога востомленія стѣны падоша,  
а граждане въ ночь ту иный градъ сътво-  
риша около святыа Богородица. Наутрѣя же  
прѣидоша на ныхъ, и бысть ту съча зла;  
възбѣгоша людіе на комари церковныа съ-  
товары ихъ, и отъ тягосты стѣны повалиша-  
ся. Възяша градъ декабря 6, на память иже  
въ святыхъ отца нашего Николы, въ лѣто  
6749; а Дмитра не убиша, мужества его ра-  
ди, язвѣнь бысть велики. Вземше Батый градъ  
Кіевъ, и слыша о великомъ князи Данилѣ  
Романовичи<sup>1</sup>, яко въ Угрѣхъ, поиде къ Во-  
лодимеру въ Русь. Тоя же зими родися ве-  
ликому князю Ярославу сынъ Василей.

Плѣненіе Вльвинскыа земли. Въ то  
же лѣто 6749, пришедъ Батый къ граду  
къ Лодяжну<sup>2</sup>, и би градъ двѣнадцати по-  
роки, и не може взяти его, и пришедъ  
къ Каменцу Изяславлю, и взя его; Кременца  
же княже Данилова не може взяти. Оттолѣ  
шедъ взя<sup>3</sup> Володимеръ Рускій, на рѣцѣ Бугу;  
также и Галичъ взя, и вся грады бес числа  
поща. По съвѣту Дмитрову иде на Угры, и  
срѣте его король Велии и Коломанъ у Солоной  
рѣкы, на ней же грады Велиньскіе: Изборско,  
Лвовъ великій, Велинь; на той рѣцѣ бысть  
имъ бой, и Батый побѣди, и побѣгоша Угры,  
а Батыевы погнавшу до Дунаа; и стоа ту  
3 лѣта, и воеваша до Володавы, възврати-  
шася въ поле, вся земля поплѣнивше. Того  
же лѣта убиша Татарове князя Мьстислава  
Рыскаго, ниже градъ его на Сѣмѣ рѣцѣ.

Повѣсть о блаженнѣмъ князи Алексан-

дрѣ Ярославичи. Сѣй бѣ блаженный князь  
Александръ сынъ великого князя Ярослава,  
внукъ великого князя Всеволода Юріевича;  
родися о(тѣ) блаженнаа княгыни Феодосіи  
святыа. Якоже рече Исаіа пророкъ: тако гла-  
голетъ Господь: князя азъ учиняю, священи  
бо суть, азъ вожу а въ истинну; безъ Божіа  
повелѣнія не бѣ княженіе его. Но възрастъ его  
паче иныхъ чловѣкъ, гласъ его яко труба  
въ народѣ, лице его яко Іосифа прекраснаго,  
егоже бѣ поставилъ Египетскій царь вто-  
раго царя въ Египтѣ, сила же его бѣ отъ силы  
Самсоновы, и дасть ему Богъ премудрость Со-  
ломону, храбрость же (его) яко Римскаго царя  
Веспасіана, иже бѣ плѣнилъ всю землю Іудей-  
скую. Иногда ополчися ко граду Антипату при-  
ступити, вшедше граждане побѣдиша полкъ  
его, и оста единъ, и възврати силу ихъ къ  
вратомъ граднымъ, и посѣлся дружинѣ своей,  
глаголя: «остависте мя единого;» также князь  
Александръ побѣждаа, и непобѣдима. Сего ра-  
ди, въ лѣто 6749, приде нѣкто отъ западныхъ  
странъ, именемъ Андрѣашъ, ниже нарицаются  
Слугы Божіа, хотя видѣти дивный възрастъ  
великого князя Александра Ярославича. Яко-  
же парница древле Южскаа приде отъ ко-  
нецъ земли видѣти премудрость Соломону и  
хотя слышати премудрости его; также и сей  
Андрѣашъ (съ) своимъ, видѣвше князя Алек-  
сандра, удивившася мужеству и възрасту его,  
и къ своимъ възвратися, и рече: «по истиннѣ,  
прошедъ всю землю и(з)бранными языки, и не  
видѣхъ таковаго въ царехъ царя, ни въ кня-  
зыхъ князя, якоже сей.» Се же слышавъ ко-  
роль части Римскыа, (отѣ) полунощныа стра-  
ны, таковое мужество князя Александра, по-  
мы(сли) въ себѣ, и рече: «пойду и плѣну зем-  
лю его, а самого князя Александра въ рабо-  
ту приведу.» И събра силу велику, Сѣба съ  
княземъ, и зъ бискупы своими и мѣстери, и

(1) Въ подлинникѣ: мьстиславичи. (2) Тамъ же: къ ждану. (3) Тамъ же: вся. (4) Тамъ же слово: яко напи-  
сано два раза.

Нурмане, Сумь, Имь, и наполни корабли многы зѣло полковы своихъ, и подвигеся въ силѣ велицѣ, пыхаа д(ух)омъ ратнымъ, и пришедъ въ рѣку Неву, и ставъ усть Ижеры рѣкы, шатався безуміемъ своимъ, хотяще въспріати Ладогу, и Новгородъ и всю область Новгородскую, и всю землю поплѣнити Словенскую. И разгордѣвся посла послычѣ Новгородъ, къ князю Александру, глаголя сице: «аще можеша противитися мнѣ, то уже есмь здѣ и плѣную землю твою». Князь великій же Александръ слышавъ словеса ихъ, разгорѣся сердцемъ<sup>1</sup>, вниде въ церковь святая Софія, паде на колѣну предъ олтаремъ, начатъ молитися Богу съ слезами, глаголя: «Боже хвалный и крѣпкій, Боже превѣчный, сътворивый небо и землю, и поставый предѣлы языкомъ, и повелѣ(вый) жити не приступая въ чужую часть!» и въспріемъ псаломскую пѣснь, и рече: «суди, Боже, и разсуди прю мою отъ языка неперенедобна и отъ языка неправедна, и суди, Господи, обидящ(и)хъ) мѧ, и въбрани борущимся со мною, прѣими оружіе и щитъ и стани въ помощь мнѣ». И много молився, сконча молитву, и вѣставъ поклонися архіепископу Спиридону; архіепископъ же благослови его и отпусти. Онъ же идя изъ церкви, утираа слезы, нача крѣпити дружину свою, и рече: «не въ сылахъ Богъ, но въ правдѣ; помянемъ пѣсмословца Давыда, (глаголюща): сѣи въ оружїи, а сѣи на конехъ; мы же въ имя Господа Бога нашего призовемъ, ты спяты быша и падоша.» И поиде на нихъ, не дождався съ многою силою, но упова на святую Троицу. Жалостно и слышати, яко отецъ его, князь великій Ярославъ честный, не бѣ вѣдалъ такового вѣстанія безбожныхъ на своего милѣйшого сына Александра, ни оному бысть когда ко отцу вѣсти послати, уже бо приближишася ратнїи; тѣмже мнози Новгородци не съвокупилися бѣху, понеже ускори

князь поити. И прииде на ня іюля въ 15, въ 1241 недѣлю, на Съборъ святыхъ отецъ 600 и 30, иже въ Халкидонѣ, на память святыхъ мученикъ Кирика и Улити и святаго князя Владимира, крестившаго землю Рускую; имѣаше бо князь велию вѣру къ святымъ мученикомъ Борису и Глѣбу. Бѣ нѣкто отъ воеводъ его старѣйшина земли Ижерской, въспріати святое крещеніе, и наречено бысть въ крещенїи имя ему Филиппъ; живяше же посредѣ рода своего, погана суща, поручена же бѣ ему сторожа морская; живяше богоугодно, въ среду и въ пятокъ пребываа въ алчбѣ, тѣмже сподоби его Богъ видѣнію страшну. Скажемъ въкратцѣ: увѣдавъ силу ратныхъ, понде противу князя Александра, да скажетъ ему станы (и) силы Варяжскыя, обрѣте бо ихъ. Ставшу же ему при край моря, стрегущу обою пути, и пребысть всю нощъ въ бдѣнїи, и якоже нача солнце въсходити, услыша шумъ страшень по мору, и видѣ насадъ единъ гребущъ, а посредѣ насада стояща Бориса и Глѣба въ одеждахъ червленыхъ, и бѣста руки дръжа(ща) на раиѣ, гребци же сидяху яко мльнїе одѣяни. И рече Борисъ: брате Глѣбе! вели грести вборзѣ, поможеи сроднику нашему Александру. Видѣвъ же Пелгусїй таковое видѣніе и слыша таковой гласъ отъ святуго мученику, стоаше трепетень, дондеже насадъ отъиде отъ очю его; потомъ же поиха скоро, (и срѣте ѧ великій) князь Александръ, онъ же видѣ его радостными очима, исповѣдаему единому, якоже видѣ и слыша; князь же Александръ отвѣща ему: «сего не рци некому же.» И оттолѣ подшася наихати на нихъ въ 6 часъ дни, и бысть сѣча велика надъ Римляны, избїи ихъ множество бесчисленное, яко и самому королеви възложитьи ему печать на лице острымъ своимъ мечемъ. Здѣ же обрѣтошася въ полку его шесть мужїи храбрыхъ, иже мужествоваша съ нимъ крѣпко: 1 именемъ Гаврилъ Олексичъ: сей наи-

(1) Въ подлинникѣ противъ этого слова на поля написано: духомъ.



1241 хавъ на шнеку, и видѣ королевича ичаща подѣ руку, и гна за нимъ по доскѣ, по не(й) же исхожаху, и до самого корабля, и втекоша предѣ нимъ въ корабль, и паки обращшися свергоша его съ доски съ конемъ въ море, Божією же волею изыде отъ тѣхъ неврежень; и опять нанха, и бися крѣпко (съ) самымъ воеводою посредѣ полку ихъ, и ту уби воеводу ихъ Спиридона и бискупа два. Второй же Новгородецъ именемъ Събыславъ Якуновичъ: сѣй нанхавъ многожды бѣшеся единымъ топоромъ, не имѣа страха въ сердци, и паде нѣколко отъ руки его, и подивнишася силѣ и храбрости его. Третій же Іаковъ Полочанинъ, ловчей бѣ у князя: сѣй нанха на полкѣ съ мечемъ, и много мужество показа, и похвали его князь. Четвертый Новгородецъ именемъ Миша: сѣй пѣшъ съ дружиною своею натече, избѣ три корабля Римлянъ. Пятый<sup>1</sup> отъ молодыхъ его именемъ Сава: сѣй нанха шатеръ королевъ, великій златоверхій, подсѣче стлѣнь шатерный, и полци Александрови видѣвше шатерное паденіе и възрадовашеся. Шестый отъ слугъ его именемъ Ратмиръ: сѣй много бися пѣшъ, и остушиша его мнози, сѣй тако отъ многихъ ранъ надѣ скончася. Се же все слышахъ отъ господина своего князя Александра, и отъ нинихъ, иже въ то время обрѣтошася въ той сѣчи. Бысть же въ то время чудо дивно, якоже и въ древняя дни при Езекинъ цари, егда приде Синахиринъ царь Асирійскій на Іерусалимъ, хотя плѣнити святой градъ, и внезапно изыде аггелъ Господень, и избѣ отъ полка Асирійскаго 100 и 80 и 5000, и вѣставше обрѣтоша трупіа ихъ мертвы; такоже бысть и при побѣдѣ Александровѣ, егда побѣди короля обонполь рѣкы Ижеры, идеже не бѣ проходно полку Александрову, здѣ обрѣтошася многое множество избѣвнихъ отъ

аггелъ Божіихъ. Останокъ же побѣжа, трупіа же мертвыхъ своихъ большихъ воеводъ великихъ, накладше корабль, простѣкше дно, потониша въ море; такоже и нарочитыхъ мужей, накладше и наметавше два корабля, простѣкше дно, потониша же въ море; а прочимъ ископавше ямы вметаша въ ня, а язвени бяху безъ числа; и тако тоа ночи съ срамомъ останокъ ихъ побѣгоша. Новгородци же ту паде: Костантинъ Луготиничъ, Юрята Пинешиничъ, Намѣсть, Дроцило Нѣздыловъ сынъ коже(в)никовъ, а всѣхъ 20 мужъ и съ ладожаны, или менѣ(ше), Богъ вѣсть. Князь же Александръ съ Новгородци приидоша<sup>2</sup> . . . . . Того же лѣта Нѣмци, Медвѣжани, и Юріевци, Веліадци, съ княземъ Ярославомъ Володим(ер)ичемъ, взяша Изборско. И приде вѣсть си въ Плесковъ, яко взяша Нѣмци Изборско, и выидоша Плесковичи вси до души, и бѣшася съ ними, и побѣдиша ихъ Нѣмци; ту же убиша Нѣмци Гаврила Гориславича<sup>3</sup> воеводу, а Плесковичъ гонячи мужество избѣиша, а иныхъ руками изымаша. И пригонивше за ними подѣ городъ, и зажгоша посадъ весь, и много зла бысть, и погорѣша церкви честныа, и иконы, и книги, и евангеліа, и много селѣ потравивша около Плескова; и стояша подѣ городомъ недѣлю, но города не взяша, но дѣти поимаша у добрыхъ мужъ въ талбу, и отыдоша прочъ, и тако быша безъ мира. Бяху бо прѣвѣтъ дрыжали съ ними Плесковичи, и подвели ихъ Твердило Ивановичъ съ нѣми, и самъ почча владѣти Плесковомъ съ Нѣмци, воюя села Новгородскаа; а нини Плесковичи вбѣгоша (въ) Новѣгородъ съ женами и з дѣтми.

Въ лѣто 6749, зимѣ, выиде князь Александръ Ярославичъ изъ Новгорода къ отцу въ Переяславль, съ матерією Феодосі(е)ю, и съ женою и съ всѣмъ дворомъ своимъ, роспрѣлся

(1) Въ подлинникѣ: пятыхъ. (2) Въ рукописи пропущены слѣдующія слова: и съ ладожаны вси здрави въ своихъ, скранныи боготъ, и святою сошею и молитвами всѣхъ святыхъ. (3) Тамъ же: гориславичи.



съ Новгородци. Тоя же зыми придоша Западнии Нѣмци (и) Чюдь на Водь, и повоеваша, дань на нихъ възложиша, и городъ срубиша въ Копоріи погостѣ. И не то бы(сть) зло, но и Тѣсовъ взяша, и гониша за 30 версть до Новагорода, гостѣ біюши, а сѣмо (до) Лугу и до Сабля: Новгородци же послаша по князи къ великому князю Ярославу Всеволодичу, и дасть имъ сына своего Андрѣя. Тогда же здунавши Новгородци, послаша владыку Спиридона съ лучшими людьми опять съ челобитіемъ къ великому князю Ярославу по сына его Александра, просячи его къ себѣ; бѣ бо (въ) то время пришедше Литва, и Нѣмци и Чюдь, и повоеваша волость Новгородскую, и поимаша по Лугу вси конѣ и скотѣ, и не на чемъ быше орати и нѣчимъ. Князь же великій Ярослав приемъ моленіе ихъ, дасть имъ сына своего князя Александра; и приде Александръ въ Новгородъ, и ради быша Новгородци. Того же лѣта поиде князь Александръ на Нѣмци на городъ Копорію, съ Новгородци, и съ Ладожаны, и съ Корѣлою и съ Ижерою<sup>1</sup>, и шедъ взя городъ Копорію и раскопа, а Нѣмци изби, а иныхъ приведе въ Новѣгородъ, а иныхъ пусти по своей волѣ, а Вожанъ и Чюдцу прѣвѣтниковъ извѣша, (и) иде къ Переяславлю.

Въ лѣто 6750, веснѣ, събрашася Нѣмци съ сеа стороны, и придоша къ Пскову, полки Псковскыя побѣдѣша, а въ Псковѣ намѣстники своа посадиша. Князь Александръ то слышавъ, велики оскорбѣ, не повѣдавъ не мало<sup>2</sup>, поемъ съ собою брата князя Андрѣя, поиде изъ Новагорода (на) Нѣмци, на Чудскую землю, съ Ново(го)родци и Низовци, зимѣ, въ силѣ велицѣ, да не похвалятся<sup>3</sup> поганіи, ркуще: «укоримъ словесный языкъ ниже себе;» уже бо быше Псковъ взятъ и тиунн ихъ<sup>4</sup> посажени. Князь же Александръ зялъ всѣ

пути до Пскова, и изгони князь Псковъ,<sup>1241</sup> изыма Нѣмци и Чюдь, и сковавъ поточи въ<sup>1242</sup> Новгородъ, а самъ поиде на Чюдь, и усвободи Псковъ, оплѣниа землю Нѣмецкую. И яко быша на земли Чюдской, посла полкъ свой въ зажитіа, а Домашъ Твердославичъ и Кербетъ быша въ розгонѣ, и усрѣтоша ихъ Нѣмци и Чюдь у мосту, и бышася ту, и на томъ бою убиша Домаша, брата посланича, мужа честна, и иныхъ съ нимъ избиша, а иныхъ руками изымаша, а инѣи прибѣгоша къ князю Александру въ полкъ; а шедше повоеваша много, и пожгоша и полону много взяша. Нѣмци же въ то время съвѣкупиша силу велику, и яко видѣша стражіе Александрови силу ихъ, ужасошася множества<sup>5</sup> ихъ. Тоже слышавъ Александеръ, и въспятися на озеро, глаголемое Чюдское; а местеръ съ всѣми бискупы, и съ множествомъ языка его и власти его, что (ни) естъ на сей сторонѣ, и съ помочю королевою, иде противу ихъ, и придоша на то же озеро, глаголемое Чюдское. Видѣвше же ихъ Александръ сожда, и отступися назадъ; Нѣмци же (и) Чюдь по немъ поидоша. Увидѣвъ же князь Александръ и Новгородци, аже Нѣмци идуть до нихъ, и постави полки своа на озерѣ на Чюдскомъ, на Узмени, у Вороніа камени, и ста посреди ихъ исполчився; и наступиша на озеро Чюдское, бяху бо обонхъ множество много вой. Бяху же у Александра князя много храбрыхъ, якоже древле у Давыда царя силніи и крѣпціи; такоже и мужи Александрови исполнишася духа ратнаго, бяху бо сердца ихъ аки лвомъ, и рекоша: «о княже честный! нынѣ пріспѣ время положить главы своя за тя.» Князь же Александръ вшедъ въ церковь святыя Троица, что бѣ съ нимъ, въздѣвъ рудѣ на небо, и помолися, и рече: «суди, Боже, и разсуди прю мою отъ языка непреподобна

(1) Въ подлинникѣ: смѣроу. (2) Въ Полн. Собр. Лѣт. т. VII, стр. 150, читаемъ: не унедѣвъ нинаго.  
(3) Въ подлинникѣ: да не похвалятся. (4) Тамъ же: тѣи у нихъ. (5) Тамъ же: множество.

1242 и велерѣчива; помози ми, Господи, якоже древле Моисеови на Амалика и прадѣду моему Ярославу на окааннаго Святополка! Бѣ же тогда день суботній, солнцу въсходящу, (съ)ступившася; Нѣмци же и Чюдѣ панхаша на полкъ, и пробившася свинією сквозѣ полии Александровы, тогда бысть сѣча зла на Нѣмци и на Чюдѣ, трусѣ<sup>1</sup> великѣ отъ копейнаго ломленія и звукъ отъ мечеваго сѣченія, яко и озеру помръзшу двинути, и не бѣ видѣти леду, покрыло бо бяше кровію. Се же слышахъ отъ самовидца, и рече ми: «яко видѣхъ полкъ Божій на въздушѣ, пришедшей на помощь Александрови;» и мнози же видѣша вѣрнии полки Божіа, помагающіи Александру. И побѣди а помощію Божією, и святою Софією, и молитвами святою мученику Бориса и Глѣба, еюже древле ради кровь свою проліаша; а Чюдѣ вдаше плещи побѣгоша. И гнаша ихъ біючи по озеру на семь верстѣ, не бѣ бо по леду камо утечи; и гониша ихъ біючи до Суноличскаго берега; и паде Нѣмецъ 531, а Чюди безчисленное множество, а 50 Нѣмчиновъ руками яша и привелоша въ Новгородъ, бяху бо тѣ нарочитіи воеводи; и мнози ихъ истопоша<sup>2</sup> на озерѣ, и мнози язвени отбѣгоша. Бысть же сей бой въ лѣто 6751<sup>3</sup>, мѣсяца априля въ 5 день, на память святаго мученика Θεодула, въ субботу 5 недѣли великаго поста, на Поквалу Богородици; здѣ же прослави Богъ Александра предо всѣми полки, яко Ісуса Навгина у Ерихона. Они же рекли: «ишемъ Александра руками;» и сихъ дастъ ему Богъ въ руцѣ его, и не обрѣтется противникъ ему въ брани никогда же. Възвративъ же ся князь великій Александръ съ побѣдою великою и славною, и съ множествомъ полона и съ великою к(о)рыстію, бяше бо полонъ множество (въ) полку его, и ведаху ихъ подлѣ кони своя, иже именуется Божіа риторіа. И яко

приблизился князь великій Александръ къ граду Пскову<sup>4</sup>, срѣтоша его съ кресты игумены, и попове и народъ многъ, поюще славу Господню великому князю Александру: «пособивый, Господи, кроткому си Давыду побѣдiti иноплеменики и вѣрному князю нашему оружіемъ крестнымъ, свободи градъ Псковъ отъ иноязычникъ рукою Александровою!» О невѣгласи Плесковичи! аще се забудете до правнучать великаго князя Александра, уподобитесь Жидомъ, иже препита<sup>5</sup> Господь въ пустыни манною и крастели печеными, и сихъ всѣхъ не помянуша, и забыша Бога, изведшаго ихъ изъ земля Египетскія, изъ дому работнаго. И прослушавъ Александрово по всѣмъ странамъ, и до моря Хужожскаго, и до горъ Раратскихъ, и обону страну моря Варажскаго, и до великаго Рима. Того же лѣта прислаша Нѣмци съ поклономъ въ Новгородъ безъ князя, глаголюще: «что есми зашли Водѣ, Лугу, Плесковъ, Лотыголу мечемъ, того всего отступаемъ; а что есми изымали мужей вашихъ, а тѣмъ (ся) розмѣниши, мы вашѣ мужѣ пустимъ, а вы наши пустите.» И таѣ Плесковскую пустиша, и умиришася. Тоя же весны, мѣсяца маіа въ 4 день, на память святаго мученика Пелагіа, преставися рабъ Божій, преподобный старецъ, игумень Варлаамъ святаго Спаса на Хутинѣ, а мирскій Вячеславъ Прокшиничъ; а погребенъ бысть заутра въ 5-й день маіа, на память святаго мученицѣ Ирины. (Того же мѣсяца въ 18, на память святаго мученика Александра, явися знаменіе) въ Псковѣ у святаго Іоанна въ монастыри отъ иконы святаго Спаса, надъ гробомъ княгини Ярославли Володимерича, юже уби свой пасынокъ въ Медвѣжи Головѣ: иде мѣро отъ иконы 12 дней, и наиде 4 вощаищи, яко въ сткланицу; и привезоша двѣ въ Новгородъ на благословеніе, а двѣ о себѣ

(1) Въ подлинникѣ: трость. (2) Тамъ же: истопаха. (3) Слѣдуетъ читать: 6750, потому что въ этомъ году пасха была 20-го апрѣля. (4) Въ подлинникѣ: пскову. (5) Тамъ же: препѣты.

оставиша. Но, Господи, слава тебѣ, даровавшему грѣшнымъ и недостойнымъ рабомъ твоимъ таковое благословеніе, и на тя уповахомъ, яко призираеши насъ убогихъ своею многою милостію, яко милостивый человеколюбецъ. Того же лѣта преставися Іоанъ, посадникъ Новгородскій, Твердиславичъ, внукъ Михайловъ, мѣсяца августа, въ недѣлю, въ 1 часъ ноши; а погребенъ бысть въ понедѣльникъ, на память святыхъ мученикъ Павла и Уліаны, во притворѣ святыхъ Софія, идеже лежатъ архіепископи Новгородскіи Аркадіе и Мартиріе. Того же лѣта Литва начаша пакостити въ области великого князя Александра; онъ же единою вышедъ, побѣды семь ратей ихъ, и изби ихъ многое множество, а конехъ руками изымаша, а тыхъ повелѣ привязывати конемъ къ хвостомъ, ругающеса имъ, ведущи безбожную Литву съ собою; и оттолѣ начаша блюстися и трепетати имени его. Того же лѣта князь великій Ярославъ Всеволодичъ ходи въ Орду къ царю Бытью, а сына Константина посла х Кановичемъ. Батый же почестивъ великого князя Ярослава, и отпусти его, давъ ему старѣйшинство въ всемъ Рускомъ языцѣ; и приде съ великою честію въ землю свою.

Въ лѣто 6752. Князь Володимеръ Константиновичъ, и Борисъ Василковичъ, сыновецъ его, Ростовскій, и Василей Всеволодичъ идоша къ Батыю про свою отчину, и отпусти ихъ. Того же лѣта, мѣсяца мая 4, на память святыхъ мученицъ Ирины, преставися великаа княгыня Феодосіа Ярославля, въ Новѣгородѣ, дщи великого князя Мстислава Мстиславича, мати великому князю Александру Невскому, постригшися въ монастыри святаго Георгія, и наречена бысть въ мнишескомъ образѣ Ефросинія; и положена бысть подлѣ сына своего князя Феодора Ярославича.

Въ лѣто 6753. Приде князь Константинъ Ярославичъ ис Кановичъ къ отцу и съ

честію. Того же лѣта воеваша Литва Тор-1242  
жекъ и Бѣжици, и идоша въ землю свою; и 1246  
угони ихъ князь Александръ съ Новгородци у Торопца, отня у нихъ полонъ весь, а князей уби 8. Оттолѣ Новгородци възвратишася, а князь Александеръ погони по нихъ до Жижина з дворомъ своимъ, и ту всѣхъ избы, и ни единого упусти, и поймъ сына своего изъ Вытебьска, и поиде къ Новугороду, и срѣте ихъ рать, и ту поможе ему Богъ. Того же лѣта князь великій Ярославъ съ сыновци своими иде въ Орду.

Въ лѣто 6754. Князь Святославъ Всеволодичъ, нареченный Гаврилъ, и братъ его князь Иванъ Стародубскій Всеволодичъ съ сыновци своими придоша ис Татаръ на свою отчину; а великого князя Ярослава посла Батый х Кановичемъ. Того же лѣта убиенъ бысть князь Михайло Всеволодичъ, Черного сынъ, Черниговскій съ Федоромъ бояриномъ своимъ, зане не поклонилсѣ солнцу, и кусту и идоломъ.

Повѣсть о увіеніи князя Михаила Черниговского, сына Всеволожа Черного, внука Олгова Святославича, сына Всеволожа Олговича, сына Святослава Ярославича, сына Владимира, яко быти ему девятому отъ великого Владимира; и съ нимъ убиенъ бысть Феодоръ, бояринъ его. Въ лѣто 6746, по Божію попущенію и гнѣву, бысть нахожденіе Татарское на землю Рускую, за умноженіе нашихъ съгрѣшеній; мнози грады поплѣнены быша, иже и донынѣ мѣста ихъ стоятъ пуста, и многыя монастыри, и честныя церкви и села отъ того нечестиваго Батыева плѣненія запусѣша и нынѣ лѣсомъ зарастоша, точію знаменія именихъ памятію отъ рода въ родъ предпосылаются, якоже иматъ уреченіемъ рѣка ни во единомъ языцѣ, а единымъ именемъ зватися, такоже и мѣста многа лѣта прозваніе свое имать. Случи же ся, якоже выше рѣхъ<sup>1</sup>, по

(1) Въ подлинникѣ послѣ слова: рѣхъ было написано: гладѣхъ же и морѣхъ, но потомъ зачеркнуто.

1246 многихъ Божіихъ разгнѣваніихъ на землю Рускую, по мнозѣхъ гладѣхъ же, и морѣхъ и трусѣхъ великихъ, и по избіеніи князей на Калкахъ отъ неименитыхъ и храброго воинства, и всего оскудѣвшимъ, пріити сему злочестивому Батыю, и убити великого князя Юрія Всеволодича на Сити и Василка Костантиновича Ростовского храброго. Князю же великому Михаилу Всеволодичу дрѣжашу тогда Кіевъ, и пріидоша къ нему послы отъ Батыя царя, онъ же увидѣвъ словеса ихъ лестиваа, повелѣ избыти ихъ, а самъ повелѣ всему двору своему събратися, и побѣже въ Угорскую землю и съ всѣми домашними своими; а инѣи бѣжаша въ дальнаа страны, а инѣи же крыяхуся въ горахъ, въ пещерахъ, и въ разсѣлинахъ и въ пропастьхъ земныхъ, а инѣи затворяхуся въ градѣхъ крѣпкихъ, а инѣи въ непроходиміа бѣжаша острова, и мало отъ тѣхъ изоставахуся, тѣхъже, не по колѣнѣхъ временехъ, осадиша въ градѣхъ, и исчетоша а въ число, и начаша на нихъ данѣ имати Татарове. Слышавше же се, ниже бяху разбѣжались по чюжимъ землямъ, и что ихъ избылося, начаша събиратися помалу; начаша же ихъ звати<sup>1</sup> Татарове съ нуждею, глаголюще: «не подобаетъ вамъ жити на землѣ каноновъ (и) царевъ Батыевъ, не поклонившеся има;» мнози же ихавше поклоншася Батію царю. Обычай же имѣяше Батый царь и кханъ, аще кто пріидеть поклонитися има, не велеше пръвѣ вести предъ ся, но приказано<sup>2</sup> быше вѣхвомъ вести а сквозѣ огонь, и поклонитися кусту и огневи; а ниже что съ собою принесоша царевѣ дары, отъ всего того взимающе вѣхвове, вѣмѣтающе пръвѣ въ огонь, потомъ же и самѣхъ предъ царя пуцаху съ дары. Мнози же князи и з бояры своими идяху с(к)возѣ огонь, и поклоняхуся солнцу, и кусту и идоломъ ихъ, славы ради свѣта сего, прашааше каждо ихъ вла-

сти; они же безъ възбраненія даяху имъ, кто которыхъ власти хотяше, да прелстятся славою мира сего. Преподобному же князю Михаилу Всеволодичу, бывшу въ Угрехъ 3 лѣта, и помалу пришедшу на свою землю, и пребывающу на своей отчинѣ въ Черниговѣ<sup>3</sup>, видѣвшес<sup>4</sup> многы прелщающіися славою свѣта сего, и посла Господь благодать, и славу и даръ Святаго Духа на нь, и вложи ему въ сердце ихати предъ царя Батыя и обличити прелесть его, имже леститъ христіаны. Якоже древле великій мученикъ Христовъ Георгій не сътрѣпѣ гоненія, движущася на христіаны, самозванно приходитъ обличити Діоклитіаново безуміе; тако и сей блаженный князь Михаилъ разгорѣся духомъ, опаляемъ Божіею благодатію, възсхотѣ ихати къ царю Батіеву. И преже пріиха (къ) отцу своему духовному, повѣда ему, глаголя: «отче, хочу ихати къ царю Батыю и умрети за Христа и за правовѣрную вѣру.» Отвѣща ему отецъ: «мнози изидивше сътвориша волю поганого царя Батыя, прелстившеся славою свѣта сего, идоша сквозѣ огонь, и поклонихася солнцу, и кусту и идоломъ, и погубиша душа своя и тѣлеса; но ты, сыну Михаиле, аще хочещи ихати, то не сътвори тако, якоже и прочіи, не иди сквозѣ огонь, ни поклонися кусту и идоломъ ихъ, ни брашна, ни питія ихъ не приймай въ (у)ста своя; но исповѣждь вѣру христіанскую, яко не достоятъ христіаномъ никому же кланятися твари, токмо единому Богу нашему Ісусу Христу.» Князь же Михаилъ и Феодоръ, воевода его, глаголаста ему: «молитвою твоею, отче, яко Богъ хошетъ, тако и сътворить; се азъ бы того хотѣлъ, еже кровь свою проліати за Христа и за вѣру христіанскую;» такожде и Феодоръ глаголаше, воевода его. И глаголаше има душевный отецъ: «вы будета въ нынѣшнемъ роду но(во)явленнаа святая мученика на<sup>4</sup> утвърженіе

(1) Въ подлинникѣ: ждати. (2) Тамъ же: приказани. (3) Тамъ же: видѣ богъ. (4) Тамъ же: и.

инѣмъ вѣрнымъ челоуѣкомъ, аще тако сѣтвори-  
рита.» Князь же Михаилъ и воевода его  
Феодоръ общастася сѣ сѣтворити, и тако  
благословистася у отца своего духовнаго; тог-  
да дасть има отецъ причастіе на путь, рек-  
ше преждесвятенное, и благослови а, отпу-  
сти, и глагола има: «Богъ да укрѣпитъ ваю  
и послѣтъ вамъ помощь, за негоже тѣпята-  
ся пострадати.» Тогда князь Михаилъ ихъ въ  
домъ свой, и взятъ отъ имѣнія своего, еже  
бѣ ему на потребу на путь, и поиде во Орду;  
многы же земли проихавшу ему, доихавшу до  
Батыя царя. И повѣдаша Батыевы царю:  
«князь великій Рускій Михаилъ приѣхалъ пок-  
лонитися тебѣ;» царь же Батый повелѣ при-  
звати вѣхъхъ свои; вѣхъхъ же пришедшимъ  
предъ царя, и рече имъ царь: «еже есть по  
обычаю нашему сѣтворити князю Михаилу, и<sup>1</sup>  
потомъ приведате его предъ мене.» Онѣмъ же  
шедшимъ къ великому князю Михаилу, гла-  
голаша<sup>2</sup> ему: «царь Батый зоветъ тя.» Онъ  
же повѣмъ воеводу своего Феодора идяше съ  
нимъ, и доидоша мѣста, идеже бѣше огонь  
складень съ обѣхъ странѣ, мнози поганіи идя-  
ху сквозѣ огонь и поклоняхуся солнцу и идо-  
ломъ. Вѣсви же хотѣша Михаила и Феодора  
вести сквозѣ огонь, и яко поведоша ихъ, Ми-  
хailъ же рече имъ: «не достонѣтъ намъ хри-  
стіаномъ ходити сквозѣ огонь, ни поклонитися  
идоломъ, имже сѣи кланяются; тако есть  
вѣра христіанская не кланятися твари и идо-  
ломъ, но покланятися Святѣй Троици, Отцу  
и Сыну и Святому Духу.» Михаилъ же рече  
воеводѣ своему Феодорови: «лучши есть намъ  
(не) кланятися, емуже сѣи кланяются.» Они же  
остависта ею на мѣстѣ, идеже бѣста приве-  
дена, идоша повѣдати царю Батыю, глаго-  
люще: «Михаилъ повелѣнія твоего, царю, не  
слушаетъ, сквозѣ огонь не идетъ, а богомъ  
твоимъ не кланяется<sup>3</sup>, и глаголетъ: не достонѣтъ

намъ христіаномъ сквозѣ огонь ходити, ни по-1246  
клонитися солнцу, ни идоломъ, но единому  
кланятися сѣтворшему вся Отцу и Сыну и  
Святому Духу.» Царь же Батый възъярився<sup>4</sup>  
велики, посла единого отъ великожъ своихъ,  
столника своего именемъ Елдегу, и глагола  
ему: «иди и рци Михаилу: почто еси по-  
велѣніе мое преобѣдилъ, богомъ моимъ не  
поклонился еси? но отсѣлъ едино<sup>5</sup> отъ двою  
избери себѣ, животъ или смерть; или повелѣ-  
ніе мое съхраниши, и сквозѣ огонь пройдеши,  
и богомъ моимъ поклонившися, и живъ будѣ-  
ши, и княженіе свое все зъ великою честію  
отъ мене приѣмѣши; аще ли не пройдеши  
сквозѣ огонь, и не поклонившися солнцу, и ку-  
сту и идоломъ, то злою смертію упрѣши.»  
Елдега же шедъ повѣда сѣа царевы глаголомъ  
Михаилу. Тогда отвѣща Михаилъ: «тебѣ ца-  
ру кланяюся, понеже ти<sup>6</sup> Богъ поручилъ цар-  
ство свѣта сего; а емуже великии кланятися,  
то азъ не кланяюся.» И рече ему Елдега,  
столникъ царевъ: «Михаиле! вѣдаа будѣшь  
яко мертвъ еси.» Михаилъ же отвѣща ему:  
«азъ того хошу еже за Христа моего по-  
страдати, и за правовѣрную вѣру кровь свою  
проліати.» Тогда глагола ему внукъ его, князь  
Борисъ Васильковичъ Ростовскій, съ плачемъ  
многимъ: «господине отче! сѣтвори волю ца-  
реву;» тогда же такожде и бояре Борисови  
глаголаша: «господине княже! аси за тя при-  
имѣмъ опетѣнію (со) своею областію.» Тогда  
Михаилъ отвѣща имъ: «не хошу токмо име-  
немъ зватися христіанымъ, а дѣло поганыхъ  
сѣтворити.» Егда же се Михаилъ глаголаше  
къ нимъ, Феодоръ, воевода его, помышляше  
въ себѣ, глаголя: «еда како ослабѣетъ князь  
мой моленіемъ сихъ, помянувъ любовь жен-  
скую и дѣтей ласканіе?» бѣ бо Борисъ 15  
лѣтъ и многы слезы предъ дѣдомъ изливаше;  
тогда Феодоръ, помянувъ слово отца своего

(1) Въ подлинникѣ: ты. (2) Тамъ же: глаголаше. (3) Тамъ же: не кланяется. (4) Тамъ же: възъярився.  
(5) Тамъ же: единого. (6) Тамъ же: ты.



1246 духовнаго, и рече Михаилу<sup>1</sup>: «помниши ли, Михаиле, слово отца своего духовнаго, еже учаше насъ отъ святаго евангеліа? рече бо Господь: иже хочетъ душу свою спасти, погубитъ ю; а иже погубитъ душу свою мене ради, той спасетъ ю; и паки рече: каа полза челоуѣку, аще сего мира пріобрѣщетъ<sup>2</sup>, а душу свою отщепитъ? или что дастъ челоуѣкъ измѣну на души своей? иже бо постыдится мене (и) моихъ словесъ въ родѣ семъ, (и Сынъ челоуѣческій постыдится его); и (аще кто) исповѣсть мя предъ челоуѣкомъ, и азъ исповѣмъ его предъ Отцемъ моимъ, иже<sup>3</sup> есть на небесѣхъ; а иже отвержется мене предъ челоуѣкомъ, отвергуся его и азъ предъ Отцемъ моимъ, иже есть на небесѣхъ.» Си же глаголаше Феодоръ къ Михаилу; они же начаша молити его прилежно, да послушаетъ ихъ. Михаилъ же глаголаше къ нимъ: «не слушаю васъ, не погублю душа своеа;» тогда Михаилъ снемъ съ себе коць свой, врыже къ нимъ, и глагола имъ: «примѣте сего свѣта славу, аже вы его<sup>4</sup> хотите.» Слышавъ же сіа Елдега, яко сіи не увѣщаша его, и ихъ къ царевнѣ повѣдати еже рече Михаилъ. Бяху же на мѣстѣ томъ стоаше множество христіанъ и поганыхъ, слышаху словеса, еже отвѣщаваше Михаилъ къ царевнѣ. Тогда блаженный Михаилъ съ Феодоромъ начаша себѣ пѣти; и по отпѣтѣи взяша святое причащеніе, еже далъ бѣ имъ отецъ ею, иже и благослови ихъ на то еже пострадати за Христа; и глаголаху ту предстоящій князь Михаилу: «Михаиле, идуть отъ царя убійци убивати васъ; поклонитася и жива будета.» Михаилъ же и Феодоръ, во евода его, яко единѣи усты отвѣщаваста, глаголюще: «не кланяевѣся, ни слушаевѣ васъ, славы ради свѣта сего.» И начаста пѣти: мученици твои, Господи, не отвергошася тебе,

не отступиша отъ заповѣдей твоихъ; и паки: страдавшие тебе ради, Христе, многыя мукы претерпѣвши, и прочаа. Си блаженная, укрѣплшеся надеждою Христовою и молитвами святыхъ мученикъ, стаѣа яко столпа непреклонна и недвижима. Тогда пріихавша убійцы, сскочивше<sup>5</sup> съ коней, въсхвативша князя Михаила, и растягоша его за рупѣи и за нозѣи, и начаша его быти рукама по сердцу, и посемъ поврыгоша его ниць на землю, бѣаху его пятами; сему же надолѣзъ бывшу, нѣкто, бывъ преже христіанинъ, послѣди же поганъ и законопреступникъ, отвергся вѣры христіанскыя и бысть поганъ, именемъ Дамасъ<sup>6</sup>, се(и) отрѣза главу князю Михаилу, Христову мученику, и верже ю прочь. И потомъ глаголаша Феодорови: «ты поклонися богомъ нашимъ, и примѣши княженіе князя своего.» И глагола имъ Феодоръ: «княженіа не хочу, и богомъ вашимъ не кланяюся, но хочу пострадати за Христа, якоже и князь мой.» И тогда начаша и Феодора мучити, якоже и князя Михаила; послѣди же и честную его главу отрѣзаша. Ти тако благодаряще Христа пострадаѣа крѣпко, и предаѣа святѣи свои<sup>7</sup> души въ рупѣи Божіи, новосвятаа мученика; святѣи же тѣлеси ею поврыжени псомъ на свѣдѣ. На многы же дни лежащими има, Божіею благодаті(е)ю съблюдена быѣа и неврежени<sup>8</sup> тѣлеси ею<sup>8</sup>, челоуѣколюбець же Господь, милосердый Богъ нашъ, прославляа святыа своя угодники, пострадаѣша за нь и за правовѣрную вѣру кровь свою проліаѣа, явися столпъ огненъ надъ тѣлесе ею, сіающъ отъ земля до небеси пресвѣтлыми лучами паче солнца, на утвржденіе вѣрнымъ христіаномъ, а на обличеніе тѣмъ, иже, оставивше истиннаго Бога, покланяются твари, идоломъ, (и н)а устрашеніе поганымъ. Святѣи же

(1) Въ подлинникѣ послѣ слова: михаилу было написано: феодоръ слово, но потомъ зачеркнуто. (2) Тамъ же отъ сихъ словъ сдѣлана выноска на поле: царство прим. . . (3) Тамъ же: еже. (4) Тамъ же: ся его. (5) Тамъ же: сскочивше. (6) Тамъ же отъ слова: дамась вынесено на поле: доманъ съверяннѣи родомъ. (7) Тамъ же: свои. (8) Тамъ же: его.



и честнѣи тѣлеси ею нѣкими христiаны бого-  
боязливыми съхранен(и) быста. Бысть же убѣ-  
еніе ею въ лѣто шеститысячное и седмосот-  
ное и пятьдесятъ третіе, мѣсяца септєвріа 20  
день, на память святаго великомученика Еуста-  
фіа Плакиды; еюже моленіемъ вси достой-  
ни будемъ обрѣсти милость въ день судный  
и отпушеніе грѣховъ отъ Спаса нашего Иису-  
са Христа, въ нынѣшней<sup>1</sup> вѣкъ и въ будущій,  
славяще Отца вкупѣ и Сына и Святаго Ду-  
ха, нынѣ и присно и въ вѣкы вѣкомъ, аминь.  
Того же году князи Бориса Василковича по-  
сла Батый къ сыну своему Сартакъ; и отпу-  
сти его Сартакъ съ честію въ свою отчину.  
А князь великій Ярославъ тогда бѣ у Кано-  
вичъ, обажень Феодоромъ Руновичемъ, и мно-  
го пострада отъ безбожныхъ Татаръ за зем-  
лю Рускую, и много истомленіе подъять, и  
отпустиша его уже изнемогша; и пошедъ  
отъ Кановичъ, преставися нужною смертію въ  
иноплеменищѣхъ, мѣсяца септєбріа въ 30 день,  
на память святаго священномученика Григоріа  
Великіа Арменіа. И по немъ сѣде братъего Свя-  
тославъ Всеволодичъ на великое княженіе, на-  
реченный Гаврило. Книженіе великого кня-  
зя Святослава Всеволодича. Въ лѣто 6754.  
Князь Андрѣй Ярославичъ поиде въ Орду къ  
царю Батыю. Того же лѣта присла царь Ба-  
тый къ князю Александру Ярославичю, гла-  
голя: «мнѣ Богъ покорилъ вся языки, ты ли  
едви не хочещи покоритися мнѣ? но аще  
хочещи съблюсти землю свою, то пришедъ  
поклонися мѣ, и узрѣши славу царствiа моего.»  
Князь же Александръ прииде въ Володимѣрь,  
по умрѣтвіи отца своего, въ силѣ величѣ, и  
бысть грозенъ прїездъ его; и прииде вѣсть  
до усть Вѣггы, и начаша жены Моавьскыя  
полошати дѣти своихъ, ркуще: «Александръ  
идеть.» Съдумавъ же князь Александръ, и  
благословися у епископа Кирила, и поиде въ  
Орду къ царю Батыю; видѣвъ же его царь

Батый, и подивися, и рече велможамъ своимъ: 1246

«воистинну повѣдаша мнѣ, яко нѣсть подобна  
сему князю;» и почтивъ его, отпусти съ честію.  
О увѣненіи Батіевѣ. Окаанный же и злочес-  
тивный царь Батый, злоименитый, поиде на  
западные Угры къ вечернымъ странамъ, мно-  
гы мѣста и грады пусты сѣтвори; и достя-  
заетъ самага великаго Варадина града Угор-  
скаго, иже среди земли Угорскіе лежить,  
изобилень же бѣ велии овощми и виномъ, и  
обведенъ весь водами, и того ради не бояхуся  
ничего же, среди же его столпъ высокъ велии.  
Бѣ же тогда самодръжець тоа земли король  
В(ла)славъ Угромъ, и Чехомъ, и Нѣмцомъ и  
всего Поморіа до Великаго моря; бѣ же и кре-  
щеніе прїялъ отъ архієпископа Савы Сербьска-  
го, дръжаше вѣру христiанскую и священ-  
ника втайнѣ. Батыевы же вшедшу въ землю его  
и плѣнующе, а сей король Влаславъ, егоже  
святый Сава именова Владислава, не успѣ  
собратися съ вои своими, далечнаго ради зем-  
лямъ растоаніа; а сей нашедъ нача гради  
плѣнити и жещи, а людей<sup>3</sup> сѣчи. Сей же  
Владиславъ, вшедъ на столпъ онъ, зря поги-  
бели земли своей, плакашеся горцѣ, не имѣ-  
аше что сѣтворити, и тако многы дни пре-  
бысть, ни хлѣба ни воды вкушаа; къ нему  
же въ градъ побѣже сестра его, и Татарове  
постыгше ея, и яша ю и ко Батыю отведо-  
ша; сей же навпаче къ слезамъ слезы при-  
ложи, течаху же слезы отъ очію его, рѣчнымъ  
быстринамъ подобящеся, идеже аще падаху на  
мраморіе, и насквозь прохаждаху, еже есть и  
до сего дне знаменіе то. И нѣкто предста ему,  
глаголя: «се<sup>4</sup> ради твоихъ слезъ даетъ Господь  
(те побѣдити) царя злочестива;» и тако невиди-  
мъ бысть. Король же сніде съ столпа, се  
конь его осѣдланъ стояше, никимъ же дръжамъ,  
и сѣкира на сѣдлѣ его, (и отъ сего) извѣстно  
разумѣ Божіей помощи быти, всѣде на конь, и  
изыиде на противныя (съ вои), елици обрѣтоша-

(1) Въ подлинникѣ: в нынѣшней. (2) Тамъ же: нѣтъ. (3) Тамъ же: людей и. (4) Тамъ же: сего.

1246 ся съ нимъ; противни же видѣше побѣгоша,  
1252 страхъ бо нападе на нихъ, а сѣи гоняще многое  
множество варваръ избыша, богатства елико не  
бѣ числа взяша, а изъ града изыдоша жены  
и дѣти, нечестивыхъ погубляху. Безбожна-  
го Батыя самъ краль постиже, къ Угорскимъ  
планинамъ бѣжаща; яко сплетеса съ нимъ,  
нача Батыю помагати сестра Владиславля, юже  
плѣниша безбожнии, онъ же немилостивно обо-  
ихъ уби; тако приять конецъ окаанный житію.  
Угры же стаха по станомъ Татарскимъ,  
они же оказани идяху съ множествомъ поло-  
на въ стани своя, чающе своихъ стоаща, сѣи  
же безъ милости всѣхъ избиваху; токмо аще  
конъ въсхотятъ въры въ Христа, сихъ оста-  
вляху. Короля же на конѣ съ тоноромъ онѣмъ,  
имже уби Батыя, слыша мѣдяна и поставиша  
на предиреченіемъ столпѣ, дръжаща въ руцѣ  
сѣкиру, еже есть и до сего дне тако.

Въ лѣто 6755. Преставися рабъ Божій  
Костантинъ Вячеславичъ, нареченъ въ чры-  
пцехъ<sup>1</sup> Аникидинъ; и положенъ у святаго Спаса  
на Хутинѣ.

Въ лѣто 6756. Женися князь Борисъ Ва-  
силковичъ Ростовскій у Ярослава у Му-  
ромьского князя. Тоя же зымы быхася  
князи Рустіи съ Литвою, и одолѣша князи  
Рустіе. Тогда убиенъ бысть князь Михайло  
Ярославичъ, внукъ Всеволожъ, Московскій,  
отъ Литвы на рѣцѣ Поротѣ, братъ князю  
Александру Невскому; епископъ же Кирилъ,  
вземъ тѣло его, и положи въ Володимери  
въ церкви святаго Богородици. А братъ его  
шедь побѣ Литву у Зубцовъ.

Въ лѣто 6757. Князь Глѣбъ Василковичъ  
ходи въ Орду къ царю Сартаку Батыевичу;  
и Сартакъ почтивъ его отпусти. Тоя же зы-  
ми князь великій Александръ Ярославичъ при-  
де изъ Орды отъ Кановичъ на великое княже-

ніе на Кіевъ и на всю Рускую землю; а Андрѣй,  
братъ его, (сѣде) въ Володимери на столѣ.  
Того же лѣта преставися князь Володимерь  
Костантинвичъ Углецкій въ Володимерь,  
декабря 27; и везоша его на отчину на Угле-  
че (Поле), и положиша его въ церкви святаго  
Спаса. Того же лѣта преставися архіепископъ  
Новгородскій Спиридонъ, и положенъ въ свя-  
тѣй Софій; бысть владыкою<sup>2</sup>.

Въ лѣто 6758, мѣсяца февралѣ въ 8, пре-  
ставися князь Василей Всеволодичъ, внукъ Ко-  
стантинъ, въ Володимерь; и везоша его въ  
Ярославль, въ его вотчину, и положиша его  
въ церкви святаго Богородици Златоверхіа. То-  
го же лѣта приѣха князь Александръ Яросла-  
вичъ изъ Орды въ Новгородъ, и ради быхша  
Новгородци. Того же лѣта митрополитъ Ки-  
рилъ приде изъ Кіева въ Суздальскую землю.  
Того же лѣта женися князь великій Андрѣй  
Ярославичъ въ Володимерь, поа Даниловичу  
Романовича.

Въ лѣто 6759. Приде митрополитъ Кирилъ  
въ Новгородъ, и епископъ Ростовскій Ки-  
рилъ съ нимъ, и оставиша Новугороду архі-  
епископа Долмата. Того же лѣта наидоша  
дождове велици, и поима всѣ роли, и оби-  
(лі)а и сѣна<sup>3</sup>, и мостъ снесе великій; а въ осень  
поби мразъ обиліе, но останокъ набыся<sup>4</sup>.

Въ лѣто 6760. Князь великій Александръ  
Ярославичъ иде въ (О)рду къ Сартаку царю.  
Того же лѣта приде Невраи, и Котьянъ и  
Олабуга храбрыи на великого князя Андрѣя  
Ярославича и на всю землю Суздальскую;  
идоша къ Переяславлю таащеса, и срѣте ихъ  
князь великій Андрѣй съ полемъ своимъ, и по-  
бѣдиша ихъ Татарове. И бѣже князь Андрѣй  
въ Новгородъ Великій, таже и къ Пскову. ту-  
же дождался княгини, иде въ Колывань;  
оттуда накіи иде въ Свѣйскую землю, и тамо

(1) Въ подлинникѣ: въ чрыпцехъ. (2) Тамъ же фраза переписчикомъ не дописана. (3) Тамъ же: сѣна. (4) За  
симъ въ рукописи зачеркнуты слѣдующія слова, писанныя кинноварью: о невредѣ рати.

мистеръ Свѣйскій сръте его, и пріа его съ честію, онъ же посла по княгыню въ Колывань, и тамо за моремъ князь Андрѣй въ Свѣйской землѣ убіенъ бысть. А Татарове Неврюевы взяша Нерейславль, и яша княгыню Ярославлю и з дѣтми, и паки убиша ю, а дѣти въ полонъ поведоша, и Жидислава воеводу убиша. Того же лѣта князь великій Александръ Ярославичъ прінде изъ Орды и сѣде въ Володимѣрѣ; онъ же по плѣненіи Неврюевѣ церкви въздвигну и люди събра. Того же лѣта Татарове пустниша Олга Ингваревича<sup>1</sup> Рязанского на свою землю. Тогда же пріндеша къ великому князю Александру послы отъ папы изъ великого Рима. Тако молвѣтъ папа нашъ: «слышахомъ ты князя честна и дивна, и велика земля твоя, и сего ради прислахъ ти отъ двюнадесяте кардиналу два кытрѣйшаа, Галла и Гемонта, да послушаеши ихъ ученіа.» Князь же великій Александръ здуша съ кытрѣцы своими, и списа къ нему: «отъ Адама до потопа, отъ потопа до раздѣленія языкъ, отъ раздѣленія языкъ до начала Авраама, отъ начала Авраама до протія Израмлева сквозъ море, отъ исхода сыновъ Израилевъ до умертвіа Давыда царя, отъ начала царства Соломона до Августа Римского кесаря и до рождества Христова, отъ рождества Христова до страсти и воскресенія, отъ воскресенія же его (и) на небеса възшествіа до Костантина царя, и до 1-го събора и до седмаго събора добръ свидаетъ; а отъ васъ ученіа<sup>2</sup> (не) прінимаемъ.» Они же възвратишася въ своася. Того же лѣта погорѣ Слава, отъ святаго Іліа до Нутной улича.

Въ лѣто 6761, мѣсяца февраля въ 3 день, на память святаго богопріемца Симіона, преставися Святославъ Всеволодичъ, нареченный Гавриль. Того же лѣта родися князю Бори-

су Василковичу сынъ Дмитрей. Того же лѣта 1252 воеваша Литва Шолону, волость Новгород-1255скую, и поидоша съ полономъ, и угониша ихъ Новгородци съ княземъ Василиемъ Александровичемъ у Т(о)ропца; и тако мсти ихъ кровь христіанская, и побѣдиша ихъ, и полонъ отънимаша, и пріндеша въ Новгородъ здоровы. Того же лѣта пріндеша Нѣмци подъ Плесковъ, и пожгоша посадъ, и Плесковичъ много побипа; и поидоша Новгородци полкомъ къ нимъ изъ Новгорода, и они побѣгоша прочь. И пришедше Новгородци въ Новгородъ, и подкрутившися поидоша за Норову, и сътвориша волость ихъ пусту; и Корѣла такожде много волости ихъ зла сътвориша. Тоя же зими выбѣже князь Ярославъ Ярославичъ изъ Низовской земли, остави свою отчину Тѣрь; и иде въ Псковъ, и посадиша его на столѣ.

Въ лѣто 6762. Преставися Костантинъ Ярославичъ Галицкій, и положенъ въ церкви святаго Богородица.

Въ лѣто 6763. Родися князю Борису Василковичу сынъ Костантинъ. Того же лѣта Новгородци възваша изъ Плескова Ярослава Ярославича Тѣрьского въ Новгородъ, и посадиша его на столѣ; а Василиа Александровича выгнаша. И то слышавъ отецъ его, князь великій Александръ Ярославичъ, и поиде къ Торжку съ княземъ<sup>4</sup> Дмитріемъ Святославичомъ и съ прочими князи; и дожда сынъ его Василией, и поиде ратию въ Новгородъ. Идушу же ему съ многими полки и съ Новоторжани, и стрѣте его Ратешка съ перевѣтомъ, глаголя: «поступай, княже! братъ твой Ярославъ побѣлъ.» И поставиша Новгородци полкъ за Рождествомъ Христовымъ въ конци; а что пѣиша, а тѣ стаха отъ святаго Іліа противу Городища. И рекоша меньшии у святаго Николы на вѣчѣ: «братіе, аще

(1) Въ подлинникѣ: шоревца. (2) Тамъ же: учніа. (3) Тамъ же послѣ слова: святаго было написано: бориса, но потомъ зачеркнуто. (4) Тамъ же: съ братомъ.

1255 речеть князь: выдайте вы моа ворогы?» и

1256 цѣловаша святуу Богородицу меншиа, како стати всѣмъ, либо въ смерть, либо въ животь, за правду Новгородскую, за свою отчину. И бысть въ болшихъ свѣтъ золъ, како побѣдяти меншиа, а князя ввести на своей волѣ. И побѣже Михалко изъ города къ святому Георгію, како было ему своимъ полкомъ ударити на сю сторону и смяти люди; и увѣдавъ Онанія, хотя ему добра, посла по немъ втайнѣ Якуна, и увѣдавшѣ чръные люди, погнаша по немъ, хотѣша на дворъ его (ударити), и не да Онанія, рече: «братіе, оже того убіете, убійте мене перше;» не вѣдѣше бо, оже (о) немъ мысль злу свѣщаша самого няти, а посадничество дати Михалку. И присла князь великій Александръ Бориса на вѣче, глаголя: «выдайте ми Онанію посадника, пли не выдадите, и я вашъ не князь, но врагъ, иду на городъ ратію.» И послаша Новгородци владыку Долмата къ князю и Клима тысяцкого, глаголюще: «пойди, княже, на свой столъ, а злодѣевъ не слушай; а Онаніи не любіа отдай н' всѣмъ мужомъ Новгородскимъ.» И не послуша князь великій молбы владычны и Климовы. И рекоша Новгородци: «да аще, братіе, князь нашъ тако задумалъ з нашими крестъпреступники, оно имъ Богъ и святаа Софіа; а князь безъ грѣха.» И стояше весь полкъ 3 дни за свою правду, и<sup>2</sup> въ 4 день присла князь великій еще ркучи: «оже Онанія лишится посадничества, и азъ вамъ гнѣва отдамъ.» И лишися Онанія посадничества, и взяша миръ на всей воли Новгородской, и поиде князь великій въ Новгородъ, и срѣте его архіепископъ Далмать съ всѣмъ іерейскимъ чиномъ, съ кресты, у Прикуповича двора, и весь миръ радости исполнися, а злодѣи обрачашася, зане хри-

стіаномъ радость, а діаволу пагуба, зане не бысть христіаномъ кровопролитіа велика. И сѣде князь Александръ на своемъ столѣ. Того же лѣта даша посадничество Михалку Степановичу. Тоа же осени великій князь Ярославъ сынъ Всеволожъ преставися нужною смертію въ иноплеменицѣхъ, идя отъ Кановичъ. Якоже святое писаніе глаголетъ: да кто положитъ душу свою за други своя? сей же положи душу свою за вся люди Рускыя земля. Причти его, Господи, къ избранному стаду, зане милостивъ бѣше всякому требующему! Конечъ житіа пріятъ мѣсяца септевра въ 30 день, на память святаго Григорія, въ лѣто 6755. Слышавше Александръ смерть отца своего, принха изъ Новгорода къ Володимерю, и плакася о отци своемъ съ стрыемъ своимъ Святославомъ и съ братією своею.

<sup>3</sup>Въ лѣто 6756. Женися Борисъ Васильковичъ у Муромского Ярослава<sup>4</sup>. Того же лѣта убіенъ бысть Михайло Ярославичъ отъ Литвы.

Въ лѣто 6757. Преставися Володимеръ Константиновичъ Углический. Того же лѣта преставися Василей Всеволодичъ Ярославский<sup>5</sup>.

Въ лѣто 6758. Принха Кирилъ митрополитъ на Суздальскую землю.

Въ лѣто 6759. Поѣхавъ Глѣбъ на Бѣлоозеро въ свою отчину. Отъ Глѣба князя Бѣлозерскихъ пошли.

Въ лѣто 6760. Преставися Святославъ Всеволодичъ, мѣсяца февраля въ 3 день.

Въ лѣто 6761. Родися Борису сынъ Дмитрей.

Въ лѣто 6762. Ярославъ Ярославичъ Тверский поѣха въ Ладогу.

Въ лѣто 6763. Преставися Костантиъ Ярославичъ. Того же лѣта родися Борису сынъ Костантиъ.

Въ лѣто 6764. Поихали вси князи Суздал-

(1) Въ подлинникѣ: а. (2) Тамъ же: и бысть. (3) Годы 6756—6763 хотя и были описаны выше, но здѣсь подъ ними изложены совершенно другія событія. (4) Тамъ же: ярослава. (5) Тамъ же: того же лѣта ярославский повторено.

скими въ Татары, и чтивъ Уланчіа и вся воеводы его, възвратишася въ своаси. Тоя же зыми (прінде) Глѣбъ отъ Кановичъ, и женися въ Татарѣхъ. Тоя же зыми привдоша изъ Орды отъ царя численици на<sup>1</sup> Рускую землю, и изочтоша всю землю Рускую, изъставиша десятники, сотники, тысящники; толко не чтоша игуменовъ, и поповъ и чернцовъ, кто служитъ святымъ церквамъ. Се все бысть на Рускую землю грѣхъ ради нашихъ. И не наведи, Господи, гнѣва противу дѣломъ нашимъ; но (по) милости твоей спаси ны, человеколюбче благый Господи!

Въ лѣто 6765.

Въ лѣто 6766. Преставися Олегъ, князь Рязанскій; пострижеся въ черниц<sup>2</sup> и въ скину. Тоя же зыми прихаша численици чести Новгорода Великаго, и поиха съ ними великій князь Александръ, Андрѣй, Борисъ; и изъѣхъ Новгородъ, поихаша назадъ къ Володимеру, а князя Александра удрѣжаша<sup>3</sup> Новгородци у себе, и чтивъ, и много дары поймавъ у нихъ, и прихъ въ свою отчину.

Въ лѣто 6767. Прихъ великій князь Александръ изъ Новгорода къ святой Богородици въ Ростовъ, въ среду середокрестныя недѣли, и кланялся святой Богородици, и цѣлова крестъ честный, и десятину дасть святѣй Богородици; тако бѣ ему обычай. Глагола епископу Кирилу: «отче господине, то есмь здоровъ пребылъ въ Новѣгородѣ, а сѣм(о) есмь опять здоровъ прихалъ, твоею святою молитвою.» Блаженный же епископъ Кирилъ, и Борисъ и Глѣбъ, и мати ихъ княгыни чѣстиша князя Александра, и съ великою любовію поиха къ Володимеру.

Въ лѣто 6768.

Въ лѣто 6769. Родися Олександрю сынъ Данило. Того же лѣта преставися князь Андрѣй Володимеричъ на Углечи Поля. Того же

лѣта поставленъ бысть Митрофанъ епископъ—1256  
помъ Сараю. 1262

Въ лѣто 6770. Избави Богъ отъ лютаго томленія<sup>4</sup> Бесерменскаго люди Ростовьскыя земля молитвою святыа Богородица, вложи ярость<sup>5</sup> въ сердца христіаномъ, не трѣпаше насилія поганыхъ, и (со)звониша вѣче, выгваша изъ городовъ: изъ Ростова, изъ Володимера, изъ Суздаля, изъ Ярославля, откупляху бо тѣ поганіи<sup>6</sup> Бесермене дани Татарскыя, и отъ того велику пагубу людемъ творяху, работяще (люди въ) рѣзы, и многы душа христіанскыя розно вѣдаху. Видѣвъ же се человеколюбче благый Богъ нашъ, избави люди своя отъ великіа тоа<sup>7</sup> бѣды своимъ милосердіемъ. Того же лѣта убиша Зосиму преступника, бѣ бо прежде мнихъ, потомъ сѣтворися сотанѣ соудъ; бѣ бо п(ь)яница, и студословець, празнословець, кощунникъ, конечное отвѣржеся Христа въ бесерменство, въ прелесть лжлаго пророка Махмета. Бѣ бо тогда титамъ прихалъ на Русь отъ царя Татарского, именемъ Кутлубѣа, золъ сый и Безсерменинъ, того поспѣ(хо)мъ окаанный лишеникъ Зосима творяше христіаномъ великую досаду, кресту и святымъ церквамъ поругаася. Егда же людіе по городомъ на врагы своя двигошася на Бесермены, изгнаша я, а инѣхъ избиша, тогда и того безаконника, сквернаго Зосиму, убиша въ городѣ Ярославли. И бѣ тѣло его ядь псомъ и враномъ, ногы скорыя и злыя бѣша волочими отъ песь по городу всѣмъ на удивленіе (отъ) Божіа суда на<sup>8</sup> приступниці; такъ бысть конецъ лишенному тѣлу его, а души нечистаго, глаголетъ: чрѣвъ ихъ не умреть и огонь ихъ не угаснетъ; и нынѣ глаголетъ: оскудѣ безаконный, погибе нечестивый. Того же лѣта преставися епископъ Кирилъ, мѣсяца мая въ 21. Того же лѣта поставленъ бысть епископъ Ростову Игнатей, мѣсяца септеврѣа въ 9.

(1) Въ подлинникѣ: надъ. (2) Тамъ же: въ черниці. (3) Тамъ же: удрѣжи. (4) Тамъ же: томленія. (5) Тамъ же: яростъ. (6) Тамъ же: поганіи и. (7) Тамъ же: своа. (8) Тамъ же: не.



1263 Въ лѣто 6771. Родися князю Глѣбу Ва-  
1274 силковичу сынъ Демьянъ, іуля въ 1. Того желѣ-  
та преставися князь великій Александръ, сынъ  
Ярославъ, внукъ Всеволожъ, ноябрю въ 14.

Въ лѣто 6772. Преставися князь Андрѣй  
Суздальскій Ярославичъ, внукъ Всеволожъ.  
Того же лѣта сидѣ на столѣ въ Новѣгородѣ  
Ярославъ Ярославичъ, и бысть князь великій  
Володимѣрьскій и Новгородскій.

Въ лѣто 6773.

Въ лѣто 6774. И умре царь Беркай, и Руси  
ослаба бысть отъ насилья бесерменска. Тоя  
же зими явися звѣзда на западѣ, и бѣ отъ  
неа луча долга, яко хвостъ, къ полудинной  
странѣ; пребысть ношей 13, и паки не видѣна  
бысть посемь.

Въ лѣто 6775.

Въ лѣто 6776. Родися Борису князю(ю) сынъ  
Василій, априля въ 16. Того же лѣта ходи  
князь Дмитрей Александровичъ ис Перея-  
славля на Нѣмци, а иныхъ князей и съ полки  
посла: съ нимъ Ярославъ съ Новгородци.  
Яко поидоша въ землю ихъ, Нѣмци же дос-  
пѣвше бывши, нарядивъ полки, выхаша про-  
тиву; поможе Богъ и святаа Богородица Дми-  
трию Александровичу, нѣхъ изымаша, а нѣхъ  
избыша, а прочіи убѣжаша; и убиша ту мно-  
го Наугородецъ, а Дмитрей възвратися съ  
множествомъ полона въ своаси.

Въ лѣто 6777. Преставися князь Дмитрей,  
сынъ Святославъ, внукъ Всеволожъ.

Въ лѣто 6778. Убіенъ бысть отъ поганыхъ  
Татаръ князь Рязанскій Романъ Олговичъ.  
Бысть сице убіеніе его: заткаша ему уста убру-  
сомъ, начаша его рѣзати розно, и яко розо-  
маша, остас(я) трупъ единъ, они же голову его  
одраша, на копіе възотнуша. Се новый муче-  
никъ бысть, подобяся мученику Іакову Пер-  
скому. О возлюбленніи князи Рустіи! не прел-  
щайтесь пустошію, славою свѣта сего, еже  
хуждыше паучины и яко стѣнѣ мимо идеть; не

принесостѣ бо (ни) что (же) на свѣтъ сей<sup>1</sup>, ни  
отнести что можете; не обидѣте меншихъ сихъ  
сродникъ своихъ, аггели бо ихъ видятъ лице<sup>2</sup>  
Отца своего, иже есть на небесѣхъ; възлюби-  
те чистоту, (да) радости святыхъ сподобитесь;  
яко сый блаженный Романъ купи си смертію  
своею небесное царство и вѣнецъ приатъ отъ  
руку Господня, (съ) сродникомъ своимъ Ми-  
хаиломъ княземъ. И мнози отъ Руси въ ту  
нощь видѣша отъ небеси огнѣвъ облакъ до  
земли на мѣстѣ томъ, яко свѣща, синя, зелены,  
желтвы, багряны, и зваху позоровать пога-  
ныхъ; он(и) же то видѣвъ, на утрѣ повелѣша  
христіаномъ по горѣ собравъ<sup>3</sup>. Убіенъ бысть  
мѣсяца іуля въ 19, на память святаго Діа и  
Макрины.

Въ лѣто 6779. Поидоша князи въ Татары,  
Ярославъ, Василей, Дмитрей. Того же лѣта  
бысть знаменіе въ солнци, яко погыбнути ему  
всему, въ недѣлю 5-ю поста до обѣда, и паки  
исполнися. Тоя же зими преставися княгини  
Василкова, именемъ Маріа, декабря въ 9, на  
Зачатіе святаа Богородица; ту бывшу у неа  
въ монастыри сыну еа Борису съ княгыною  
и з лѣтми, а Глѣбу бывшу въ Ордѣ. Того  
же лѣта преставися князь великій Ярославъ  
Ярославичъ, внукъ Всеволожъ, идя изъ Орды,  
и везоша его на Тверь, и положиша его въ  
церкви святую Козмы и Деміана.

Въ лѣто 6780. Сѣде на столѣ въ Володи-  
мери князь Василей Ярославичъ, а Дмитрей  
Александровичъ иде къ Новгороду; и посла  
по немъ князь великій Василей воеводу сво-  
его Симеона, и сътвори миръ межи себе, и  
разыдошася разно.

Въ лѣто 6781. Преставися княгыни Глѣ-  
бова Федора, декабря въ 20.

Въ лѣто 6782. Прииде митрополитъ Кирилъ  
ис Кіева, и приведе съ собою архимандрита  
Печерскаго монастыря Серапіона, и постави  
его епископомъ Володимерю и Суздаю.

(1) Въ подлинникѣ: на свѣтлость. (2) Тамъ же: обонхъ видятъ лицесвое. (3) Въ рукописи эта фраза не кончена.



Въ лѣто 6783. Понде великій князь Василей въ (О)рду. Того же лѣта бысть дивно знаменіе въ солнци: огородися солнце яко груна посреди круговъ, крестъ надъ крестъ, сины и зелены, желтвы и чръвлены, багряны, а хребты бяхуть дуги тѣ къ собѣ. Се же знаменіе бысть мѣсяца іюня въ 16, на память святаго отца Тихона. Того же лѣта преста-  
вися епископъ Володимерскій Серапіонъ<sup>1</sup>. Того же лѣта ходиша Татарове и Рустіи князы на Литву, и не успѣвъ ничтоже.

Въ лѣто 6784. Принде князь великій Василей изъ Орды, и преста-  
вися на Руси, и по немъ сѣде на столѣ Дмитрей Александровичъ. Того же лѣта поставленъ бысть епископъ Володимерю и Суздаю Феодоръ игумень, на память святаго Костантина и Елены. Того же лѣта и Новугороду поставиша епископа, именемъ Климента. Того же лѣта погорѣ городъ Твѣрь, толко остася церковь едина. По то же лѣто князя лѣтописецъ.

Въ лѣто 6785. Преста-  
вися князь Борисъ Василковичъ въ Татарѣхъ, а князи вси поидоша на Ясы; а Дмитрей съ матерью принесе тѣло отца своего въ Ростовъ.

Въ лѣто 6786. Придоша князи изъ Татаръ, побѣдивъ Ясы, и сѣдоша въ Ростовѣ Дмитрей Борисовичъ, Костянтивъ.

Въ лѣто 6787.

Въ лѣто 6788. Ходи Игнатіе епископъ 2-е въ (О)рду, за причетъ церковный. Того же лѣта Кирилъ митрополитъ, по клеветанію, разгнѣвася на епископа Игнатіа; и паки благослови и. Того же лѣта Кирилъ митрополитъ преста-  
вися въ Переславлѣ.

Въ лѣто 6789.

Въ лѣто 6790.

Въ лѣто 6791. Поставленъ бысть Максимъ митрополитомъ. Того же лѣта князь великій Дмитрей принде отъ Ногуя.

Въ лѣто 6792.

Въ лѣто 6793. Заложиша церковь каменну 1275 святаго Спаса на Твери<sup>2</sup> благовѣрнымъ великимъ княземъ Михайломъ Ярославичемъ, и матерію его, благовѣрною великою княгынею Оксиньею Ярославлею Ярославича, и епископомъ Симеономъ Тверскимъ.

Въ лѣто 6794.

Въ лѣто 6795.

Въ лѣто 6796. Не вѣсхотѣ Михайлъ Тверскій поклонитися великому князю Дмитрію, и нача наряжати полки. Слышавъ же се великій князь, и съзва братію свою, Андрѣа Александровича, и Данила, и Дмитрія Борисовича, и вся, яже суть подъ нимъ, и принде съ ними къ Твери; и придоша ко Кашину, и обступиша городъ, и стоаша 9 дній; а Сокиятинъ весь погнаша, и оттолѣ вѣсхотѣша понти къ Тверѣ. Князь же великій Михайло противу выхавъ, и сътвориша миръ (съ) великимъ княземъ Дмитріемъ, и розыидо-  
шася.

Въ лѣто 6797. Преста-  
вися епископъ Семіонъ Тверскій, и положенъ бысть въ святѣмъ Спасѣ, въ Твери, февраля въ 2-й.

Въ лѣто 6798. Свършена бысть церковь святаго Спаса, на Твери, благовѣрнымъ великимъ княземъ Михайломъ Ярославичемъ и матерію его, благовѣрною великою княгынею Ярославлею Ярославича. Того же лѣта родися князю Дмитрію сынъ Іоаннь. Того же лѣта поставленъ бысть епископъ Андрѣй въ Тверь, и священна бысть церковь святаго Спаса, на Твери, епископомъ Андрѣемъ, на Съборѣ архистратига Михайла.

Въ лѣто 6799.

Въ лѣто 6800. Оженися князь Іоанъ, сынъ великого князя Дмитрія, Дмитріевою Борисовича. Того же лѣта заложи владыка Климентъ въ Новѣгородѣ святаго Николу на Липнѣ.

Въ лѣто 6801. Принде князь Андрѣй изъ Орды, (съ) Дюдены ратью, на великого князя

(1) Въ подлинникѣ: и серапіонъ. (2) Тамъ же: на тверди.

1293 Дмитрія; и взяша градовъ 14, и много зло  
1316 бысть Руси.

Въ лѣто 6802. (Преставися) великій князь  
Дмитрей Олександровичъ, и по немъ бысть  
князь великій братъ его Андрѣй. Той же  
осени оженися князь великій Михайло Яро-  
славичъ Тверскій Дмитріевною Борисовича; и  
вѣнчанъ бысть въ святѣмъ Спасѣ владыкою  
Андрѣемъ, въ Твери<sup>1</sup>.

Въ лѣто 6803.

Въ лѣто 6804. Погорѣ градъ<sup>2</sup> Твѣрь.

Въ лѣто 6805. Срубленъ бысть городъ на  
Волзѣ, ко Зубцеву, на Старицѣ.

Въ лѣто 6806. Родися князю великому  
Михаилу сынъ Дмитрей.

Въ лѣто 6807. Максимъ митрополитъ вы-  
бѣжа ис Кіева, не моги трыпѣти Татарского  
насилія, иде въ Суздальскую землю и сѣде  
въ Володимери; а Семеона епископа причте  
къ Ростовской епископыи.

Въ лѣто 6808.

Въ лѣто 6809.

Въ лѣто 6810.

Въ лѣто 6811.

Въ лѣто 6812.

Въ лѣто 6813.

Въ лѣто 6814. Преставися великій князь  
Андрѣй Александровичъ. Того же лѣта поиде  
князь великій Михайло Ярославичъ Тверскій  
въ Орду. Того же лѣта родися князю велико-  
му Михаилу<sup>3</sup> сынъ Константинъ.

Въ лѣто 6815, зимѣ, князь великій Михаилъ<sup>4</sup>  
прииде изъ Орды, и сѣде въ Володимери на  
великомъ княженіи, и приходи ратию къ  
Москвѣ. Той же зыми преставися Максимъ  
митрополитъ.

Въ лѣто 6816, зимѣ, князь великій Михай-  
ло приходилъ ратию къ Москвѣ, и взялъ миръ.

Въ лѣто 6817.

Въ лѣто 6818. Сѣде князь великій Михай-  
ло въ Новѣгородѣ Великомъ на столѣ.

Въ лѣто 6819, марта въ 20, въ Твѣри  
Петрь митрополитъ съ епископомъ (постави)  
Харлампія; а другаго наутріе Прохора Ро-  
стову.

Въ лѣто 6820.

Въ лѣто 6821. Преставися княгыня вели-  
кая Ярославля Аксѣя, а во постреженіи  
Маріа. Того же лѣта иде Вълховъ рѣка 3  
дни назадъ.

Въ лѣто 6822. Преставися князь Василей  
Брянскій Александровичъ. Того же лѣта при-  
идоша Новгородци ратию<sup>5</sup> ко Твери, и пож-  
гоша села за Волгою, и поаша собѣ на столѣ  
Юріа Даниловича; Юрій же посадивъ брата  
своего Аѳанасія, самъ иде на Москву.

Въ лѣто 6823. Прииде князь великій Ми-  
хайло изъ Орды, а съ нимъ Татарове силніи,  
иде къ Торжъку съ Татары и съ князы Суз-  
далскими; и бишася съ Новгородци у  
Торжъку, мѣсяца февраля 5, и побѣди великій  
князь Михайло Новгородцы, и убиша Ново-  
городцевъ болѣ тысячи, и пожже пригородъ;  
а Новгородци инѣи збѣжаша въ Новгородъ,  
изъ града предашася. И повелѣ князь великій  
Михайло имати ихъ, и яша Аѳанасія Данило-  
вича и князя Феодора Ржавского, и бояре,  
ихъ, и кто надобенъ князю; а иныхъ омиривъ  
посади, а кремль ихъ повелѣ разнести.

Въ лѣто 6824, марта 19, загорѣся градъ  
Твѣрь, кремль, и множествомъ людѣи пога-  
шенъ бысть. Того же мѣсяца 28 преподобный  
епископъ Андрѣй Тверскій, оставивъ свою  
епископію, иде въ монастырь. Того же (лѣта)  
князь<sup>6</sup> великій Михайло, поймъ воа многы,  
иде къ Новгороду; и зли вожи заведоша въ  
лихаа мѣста, и князь великій възвратися, и  
много пакость<sup>7</sup> бысть полку его. Того же лѣта

(1) Въ подлинникѣ: въ тверѣ. (2) Тамъ же: гдадъ. (3) Тамъ же: Михаилу и. (4) Тамъ же: князю великому  
Михаилу. (5) Тамъ же: ратя. (6) Тамъ же: князя. (7) Тамъ же: пакоста.

приѣха владыка Давыдъ въ Тверь просити Новгородцевъ на окупъ; и кончаша съ великимъ княземъ Михаиломъ Ярославичемъ пятью тысячь рублевъ. Той же зыми причтены бысть Варсунофей епископъ Тверской<sup>1</sup>.

Въ лѣто 6825. Прииде князь Юрій изъ Орды, приведе съ собою посла силна, именовемъ Кавгадіа; и сръте ихъ князь великій Михайло у Костромы<sup>2</sup>, а съ нимъ вси князи Суздастїи, и стояша о Волгу долго время; и съслався съ Кавгадіемъ, съступися великаго<sup>3</sup> княженіа князь великій Михайло Юрію князю, и поиде въ свою отчину во Тверь, и заложилъ болюшій градъ кремль. Той же осени знаменіе бысть на небеси, сентебря 17, кругъ налъ градомъ надъ Твѣрью, мало не ступился, на полнощи, имущъ лучи 3, два на востокъ, а 3-й на западъ. Той же зыми Юрій князь съ Кавгадыемъ и съ всѣми князи Суздалскими прииде съ Кострыми<sup>4</sup> къ Ростову, отъ Ростова къ Переяславию, и много зла творяху христіаномъ; а ис Переяславля въ Дмитровъ, а изъ Дмитрова въ Клинъ. Въ то же время приидоша Новгородци въ Торжекъ на великого князя Михаила, въ помощь Юрію князю; и стояша 6 недѣль въ Торжку, ссылающеся съ Юріемъ княземъ, срекаа срокъ, како поити Юрію князю отъ Волоку, а Новгородцемъ отъ Торжку. Выидоша Новгородци ис Торжку, почаша воевати по рубежу; а великій князь Михайло, не дождався срока ихъ, поиде противу<sup>5</sup> имъ, и бысть поторжъка не мала, убиша Новгородцовъ 200, и почаша слати къ великому князю Михаилу съ челобитіемъ, и вземше миръ поидоша въ Новгородъ. А Юрій князь съ Татарами и со всею силою Суздалскою почаша воевати Тверскія волости, села пожгоша и жито, а люди въ плѣны поведоша, и приидоша близъ къ

граду 15 врьстъ, и стояша на мѣстѣ томъ 5 недѣль, а всего мотчали въ Тверской отчинѣ три мѣсяци; и ѣздиша послове отъ Кав(га)дыа къ великому князю Михаилу, а все съ лестію, и не бысть межи ими мира. И поиде Кавгадый къ Волзѣ, и Юрій князь, и вси князи Суздастїи, и сташа на перенздѣ у Волги. Великій же князь Михайло съвокупися, и мужи Тверичи и Кашинци<sup>6</sup> поидоша противу Юрію, а Юрій опльчися противу; и ступишася обои, и бысть сѣча велика, и пособи Богъ великому князю Михаилу Ярославичу, и много ихъ избиша; а князи мно(ги) руками поимаша и приведоша въ Тверь, и княгыню Юрію Кончака, а Юрій князь бѣжа въ Новгородъ Великій въ малѣ дружины, а Кавгадый повелѣ дружинѣ своей стяги поврещи, а самъ поиде не любя а въ стани. Се же зло бысть декабра въ 22. Наутріа же великій князь видѣвся съ Кавгадыемъ взять миръ, и поятъ его въ Тверь съ своею дружиною; почтивъ его и отпусти. Той же зыми прииде князь Юрій съ Новгородци къ Броду, и изыиде противу ему великій князь Михайло, и взяша миръ. Той же зыми великій князь Михайло посла сына своего Константина въ (О)рду.

Въ лѣто 6826. Посла великій князь Михайло Олексу Марковича на Москву посолствомъ о любви, и уби его Юрій князь. Того же лѣта поиде въ Орду князь Юрій<sup>7</sup> Даниловичъ съ Кавгадіемъ. Тое же осени загорѣся Твѣрь градъ, и множествомъ людей угашенъ бысть, и погорѣ болюшая половина града, а церковей згорѣ шесть. Дошедшу же Орды князь Юрію, а съ нимъ началнику всего зла, незаконному и проклятому Кавгадію, наставляеми діаволомъ, начаша вадити на великого князя Михаила незаконному царю Озбяку, глаголюще: «князь Михайло, събравъ по градомъ многы

(1) Въ подлинникѣ: тверское. (2) Тамъ же: у костромь. (3) Тамъ же: великая. (4) Тамъ же: с котрыми. (5) Тамъ же: противу. (6) Тамъ же: кашинци. (7) Тамъ же: юрій и.

1318 дани, хоцетъ ити въ Нѣмци, а (къ) тобѣ ему  
1319 не бывати.» Разгнѣва же ся царь, повелѣ сы-

на его, князя Костантина, голомъ морити; и затвориша его въ единой хранинѣ. Сему же бывшу, нѣци рекоша ко цареви: «аще его убѣши, отцу его не бывати къ тобѣ.» И повелѣ его пустити. Тому же лѣту исходящу, прииде въ Орду благовѣрный великій князь Михайло у моря Сур(о)жскаго, идеже втече Донъ рѣка, сентебра 6; и по обычаю одари князи и царици, послѣдиже самого царя. Бывшу же блаженному Михайлу въ (О)рдѣ единъ мѣсяць, рече царь радцамъ своимъ: «что ми есте рекли до князя Михаила? судити его съ Юрьемъ.» Они же судивше, не рекоша правды ко царю; но виною обогавше его незаконному царю Озбяку. Въ вторую же недѣлю поставиша его на судищи связана; судивше его, тако рекоша царю: «достойнъ есть Михаилъ смерти.» Наутрѣ же въ субботу възложиша соху, отъ тяжка древа, на выю святаго Михаила. Бывшу же ему въ таковой нужи и въ безмѣрной тягости 26 день, ниже за рѣкою за Тверкою, подъ великими горами Ясьскими и Черкасками, у града Тетякова, на рѣцѣ Севенчѣ, рано въ среду, воста<sup>1</sup> блаженный Михаилъ, и повелѣ начати ерею заутреню и часы, самъ прилежно послушаше съ многими слезами и горкымъ въздыханіемъ; и повелѣ начати правило святаго причащенія, и пояше самъ по книгамъ, (съ) умиленіемъ моляся. И кончавъ сѣде; присядящу у него сыну его Костантину и обычнымъ его, и рече: «дадите ми псалтырь, яко печална ми есть душа.» И разгну, обрѣте псаломъ: внуши, Боже, молитву мою; и прочте до конца. И въ той бо часъ взяша совѣтъ на убіеніе его, и се единъ отъ слугъ его вскочи въ вежу, и рече: «се, господине, Кавгадый, Юры(и) идетъ отъ Орды прямо къ твоей вежи.» Блаженны же рече, видѣ на что идуть: «на

мое убіеніе,» въборзѣ отпусти сына своего ко царици. Кавгадый же (и) Юрый съсѣдosta съ коней у торгу, близъ вежи. Блаженного убійца, аки лютыи звѣріе и немилостивіи кровопійци, напрасно вскочиша въ вежу, онъ же бѣ стоа въ недоумѣніи; похвативше ѱ за соху, удариша ѱ вельми, и възложиша на вежу, и преломися стѣна, онъ же паки въспряну. Мнози же похвативше повергоша ѱ на землю, и бѣахуть ѱ пятами, и се единъ отъ незаконныхъ убійцъ, именемъ Романецъ, извлекъ великій ножъ, и удари въ сердце блаженного, въ десную страну, и обращаа ножемъ отрѣза честное сердце его; и тако предасть въ руцѣ Божіи духъ свой. Блаженны(и) же и христілюбивый князь великій Михайло Ярославичъ, по Господню слову, пріятъ нужную смерть за христіаны и за отчину свою, ноября 22, въ часъ 6 дне; и оттолѣ князь Юрій<sup>2</sup> посла въ Русь честное и святое тѣло блаженного Михаила, и привезше на Москву, и положиша его въ церкви святаго (Спаса).

Въ лѣто 6827. Прииде князь Юрый изъ Орды, и съ нимъ Костантинъ Михайловичъ и бояре отца его. Того же лѣта поиха на Тверь Прохоръ, епископъ Ростовскій, Ярославъ Стародубскій, зовуще князя Александра (къ) князю Юрію въ любовь. По цѣлованію ихъ, князь Александръ (пріиха) въ Владимиръ на Петровъ день, и доконча со княземъ Юріемъ любовь; честное же и святое тѣло князя Михаила, отца своего, взявше съ Москвы, привезоша въ Тверь, сентебра 6. Тогда же изыде весь градъ въ стрѣ(те)ніе ему, епископъ Варсунофей съ игумены, и съ прозвытеры, и съ діаконы, съ<sup>3</sup> кандилы и со свѣщами, и съ черноризци мнози, княгини его Анна съ сынами своими, съ Дмитріемъ, и Александромъ и Василиемъ; бояре же и вси людѣ плачь велій сътвориша, рыданіе, и взявше тѣло блаженного стратотръца, и принесоша въ градъ,

(1) Въ подлинникъ: васта. (2) Тамъ же: юрій и. (3) Тамъ же: и съ.

пѣвше надъ нимъ обычное пѣніе надгробное, и положиша его въ церкви святаго Спаса у отца его. Сей же блаженный христілюбивый князь великій Михайло Ярославичъ, внукъ великаго князя Ярослава Всеволодича, баше тѣломъ преболей челоувѣкъ, крѣплѣй, сановитъ велии и смыслень паче мнзѣхъ, възоромъ и грозень и преуднвлень, превзлише всякого челоувѣка; страшень бывъ ратнымъ, въ мнзѣхъ временехъ показавъ мужество свое и добрый нравъ, всегда Божіимъ пособіемъ одолѣваше противнымъ, тѣмъ слава о немъ проиде и въ даляя страны, Богу тако прославившу своего угодника. Баше же блаженный издѣтска боглюбивъ, смиренъ zelo, въ сладость послушаа божественныхъ книгъ по вся дни и ноци, любяй правду, въздаа честь епископомъ и попомъ, паче же любяше чернецъскій чинъ, подаваа потребнаа имъ; бѣ бо самъ въздръжася отъ похоти пѣанства, тѣмъ и любимъ бѣ материю своею преподобною Оксиньею, баше бо слушаа въ всемъ матери своей. Ревность же имѣй въ сердцѣ божественную, часто воспоминаша подвиги и трпѣнія святыхъ мученикъ, иже пострадаша<sup>1)</sup> вѣры ради Христовы, желаа самъ тоа чаши испити, тѣмъ и сподоби его Богъ единого за мно(г)и<sup>2)</sup> родъ христіанскій пріять блаженную страсть; аще же и не вѣри рады убіенъ бысть блаженный, якоже святіи мученици, но по заповѣди же Спасовѣ, иже въ еуангліи рече: болше сеа заповѣди любве нѣсть, иже кто положитъ душу свою за другы своя. Сію заповѣдь Божію христілюбивый князь со успѣхомъ сконча, и неуклонно шествуа за порученныа ему Богомъ люди, и тако радуяся прінде яко вѣрный строитель ко своему владыцѣ. Той же зыми оженися князь Александръ Михайловичъ.

Въ лѣто 6828. Оженіся князь Костантинъ Михайловичъ у великаго князя у Юрія Со-

фіею; вѣнчанъ бысть на Костромѣ въ свя-1319 томъ Федорѣ. Той же зыми за князя Дмитрія<sup>1323</sup> Михайловича привел(о)ша княжну Марію изъ Литвы, Единенову дщерь.

Въ лѣто 6829. На веснѣ приизидѣ въ Кашиинъ Гачна Татаринъ съ Жидовиномъ дльжникомъ, много тягости<sup>3)</sup> учинилъ Кашину. Того же лѣта бысть гибель солнцу. На ту же осень князь Юрій со всею силою Низовскою и Суздальскою събрався въ Переяславль, хотя къ Кашину ити, Михайловичи же, князь Дмитрей съ братіею, съ Тверскимъ полкомъ и съ Кашиинскимъ, противу ему изыидоша къ Волзѣ; и доконча межи ними владыка Андрѣй, и разыидошася. Той же зыми князь Юрій, поймавъ серебро у Михайловичехъ выходное, по докончанью, не шель противу царева посла, но ступи съ серебромъ въ Новгородъ Великій. Тоа же зыми родися князю Александру сынъ Левъ.

Въ лѣто 6830. Ходи<sup>4)</sup> князь Юрій съ Новгородци къ Выбору. Того же лѣта князь Дмитрей Михайловичъ прииде въ Орду, а на Русь выиде посолъ силенъ отъ царя, именемъ Ахмылъ, по Юрія князя, а съ нимъ князь Иванъ Даниловичъ, (и) по Низовскимъ городомъ много зла створиша христіаномъ; а князь Юрій, бывъ у Вибора, поиде на Нязъ, и бысть на Удромѣ, и нанха на него князь Александръ Михайловичъ, бояре его изыма, а самъ прибѣжа въ Псковъ. Той же осени сѣде князь Дмитрей Михайловичъ на великое княженіе.

Въ лѣто 6831. Князь Юрій и съ Новгородци постави градъ Орѣшокъ. Того же лѣта заложена бысть церковь каменна святой Феодоръ на Твери. Того же лѣта преставися Андрѣй, епископъ Тверскій, во своемъ ему монастырѣ на Шоши<sup>5)</sup> святыа Богородица, и положень бысть въ святѣмъ Спасѣ, въ (В)веденіе<sup>6)</sup>.

(1) Въ подлинникѣ: пострадаша. (2) Тамъ же: роди. (3) Тамъ же: на шею. (4) Въ малой церкви Введенія находившейся въ Твери близъ кафедральнаго Преображенскаго собора.

1324 Въ лѣто 6832. взяша Новгородци Устюгъ.

1327 И тогда быша Новгородци Литву на Лукахъ, и полонъ отъяша.

Въ лѣто 6833. Свършена бысть церковь святаго Феодора. Той же зими князь Юрий убиенъ бысть въ Ордѣ.

Въ лѣто 6834, сентебра 15, убиша въ Ордѣ князя великого Дмитрея Михайловича Тверскаго да князя Александра Новосилскаго, единого дни, на единомъ (мѣстѣ), на рѣцѣ нарицаемыи Кондракли. Того же лѣта заложиха на Москвѣ церковь Успеніе святыа Богородица. Того же лѣта князю Александру Михалковичу дано княженіе великое, и прииде изъ Орды, и сѣде на великое княженіе. Потомъ, за мало дній, за умноженіе грѣхъ ради нашихъ, Богу попустившу діаволу възложити злаа въ сердце безбожнымъ Татаромъ глаголати беззаконному царю: «аще не погубиши князя Александра и всѣхъ князей Рускихъ, то не имаша власти надъ ними.» И беззаконный, проклятый и всему (злу) начальникъ Шевкалъ, разоритель христіанскій, отворзе уста своа скверныа, начатъ глаголати, діаволомъ учимъ: «господине царю, аще ми велиши, азъ иду въ Русь, и разорю христіанства, а князи ихъ избію, а княгини и дѣти къ тебѣ приведу.» И повелѣ ему царь сътворити тако. Беззаконный же Шевкалъ, разоритель христіанскій, поведе въ Русь съ многими Татарами, прииде на Тверь, и прогна князя великаго съ двора его, а самъ ста на князя великаго дворѣ съ многою гордостію; и въздвиже гоненіе велико надъ христіанами, насилство(мъ), и грабленіемъ, и бие(ніе)мъ и поруганіемъ. Народи же, грѣдостію повсегда оскръбляеми отъ поганныхъ, жаловашуся многожды великому князю, дабы ихъ оборонилъ; онъ же, видя озлобленіе людій своихъ, не могый оборонити, трепѣти имъ веляше; и сего не трепяще Тверичи, и искаху подобна времени. И

бысть въ 15 день мѣсяца августа, въ полуутра, како торгъ снимается, нѣкто діаконъ, Тверитинъ, прозвище ему Дюдко, поведе кобылицу младу и зѣло тучна понти на Волзѣ воды; Татарове же видѣвши, отъяша ю. Діаконъ<sup>1</sup> же сжаливси, и зѣло начатъ въпнати, глаголя: «о мужи Тверьстѣи, не выдайте!» И бысть между ними бой; Татарове же, надѣющеся на самовластіе, начаша сѣчи, и абіе стекошася челоуѣци, и смятошася людіе, и удариша въ колоколы, и стаха въчѣемъ, и поворотися весь градъ, и весь народъ томъ часѣ събрашася, и бысть въ нихъ замятня, и кликнуша Тверичи, и начаша избывати Татаръ, где кого застронивъ, дондеже и самого Шевкала убиша и всѣхъ порядку. Не оставиша и вѣстоноши, развѣ еже на поли пастуси коневии пасуще, и похватиша лучшіи жеребци, и скорѣ бѣжаша на Москву, и оттолѣ въ (О)рду, и тамо възвѣстиша кончину Шевкалову. Той же зими преставися Петръ митрополитъ и убиенъ бысть Шевкалъ.

Въ лѣто 6835. И то слышавъ беззаконный царь, на зиму посла рать на землю Рускую, а воевода Федорчюкъ, 5 темниковъ; и людей множество погубиша, а иныа въ плѣнь поведоша, а Тверь и вся гради огнемъ пожгоша. Великій же князь Александръ Михайловичъ, не трпя безбожныхъ крамолы, оставь княженіе Руское и вся отечествіа своа, и иде въ Псковъ съ княгынею и съ дѣтми своими, и пребысть въ Псковѣ<sup>2</sup>. Того же лѣта, мѣсяца іюля 4, на память святаго отца Андрѣа Критскаго, князю Іоану Даниловичю родися сынъ, и нареченъ бысть князь Андрѣй. Того же лѣта священна бысть церковь каменна на Москвѣ, во имя святыа Богородица и честнаго еа Успеніа; и свяща ѿ, великимъ священіемъ, священный епископъ Ростовскій Прохоръ, мѣсяца августа 14. Того же лѣта убиша князя Іоанна Ярославича Рязанскаго;

(1) Въ подлинникѣ: діакона. (2) Тамъ же: въ псковѣ.



Великій же Спасъ, милостивый, человеколюбивый Богъ, своею милостию заступилъ благовѣрнаго великаго князя Іоанна Даниловича, его градъ Москву и всю его отчину отъ иноплеменикъ поганыхъ Татаръ. Князь Костантинъ, по рати, съ братомъ съ княземъ Василюемъ, и съ матерію и съ бояры, прихавъше въ Тверь, преставъ же отъ туги, помолися святому Спасу и всѣмъ церквамъ, хотя того, дабы въ нихъ молитва опять была, а кто избылъ отъ безбожныхъ Татаръ, тѣ бы опять были по своимъ мѣстамъ, и укрѣпивъ ихъ всѣхъ съ любовію.

Въ лѣто 6836. Самъ князь Костантинъ съ княземъ Іоаномъ Даниловичемъ поидоша въкупѣ въ Орду. Того же лѣта тряслася земля въ Новѣгородѣ Великомъ. Того же лѣта сяде Іоанъ Даниловичъ на великомъ княженіи всеа Руси, и бысть тишина велика на 40 лѣтъ, и престаша поганые воевати Рускую землю и закалати христіанъ; и отдохнуша и упочинуша христіане отъ великаго истомы, и многія тягости, и отъ насилія Татарскаго, и бысть оттолѣ тишина велика по всей земли.

Въ лѣто 6837. Божіемъ милосердіемъ выиде изъ Орды князь Костантинъ въ свою отчину въ Тверь, и нача княжити тогда тихо и мирно; и бояре, и слугы въ Твери и люди, избывше отъ безбожныхъ Татаръ, утвердишася о немъ; а церкви пожженія опять ставиша по спомъ, и молитва въ нихъ утвердишася. Того же лѣта князь великій Іоанъ Даниловичъ по(и)де ратию ко Пскову на князя Александра Михайловича, и увърнуся въ (О)покахъ.

Въ лѣто 6838. Оженися князь Василей Михайловичъ въ Брянскѣ. Того же лѣта поставиша епископъ Феодоръ граду Твери.

Въ лѣто 6839. Преставися князь Александръ Суздальскій. Того же лѣта князь Костантинъ Тверскій поиде въ (О)рду.

Въ лѣто 6840. Князь Костантинъ прииде изъ Орды. Того же лѣта бысть межнина велика въ земли Руской, дороговъ, гладъ хлѣбный и скудость всякого житія. Сію же дороговъ нѣции глаголють «рослую рожу.»

Въ лѣто 6841.

Въ лѣто 6842.

Въ лѣто 6843.

Въ лѣто 6844. Призавилъ князь Александръ изъ Пскова въ Тверь; поимъ сына своего князя Феодора, опять поиха въ Псковъ. И по малѣхъ же днехъ помысли въ сердци своемъ, глаголя: «аще прииму смерть здѣ, убо языци мнози възглаголють, яко отбѣгъ княженія смерть приа, а дѣти мои лишени будутъ княженія великаго своего; лучше бо есть умрети Бога ради, нежели здѣ жити.» И посла бояръ своихъ (къ) Фегнасту митрополиту<sup>1</sup>. благословенія дѣля, прося молитвы; и приемъ отъ него благословеніе и молитву, и отъ всѣхъ святитель, и поимъ бояре свои и слуги.

Въ лѣто 6845. Князь Александръ поиде въ Орду изъ Пскова, и обышедши всю землю Рускую, прииде къ незаконному царю Озбюку, и рече ему: «господине царю, аще многа зла сѣтвори хъ ти, въ всѣмъ готовъ есмь предъ тобою»<sup>2</sup>.

царь, тако молвя: «всю волю твою сѣворю, якоже хоцещи, и поимъ сына своего Феодора, идешъ въ Русь.» Благовѣрный же и христіолюбивый великій князь Александръ Михайловичъ, вѣдый и невѣдый безбожную ихъ лость, и бысть въ располненіе ума, и помышляя въ сердци своемъ, глаголаше: «аще поиду, разлученъ буду съ животомъ; аще ли не поиду, то много пакости будетъ христіаномъ.» И тако оставльше вся мысли, и поиде въ (О)рду, тѣшашеся о словеси Божіи. Епископъ же, игуменъ и съ попы, и княгини его съ дѣтми своими проводиша его обону страну усть

(1) Въ подлинникѣ: митрополиту. (2) На этомъ словѣ, находящемся въ рукописи на оборотѣ 153-го листа, прерывается статья и ея продолженіе помѣщено на 156-мъ листѣ.

1339 Кашины до святаго Спаса; и служивъ службу у святаго Спаса, молитву сътворивъ за князя и за други его, и тако отпустиша и съ многымъ плачемъ и стенаніемъ, абіе престаша отъ тугы. А князь поиде въ насадъ, вѣста вѣтръ великъ, онѣмъ гребущимъ, а насадъ назадъ идяше; и тако (едва) проидоша землю Рускую. А братъ его князь Василей съ бояры и со слугами проводиша ѿ до Святославля поля. А брату его князю Костантину сълежашу въ великій болѣзни, и плакася о немъ князь великій Александръ, глаголя: «се естъ наставникъ отчинѣ нашей, о немъ же утвѣдишася люди по рати сей.» И пришедъ въ Орду князь великій Александръ, царя тѣшавше, по обычаю своему, и рядецъ, сына своего князя Феодора добра здорова обрѣте. И пребысть единъ мѣсяцъ въ Ордѣ, много лести пріять отъ незаконныхъ Татаръ; инѣи глаголаху: «княженіе ти даеъ великое царь;» а инѣи глаголаху: «убиту ти быти;» онъ же крѣпящеся силою съвыше, на всяко время Господа призываше чистымъ сердцемъ, на всякъ часъ глаголаше: «Господи Ісусе Христе, сподоби мя пріати горкую сію смерть за родъ христіанскій.» И приближилася память великаго и славнаго мученика Димитріа, прииде вѣстникъ о убіеніи его, глаголя: «по трехъ днехъ злѣ живота гознеши.» Князь великій же Александръ, пріемъ словеса та, положи на сердци своемъ, а не повѣда нѣкому, но въздыхаше изъ глубины сердца. Наутріа же, по праздницѣ мученика Христова Димитріа, повелѣ<sup>1</sup> пѣти вечерню; и тако въздавъ хвалу Богу, легша спати, быше сонъ его въ велицѣ тузѣ и печали. Тогда же, ноцъ мимошедши, и приближися днѣ, память святаго мученика Терентіа, и Неонилы и святаго мученица Парасковей, и повелѣ пѣти утрню, и прилежно слушае<sup>2</sup> Давыдовы псалмы, глаголюща:

Господи, что ся умножиша стужающіи ми, мнози глаголють о души моеѣ. Се слышавъ, испусти слезы отъ очію своею, глаголя: «Давыдъ упарься толики труды подъя, азъ же како (не) хошу пострадати?» Кончавше заутрню, онъ же всѣдъ на конь, и нача изидти, вѣсть переимаа о смерти<sup>3</sup> своей, а много ко царичи посла, и переима вѣсть, принхавъ въ ста(нѣ) княже великій Александре, а слуга его отъ царичи, вѣсть прииде. «Се уже, братіе, остокомъ своего господина, князя своего Александра, сына его, князя Феодора.» Князь же Александръ възведе очи свои, повелѣ пѣти часы; се же имъ скончавшихъ часы, и възведе очи свои, и видѣвъ Черкасъ, идуще прямо къ вѣжѣ своей, и съ нимъ Татарове, и выскочи противу его. Они же немилостивіи похватиша его, възложи(ша) назадъ, и оборваша порты его, и поставиша ѿ предъ Товлубіемъ нага связана. Оному же незаконному стоащу на конѣ, и съ нимъ множество Татаръ, испусти окаянный гласъ свой: «убійте.» Они же емше князя Александра и сына его князя Феодора, безъ милости прободоша, и цоврыгоша на земли, отсѣкоша главы имъ; и тако скончашася, и пріемше таковую кончану за родъ христіанскій. Бояре же и слугы его разбѣгошася, а друзіи же пріемше тѣлеса ихъ возоша и на Русь; и бывшимъ имъ въ Володимери, и стрѣте ихъ Фегнастъ митрополитъ со игумены и съ попы, предложивше пѣніе надгробное, отпустиша. Братъ же его князь Костантинъ, князь Василей, епископъ Феодоръ Тверскій, и Гаврилъ, епископъ Ростовскій, съвъкупишася пѣвше надъ ними<sup>4</sup> у святаго Спаса въ Переяславлі, и отпустиша ѿ. И привезоша ихъ въ Тверь, и стрѣтоша ихъ граждане у святаго Михаила, и вземше ихъ на главахъ, несоша въ градъ къ святому Спасу; мати же его, и братіа, и княгыни его з дѣтми сво-

(1) *Въ подлинникѣ:* и повелѣ. (2) *Тамъ же:* служаше. (3) *Тамъ же:* о смерти. (4) *На этомъ словѣ, находящемся въ рукописи на 157-мъ листѣ, прерывается статья и ея продолженіе помѣщено на оборотѣ 155-го листа.*

нии, вси гражане плакашася горцѣ; епископъ же со игумены и съ попы пѣвша надъ ними, и гробу предаша<sup>1</sup> . . . . .

. . . . . а князя Семена и братію его съ любовію отпустиша на Русь; той же осени (пріидоша), пожаловани Богомъ и царемъ. По Александрѣ же братъ его Костантинъ въспріа княженіе Тверское; по Костантинѣ Василей, братъ его, въспріа всю область Тверскую. И на ту же зиму, мѣсяца ноября въ 25, на память святаго священнаго мученика Климента, замыслиша рубити градъ Москву; а кончаша той же зими, на весну, въ великое говѣніе. Той же зими выиде изъ Орды посолъ силенъ, именемъ Тувлубій, егоже послалъ царь ратыю къ городу къ Смоленску; а съ нимъ князь Иванъ Коротополю Рязанский. И пріидоша въ Переяславль Рязанский, а князь Александръ Пронский пошелъ въ Орду съ выходомъ къ царю, и стрѣтивъ его Коротополю, и(вы)-ма его, пограбилъ, а самого привелъ въ Переяславль Рязанский; и ту убіенъ бысть князь Александръ Михайловичъ Пронский отъ своего брата. И оттолѣ иде къ Смоленску ратію, а князь великій Иванъ Даниловичъ посла же свою рать съ Тувлебіемъ къ Смоленску, по цареву велѣнію; а отпустилъ князя (Костантина) Суздальскаго, князя Костантина Ростовскаго, князя Ивана Ярославича Юріевскаго, князя Ивана Дрютскаго, Феодора Фоминскаго, а съ ним(и) воеводу Александра Ивановича, Феодора Окинфовича. И стоявши рать у Смоленска не много дній, разыидошася, а города не взяша. Того же лѣта князь Иванъ Даниловичъ поиде въ Орду, а съ нимъ сынове-его, князь Семенъ да князь Іоанъ; а князя Андрѣя, сына своего, послалъ бѣше въ Новгородъ Великій. Того же лѣта пріиде изъ Орды князь Иванъ на свою от-

чину, пожалованъ бысть Богомъ и царемъ. 1339  
Также пошли въ Орду князь Василей Да- 1351  
выдовичъ Ярославский, князь Романъ Бѣлозерский. Той же зими убіенъ бысть князь Козелский Андрѣй Мьстиславичъ отъ своего братавнча, отъ Пантилѣева сына, и отъ оканнаго Василя, мѣсяца іуля 23.

Въ лѣто 6848.

Въ лѣто 6849. Преставися князь великій Іоанъ Даниловичъ. Того же лѣта выиде изъ Орды князь Семенъ на великое княженіе. Той же зими убиша Глѣба Святославича (про)клятін Брянци.

Въ лѣто 6850.

Въ лѣто 6851.

Въ лѣто 6852.

Въ лѣто 6853.

Въ лѣто 6854.

Въ лѣто 6855.

Въ лѣто 6856.

Въ лѣто 6857.

Въ лѣто 6858.

Въ лѣто 6859.

Въ лѣто 6860.

Въ лѣто 6861. Преставися князь Семенъ Ивановичъ. Того же лѣта преставися Фегнасть митрополитъ. Того же лѣта преставися князь Андрѣй Ивановичъ<sup>2</sup>. Того же лѣта сидѣ на великомъ (княженіи) князь великій Иванъ Ивановичъ<sup>3</sup>.

Въ лѣто 6862. Поставленъ бысть Алексей митрополитъ.

Въ лѣто 6863. Преставися князь Костантинъ Суздальскій.

Въ лѣто 6864.

Ходилъ въ Орду Алексей митрополитъ. Въ лѣто 6865. И тако сему бывающу, за премногую<sup>4</sup> его премудрость и слово разумное и съ всѣми благоцревѣтливое, наипаче (же) къ Богу молебное и житіе великое, повсюду о немъ болши слава происходаше, не токомо во своихъ странахъ, (окрестныхъ) или

(1) После этого слова в рукописи находится пропуск. (2) Тамъ же: иванковичъ. (3) Тамъ же: иванковичъ. (4) Тамъ же: за преоумногую.

1357 (в) о христiанскихъ, но и (в) о далнихъ безбож-  
ныхъ Татаръ, идеже Христосъ незнаемъ быва-  
ше, тутъ Христовъ служитель Алексей хвалимъ  
бываше; промежю тѣхъ святаго Алексеа имя,  
якоже нѣкое священіе, обношашеся. Тѣмже  
инаа чюднаа (слава) dospѣ и до того самого не-  
честивого царя Амурата<sup>1</sup>, иже бо имаше цари-  
цю три годы слѣпу сущу. Слышавъ же царь  
Амуратъ о святѣмъ Алексѣ, елико творить  
Богъ его ради, приѣмъ вѣру, яко послушаетъ  
его Богъ молящася, и посылаетъ царь Амуратъ  
къ великому князю Дмитрію Ивановичю<sup>2</sup>, мо-  
лящи его, яко да пошлетъ челоуѣка Божіа  
Алексеа, иже<sup>3</sup> помолить Бога о царици, яко  
да прозритъ: «слышахъ бо, рече, у тебе есть  
попъ, иже аще каждо проситъ у Бога, и Богъ  
его послушаетъ; пустиши его ко мнѣ: иже  
аще исцѣлитъ царицю мою, миръ имаеши со  
мною; аще ли не пустиши имаши его, то  
имамъ землю твою плѣннѣи.» И тако сему  
бывающу, князь же великій Дмитрей Ивано-  
вичъ възвѣщаетъ челоуѣку Божію архіепископу  
о вещи, купно же молити его начать не облѣ-  
нитися, но ити къ царю. Святый же Алексей  
слышавъ сіе слово, и тяжекъ сѣи внятъ, и  
рече: «се прошеніе и дѣло выше моеа вѣры  
есть; но обаче вѣрую иже слѣпому отъ рож-  
деніа прозрѣніе даровавшему Богу, яко аще  
кто съ вѣрою проситъ, не<sup>4</sup> призритъ его Богъ.»  
И тако изыде въ церковь съ всѣмъ приче-  
томъ церковнымъ, и нача пѣти молебень. Внег-  
да же<sup>5</sup> ему молебное съвръшающе пѣніе, тогда  
абіе (у) чюдотворныа раки святаго чюдотвор-  
ца Петра свѣща сама о собѣ загорився, всѣмъ  
зрящимъ таковое чудо бываемо. Митрополитъ  
же Алексей сіа<sup>6</sup> видѣвъ, и яко нѣкое извѣ-  
щеніе пріать, тѣмже воду освятивъ, прочее  
путеви касашеся, со<sup>7</sup> священники и клирики,  
якоже<sup>8</sup> лѣпо есть святителемъ. Идушу ему

въ Орду, и абіе<sup>9</sup> царица видѣ въ свѣ того  
блаженнаго митрополита Алексеа, пришедша  
въ одежи архіерейской, священники также  
видѣ одѣяныхъ въ своемъ сану; и якоже ви-  
дѣвъ въ свѣ того блаженнаго, и сѣтвори по  
томуждо образу рызы святительскыа и всѣмъ  
прочимъ священникомъ. По сихъ же у царя  
слышано бысть святаго приходъ, и абіе царь  
стрѣтаетъ его съ великою честію и дароно-  
шеніемъ; и бяше же видѣти реченное: левъ и  
агнецъ вкупѣ почіють. И тако же архіепископъ  
молебное пѣніе свершивъ, имаше же съ собою  
свѣщу вѣска оного же, сама о собѣ зажег-  
шуюся, и тамо зажженъ бывши свѣщи той,  
и покропивъ царицу священною водою, о вели-  
кихъ чюдесъ, Христе Царю! и въ той часъ  
прозрѣ<sup>10</sup> царица. Царь же сіе видѣвъ съ про-  
чими<sup>11</sup> велможамъ, удивившася вси, хвалу же и  
честь великую (дароваша святому), и дары мно-  
гими одаривъ<sup>12</sup> митрополита, купно же и всѣхъ  
священникъ, и тако отпусти ихъ царь съ ми-  
ромъ. Якоже ему възвратитися на свой градъ, и  
абіе князь великій Дмитрей Ивановичъ стрѣтаетъ<sup>13</sup>  
его съ всѣми бояры и съ людьми, съ великою  
радостію и честію, хвалу Богу приносяще, иже  
такую благодать даровавшаго ч(юде)са имѣа-  
ху велика и славна быти предъ Богомъ. По  
сихъ же, откровеніемъ Божиимъ, святый мит-  
рополитъ Алексей помысли въздвигнути цер-  
ковь въ имя архистратига Михаила и че-  
стнаго его чюдеси, еже бысть; и ту же пре-  
дѣлъ въздвигоша въ имя пречистыа влады-  
чица нашеа Богородица и честнаго еа Благо-  
вѣщеніа, и ту собѣ гробъ заложи своимъ<sup>14</sup>  
рукама въ предѣлѣ честнаго Благовѣщеніа на  
деснѣй странѣ, церковь въздвигъ камену<sup>15</sup> свя-  
таго архистратига Михаила и честнаго его  
чюдеси, еже бысть предѣлъ и честнаго Бла-  
говѣщеніа, и всяческыи добротами украсивъ

(1) Т. е. чанибѣка. (2) Въ подлинникѣ: иванови<sup>ч</sup>. (3) Тамъ же: егоже. (4) Тамъ же: по. (5) Тамъ же: всегдаже. (6) Тамъ же: и сіа. (7) Тамъ же: и прочимъ путевъ касашеся и. (8) Тамъ же: и якоже. (9) Тамъ же: и абіа. (10) Тамъ же: прозрѣти. (11) Тамъ же: въспросичими. (12) Тамъ же: оударивъ. (13) Тамъ же: и стрѣтаетъ. (14) Тамъ же: и своимъ. (15) Тамъ же: каменя.

ту, иконами же, и книгами (и) ииѣ(ми) утварь-  
ми, такоже и трапезу камену постави; ина же  
многаа памятьмъ достойна съдѣанаа святымъ,  
елика написана быша здѣ, довольно же есть къ  
показанію, да познано будетъ праведное. Аще  
бы той не былъ угодникъ Божій, (то) не бы из-  
вѣстовалъ (Богъ) таковому варвару таковую  
вѣру имѣти къ нему, (и) не бы реклъ, яко Богъ<sup>1</sup>  
послушаетъ его, и можетъ слѣпымъ прозрѣніе  
давати, ни паки же онъ дръзнулъ бы быхъ  
выше<sup>2</sup> мѣры просити, аще бы не имѣлъ  
дръзновение къ нему; и поминаше<sup>3</sup> бо слово  
евангелское: елика аще просите въ имя мое, и  
дастся вамъ; и паки: просите, и пріимете; и  
паки: и да радость ваша исполнена будетъ.  
По сихъ же онъ человекъ Божій митрополитъ  
Алексей видѣ себе отъ старости изнаемающе,  
и (къ) концу уже приближающися, призываетъ  
убо святаго Сергіа. Оному же пришедшу, и  
бесѣдующимъ (имъ), повелѣ митрополитъ Алек-  
сей изнести крестъ съ парамантомъ, златомъ  
же и бесеромъ украшенъ, и даруетъ святому.  
Онъ же съ (с)мирениемъ поклонися, глаголя:  
«прости мя, владыко, яко отъ юности моя не  
быхъ златоносецъ, въ старости же хочу наипа-  
че въ нищетѣ пребывать.» Архіепископъ же ре-  
че къ нему: «(вѣмъ), чадѣ, яко сіа н(с)правиль  
еси, но сътвори<sup>4</sup> послушеніе, и пріими отъ  
мене данное ти благословеніе.» И тако възло-  
жи на<sup>5</sup> святаго своимъ руками, акыже нѣ-  
кое обрученіе. По сихъ же хотящихъ ему  
глаголати, рече же къ святому: «вѣдый буди,  
преподобне, на что призвахъ тя, и что хочу  
азъ о тобѣ<sup>6</sup> сътворити.» Святый отвѣщавъ: «и  
како могу увѣдати?» Онъ же рече къ нему:  
«се азъ съдръжахъ, Богу вручившу, Рускую<sup>7</sup>  
митрополию, елика Богу хотящу; нынѣ же себе  
вижду къ концу приближающися, токмо не  
вѣмъ дни скончанія мо его, желаю же при сво-  
емъ животѣ избрѣсти (мужа), могуща по мнѣ

пасти стадо Христово, и о всѣхъ недоумѣвся, 1357  
и тебе единого избрахъ, яко достойна суща  
исправити слово истинно; знаю бо извѣстное,  
яко вси тебе требуютъ, и прежде убо епи-  
скопства саномъ почтенъ будещи; по<sup>8</sup> моемъ  
же преставленіи и мой престолъ въспріиме-  
ши<sup>9</sup>.» И многаа инаа изрече къ нему, хотѣ его  
сими словесы къ<sup>10</sup> своей воли привести. Святый  
же Сергій, яко се услыша, яко велику тщету  
въмѣнивъ быти, къ архіерею отвѣща: «про-  
сти мя, владыко, яко выше мѣры<sup>11</sup> моя есть  
еже глаголеши; кто бо есмь азъ грѣшный и  
худѣйши паче всѣхъ человекъ? Но убо молю-  
ся тебѣ, владыко мой, яко да къ тому,  
(ни) мнѣ, ниже<sup>12</sup> иному кому о мнѣ глаго-  
леши, понеже нѣктоже сіа въ мнѣ не можетъ  
изобрѣсти.» Якоже видѣвъ его блаженный  
митрополитъ Алексей на то никакоже<sup>13</sup> не  
приклонна, ничтоже не приложи глаголати<sup>14</sup>  
ему о семъ, убоявся, да не како же стуживши  
отъиде(тъ) (въ) внутреннюю пустыню, и тако-  
ваго свѣтлника лишится; утѣши же его сло-  
весы духовными, и тако отпусти его въ свой  
ему монастырь съ миромъ. И такому снцего-  
(м)у бываему, сіа убо причитающа, вѣруемъ,  
яко Господь нашъ Ісусъ Христосъ славящи  
его прославляетъ не токмо въ животѣ, но и  
по<sup>15</sup> преставленіи небснаго царствія даруетъ.  
И по малѣ времени иже въ святыхъ отецъ  
нашихъ Алексей добръ стадо упасъ, и на  
пажити животныа настави(въ), възсозидаетъ на  
основаніи апостолстѣ(мъ), многаа знаменія въ  
славу Божию сътвори(въ), въ старости добръ  
и благоугодивъ, и въ ней божественную ли-  
тургію свершивъ, и святыхъ и пречистыхъ  
таинъ причастився, миръ князѣмъ же и людемъ  
оставивъ, послѣднее цѣлованіе давъ, прехо-  
дитъ убо въ онъ вѣкъ нескончаемый, идеже  
вси святыи отходятъ; и бысть же преставле-  
ніе его мѣсяца февраля въ 12 день. Слышано

(1) Въ подлинникѣ: богу. (2) Тамъ же: и выше. (3) Тамъ же: помогае. (4) Тамъ же: сътворити. (5) Тамъ же: ина.  
(6) Тамъ же: о собѣ. (7) Тамъ же: рускую. (8) Тамъ же: и по. (9) Тамъ же: въспріимши. (10) Тамъ же: изъ. (11) Тамъ  
же: вѣры. (12) Тамъ же: о мнѣ глаголеши понеже. (13) Тамъ же: никакоже. (14) Тамъ же: ни глаголати. (15) Тамъ же: ино.

1357 же бысть святаго преставленіе, стекшеся  
1368 отсюду князь, и бояръ, и велможа, и епископи  
же (и) иноци оту многихъ странъ различныхъ,  
и погребоша и честно въ церкви, отъ него  
же създаниѣй, архистратига Михаила, иже  
ту въ предѣлѣ честнаго Благовѣщенія владычи-  
ца нашеа Богородица, идеже суть и донныѣ  
честныя его мощи и цѣлебныя всѣмъ иже съ  
вѣрою приходящимъ исцѣленія приѣмлютъ, и  
не бо единъ или дважды, но много и неиз-  
четно, ова же явлено, ова же (та)йна явле-  
н(о), обаче къ Богу обоа вѣдомо. И бысть  
убо святыи въ томъ гробѣ 60 лѣтъ, въ время  
же благочестиваго и христілюбиваго само-  
дръжца великаго князя (Василіа) Василиевича  
и при святѣйшомъ митрополитѣ Фотѣе  
Кіевскомъ всеа Руси, и егда въсхотѣ Богъ  
болма своего угодника прославити, свѣтили-  
ку не подѣ землею быти, но всѣмъ и видимо  
быти, и случися по нѣкоему строенію Божию  
церковь обалившеся велии въ время божест-  
венныя литургіа, священнику же еще во ол-  
тари, ино благодатію Христоваю вси невре-  
дими съхранени быша; и тако тое церкви  
мѣсто очистивше, хотяще въздвигнути новую  
церковь, и начаша копати ровъ (на) основа-  
ніе, и ту абіе обрѣтоша тѣло блаженнаго  
Алексеа цѣло и невредимо, рызы его не ист-  
лѣвше толикими многими лѣты. И якоже  
слышано бысть святое обрѣтеніе, стекошася  
князь же, и велможъ и простыхъ людей мно-  
жество, и хвалу велію съ псалми и пѣніемъ  
въздающа<sup>2</sup> прославляющему Богу святаго своа.  
И тако церковь въздвижена<sup>3</sup> бысть зѣло пре-  
красна, Богу поспѣшествующу<sup>4</sup>, и святаго  
тѣло въ рацѣ положиша въпридѣлѣ честнаго  
Благовѣщенія владычица нашеа Богородица  
на деснѣ(й) странѣ, идеже суть видими святаго

его мощи и до сего дни, всѣмъ исцѣленія  
обычно подавающе. Принесени же<sup>5</sup> быша мощи  
его мѣсяца маа въ 20 день. Да не умолчано  
будетъ истинно, но да речено будетъ истинно,  
но да речено будетъ преподобное, елиа бо  
обаче Богъ не токмо въ животѣ прославляю-  
щихъ его прославити и по смерти явлену быти  
многими различными чудесы, отъ нихже да  
речется мала отъ многихъ.

Въ лѣто 6866.

Въ лѣто 6867. Преставися князь великій  
Иванъ Ивановичъ.

Въ лѣто 6868. Дано княженіе великое князь  
Дмитрею Суздальскому, и коему же князю  
отчину свою, отъ царя Хыдырма. Той же зы-  
ми, февраля въ 3, часть ноши, знаменіе бысть на  
небеси: облакъ яко кровавъ и свѣтъ яко заря.

Въ лѣто 6869. Убиша царя Хидаря. Тогды  
же ограбиша князей Ростовскихъ въ Орлѣ,  
и пустиша ихъ нагихъ.

Въ лѣто 6870. Ходиша Московскіе Ивано-  
вичи, князь Дмитрей Андрѣевичъ да князь  
Володимеръ на Галицкаго князя Дмитрея;  
и прогна(ша) его, и княгыню полонили<sup>6</sup>. Той  
же зыми князь Дмитрей Ивановичъ его сго-  
нилъ съ Переяславля Дмитрея, князя Суз-  
дальскаго, а самъ сѣде на великое княженіе.  
Той же зыми сѣтворилася нелюбовь межи кня-  
зи Ростовскими Констан(ти)номъ и Андрѣемъ.

Въ лѣто 6871. Князь Дмитрей Ивановичъ  
ходилъ ратию на Суздаль. Того же лѣта при-  
ихавъ князь Андрѣй въ Ростовъ, хотя<sup>7</sup> . . .  
. . . . .  
. . . . .  
къ своего намѣстника посадили съ княземъ съ  
Еремѣемъ. Того же лѣта князь великій Дми-  
трей събра воа многы, и послалъ рать на кня-  
зя великаго Михаила Александровича Твер-

(1) Въ подлинникѣ: и нбо единци. (2) Тамъ же: въздающа и. (3) Тамъ же: въздвижену. (4) Тамъ же: по поспѣ-  
шествующа. (5) Тамъ же: принесенія иже. (6) Въ Никоновской лѣтописи есть подъ 6870 годомъ извѣстіе о  
походѣ великаго князя Дмитрія Ивановича съ братомъ Иваномъ Ивановичемъ и съ княземъ Владиміромъ  
Андреевичемъ на князя Дмитрія Константиновича Суздальскаго. (7) На этомъ словѣ, находящемся въ руко-  
писи на 156-мъ листѣ, прерывается статья и ея продолженіе помѣщено на 157-мъ листѣ.



скаго. Князь же великій Михайло побѣжда въ Литву къ великому князю Олгирду, зяту своему, и жалобы наложѣ, просѣ помочи собѣ, дабы сѣтворилъ мѣсть его въскорѣ. Князь же великій Литовскій Олгирдъ, тои же осени, събравъ вои многѣ, и поиде къ Москвѣ ратию на великого князя Дмитрея; а съ нимъ братъ его Кестутей, и сыны Кестутевы Витовтъ, тогда младѣ еще, и сынове Олгердове вси, и вси князи Литовскіе. Князь великій Миха(й)ло Александровичъ Тверскій прииде къ рубежу<sup>1</sup> Московскому. И то слышавъ князь великій Дмитрей Олгирда приближающаяся къ собѣ, разосла грамоты по градомъ, и повелѣ въскорѣ слати многы быти къ собѣ; и ничтоже успѣша събрати силы, занеже въскорѣ. И отпусти князь великій заставу противу Олгирда Дмитрея Микитина, а съ нимъ сторожевый полкъ, да отъ князя Володимера Андрѣевича Окинѣа Шюбина; а съ ними рать Московскую, Коломинскую, Дмитровскую. Олгердъ же, входя въ предѣлы Московскыя, нача воевати порубежная мѣста, и на стрѣчѣ уби князя Семена Стародубскаго Кропиво; и посемъ въ Оболенствѣ уби князя Костантина Юріевича Оболенскаго, и доиде рѣки Тростны, и ту избы стор(о)жевый полкъ князя великого Московского, заставу Московскую, и князи, и воеводы и бояре всѣ побѣ; и оттолѣ скоро прииде къ Москвѣ, и ста около града съ великою силою, и стоялъ 3 дни и 3 нощи, и многа зла сѣтворилъ, и отъиде въ своаши, учинивъ лихо за лихо. Той же зими Москвичи отступившася опять Городка и всеа части князи Семеновы князю великому Михаилу Александровичу.

Въ лѣто 6877.

Въ лѣто 6878. По многыя ноци бысть знаменіа на небесахъ, небо аки кроваво, столпы по небу, проявляа ратныхъ нахоже-

ніе. На ту бо зиму, мѣсяца ноября въ 6, 1368 прииде Олгирдъ, Литовскій князь, къ Волоку и съ Волока къ Москвѣ, на Николѣинъ день, и взяша миръ. Той же зими въ Новгородѣ Нижнемъ уползе многъ снѣгъ, и упале съ горы за святымъ Благовѣщеніемъ, и засыпа двори съ людьми.

Въ лѣто 6879, мѣсяца априля въ 10 день, отъ Мамаева царя прииде изъ Орды князь великій Михайло Александровичъ Тверскій на великое княженіе съ ярлыкомъ, а посолъ съ нимъ Сарыхожа; и поиде съ Твери мимо Кашинь, подлѣ Волгу. А князь великій Дмитрей Московскій по всѣмъ градомъ бояръ и люди привелъ къ цѣлованію не датися имъ князю Михаилу, а въ землю его не пустити на княженіе на великое; а самъ съ братомъ своимъ Володимеромъ ратию сталъ въ Переяславли. И посолъ царевъ посылалъ къ Дмитрию звати въ Володимеръ къ ярлыку, и князь Дмитрей отвѣчалъ: «къ ярлыку не ѣду, а на великое княженіе не пушу, а тобѣ послу цареву потчестъ.» И присла звати посла, и посолъ давъ ярлыкъ князю великому Михаилу да поехалъ отъ Мологи на Москву, а князь великій Михайло поиде назадъ на Бежитскій Верхъ воюя, и прииде въ Тверь маа въ 23, и пусти сына своего князя Ивана въ Орду; а Татаринъ многое поймавъ, поиде въ Орду съ Москвы. И потомъ князь великій Дмитрей въ Орду поиде, и подаа сребра много отъ великого княженія; окаянии же Измаитяне, за безаконіе на(ше), въвергоша мечъ въ Рускую землю, и почестили князя Дмитрея, давъ княженіе великое ему, а князю великому Михаилу приказали: «дали бы есми тебѣ княженіе великое, и рать есми тебѣ давали, и ты не захотѣлъ, и рекъ еси сѣсти своею силою; и ты сяди съ кимъ ти любо.» Того же лѣта, въ (о)сени на исходѣ, прииде князь великій Дмитрей изъ Орды съ

(1) Въ подлинникѣ: к рубежу. (2) Тамъ же: съ волокока.

1371 многими должники; и на Бежицкѣй Верхъ  
1372 посла рать Дмитрей убити намѣстника кня-  
жа Михайлова Мыкифора Лыча, а по воло-  
стемъ Тверскимъ грабить, и оттолѣ вѣста кра-  
мола болѣ. На зиму поиде князь великій Дмит-  
рей на Олега<sup>1</sup> Рязаньского, и съгна его съ  
Рязаны, а посади Пронскаго Володимера. Той  
же зыми женися Володимеръ Андрѣевичъ у  
Олгерда Еленою. А князь великій Михайло  
послалъ князя Дмитрея Еремѣева братанича<sup>2</sup> и  
взялъ ему Кѣсь, и воеводы поималъ Ивано-  
выхъ дѣтей Шонурова, Андрѣя и Давыда, и  
Бориса изымавъ приведоша въ Тверь къ ве-  
ликому князю; а князь Михайло<sup>3</sup> Кашиньскій  
Василіевичъ посла на Москву, и взя миръ, а  
бояре ис Кашина прѣихавъ къ великому кня-  
зю Михаилу Александровичу цѣлованіе сло-  
жили.

Въ лѣто 6880, въ Оминну недѣлю, князь  
великій Михайло взялъ Дмитровъ, посад(ы)  
и села пожгли, и люди въ полонъ повели; а  
Кестутей и князь Андрѣй Полоцкій ходили къ  
Переяславлю посад(ы) и села пожгли, и лю-  
ди много побѣша, а нѣмъ въ полонъ поведоша,  
и совѣкупився во едино съ княземъ Михаиломъ  
поидоша къ Кашину, и взяша окупъ съ Кашина,  
а князь великій Михайло Василіевича (приве-  
воли) въ свою волю. А князь Олегъ на Рязани  
сѣдѣ, а зятя своего, князя Володимера, ялъ и  
привелъ его въ свою волю. А князь Кѣстутей  
поиде отъ Кашина мимо Торжекъ, и многу  
учиниша пакость; а князь Андрѣй Полоцкій  
да Дрютскій Дмитрей, мимо Твѣрь идучи,  
много пакости учиниша. Того же лѣта, заго-  
вѣвъ Петрову говѣнію, прѣихаша Новгород-  
ци въ Торжекъ, и укрѣпишася съ Новоторж-  
ци, и крестъ цѣловаша, и свѣщаща золъ со-  
вѣтъ: намѣстника князя великого Михаила  
сослаша, а Тверичъ изымавъ биша, а люди пог-  
рабиша. Князь же великій Михайло укрѣпився  
силою крестною, и поиде ратию къ Торжку,

мѣсяца маа въ 31 день, на память святаго  
мученика Еремеа, ста въ поведѣльникъ у  
Торжку въ полъ обѣда, нача ся смиреніемъ  
слати къ Новгородцемъ и Новоторжце(мъ):  
«кто моихъ Тверичъ былъ, да и грабилъ, тѣхъ  
ми выдайте, а намѣстника моего посадите;  
а болѣ того ничтоже не учиню вашей зем-  
ли пакости.» И ждахъ покоренія до полу-  
дне, а врагъ діаволъ възмате ихъ злобою.  
Новгородци похвалишася силою, и послаша  
къ великому князю съ высокою мыслію, а сами  
въоружившеся бранію и изыдоша противу  
князя Михаила. Князь же великій Михайло мо-  
ляся великому Спасу и пречистой его Матери,  
и съступишася, на прѣвомъ суймѣ побѣди  
великій князь Михайло, помощію великого  
архистратига Михаила; и убиша Александра  
Абукумова съ други, а Новгородци побѣго-  
ша къ Новгороду, а нѣмъ въ городъ, и бѣ-  
жавшихъ много исколоша, а нѣмъ поимаша  
бояръ и Новгородцевъ и Новоторжескихъ,  
и приведоша въ Тверь. И зажгоша съ поля  
посады у города, и удари со огнемъ вѣтръ  
силенъ на градъ, и поиде огонь по всему гра-  
ду, и погорѣ въскорѣ весь градъ, и<sup>4</sup> церкви  
каменны, и многое множество народа бесчи-  
сленное въскорѣ погибоша, а нѣмъ отъ огня  
бѣжачи въ рѣцѣ истопоша; въ единомъ часѣ  
видѣхомъ градъ весь въскорѣ попелъ, и раз-  
вѣй то вѣтръ, и не бысть ничтоже, развѣ  
кости мертвыхъ. Сіа вся наводитъ Богъ грѣхъ  
ради нашихъ; самъ бо рече: обратитесь къ  
мнѣ, и азъ къ вамъ обращуся; отступите отъ  
злѣбъ вашихъ, и прѣимете благаа. Разумѣйте,  
братіа, силу Божию. Кый градъ бысть тверже,  
ли сильнѣе Ерусалима? быше имѣа великы 4  
стѣны каменны, и единъ изъ него исхождаше  
на 100, и безъ раны<sup>5</sup> хождаше; и единою Титъ  
обступиша градъ, и выидоша 7 храбрыхъ,  
и просѣкоша 7 улицъ до самого Тита, и  
възвратившася невреденніи, и въ 2-е лѣто

(1) Въ подлинникѣ: и на олгерда. (2) Тамъ же: братією. (3) Тамъ же: михайло и. (4) Тамъ же: ил. (5) Тамъ же: избирены.

(1) Въ подлинникѣ: и на олгерда. (2) Тамъ же: братією. (3) Тамъ же: михайло и. (4) Тамъ же: ил. (5) Тамъ же: избирены.

дея Титъ Іерусалимъ, и поплѣни весь градъ, и стоа пусть 60 лѣтъ. Разумѣйте, братіа, аще бо ти побѣженіи, то есть мужество, еже уповати на Бога; а человѣческаа помощь ничтоже есть, еже сіи сътвориша собѣ Новгородци за высокоуміе. Князь же възвратися въ Тверь съ побѣдою. Того же лѣта, мѣсяца іюля въ 12 день, князь великій Михайло поиде съ Твѣри ратію, и совокупися со Олгердомъ подъ Люботьскомъ; а съ Москвы прииде противъ князь великій Дмитрей, и отъ врагъ въоружившася, и не бѣ лѣзѣ почати обонимъ, бѣ бо врагъ; и виѣнися врагъ тый въ спасеніе, и вѣзме миръ, поидоша во своаси, а князь Михайло поиде въ томъ же миру. А князь Дмитрей послалъ въ Орду, высулиша князя Ивана Михайловича, сына Александровича, и приведоша на Москву, заговѣвъ Филипову заговѣнію; начаша его дрѣжати въ истомѣ<sup>1</sup>. Той же зими, въ Рождество Христова, приславъ ис Кашина съ матерью, князь Михайло Василіевичъ цѣлованіе сложилъ<sup>2</sup>, и поихалъ на Москву, а оттолѣ къ Ордѣ. Той же зими преставися Еремѣй, Тверскій князь. Того же лѣта преставися владыка Василей Тверскій.

Въ лѣто 6881. Иде Вълхвовъ рѣка въспати по пять днѣй въ Новѣгородѣ. Того же лѣта, мѣсяца априля въ 20 день, на святую недѣлю, Новгородци: Усъ, Яковъ, Глазачъ, ис погребѣ выкопалися и убѣгли съ Твери. Того же лѣта князь Михайло Василіевичъ прииде изъ Орды въ Кашинъ. Того же лѣта князь великій Михайло около града Твери валъ копалъ, а ровъ копалъ отъ Волги до Тмаки, Тверскими волостми и Новоторжскими губами, и валъ засыпали отъ Волги. Той же зими преставися князь Михайло Василіевичъ; а сынъ его Василей князь, по слову бабы своа княгыни Олены, добылъ челомъ князю великому Михайлу. Той же зими сътворися

миръ князю великому Михайлу съ княземъ<sup>1372</sup> великимъ Дмитріемъ, и отпусти сына его<sup>1375</sup> съ Москвы князя Ивана съ любовію, а князя великого Михайла съ великого княженіа на-мѣстника свель, и бысть радость велика всѣмъ христіаномъ.

Въ лѣто 6882. Алексей митрополитъ въ Твери постави епископа Еуфиміа. Того же лѣта Кашинскій князь Васко ступилъ на Москву.

Въ лѣто 6883. Съ Москвы приихали къ великому (князю) Михайлу Иванъ Василіевичъ да Нѣкоматъ на христіанскую изгыбель, и на Федоровѣ недѣлѣ посла (и)хъ въ Орду; а самъ князь великій Михайло поихалъ въ Литву о середохрестѣ, и побивъ мало время, приихалъ въ Твѣрь. Того же лѣта прииде изъ Орды Нѣкоматъ, мѣсяца іюля, въ Тверь, а посолъ съ нимъ Ажжихоя отъ Мамаа, и ярлыкъ принесе на великое княженіе; и князь великій Михайло, не дождавъ нимало, того дни и послалъ къ великому князю Дмитрію, цѣлованіе сложилъ, а наместники послалъ въ Торжекъ и на Угличе Поле ратію. Того же лѣта солнце погнбло. А князь великій Дмитрей, собрався<sup>3</sup> съ всѣми князи Рускими, поиде къ Твери; мѣсяца августа въ 1-й Миккулинъ взялъ; въ 5 день порану сталъ у града Твери, и посады и церкви пожегъ, августа въ 8 день приступилъ, въ среду, съ всею силою къ граду, и тури прикатали, и приметъ<sup>4</sup> метали, и стрѣлницу зажгоша на м(о)сту на Тмацкомъ, и въ скорби бысть весь градъ. И притекоша людіе въ Спасъ, съ слезами къ Богу възваша; и помилова Богъ, посла свою помощь, Москвичи отъ града отбилъ. Князь великій Михайло Волскими вороты Москвичъ былъ, и тури посѣкли и пожгли, и Москвичи въ вечернюю годину отъ града отступили; и потомъ стали вокругъ всего<sup>5</sup> града и за Волгою, а на Волгѣ мостъ доспѣли, а силы начаша Москвичемъ прибывати, приидоша бо

(1) Въ подлинникѣ: вистомѣ. (2) тамъ же: служилъ. (3) Тамъ же: собрався. (4) Тамъ же: прииметь. (5) Тамъ же: въ весь.

1375 Новогородци и Смоленяне. И видя то князь  
1377 великій Михаилъ, и нача хотѣти миру, и взя  
свою волю князь великій Дмитрей, и умири  
ихъ владыка Еуфимій, и много зла учинився  
въ земли Тверской, и скорбь бысть не мала,  
какова же не бысть мимошедшіа лѣта, морь  
на люди и на скоть; а помочи жда князь  
Михайло отъ Литвы и отъ Татаръ, и жда  
тое помочи, а много учинися пакости. Се  
все бысть грѣхъ ради нашихъ. И поиде (отъ)  
града Твери князь великій Дмитрей шѣсца сеп-  
тевра въ 3 день. А се князи были<sup>1</sup> Рускыи  
съ великимъ княземъ Дмитріемъ (съ) своими  
силами: князь Володимерь Андрѣвичъ, князь  
Дмитрей Костантиновичъ Суздальскый, князь  
Борисъ Костантиновичъ, князь Андрѣй Фео-  
доровичъ Ростовскый, князь Дмитрей Ново-  
городскый, князь Семенъ Дмитріевичъ, князь  
Иванъ Василювичъ Смоленскый, князь Василей  
Василіевичъ Ярославскый, князь Романъ<sup>2</sup> (Ва-  
силіевичъ), князь Феодоръ<sup>3</sup> Можайскый, и вси  
князи Рускіе и Новогородскаа сила; и оступи-  
на весь градъ, и подъ градомъ, на Тиацѣ, уби-  
ли Семена Ивановича Добрынского, и иныхъ  
много людѣй биша съ городка нового з Да-  
ниловскаго<sup>4</sup>. А на ту же осень женися князь  
Иванъ Михайловичъ, приведе за него Кѣстуте-  
еву дщерь Микловсу; и крести е владыка Еуфи-  
мій (въ) Въздвиженіе, и нарече е(ѣ) имя Маріа.  
И въ то же время Новогородецъ Прокофей  
сѣвокупн около себе людѣй съ полторы тысячи,  
(въ) 70-и же ушкуевъ, взяша Кѣстроу. Намѣ-  
стникъ тогда былъ на Костромѣ Плещее,  
видѣ ихъ Новогородцевъ Плещее воевода  
побѣже; тогда Новогородци елико могоша  
взяша<sup>5</sup>, а излишнее меташа въ воду, а нное  
огнемъ пожгоша, а люди множество плѣниша.  
И шедше на Нязъ пограбиша Новьгородъ, а

градъ съжгоша; и пограбиша многы люди,  
и въ полонъ поведоша. И пондоша въ Каму-  
рѣку, и по малѣ выгребоша Камою, и пондо-  
ша въ судѣ(хъ), и дошедъ Болгарь испродаша  
полонъ весь, а сами пондоша къ Сарая, го-  
сти христіанскіи грабя, а бесермени біючи. И  
дондоша до усть Волгы, до<sup>6</sup> Хазторокани,  
и тамо избѣ я лестію князь Хазторо(ка)нь-  
скый, именемъ Салчѣй, събратився съ Про-  
кофьевою дружиною, и позва ихъ на честь  
пира, и тако вси безъ милости побіени быша,  
и безчисленное ихъ богатество взяша, а въ  
главахъ ихъ мизгитъ складоша.

Въ лѣто 6884. Принде изъ Царяграда на  
Русь Кыпріанъ митрополитъ, поставленъ Фи-  
лофіемъ патріархомъ. Князь великій Дмитрей  
не пріялъ его: «есть у насъ митрополитъ  
Алексей;» и Кыпріанъ поѣхалъ на Кіевъ.

Въ лѣто 6885. Умре князь великій Олгердь<sup>7</sup>  
Гедеменовичъ. Бѣ у Едимаа (7) сыновъ: Наръ-  
монть, Олгердь, Евнутей, Кестутей, Коріадъ,  
Люборть, Монтивидъ<sup>8</sup>. Олгердь же всю бра-  
тію поимъ за се разумомъ и мужи, бѣ  
бо вина и меду не піа. Имяше сыновъ 12,  
отъ 1-я жены пять сыновъ, а отъ Тверіанки  
Уліаны семь; и бѣ сыновъ Олгердовѣхъ имяна  
имъ: Андрѣй, Дмитрей, Костантинъ, Воло-  
димерь, Федоръ, а отъ Уліаны: Корибутъ,  
Скрыгайло, Ягайло, Швѣтригайло, Корига-  
йло, Лугъвень и Вигонтъ<sup>8</sup>. Избра изъ своихъ  
дѣтей Ягайла, емуже княженіе великоѣ по-  
ручи; Ягайло же оженися въ Ляцькой земли,  
поя за себе корилуцу, не имуше ей отца и  
матере, еяже ради досталося ему королев-  
ство. Того же лѣта ходиша Московскый князь  
за П(ѣ)яну рѣку, а князь Дмитрей Суздальскый  
послалъ сына своего князя Ивана да князя  
Семена Михайловича, да съ ними сила велика;

(1) *Въ подлинникѣ:* были и. (2) *Тамъ же:* князь василей, князь романъ василіевичъ ярославскый. (3) *Тамъ же:* Феодоръ. (4) *Тамъ же за симъ зачеркнуты слова:* запя<sup>т</sup>на 10 версть у твери. (5) *Тамъ же:* новогородци не могоша проимати. (6) *Тамъ же:* и до усть волгы а. (7) *Монтивидъ.* 8 *Въ Полн. Собр. Лѣт. т. VIII, стр. 25, вмѣсто: вигонтъ, читаемъ: минигайло.*

и повѣдаша нмъ царевича<sup>1</sup> Аршпу на Волчѣ водѣ, и они оплошншася, перешедъ рѣку Пьяну, (доспѣхн своя вознша) въ<sup>2</sup> тельгахъ, а сулицы въ силахъ не насажены, а издять (отъ) пеки ростягав(ся), бѣ бо нмъ варно, и где найдуть медъ, и піахуть до піана, а ннѣ ловы дѣють, по истиннѣ за Піаною піани. И приведоша на нихъ Мордва Татаръ Мамаевыорды, и удариша на нихъ, и убиша князя Семена Михаиловича, а князь Иванъ Дмитріевичъ утопе, овыхъ побѣша, а иныхъ потопиша. Тѣ же Татарове изгоннша Новгородъ Нижній, а князь Дмитрей Костантиновичъ побѣже, не съ кимъ ему бѣ бо стати, и побѣже къ Суздалю. Пріндоша Татарове на Піану августа въ 2, а въ Новгородъ августа въ 5; градъ весь пожгоша, и перквій згорѣша 32, и многое множество понмаша людей, и въ полонъ поведоша. Той же зими, мѣсяца февраля 12, преставися Алексей митрополитъ, и положенъ бысть на Москвѣ въ церкви архистратига Михаила, юже самъ созда. Сей убо въ святыхъ отецъ нашихъ Алексей митрополитъ бѣ бо родомъ славныхъ нарочитыхъ бояръ Черниговскихъ, преселшу же ся<sup>3</sup> отцу его, именемъ Феодору, и съ женою своею Марією и со всѣмъ домоу своимъ въ славный, въ преименитый градъ Москву, тогда же убо дрѣжаще великое княженіе великому князю Михаилу Ярославичю(ю) Тверскому великое княженіе Володимирское. Ту же родиша святаго сего отрока, и нарекоша ему нмѣ въ святомъ крещеніи Олферій, при великомъ князи Иванѣ Даниловичи; втораго сына роди Оофана, третего сына Матфеа, 4 сына Костантина, 5 сына Александра Плещеа. Оофановъ сынъ Стефанъ да Данило; Стефановъ сынъ Юрій, а Даниловъ сынъ Костантинъ; а Костантиновъ сынъ Игнатій; а Матфеевъ сынъ Елезарей да Иванъ; а Елизаріевъ сынъ Петръ; а Петровъ сынъ Ананія, что былъ конюшей

у великой княгини, умеръ; Александровъ сынъ 1377 Плещее(въ) Данило, а Даниловъ сынъ Борисъ, а Борисовъ сынъ Михайло Плещеевъ. Феодоръ Бяконть былъ у великого князя Ивана Даниловича въ боярехъ, а сынъ Феодоровъ Оофанъ былъ въ боярехъ у великого князя Ивана Ивановича и у великого князя Дмитрея Ивановича. Другой сынъ Данило Феодановичъ былъ у великого князя Дмитрея Ивановича и у великого князя у Василя былъ въ боярехъ у Дмитріевича, а былъ съ нмъ въ Ордѣ, и многу встому пріялъ въ чужихъ земляхъ, служа великому князю Василю Дмитріевичу; преставися въ черницахъ, въ скымѣ, положенъ бысть у Михайлова Чюда, близъ ляди своего Алексеа митрополита чюдотворца, и приходилъ князь великій Василей Дмитріевичъ на погребеніе его, прослезися надъ нмъ, поминаа службу его къ себѣ. По преставленіи митрополичю Алексею възде на его мѣсто нѣкоторый архимандритъ, именемъ Михаилъ, нарицаемый Митя, здѣа страшно и необычно, облечеса въ (санъ)митрополичѣвъъвесь и печать митрополичу възложи. Бѣ бо князь великій Дмитрей прѣже сего проси у митрополита, и не благослови его митрополитъ; бѣ бо унь и бысть на немъ заворъ отъ всѣхъ чловѣкъ. Въ единъ день рече Митяй князю великому: «обрѣтохъ въ намакановѣ, иже суть правила апостольская и отеческая: яко достоитъ епископомъ 5 или 6 поставити съшедшеса епископа; и нынѣ дрѣжава твоя повелитъ, и да снидутся епископы, да мя епископомъ поставятъ.» Князь же великій посла скоро по епископы, и снидошася, ни единъ не смѣа възбранити ему; но токмо Діонисій Суздальскій князю великому рече: «нелзѣ тому быти; аще бы нужа, то подобало бы то; но путь къ Царюграду есть.» И Митя видѣ себе осрамлена, и нѣци отъ младыхъ наустнша Митяа на Деонисіа, и Митя Деонисію рече: «не подобаше ли ти<sup>4</sup>,

(1) Въ подлинникѣ: царви<sup>1</sup>. (2) Тамъ же: иже въ. (3) Тамъ же: преславъ же ся. (4) Тамъ же: ты.



1377 о епископе, прежде прияти ко мнѣ и благосло-  
 1380 вение вяти? и нынѣ учини небрего(мо).» Део-  
 нисей рече: «тебѣ подобаетъ прияти ко мнѣ,  
 благословение прияти; а въ бо есмь епископъ,  
 ты же при(шлецъ).» И Митя рече: «потрѣпи,  
 прииду къ Царюграду, нынѣ не ищю тебѣ<sup>1</sup>,  
 сирьжалы твои своими рунами спорю, ни  
 пенъ не будеша.» И оттолѣ нача Деонисей<sup>2</sup>  
 помышляти къ Царюграду, и Митяй во(звѣ)сти  
 князю великому, и князь великій повелѣ Део-  
 нисея нужною дръжати; и видѣ Деонисей ну-  
 жною дръжати, введе<sup>3</sup> вгумена Сергіа, и князь  
 великій устыдися поручника его, и отпусти  
 Деонисея не ити къ Царюграду. Деонисей же,  
 не пождавъ съ недѣлю, ступи Вългою къ  
 Сарая, а святаго старца выдалъ.

Въ лѣто 6886. Убіенъ бысть Кѣстутей отъ  
 Ольердова сына. Того же лѣта бисл князь  
 великій съ Татаря на Вожи, посла на него  
 Мамай Бигыча; а съ великимъ княземъ Ан-  
 дрѣе Полотскій и князь Данило Пронскій.  
 И удариша одинъ съ сторону Полоцкій, а  
 (съ) другую Данило, а князь великій въ чело;  
 и приспѣ вечеръ, они же побѣжаша, нехѣ гна-  
 ти во нихъ, и наутрѣ игла бысть. Князь великій  
 передъ обѣдомъ понде за ним(и), и найдо(ша)  
 вожи и дворы ихъ повержены, а въ нихъ товара  
 бес числа; а сани только успѣша поимати жены  
 и дѣти своя, побѣгоша къ Ордѣ. Сіе бысть  
 небонде августа 11; убіенъ бысть тогда Дмит-  
 рей Манастирїевъ да Назаръ Курсаковъ.

Въ лѣто 6887. Митя понде къ Царюграду,  
 и дръзнувъ рече великому князю: «дай ми  
 харатію не написану, за своею печатію, на  
 запасъ; еже ми будетъ надобѣ, то напишу на  
 ней.» И далъ князь великій неодину харатію; и  
 проводи его князь великій съ Москвы съ  
 множествомъ князь и бояръ. И приде Митяй

въ землю Татарскую, и повелѣ его няти  
 Мамай, и мало дръжавъ пусти его; и проидо-  
 ша до моря Кафинского. И бысть близъ  
 града, яко видѣти Царьградъ, и ста корабли,  
 мимо его идуща мнози корабли, и внезапно  
 (умре) въ корабли Митя, и бѣ Митяемъ корабль  
 тошникъ; якоже прїемъ онѣ, и вложиша Митя  
 въ варку, и привезоша въ Галату, и погре-  
 боша ѱ. И быша въ велицѣ размысленіи, и  
 вси избраша Пимина, бѣ же творяся о Пине-  
 нѣ послани, а инѣ хотѣша Ивана архиман-  
 дрита на Москѣ Петровскаго, и<sup>4</sup> оковаша  
 (его). Пименъ же въ казню заглада, обрѣте  
 харатію не написану за великого князя пе-  
 чатію, и написа на (ней) отъ великого князя  
 Дмитрея Рускаго къ царю и къ патриарху: «из-  
 бравъ на Русь повелѣнку сего Пимина, а на-  
 че того иного не обрѣтохемъ.» И глаголюще  
 послонъ царь и патриархъ: «есть Руси митропо-  
 литъ Кипріанъ, поставленъ Филофеемъ патриар-  
 хомъ». Она же начаша послы сулити, у Фрягъ и  
 у Бесерменъ займуа по князю великому грамо-  
 тамъ, еже подаа безъ писменъ за печатію;  
 взято болѣ 70 и 6 долгу. И постави Нилъ  
 патриархъ Пимина<sup>5</sup> митрополитомъ Руси. Того  
 же лѣта на Кучковѣ потяша на Москѣ  
 Ивана Василіев(ича).

Въ лѣто 6888. А се писаніе Софонїа Ре-  
 занца, Брянского боярина, на похвалу вели-  
 кому князю Дмитрію Ивановичу и брату его  
 князю Володимеру Андрѣевичу. Вѣдомо ли  
 вамъ, Рускимъ государямъ, царь Мамай при-  
 шель изъ (За)волжіа, сталъ на рѣцѣ на Вороне-  
 жѣ, а всѣмъ своимъ улусомъ не велѣлъ хлѣба  
 пахати; а вѣдомо мое таково, что хощеть  
 ити на Русь, и вы бы, государи, послали  
 его пообыскати, туто ли онѣ<sup>6</sup> стоятъ, где  
 его мнѣ повѣдали?

(1) Въ подлинникъ: себѣ. (2) Тамъ же: деонисей и. (3) Тамъ же: введе. (4) Тамъ же: инѣ. (5) Тамъ же: пиминами. (6) Тамъ же: тавы ли то онѣ туто. (7) Въ рукописи за симъ было написано, но потомъ зачеркнуто кляноварю слѣдующее: тѣмъ же всѣмъ суженое мѣсто между дономъ и днѣпромъ, на полѣ куликовѣ, на рѣцѣ на неприявѣ; а положили главы своя за землю рускую и за вѣру христіанскую. а мы пондемъ въ свою отчину, въ землю залѣскую, къ славному граду москвѣ, и сядемъ на своемъ великомъ княженіи; чести есмь собѣ добыли и славнаго имени. конецъ.



Въ лѣто 6889. Прииде Кипріанъ митрополитъ на Москву.

Въ лѣто 6890. Посолотилъ князь великій Михайлъ верхъ у святаго Спаса въ Твери. Той же осени прииде, передъ Филипповымъ заговѣніемъ, Пиминъ митрополитъ изъ Царьграда, и князь великій не приѣлъ его, и клобучъ бѣлой съ главы снялъ; и разведоша дружину его, и послана его въ Галичъ, и тамо пребысть лѣто, и на Чухомлѣ; съ Чухомлы приведоша его въ Тверь. Той же зими знаменіе проявляшеся на востокѣ, акы столпъ огниа, звезда конейнымъ образомъ, прознаменова горкое пришестіе Тахтамышево на Рускую землю.

Въ лѣто 6890. Родися великому князю Дмитрею(ю) сынъ Андрѣй. Того же лѣта поиде царь Тахтамышъ на великого князя Дмитрея, а Олегъ Рязанскій указа<sup>1</sup> ему броды на Оцѣ; то слышавъ князь великій побѣжа на Кострому, а царь 1-е Серпуховъ сожже, и поиде къ Москвѣ; людіе стаха вѣчетъ, митрополита и великую княгиню ограбиша, и одва вонъ изъ града пустиша. И приѣха на Москву князь Остей Литовскій, внукъ Олѣрдовъ, оирѣни людѣ, затворися въ градъ<sup>2</sup>; а на третій день оже идетъ ис поля рать Татарская, и стаха близъ града, акы 2 перестрѣла, и рекоша: «есть ли Дмитрей въ градѣ?» и изъ града рѣша: «нѣтъ». И начаша пианици ругатися, кажуще имъ срамы своя, мняхуть бо толико силы есть; они же на градъ саблями махашу. И того дни къ вечеру тѣмъ полци отступили; и шедъ взяша Володимиръ и Суздаль, а инѣи Переяславль. Мѣсяца августа 20 день царь прииде къ Москвѣ съ бесчисленными вой, и видѣвше со града убояшася зело; и скоро такы поидоша къ граду, и стрѣлы пустиша, зрѣти не дадуще много на градъ, отъ стрѣлъ падаашу; а инѣи по лѣсницамъ на градъ хотѣша лѣзты, и ляхуть на нихъ воду, въ

кетлехъ на градъ варачи, и Татарове въ се-<sup>1881</sup>  
черною годину отъ града отступили. Царь<sup>1882</sup>  
же стоа 3 дни, а на 4-й день обляга Остѣ; въ полънобѣда приѣхаша Татарове ко граду, съ ними два князя Нижняго Новогорода, Василей да Семень Дмитрееви дѣти Константиновича; Татарове глаголютъ: «пришелъ царь своего холопа показати Дмитрея, а нимаѣ убѣгъ; и царь вамъ повѣстуетъ: азъ не пришелъ улуса своего истеряти, но соблюсти, а градъ отворите, азъ васъ хочу жаловати;» а князи глаголаху: «мы вамъ крестъ пѣлуемъ; царь хочетъ жаловати.» Князь Остѣй выиде изъ града съ многими дары, а священническій чинъ со кресты; и въ томъ часѣ подъ градомъ убиша Остѣа, а честныя иконы на земли легоша одраны. И поидоша сѣкучи въ градъ, а инѣи по лѣсницамъ на градъ; а гражане сами градъ зажгоша, и бысть вѣтръ силенъ, и бѣ огнь на градъ и мечь; и бысть взятъ градъ августа 26 день, при часѣ 8 дню. Си вся учинися грѣхъ ради нашихъ; и бысть въскорѣ все прахъ, а въ плѣнъ поведоша акы скотъ. И хотѣша ити ко Твери, и посла князь великій Михайло<sup>3</sup> Гурлена; они же изымаѣ быша, и поставиша Гурлена<sup>4</sup> предъ царемъ, и царь повелѣ грабежъ изыскати, и отпусти его съ жалованіемъ къ великому князю Михайлу, съ ярлыкы. И поиде царь отъ Москвы, а князь великій Дмитрей поѣха на Москву, и видѣ<sup>4</sup> изгмбелъ нача плачь великъ и горко стогнаніе; а Кипріанъ митрополитъ приѣхалъ въ Тверь изъ Новогорода Великого, и оттолѣ на Москву. Той же осени князь великій Михайлъ Тверскій поиде въ Орду, сентября въ 5 день, а съ нимъ сынъ его князь Александръ. Той же осени не въсхотѣ князь великій Дмитрей Кипріана митрополита, и Кипріанъ поѣхавъ въ Кіевъ; а Пимена съ честію приваде съ Твери на Москву, и бысть митрополитъ всеа Руси.

(1) Въ подлинникъ: указу. (2) Тамъ же: нимаху. (3) Тамъ же: господина. (4) Тамъ же: кнѣдо.

1383 1389 Въ лѣто 6891. Князь великій Дмитрей посла сына своего Василя въ Орду. Той же осени бысть знаменіе, сентебра въ 23: тма бысть грозна въ 1 часъ дни, поиде акы туча съ западныхъ страны скоро велии, и помрачи свѣтъ до 3-а годыны; птицы летающеи падаху на земли, и не дождааху людіе, что се есть, зане облакы желты суще и тонковидны<sup>1</sup> зело. Се же знаменіе не добро повѣдають, якоже при Антиоховѣ нахождение на Іерусалимѣ челоѣци являхуся на въздухѣ въоружени<sup>2</sup> и колесници; (по инымъ же странамъ тогда облакы прехожаху), и бысть много на Кіевъ.

Въ лѣто 6892.

Въ лѣто 6893. Князь великій Михайло жени сына своего князя Бориса у Святослава Смоленскаго, а князя Василя у князя Володимера Кіевскаго, и вѣнчаша ѿ въ Тѣбрі, въ святомъ Спасѣ.

Въ лѣто 6894, мѣсяца марта въ 22 день, Святославъ князь великій Смоленскій поиде съ силою великою, прииде ко Мстиславу, воюа землю Литовскую; мучаху<sup>3</sup> Смоленяне имаше различными казнми, овыхъ имаху (въ) нѣби наметавъ зажигаху, а нѣи разбивааху клинѣмъ, клѣти руки въкладааху въ стѣну зажигаху, а младенца на колѣ въстыкаху, звѣрообразне мучаху безчелоѣчено. И прииде Святославъ априля въ 18, на страстной недѣли, Мстиславци затворихася въ градъ; и бысть назаутрее, въ полънобѣда, появишася ко граду рать Литовскаа, князь великій Скрыгаило, а другій полкъ Кербутовъ, а 3-й полкъ Лугвеній и Витовтъ, идуще вборзѣ. И Смоленяне смятошася, и начаша въобранатися Смоленяне, бѣ бо оплошались, и съступиша(ся) подъ градомъ, гражане съ града зряше убиваемыхъ. И ту убиень бысть князь великій Святославъ, и сына его

поимаша, Глѣба и Юрія, и побѣжа множество, а нѣи въ рѣцѣ истопоша въ Вехрѣ<sup>4</sup>; а князь великій Скрыгаило и Витовтъ посади(ша) намѣстника князя Юрія Святославича нѣ съ своеа руки, а окупъ взяша на Смоленску. Той же осени прииде изъ Орды князь Александръ Михайловичъ съ посломъ. Той же зыми, о Крещеніе, князь великій Дмитрей ратью<sup>5</sup> ходилъ къ Новгороду; и не дошедъ града за 15 верстъ, Новгородци выидоша, вооружився, и даща окупъ великому князю 8000<sup>6</sup> рублей, и ту миръ взяша. Той же осени князь великій Василей Дмитріевичъ изъ Орды убѣгль; обшедъ многы земли отъ Ягайла, прииде на Москву; а съ нимъ ис Кіева приша митрополитъ Кипріанъ, и не приалъ его князь великій. Той же зыми князь великій Михайло не захотѣ Евфиміа владыки<sup>7</sup>; онъ же иде въ монастырь къ святому Николѣ надъ ручаемъ.

Въ лѣто 6896. Прииде Пимень<sup>7</sup> митрополитъ изъ Царяграда на Москву. Того же лѣта родися князю великому сынъ Костантинъ.

Въ лѣто 6897. Преставися въ Кашинѣ князь Александръ Михайловичъ Ординецъ. Того же лѣта изъ Нѣмечъ вынесоша пушкы, 97-го лѣта. Того же лѣта поидоста къ Царуграду Кипріанъ ис Кіева, а Пиминъ съ Москвы. Той же весны, мѣсяца маа въ 25 день, преставися князь великій Дмитрей Ивановичъ, живъ отъ роду 40 лѣтъ; а сына своего Василя князя благослови на свой столъ. За мало двій побѣже князь Володимеръ Андреевичъ отъ великого князя въ Торъжекъ, и на Крещеніе миръ взяша. Той же зыми, на Рожество Христово, прииде на всю Рускую землю Кипріанъ митрополитъ; и стрѣте его князь великій Василей Дмитріевичъ съ матерію и съ всѣми князми на Кѣстми, и бысть имъ радость о немъ; а Пиминъ въ Царѣградѣ преставися.

(1) Въ подлинникъ: тонковиденъ. (2) Тамъ же: мучаху и. (3) Тамъ же: върхѣ. (4) Тамъ же: и ратью. (5) Тамъ же: 8. (6) Тамъ же: владыка. (7) Тамъ же: мни.

Въ лѣто 6898. Позва князь великій Михайло на Тверь Кипріана митрополита; приѣха въ Тверь по Петровѣ дни, а съ нимъ два митрополита, еже сіи придоша изъ Цараграда, Матфей Андрѣйновополскій и Никандръ Ганскій, и Митрофанъ, владыка Смоленскій, и Стефанъ, владыка Пермьскій. И стрѣте митрополита внука князя великого, князь Александръ, за 30 версть отъ града; а на другой день стрѣте его князя великого сынъ Иванъ за 20 версть отъ града; по вечерни, въ день суботный, стрѣте<sup>1</sup> самъ князь велик(ій), на Почынкѣ, съ многими князѣ и множествомъ боярѣ; митрополитъ далече стрѣте его изъ шатра в(е)ликого князя, и надолзѣ бесѣдоваста о ползѣ душевней. Наутріа же, въ день недѣльный, мѣсяца іюля въ 3, стрѣте митрополита на Перемѣрѣ, и поиде къ граду, и стрѣтоша ихъ со кресты предъ Володимѣрскими вороты, у святаго Юрія. Митрополитъ же одѣявся въ святительскую одежду, и нача пѣти молебень Спасу и пречистой Матери Божіи, и поиде въ (святый Спасъ), и обѣдную служи въ святомъ Спасѣ; по обѣднѣ обѣда у великого князя, и пиръ и дарове мнози ему. Того по 3. дни пировѣ и дарове. На 4 день придоша къ великому князю архимандриты, игуменн и весь чинъ священическый на Уефиміа епископа; онъ же посла ихъ ко митрополиту, суди(ти) ихъ по правиломъ святыхъ отецъ. И извергоша епископа Евфиміа; и дасть митрополитъ епископа граду Тѣѣри Арсенія, своего протодіакона. Той же осени прибави(ша) къ Городку на Волзѣ съ приступа города, и ровъ скопаша, а въ Твери доспѣ(ша) ворота у святаго Василія. Той же осени Витовтъ изъ Нѣмѣцъ приходилъ къ Вилни, ине взявъ, прочь отъиде; отъ пушекъ много полегоша. Той же зими женися князь великій Василей у Витовта, Софію поны добрую; добрый нравъ имѣ отцевъ, не сыта бѣ блуда.

Въ лѣто 6899<sup>2</sup>. Преставися княгыня великаа Уліана Ольердова. Того же лѣта преста-<sup>1390</sup>  
вися Евфиміе на Москвѣ, въ истомѣ<sup>3</sup> отъ митрополита; и положиша его у святаго Михаила на Москвѣ за олтаромъ. Того же лѣта Тахтмышю бой съ Оксакъ Темиремъ, и побѣди Оксакъ Темиръ Тахтмышя. Той же зими митрополитъ Кипріанъ бысть въ Новгородѣ въ Великомъ, и вшеде на онбонъ нача люди учити; они же заткоша уши свои, еже бы не слышали. И митрополитъ поиха прочь, не благослови епископа и Новгорода.

Въ лѣто 6900<sup>4</sup>. Сложи цѣлованіе крестное князь великій Василей князю великому Борису Костантинови(чу), и поиде къ Орду, и нача просити Новгорода Нижняго; преможе бо многое събраніе на кровопролитіе, и даша Нижній Новгородъ великому князю Василю, и прииде на Москву, а посла отпусти къ Новгороду. Князь великій же Борисъ то слыша, събра свои бояре, и рече: «помните, братіа, крестное цѣлованіе и мою доброту.» Въ нихъ же старѣй именемъ Василей Румянецъ, лествя, рече: «мужемъ главы своа за тя положить,» якоже древней Блудъ. И внидоша Татарове въ градъ, и Московскіе послы начаша звонити, и снисдеся весь градъ, и выступя Румянецъ, рече: «князь Борисъ! нѣсть еси по тобѣ, но на тя.» О<sup>5</sup> злаа лествя чело-вѣческаа! якоже рече Давыдъ: мужа крѣва(ва) и лествя гнушается Господь; и Лѣствичникъ рече: душа мятежна сѣдалище діаволе. И отъиде Румянецъ, Іудинъ образъ вземъ, помрачися злобою и другъ діаволу нарекся. Помалѣ прииде въ Новгородъ князь великій Василей, и великого князя Бориса повелѣ розвести по градомъ съ княгыною и з дѣтми. Того же лѣта Каминъ погорѣ, и срубленъ бысть. Того же лѣта Витовтъ сѣде въ Вилнѣ на великое княженіе. Того же лѣта преста-<sup>1392</sup>  
вися князь Борисъ въ Суздали.

(1) Въ подлинникѣ: и стрѣте. (2) Тамъ же: 6099. (3) Тамъ же: выстомѣ. (4) Тамъ же: 6800, 900. (5) Тамъ же: а.

1393 Въ лѣто 6901.

1395 Въ лѣто 6902.

Въ лѣто 6903. Въ дни княженія благовѣрнаго и христілюбиваго великаго князя Василя Дмитріевича, самодержца Рускыя земли, внука великаго князя Ивана Ивановича, правнука же благовѣрнаго и христілюбиваго великаго самодержца и събрателя Руской земли великаго князя Ивана Даниловича, при благолюбивымъ архіепископѣ Кириѣмъ, митрополитѣ Кіевскомъ (и) всеа Руси, въ 15 лѣто царства Тактамышева, а въ седмое лѣто княженія<sup>1</sup> великаго князя Василя Дмитріевича, а индикта въ 3-е надесять, по Татарщинѣ, Московскомъ вѣстѣ, бысть<sup>2</sup> замятия велика въ Орлѣ. Прииде нѣкоторый царь, именемъ Темиръ Аксакъ, съ восточныя страны, отъ Синяя орды, отъ Самарханскыя земли, и велику брань сътвори, и много мятежъ въздвиже въ (О)рдѣ и на Руси своимъ приходомъ. О семъ Темиръ Аксакъ нѣди повѣдаша, яко испрѣва не царь бѣ родомъ, ни сынъ царевъ, ни племянни царска, ни княжеска, ни боярска, но тако испроста, единъ смѣ отъ худыхъ людей отъ Заецкихъ Татаръ, отъ Самархайскыя земли, отъ Синяя орды и Желѣзыми Враты, ремесломъ же кузнецъ бѣ желѣзными, обычаемъ же и дѣломъ немилостивъ, и хищникъ, и лобедникъ и грабежникъ, иже бѣ прежде хлопъ былъ у нѣкогого у своего государя, злонравіа его<sup>3</sup> (ради) отвѣржеса государь его, отбывъ, отславъ его отъ себе; онъ же не имѣа чинъ питатися, пребываше татбою кормяся. Единачее бо еще ему тогда сущу младу, и во убожествѣ, крадый ядше, да украде у нѣкоторыхъ овцю; онъ<sup>4</sup> же мняшеса убѣжати отъ нихъ, но скоро многыи постиженъ бысть, и ать бысть, и удръжанъ крѣпко, и биша его нещадно по всему тѣлу, и умысли-

ша ему дати язву смертную, яко да убьютъ и, и пробыша ему ногу и бедру его на полы, и повергоша его яко мертвѣ, не движущеся и не дышуще, мняху убо его якоже умре, и оставиша его исомъ на онѣденіе, и отыдоша. И не по колицѣмъ<sup>5</sup> же времени едва уздравися отъ таковыа<sup>6</sup> смертоносныя язвы, и вѣставъ, прекрѣва себѣ желѣзомъ ногу свою прибитую, и таковою нумено хранише, и того ради прозванъ бысть Темиръ Аксакъ, темиръ бо зовется желѣзо, аксакъ зовется хромецъ Половецкимъ языкомъ, и таковою<sup>7</sup> виною прозванъ бысть Темиръ Аксакъ, — темиръ бо зовется желѣзо, аксакъ зовется хромецъ, — якоже отыѣца отъ дѣлъ званіе пріемъ, и по дѣйству ния себѣ стяжавъ. И также потомъ, по исцѣленіе его отъ ранъ и по великихъ тѣхъ побоехъ, не лишился бѣ лиха(го) своего обычая прѣваго, не смирился, ни укротился<sup>8</sup>, но и паче на горшее<sup>9</sup> съврашеса, и горѣ давнаго и пуще прѣжняго, и бысть лють и разбойникъ. Потомъ же предложися ему уноши<sup>10</sup>, немилостивы мужіе и сурови и злиі челоуѣди, подобнии ему, таковіи же разбойници и хищници, и умножиша на ны зело. Егда ихъ бысть числомъ 100, и нарекоша его надъ собою старѣйшину разбойникомъ; егда ихъ бысть числомъ до<sup>11</sup> тысячи, тогда уже и княземъ<sup>12</sup> его зваху; а егда ихъ болѣй умножишася паче числомъ и многы земли поплѣни, и многы град(ы), и страны и царства поималъ, тогда уже царемъ его именоваху. Сей же Темиръ Аксанъ нача многы рати творити, и многы брани въздвиже, и многы сѣчи показа, и многы побѣди учини, многыи полкомъ съпротивнымъ одолѣ, и многіи град(ы) раскопа, многы люди погуби, многы страны и земли повоева, многы области и языки поплѣни, и многы княженія и рствацѣ покори подъ себе, и царя Турскаго

(1) Въ подлинникѣ: княженіе. (2) Тамъ же: и бысть. (3) Тамъ же: его злонравіе его. (4) Тамъ же: онъ. (5) Тамъ же: не по колицѣхъ. (6) Тамъ же: тоговья. (7) Тамъ же: тановою. (8) Тамъ же: окропился. (9) Тамъ же: нагоршее. (10) Тамъ же: уноша. (11) Тамъ же: и до. (12) Тамъ же: князямъ.

Крысеа полонилъ, а царство за себе взялъ. А се имена тѣмъ землямъ и царствомъ, еже бѣ поплѣнилъ Темиръ Аксакъ: Чагадай, Херусиній, Голустаній, Китай, Синна орда, Ширая, Испаганъ, Орначь, Гиланъ<sup>1</sup>, Сизъ, Ширбогъ, Шамихи, и Савазъ, Арзунуть, Теоизы, и Тевриси, Гурзустаній, Обези, Гурзи, Бабадаль, Темиръ Кабы, рекше Желѣзная Врата, и Асурию, и Вавилонское царство, идеже былъ Навходоноръ царь, иже плѣнилъ Іерусалымъ и три отроки, Ананию, Азаріа и Мисакла, и Данила пророка, и Савастію градъ, идеже было мученіе святыхъ мученикъ 40, иже въ Севастіи, и Арменію<sup>2</sup>, идеже бѣ святой Григорій, епископъ Великіа Арменіа, Дамаскъ великій и Сара(й) великій. Сіи имена тѣмъ землямъ, и тѣмъ градомъ и тѣмъ царствомъ, надъ ними же царст(во)ва Темиръ Аксакъ; со всѣхъ съ тыхъ земель дани и оброки дают(ся), во всемъ ему повинующеся. Онъ же на многыя браны хождаше, а они съ нимъ вѣюще<sup>3</sup>, и плѣняше<sup>4</sup> многыя земля, они же повинующеся ему, и хожаше съ нимъ, и всю волю его творяще, и царя Крысеа Турскаго въ клѣтцѣ желѣзѣ вожаше съ собою того ради, да аще бы видѣли мнози земля такуюю его силу и славу, безбожнаго врага и гонителя. Приде ратию на царя Тахтамыша, и бысть нмъ бой (на) варяпаши мѣстѣ Ординскомъ и на кочевницѣ царя Тахтамыша, и (от)толѣ возгорѣся<sup>5</sup> окаанный, и нача мыслити въ сердци своемъ ити на Рускую землю и поплѣнати ея, аки прежде сего, за грѣхи наша, попустившу<sup>6</sup> Богу, поплѣни<sup>7</sup> царь Батый Рускую землю; а гордый и сверѣпій Темиръ Аксакъ тоже помышляше, и хоцетъ взяти Рускую землю. И собра все во(ество) свое, и приде всю Орду и всю землю Татарскую, и приде близъ предѣлъ Рѣзаяскыа земли, и взятъ градъ Елецъ, и князя Елецкаго изыма, и многы люди помучи. И се слышавъ

князь великій Василей Дмитріевичъ, и събра 1395 вой своя многы, и поиде съ Москвы ко Коломнѣ, и хотѣ ити противу ему въ стрѣченіе, и пришедъ ратию ста на брегѣ у рѣкы Оки. Темиръ Аксаку же стоящу на единомъ мѣстѣ 15 донъ, помышляаше окаанный и хотѣ ити въ всю землю Рускую, аки второй Батый, и разорити христіанство. Слышавше благовѣрный и христілюбивый князь великій Василей Дмитріевичъ, самодръжець Рускыа земли, помышленія оного беззаконнаго, и сверѣпаго и гордаго мучителя и губителя Аксакъ Темира царя, како помышляетъ на православную вѣру, боголюбивый же великій князь Василей Дмитріевичъ руцѣ на небо въздѣюще, съ слезами моляхуся, глаголюще: «сзѣдателью и заступниче нашъ Господи, Господи! призри отъ святаго жилища твоего, и вѣнде безбожнаа варвара и сущихъ съ нимъ, дръзнувшихъ хулити святое<sup>8</sup> и великое имя твое, пречистыа и всененорочныа твояа Матере, заступница наша, низложи его, и да не речеть: где естъ Богъ ихъ? Ты бо еси Богъ нашъ, иже гордымъ упротивляеся; стани, Господи, въ помощь работъ своимъ, на смиренныа своя рабы призри, и не попусти, Господи, смути окаанному врагу нашему помосити намъ; твоя бо дръжава неприкладна и царство твое нерушимо! Слыши слово варвара сего, избави насъ и градъ нашъ отъ окааннаго, и безбожнаго и зловѣрнаго царя Темиръ Аксакъ!» Князь же великій Василей Дмитріевичъ посла вѣсть къ отцу своему боголюбивому архіепископу Кипріану, митрополиту Кіевскому и всеа Руси, чтобы народу повелѣлъ пріяти постъ и молитву, со усердіемъ и съ слезами Бога призывать; и пресвященній же<sup>9</sup> Кипріанъ, митрополитъ Кіевскій (и) всеа Руси, слышавъ таковую рѣчь отъ сына своего великаго князя Василя Дмитріевича, и призва къ себѣ

(1) Въ подлинникѣ: гинень. (2) Тамъ же: арменію. (3) Тамъ же: вѣюще. (4) Тамъ же: плѣняше а. (5) Тамъ же: возборе. (6) Тамъ же: попустивши. (7) Тамъ же: и поплени. (8) Тамъ же: и святое. (9) Тамъ же: иже.



1395 вся архимандрити, игумены, и попове и все чинъ священ(ни)ческий, и повелѣ пѣти по всему граду молебны, а дѣти своа духовныа повелѣ наказати, дабы пріяли постъ, и<sup>1</sup> молитву и покааніе съ усердіемъ отъ всеа души своеа. Самъ же<sup>2</sup> пресвященній митрополитъ такоже по вся дни призываа къ себѣ благовѣрныа князя, и благочестивыа княжны, и вся властели и воеводы, и по вся часы наказуа ихъ и учаша ихъ; самъ же митрополитъ Кипріанъ по вся дни и часы, и отъ церкви не отступаа, присно молитву Богу (приноситъ) за князя и за люди. Такоже повелѣ князь намѣстникомъ своимъ градымъ укрѣпити осаду, и събрати воа вся; они же слышавъ повелѣніе господина своего, събраша людіе вси въ градъ и укрѣпиша осаду. Благовѣрный же великій князь Василей Дмитріевичъ, помянувъ избавленіе царствующаго града, како избави пречистаа владычица наша<sup>3</sup> Богородица царствующи градъ отъ нашествіа зловѣрнаго и безбожнаго царя Хоздроа, помянувъ, и (пожелала) послати по икону пречистыа владычица наша Богородица. И призва къ собѣ князя и своихъ бояръ, и рече имъ: «хошу послати въ градъ Владимиръ по икону пречистыа владычица наша Богородица, та бо можетъ предложить<sup>4</sup> печаль нашу на радость, и можетъ заступити насъ и градъ нашъ Москву отъ нахожденія иноплеменикъ, и отъ нападенія вражіа, отъ нашествіа ратныхъ, и отъ межуусобныа браны, и отъ кровопролитія всякого, отъ мирскыа<sup>5</sup> печали, отъ напрасныа смерти, отъ всякого зла находящаго на ны.» И помысливъ же сеи благовѣрный великій князь Василей Дмитріевичъ, и помде въскорѣ къ отцу своему боголюбивому Кипріану, митрополиту Кіевскому (и) всеа Руси, и повѣда ему все свое помышленіе, и повелѣ ему послати въ славный въ старый градъ Володи-

меръ по<sup>6</sup> икону владычици нашеа Богородица. Благовѣрный же Кипріанъ, митрополитъ<sup>7</sup> Кіевскій (и) всеа Руси, слышавъ такую рѣчь отъ сына своего великаго князя Василя Дмитріевича, и посла въ старый и славный градъ Володимеръ по икону пречистыа владычица нашеа Богородица. Клирики же великіа соборныа церкви святыа Богородица, иже въ Володимери, протопопъ съ<sup>8</sup> крылошаны пречистую и чудную икону взяша, и понесоша отъ Владимира града на Москву, страсти ради Темьрь Аксакова Татарска, егоже иногда по вѣстѣхъ слышавомъ далече суще подъ востокы солнечными, нынѣ же близъ яко при дверехъ приближился есть, и готовится, и поощряется и въоружает(ся) на ны зело. И бысть тогда, мѣсяца августа въ 15 день, въ самый праздникъ честнаго Успенія, събрася весь градъ Владимиръ, изыдоша на проваженіе чюдныа тоа и честныа иконы, юже проводиша честно, съ<sup>9</sup> вѣрою и любовію, страхомъ и желаніемъ, съ плачемъ и со слезами, далече шествуючи отъ великіа вѣры и многыа любви, и многыа слезы изліаше. Егда же принесена бысть икона си близъ града, изыде противу иконы на стрѣтеніе еа, и стрѣтоша ѿ честно Кипріанъ митрополитъ съ епископы, архимандриты, съ игумены и діаконы, съ всѣмъ крылосомъ и причетомъ церковнымъ, и съ черноризци и черницами, и съ благовѣрными князи и княгынями, и бояры и боярынями, мужи же и жены, и юноша и дѣвы, и старци съ юнотами, дѣти, младенци, и сироты и вдовицы, нищи и убози, всякъ (во)зрастъ, мужескый полъ и женскый, отъ млада и до велика, вси много(е) множество безчисленное народа и люди, съ кресты, и съ иконами<sup>10</sup>, и (съ) евангеліа, и со свѣщами, и кадила, и со псалмы, и пѣсми и пѣніи духовными, паче рещи вси со слезами,

(1) Въ подлинникѣ: нлв. (2) Тамъ же: же и. (3) Тамъ же: нашеа. (4) Тамъ же: предложить. (5) Тамъ же: мирскыи нл. (6) Тамъ же: ипо. (7) Тамъ же: митрополитъ архіепископъ. (8) Тамъ же: свѣщано<sup>с</sup>. (9) Тамъ же: и. (10) Тамъ же: съ иконами.



мали и величин, иже не обрѣсти чловѣка не плачущеся; но и вси съ молитвою и плачемъ, и вси съ воздыханіемъ немолчнымъ, и рыданіемъ и благодареніемъ рупѣ въздѣюще на высоту, вси молахуся къ святѣй Богородици: «избави нашъ градъ Москву,» възпѣюще и глаголюще: «о всесвятая владычице Богородице! отъ нахожденія поганого Темира Аксакъ царя, всякъ градъ христіанскій и страну нашу заступи, и князя и люди отъ всякого зла заступи, и градъ нашъ Москву отъ нахожденія ратныхъ иноплемennыхъ избави, плѣненія наша отъ поганыхъ, и отъ огня, и меча, и напрасныя смерти, и отъ нынѣшняя обдѣржащаа скорби, и отъ печали, нашедшія нынѣ на насъ, и отъ настоящаго гнѣва, и бѣды и нужда, и отъ подлежащихъ сихъ искушеній<sup>1</sup> избави, Богородица, своими<sup>2</sup> богопріятными молитвами къ Сыну своему и Богу нашему, своимъ пришествіемъ, еже къ намъ нищимъ, и убогимъ, и скорбящимъ и печалующимся. Умилосердися, Госпоже, на скорбящія рабы твоа, на<sup>3</sup> ты надѣющеся, не<sup>4</sup> погубнемъ, но избудемъ тобою отъ враговъ нашихъ; и не предай же насъ, заступница наша, и не дай же насъ въ рупѣ враговъ Татаромъ, но избави насъ отъ врагъ нашихъ, и противныхъ съвѣты разори, и козми ихъ раздруши, въ время скорби нашеа нынѣшняя<sup>5</sup>, нашедшія на ны, буди теплая заступнице и скороа помощнице, да сихъ нынѣшнихъ бѣдъ тобою избавишеся<sup>6</sup>, благодарно възопіемъ: радуися, заступнице наша непостыдная.» И тако, Божією благодатією, и неизреченною милостію и молитвами пресвятыя Богородица, градъ нашъ Москва цѣло съхранивъ бысть, а Темиръ Аксакъ царь възвратися възпѣть и поиде въ свою землю. Оло преславное чудо, о превеликое удивленіе, о мно-

гое милосердіе къ роду христіанскому! въ 1395 который<sup>7</sup> день принесена бысть икона пресвятыя Богородица изъ Володимера на Москву, въ той день Темиръ Аксакъ безбожный царь убоися, и устрашися, и ужасеся и смятеся, и нападе на нь<sup>8</sup> страхъ и трепеть, и вниде страхъ въ сердце его и ужасъ въ душу его, трепеть въ кости его, и скоро отврѣжися<sup>9</sup> и охабися воевати Рускыя земля, и възхытишася быстрѣе путь на шествіа, и скорое грядущую къ Ордѣ, а къ Руси тылъ показующи, и обратишася въ сердце своемъ въ своаси, и възвратишася възпѣть безъ успѣха, възматолшася и възколебашася, а нынѣ гоними быша; не мы бо ихъ гонимъ, но Богъ милосердный, и прогони ихъ невидимою силою своею и пречистыя его Матере, скорыа заступница нашеа въ бѣдахъ, и молитвою<sup>10</sup> угодника его боголюбивого пресвященнаго новаго чудотворца Петра, митрополита Кіевскаго (и) всеа Руси, крѣпкаго заступника граду нашему Москвѣ и молебника находящія на ны бѣды, посла на ны страхъ и трепеть, да окаменятся. Но якоже древле при Езекии цари и при Исаіи пророцѣ Сенахоримъ, царь Асурійскій, прииде на Іерусалимъ ратию, а въ гордости величій на Бога Вседръжителя хульны глаголы възпущаа; царь же Езекиа тогда бяше, но аще болѣнъ бѣ, но обаче помолися Богу съ слезами, купно съ пророкомъ Исаіемъ и съ всѣми люди, и услыша Богъ молитву ихъ, паче же Давыда ради, угодника своего, и посла Богъ аггела своего, множе великаго архистратига Михаила, и абіе въ ту ночь аггелъ Господень уби отъ полку Асурійска 100 тысячій и 80 и 5; наутріа же вѣставши, обрѣтоша трупіа мертва лежаща, царь же Асурійскій Сенахиримъ въ ту ночь убоися земля и устрашишася со оста-

(1) Въ подлинникѣ: искушенія. (2) Тамъ же: своими и. (3) Тамъ же: и на. (4) Тамъ же: и не. (5) Тамъ же: и нынѣшняя. (6) Тамъ же: избавишеся. (7) Тамъ же: и второй. (8) Тамъ же: на ны. (9) Тамъ же: отвражися. (10) Тамъ же: молитвою.

1395 точными своими воими скоро убѣжа въ Нивію, и тамо<sup>1</sup> отъ своихъ дѣтей убіенъ бысть и умре. Якоже тогда при Темирѣ Аксакѣ, единъ той же Богъ тогда и нынѣ, благодать Божіа дѣйствуетъ тогда и нынѣ, милостивъ есть Богъ и силенъ елико хочетъ и можетъ, и еще и нынѣ милость его велика на насъ, яко избавилъ ны есть Господь изъ руки врагъ нашихъ Татаръ, избавилъ ны есть отъ сѣча, и отъ меча и отъ кровопролитія, мышицею своею силы разгналъ еси враги наши, сыны Агарины, рукою крѣпкою и мышицею высокою устрашилъ еси сыны Измаиловы, и не наши воеводы прогнаша Темирѣ Аксак(а), и не наши воннѣсты пострашили ихъ, но силою невидимою нападе страхъ и трепетъ, и страхомъ Божиимъ устрашился, и гнѣвомъ Божиимъ гонимъ бысть, потщався и отъиде отъ Рускыя земли, и отступивъ, и поиде прочь отнюду<sup>2</sup> же прииде, земля Рустин отнудъ не прикоснуса, ни оскорби, ни остужи ея, не вреди ея, но поиде безъ вратъ. Мы же вѣстухомъ и простиухомъ, онъ же занде, изчезе, и мы ожихомъ и цѣли<sup>3</sup> быхомъ, и сѣтъ его съкрушися, и мы избавлени быхомъ, попомъ наша отъ Господа, сътворившаго небо и землю. Слышавше благовѣрный и великій князь Василей Дмитріевичъ отшествіе окаиннаго зловѣрнаго царя Темирѣ Аксакъ, и възвратися въ вотчину свою въ градъ Москву, и стрѣтоша (е)го боголюбивый архіепископъ Кипріанъ, митрополитъ Кіевскій (и) всеа Руси, съ кресты и со иконами, съ архимандриты и игумены, и съ попы и діаконы, и весь народъ христіанскый съ радостію великою. Благовѣрный же великій князь, и святитель и вси народи, съ слезами рупѣ на небо въздѣючи, и благодареніе възпѣху, глаголюще: «десница твоя, Господи, прославися въ крѣпости; деснаа твоя рука, Господи, съкруши врагы, и множе-

ствомъ славы твоея сътрѣлъ еси супостаты наша; тако убо безумный Темирѣ Аксакъ съ множествомъ безчисленыхъ вой пришелъ, и со срамомъ отъиде.» Благовѣрный великій князь Василей Дмитріевичъ вшедъ въ храмъ пресвятыя владычица нашеа Богородица, видѣтъ чудотворную икону святыя Богородица Владимерская, и паде любезно предъ лицемъ образа, и проліа слезы сердечныя отъ очію своею; глаголаше: «благодарю<sup>4</sup> тя, госноже пречистаа и пренепорочнаа владычица нашеа Богородица, христіанскаа дръжавнаа помощнице, еже о насъ заступленіе и крѣпость показа, избавила еси, госноже, градъ нашъ отъ злаго невѣрнаго царя Темирѣ Аксакъ.» Благовѣрный же князь великій Василей Дмитріевичъ и благолюбивый архіепископъ (Кипріанъ) Кіевскій (и) всеа Руси повелѣ въскорѣ на томъ мѣстѣ, где стрѣте чудную икону пресвятыя Богородица, поставити церковь въ имя пресвятыя Богородица честнаго<sup>5</sup> ея стрѣтенія, на воспоминаніе такового великого благодаренія Божіа, да не забудутъ людіе дѣлъ Божиихъ. Сій же митрополитъ устроиша<sup>6</sup> монастырь, и повелѣ ту быти игумену и братія, и оттолѣ уставивша праздникъ празновать честно мѣсяца августа въ 26 день, на память святыхъ мученикъ Андреа(на) и Наталыи. Сіа<sup>7</sup> же чудная икона святыя Богородица списана быша отъ руки святого Христова апостола евангелиста Луки. И мы же грѣшніи раба Христовы, слышавше сіе удивленіе Господа нашего Ісуса Христа и пречистыя его Матери Богородици, и понудихъ сіа писанія предати въ славу имени Господа Бога нашего Ісуса Христа и пречистыя его Матери владычица нашеа Богородица, заступнице нашеа; Богу нашему слава и нынѣ и присно и въ вѣкы вѣкомъ, аминь, и отпустъ. Того же лѣта погорѣ городокъ на Волзѣ, еже есть на Старицѣ, отъ грому. Того же лѣта о

(1) Въ подлинникѣ: тако. (2) Тамъ же: отъ ту. (3) Тамъ же: исцѣли. (4) Тамъ же: благодарю. (5) Тамъ же: и честнаго. (6) Тамъ же: и устроиша. (7) Тамъ же: сіа.

Госпожинѣ<sup>1</sup> дни, поиде Витовъ съ силою Литовскою, творяся на Темира Аксака, и прииде къ Смоленску; а въ то время Святославичи бяху въ разности. И приихавъ Глѣбъ къ Витову, и Витовъ<sup>2</sup> възда ему честь и дары великіа, и рече: «слышу, что резыи нощь васъ; дабы ся есте смирили, а язъ быхъ послышалъ такъ вамъ добро.» Они же яша въру лестивымъ его словесемъ, и выидоша Святославичи<sup>3</sup> и вси князи Смоленскыя<sup>4</sup> з дары и честію великою, со всѣми бояры. Витовъ повелѣ прѣѣ Глѣба изымати<sup>5</sup>, (и) братію его, (и) вси князи Смоленскыа и бояре, а самъ поиде въ градъ Смоленскъ, не учинивъ зла граду; и вшедъ въ градъ, много зла учини, много богатество взя, и много въ плѣнъ поведе, и казни безъ милости, и посади въ градъ на-мѣстника своего Монта. Се же зло учини-ся мѣсяца сентебра въ 28. А князь Юрій<sup>6</sup> Святославичъ (бѣ) въ то время у Олга Рязанского, теста<sup>7</sup> своего.

..... Пермскій<sup>8</sup> владыка Стефанъ; и положиша на Москвѣ у святаго Спаса въ монастыри. Сій епископъ крестя Пермскую<sup>9</sup> землю, и грамоту въ ней устрои, и книги на<sup>10</sup> Пермскыа<sup>10</sup> языки преложи. Той же осени Витовъ многобожный плѣни Рязань, люди уличани сажая сѣмь.

Въ лѣто 6904.

Въ лѣто 6905. Заложилъ церковь святой Михайлѣ на Городку княземъ великимъ Михайломъ. Того же лѣта князь Иванъ Всеволодичъ отыхалъ на Москву со Тѣбри, и женися на Москвѣ, поналъ дочерь князя Дмитрея. Той же зими былъ у Витовта князь Иванъ Михайловичъ съ княгинею, съ Витовтовою сестрою, и възвратися отъ него съ великою честію и дарове мнози.

Въ лѣто 6906. Темиръ Кутлуй прогна Тах-

тамыша, а самъ сѣде на царство; а Тахтамышъ 1395 бѣжа къ Витову. Той же зими князь вели- 1399 кій Василей далъ Новгородцемъ князя Анд-рѣа, а (у) Псковичъ князя Иванъ Всеволо-довичъ<sup>11</sup>.

Въ лѣто 6907. Поиде Витовъ и Тахтамышъ съ всею силою Литовскою, и Нѣмци, и Ляхове, Жемоть, Татарове, Волохи, Подолчане и дворъ Тахтамышевъ, и бѣ сила велики велика, и поиде на Темиръ Кутлуа. Похвалися (Витовъ) Тахтамышъ на Ордѣ посадити, а самому на Москвѣ сѣсти, бѣ бо того дѣла и учинилъ таковую брань; Тахтамышъ ему посули Москву и всю землю Рускую. И погани помыслиша все, о нихъ же пророкъ глаголетъ: Господь разоритъ свѣты языкомъ. И въ то время приспѣ Темиръ Кутлуй съ многими полки ратными, и срѣтошася съ Витовтомъ въ полѣ на рѣцѣ на Версклѣ, и бѣ страшно видѣти въ т(ой) часть 2 силы великыа снимающеся, а напередъ прииде Едегій, и ударилася полци идуще, стрѣлы акы дождевая туча обонихъ, отъ Ляховъ самострѣлы, и начаша Едегеа самострѣлы премогати Литва; и потомъ царъ прииде съ великою силою, и обиде Витовта кругомъ, и подстрѣляше подъ нимъ кони, и бѣ брань крѣпка зело; и одолѣ царъ Темиръ Кутлуй, а Тахтамышъ прежде всѣхъ побѣжа, а послѣ Витовъ побѣже<sup>12</sup> въ малѣ дружинѣ, а Татарове много побина гонячи за Витовтомъ. Се же<sup>13</sup> побовще скончися мѣсяца августа 12 день, на память святыхъ мученикъ Фотѣа и Никити. А се княз(и) побитыи Литовскыи: князь Андрѣй Цолотскій и Дмитрей братъ его Брянскій Олгирдовичи, князь Михайло Евнутьевичъ<sup>14</sup>, князь Иванъ Дмитріевичъ Кындиръ, князь Андрѣй пасынокъ Дмитріевъ, князь Иванъ Евлашковичъ, князь Иванъ Борисовичъ Кіевскій, князь Глѣбъ Свѣто-

(1) Въ подлинникѣ: о испожинѣ. (2) Тамъ же: и витовъ и. (3) Тамъ же: смоленскыа и. (4) Тамъ же: изымати. (5) Тамъ же: юрій и. (6) Тамъ же: зми. (7) Тамъ же: пермскій. (8) Тамъ же: пермскую. (9) Тамъ же: и коняны. (10) Тамъ же: пермскыа. (11) Тамъ же: василевичъ. (12) Тамъ же: въпобѣже. (13) Тамъ же: сенже. (14) Тамъ же: впуцьевичъ.

1399 славичъ Смоленскій, князь Левъ Корьядовичъ, князь Михаилъ Василіевичъ, князь Семенъ Василіевичъ, князь Михайло Подберезскій, князь Дмитрей Волинскій, князь Амонъ, иже (въ) Смоленску бѣ; и инѣхъ много пологша князи, и бояръ и пановъ, Ляховъ множество и многихъ земель. Царь Темиръ Кутлуй прииде къ Кіеву, а силу роспусти воевати<sup>1</sup> землю Литовскую; и ходиша до Луцка, и гради многы поплѣниша, и землю пусту сѣвориша; а ис Кіева Темиръ Кутлуй, взявъ 3000 сребра, поиде въ свою землю. Того же лѣта, по Господь(ин)ѣ дни, князю великому Михаилу Александровичу лежаще въ великой болѣзни, приидоша послании изъ Царяграда, Данило протопопъ зъ други, иже послании къ Царюграду за годъ; и привезоша къ нему икону отъ патріарха и отъ всего вселенскаго собора, на ней же бѣше написанъ страшный судъ. Князь же великій, забывъ болѣзни, обновися яко орелъ у юности, и стрѣте его на своимъ дворѣ, у святаго Михаила, и нача слезы (и) спущати предъ образомъ Божиимъ на многы часы, и глагола: «Владыко! азъ есмь преселникъ у тебе, якоже вси отци мои; но, Владыко челоуколюбче, далъ ми еси видѣти нынѣ страшный и великій свой образъ, отъ вселенскаго патріарха посланъ, и сподоби мя, владыко, неосужденно стати предъ тобою на страшномъ и праведномъ твоимъ судѣ!» И по сихъ поидоша на свои сѣни, и поставиша близъ ложа своего святую икону, іерею и діакону съ<sup>2</sup> кадиломъ предстоящу ей. И сѣтвори вечеру велику владыцѣ, и архимандритомъ, игуменомъ, и всему священническому чину, и нищимъ, слѣпымъ и хромымъ, и цѣлуа вся, глаголаше: «единъ путъ, по немуже вси идемъ къ создавшему насъ; уже простѣте мя вси, елико сѣворихъ.» Они же, видяще его velmi нездрава, пре(же) бывша

грозна, и мужественна<sup>3</sup> и славна, нынѣ (же) сила его обратишася въ немощь, и плакахуся<sup>4</sup> весь народъ надолѣ, не могуще престати отъ слезъ, и цѣловаста. И посемъ цѣлуа свои дѣти, веля же послѣдовати благымъ своимъ<sup>5</sup> нравы, братолюбіе имѣти, вѣставъ, поиде въ святыи Спасъ, и бы челоукомъ святому Спасу; и пречистой его Матери и помощнику своему великому архистратигу Михаилу, и поклонися гробомъ дѣда своего, великого князя Михаила Ярославича, и отца своего гробу великого князя Александра<sup>6</sup> Михайловича, и прииде на десную страну столпа, идеже писани Авраама, Исаака, Іакова, и повелѣ себѣ подъ столпомъ гробъ сѣчи, а самъ поиде отъ святаго Спаса, иснушае слезы яко струя. И ставъ на ступены, и главу преклоняа ко многу народу, прошеніе прося отъ нихъ, и съ плачемъ възпѣаше, глаголюще: «даждь ми<sup>7</sup>, Господи, по сердцу твоему, егоже желааше, царствіа небеснаго!» И оттолѣ поиде въ манастирь къ святому Аѳанасію, не вѣдуще никомуже мысли его. То слышавше княгини, и сынове его, и бояре и вси людие, сѣвориша на мѣстѣ томъ плачь неутѣшимъ. И въ томъ часѣ постриже его владыка Арсеній въ святыи образъ аггелскій мѣсяца августа въ 20, имя ему нарекъ Матѣей. И наутрѣ пакы призываетъ епископа, и рече ему: «уже, отче, въ житіи семъ къ тому съ вами не потщуся ити на онъ долгій путь; но се вамъ во свое мѣсто сынъ мой князь Иванъ, да блюдетъ васъ о Христѣ, якоже и азъ.» И епископъ съвѣща<sup>8</sup> звонити, и снідесе народъ, и епископъ на высоцѣ мѣстѣ изглагола народу: «иже бѣстѣ всегда блюдомы своимъ государемъ великимъ княземъ Михайломъ, и нынѣ да блюдетъ васъ князь великій Иванъ, той бо есть благословенъ своимъ отцемъ великимъ княземъ Михайломъ на великій столъ града Тѣбри.» Они

(1) Въ подлинникѣ: воевати. (2) Тамъ же: и съ. (3) Тамъ же: мужественна. (4) Тамъ же: плакахася. (5) Тамъ же: своимъ и. (6) Тамъ же: князя великого князя александра. (7) Тамъ же: ти. (8) Тамъ же: и съвѣща.

же рѣша: «много лѣта великому князю!» Князь великій Михайло преставися мѣсяца августа 27 дня, живъ лѣтъ 65. Той же осени князь Семенъ Дмитріевичъ Суздальскій взялъ Нижній Новгородъ съ царевичемъ Енѣякомъ лествю, и были воеводы Московскіе Володимеръ Даниловичъ. И то слышавъ князь великій Василій, и посла брата князя Юрія; и взя Болгары, и Жуконъ, и Казань, и Керемечюкъ, и много избыша, а иныя въ плѣнъ поведоша. Той же зыми князь Иванъ Всеволодовичъ съ Москвы пріихалъ въ Тѣерь.

Въ лѣто 6908. Вынесоша князю великому Ивану отъ царя Шанебѣка (арлыкъ), а Темиръ Кутлуй умре; а пріиде Гурленъ, а съ нимъ посолъ царевъ Софря съ ярлыкомъ (на) Тѣерское княженіе. Того же лѣта Баязита Турскаго царя

уби Темиръ Аксакъ царь, подъ Цариградомъ 1399 стоа Баязитъ 7 лѣтъ, и захотѣ Темиръ Ак- 1402 сакъ царствовать въ Цариградѣ; ту умре Аксакъ Темиръ близъ Царяграда, и тако избави Господь Царьградъ<sup>1</sup> отъ поганыхъ.

Въ лѣто 6909. Князь Юрій Святославичъ сѣде на Смоленску на своей отчизнѣ; а князь Романа изыма, нужной смерти предаша, а бояръ Смоленскихъ посѣкоша. Той же осени приходилъ Витовтъ къ Смоленску ратію, и стоа много поиде въ свою землю, а врагъ вкинувъ крамолу, и посѣкоша многихъ.

Въ лѣто 6910. Изниналъ Витовтъ у Любутска князя Ярослава Олговича Рязанско-го. Того же лѣта преставися Олегъ Рязанскій.

(1) Въ подлинникѣ: царяградъ.

## ПРЕДИСЛОВІЕ ЛѢТОПИСЦА

### КНЯЖЕНІЯ ТФЕРСКАГО БЛАГОВѢРНЫХЪ ВЕЛИКЫХЪ КНЯЗЕЙ ТФЕРЬСКИХЪ.

Мудраа основаніа твердости и крѣпости стѣны, и утвержденіе вратъ, и свѣденіе столпъ, и полатъ украшеніе, разумъ же не прійдетъ ни ко единому ухищренію, да тѣмъ не могу (о) речениѣмъ повѣдати, ибо самъ азъ не насладихся тоя неизреченныя красоты, якоже и се въ той подобныя вещи благочестіа дръжателю православныхъ и христілюбивыхъ князя Бориса, еже повелѣлъ ми есть написати отъ слова чести премудраго Миханла, боголюбиваго<sup>1</sup> князя, и тои же выше силы<sup>2</sup> нашеа есть, не до самого ради словесъ вашихъ. Обаче молю прежде твое боголюбіе, честнаа главо, бо<sup>3</sup> самъ чюдися мужа разумомъ, нравомъ, и не могый того единого разсужденія въ умъ привести, и ослушанія боюся, да аще отъ великихъ много малаа и нѣкаа рече ему, всяко прощенія мѣсто да пріиметъ отъ Бога дарованныя ти и неуклонныя ти руки, благочестивый самодръжець, ради же по истиннѣ великаго и неудобъ скажиша, и основанія бо сего на твердемъ семъ Христовѣ камени вѣры, по реченному глаголомъ, иже николиже позыбаемо бурю забвенія, еже о любви церкви Божіа, Миханла реку великаго самодръжца. По истиннѣ премудрости домъ себѣ всхитрѣ основа богоразумнаго града, еже страха Божіа въ

твердѣмъ сердца, яко на камени вѣри, и крѣпко стѣны въдружи, а реку благыа нравы. Что же глаголю, кто бо можетъ исчести мужа того? Многаа бо и преславнаа съдѣяшеся въ дни благовѣзраста его, елма же не могла вѣдушимъ. Повелѣніемъ же боголюбныа твоя дръжавы, Богу наставляющу худость нашу, да убо отсели начатокъ поставимъ; а иже кто можетъ множаа вѣсти, болшаа покажетъ. Мы же елико многа безъ лѣности речемъ зряще Рускаго градографа по великому изложенію предръжаша, иже въ всемъ лѣтѣ и родовомъ и градовомъ бытіа правѣ подающе. Отъ Кіева же бо начну даже и до сего богохранимаго Тферскаго града, въ немже въспитаніе бысть благородному Миханлу, великому князю. Пръвое честь мужу речемъ, да всѣмъ вѣдомо будетъ, отъ которого<sup>4</sup> богасаднаго корени такоаа добраплоднаа отрасль, или реку вѣтвѣ, израсте и разумъ же даетъ. Великий убо Владимиръ, иже святымъ крещеніемъ просвѣтивый землю Рускую, сій Ярослава роди, и Ярославу сынъ бысть Всеволодъ, и Всеволоду бысть сынъ Володимеръ, и Владимиру бысть сынъ Юрый, а Юрын сынъ бысть Всеволодъ, а Всеволоду сынъ бысть Ярославъ, а Ярославу сынъ бысть

(1) *Въ подлинникѣ:* и боголюбиваго. (2) *Тамъ же:* силы и. (3) *Тамъ же:* и бо. (4) *Тамъ же:* отъ которого то.



пакъ Ярославъ, и сему Ярославу сынъ бысть Михаилъ, а Михаилу сынъ бысть Александръ, Александру сынъ бысть сій доблій Михайло. И Александръ же, иже такоже самодржець бѣ, владѣяше землю Рускую, якоже и отецъ его Михаилъ и вси прадѣи его. Доздѣ нишуу уставихонъ ис прьваго лѣтописца въображающе, якоже Володимирскій полхронъ степенемъ приведе явъ указуетъ, и пречестнѣйша сего въ князехъ являетъ, словуше имя Михаила Александровича, занъ низмѣновахъ родове отъ престола, кождо сынове въсприемающе и владыку землею Рускою отъ православнаго Владимира, Александра, егожесынъ сый пресловущи Михаилъ, о сень же слово начатомъ, з говѣніемъ честное повелѣніе дръжаще и зѣло скоренытѣ искавши<sup>1</sup> образъ бытія его, когда родися, и како Богомъ утвержашъ въ крѣпости възраста, и колико мужества на земли храбрости показа, наипаче же елики къ Богу въру въ дѣлахъ стяжа.

Зачало рожденія его сице глаголетъ, яко дръжавному Александру владѣюще землею Рускою, Володимеремъ, и Великимъ Новымгородомъ, и всею страню до моря Варяжского, и пакы Новымградомъ Нижнимъ и до предѣлъ Измаилтескихъ, и вѣсточными странами обонъполъ Устюга до рѣкъ Угорскихъ, даже и до моря Петерскаго, и повсюду честному его имени възносящися, О Шевкал<sup>(2)</sup> и бысть пущеніемъ Божиимъ въ тые дни възмогша иноплеменици, глаголемыи Татарове<sup>(3)</sup>, и на сего Александра завистию вземшися, царствующу въ нихъ тогда нечестивому (въ) царствіихъ Озбику, и Шевкал<sup>(4)</sup> иѣкто именешъ, князь силы его, сѣи похвалявся, и глагола окаанный царевн своему: «повели ми, о царю, да шедъ убо на Русь, Александра приведу къ тебѣ, а христіане сътворю по волн твоей.» И по съвѣту же поганого, изымде окаанный и

множество вои, и прииде на Русь, и такъ гор-<sup>1327</sup>  
дися приходитъ въ православный градъ Твер-<sup>1328</sup>  
скій, начатъ же многы пакости христіаномъ творити. Александръ же отвѣщавъ: «да въсприиметь христіанскій губитель мѣду дѣлатель своихъ, и наполнится мѣра ему безаконія его, и сѣтъ, юже простре, да впадется въ ню.» Якоже збысться ему, и въсприятъ нечестіе пути своего, огнемъ бо попалиша кости церковнаго борителя, и тако скончася въ злобѣ своей безумный, и ровъ, егоже ископа много не-смысленный, тако бо увязеся въ сѣтхъ, дѣлехъ рукъ своихъ, грѣшникъ, и тако въздасть Господь излиха творящимъ гордыню, и избыены же быша вои нечестиваго, хотѣвше нечестивовати на церковь Господа Бога<sup>(4)</sup>, и тако потребившися отъ града Господня вси творещи безаконіе. Татарове же слышавше се же, не уллучивше безаконнаго желанія, видѣвше ся посрамлени, събрашеса множество бесчисленное Татаръ, съ ними же Иванъ Московскій глядяше и воиъ имъ на градъ(ы) Тверскыа бываше. Святоучительный же епископъ Андрѣй учаше православнаго не збирати воа, ни въпреки глаголати царевн, егоже посла разсудительный, и отъиде въ градъ свой Псковъ, и Татарове же, Александру не сущу въ Твери, отъидоша въ свою землю. Александрови же князашу въ Псковской земли, ту въ велицѣхъ<sup>(5)</sup> Псковѣхъ родися ему сынъ, сѣи преславный Михаилъ, о немже и слово грядетъ. Озбикъ же, лукавѣйшій царь наче всеа земля, лестию призва къ себѣ Александра, и уби его; и тако духомъ горя по Христовѣ церкви, скончася<sup>(6)</sup> православный, радунся, получи желаніе свое, еже за христіаны теченіе съврши(ти), и въсприятъ мученія добропобѣдныи вѣнецъ отъ руки Вседръжителя, чистое же тѣло положено бысть въ церкви святого Спаса у отецъ своихъ. Бла-

(1) Въ подлинникѣ: искавши. (2) Тамъ же: татарове. (3) Тамъ же: иноплем. (4) Тамъ же: и бога. (5) Тамъ же: въ велицѣхъ. (6) Тамъ же: и скончався.

1328 годарному же сынови его Михаилу дѣть-  
 1362 ску сушу оставшуся<sup>1</sup>, и вданъ бысть честною  
 его матерью Настасією къ митрополиту Кіевь-  
 скому Фегнасту на ученіе святымъ кнѣгамъ;  
 и добры извыче святыя книги и писаніе,  
 отъ нихже добродѣтели научився и страха  
 Божіа полонъ бѣ; пакы же растушу же ему  
 въ отечествіе<sup>2</sup> своемъ, и всѣмъ благымъ поуча-  
 яся, и любимъ всѣмъ сый, яко мудръ бѣаше  
 паче сверстникъ своихъ. Дивно же отрока  
 зрѣти величествомъ тѣла украшена, и благо-  
 родіемъ цвѣтуща, и паче же смысловыхъ въ  
 мудрости глаголюща; не бѣаше бо нравъ его  
 якоже есть обычай уныхъ, отъ кощунъ бо  
 и празнословья съблюдашеся, и отъ сквер-  
 ныхъ же мыслей съхраняшеся, игоръ же и  
 безчинія ненавидяше, и нечѣпая глаголющихъ  
 уклоняшеся, но и дружину благоумну съзѣку-  
 пляше собѣ, и съ тѣми царскими утѣшени  
 благочиннѣ веселяшеся; ерея же и слугы цер-  
 ковныя въ чти (и)мя, зело же любляше ино-  
 ческій чинъ, и сихъ съ любовію устрѣтаа, бла-  
 гословеніе и молитву отъ нихъ приѣмше, на-  
 (и)паче же всегда поучашеся, како судъ испра-  
 вовати и како обыдимыя и маломощныя отъ  
 насилствуемыхъ избавляти, и съ мудрыми и  
 съ дръжавными земля всегда собѣ даваше,  
 и благъ бѣ нравъ его въ очію чловѣкомъ,  
 яко унъ бѣ въ возрастомъ и разумнѣ старче-  
 ский бесѣдоваше, якоже дивитися многимъ;  
 имя его высышеся въ сынѣхъ князехъ, и  
 (въ) странахъ слышащен его дивляхуся. О  
 немъ же слышавъ князь великій Костантинъ  
 Суздальскій, и зело въждѣле его видѣти  
 превеликаго ради о немъ слуха. Имяшеть  
 же Костантинъ дщерь, Евдокію именемъ, и  
 сію благосмыслену и благородну сушу, и  
 не домысляшеся како ея Михаилу вдати же-  
 нѣ, сего ради многими образы любве къ не-  
 му составляше, ово честныя дары посылаше

къ нему, ово же проси земскаго справленія,  
 пресылаа къ тому, яко желанное получить;  
 и видѣвъ благодарна, и дивися паче слы-  
 шавыхъ о немъ. И поятъ же благодарный  
 Михаилъ дщерь великого князя Костантина  
 Евдокію благоумную<sup>3</sup>, отъ неяже роди бла-  
 горазумнаго Ивана, възлюбленнаго сына,  
 егоже възпита премудрено, наказаа<sup>4</sup> страху  
 Божію и премудрости чловѣчестей.

По Александрѣ же братъ его Костантинъ  
 възпріятъ княженіе Тверское, по Костантинѣ  
 же братъ его Василей възпріятъ всю власть  
 Тверскую. И бысть Василей Тверскій столъ  
 дръжащу, Михаилу же възмужавшу, възма-  
 гающе, и познавашеся отъ всѣхъ чловѣкъ,  
 яко съ хощеть Богъ свободити люды своя  
 отъ великыя нужа иноплеменикъ; и вели-  
 чаху людие зело, и мнози дары приходяху  
 къ нему, вси сынове Тверстін<sup>5</sup> прилагахуся  
 къ нему и храбри служяху ему. Сій же въ  
 крѣпости разума утвержахуся, сатана же,  
 искони завистникъ сій, пакостникъ добру  
 христіанскому, не трѣпаше зрѣти христіане  
 мирно живуще егда видяще и благочинен-  
 но, и паче веселяшеся, егда видяще тоа сму-  
 щаемы отъ него ово нашествіемъ иноплемени-  
 никъ, наводя на нихъ, иногда же межѣ тѣми  
 сами(ми) Христовыми чловѣки братовенавид-  
 ство и неприаственныя мрежа пропинаа, да  
 въ нихъ углубшая отъ сихъ порадоватися хо-  
 тяще<sup>6</sup> зело, якоже добляго Михаила видя къ  
 Богу несъвратную вѣру въ дѣлахъ имуща, и  
 людьми Божіими пекущеся, и сими ратомыс-  
 ленаго лукаваго ополченія побѣждающа, и  
 пакостяше тому лукавый. Научи бо Елену,  
 тогда сушу княгыню великую, да много за-  
 вистнана глаголетъ на него мужу своему, и  
 начать же сице глаголати князю своему: «ви-  
 диши, господине мой, сый Михаилъ възмагаеть,  
 а старшаго ти брата сынъ, и есть мужъ доблій,

(1) Въ подлинникѣ: уставшуся. (2) Тамъ же: въ отнестіе. (3) Тамъ же: и благоумную. (4) Тамъ же: поклаа.  
 (5) Тамъ же: тверстін и. (6) Тамъ же: хотеще.

сладокъ вѣститъ, и весь градъ Тверскій любить его, да убо хощеть княжи(ти) на градъ(ѣ) семъ, сынове ваши изгнани будутъ.» Василей же начать гнѣватися на Михайла, и зло враждоваше на него, но Господь Богъ челоуѣколюбецъ, иже никогдаже оставляетъ надѣющихся на нь.

Начало великого княженія князя Михайла Александровича. Въ то же время благодарный великій князь Михайлъ, благодаря Господа Бога, въспріа отчество свое градъ Тверскій, и тако милостию Божіею бысть великій князь Тверскій и всеа Богомъ порученныа ему области Тверскаго на столуванія, пребываа въ многыхъ временехъ, велику сый храбрость показа многу, и грады многы вземъ покорившися любовію, а непокоривыа мечемъ. Кто можетъ истечсти того мужества, елико въ бранехъ показа, и того побѣди, елико на ратехъ яви? И хваленъ бѣ зе(ло) по всей земли Тферстѣй, и благонравіа ради, и мужества ради и крѣпости, яко мужъ борецъ бѣ и не страшивъ ко брани, но ратоборецъ славящися, и сладокъ же бѣаше дружинѣ своей, яко не любляше золота, ни ризъ многоцѣнныхъ, но вся, елико имѣаше, и симъ подавъ родомъ своимъ, дружинѣ своей. Сего ради друголюбенъ прозвашеся, зане яко обидно здержаше другы своя; и не имѣаше единого или дву любить паче иныхъ всѣхъ, но къ всѣмъ разсудивъ достойную честь подаваше и сладкую любовь простираше. Сего ради зѣло мнози служашу ему, и сынове сильныхъ прилагашуся ему, и дворъ его день отъ дне множайше крѣплящися. Князю же ему, и вся, елико аще творилъ, успѣваше, по пророку, и Господь Богъ възвыси и прослави рогъ Тверскыа земля, многаа благаа и земнаа въспріати, якоже речеся. Быша бо ему сынове смыслени и храбри, и добровольно повеселишася предъ Господемъ о сынѣ сыновъ своихъ, и бѣаше о всемъ доб-

рѣ изобилуа въ дому своемъ, и благодаря Гос- 1363  
пода Бога, радовашеся зря землю свою всѣми 1403  
благыми князю предъ очима. Но убо о семъ прекратимъ слово и кончаемъ бесѣду, и начнемъ о иже начаемъ. Начало княженія великого князя Ивана Михайловича Тверскаго. Князь же великій Иванъ Михайловичъ, благодаривъ Господа Бога, сядя на столѣ дѣанѣ и отци, въ церкви святаго Спаса, въ лѣто 6908, и тако силою Божіею бысть великій князь богохранимаго града<sup>1</sup> Тфери; людие же радующеся, благодарному въспѣша многа лѣта. Тои же зыми князь Семень Дмитріевичъ Суздальскій съ царевичемъ Ентякомъ взяли Нижній Новградъ. Бѣ же въ то время воев(о)да Масковскій Володимеръ Даниловичъ. И то слышавъ князь великій Василей Московскій, посла брата своего князя Юрія, и взя Болгары, и Жюкотинь, и Казань, Керманчюкъ, и много избиша, а иныхъ въ плѣнъ поведоша. Тои же зыми князь Иванъ Всеволодичъ съ Москвы приехалъ въ Тверь.

Въ лѣто 6908. Вынесоша князю великому Ивану ярлыкъ<sup>2</sup> отъ царя Нашанебѣка, а Темиръ Кутлуй умре; и приде Гурлень, а съ нимъ посолъ царевъ Софря съ ярлыкомъ на Тверское княженіе. Того же лѣта Баязы(та), Татарскаго царя, Темиръ Аксакъ уби<sup>3</sup> царь.

Въ лѣто 6911. Князь великій Иванъ Михайловичъ Тверскій постави городъ Опоки на Волзѣ близъ Ржевы, а на Городку постави церковь камену святаго Николы. Тои же осени князь Василей Кашинскій не<sup>4</sup> почалъ слушати брата своего старшаго великого князя Ивана, и поиде ратию къ Кашину, а самъ увернулся, и отпусти сына своего князя Александра; князь же Василей побѣже къ Москвѣ, а князь Александръ Кашинъ засяде. Того же лѣта слить бысть колоколъ святому Спасу благовѣстникъ княземъ Иваномъ Михайлови-

(1) Въ подлинникѣ: градъ. (2) Тамъ же: ярлыкъ. (3) Тамъ же: царь стоа. (4) Тамъ же: и не.

1403 томъ, и бысть гласъ его красенъ. Тон же зы-  
1406 ми пожаловалъ князь великій Юанъ Михаило-  
вичъ брата своего князя Василія его удѣломъ.  
Розви́рье съ Литвою.

Въ лѣто 6912. Князь Юр(ы)й Святославичъ  
Смоленскій оставль Смоленскъ и нхъ на  
Москву, и Витовъ же князь великій зять<sup>1</sup>  
Смоленскъ. Князь великій Василей Москов-  
скій (не) пріятъ Юріа, бѣ бо рядъ нѣтъ со-  
отцемъ своимъ Витовтомъ, еже не выступати-  
ся въ Смоленскъ и съ Юріемъ не (и)мѣти люб-  
ве; Юрій же нхъ къ Новгороду, и пріама  
его Новгородци. Витовъ же посылаа на  
Москву къ зятю своему Васи́леви, сице рѣша:  
«помни, еже Тверди обѣщалъ ми ся, еже не  
выступатися въ Смоленскъ за Юріа ника-  
кихъ дѣломъ; и се ми Юрій много зла сѣтво-  
рилъ, брата мнѣ и тобѣ князя великого Ро-  
мана Черниговского<sup>2</sup> убилъ и казну<sup>3</sup> его взялъ,  
иныхъ княз(е)й поби, и много ми зла сѣтвори;  
нынѣ же у тебе есть въ твоємъ княженіи, да  
ими его своими людьми, понеже то Новгород-  
ци твои суть; аще ли то, дръжи его во своей  
земли, якоже реклъ ми еси по любви.» Васи-  
лей же отвѣщае: «азъ Юріа не имѣю<sup>4</sup> у се-  
бе, пріама его Новгородци безъ моего по-  
велѣнія.» Витовъ же прислаша въ Новго-  
родъ, сице глагола: «живете со мною мирно,  
якоже прежде, ибо Юрій много ми зла сѣтво-  
ри и врагъ ми, (ны)нѣ же у васъ есть; да ли  
не (и)мѣете его у себе, или поставите на судѣ.»  
Новгородци же не послушавше въ обещъ  
его. И то же слово Витовъ въ Псковъ носыла-  
ше, сице глагола: «едино ли есте за Юріа съ  
Новыгородомъ?» Они же отвѣщаша: «едино  
есмы.» Витовъ же наполниа гнѣва на Нов-  
городъ, и приде воюя Новградъ и Псковъ,  
гради Псковскыа взялъ, Коложе и ина многа  
мѣста плѣн(и)въ отъиде. Се же зло сѣдѣся нѣ-  
саяа февраля, предъ мясопустомъ. И про то за-

решашася князь великій Василей Московскій съ  
тестемъ своимъ Витовтомъ. Настоящу же лѣту,  
князь же великій Василей собра множество  
воа, и посла князя своа воеводы на гради  
Литовскыа, ови нхъ идоша подъ Вязну, а  
други къ Сергійску, и не дошедше Серпейска  
възвратинася въспять; а иже подъ Вязною  
быша Москвичи, и такоже граду ничтоже  
успѣша, и отъидоша. Тогда же князь Дни-  
тычъ Иванъ, воевода Московскій, отъ Литвы  
убиенъ бысть. Литва же, въступъ же глубше  
въ страну Московскую, градъ Веротынескъ взя-  
ша, и въ Козелстѣ<sup>5</sup> посадиша посадины  
своа, и близъ Мухайску воеваша. Того же лѣ-  
та знаменіе бысть въ солнцѣ, мѣсяца іюня  
въ 16 день, видѣвъ бо вся земля: остася солн-  
це яко мѣсяцъ 4-хъ дней, и тако погыбе  
отъ 4-го часа до 6-го. Того же лѣта, мѣ-  
сяца септембра 16 день, преставися митрово-  
литъ Кирианъ. Сего же лѣта мнози усоби-  
ци въ земли Рустѣй, и воеваша вои Псковы-  
чи на Полтеску, воеваша бо землю Витов(ов)у;  
бѣ же тогда Витовъ въ любви, за единъ жи-  
вый съ сыныи Нѣмечскыи, и приидоша  
Нѣмци, и много воеваша Псковичи. Пско-  
вичи же, укрѣпльшеся помощію Божию, вы-  
идоша противу нмъ, и стаща межн ими брань,  
и одолѣша Псковичи, и овѣхъ небыша, а  
иныхъ румани поимаша. Се же помощъ кри-  
стіаномъ отъ Бога бысть.

О Плавѣ повѣсть. Въ лѣто 6914. На стра-  
стной недѣли, въ нятюкъ великій, (князь великій  
Василій Дмитріевичъ и Витовъ) пришедше<sup>6</sup> ста-  
ла на Плавѣ; и ушеришася, взяша переміріе на  
Паниковѣ гати до году. Въ то же время преста-  
вися Кирианъ митрополитъ. Той же зыни былъ  
бой Псковичемъ съ Нѣмци, и поможе Богъ  
Псковичемъ. Той же зыни Юрій Святославичъ  
убилъ князя Семена Вяземского; служилъ бѣ  
ему, и уязвися похотию на его подружіе, она же

(1) Въ подлинникѣ: и зять. (2) Тамъ же: черниговского. (3) Тамъ же: в казну. (4) Тамъ же: во унѣ. (5) Тамъ же: въ козелствѣ. (6) Тамъ же: пожеже пришедше.

добрая мужалюбца мужески противися, (у)да-ри его нежесть, и бысть ему сранъ и студъ великъ; онъ же велѣвъ ей отсѣчи руки и ноги, и тако убить мужа ея, и въвергоша въ рѣку Тѣрну; богобоязливый же изнесоша и положиша честно. И онъ злѣ вриать конецъ, не наде<sup>1</sup> своа отчины; а сію жену причетохомъ въ мученицу, на послѣдній же вѣкъ прославляла же мужа своего честно, симъ бо есть вѣчная память. Той же осени Юрій Смоленскій (побѣже), за безаконіе гонимъ гнѣвомъ Божиимъ съ Москвы.

Въ лѣто 6915. Преставися въ Тѣери князь Дмитрей Ерешѣвъ, и мати его преставися Іерентѣва. Того же лѣта заложена<sup>2</sup> колоколница въ Тѣери княземъ великимъ Иваномъ около старой. Того же лѣта понха со Тѣери князь Юрій Всеволодичъ на Москву, и съ Москвы понде въ Орду; подмоли его Романъ Скудинъ. Того же лѣта чръвъ окрилатъ, и идяше отъ востока и до запада, и пояде древо и носуши. Того же лѣта понде князь великій Иванъ Михайловичъ въ Орду Волгою, въ четвертокъ; и до его прихода бысть въ Орду замѣтня, Булатъ сяде на царство. Судивъ Ивана съ Юріемъ<sup>3</sup>, обвиниша Юрія, и Юрій бѣжа (къ) Азтороманю; а князь великій Иванъ прииде съ великою честію въ Тѣерь, въ свое отечествіе. Въ то же лѣто Витовтъ многобожнѣй заратишася съ великимъ княземъ Василемъ, и Василь(ій) понде на Витовта, и взя съ нимъ перемиръ до Петрова дни; а въ Литовской земли тогда гладъ великъ и усобица велика. Той же осени преставися Юрій Святославичъ въ земли Татарской, и грѣху нести его не токмо до своего отечества, но и до царя, еже бы привести къ нему жалобу, и того погрѣши за безаконіе. Той же зимы прииде изъ Орды князь великій Иванъ отъ царя съ великимъ жалованіемъ.

Въ лѣто 6916. Выиде Юрій Всеволожъ изъ 1406 Орды на Москву, князь великій Василь (по-1408 сла) къ великому князю Ивану, и посолъ царевъ<sup>4</sup> прииде; и князь великій повелѣ цареву посла стрѣтити<sup>5</sup> на Володимерскомъ мосту честно, и ввози изыдоша гражане бесчисленны; царевъ посолъ понха къ Москвѣ, корму не взять, бѣ бо ему не приказано. А Едигѣва посла великій князь честивъ и отпусти, и князь Юрія съ<sup>6</sup> Москвы понде. Той же весны поведъ велика, о Юріевѣ дни, поня вода въ Тѣери до церкви, черншци на плотѣхъ надидша къ святому Феодору. Того же лѣта, о Иліи(нѣ) днѣ, Шватрѣгайл<sup>7</sup> Олгердовичъ прибѣже отъ Витовта на Москву, и да ему столный градъ Володимеръ. Той же осени понде князь великій Василь въ землю Литовскую, и присла къ своему брату, князю великому Ивану, о помочи; и не да ему. И посла къ нему послы: «по роду есмь тебѣ дядя мой прашуръ, великій князь Ярославъ Ярославичъ<sup>8</sup>, княжилъ на великомъ княженіи на Володимерскомъ и на Новгородскомъ; а князя Даниила воскорнилъ мой прашуръ Александровичъ, сѣ(дѣ)ли на Москвѣ 7 лѣтъ тивона моего прашура Ярослава; и потомъ князь великій Михайло Ярославичъ, и по немъ Дмитрей и Александръ, вси сіи дръжаша Новгородское и Володимерское великое княженіе; что ради братство дръжа и крестное пѣлованіе извѣни князь, тѣмъ же ны бѣ миръ взяша на Плавѣ.» И стоаша Литва съ Москвичи на Угрѣ 12 дни, и умиршася сентебра въ 14; а Татарове взяша Брянскъ, ниже которые понагали князю великому, видя плошество Рускихъ князей. Того же лѣта, мѣсяца октября въ 23 день, въ дни же тыи боголюбивому великому князю Ивану Михайловичу Тѣерскому столъ дръжашу, и бѣаше ходя<sup>9</sup> путемъ отчимъ, сего ради миръ глубокъ имяше

(1) Въ подлинникѣ: не надевъ. (2) Тамъ же: заложена. (3) Тамъ же: съ Юріемъ. (4) Тамъ же: црѣвъ. (5) Тамъ же: стрѣтити. (6) Тамъ же: князь Юрія съ. (7) Тамъ же: шватрѣгайл. (8) Тамъ же: княжилъ Ярославичъ. (9) Тамъ же: хотя и.



1408 ко всѣмъ странамъ, князь же' великій Василей съ многою любовію присла къ нему, помощи прося у него на Литву, сиче река: «будя ти, брате, вѣдомо, яко Витовтъ грядетъ съ Нѣнци и Ляхи, ведый съ собою на христіяны въ землю нашу; абы еси, брате, послалъ помощь христіаномъ.» Князь же великій Іоанъ, о христіианыхъ людехъ печалуясь, обѣща ему помощь послати христіаномъ; и наряди свою братію, благороднаго князя Василя, Феодора, и сына своего благороднаго князя Ивана, и князя Ивана Еремѣча, и отпусти вся княз(и) и воеводы. Пръвезшеся Оку подъ Серпуховымъ, и съвѣкупишася вси полци Рустіи, и пришелъ стама на Плавъ; тогда же Татарове придоша къ Плавъ въ помощь Руси на Литву. Старци же сіе видѣвше, не възлюбивша зело: «добра ли се будетъ дума юныхъ нашихъ бояръ, иже приведоша Татаръ на помощь? не сихъ ли ради и Кіеву и Чернигову бѣды<sup>2</sup> приключишася; иже когда имущи брань со собою, и подымаючи Половецъ навожаху на ся, да пръвое бо наимуючи ихъ серебро издаша изъ земля своеа, а инѣи же смотриша наряди Рускыи и самѣмъ издолѣша; да не буде(тъ) той пакости и нашей земли на прочая дни, да не како Татарове съсмотрятъ наряда земля наша, и възхотятъ сами пріѣти на ны, якоже бысть ся.» Витовтъ же пріѣде и ста на Пашковъ гати, и уряди полки своа, и бѣ между ими рѣка Ока, и не бѣ азѣ снятиса на брань; и стоаша дній 9, и взяша перемиріе отъ пръваго дне мѣсяца октября до Съшествія Святаго Духа, и разидошася кождо въ своаси. Тогда же и Татарове отъидоша, въ помощи мѣсто многу пакость сътвориша христіаномъ, и гнѣвающеся на великого князя Василя; и оттолѣ начаша злѣи мыслити на землю Рускую, якоже старци прорекоста и глаголаша. Довѣдетъ же здѣ о семъ написа-

ти, отче боголюбивый Варламе, таковыи ради вещи; отселе убо не възхотѣша сынове Тверстїи помагати Москвичемъ на Литву. Подобно есть здѣ написати, назнаменати, властодържацъ ради, рекше князей ради: не сами точію едини, безъ искуснѣйшихъ, вся простѣйшіи, отъ своеа мудрости самочиную(тъ); или пакы силѣи и величеству надѣющеся на братію, да не възносятся; по злымъ смотрѣніемъ да зрятъ сеа случившася вещи, и тоа ради единой и не възхотѣша Тверстїи помагати Москвичемъ, иже то глаголати начинаемъ. Бысть же тако, яко пріѣдоша Тверстїи князи на помощь Москвичемъ, и вси вкупѣ стама на Плавъ, князь великій Василій взя перемиріе съ Витовтомъ, а княземъ Тверскимъ и воеводамъ тутоже бывшимъ, а того не вѣдущимъ; и не токмо же едино, но и въ грамотѣ перемирной не написа честно имени<sup>3</sup> брата своего великого князя Ивана Тверскаго, но написа и послѣ братіи своей, а Тверичемъ никакоже не вѣдающимъ того. Се же слышавше Тверстїи князи и възнегодоша, сиче рекоша: «ци на службу пришли есмы Василя? безъ насъ<sup>4</sup> думаетъ и смирится, и стаашеся отъ насъ нечестно поставляетъ имена великаго князя Ивана.» И тако гнѣвающеся на нь, отъидоша во своаси; и пріѣдоша, и повѣдаша вся сіа великому князю Ивану. Онъ же слышавъ, зело съжалившеи и прослезися, сиче рече: «егда азъ на лукахъ ли ко братіи любовь имѣхъ, и не смиренъ ли бѣхъ съ Витовтомъ, яко отци и дѣди наши всегда мирни бываху съ Витовтомъ, такоже и азъ; но се братіи ради смирихся быхъ, и послахъ къ нему на помощь братію свою<sup>5</sup>, и сына и дружину добрую, ту же утанвися братіи моеа безо чти поставилъ имя мое во вся страны; то разсудитъ Богъ.» И оттолѣ не възхотѣ помагати Москвичемъ. С(е) пакы же Василь ко Ивану присылаетъ, помощи у него

(1) Въ подлинникѣ: княжо. (2) Тамъ же: вѣды. (3) Тамъ же: кнѣти. (4) Тамъ же: безднѣсть. (5) Тамъ же: своею.



прося; онъ же отрече ему, сиче глаголя: «сами не въскотѣсте, брате, помощи нашеа, приобидующе честинашу, и безъчести поставльше имя мое въ иногыя земля, и се отсалъ не помогаю вы.» Да зря отъ сихъ, освященнаа главо, како ти всегубительнаго волка сотоны проширство, иже не почиваа разгоняетъ Христово стадо словесныхъ овецъ, и многыми казньми плѣнила, ово нашествіемъ мноплеменникъ, наводя на ны, да проліетъ кровь, радуется; аще ли зрѣть незбывшуюся волю его, то вижъ лукавій тряетъ вселукавій боритель, ибо межѣ самими Христовыми чловѣкъ неприятелиа гордостныа мрежа сокровѣне пропинаетъ и потонку высокомыслиемъ обурдываа поводитъ, а ина своа любовныа сѣти<sup>1</sup> заступаеъ же мысленнѣ очѣ, еже не зрѣти разумнѣ, да въ тайныхъ сѣтѣхъ его углубшихъ отъ него порадоватися зело хочетъ, якоже и здѣ назнаменаныа вещи показася слово. Ты же зря сихъ, о боголюбиваа главо, како ти отъ одного малосамочиніа толѣка бѣда и пакость христіанству въведася: ибо Московскіе князи неравны къ собѣ почетше братію свою, Тверскыа князя, того же ради, но<sup>2</sup> не по съвѣту съ ними сами едины думу и миръ поставляху, и не стрегуще имени Тверскаго въ грамотѣ поставляху, и симъ озлобиша братію свою, Тверскыа князя, и тую вещь не въскотѣша помогати Москвичемъ, якоже и бысть. Сіа же о сихъ сказашася, пакы же предвѣго да имемся. Бысть же, яко въ перемиріе миру не сътворишася, лѣту же наставшу, пришедше Литва повоеваша землю Новосилскую и градъ Одоевъ огнемъ попалиша; се же зло съдѣяся<sup>3</sup> . . . . . Того же лѣта, Литва же глубѣ въступиша воюючи въ земли Москвѣ, и волости приимаща, и села пограбиша, и полона много разведоша; Москвичи(чи) же укрѣпильшеся помощію Божіею и

шедше на нихъ, овѣхъ<sup>4</sup> избиша, а иныхъ прог— 1408 наша, воеводу же ихъ Миромобочгу руками изниаща. Пакы же Василей събравъ воа многы, и иде подѣ Вязму въ землю Витовтову, и приде Витовтъ противу ихъ; близъ бѣ мѣсто межѣ ихъ обонхъ полкоа, и постоавше мало, и взяша перемиріе отъ августа до Петрова дни. Тогда же Москвичи и Дмитровци взяша градъ Литовскій. Того же лѣта приходиша Нѣмци въюючи на Псковъ, и пребредше въ перовѣхъ Великую рѣку, приидоша полемъ близъ града, и видѣвше стѣны Псковскыа крѣпкы зѣло, пакы поидоша въспять, за Великую рѣку, и предстаха на Каменнѣмъ. Псковичи же ополчишася, и изыдоша противу нихъ, и укрѣпися браѣмъ, пущеніемъ Божіемъ измогоша Нѣмци, а Псковичи устремишася на побѣгъ; Нѣмци же гнашѣ по нихъ нолны близъ града. Въ той день, за грѣхы наша, мнози падоша предѣ мноплеменники; сіа же злоба съключися того же лѣта, августа въ 22 день. Въ дни же сіа князь Юрій Всеволодичъ бѣ на Москвѣ уже третіе лѣто, егже извадиша зліи чловѣци отъ предѣла его. Князь великій Иванъ многожды посылаше, сиче рече: «и не отлучайся, брате, дому святаго Спаса и своего отчества, но поиди, живи на предѣли отца своего, а злыхъ чловѣкъ не слушай; аще ли ты каа обида есть, да се о насъ епископъ Арсеній и мужи честніи отецъ нашихъ.» Онъ же внимаше, но<sup>5</sup> зліи чловѣци на горшаа обратиша ѣ, и повадиша съ Москвы въ Орду; иде князь Юрій Всеволодичъ въ Орду. Того же лѣта православный и великій князь Иванъ Михайловичъ видѣвъ мир(а) христіанского злыми чловѣки възмущаема, сиче глагола: «довлѣетъ ми аще и мужа въсприати, того радуюся зѣло, хочу потрудитися за христіаны, якоже и господни мой, отецъ мой.» И вскорѣ нарядися въ Орду, и

(1) Въ подлинникѣ: сѣти. (2) Тамъ же: по. (3) Тамъ же: пропущено здѣсь писцомъ нѣсколько словъ. (4) Тамъ же: овѣхъ. (5) Тамъ же: по и.

1408 тако, благодаря Господа Бога, поиде въ Орду.

Православный великий князь Иванъ Михайловичъ поиде въ Орду мѣсяца іюля въ 21 день; помощію же Божіею, за молитвы отца, царь въскорѣ отпусти, в дары и съ честію отпустивъ, и почти, и елика управленія хотяща по воли его, царь же ему даваше. Немного же дни бывъ въ Ордѣ, съ честію възвратившася на Русь; немедленно же ско(ди), но яко въ 5 мѣсяцъ едину, изыиде бо исходящу мѣсяцу іюлю, и прииде въ отечество же свое, въ православный градъ Тверскій, мѣсяца генваря 24. Епископъ же, весь соборъ и людіе всего града радующеса въстрѣтаху его; и тако, благодатию Божіею, честнѣ въспріять столъ отца своего, благодаря Господа Бога. Бѣ же тогда зима тяжка и студена зѣло, снѣжна превзѣше. Той же зими паки Нѣмцы и Литва приходиша въ землю Псковскую, Псковичи же наизидаша на Литву, и прогнаша; Нѣмцы и Литва, не дошедше Пскова, разыидошася каждо въ своася. Той же зими, въ странѣ Московстей, близъ<sup>1</sup> Коломны, бысть<sup>2</sup> знаменіе на Похрѣ, въ церкви святаго Николы: отъ иконы истече кровь, и наполнишася съсудецъ воцанъ. Василей же великий князь, призва многихъ епископъ и архимандритъ, и извѣстно испыташа о знаменіи, яко то истинна ли бѣ, и заповѣдаша постъ сорокодневный всѣмъ<sup>3</sup> хранити, рыбы не асти и вина не пити, и въ церквахъ Божіихъ прилежно молитися, да благо будетъ христіаномъ явленное знаменіе. Благый бо Богъ человеколюбень, милуетъ родъ христіанскій, человеколюбнѣ знаменіе являетъ, и прещаше, да възвратимся каждо отъ злобъ своихъ. Прже бо сеа зими, по 3 лѣта, летяше черви бѣли, яко мотыль, тоже отъ полудне граде къ полунощи идяше; преходяше рѣкы, поля и жита, и на лѣсы идяше, и поиде и посуши древо елиное,

того ради и скоро, рекше бѣлка, вся нагыбе, немилым кормля въ сухѣ<sup>4</sup> древѣ. Разумѣти же лѣно<sup>5</sup> есть, како ти по величю своей милости челоуѣка Богъ сътвори, приведе бо на древо ядовитаго зѣбря, а не сътвори такоплодомъ въ земли нашей, якоже въ Египтѣ древле, иже всякое утврѣженіе хлѣбное сътры. Но Владыко пощади насъ, аще и умножишася безаконіа наша; но за ния твое святое помози намъ Боже, спасителю нашъ, зане ты еси Богъ нашъ. Сіа убо о знаменіи грѣхонъ идеже поюще, пререченнымъ послѣдуемъ. Зим(ов)а<sup>6</sup> же великий князь Иванъ Тверскій, и прииде изъ Орды. Той же зими, на весну, прииде князь Юрый Всеволодичъ изъ Орды на Москву, а съ нимъ посолъ царевъ Мамантъ Дербынъ. Юрій же оста на Москвѣ, а посолъ прииде въ Тверь, и глагола великому князю Ивану: «царь далъ Юрію Кашинъ и десять волостей Тверскихъ.» И князь великий Иванъ отъиде ему: «азъ самъ вчерѣ отъ царя приидохъ, и посолъ царевъ днесъ у мене есть, и ярымъ царевъ данъ ми есть на всю землю Тверскую, и самъ Юрый въ ярымъ царевъ данъ ми есть; да того ради тебе не послушаю, дондеже ко цареву шлю;» почтивъ посла, отпусти его. Юрый же<sup>6</sup>, бывъ на Москвѣ до лѣта, паки поиде въ Орду. О повонци Рязанскомъ. Той же весны заратышася княз(и) Рязанскыи промежу събою, князь Феодоръ Олговичъ Рязанскій, князь<sup>7</sup> же великий Василей Московскій даа помощь зятю своему князю Феодору Олговичу; старши же се не похвалиша; а иже не сложивъ къ Пронскому, ратью послати на нь, се бо задумаша бояре юліи. Князь Иванъ Пронскій прииде (съ) посломъ Татарскимъ, и не умирившася князи. Бѣ же между ними поле высоко, яко не видѣтися ратемъ; Промане же увѣдаша рать князя Феодора

(1) Въ подлинникѣ: и близъ. (2) Тамъ же: и бысть. (3) Тамъ же: и всѣмъ. (4) Тамъ же: въ сухѣ. (5) Тамъ же: лѣт. (6) Тамъ же: иже. (7) Тамъ же: и князь.

Олговица и Московскую, уже близъ сушу, и достигнѣша ко брани, и урядиша полки свои; Татарове же отъидоша въ гору и стаха, не помагаючи Проняномъ, мало же бѣ Проняныи, но Пронскій князь възрѣвъ на небо, и рече: «виждь, Боже, и призри на лице правды твоеа, и разсуди прю мою отъ востающихъ на мя.» И рече дружинѣ своей: «потагнемъ, о дружино, яко не хочетъ Богъ силѣ констѣи, ни благоволитъ же (въ) властехъ мужескихъ; но спасаетъ уповающая на нь.» Проняне же укрѣпильшеся помощію Божіею, крѣпци върадовашася къ брани, и бѣша вси яко едино сердца вмуша; напрасно погнаша полки Московскыи, Москвичи же изыдоша противу нѣмъ, и снидошася близъ Венева, объ ону страну рѣкы Осетра; брани бывша одолѣша Проняне, и прѣвѣ убиша Игнатія Жеребцова на суиѣ, Ивана Дмитріевича, и людѣи много посякоша Москвиче(въ) и Рѣзанцевъ, а нинѣ потонуша въ рѣцѣ въ (О)цѣ, бѣжа отъ Татаръ и отъ Пронска. Того же лѣта преставися князь Феодоръ Моложскій, въ мнишескомъ чину, мѣсяца априля въ 6 день, на память святаго отца Евтухія. Того же лѣта, мѣсяца іюня 21 день, въ часъ 7 дни, въ четвертокъ, въ градѣ Ростовѣ сгорѣ церкви 14, и каменная<sup>2</sup> церкви святаа Богородица съборная загорѣся сверху и врѣхъ еа впадеся. А служилъ у той церкви епископъ: прѣвій епископъ Лука 4 лѣта и 8 мѣсяць; вторый епископъ Иванъ 23 лѣта, иже отписася; епископъ 3 епископъ Симанъ 15 лѣтъ; 4 епископъ Пахомей 2 лѣта; 5 епископъ Кирилъ 40 лѣтъ безъ трехъ; 6 епископъ Кирилъ же 31 лѣтъ; 7 епископъ Игнатей чудотворецъ лѣтъ 26; 8 епископъ Тарасій 16 лѣтъ; 9 епископъ Семеонъ 12 лѣтъ, и отписася; 10 епископъ Прохоръ 17 лѣтъ; 11 епископъ Антоней 8 лѣтъ; 12 епископъ Гаврилъ 18 лѣтъ; 13 епископъ Иванъ 10 лѣтъ; 14 епископъ Игнатей 8 лѣтъ; 15 епископъ Петръ единъ годъ слу-

жилъ; 16 епископъ Парфеней 5 лѣтъ; 17 епископъ Арсеній князь 7 лѣтъ; 18 епископъ Матфей 7 лѣтъ; 19 архіепископъ<sup>3</sup> Феодоръ 15 лѣтъ; 20 епископъ Григорій лѣт(о) 21; 21 епископъ Деонисій 7 лѣтъ и 5 мѣсяць; 22 архіепископъ Ефремей 27 лѣтъ безъ дву недѣли; 23 архіепископъ Феодосій 7 лѣтъ безъ трехъ мѣсяць; 24 архіепископъ Трифонъ 5 лѣтъ и полтрет(ъ)я мѣсяца; 25 архіепископъ Васіанъ 13 лѣтъ и 3 мѣсяца и двѣ недѣли; 26 архіепископъ Іасафъ князь 7 лѣтъ безъ десяти недѣли; 27 архіепископъ Тихонъ. А въ прѣжнее лѣто 499 стоала тутъ церковь дубоваа Успеніе святаа Богородица, а поставленіе был(о) архіепископомъ Феодоромъ Гречинномъ; а служило у той церкви 7 епископовъ: 1 епископъ Феодоръ, 2 епископъ Ларіонъ, 3 епископъ Левонтей чудотворецъ, 4 епископъ Исаіа чудотворецъ, 5 епископъ Ефремей, 6 епископъ Нестеръ, 7 епископъ Леонъ; а стоала та церковь дубовая 100 лѣтъ да 68 лѣтъ, и погорѣ градъ Ростовъ, и церковь дубоваа згорѣла, якоже не бывала таков(а) въ Руской земли и потомъ не будетъ. И колоколы изгорѣша и разлившася; люди начаша мыкати изъ домовъ своихъ ко езеру въ суды, а нинѣ на плоты мыкаша ктоже своа бремена, и мнози въ езерѣ истопоша, а нинѣ отъ хыщникъ избіени быша надъ товаромъ и потоплени въ езерѣ; и бѣ всѣхъ истопльшихъ въ езерѣ болѣ 3-ю сотъ душъ. Се же великое зло сътворися грѣхъ ради нашихъ. Того же лѣта пріиде зловѣрній Витовтъ на усть рѣкы Угры съ силою Литовскою, и Нѣмецкою и Лядскою; князь же великій Василей Дмитріевичъ поиде противу ему съ своею братіею, и со всѣми князми Рускими и съ всею силою Рускою, и стояша о рѣцѣ Угры, и взяша миръ вѣчный, мѣсяца септемвра въ 14 день, и разыидошася обомъ кождо въ своаси. Той же зыми пріиде изъ Орды безбожный Едегѣй, и съ нимъ два царевича и множество Татаръ

(1) Въ подлинникѣ: въ говору. (2) Тамъ же: каменія. (3) Тамъ же: (19) епископъ архіепископъ.

1408 съ нимъ, на Рязанскую землю; воеваша и много зла сѣтвориша земли Рязанстей, и поидоша ко Коломнѣ; Коломнѣ же выбѣжаша изъ града, они же градъ Коломнѣй пожгоша, взяша окупъ. Оттолѣ же окаанный Едегѣй съ силою Татарскою прииде къ Москвѣ, мѣсяца ноябрю въ 30 день, а въ градѣ Москвѣ: князь Володимѣръ Андрѣевичъ, и князь Андрей Дмитріевичъ, князь Юрий Козелскій, Митрофанъ епископъ Суздальскій, а отъ бояръ: Костантинъ Ивановичъ, Костантинъ Дмитріевичъ, Дмитрей Василичъ, Михайло Феодоровичъ Морозовъ, Иванъ Феодоровичъ, Филиппъ Василичъ, Александръ Феодоровичъ, и прочаа бояре и множество людѣ затворишася въ градѣ. Окаанный же Едегѣй, стоа у Москвы, нача рать распушати по градомъ: нѣмъ поидоша къ Серпухову, городъ взяша, а нѣмъ къ Можайску, а нѣмъ къ Звенигороду, а нѣмъ къ Дмитрову, все то повоеваша, старыа изсѣкоша, а молодыа въ плѣнъ поведоша; а нѣмъ поидоша къ Переяславлю, Переяславци побѣгоша, они же окаанныи сиродци градъ зажгоша, монастыри и святыа церкви все то огневи предаша, люди старіа изсѣкоша, а молодіа въ полонъ поведоша; а нѣмъ поидоша<sup>1</sup> къ Ростову, князь Ростовскій, епископъ и люди Ростовци побѣгоша, они же окаанныи градъ зажгоша, и святыа церкви сѣжгоша, а Зачатіевъ монастырь многожды хотѣша зажещи, молитвою<sup>2</sup> святыа Богородици възбрани невидимаа сила, не дасть имъ зажещи. А градъ Москву избави Господь отъ иноплеменикъ, молитвами святыа Богородици, не предасть Господь людѣй своихъ въ руцѣ невѣрныхъ; безбожный же Едегѣй (и) окаанныи сиродци стоаша у града у Москвы 3 недѣли, много зла сѣтворили земли Русѣй, и поиде отъ града декабря въ 20 день. Се же великое зло сѣтворися въ земли Руской, на родѣ хри-

стіанскомъ, грѣхъ ради нашихъ. А нѣмъ царевичъ прииде къ Новугороду къ Нижнему, и съ нимъ мнози Татарове, и Болгарская<sup>3</sup> сила и Мордва, взяша Новградъ Нижній и пожгоша весь, монастыри и святыа церкви все то огневи предаша, а люди старыа и сущаа младенци иссѣкоша, а молодіа въ полонъ поведоша. Оттолѣ окаанныи сиродци поидоша къ Городку, и городъ взяша, огнемъ пожгоша весь, монастыри вси и святыа церкви огневи предаша, а люди побѣгоша кто кудѣ; они же окаанныи всѣми<sup>4</sup> путми гонимаша въ слѣдъ ихъ, сѣкуще люди акы траву. И поидоша отъ Городца въ верхъ по Вызѣ, воюючи обѣ странѣ, и быша въ Бѣлогородіа, и постиже ихъ вѣсть отъ Едегѣа, и повелѣ имъ уверитися въ Орду; они же окаанныи хотѣша ити на Кострому и на Вологду, въ слѣдъ великіа князны; Господь же избави градъ Кострому и Вологду отъ наслѣдіа поганыхъ, молитвами святыа Богородица, и не предасть Господь людѣй своихъ въ руцѣ невѣрныхъ. Они же окаанныи поидоша взадъ къ Городцу и къ Новугороду, воюючи и сѣкучи остатка людей, и поидоша отъ Новгорода воюючи Удлы и Березово поле, тако поидоша обаполъ и по лѣсомъ ищучи людей, и многа люди по лѣсомъ иссѣкоша; и оттолѣ поидоша къ Сурѣ, начаша Суру воевати, Кормышъ пожгоша, и Сару Великую пожгоша, и епископы всѣ избиша<sup>5</sup>, а нѣмъ огнемъ скончашася, а люди всѣ посѣкоша, а нѣмъ огнемъ скончашася, а градъ весь сожгоша, и мѣсто града того разориша Сары Великыа, и монастыри пожгоша, погосты и села повоеваша, и все огневи предаша, полонъ акы скотъ погнаша въ свою землю, молодіи черницы и черноризницы все обнажено, все поругано. Се же зло сѣтворися грѣхъ ради нашихъ надъ людьми Рускими и надъ пародомъ христіанскимъ.

(1) Въ подлинникѣ: поведоша. (2) Тамъ же: молитвою. (3) Тамъ же послѣ слова: болгарская было написано: земля, но потомъ зачеркнуто. (4) Тамъ же: и всѣми. (5) Тамъ же: избавиша.

Въ лѣто 6917. Преставися Арсеній, епископъ Тверскій, мѣсяца марта въ 2 день. Того же лѣта поидоша Новгородци изъ Заволочѣа по Двинѣ, въ верхъ Сухоною, и вышли Костромою<sup>1</sup> (въ) Волгу, и взяша на Костромѣ кормъ, и поидоша къ Новгороду Волгою, въюючи, и взяша Новгородъ Нижній; и потомъ поидоша на усть Камы, на с(о)вѣтъ Анфалу, и не посѣдѣша. Анфалъ же пошелъ задними водами въ Каму, князи Болгарскіе и Жекотстѣи слаша къ Анфалу, и взяша перемиріе, и даша<sup>2</sup> ему окупъ съ земли; Анфалъ же потому исплошися къ нимъ, они же яша его лѣстію въ Камѣ, а дружину его изсѣкоша, а нѣмъ разбѣгошася.

Въ лѣто 6918. Прииде изъ Царяграда на Русь пресвященный Фотій митрополитъ, на свою митрополию въ Кіевъ; и потомъ прииде на Москву, мѣсяца марта 23 день, на Великъ день, и пръвую службу служилъ на Москвѣ въ святѣй Богородици въ Великъ день. Того же лѣта приидоша Татарове къ Володимерю отъ Новгорода отъ Нижняго изгонѣмъ; и взяша градъ Володимеръ, и съборную церковь святую Богородицу златоверхую разграбѣша, и князя великого дворъ пожгоша (и) нѣмъ мнози, а люди старыя посѣкоша, а молодіа въ полонъ поведоша, мѣсяца іюля въ 6 день; и взадъ идя, взяли Стародубъ и Муромъ. Се же бысть грѣхъ ради нашихъ. На ту же осень, о Дмитріевѣ дни, бысть вода велика въ Волзѣ и въ всѣхъ рѣкахъ, якоже и веснѣ. Тол же зымы, мѣсяца генваря 15 день, бысть бой на Лисковѣ князю Петру Дмитріевичу, и княземъ Ростовскимъ, и Ярославскимъ и Суздальскимъ съ княземъ Даниломъ Борисовичемъ, и съ его братомъ княземъ Ивановомъ, и зъ Болгарскими князми, и съ<sup>3</sup> Жукотыньскими и Мордовскими; бысть между ними сѣча зла, и ту убиенъ бысть князь Суз-

далскій Данило Василичъ, и<sup>4</sup> мнози падо-1409 ша ото обоа страны, и раз(и)дошася каждо въ 1414 свояси.

Въ лѣто 6919. На ту же зыму, мѣсяца декабря въ 1, преставися княжны Анна Ярославова въ Боровствѣ, княжъ тещи Семенова Василича, и везоша ю въ Ярославль; положиша ю у святаго Спаса въ монастыри, декабря въ 13 день. Той же зымы, мѣсяца генваря въ 17 день, князь Иванъ Василичъ Ярославскій выдалъ свою дщерь Марію въ Тверь за князя Александра Феодоровича.

Въ лѣто 6920. Межинина бысть въ Новгородѣ Нижнемъ; купили половники ржѣ по сороку алтынъ, и по 400 старыми денгами. Того же лѣта, мѣсяца августа 1, князь же великій Василей Дмитріевичъ поиде въ Орду, а съ нимъ князь Иванъ Василичъ Ярославскій. Того же лѣта, на память Успенія свѣтыя Богородица, поиде въ Орду князь великій Іоанъ Михаиловичъ Тверскій. Той же осени, о Филиповѣ заговѣніи, иде<sup>5</sup> изъ Орды князь великій Василій Дмитріевичъ, пожалованъ царемъ. Той же зымы выиде изъ Орды князь великій Иванъ Миха(и)ловичъ Тверскій, пожалованъ царемъ.

Въ лѣто 6921. Погорѣ градъ Тверь<sup>6</sup>, и князя великого дворъ, и весь градъ и стѣна вся, згорѣ церквей 20, мѣсяца іюня 8 день. Того же мѣсяца въ 30 день погорѣ градъ Кострома, и згорѣ церквей 30.

Въ лѣто 6922. Бысть знаменіе на небеси, мѣсяца априля въ 3, вторникъ страстной недѣли: бысть кругъ великъ около солнца, ис того круга кругъ великъ ко вѣстоку, а 3 кругъ великъ велми ис того же круга солнечнаго на западъ, въ 6-й часъ дни. На ту же осень, мѣсяца октября 12 день, преставися князь Дмитрей Романовичъ, въ мнишескомъ чину нареченъ Прокопей. Той же зымы князь

(1) Въ подлинникѣ: костромоу. (2) Тамъ же: давано. (3) Тамъ же: ж. (4) Тамъ же: і п. (5) Тамъ же: заговѣніе вѣде. (6) Тамъ же: тверь.



1414 Юрий Дмитриевич ходилъ къ Новугороду  
1425 къ Нижному на князя Данила Борисовича  
и на его братію; а со княземъ съ Юріемъ хо-  
дили Андрѣй да Василей Володимировичи, да  
князи Ярославскіе, да князи Ростовскіе да Ко-  
стромская сила, и сѣялися всѣ рати на Ко-  
строуму, и пошли съ Костромы къ Новугороду  
мѣсяца генваря 11 день. Князь же Данило Бо-  
рисовичъ и братіа его, князь Иванъ, и другой  
князь Иванъ Василіевичъ, и Василей Семено-  
вичъ, разумѣвъ<sup>1</sup> свое неуправленіе къ великому  
князю, и побѣгоша за Суру; а бояре Новогород-  
скіе и чръные люди вышли съ кресты противу  
князю Юрію и всѣхъ князей, и князь же Юрій<sup>2</sup>  
не сѣвори зла ничтоже Новугороду. Князь  
же Юрій и вси князи пондоша изгономъ  
въ слѣдъ князя Данила и его братын, и го-  
нишася по нихъ до Суры, и не сугониша ихъ,  
отъ Суры пондоша въспять къ Новугороду.  
Отъ Новогорода князь Юрій поиде въ верхъ  
по Оцѣ, а князи Ярославскіе и Костромская  
сила въ верхъ по Волзѣ<sup>3</sup>, и разыидошася каж-  
до въ свои.

Въ лѣто 6923. Бысть весна рано; до Бла-  
говѣщеніева дни за недѣлю на Волзѣ кра-  
прошла вся. Той же весны, мѣсяца маа въ  
5 день, погорѣ градъ Москва, въ стѣны и  
посады, и згорѣ церквей числомъ 15. Того  
же лѣта, мѣсяца іюня въ 7 день, на память  
святаго отца Феодота, въ 7 часъ дни, погѣбе  
солнце все, и бысть тма, человека въ лице  
не видѣти было. Той же осени Волга ле-  
домъ померзла въ канунъ Рождества Хри-  
стова.

Въ лѣто 6924. Бысть на Москвѣ, мѣсяца  
генваря 31 день, князь великій Василей Дмит-  
ріевичъ, жени сына своего князя Ивана у кня-  
зя Ивана у Пронскаго.

Въ лѣто 6925. Преставися Григорій, епи-  
скопъ Ростовскій, мѣсяца маа въ 3 день.

Въ лѣто 6926, мѣсяца іюня въ 12 день, по-  
ставленъ бысть Деонисій епископъ Ростову.

Въ лѣто 6927, мѣсяца октября въ 2 день,  
преставися княгини великаа Маріа великого  
князя Ивана Михайловича Тверскаго.

Въ лѣто 6928, мѣсяца декабря въ 1 день,  
въ 9 часъ ноци<sup>4</sup>, бысть столпъ свѣтелъ великъ  
отъ земля до небеси, мимо мѣсяцъ въверхъ.

Въ лѣто 6929, мѣсяца іюня въ 1 день, Zalo-  
жена бысть церковь каменная святаго Феодора  
Тирона въ градѣ Твери, а ветхую разориша,  
при благовѣрномъ великомъ князи Иванѣ Ми-  
хайловичи и при епископѣ Антоніи. Той же  
осени, мѣсяца октября въ 5 день, священна  
бысть церковь каменная святой Феодоръ въ  
градѣ Твери епископомъ Антоніемъ, при бла-  
говѣрномъ великомъ князи Иванѣ Михайло-  
вичи, архимандритію тогда держашу Феодо-  
сію того манастиря.

Въ лѣто 6930. Князь великій Иванъ Михай-  
ловичъ Тверскій послалъ рать свою<sup>5</sup> велико-  
му князю Витовту на помощь на Нѣщи, а вое-  
вода былъ въ рати Александръ Одинцевъ.  
Того же лѣта, на зиму, была<sup>6</sup> лютаа зима;  
были морозы три мѣсяцъ поряду.

Въ лѣто 6931. Бысть меженіна въ Новѣ-  
городѣ Нижнемъ: купили половникъ ржи по  
сту алтынъ по пятнадцать алтынъ.

Въ лѣто 6932. Бысть моръ въ Капинѣ и  
меженіна, по полтинѣ купили оково ржи.

Въ лѣто 6933, мѣсяца маа въ 22 день, 1  
часъ дни, преставися благовѣрный великій  
князь Иванъ Михайловичъ Тверскій. Того же  
лѣта, съ Ильина дни, бысть моръ въ Твери  
градѣ силенъ. По преставленіи великого кня-  
зя Ивана Михайловича, сѣде на великомъ  
княженіи сынъ его князь Александръ, и бысть  
княженіа его 5 мѣсяцъ, и преставися предъ  
Дмитріевымъ днемъ. И сѣде на великомъ кня-  
женіи сынъ его князь Юрій, и преставися на

(1) Въ подлинникѣ: и разумѣвъ. (2) Тамъ же: прійи. (3) Тамъ же: по оцѣ. (4) Тамъ же за симъ написано: за 5  
нощій ветха. (5) Тамъ же: ратию. (6) Тамъ же: буза.



Юріевъ день; и по немъ сѣде на великое княженіе братъ его князь великій Борисъ Александровичъ въ Твери.

Въ лѣто 6934.

Въ лѣто 6935.

Въ лѣто 6936. Ходилъ князь великій Витовтъ на Новгородъ на Великій ратью, а съ нимъ была сила Тверская, а воевода ходилъ Захариа Ивановичъ; и стояли у города у Порхова недѣлю, и прихавъ владыка съ Новгорода, и добили челоу Витовту 12 тысячъ.

Въ лѣто 6937, индикта 9, мѣсяца септембра 27, поихаша князи къ Витовту: князь великій Василей Московскій, князь великій Борисъ Александровичъ Тверскій, и король и вси князи Нѣмецкіе и Литовскыя; и далъ имъ честь велику и дары многы, и отпусти ихъ съ великою честію; они же разѣхашася. Той же осени преставися князь великій Витовтъ Литовскій, и по немъ сѣде на великомъ княженіи Свѣтригаило въ Литѣ.

Въ лѣто 6938. Князь великій Свѣтригаило женися въ Твери, поналъ княжну Анну, княжну Иванову дщерь Ивановича. Того же лѣта поставиша мостъ черезо Тмаку въ Твери.

Въ лѣто 6939. Поиде въ Орду князь великій Василей Московскій, и выиде изъ Орды на другое лѣто, и князь Юрій.

Въ лѣто 6940. Изгонилъ Жигимонтъ Свѣтригаила въ Боездѣ, и Свѣтригаило утекъ, а княжню полонилъ, а люди поималъ, а нѣмцы посѣклъ, и сѣлъ на Вилнѣ и въ Троцѣхъ. Того же лѣта, на зиму, скопился Свѣтригаило, князи Литовскіе, сила съ нимъ Тверская, князь Ярославъ съ нимъ, сила Городецкая, и пошелъ на Жигимонта; и Жигимонтъ вышелъ противу его изъ Вилны, и бысть бой межю нимъ мѣсяца декабря въ 9, и поможе Богъ Жигимонту, и много побилъ людей, а нѣмцы въ полонъ невели; убили боярина Ярославова Семена Зобнина, а Свѣтригаило побѣжалъ.

Въ лѣто 6941, мѣсяца апрѣля въ 25, на 1425 память святаго апостола Марка, бысть<sup>1</sup> бо(й) 1438 князю Юрію Московскому съ братаничемъ своимъ съ великимъ княземъ Василюмъ Московскимъ на рѣцѣ на Клязѣ; и поможе Богъ князю Юрію, и сѣлъ на великомъ княженіи на Москвѣ; а князь великій Василей прибіжалъ въ Тверь съ своею матерію Софією и съ княгынею.

Въ лѣто 6942. Князь Юрій Дмитріевичъ сѣхалъ съ Москвы въ Галичъ (съ) своими дѣтми, съ Василюмъ съ Шемякою, съ Дмитріемъ; а княженіа великого ступился великому князю Василю Василювичу Московскому. Того же лѣта убили Семена Морозова на Москвѣ княжи Юріевы дѣти. Князь же великій Василей Московскій Ивана Дмитріевича поималъ и велѣлъ его ослѣпити, а самъ собравъ силу, пошелъ на Галичъ, и Галичъ взялъ, много зла сѣтворилъ Галичу; а князь Юрій сѣхалъ на Белоозеро, а князь великій Василей сѣхалъ на Москву.

Въ лѣто 6943. Князь Юрій Дмитріевичъ събрался (съ) своими дѣтми, Вятчане съ нимъ, и поиде къ Москвѣ; князь великій Василей Московскій поиде противу ему съ всею силою, и бысть бо(й) межю нимъ и сѣча зла, мѣсяца марта въ 20, и поможе Богъ князю Юрію; а князь великій Василей побѣжалъ, а княжия велика(я) Софіа затворилася въ градѣ Москвѣ. Князь же Юрій пришеде, градъ Москву взялъ, а княжню Софію поималъ, и сѣлъ на великомъ княженіи на Москвѣ. Того же лѣта, мѣсяца іюля въ 4-й день, преставися благовѣрный князь Юрій Дмитріевичъ на Москвѣ; и сѣде на Москвѣ на великомъ княженіи князь великій Василей Василювичъ.

Въ лѣто 6944.

Въ лѣто 6945.

Въ лѣто 6946. Кончана бысть и священна

(1) Въ подлинникѣ: и бысть.

1438 церковь каменная въ Твери святымъ Борисъ  
1445 и Глѣбъ епископомъ Илію, при благовѣрѣмъ  
великомъ князи Борисъ Александровичи; а  
ставили его 3 годы.

Въ лѣто 6947. Царь Махметъ пришелъ къ  
Москвѣ изгономъ, и стоялъ у Москвы недѣ-  
лю, и съ парницами, град(а) Москвы не взялъ,  
а посады пожегъ, села и волости всѣ извое-  
валъ, до самого рубежа Тверскаго; а князь  
великій съѣхалъ.

Въ лѣто 6948, въ недѣлю вербн(у)ю, убиенъ  
бысть Жигимонтъ, князь Литовскій; княже-  
нія его 9 лѣтъ. Того же лѣта ходилъ князь  
великій Василей Московскій ратию къ Нову-  
городу Великому, и не дошедъ города сталъ,  
и Новгородци добиша ему челомъ 8-ю ты-  
сящами рублей; а съ нимъ была сила Твер-  
скаа, а воевода былъ Александръ Романовичъ  
да Карнъ Федоровичъ.

Въ лѣто 6949. Пришедъ на Москву Сидоръ  
митрополитъ, а повѣстуа<sup>1</sup> тако: «былъ у насъ  
соборъ съ папою Римскимъ, и вѣру есми  
сѣдинилъ, намъ служити въ ихъ церквахъ,  
а имъ въ нашихъ христіанскихъ, а попы  
ставити намъ въ ихъ церквахъ, а имъ въ на-  
шихъ церквахъ.» И служилъ обѣдню на Мос-  
квѣ, и поминалъ на обѣднѣ кесаря напередъ ве-  
ликого князя Василя Московскаго, также и  
папу напередъ нашего патриарха Цариград-  
скаго; а еще глаголя тако: «проскура съ  
опрѣсникомъ одинако хлѣбъ пшениченъ и еди-  
накъ.» И князь великій Московскій Василей  
повелѣ его изымати и сковати, и онъ съ  
Москвы убѣжалъ въ портѣхъ въ бесермен-  
скихъ, и прибѣжалъ въ Тверь къ великому  
князю Борису Александровичу; подержавъ  
его у себе, да отпустилъ, и онъ похалъ въ  
Литву ко князю Казимеру, тогда ему владѣа  
Литовскую землю.

Въ лѣто 6950. Бысть межещина въ Твери:

оковъ ржи по 16 алтынъ, а оковъ овса по 6  
алтынъ.

Въ лѣто 6951. Бысть межещина по всей зем-  
ли, а въ Твери оковъ ржи (по) 20 по 6 алтынъ,  
а оковъ овса по 10 алтынъ, а козлеи сѣна  
по 12 алтынъ; скотъ померлъ, а люди мерли  
по улицамъ. Того же лѣта на Николинъ день  
на осеній, на ночь, погорѣ града Твери тре-  
тию кремля, а дворовъ много сгорѣ.

Въ лѣто 6952.

Въ лѣто 6953. Бысть бо(й) великому князю  
Василію Московскому съ царемъ у Суздаля,  
и бысть сѣча зла, и побѣдоша наша предъ  
иноплеменики; а князя великого Василя яша  
руками, да съ нимъ князя Можайского Ми-  
хаила яша, а иныхъ князей посѣкли, и бояръ  
иныхъ поимали руками. Се же злоба скончися  
мѣсяца іюля въ 7 день. Того же мѣсяца въ  
14 день, на память святаго отца Іосифа, по-  
горѣ градъ Москва, Кремль весь, и камень  
развалися; а княжны великаа Софія побѣжа-  
ла ко Твери, и князь Дмитрей Шемяка Юріе-  
вичъ з Дубны великую княжню Софію увер-  
нулъ къ Москвѣ, а князь Дмитрей въ бою  
не былъ (съ) великимъ княземъ. Той же осени,  
мѣсяца ноября въ 16 день, приехалъ изъ  
Орды на Москву князь великій Василей Ва-  
сильевичъ, а съ нимъ Татарове, дани имати  
великіа, съ себе окупъ давати Татаромъ.  
Князь Дмитрей Шемяка Юріевичъ, а съ нимъ  
князь Иванъ Можайской Андрѣевичъ, да кня-  
зя великого Василя изгонивъ изымали въ мана-  
стырѣ въ Маковцѣ, мѣсяца февраля 13 день;  
дръжали его 3 дни, да очи ему выняли,  
да послали его на Угличцо. Тое же осени  
князь Дмитрей Шемяка далъ великому князю  
Василію Васильевичю далъ ему Вологду, а  
князь Васильевы бояре всѣ отъехали отъ  
князя Дмитрея къ великому князю Бори-  
су Александровичу.

(1) Въ подлинникѣ: посовѣту.

Въ лѣто 6954. Князь великій Василей при-  
бѣжалъ съ Вологды въ Тверь къ великому  
князю Борису Александровичу; князь же ве-  
ликій Борисъ Александровичъ пріалъ его съ  
любовію, да за сына его князя Ивана Ва-  
силіевича дщерь свою обручалъ, а сами ея  
сватали. А князь Дмитрей Шемяка да князь  
Ивань Можайскій пошли были ратию ко Тве-  
ри, да стали на Волокѣ, и бояре отъ нихъ  
всѣ отъихали къ князю великому Василю въ  
Тверь; и видя князь Дмитрей Шемяка<sup>1</sup> свое  
бесиліе и неправду, и онъ побѣжалъ въ Га-  
личъ, и князь Можайскій съ нимъ Иванъ. И  
князь великій Василей пошелъ<sup>2</sup> Волгою къ  
Угличю, и сила съ нимъ Тверская, и Угличане  
затворились въ градѣ; и князь великій Васи-  
лей стоялъ у города недѣлю, и князь великій  
Борисъ Александровичъ Тверскій послалъ<sup>3</sup>  
ему пушки бити городъ, и Угличане видя то,  
и нѣ ся предали; и князь великій Василей отто-  
лѣ пошелъ на свою отчину на Москву, а  
князю великому Борису Александровичу далъ  
Ржеву. И князь великій Борисъ Александро-  
вичъ послалъ къ Ржевѣ, а Ржевич(и) въ гор(о)-  
дѣ ся затворили, и князь великій Борисъ  
Александровичъ самъ пришелъ ратию ко Рже-  
вѣ, и стоялъ подъ городомъ 3 недѣли да  
городъ пушками былъ, и нѣ ся ему предали,  
и добили ему челомъ, и князь великій Борисъ  
Александровичъ Тверскій<sup>4</sup> пожаловалъ, и  
городъ Ржеву взялъ, да посадилъ своихъ  
намѣстниковъ Василя Костантиновича да Лва  
Измайлова; а взялъ Ржеву тогда о великомъ  
заговѣніи. Той же весны князь великій Бо-  
рисъ Александровичъ Тверскій разорилъ  
монастырь святаго великого страсотрыща  
Феодора Тирона, и поставилъ городъ, архи-  
мандритію перевелъ къ святому Григорію  
Богослову и церковь поставилъ святаго Фео-  
дора.

Въ лѣто 6955. Князь великій Борисъ Алек-  
сандровичъ Тверскій на другую зиму изалъ<sup>1446</sup>  
съ княинею въ Ржеву, а Ляхъ Станиславъ  
его изгонила, да намѣстниковъ его изымалъ,  
Лва Измайлова<sup>5</sup>, да людей много Тверичъ  
поималъ, да Ржеву городъ засѣлъ; а князь  
великій Борисъ Александровичъ со княинею  
убѣжалъ въ (О)поки. А изгонила тогда въ  
недѣлю, до обѣда, въ заговѣніе мясное.

Въ лѣто 6956. И лѣту изшедшу 56 палъ  
свѣтъ въ Семенъ день.

Въ лѣто 6957. Той же зимы было потокъ  
много свирѣлей; по городу стада летали  
велики, сажались по церквамъ, по хоромомъ.  
Той же зимы, о заговѣніи великомъ, былъ  
бой великому князю Василю Василіевичу  
Московскому съ княземъ Дмитріемъ Шемя-  
кою у Галича; поможе Богъ великому князю  
Василю Московскому, людей много побилъ,  
а бояръ поималъ, а князь Дмитрей побѣжалъ.  
Той же зимы бысть рано весна, о заговѣніи  
великомъ о молочномъ тепло стало, до Велика  
дня учали свѣти, а Волга прошла за недѣлю  
до Благовѣщеніева дни; а Благовѣщеніевъ  
день былъ на 5 недѣлѣ въ вторникъ. Въ  
той же день погорѣ градъ Тверь, и стѣна  
вся, и князя великого дворъ, и церкви и  
двори вси; а зажгли его Ростопчины дѣти,  
Иванко да Степура. А зажгли его у Воль-  
кихъ воротъ пониже, на низѣ по Вълзѣ; а  
загорѣлся на раней зорѣ; а солнце зойшло и  
люди учали по пожарниці ходити, мѣсяца  
марта въ 25. Князь великій Борисъ Алексан-  
дровичъ, Иванъ кадаствертъ<sup>6</sup>.

Въ лѣто 6958.

Въ лѣто 6959. Преставися великаа княгини  
Настасія Борисова, мѣсяца февраля 12.

Въ лѣто 6960. Осень была долга; Волга  
стала канунъ Рождества Христова. Того же  
лѣта, до Петрова заговѣнія за 3 недѣли, князь

(1) Въ подлинникѣ: шемяка. (2) Тамъ же: и пошелъ. (3) Тамъ же: и послалъ. (4) Тамъ же: тверскій и.  
(5) Тамъ же: измайловича. (6) Въ рукописи фраза не кончена.

1452 великій Борисъ Александровичъ заложилъ пер-  
1465 ковъ каменну святаго архистратига Михаила.

Того же лѣта князь великій Борисъ Александровичъ выдалъ свою дщерь княжну Марию на Москву за князя великого Ивана Василиевича; а выдалъ ее канунъ Троицыны дни.

Въ лѣто 6961. Князь Дмитрей Юріевичъ Шемяка пришелъ на Кашинъ городъ изгономъ<sup>1</sup>, города не взялъ, а посади пожегъ, мѣсяца сентебра въ 10; а наместникъ былъ и бояринъ на Кашинѣ Иванъ Яковличъ Киньдиръ. Той же зими князь великій Борисъ Александровичъ Тверскій женился у князя у Суздайскаго Олександра, понялъ княжню Настасію. Того же лѣта, мѣсяца іюля 17 день, преставился князь Дмитрей Шемяка(а) Юріевичъ Московскій въ Новѣгородѣ въ Великомъ; положи(ша) его въ Юріевѣ монастыри. Того же лѣта взяли были Царьградъ отъ царя Турскаго отъ салтанаа; а вѣры Рускыя не преставилъ, а патриарха не свелъ, но одинъ въ градѣ звонъ отнял; у Софїи премудрости Божїи и по всѣмъ церквамъ служатъ литургію божественую, и заутреню и вечерню поютъ безъ звону, а Русь къ церкви ходятъ, а пѣнія слушаютъ, а крещеніе Руское есть. Той же осени родился князю великому Борису Александровичу Тверскому сынъ, и нарече ния ему Михаилъ.

Въ лѣто 6962.

Въ лѣто 6963. Богомъ почтенному господину самодръжцу, великому князю Борису Александровичу, и его сыну Михаилу, свершена бысть церковь каменна архистратига Михаила; священна епископомъ Илією, на память его чюдеси, на его праздникъ. Родися великому князю Борису Александровичу сынъ Александръ. Преставился князь Александръ. Пречистую Смоленскую привезъ на Москву Юрга.

Въ лѣто 6964. Ходилъ князь великій Ва-

силей Василиевичъ Московскій на Новгородъ ратию на Великій; и Новогороди добили ему челомъ 9 тысящъ рублевъ, а землю ихъ вѣвалъ, и Русу взялъ.

Въ лѣто 6965. Преставился епископъ Иліа Тверскій, мѣсяца декабря въ 30 день.

Въ лѣто 6966. Поставленъ бысть на Твери епископъ Моисей; ставилъ его митрополитъ Іона въ святѣмъ Спасѣ, при благовѣрномъ великомъ князи Борисѣ Александровичѣ, мѣсяца генваря 29 день.

Въ лѣто 6967.

Въ лѣто 6968.

Въ лѣто 6969. Преставился благовѣрный великій князь Борисъ Александровичъ Тверскій, мѣсяца февраля въ 10 день; а княженіе великое держалъ 30 лѣтъ и 5. И сѣлъ на великомъ княженіи сынъ его князь великій Михайло Борисовичъ, мѣсяца февраля 15 день; а посадили его малого, полуята году. А Моисея владыку свели съ владычества (въ) Отрочъ<sup>2</sup> монастырь, а поставили Генадія Кож(у) на владычество; а ставили его на Москвѣ, а съ нимъ былъ бояринъ Семенъ Захариничъ, а ставилъ его митрополитъ Іона мѣсяца марта 22.

Въ лѣто 6970. Преставился благовѣрный великій князь Василей Василиевичъ Московскій, мѣсяца марта 28, на память святаго Іоны Варахиса, за 3 недѣли до Велика дни. И по немъ сяде на великое княженіе на Московское<sup>3</sup> сынъ его великій князь Иванъ Василиевичъ всея Руси, самодръжець Рускихъ земель.

Въ лѣто 6971.

Въ лѣто 6972.

Въ лѣто 6973. Погорѣлъ полъ Твери града кремля, да церквей 5 згорѣло, да великого князя дворъ весь, мѣсяца ноября 12 день.

(1) Въ подлинникѣ: изгономъ. (2) Тамъ же: трое. (3) Тамъ же: на московскомъ.

Въ лѣто 6974.

Въ лѣто 6975. Бывъ хмѣлю оковъ по рублю. Того же лѣта за Тмакою сгорѣла церковь святая Пятница, а дворовъ 110.

Въ лѣто 6976. Преставися владыка Монахъ въ (О)трочѣхъ монастыри; тутъ его положили.

Въ лѣто 6977.

Въ лѣто 6978. Князь великій Иванъ Василевичъ всеа Руси посылалъ рать свою на Казань, братію свою, князя Юрія и князя Андрія Василевича, да князя Василя Михайловича Верейскаго, и царевича Касымова сына, и судовая рать; и пришли х Казани<sup>3</sup>, и оступили городъ, а царь затворися во градъ; изнеможе весь градъ, и высла князей своихъ быти челомъ о миру, и князи Московскіе взяша миръ на своей воли, и възвратишася въ свои.

Въ лѣто 6979. Князь великій Иванъ Василевичъ Московскій ходилъ ратью на Новгородъ, лѣтъ, въ Петрово говѣніе, а говѣніа было 3 недѣли безъ дву день; да бой былъ на Шелонѣ воеводамъ съ Новогородци, и одолѣ имъ іюля 14. Воеводы были подъ Новымгородомъ Тверскыи<sup>4</sup> великого князя Михаила Борисовича князь Юрій Андрѣевичъ да Иванъ Микитиничъ Жито. Той же зими женися князь великій Михайло Борисовичъ Софіею, князь Семенова дочерь Одельковичъ.

Въ лѣто 6980. Въ лѣто 6981.

Въ лѣто 6982. Въ лѣто 6983.

Въ лѣто 6984. Въ лѣто 6985.

Въ лѣто 6986. Ходилъ князь великій Иванъ Василевичъ къ Новугороду Великому, и взялъ Новгородъ, и колоколъ вѣшной свѣсилъ, а владыку свелъ на Москву, и посадниковъ степенныхъ, и бояръ Новогородскихъ данныхъ, Новогородцевъ многихъ свелъ съ собою да

посажалъ ихъ въ Новѣгородѣ Нижнемъ; а<sup>1466</sup> въ Новѣгородѣ поставилъ на владычество<sup>1483</sup> Енадь(я) Москвитина, а намѣстника своего посадилъ въ Новѣгородѣ въ Великомъ князя Василя Обалинскаго. А съ великимъ княземъ были подъ Новымгородомъ братіа его князь Андрѣй меншій Василевичъ да болшій его бояринъ и воевода князь Иванъ Юріевичъ; а Тверскаа сила была великого князя Михаила Борисовича съ великимъ княземъ, а воевода былъ князь Михайло Феодоровичъ Микуллинскій<sup>5</sup>. И пришедъ князь великій изъ Новогорода Великого, той же зими, посадилъ сына своего на великое княженіе великово князя Ивана Ивановича<sup>6</sup>.

Въ лѣто 6987.

Въ лѣто 6988.

Въ лѣто 6989. Приходилъ царь Ахматъ на великово князя Ивана Василевича<sup>7</sup>, и стоялъ на рѣцѣ на Угрѣ 6 мѣсяць; а сила была великаго князя Михаила Борисовича Тверскаго тутъ же, а воеводи были князь<sup>8</sup> Михайло Дмитріевичъ Холмскій да князь Іосифъ Андрѣевичъ Дорогобужской.

Въ лѣто 6990.

Въ лѣто 6991. Преставися княгини великаа Софіа Михайлова, мѣсяца февраля 7; а была за великимъ княземъ Михайломъ Борисовичемъ 7 лѣтъ. И положена бысть въ святѣмъ Спасѣ, отъ владычня двора, посторонь велик(ыа) княгини Настасіи Борисовы. Того же лѣта былъ князь великій Михайло Борисовичъ въ Каши-нѣ съ матерію<sup>9</sup> съ великою княгинею.

Въ лѣто 6991. Женися князь великій Иванъ Ивановичъ Московскій у пана<sup>10</sup> у Степана. Принзидилъ Григоріевъ сынъ Заболотскаго Петръ отъ великого князя Ивана Василевича, съ радостію его, къ великому князю Михайлу Борисовичу мѣхъ вина, великой княгини На-

(1) Въ подлинникѣ: поустѣ. (2) Тамъ же: ратью. (3) Тамъ же: х казаніи. (4) Тамъ же: тверскыи. (5) Тамъ же: князь михайломъ феодоричемъ микуллинскимъ. (6) Тамъ же: ивановичъ. (7) Тамъ же: василевъ. (8) Тамъ же: князи. (9) Тамъ же: съ матерію. (10) Тамъ же: и у пана.

1483 стасіи Борисови мѣхъ вина, а великой княгини  
1490 Софіи мѣхъ вина; великому князю Михаилу Борисовичу (два) убрусца жемчугомъ сажены, великой княгини Настасіи Борисовѣ два убрусца жемчугомъ сажены, великой княгини Софіи Михайлови два убрусца жемчугомъ сажены. Того же лѣта, мѣсяца марта, бысть пожаръ за Тмакою, горѣла улица отъ Ивана святаго отъ Предтечи къ Пречистой на подолъ, по самую стѣну по церковную; силою своею защитила Господарыня храмъ свой, бѣ видѣти было страшно, пламень приидеть о церковную стѣну, како бы уже загорѣтися, такъ паки пламень прочь; дворовъ згорѣло да кѣлей съ 40. Той же осени, о Дмитріевѣ дни, родися сынъ у великой княгини у Олены князь великій Дмитрий Ивановичъ, на Москвѣ. Приѣздило въ Тверь съ поклономъ Володимеръ Елзаріевъ сынъ; и князь великій Михайло Борисовичъ поклону не пріалъ, и выслалъ его вонъ изъ избы<sup>1</sup>, и къ матери ему ити не велѣлъ къ великой княгини Настасіи.

Въ лѣто 6992, мѣсяца марта 24 день, былъ пожаръ за Тмакою отъ Потрошниковъ двора, згорѣло церквей 4: Пречистаа на устьѣ стараа и монастырѣ весь, и В(в)едеіе Пречистыа, и дворъ Марфиньской згорѣ весь, и Марина святаа да Пятница святаа и монастырь весь; а дворовъ 80, опрѣчь келій. Того же лѣта, на Великъ день, на самую Пасху, съ вечера была туча грозна, да громъ великъ, да молныя всю ночь силна; а въ завтреню въ самую дождь великъ и силенъ въ градѣ, а за 10 версть отъ града не было нѣчего.

Въ лѣто 6993. Преставися великаа княгини Маріа Васи́ліева Васи́левича; а былъ тогда на Москвѣ посолствомъ у великого князя у Ивана у Васи́левича владыка Васи́анъ Тверскій, да князь Михайло Дмитріевичъ Холмскій, да Василей Даниловичъ да Дмитрий Микитиничъ Чередъ.

Въ лѣто 6994. Пришелъ великій князь Иванъ Васи́левичъ всеа Руси ратию къ Твери, а съ нимъ были братіа его, князь Андрѣй да князь Борисъ Васи́левичъ, да сынъ его князь великій Иванъ Ивановичъ, да Новгородская сила, а у Новгородскыа силы воевода былъ Яковъ Захаріичъ, и Тверь взялъ; а князь великій Михайло Борисовичъ побѣждалъ въ Литву, а мать свою великую княгиню Настасію оставилъ въ Твери. Князь же великій Иванъ Васи́левичъ всеа Руси великую княгиню Настасію Борисову, и бояръ Тверьскыа много и князей на Москву свелъ; а Тверію пожаловалъ сына своего великого князя Ивана Ивановича, и посади его на всей вѣтчинѣ на Тверской, и намѣстника своего посадилъ въ Твери боярина своего Васи́ліа Федоровича Образа Добрынского; а владыку Васи́ана съ Твери не свелъ, мѣсяца септевра въ 12 день.

Въ лѣто 6995. Князь великій Иванъ Васи́левичъ всеа Руси Московскій посылалъ ратию на Казань, на царя Абреіма, болшего боярина своего и воеводу князя Данила Дмитріевича Холмьскаго, да съ нимъ многихъ воеводъ; а Казань градъ взял(и), а царя и съ царицею и съ царевичи на Москву привели къ великому князю Ивану. Князь же великій Иванъ Васи́левичъ на Казани царя посадилъ изъ своеа руки Обренмова же сына царева середнего, Махмеделенма; да съ нимъ посадилъ намѣстника своего и боярина Дмитрея Васи́левича Шенна, мѣсяца іюля въ 14 день, на память святаго апостола Акыла.

Въ лѣто 6996. Преставися Геронтей митрополитъ на Москвѣ.

Въ лѣто 6998<sup>2</sup>. Преставися благовѣрный и христілюбивый великій князь Иванъ Ивановичъ на Москвѣ, и положенъ бысть въ соборѣ архистратига Михаила на десной странѣ, у столпа.

(1) Въ подлинникѣ: вонъ избы. (2) Тамъ же: 7098.



Въ лѣто 7000-е, мѣсяца септєвра въ 20 день, поималъ<sup>1</sup> князь великій Иванъ Василіевичъ брат(а) своего князя Андрѣя Василіевича, и дрѣжа его въ велицѣхъ истомѣхъ.

Въ лѣто 7001, мѣсяца декабра въ 8 день, поималъ князь великій князь Феодора Бѣлскаго на Луху. Той же зими посылалъ князь великій Иванъ Василіевичъ воевати на Мезецкъ, и на Серпѣескъ и на Вязму.

Въ лѣто 7001-го, мѣсяца марта въ 31, противъ Маріина дни Египетскыя, погорѣ градъ Кострома. (Того же лѣта), мѣсяца апрѣля 15 день, въ 3 часъ нощи, противъ святыхъ мученицъ двою Ирвини и Агашини и Хіонини, згорѣ градъ Москва, нутрь град(а), противъ Радунници усопшихъ въ вторникъ. Того же лѣта, мѣсяца іюля 16 день, и память съвършаемъ святыхъ отецъ, иже на прѣвомъ съборѣ, иже въ Никен<sup>2</sup> спешшихся 300 и 18, загорѣся отъ грома болшій верхъ у Пречистой на Москвѣ въ вторникъ предъ Еленымъ днемъ. Того же дни у Пречистыя Владимирской у предѣла крестъ спалъ съ Благовѣщеніа. Того же лѣта и того мѣсяца, въ недѣлю, въ 28 день, святыхъ апостоль Прохора, и Никонора, и Тимона и Пармена, бысть пожаръ великъ зѣло, загорѣся за рѣкою церковь святой Никола на Пѣску, и погорѣ весь посадъ около града, отъ Черторыи и до Петра святаго, и торгъ, и отъ торгу всѣ дворы и до Устрѣтеніа, и нутрь града весь згорѣ. Того же лѣта, въ осенинахъ, мѣсяца ноябра въ 6 день, на память святыхъ отецъ Павла исповѣдника и Варламѣя Новгородскаго чудотворца, преставися князь Андрей Василіевичъ Углецко(й) въ нужной смерти.

Въ лѣто 7002, мѣсяца маа, преставися князь Борисъ Волоцк(і)й, великого князя сынъ Василіа Василіевича, мѣсяца маа 26 день.

Въ лѣто 7002-е. Приходили послы отъ вели-

кого князя Литовскаго къ великому князю<sup>1492</sup> Ивану къ Василіевичу къ Московскому, пань<sup>1496</sup> Петръ Яновичъ да Станиславъ Яновичъ, въ великой мясождѣ; и докончаные взяли и миръ, и обручали великого князя дщерь Олену за великого князя Литовскаго Александра.

Въ лѣто 7003. Приходили послы отъ великого князя Литовскаго Александра (Ка)зимейровича, князь Александръ Отокста, по великую княжну, великого князя дщерь Елену. Пошла<sup>4</sup> съ Москвы великаа княжна въ вторникъ, въ той же день по Крещеніе; а съ нею пошли бояре князь Семень Ряполовскій да Михайло Врусалка къ Литвѣ за великого<sup>5</sup> князя Александра за Литовскаго.

Въ лѣто 7004, септєбра 6, възведенъ на дворъ митрополитъ Симонъ, игуменъ Троецкый Сергіева монастыря; и поставленъ на митрополию всеа Руси того же мѣсяца въ 20, въ недѣлю. Той же осени, мѣсяца октября 20 день, выхалъ князь великій Иванъ Василіевичъ всеа Руси въ свою отчину въ Новгородъ въ Великій; и прихалъ князь великій Иванъ Василіевичъ на Москву на 6-й недѣлѣ поста, канонъ Благовѣщеніеву дни, въ четвертокъ, а Благовѣщеніевъ день былъ въ пятницу на 6-й недѣли. Той же осени прихаша на Москву отъ великіа княгини Елены изъ Литвы посланы останочные бояре, князь Василей Ромодановскій, да Прокофей Скурать Зиновьевъ, да Дмитрей Пѣшковъ, да попь Фома Легатосъ, и инѣ мнози; а съ ними прихалъ къ великому князю служити бояры изъ Царяграда, именемъ Феодоръ Ласкыръ съ сыномъ съ Дмитріемъ. Той же осени, октября 20, въ вторникъ, поиде<sup>6</sup> князь великій Иванъ Василіевичъ въ (о)тчину свою въ Великій въ Новгородъ, да съ нимъ сынъ его князь Юрый да внукъ его князь Дмитрей; а на Москвѣ остави у великой княгини Софѣи

(1) Въ подлинникѣ: въ той же день поималъ. (2) Тамъ же: въ никен и. (3) Тамъ же: данъ. (4) Тамъ же: въ лѣто 7003 пошла (5) Тамъ же: великою (6) Тамъ же: тогда.

1496 сына своего князя Васи́ліа съ меншею братією.

1499 Въ Новгородѣ приде ноября 17, вторникъ. Тоя же осени, декабра, Крутицкій епископъ Силуанъ остави епископію и приде въ манастирь на Угрѣшу. Тогда же бывшу митрополиту Зосимѣ у Троицы въ Сергѣевѣ манастири, причащался божественныхъ таинъ на орлецѣ въ всѣмъ святительскомъ чину.

Въ лѣто 7000-го 6. Поималъ князь великій Иванъ Васи́ліевичъ, по Рожествѣ Христовѣ, Вълодимера Гусева, Елизарова сына, да<sup>2</sup> Афона-

сіа (Я)ропкына, да Ивана Херуля князя Иванова сына Палецкова, да Щавья Скрыбина, (д)а Феодора Стромилова, да Боярка, Рунова брата, и велѣлъ ихъ казнити смертною казнію.

Въ лѣто 7007-го. Поималъ князь (великій Иванъ Васи́ліевичъ) князя Ивана Юріевича, да его дѣтей, князя Васи́ліа да князя Ивана, (д)а зятя его князя Семена Ряполовского, мѣсяца генваря 31 день; и стять бысть князь Семень Ряполовскій мѣсяца феврала 5 день<sup>3</sup>.

(1) Въ подлинникѣ: зосима. (2) Тамъ же: на. (3) За сими въ рукописи помѣщены: а) краткое родословіе отъ рюрика тверскихъ князей; б) исчисленіе владѣтельныхъ лицъ въ европѣ, и в) сказаніе о доносѣ бою. похвала великому князю дмитрію иваничю и брату его князю володимеру андрѣевичу.

# О П Е Ч А Т К И.

Столб.	Строка.	Напечатано:	Читай:
13	14	Иванъ Семеновичъ	Иванъ Ивановичъ <sup>а</sup>
13—14	1-я въ вариант.	Между 1-мъ и 2-мъ вариантами прибавить слѣдующій: (2) Тамъ же, по ошибкѣ: семеновичъ	(2) Тамъ же, по ошибкѣ: семеновичъ
63—64	2-я въ вариант.	(8) Тамъ же: не выдать.	(8) Тамъ же: не выдать.
121	38	Бориса;	бориса,
126	24	плѣну а	плѣнуа
130	21	ярославъ	ярославъ <sup>7</sup>
130	23	святополкъ <sup>а</sup>	святополка <sup>а</sup>
147—148	въ заголовкѣ	тверская лѣтопись (г. 6527—6529).	тверская лѣтопись (6542—6551).
148	30	святыхъ, (и) иконы,	святыхъ (и) иконы,
148	31	и силенъ и	и силенъ, и
174	9	въ градѣ;	въ градѣ,
219	3	къ суждаю;	къ суждаю,
219—220	5-я въ вариант.	(7) Тамъ же: к но вогородцу.	(7) Тамъ же: к но новгородцу.
258	7	вси	вон
258	8	въ доспѣсахъ аки	въ доспѣсахъ, аки
341	9	(и Мстиславъ)!	(и Мстиславе)!
378	32	исповѣдаему	исповѣда ему
379	21	великій	великій,
385	5	много ю	многою
431	10	Еремѣева братанича	Еремѣева, братанича,
431	1-я въ вариан.	(2) Тамъ же: братію.	(2) Тамъ же: братію.
444	2	въ Вехрѣ <sup>а</sup>	въ Вехрѣ <sup>а</sup>
444	8	ратью <sup>а</sup>	ратью <sup>а</sup>
444	11	8000 <sup>а</sup>	8000 <sup>а</sup>
444	18	владыки <sup>а</sup>	владыки <sup>а</sup>
444	21	Пимень <sup>а</sup>	Пимень <sup>а</sup>
448	39	рстваца	царства
463—464	1-я въ вариан.	(4) Тамъ же.	(4) Тамъ же:
467	на полѣ	1362	1363
468	6	благоумную	благоумную <sup>а</sup>
479	34	человѣколюбень,	человѣколюбень
485—486	въ заголовкѣ	тверская лѣтопись (г. 6916).	тверская лѣтопись (г. 6917—6922).





